



17. 5. 16

Biblioteca Complutense

Ildefonsina.

E. 23. c. 1. N. 16.

DER
N. 13952

ACTA
ERUDITORUM
ANNO
M DC XCVII

publicata.

*Cum S. Cæsareæ Majestatis & Serenissimi
Potentissimique Regis Polonia & Electoris
Saxonia privilegiis,*

L I P S I Æ.

Prostant apud JOH. GROSSII Hæredes
& JOH. THOM. FRITSCHUM.

Typis JOHANNIS GEORGII.
M DC XCVII.

Ex Bibliotheca

*Bernh. Darystorffii
et J. F.*



SERENISSIMO POTENTISSI-
MOQVE DOMINO

DOMINO

FRIDERICO
AUGUSTO,

REGI POLONIÆ, MAGNO
DUCI LITHUANIÆ, RUSSIÆ,
PRUSSIÆ, MASOVIÆ, SAMOGITIÆ, KYOVIÆ,
WOLHYNIÆ, PODOLIÆ, PODLACHIÆ, LIVONIÆ,
SMOLENSCIÆ, SEVERIÆ ET CZERNICHOVIÆ; DU-
CI SAXONIÆ, JULIÆ, CLIVIÆ, MONTIUM, AN-
GRIÆ ET WESTPHALIÆ, SACRI ROMANI IMPERII
ARCHI-MARESCHALLO ET ELECTORI, LANDGRA-
VIO THURINGIÆ, MARCHIONI MISNIÆ ET SUPE-
RIORIS INFERIORISQVE LUSATIÆ, BURGGRAVIO
MAGDEBURGI, COMITI PRINCIPALI HENNEBERGI-
CO, COMITI MARCÆ, RAVENSBERGI ET
BARBYÆ, DYNASTÆ IN RAVEN-
STEIN, &c.

*DOMINO NOSTRO INDUL-
GENTISSIMO,*



Edecim fluxerunt anni, ex quo Tibi,
Rex Augustissime, & recorda-
tionis gloriosissimæ Fratri, Actorum
horum primitias subjectissima vene-
ratione nuncupavimus. Princeps
eras ea tempestate floris vernantissi-
mi, duodecimum ætatis annum non ita pridem egressus;
sed in divinarum animi corporisque dotium, quas supre-
mi Numinis indulgentia cumulatisime in Te effuderat,
admirationem jam tum rapiebas omnes, ac ad summa
quæque Te natum universis comprobabas. Nec quis-
quam tamen fortasse tum exstitit futurorum adeo præsa-
gus, ut tam brevi spatio isti Te fastigio admotum iri augu-
raretur, in quo hoc tempore Majestatem Tuam colloca-
tam suspicimus. Superstes nempe adhuc erat æternæ
memoriæ Pater, cujus integra ætas & vividæ corporis vi-
res seram illi canitiem Nestorisque annos pollicebantur.
Isto autem Heroe inter ipsas excubias, pro salute S. Ro-
mani Imperii fortissime susceptas, præmature extincto,
ad capessendum Electoratus Saxonici regimen Frater
Tuus natalium prærogativa vocabatur, Princeps flori-
disimæ juventutis, initoque mox connubio Sobolem
opinione omnium suscepturus, quæ ad solium Electro-
rale Tibi, *Rex Potentissime*, aditum præcluderet. E-
nimvero secus visum fuit supremo, quod summorum
Principum fati liberrime moderatur, Numini, quod Fra-
tre Serenissimo improli ac inopinata morte rebus huma-
nis

nis exempto, Electorali Te tunc quidem purpura, nuper etiam Regio diademate indutum ornatumque voluit. Nimirum augustior multo erat virtus Tua, quam ut Principis alieno obnoxii imperio sortem diu sustineret: neque Saxonice illa provinciis, ut cunque insignibus, quarum regimen felicibus auspiciis susceperas, coerceri poterat; sed vastiorem anhelabat campum, in quo vim suam illustrioribus factis laureisque proderet. Nec minus fortissimæ Polonorum Gentis salutis asserendæ, quam promovendis honoribus Tuis, *Rex Serenissime*, Divina Providentia censeri debet invigilasse. Orbata illa erat Rege incomparabili, cujus prudentia ac dexteritate, propulsata, certe sublevata, videri mala poterant, quæ atrocissima olim bella Regno invexerant: augebant arumnam publicam ex Principis desideratissimi obitu, diversa Procerum de novo Rege decernendo studia; quæ in eas jam simultates exarserant, ut citrà prævium civilis funestique belli experimentum, transactum iri haud pauci diffiderent. Quo rerum statu, dubio utique & ancipiti, cum Tu, *Rex Augustissime*, velut Deus ex machina, auspicato intervenires, atque a suscipiendis, si offerrentur, Regni habenis haud alienum Te ostenderes; Inclutissimi ipsius Senatus Polonici, & Nobilitatis Generosissimæ audemus compellare conscientiam, annon omnem expectationem suam vota que superata tum agnoverint? Hanc certe mentem nisi propitia Poloniæ Fata Tibi subdidissent, quid causæ, quæsumus, fuisset, ut cum ipse Electorali

rali dignitate, quæ Regiæ proxima est, effulgeres, avitasque terras ab omni turbarum quarumcunque metu immunes fortunate pacateque gubernares, externum disfitumque ambires Regnum, non hæreditariis accessurum provinciis, sed Tuis opibus & victore exercitu, cum validissimæ Gentis viribus amicissime conjunctis, in pristinum decus atque florem, Deo Ter Maximo justissimis ausibus opitulante, asserendum liberandumque a gravi Barbarorum vicinia? Et vero Saxones, quibus Tua, *Indulgentissime Princeps*, ceu Solis sui præsentia privari malum est intolerabile, fortunam eam Polonis invideremus merito, nisi dextra nunc potius illis, velut Fratribus communem Patrem pari nobiscum obsequio & subjectione venerantibus, porrigenda foret; certa que spe foveremur, æquisimo vicissim animo laturam esse Gentem inclytam, ut ubi in Polonia firmatæ res fuerint, exoptatissimæ lucis Tuæ radiis ex cœlo Saxonico in nos iterum effusis reficiamur, communiaque nobis sint partitis vicibus tanti Principis solatia. De Tuo ipsius enim, *Clementissime Domine*, paterno in nos affectu nefas foret vel minimum ambigere aut angere, metuere ne aliquando animo Tuo memoria amorque nostri decedat, qui cunas jam Tuas sumus venerati; qui post improvisum prorsus Serenissimi Fratris excessum, Te velut cœlitus delapsum munus excepimus; qui imperanti devotissimam & ne ulla quidem sinistra cogitationis macula contaminatam subjectionem nunquam non præstitimus. Inter hæc vero,
dum

dum Regium culmen Majestati Tuæ gratulatum undique concurratur, dumque Regni Polonici Magnates Heroicarum virtutum Tuarum, quas non nisi fama, sed minime fallaci, rerum in Hungaria præcipue adversus Turcas strenue gestarum, cognitæ ante habuerant, exempla cominus capiunt quotidie, atque incredibile Tuum pro salute sua studium, regnandi prudentiam summam, & inusitatam illam omnium animos conciliandi devinciendique vim, domi magis indies magisque admirantur: nobis etiam, qui Eruditi Orbis Acta ad posterum propagare studemus, quod devotissimæ gratulationis atque pietatis qualecunque pignus ad Majestatis Tuæ pedes deponere audemus, non futurum arbitramur reprehensioni. Postquam enim præsens operis istius volumen, post alia numero septendecim, divino adjutu absolvimus, illius nunc quidem anni, quem, præter pacem publicam Europæ Christianæ restitutam, delata Majestati Tuæ Poloniæ Corona in omnem ætatem memorabilem reddidit, gesta litteraria complexum; Augustissimo Nomini Tuo idem humillima reverentia facrum esse cupimus, Supremum Numen ardentissimis precati suspiriis, ut faustum porro atque fortunatum Poloniæ pariter ac Saxonie regimen, & præter ea omnia, quæ Regiis ipse desideris complecti unquam potes, Turcarum & Tartarorum Chersoneto Taurica omnique Europa depulso gloriæ clementissime Tibi largiatur. Serva interim, *Rex Augustissime*, nobis & subditis tuis universis

niversis animum pristinum, & si e throno Regio Mus-
fas respici a Te fas est, Acta etiam hæc nostra, quæ Divi
Parentis auspiciis olim cœpta, in aliquam jam molem
succreverunt, gratia Tua & Regio patrocínio tueri por-
ro ne dedignare. Dabamus Lipsiæ exeunte anno
M DC XCVII.

*Regiæ Majestati Vestræ
& Serenitati Electorali*

devotissimi

Actorum Eruditorum Collectores.

N. I.
A C T A
ERUDITORUM

*publicata Lipsiæ
Calendis Januariis, Anno M DC XCVII.*

PRINCIPES DE PHYSIQUE.

Hoc est:

PRINCIPIA PHYSICÆ, AUCTORE NICOLAO HARTSOECKER.

Parisiis apud Joh. Anisson, 1696. 4. plag. 32.

UT Clarissimus Auctor principia causasque præcipuorum phaenomenorum naturalium explicet, substantiam, hoc universum replentem, neque ex omni parte durum, neque totam absolute liquidam esse posse censens, duo rerum, naturalium elementa esse statuit, quorum primum infinite sit extensum, perpetuo in omnibus suis partibus agitarum, unde quaque homogeneum absoluteque liquidum, ita tamen ut dividi nequeat in partes plane a se invicem separatas; alterum vero finite sit extensum & perfecte durum, h. e. constans ex corpusculis numero infinitis, figura & magnitudine differentibus, actu indivisibilibus & impenetrabilibus. Atque hæc quidem corpuscula elemento primo ita innatare supponit, ut ab eodem undique cingantur, nec se invicem contingere possint, nullaque proinde corporum talis detur contiguitas, qualem omnes adhuc Philosophi admittere non dubitarunt. Quæ quidem prolixius exponit *capite primo, secundo* agens 25 propositionibus de motu ejusque quantitate, quam cum Cartesianis vocat productum ex numero qui magnitudinem corporis designat, & illo qui denotat ejus celeritatem. Utitur autem hoc quoque axiomate, quodlibet corpus manere in statu vel motus vel quietis, nisi externa causa illud ab eodem depellat, æquilibriumque corporum, ex eo deducit, quod corpora, quæ sibi occurrunt mutuo æqualibus momentis, rodiguntur ad quietem, & corpora libræ affixa spectari possunt,

A

ac




ac si directe se mutuo percuterent, cum uno moto alterum quoque moveatur. *Tertio* capite formationem terræ planetarumque describit, hac assumpta hypothesi: Divinum Numen principio rerum creatarum elementis motum improffisse, quo factum, ut secundi elementi, confuse innatantis elemento primo, particulae minores plus motus acquisiverint majoribus, secessionemque facientes a majoribus lentius motis, & versus circumferentiam tendentes, has ad centrum depulerint, ita ut sphaeram, & illam quidem, cum valde different figura & magnitudine, ex diversis stratis constantem componerent: fortassis etiam circa centrum ita concurrisse putat moleculas, fornicem ut constituerent subtiliori materia repletum, perinde ut stratorum. hinc inde partes, cum residerent, fornicatam induerint formam, sicque ortum globum vallibus, montibus, & cavernis subterraneis instructum, qualis terra nostra est, ruinisque valde obnoxium, si ab ignibus in cavernis subterraneis excitatis ei vis inferatur. Eodem modo reliquorum planetarum & annuli Saturnii originem concipi posse existimat, & *capite quarto* ex hoc corpusculorum subtilium recessu a centro descensum gravium corporum derivat, ac proinde, cum ille percussioni debeat suum ortum, contra Galilæum & Borellum concludit, vi primi statim ictus gravia determinatam spatii longitudinem percurrere tempore determinato. Speciatim aerem gravem esse comprobatur experimento barometri, rationemque cur tempore pluvio levior deprehendatur, hanc reddit, quod tum vapores aquei adscendant & quodammodo sublevent aereas particulas, in quas impingunt. Hinc *capite quinto* transit ad naturam & proprietatem plurimorum corporum, tam solidorum quam liquidorum indagandam. Præcipua huc redeunt: soliditatem ex gravitate seu pressione subtilioris materię nasci, eamque eo majorem esse, quo altiores sunt columnę incumbentes, planaue, quibus se contingunt partes corporum, ampliora; hinc & difficilior liquari & malleo tenuari hujus generis corpora, præsertim si plana partium non sunt polita, sed asperitatibus prædita; eidem quoque causę elasticitatem acceptam referendam esse; fluidorum partes esse sphaericas aut sphaeroides vel etiam polyedras, magnitudine soliditateque differentes, prout ipsa fluida pondere, aut fluiditate sunt diversa, ut v. g. mercurii partes sint sphaulæ solidæ, aquæ cavæ, aeris ex armillis quasi contextæ, & sic porro;

F
2
0

B. L
Fig. L



TAB. I. ad A. 1



an. Sculp. Lips.

ex partium configuratione proprietates corporum esse arcessendas. Quod qua sit ratione faciendum postquam variis speciminibus ostendit in auri, mercurii, aeris, soni, ferrique proprietatibus, *capite sexto* describit formationem Solis stellarumque fixarum, ortarum nimirum ex elemento primo, abeunte, cum secundum in planetas coalesceret, in plurimos globos igneos. Horum natura ut eo rectius intelligatur, de igne pluribus agit, ejusque ortum fermentationi tribuit, exemplo usus aquæ fortis limaturæ ferri affusæ; flammam vero putat excitari, cum corporum partes irregulares lovesque in aerem abreptæ, & cum salis aerei particulis fermentantes, primo elemento innatant; pondus autem atmosphæræ terram ambientis flammamque comprimendi efficere, ut ex ea rivuli primi elementi promanent, quos radios luminis appellamus. Supponit ergo, cum fixæ conderentur ex elemento primo, cinctas illas fuisse diversis quasi stratis aut atmosphæris crassioris subtiliorisque materiæ, ignesque illos majores minoresque factos, pro quantitate materiæ combustibilis circumstantis, aut prout gravitate sua magis minusve apta fuit, ut in hos ignes incideret: ipsam autem materiam fixas ambientem pondere suo infinitos rivulos elementi primi seu radios luminis exprimere. Manere porro eadem magnitudine fixas censet, quia fumipartes, qui continue ex illis egreditur, atque nutrimento ipsis fuit, in certa distantia denuo collectæ graviioresque factæ, quam ut viam suam continuare possint, in astra illa recidunt, fermentantesque cum salibus aeris, qui illa cingit, flammam suscitant, novumque stellis alimentum suppeditant. *Septimo capite* Cl. Auctor explanat motum terræ & planetarum eadem fere ratione, quam in *Tentamine novi Systematis Mundi anno 1691 Parisiis edito* ipse tradidit anonymus, cujus hæc brevissuma est: si ponamus (Fig. 1.) punctum T fuisse locum æquilibrium telluris, eam æqualiter impulsam a radiis Solis non ad B usque, sed solum propelli debuisse, in quo resistentia impulsui æqualis, sed ritu omnium corporum ad æquilibrium tendentium, ulterius ad D usque procedere, atque hinc fere usque ad T regredi, sicque plures oscillationes peragere, antequam in B quiesceret; cum vero æqualis illa impulsio locum non habuerit, ob partes telluris heterogeneas, ex quibus fluidæ tantum non recipiunt impetum, quantum solidæ, multumque difficilius telluri fuerit a T procedere usque ad D, quam circa

A 2

Solem

TAB. 1.
Fig. 1.

Solem gyrum describere, hinc ipsam viam percurrere cœpisse ex utraque quasi compositam, circulum nimirum eccentricum T C. Hoc in cursu tellurem secum abripuisse materiam cœlestem, & circa Solem vorticem effecisse, adeoque viam quasi munivisse reliquis planetis, ut impulsu a radiis solaribus ab occidentē versus orientem moverentur. Hinc effici, majorem olim fuisse telluris eccentricitatem, eamque sensim minui, donec tandem tota evanescat. Aphelium locum mutare, quia materia cœlestis a planetis in motum concitata, tellurem a suo cursu aliquantum abripit. Planetas aphelios tardius, perihelios velocius revera moveri, quia in hos major agit radiorum solarium quantitas quam in illos, quamvis in tellure id non admodum sit sensibile, quoniam in aphelio terras, in perihelio maria Soli obvertit, atque ita dicta inæqualitas quodammodo compensatur. Tantum motus imprimi a radiis solaribus planetis, quantum impertiuntur materiæ cœlesti ipsis resistenti, ac proinde motum ipsorum non amplius augescere. Planetas olim non determinatos fuisse a radiis solaribus, ut in eodem moverentur plano, sed cum unus alterum quasi secum abripuerit, factum, ut fere in uno plano moverentur, seu ut orbis illorum se interfecarent, & tanto quidem obliquius, quo majori vi cidentur, seu quo Soli propiores. Lunam circa Solem quidem primum motam, statim vero cum propior facta fuisset atmosphæra æthereæ telluris, a radiis solaribus propulsam circa hanc gyrare cœpisse, cumque secum abriperet materiam cœlestem terram cingentem, ab hac tellurem, alias jam impulsam a Solis radiis circa axem, qui per centrum gravitatis ejus transit, in orbem fuisse motam. Jovem citius converti circa suum axem quam terram, quoniam atmosphæra ejus a quatuor satellitibus propellitur, longe velocioribus nostra Luna. Lunam eandem faciem ad nos semper convertere, quia cum fortassis in parte averſa mera sint maria, solidiores autem partes hemisphærium nobis conspicuum componant, gravior pars semper deorsum versus nos propendet. *Capite octavo* fluxus & refluxus maris causa petitur a motu Lunæ, mediante materia cœlesti telluris atmosphærae aeræ communicato, quæ deinde aquas oceani non ex illis tantum locis, quibus Luna imminet, sed oppositis quoque, propellat. Quod autem fluxus major contingat in noviluniis & pleniluniis æquinoctialibus, ex dispositione marium littorumque deriva-

tur

tur. Porro ut naturam proprietatesque magnetis explicare possit Cl. Auctor, sumit *capite nono*, in terra circulari mollem limum triangularibus prismatibus eodem ordine sitis repletum, ita tamen ut axis circulationis differat ab axe motus terræ diurni, perinde ut contingit in sphaera vitrea aqua repleta, cui injecti cylindruli cavi ejusdem cum aqua gravitatis specificæ (Fig. 2.) prismata verò illa intrus cava, illisque ex quibus ferrum componitur similia esse, nisi quod strictioribus gaudeant canaliculis materia subtili repletis, quæ dum terra ab occidente versus orientem convertitur, magno impetu ex illis erumpat, reflexaque a circumstantibus corporibus per circulum redeat in prismata, continuoque circa tellurem gyretur: magnetem autem nihil aliud esse, quam limi prismatibus ferreis repleti partem induratum, commodeque terrellam vocari, cum non secus ac terra a materia subtili, quæ magnetica dici solet, ambiatur & pervadatur. Censet ergo, declinationem magnetis propterea variari, quod poli magnetici limi convertantur ab oriente versus occidentem circa polos motus terræ diurni A & B, in circulo v. g. A C, ex succedentium temporum observationibus determinando: ferrum ad magnetem ideo accedere, quod materia, dum magnetem ingreditur, viam brevissimam affectans in solidas prismatum ferri partes impingat: vim magneticam ferro tribui a magnetis contactu, dum partem aliquam atmospheræ magneticæ recipit & secum aufert, atque hinc quoque magnetes optimæ notæ fieri debiliores, si plura iisdem frustra ferri admoveantur virtute donanda. Quam plurima quoque alia singulariaque experimenta ex sua hypothese declarat, quæ ex ipso Auctore cognoscere non pigebit Lectorem rerum naturalium curiosum. Ita quoque deprehendit *capite decimo*, ignes subterraneos & terræ motus derivari ex fermentatione analogâ illi, quæ contingit, quando limatura ferri cum sulphure mista humectatur aqua, dum dilatat aerem inclusum subterraneis cavitatibus: *capite XI* ventorum causam ordinatam statui motum terræ diurnum, quæ tamen turbetur a radiis Solis nunc hic nunc illic aerem rarefacientibus, ab occurssu montium, vaporibus ex terra marique ascendentibus, fermentationibusque in aere factis, & hinc ventorum statuum rationes afferri: *capite vero duodecimo* de meteoris, & *decimo tertio* tandem de origine fontium & fluminum docte breviterque tractari.

TAB. I.

Fig. 2.

DISSERTATIO DE NOMINE PATRIARCHÆ JOSEPHI A
Pharaone imposto, in defensionem vulgata Editionis, & Patrum, qui
Josephum in Serapide adumbratum tradiderunt, Auctore Fra-
tre GUILLELMO BONJOUR Tolosano,
Ordinis Eremitarum S. Augustini.

Romæ, typis Francisci de Rubeis, & Francisci Mariæ Acsamitek
a Kronenfeld, 1696. plag. 81.

VExatissimum est cognomen ZAPHNATH-PAHANEACH, quo
Josephum a Pharaone condecoratum legimus Gen. XLI, 45, mul-
tumque in eo explicando variant Interpretes. Receptissima est senten-
tia, quæ istis vocabulis arcanorum revelatorem innui contendit. Ast
versio vulgata per *Salvatorem mundi* ista transiit. Sed cum a non
paucis hæcenus ostensum fuerit, quod dicta modo expositio vix ulla
ratione alia, quam prævio Hieronymi exemplo nitatur, hinc trans-
lationis non minus vulgatæ ac Hieronymi auctoritatem vindicatu-
rus hic viginti quinque annorum Juvenis haud indolens, Joanni ante
omnia Gregorio contradicit, qui asseruerat, eum, qui Hieronymo
glossam de vocibus istis per *re* Salvator mundi exponendis revela-
verit, satis ipsi imposuisse. Non enim fugisse perhibet Hieronymum
notitiam linguæ Ægyptiacæ, e qua sola tamen clavis interpretationis
hec petenda veniat. Atque hoc assertum inde stabilire nititur, quod
epistolas, quas Pachomius, Cornelius & Syrus Ægyptio sermone,
sibi scripserant, & quarum mentionem Gennadius facit in Pachomio,
Hieronymus Latinas fecerit, seque Ægyptii sermonis simplici-
tatem imitatum ipse fuerit professus; id quod manifeste satis edoceat,
quam idoneus ipse testis sit significationis vocabulorum hujus lin-
guæ, ac illis omnino præferendus, qui nulla Ægyptii sermonis ratione
habita, nomen hoc revelatorem arcanorum interpretentur. Sed ut
paulo penitus vocabulorum eruat significationem, per vocem צפנת
servatorem notari, primo loco ostendit. Radicem namque צפן idem
esse vult ac servare, custodire & conservare, unde Prov. XIII, 22,
tam in paraphrasi Chaldaica, quam in versione Syriaca, reddatur per
verbum כטר, servavit, eandemque significationem & in aliis, quæ
asserit, locis obtinere commemorat. Porro Chaldaicum כטר id esse
ait, quod Hebraicum שמר: sicut ergo hoc foeminina terminatione
שמרת

שֹׁמֵר sit servator, conservator, custos, ita quoque צֹמֵר idem denotare existimat. Quod interim Ægyptius sermo fœmininam in masculis terminationem admittat, alibi se demonstraturum dicit, ubi de veteri Ægyptiorum lingua sit acturus. Deinde altero vocabulo פֶּעֶנַח mundum innui secundum Ægyptios sic probat, ut præ cæteris alleget Ægyptium Orphicorum Phaneta, qui ex ovo profusus hieroglyphice dicatur; ovo autem mundum adumbrari ostendit. Pan porro esse mundum dicit, interque alia id inde probat, quod cum nomine quoque Chemmis donarint Ægyptii; istud ipsum vero mundum significare, prolixis usus deductionibus docere satagit. Ad hæc Herodorum testari, quod Pan Ægyptiace quoque Mendes vocetur: sicut ergo Græcorum τὸ πᾶν sit universum, ita τὸ Mendes ipsi idem est, quod Latinorum mundus. Tandem vocem פֶּעֶנַח asperrima literarum enunciatione adhibita proferri posse *phonghanc*, cui vicina sit Japonica vox *phongacu*, quæ omnes mundi partes significet. Eo autem nomine ideo insignitum refert Josephum, quod custos fuerit & curator thesauri totius orbis. Nam LXX Interpretes Hebraico verbo צֹמֵר sepe substituere verbum ἡστυασις: ut adeo Servatoris mundi nomine quaestorium Josephi munus, quo pro orbe terrarum a famo liberando donarit eum Pharao, quam optime expressum fuerit. Quid? quod & dicta hæcenus ex nomine uxoris Josephi illustrare liceat. Virorum quippe officia dignitatesque in uxores ut recidant, atque inde iis nomen fiat, haut ait esse infrequens. Ast nuncupatam ejus conjugem סֵנַח Gen. XLI, 45. hoc est, reconditricem seu coacervatricem, a Syro themate סֵנַח, coacervavit; sicuti & reconditum esse Hebraice dicatur סֵנַח ab inusitata radice סֵנַח.

Hæc primi capitis in Tractatu isthoc contenta sunt. Nunc in secundo Auctor probat, quod in allata quadam ex Grutero inscriptione Serapis Servator Josephus sit. Serapis enim, qui & Sorapis, nomen habere ipsi videtur ab Hebraico שׁוֹר, bos, & סֵפִי, quod sit spica. Id vero omnium optime quadrare in Josephum, de bobus & spicis interpretem. Hæc peruenire dicit Serapidis natalitia diebus septem ab Ægyptiis acta, & procul dubio bovem spicamque septuplicem inuentia. Porro Osirim quosdam Serapim existimasse edocet. Ægyptios autem vaccam sub solstitium hybernum septies circa templum circumferre solitos, quem ritum vocarint indagationem Osiridis, circulum-

culumque Solis; jam Solis circulum notare ait cursum annum, unde cum septem boves septem annos olim denotarint, indagatum fuisse ista solennitate Osirim sive Josephum Servatorem mundi, thesauros pro universo a fame per totidem annos liberando facientem. Nec male in eum quadrare Osiridis nomen, quandoquidem Hebraicum **אֲסַרְתָּ** thesaurizantem seu thesauros facientem indigiter, Osirim quoque cum Pana multi esse existiment, occasionem apprehendit Auctor explicandi istum nummum, in quo describendo Rigordus atque Graverollus jam ante desudarunt, prout nos Tomo II. Suppl. p. 369. seqq. dixisse meminimus, ubi & ipse nummus æri incisus potest conspici. In anteriori nempe parte apparere putat Osirim imberbem & cornutum: figuras autem, quæ in postica parte conspiciuntur, crescentis puta Lunæ cornua super tripodem variis æniis exornata, una cum globulo papillato & quatuor punctis interstincto, similem in modum Osiridi vindicat. Literas adjectas *Λε* interpretatur *Λυκάβατος* σ anno ducentesimo. Hunc annum accipit de anno periodi Julianæ 4589, V.C. 629, & ante Christi epocham 125, quo consularum gesserint M. Plautius Hypsæus & M. Fulvius Flaccus. Hoc ipso autem maximam sterilitatem in Africam intulisse ingentem locustarum numerum, quæ occasionem nummo isti præbuerit, dum Ægyptii, seu consternatione ob istam famem affecti, seu saluti Africæ suis divitiis consulturi, ad Josephum servatorem & nutritium orbis confugientes eundem cudi fecerint. Deinde, quod Ægyptus fame laborantium asylum, ejusque Serapis istorum Servator habitus fuerit, ostendit: hieroglyphicam quoque simulacri Serapidis expressionem a Macrobio lib. I. Saturn. c. 20. delineatam ita explanat, ut cuncta in Josephum haud difficulter quadrare evincat. Serapæum canem Anubim vulgo nuncupari dicit, procul dubio quia Joseph fuerit **הַכִּיב**, progerminans, frugifer, fructum proferens. Inscriptionem apud Reinesium, ubi frugifero Sarapi fortuna adjungatur bonusque eventus, optime quoque de Josepho capi posse, totus sibi persuader.

Serapidis comes individua Isis est: quamobrem, posteaquam Auctor per Serapim Josephum Servatorem adumbratum fuisse ostendit, ulterius, quod in eundem quoque Isis recidat, capite tertio evictum dare conatur. Potissimum autem in eo est, ut probe, Isidem dictam fuisse salutarem, pictamque eam bovis habentem cornua, utpote

utpote cui vaccas etiam consecrare Ægyptiis placuerit. Nobile hinc argumentum peti posse autumat, quod Isis fructiferum Josephum, boum somnii Pharaonis interpretem retulerit. Spicas eam capite circumtulisse, e testimoniis antiquis monstrat: has ergo non alium in finem ipsi tributas conjicit, quam ut spicarum a Pharaone visarum imaginem exhiberent. Filium Isidis dictum legi Consum, ideo, quia Josephus fuerit כנס hoc est colligens seu congerens. Munus Consi fuisse, salutaria & fida suggerere consilia: idem fecisse Josephum, Isidi addi Bubastin sive Dianam: hanc vero exhiberi multumammiam spicasque manu præferentem; quod quilibet ad Josephum facile queat trahere. Fabulatos veteres, Dianam aprum immisisse magnitudine & robore insignem, qui terram coli & in ea sata fieri minime siverit, pecoraque omnia & obvium quemvis e medio sustulerit, usquedum Meleager transfollo latere beluam interfecerit. Apro sterilitatem denotari; quia vero sepositis ad usum famelicorum frugibus inopiæ occurrerit Josephus, hinc traditum, quod is aprum interfecerit, dictumque eum Meleagrum, quod Hebrais מלה sit multitudo, & נגר significet congregare, congerere. Isidem dici Inachi filiam; qua fabula respectum credit ad annem, unde emergentes boves Pharaon viderit, ac cum Josepho locutus dixerit: הנה הנה, *Inneachu*. Argum centum oculorum vaccæ Ius sive Isidis custodem refert ad centum conjectores sive prophetas atque sacerdotes Ægyptios, quos Pharaon super suo somnio consuluerit. Nec male in eos quadrare ait nomen Argi, quia Hebrais ארגו comitatum seu cohortem significet.

Ita illustrata Iside, Isiorum tempus in obscuritate latere Auctor noluit, præsertim cum Gemini, nobilissimi Scriptoris, ætas exinde possit detegi. Isia videlicet solennia erant Ægyptiorum in honorem Isidis celebrata. Annis vero 120, postquam hæc inciderunt in solstitium hibernum secundum Eudoxum & Ægyptios notatum, Geminus se scripsisse dicit elementa sua Astronomica, librum antiquitatis studiosis pernecessarium. Nisi ergo Isiorum tempora recte determinaveris, nunquam etiam Gemini ætatem determinare certo poteris. Isia proinde Auctor noster in prima Appendice neutiquam cum Scaligero in VI Paophi, nec cum Petavio in XVII mensis Athyr conjicit, sed a prima die mensis Athyr ad quintam inclusive, hoc est,

B

V, IV,

V, IV, III, prid. & Kal. Novembris celebrata ostendit. Is autem, quibus in hoc negotio nitatur, rationibus late deductis, eo tempore, quo scribebat Geminus, quod ante annos 120 Isia inciderint in solstitium hibernum, (Ægyptii enim annum isto ævo vagum adhuc in usu habebant,) necessario actum fuisse annum ante Christi epocham 137, decimum nempe Ptolemæi Evergetis secundi, concludit, mentemque hanc suam pluribus, quam heic referrelliceat, declarat.

Sed & alia Appendix superest, in qua de tempore celebratorum ab Ægyptiis Serapiorum disquirat Auctor, idque refert ad octavum anni ipsorum mensem, Pharmuthi nomine insignitum. Quod autem ad diem mensis attinet, observat, Ægyptios diem ad Solis occasum facere, & ad alterum occidentem terminare. Serapia ergo celebrari coepta perhibet diem mensis Pharmuthi vigesimo nono, hoc est, VIII Kal. Maji. Eodem tempore passum fuisse S. Marcum Evangelistam, eumque ipso illo vigesimo nono Pharmuthi die comprehensum, ac trigesimo subsequenti martyrio coronatum statuit. Annum Christi assignat sexagesimum octavum, cyclo Solis XXI, litera Dominicali B, pridiano die in Dominicam elapso. Annum vero Marci tempore apud Ægyptios saltem occidentales, quos inter & Alexandrini, vagum non fuisse perhibet. De Orientalibus autem usque ad Diocletiani tempora longe aliter hoc in capite sentiendum esse demonstrat.

*WILHELMI ERNESTI TENZELII HISTORIOGRAPHI
Ducalis Saxonici Epistola de Scelero Elephantino Tonna nuper effosso, ad
Virum toto orbe celeberrimum, ANTONIUM MAGLIABE-
CHIIUM, Serenissimi Magni Hetruria Ducis Bibliotheca-
rium & Consiliarium.*

Editio secunda. Jenæ apud Bielkium, 1696, in 8. Plag. 2.

POST debitas illustrissimo MAGLIABECHIO laudes, describit Auctor clarissimus locum, ubi sceleron istud repertum est. Tonna, inter Thuringiæ Dynastias haud postrema, Serenissimo Duci Saxo-Gothano hodie subiecta, binos præ cæteris habet pagos ejusdem nominis, quorum alter *Burg-Tonna*, alter *Grafen-Tonna* appellatur. Priori adjacet mons sive collis arenosus, in fundo præbens purissimam albidissimamque, in variorum artificum usum longe lateque transportari

tari solitam : quam effodientes anno 1695, ossa quædam maxima reperiunt, ad pedes posteriores spectantia, unum novendecim librarum pondere : deinde globum sive caput rotundum acerbulo insertum, capite viri majus, novemque librarum : hinc majus os femori simile, triginta duarum librarum : mox spinam dorsi cum costis adherentibus, profundiusque in arena abditos globos longe majores binos, una cum ossibus eo pertinentibus, pedum nempe anteriorum ; tum os humeri, quatuor pedes longum, duasque spithamas latum cum dimidia : inde vertebrae colli cum vertice acuminato : denique caput prægrande cum quatuor dentibus molaribus, quorum singuli duodecim libras pendebant, & duobus maximis dentibus sive cornubus, duarum & dimidiæ spithamæ crassitie octoque pedum longitudine ex capite prodeuntibus. Dolendum vero, & caput & dentes, exceptis maxillaribus, quos integros ferme acceperunt, & reliqua ossa adeo fragilia, consumpta carie, situque corrupta jacuisse, ut nullum, eorum ex omni parte incontaminatum erui potuerit, sed in plurimas particulas disjecta fuerint. Cum primum fama emanaret, vulgarem simul opinionem de ossibus gigantis circumferebat, quæ tamen viso capite statim evanuit. Postea duæ opinioniones emerferunt, quarum altera pro elephanti scelero, temporis diuturnitate maximam partem petrefacto; altera pro unicornu fossili, ut vulgo vocant, seu minerali jocantis naturæ fœtu, habet. Prior sententia Tenzelio nostro cumprimis placet, quam ita defendere aggreditur, ut primo ostendat, scelero Tonnenſi omnia convenire, quæ ad vera elephanti ossa requiruntur; deinde evincat, non esse minerale fossile, sed animale petrefactum; denique inquirat, quomodo in has terras ipsumque locum pervenerit elephantis.

Primum ostendit ex collatione sceleti Tonnenſis cum anatomia elephanti, ab A. Mouline in Hibernia suscepta & descripta, quam & in Actis nostris A. 1684. mense Decembri memoravimus. Refert Moulinus, in cranio existare magnum cellularum numerum, plerumque triangularium, membranulis obductarum &c. Has cellulas in fragmentis cranii Tonnenſis monstrat Tenzelius, modo oblique, modo directe cranium transeuntes; membranulas autem, vasis sanguineis exsiccatis, firmissime agglutinatas, colore flavo subrubicundo tinctas, scalpro forte tentatas in frustula dissilire, simulque co-


lorem istum auferre, ut cranii albedo emineat: meatum quoque medullæ spinalis & posticam cranii partem, in duos prægrandes sinus seu lobos ita dividi, ut clunes humanos referre videatur; quod Raius in Synopsi Animalium Quadrupedum de elephantis notavit. Porro duos maximos dentes, lingulos centum & amplius librarum pondere, duarum & dimidiæ spithamæ crassitie octoque pedum longitudine ex capite prodire, simulque referre nativum lavorem, colorem subflavum, nigricantibus maculis subinde conspersum, curvaturam, & strias nullis aliorum animalium dentibus cornubusque communes: imo quod maxime notari meretur, superesse adhuc cuspidem dextri dentis, apertissimo limationis signo conspicuam, de qua Plinius libri XIII initio. Allegat etiam Tenzelius mercatoris cujusdam apud Indos diu versati testimonium, secundum regulas Indorum ex dentibus illis judicantis, elephantum nostrum plusquam ducentos annos vixisse: idque ex Cadamusto confirmat, simulque ex aliis scriptoribus ac itinerariis docet, nec pondus, nec longitudinem dentium Tonnenisum insolitè esse. Veterem disputationem, cornuadesve sint appellandi, non definit; placere tamen sibi innuens Aldrovandi Bochartique de media illorum natura sententiam, applicat Raii observationes de interna illorum constitutione, quod ex conjunctis iisque admodum exilibus tubulis consistit. Dehinc ad quatuor dentium molarium massas Tonnenfis elephantis progreditur, evictaque illorum cum definitione Raii similitudine, inquit causam differentię, quod alii elephantum quatuor, alii octo dentes habeant molares. Brevioribus absolvit reliquorum ossium collationem, quoniam pauca ex illis fragmenta supersunt; varia tamen profert indicia, magnitudinem elephantis Hibernici Tonnensem bis æquasse. Situm denique totius animalis non naturalem vel ordinarium, sed extraordinarium plane violentumque attendit, quod cornua sive dentes maximos versus ortum ac septentrionem protendebat; pes anterior sinister lateri capitis adjacebat extensus; dexter sub corpore deorsum inclinatus; sinister posterior in acetabulo incurvatus; dexter initio statim repertus & hinc inde distractus fuit.

Alterum disquisitionis caput ita tractat Tenzelius, ut primo ex Kircheri Mundo Subterraneo describat rationem fossilium seu mineralium, calvariarum prægrandium, dentium ossiumque specie-

effecto

effiçtorum : & cum Kircherus discrimen eorum a veris ossibus in eo ponat, quod hæc semper tibiæ canales fistulososque meatus olim medulla refertos retineant, illa vero solidum lapidem sine ulla tibiæ concavitate mentiantur ; Tenzelius ostendit, quæcunque in elephantis sunt ossa concava & fistulosa, medullisque referta, ea in Tonnenſi etiam ſceletoparia facere ; nec reliqua Kircheri obſervata omittit, probatque ex Conringio, non poſſe naturam ſibi relictam ſine omnibus adminiculis, oſſa undiquaque perfectæ condere. Multo igitur verſimiliorem cenſet Anſelmi Boëtii ſententiam, qui tradit, margam lapideſcente aqua irrigatam lactis inſtar fluere per terræ cavitates, & ſi in ligna vel oſſa vetuſtate arefacta incidat, ea tranſmutare eorumque partes ſibi aſſimilare. Hoc ſceletō Tonnenſi competere prolixè contendit Tenzelius, ſcrutiniumque chymicum advocat, & varia oſſium elephantinorum petreſactotum exempla ex Bartholino, Lambécio Ciampinoque producit: addens conjecturas de elephantī Tonnenſis ſedecim pedum altitudine, quo tamen multo majores dari, & nonnullos ad 24 vel 27 pedes aſcendere docet.

Tertium caput exorſus Tenzelius removet aliorum conjecturas, qui elephantum quondam Tonnæ delatum ibique tumulatum ſixerunt, iisque cum alia argumenta opponit, tum ipſam maxime montis arenofi rationem, qui diligentius inſpectus nunquam ſe perſoſſum & deinceps rurfus repletum, maniſeſtiſſime prodat. Primum ſtratum ſuppeditat humus atra quatuor pedum ; ſuccedit glarea friabilis duorum & dimidii pedum, cujus medium oſteocollæ toſaceique lapides duorum pedum altitudine explent, ut & ſub ea dimidii pedis ſpatium : ſequitur argilla arenofa ſex circiter pedum, in qua iterum oſteocolla duorum digitorum, & infra unius pedis altitudine occurrunt: hanc excipit alterum glaræ ſtratum ſex circiter pedum, eique demum ſubjacet arena alba & pura, cujus profunditas nondum explorata eſt, quod in ea vix tres pedes effoſſa elephantī ſceleton apparuit. Enimvero ſi unquam perſoſſus, inſectoquo elephantē repletus iterum fuiſſet hic collis, minime ſtrata ſtratis ordine impoſita, ſed omnia illa arenarum genera terræ nigræ permixta inveniremus, ut quotidie in tumulis fodiendis fieri ſolet: multo minus toſacei lapides in hanc dunem coaleſcere, aut oſteocollæ radices ſuas venæque, per totum montem ad ipſam uſque ſuperficiem conſpicias ſpargere, tan-



tave quantitate crescere potuissent, ut statim in medio primæ glareæ, quæ atram humum proxime contingit, duos pedes, & sub ea dimidium explerent, seque inferius in argillam arenosam extenderent, spatium duorum digitorum & sub ea pedis unius occupantes. Nihil igitur superesse dicit Tenzelius, præterquam universale diluvium, in quo perierit cum aliis sui generis diversisque animantibus elephas noster, undisque immanibus raptus & jactatus, aquis tandem decreescere incipientibus fundum petierit, cui aquæ ista diversarum arenarum strata induxerint, iisque in superficie exsiccatis atra tandem humus sensim accreverit. In subsidium itaque vocat celeberrimum Medicorum Stenonis & Grandii de diversis illis stratis, Rudbeckii de atra humo, & Conringii de variis in Germania diluvii indicii, observationes, iisque ad propositum applicatis concludit, Magliabechii aliorumque in Italia eruditorum, Ciampini præsertim, iudicio omnia submittens, & collationem cum scelero elephanti Florentino fieri exoptans.

Atque hac de celeberrimi Tenzelii sententia resulsisse suffecerit, quam pulchre cum nova clarissimi Angli Joannis Woodwardi circa Naturalem Historiam Telluris hypothese (quam nuperrime in Sectione I Tomi III Supplementorum pag. 7-19. prolixius exposuimus) congruat, non injucundum erit Lectori Benevolo expendere.

EPISTOLÆ ANATOMICÆ PROBLEMATICÆ IV, V, VI, AD
Virum Clarissimum FREDERICUM RUYSCHIIUM M. D.,
Anatom. & Botan. Professore; una cum hujus
totidem Responsionibus.

Amstelodami apud Joh. Wolters, 1696. in 4. plag. 6. Fig. tab. 4.

TRes exercitatissimi in arte anatomica Ruyschii Responsiones, ad epistolas problemáticas Dn. Joh. Gaubii datas, A. 1696 mense Junio p. 270 recensuimus. Postmodum ad novastres aliorum Auctorum epistolas idem accurate, ut solet, respondere voluit. *Quarta* nempe in ordine Responsio ad Dn. Joh. Jac. Campdomercum dirigitur, qui accuratissimam glandularum, fibrarum atque cellularum, lienalium ab experientissimo Ruychio efflagxaverat explicationem, Liene humano hinc methodo consueta præparato, & valis sanguineis turgidis factis, substantiam ejus non nisi congeriem arteriarum, venarum, lymphæ ductuum & nervorum, quæ membranis ambiens

tibus

tibus coerceantur, Ruyschius esse vidit. Molles vero vasorum sanguineorum propagines, glandulas, quæ nullæ tamen adsint, repræsentare, plurimisque præclaris Anatomicis, sibi quæ ipsimet imposuissent, quod fasciculatim disponantur, & in corpuscula molliora, succosa magis, ac rotunda redigantur, ad oculum in TAB. IV. fig. 4. lit. C. (nobis TAB. J. fig. 4.) ostendit. Has inter nullas esse intercapedines aut cellulas, nisi violento modo producantur, comprobatur; admittit tamen illas in liene vitulino, quas fibræ, quæ in humano non adsint, innumeræ varique serie dispositæ, loco ramorum venosorum, ut ex Fig. 3. patet, constituent. *Quinta* scripta est ad Dn. Gerhardum Frenz Med. D. in qua totius corporis perioestia vasis scaterere sanguis suis evincit, oculisque TAB. V. Fig. 1. & 2. (nobis Tab. I. Fig. 5. & 6.) exponit. Oriri illa docet, in primis perioestii anticnemii, ab utroque latere uniuscujusque ossis tibiæ, & præsertim e vasis furcilibus, tamque numerosa detexit, ut infarcta sanguine aut materia ceracea perioestium totum summa tingant rubedine. Explicationem viæ, qua billis ad vesiculam felleam descendat, jungit, eamque appellat cum celeberrimo Bohnio ductum cysticum, glandulas tunicæ interioris vesiculæ eidem scopo inservientes adjiciens, quas in collo plures, circa fundum rariores fig. 7. lit. E. E. delineatas exhibet. Radices quasdam e vesiculæ felleæ fundò emergere negat, satis in eo confirmatus, quod vesiculas bile repletas lustraverit, quæ hepatis fundo suo nequaquam connatæ, cervicæ tamen hepatis adhæserint. Arterias cysticas non tantum vesiculæ inservire, sed per duplicaturam membranæ hepatis copiose quoque disseminari declarat, jureque eas accenseri posse vasis hepatis communibus non ambigit, idem de venis sanguiferis & lymphæ ductibus harum partium judicans. Ligamentum umbilicale in homine adulto, & in foetu humano venam umbilicalem arteriis scaterere, ac lymphæ ductibus conseri, ultimo demonstrat. Petitis D. Joh. Henr. Gratz satisfactorius, in *Sexta* arteriam bronchiales, quam 31 fere annorum, spatio elapso in vitulo primus invenit Noster publicique juris fecit, in homine diligentius scrutatur. Exortum hujus, circa quem Naturam sæpius luisse vidit, frequentiore in infima parte, & quidem in arteriæ intercostalis superioris trunculo locat, ut Tab. VII. Fig. 2. (nobis Tab. I. Fig. 8.) lit. C. notatur. Hanc anastomosis alio-
ciari ramusculus arteriæ pulmonalis minutissimis Fig. 5. (nobis 9.)
lit.

TAB. L
Fig. 4.

Fig. 3.

Fig. 5. 6.

Fig. 7.

Fig. 8.

Fig. 9.

lit.

lit. CCC exhibet. Illam vero an vena comitetur, dubius est, cum nedom eam lustrare oculis potuerit; minime tamen necessariam credit, quod in hepate arteria hepatica nullam sibi sociam vendicet venam. Vasa pulmonalia tussi ejici posse, ut alii credunt, sibi non persuadet, polyposasque concretiones fuisse, quæ vasa mentiebantur, judicat: quarum quasdam domi sibi reservari, solaque cavitatis absentia ab arteriis venisque distingui posse, fig. 4. (nobis 10.) ad oculum exprimere voluit.

TAB. I.

Fig. 10.

Explanatio Figurarum,

Figura tertia.

- A. Portio lienis vitulini, post fasciculorum eductionem ac demum incisionem, oblata.
- B. Fibræ transversæ.
- CC. Fibrarum intercapedines, quæ cellulæ audiunt, & in liene humano in statu naturali nequaquam inveniuntur.

Figura quarta.

- A. Ramulus arteriæ splenicæ.
- B. Ramulus venæ splenicæ.
- C. Fasciculi ceu penicilli, circa quos notandum, eos a se invicem esse deductos, ut distinctius sese videndos exhiberent: in statu autem naturali sibi invicem impositi sunt.

Fig. 5.

- A. A. dextri, B. B. sinistri lateris ramus arteriosus per periostrum anticonemii ossis tibiæ distributus.

Fig. 6.

- A. dextri, B. sinistri lateris vasa sanguiflua, per patellæ periostrum tendinosum disseminata.

Fig. 7.

- A. Superficies vesiculæ interior inæqualis atque reticulata, quæ non inepte comparari potest cum superficie melonis reticulati, cujus textura reticularis inæqualitatem meloni conciliat, id quod faciei internæ vesiculæ quoque evenit.
- B. Portio ductus hepatici.
- C. Portio ductus communis.
- D. Ductus cysticus,

E. E.

E. E. Glandulæ per vesiculam disseminatæ, quæ haud solum inhzrent parti inferiori jecori connatæ, verum etiam oppositæ, ut & vesiculæ collo, ductui cystico, nec non hepatico. Notandum autem, dictas glandulas aliquanto majores esse delineatas, ut melius conspici possint. Præterea in omni vesicula humana non æque distincte conspiciuntur, quam quidem in suilla, aut bovina, idque ob dictam reticulatam faciem internam.

F. Valvulosa & cellulosa dispositio in ductu cystico existens. Notandum autem, vesiculam hanc esse secundum longitudinem dissectam, aciculisque expansam, unde justo major apparet.

Fig. 8.

TAB. I.

A. A. Trunculi arteriæ bronchialis e corpore infantis.

Fig. 8.

B. B. B. Ramificationes ejusdem arteriæ.

Fig. 9.

Fig. 9

A. Portio trunci descendens arteriæ magnæ.

B. B. B. Trunculi arteriarum intercostalium abscissi.

C. Exortus arteriæ bronchialis et tertia arteria intercostalis.

D. Portio venæ azygos.

Fig. 10.

Fig. 10.

A. Truncus polypi ex aspera arteria rejectus.

B. B. Ejus ramuli.

Fig. 11.

Fig. 11.

A. Ramulus arteriæ pulmonalis.

B. Ramulus arteriæ bronchialis.

C. C. C. Inosculationes ramulorum arteriæ pulmonalis cum ramulis arteriæ bronchialis.

*SAMUELIS SCHELGUIGII, S. S. THEOL. D. PROF. P. ATHE-
nai Gedanensis Rectoris & ad S. S. Trinitatis ibidem Pastoris,
QUAKERISMUS CONFUTATUS.*

Francf. & Lipsiæ apud J. A. Ploener, 1696. in 4. Alph. 2. pl. 18.

Cum Quakerorum colluvies majora subinde augmenta capiat, non male de Ecclesia orthodoxa merentur, qui absurdas, quibus Quakerismus scatet, opiniones orbi Christiano ad vivum representant, easdemque solide refellunt. In quorum numerum suo merito referendus celeberrimus Schelguigius, qui in præsentis Tractatu

C

pri-

primum Quakerorum hypothesen ex illorum scriptis, quæ haberi potuerunt, summa fide excerptis, & convenienti ordine, filo quasi historico, contexuit, dein orthodoxas antitheses accurate demonstravit, & tandem objectiones nervose discussit. In prolegomenis, præmissa onomatologia, primo omnium de origine Quakerorum dispicit, observans, Hornium ad Novam Angliam, Americæ provinciam; Lassenium autem ad Scotiam eorundem natales referre: initium Quakerismi a Lassenio anno 1655; a Catone vero anno 1694 vel 1650 alligari, hujusque sententiam verosimiliorem videri, cum anno 1656 Quakeri jam in Hibernia nidificasse a Schledero perhibeantur, in Anglia autem James seu Jacobus Naylor, unus e Quakerorum primiceriis anno 1656 Bristolæ se pro Jesu Christo, mundi Salvatore, suis adorandum exhibuerit; propter quod facinus in carcerem conjectus, & altero post anno virgis cæsus, litteraque B, ad castigandam blasphemiam, ope ferri candentis in fronte notatus, quin imo & macilentum equo sine ephippio, facie ad caudam reflexa, impositus ac circumductus, debitam vesaniæ pœnam luerit. Quakerismum porro simbras suas longe lateque extendisse tradit, ac quamplurimas provincias invasisse, ita ut Quakeri palam multitudinem suam deprædicent, seque populum magnum multis hominum millibus constantem jactitent. Incrementorum vero horum *causam* non esse instituti veritatem & bonitatem, nec patronorum in defendendo instituto suo scientiam & prudentiam; sed *a parte Dei*, justam in contemtores veritatis Divinæ iram; *a parte nostri* ignorantiam sanæ doctrinæ, propensionem ad novitatem, aversionem peccatorum palam grassantium: *a parte Quakerorum* gloriationem de donis eminentioribus, speciem pietatis in verbis & factis, querelas de persecutione, sugillationem orthodoxorum, inprimis Ministerii Ecclesiastici, æqualitatem inter complices, largitiones in egenos, impudentiam in propagando errore. Doctrinam Quakerorum difficulter agnoscere, quia dictione utantur obscura & perplexa; terminos Theologicos in alia plane significatione, quam hactenus accipi consueverunt, usurpent; dogmata, ex quibus sibi aut factioni suæ incommoda suboriri posse prævident, inprimis de loco de Deo, Persona Christi, Magistratu, regni novi a Christo in terra erigendi conditione, callidè occultent; Scholastica studia, adeoque & modum procedendi Logicum averfentur, si Barclajum exceperis, qui

qui Scholastico ordine in Theologia sua egerit, quamvis in præfatione, facto contrarius, protestetur. Nec a Quakeris sua Systemata luculentæ obijci posse, cum in iisdem exponatur quidem, quid Quakeri se credere profiteantur, non verò, præsertim in articulis maxime controversis, & in quibus a veritate longissime discedunt, quid revera credant: quod speciatim & Barclaji Catechismo & Confessione probatur, eosque libros cothurno esse simillimos ostenditur. Quibus ita præmissis, ad ipsorum dogmatum examen procedit, ac in primo articulo Quakerismi principium cognoscendi perlustrat, ostendens, Quakeros de veræ religionis principio ante ipsos deperdito haud leviter conqueri: juxta ipsos principium cognoscendi esse internam & immediatam revelationem, eandemque hodie adhuc in rebus spiritualibus dari, ac per lumen aliquod internum fieri; adeoque per revelationem immediatam ab iis, non omne prorsus medium, sed duntaxat externum excludi. Et cum lumen hoc toties & tantopere deprædicent Quakeri, paulo curatius illud sibi contemplandum sumit Rever. Auctor, idemque quoad nomina pariter atque rem ipsam ex scriptis illorum luculentissime pertractat, in antecessum monens, neminem debere mirari, si contradictoria sibi quædam adversantia nonnunquam offendat, quoniam ut veritas semper una, sic e contrario falsitas circa idem objectum frequenter multiplex sit. Agit autem primo de luminis hujus *essentia*, & quidem tum *negative*, ostendendo, lumen illud adversariorum non esse accidens, nec essentiam aut naturam Dei, neque partem aliquam hominis aut facultatem animæ, vel residuum boni post lapsum superstitis: tum *positive*, monstrando istud describi ut (1.) substantiam realem, spiritualementem & qua animam, sensibilem: (2.) quippiam divinæ naturæ particeps, imo ipsum Deum: (3.) aliquid non solum in corde hominis, sed etiam extra cor subsistens, quod antea omnes creaturas fuerit; (4.) inseparabile quid a Deo & Christo. Ab essentia hujus luminis ad ejusdem *principia tam essendi quam operandi* progreditur, docens, quod illa attinet, Quakeros ad unum omnes consentire, lumen a Deo provenire; pro Christo autem ac Spiritu Sancti dono non posse ab omnibus agnosci, quia nonnulli lumen hoc pro ipso Christo ac Spiritu S. venditent. Qua occasione, circa quæstionem, utrum Deus lumen suum immediate hominibus impertiat, an mediante natura? sive, quod eodem redit, num lumen, de quo

gloriantur Quakeri, ratione originis sit naturale, an supernaturale? notat adversarios (1.) concedere, præter lumen supernaturale dari etiam naturale: (2.) negare lumen suum esse ex reliquiis imaginis divinæ, post lapsum superstitibus, aliove modo ratione originis naturale: (3.) inveli in eos, non absque bile, qui idem illud pro naturali lumine venditent: (4.) quosdam fateri esse lumen naturæ, videlicet ut subjecti, non tamen naturale, nimirum respectu principii: (5.) docere lumen esse in conscientia, ut cereum in laterna, non autem esse ipsam conscientiam. *Principium operandi*, cujus occasione lumen influendo magis magisque se apud homines diffundere creditur, esse silentio conjunctam expectationem perhibet. Posthæc ad *subjectum quod & quo* se convertit, atque observat, Quakerostradere, illud esse quemlibet hominem sine ulla exceptione; interim asserere, nec Christum, nec Spiritum S. in omnibus existere; adeoque non satis sibi constare, cum doceant, lumen reperiri in omnibus, Christum autem & Spiritum S. qui ex mente Quakerorum illud ipsum lumen sunt, non in omnibus inveniri; nec a Barclajo distinctione inter esse in aliquo strictè, id est, per unionem, & late, id est, velut in semine, nodum illum solvi, quia si Christus sit in omnibus velut in semine, utique strictè loquendo foret in omnibus: ipsum Christum lumine hoc imbutum fuisse, a Quakeris perhiberi. *Subjectum quo mediatum* innui, cum lumen nunc in anima, nunc in corde fulgere statuatur: *immediatum* autem *subjectum* esse ipsam conscientiam: per hanc autem Quakeros intelligere nullam cognitionem ejus, quod per aliud, nempe per lumen applicatur & judicatur. Hinc *adjuncta* hujus luminis eaque duplicia, absoluta, quæ lumini in se spectato, & respectiva, quæ eidem in ordine ad alia, præsertim ad hominem considerato, tribuuntur, in medium adducit, ac inter *absoluta* refert, cum lumen a Quakeris, ut *unicum* (non specie duntaxat, verum & numero,) *æternum* (quod non sine tantum, sed & initio careat,) *perfectum*, *immutabile* (tam in essentia, quam sententia) *sibi semper idem*, nec in ulla re contrarium depingitur. Pro *respectivis* habet, cum Quakeri lumen suum asserunt *universale*, de quo omnes homines participant: *intensivum & remissivum*, ut magis in hoc, minus in illo, imo nunc magis nunc minus in uno eodemque homine reperiatur: *clarum*, & perspicue ac absque caligine & se & alia, quæ homini revelanda sunt, manifestans:

festans: *infallibile* ac summæ certitudinis: *sufficiens* ad omnia & pro omnibus, in iis, quæ ad salutem requiruntur: *indemonstrabile* seu *αἰσιμασόν*, cui perse credatur: *Scriptura* & *sanationi consonum*: *qua prædicationem, antiquissimum*: & denique *qua prædicationem, perpetuo duraturum*. Tandem *effectus* lumini a Quakeris tributos exponit, eisdemque in ordinarios & extraordinarios subdistinguit. Effectibus *ordinariis* annumerat, quod lumen istud Quakeris dicatur regenerare, & consequenter Christianos facere, omnia docere, ita, ut nulla prorsus inscitia relinquatur, bonum a malo discernere, ad bonum movere, intrinsecus accusare vel excusare, æternum salvare vel perdere, prout videlicet recipiatur aut eidem resistatur. Ad *extraordinarios* effectus raptum, visiones, vaticinia & similia, in primis autem tremorem refert, annotans: (1.) quod Quakeri fateantur, se lumine suo collustratos, interdum tremere: (2.) quod, juxta narrationem eorum, tremor in coetu Quakerorum quandoque etiam Quakerismo nondum initiatos invadat: (3.) quod tremorem pro divina operatione habeant, tantique faciant, ut contemptores illius peccato se pollueri censeant: (4.) quod indecoros gestus corporisque agitationes, quibus primi Quakerorum notabantur, hodie aut negent, aut extenuent. Mentis Quakerorum de principio cognoscendi ex scriptis illorum genuinis ita clare proposita, omnia referri posse judicat ad istam propositionem: quicquid lumen internum immediate revelat, verum bonumque, & consequenter credendum ac faciendum est. Hypothesibus Quakerorum postea Antitheses orthodoxas cum probatione solida & nervosa dubiorum solutione opponit sequentes: I. Principium veræ religionis inter Christianos, nec deperditum fuit hactenus, nec deperdi potuit. II. Principium Christianæ religionis non est obligatio ad imitandum Christum. III. Immediate rerum spiritualium, ad salutem cognitu necessariarum, revelationes, completo Scripturarum sacrarum canone, cessant. IV. Principium primum & adequatum Christianæ religionis, non est interna, immediata & objectiva revelatio. V. Non datur lumen internum, per quod ut per ordinarium medium, res spirituales ad salutem cognitu necessariae, immediate & objective revelentur. VI. Quakeri in congerendis luminis sui synonymis multivariam impingunt. VII. Lumen Quakerorum non est substantia. VIII. Lumen

Quakerorum non est divinæ naturæ, aut ipse Deus, ipse Christus, ipse Spiritus Sanctus. IX. Lumen Quakerianum non subsistit extra hominem. X. Lumen Quakerianum est separabile, imo sapius actu separatum a Deo & Christo. XI. Lumen Quakerianum, ratione originis proximæ, quoad effectus quosdam ordinarios, vere ei competentes, prorsus naturale est. XII. Lumen Quakerianum in eo, quod bonum a malo discernit, ad bonum movet, & a malo avocat, hominemque intrinsecus, si male egerit, accusat, si bene, excusat, est ipsissima conscientia. XIII. Lumen, ut vocatur, Quakerianum, respectu quorundam effectuum est suggestio Diaboli, atque adeo tenebrarum rectius, quam luminis nomen gerit. XIV. Lumini vero divinoque accendendo, conservando & augendo, ex Dei ipsius instituto, plurimum conducunt auditus, lectio, colloquia, meditatio similiaque exercitia; parum vero aut nihil cum silentio conjuncta expectatio. XV. Lumen salutiferum non in omnibus hominibus, imo nec in maxima hominum parte reperitur. XVI. Lumen Quakerianum e quidem in hominibus, qui illuminantur, singulis, numero unicum est, multo minus in universis conjunctum sumtis. XVII. Lumen Quakerianum non est æternum, adeoque nec ante creaturas omnes extitit. XVIII. Lumen Quakerianum non est perfectum. XIX. Lumen Quakerianum est mutabile in effectu. XX. Lumen Quakerianum est mutabile in sententia. XXI. Lumen Quakerianum sibi ipsi est contrarium. XXII. Lumen Quakerorum non est universale. XXIII. Quakeri lumen suum, salvis, quas fovent, hypothesibus, nequeunt statuere intensivum. XXIV. Lumen Quakerianum non ita clarum est, ut absque omni caligine, quæ homini revelanda sunt, manifestet. XXV. Lumen Quak. est incertum & fallibile. XXVI. Lumen Quak. non est sufficiens ad omnia & pro omnibus, in iis, quæ ad salutem requiruntur. XXVII. Lumen Quak. non est *perfectum*. XXVIII. Lumen Quak. & Scripturæ & sanæ rationi contrarium esse potest, imo haud raro contrarium est. XXIX. Lumen Quak. quæ prædicationem sive doctrinam in Ecclesia, non est antiquissimum. XXX. Lumen Quaker. nisi forte Deus peccata nostra continuis poenis flagellare decreverit, quæ prædicationem sive doctrinam, non videtur perpetuo duraturum. XXXI. Lumen Quak. non regenerat. XXXII. Falsum est, quod lumen Quakerianum ita doceat omnia, ut nulla prorsus in spiritualibus

bus ignorantia superfit. XXXIII. Lumen Quaker. non semper bonum a malo discernit atque ad bonum movet. XXXIV. Lumen Quaker. uti per accidens perdere hominem, ita nullo prorsus modo salvare potest. XXXV. Quakerorum raptus, visiones, vaticinia &c. quorum quidem notitia hactenus ad nos pervenit, Diabolum agnoverunt autorem. XXXVI. Tremor Quakerorum simulari, aut a causis naturalibus oriri, aut etiam præternaturaliter a Diabolo immitti potest, ut proinde Quakeris, eundem pro supernaturali operatione Dei aut luminis sui indubitanter venditantibus, optimo jure contradicamus. XXXVII. Quakeri e Scriptura demonstrare nequeunt, quod ullus sanctorum hominum, propter luminis interni collustrationem, per externam corporis agitationem, *ἐκστασις*, hoc est, cum excessu mentis, quemadmodum ipsis usu venit, tremuerit. XXXIIX. Falluntur, aut falli ad minimum possunt, quotquot principio illi inniuntur: quicquid lumen internum immediate revelat, verum bonumque, ac consequenter credendum ac faciendum est. Sed hæc speciminis loco adducta sufficiant, cum ex iis satis constare queat, qua ratione subsequentes fidei articulos, scilicet II. de Scriptura S. III. de Deo Trinuno. IV. de Jesu Christo. V. de creatione & creaturis nobilissimis, videlicet angelis & hominibus. VI. de imagine Dei. VII. de peccato. IIX. de libero arbitrio. IX. de gratia Dei pertactarit, maxime reverendus Auctor. Quem publico nomine rogamus, ut examen Quakerismi super reliquis fidei Christianæ articulis cum erudito orbe propediem communicare ne gravetur.

D. LUDERI MENGKENII SUPR. CUR. PROV. LIPS. ASSESS.
*Tractatio Synoptica Pandectarum Theoretico-Præctica, Juri Communis
 Usque Moderno Imperii, & præcipue Saxonico accommoda-
 ta, ita ut vice Supplementi Lauterbachiani esse queat,
 in Tabulas redacta & Axiomatibus appli-
 catis illustrata.*

Lipsiæ apud M. Th. Heibey, A. 1697. in fol. Alphab. 8 pl. 12.

Cum consultissimus Auctor, ipso docendi exercitio forique usu invitatus, Pandectarum tractationem, haud paucis laborantem diffcultatibus, pro virili adjuvare constituisset, quo congruam haberet, materiarum theoreticam practicamque seriem, quam in docendo sub-
 secu-

secuturis, si viveret, annis usurparet, omnem circa Digesta laborem, in Tabularum formam redegit, illamque exhibendis ac discernendis definitionibus, divisionibus, regularumque ampliationibus ac limitationibus convenientissimam esse existimavit, cujus methodi rationem plenius in Praefatione commemorat. Quoniam vero praecipue eo contendit, ut principia theoretica cum practicis conjungeret, nec non docendi discendique operam sublevaret, primum ad Leges, tanquam fontes, cum cura respexit, iisque Doctorum auctoritates, ubi rem id exigere putavit, adjecit, deinde typorum diversitate distinguenda separavit, in usu moderno Titulorum conquirendo maxime Carpzovianis, Strykianis, Swendendörfferianis, Schilterianis Huberianisque scriptis adjutus. Apprehensioni Pandectarum, praeter ordinis facilitatem, animo ex ipso Tabularum conspectu se insinuantem, adjumentum praestitit per applicationem Axiomatum, quae littera majuscula in Tabulis indicavit, & singulis, in quibus usurpata sunt, Titulis addidit, ita tamen ut ab Axiomatis semel impressi iterata impressione abstineret. Repetitioni Digestorum vero adminiculum paravit per diversitatem quatuor classium, in quas Pandectarum rubricas discretevit, utiliores minus utilibus in foro praefendas esse ratus; quem in finem tam sub calcem operis Tabulam, diversi usus Titulorum indicem, subjecit, quam per litteras, numeris singulorum Titulorum exprimendis adhibitas, eam differentiam esse indicandam duxit. Quamvis autem arbitraria singulos Titulos tractaverit methodo, & praxeos Imperii atque Saxoniae curam gesserit, ita tamen ad Lauterbachianum Juris Compendium, a JCro Schüzio editum, respexit, ut illi praesens Opus simul pro Supplemento esse queat. Ac proinde primo omissos in dicto Compendio titulos supplevit, nempe Libri I, Pandectarum t. 9. 10. 11. 12. 13. 14. 15. 16. 17. 18. 19. 20. 21. 22. Lib. XVII. t. 7. Lib. XXV. t. 4. 5. 6. Lib. XXXIII. t. 3. 8. 9. 10. Lib. XXXVIII. t. 2. 3. 4. 5. 12. 13. 14. 15. 16. 17. Librum XL. Lib. XLII. t. 6. Lib. XLIII. t. 6. 7. 8. 9. 10. 11. 12. 13. 14. 15. Lib. XLV. tit. 3. Lib. XLIX. t. 9. 10. 11. 12. 13. Lib. L. t. 16. 17; brevitas tamen & prolixitatis normam ab utilitate, quam isti tituli hodie praestant, dependere voluit. Secundo eos, quos fori usus quotidianus commendat, titulos, ubi res exegit, aliquanto accuratius enucleatum ivit, id quod per universam tractationem quidem animadvertere licet, maxime tamen elucescit.

ex elaboratione Lib. I. π. t. 2 Lib. V. t. 1. Lib. XII. t. 2. Lib. XXII. t. 1
3 45 6. Lib. XXXII. t. 1, 2. Lib. XXV. t. 3. materiæ Successionis novissimæ
circa finem Lib. XXXVIII. expositæ, item Lib. XCII. t. 1 t. 5. quatenus
huic accedit tractatio de Privilegiis Creditorum, nec non Lib. XLIV.
t. 1, 3. 7. Lib. XLV. t. 2. Lib. XLVI. t. 1, 3. Lib. XLVII. t. 1 Lib. XLVIII.
t. 5. 18. 19. Lib. XLIX. t. 1. seqq. Lib. L. t. 1. 2. 7. Tertio materias ex
ipso fori strepitu notissimas, sed prætermittas aut vix tactas in me-
morato libello, congruis locis adjecit, cujus rei ut quædam exempla
referamus, egit de Retractu p. 248. Cambio p. 283. Arello communi
p. 231. & Saxonico p. 288. Annuis Reditibus p. 308. Interesse p. 310.
Instrumentis & officio Notariorum ex R. J. d. A. 1512. p. 321. seqq.
Executoribus Ultimarum Voluntatum p. 426. Fideicommissis Fam-
iliæ p. 443. seq. Operis Rusticorum p. 458. Hominibus propriis
p. 493. Expensis in litem p. 519. Executionibus Sententiarum p.
522. seq. Inhibitionibus p. 541. seq. Concurſu Actionum p. 588. Pro-
cessu Inquisitorio p. 620. Accusatorio in speciali & Bannitorio Im-
perii, præcipueque Saxonico p. 618. seq. Magistratibus Civitatum,
Imperii & Provincialium p. 722. seq. Jus olim & noviter controver-
sum haud neglexit, novissimas tamen magis quam antiquatas pro-
posuit controversias, suppeditata in primis ratione decidendi, cujus
instituti causam in præfamine ad Lectorem recensuit. Itaque hic li-
ber ad commodè docenda, apprehendenda repetendaque Jura Dige-
storum compilatus, iis, qui laudatissimo Compendio Juris Lauter-
bachiano hætenus innutriti sunt, vice Supplementi, Pandectarum,
vero theoretica & practica fundamenta hausturis, & in foro, maxime
Saxonico, versaturis, ob immixta Juris tam Communis quam Electo-
ralis Saxonici principia, singulari adjumento fore videtur.

*FEBRIS EPIDEMICÆ ANNO 1694 & 95. IN NORICÆ DITIO-
nis oppido Herspruccensi & vicino tractu grassari deprehensa, tandem-
que petechialis reddita Historica Relatio, in Observationum Semicen-
turiam digesta a JOH. LUDOVICO APINO D. Phys. Herspruccensi
& Nat. Curios. Collega Nonus dicto.*

Noribergæ sumptibus Andr. Otton, Swobaci A. 1697. pl. 20.

D

Quan-

Quanta hætenus ex decantatissimis Naturæ Curiosorum Miscellaneis in Medicorum scholas redundarint emolumenta, nemini obsecrum esse potest. Quorum inclyto Ordini Auctor nobilissimus adscriptus, Specimen aliquod, ut dignum se tanto sisteret honore, Febre epidemica, quæ anno 1694 & 95 in ditione Norica sæviebat, materiam suggerente, exhibere nullus dubitavit. Præmissis discursui, quo principium, incrementum finemque Febris examinat, adjunxit Semi-Centuriam Observationum, quibus, prævia morbi ætiologia, Methodum novam atque expeditissimam, qua usus fuerat, declarat. Principium igitur fontemque ipsum Febris epidemicæ pluvias fuisse creberrimas autumat, quæ A. 1694. mense Augusto ingruentes, ad Decembrem usque perseverarunt. Ex his præhumidum, aërem partim cum saliva in ventriculum, partim per inspirationem atque cutis poros in corpus intrasse, atque alimenta & sanguinem vitioso signasse caractere, ipsosque spiritus in motus concitasse inordinatos, non ambigit. Horrorem hinc febrilem ex fuga spirituum propter auram peregrinam deducit, non quod spiritus calidi existant, sed quod ex defectu horum uterque sanguinis motus refringatur, & excursus particularum sulphurearum biliosarumque prohibeatur. Calorem econtra motui spirituum impetuosiori tribuit, quod hætenus coërciti, excusso elasticitate sua hospite peregrino, vehementius agitentur, particulasque sanguinis biliosas in majorem rapiant motum. Mitior hætenus Febris pueros, fæminas gravidas atque pauperulas, raro robustiores infestaverat. Incrementum vero cum Lues epidemica sub ipsis anni 95 auspiciis cepisset, maculas ostendisse petechiales refert, quarum duas allegat causas, manifestam aliam, aliam occultam. Illam subito mutatum tempus rigidissimumque gelu, negotium transpirationis sufflaminans, colluvienque ferrosam incrassans, fuisse judicat; hanc vero morbidum appellat semen, quod sua virtute fermentativa multiplicandi sese potentiam habuerit. Medum, quo viscidum hoc alia quoque corpora inficere potuerit, ita dægens, adstruit, latuisse sub hoc sal volatile acrius, mediam ex sale acido & alcalico naturam præ se ferens, quod cum effluvis exhalans ex corpore alios infestare facile potuerit, præprimis illos, quibus majori cum ægris conversatione opus erat. Ad Methodum medendi quod attinet, solenne ipsi fuit, uti Observationes ipsæ

ipsæ testantur, purgatis ventriculo atque intestinis, alexipharmaca & sudorifera exhibere, quibus tamen fermentum febrile, si firmitus hæreret, cedere noluit. Corticem ideo Peruvianum sive Extractum hujus illis, captata dosi conveniente, admiscuit, ejusque efficaciam, quæcunque supervenerint symptomata, summopere deprecatur. Febres petechiales ipsas eodem se medicamento, in majori tamen copia exhibito, curasse fatetur, ridetque illos, qui ex sapore adstrictorio Corticis, qui tantus non est, inspissari & coagulari sanguinem volunt, cum magis attendendus veniat odor aromaticus cum sapore amaricante. Denique æstu Solis intensiori Febris, dysenteria superveniente, sublata fuisse videbatur; sed caniculis temperatis pristinam suscepisse iterum faciem, rariorem tamen existisse exponit, donec Divina favente gratis, spirantibus ex Oriente ventis, firma ac certa recuperata fuerit valetudo.

THE ENGLISH HISTORICAL LIBRARY &c.

Hoc est:

BIBLIOTHECA HISTORICA ANGLICANA, SIVE BREVIS Idea atque character plerorumque Scriptorum hodie extantium, sive typis impressorum sive manuscriptorum, qui utiles esse possunt generalem Angliæ Historiam molientibus. Auctore GULIELMO NICOLSONO A. M. Archidiacono Carlcolensi.

Londini apud Abelem Swall & T. Child, 1696, 8. plag. 171.

Multum desiderari a Viris in Angliæ doctis, patriæque amantibus, ab annis aliquam multis generalem quandam totius regni Historiam, Cl. Auctor in Præfatione hujus operis nos docet. Et quamvis varii, editis quoque specimenibus, eam hæcenus polliciti fuerint, difficile tamen adeo Historici munus, præcipue autem Angliæ res exponere in se suscepturi, esse existimat, ut fere desperet, unquam tale aliquod opus, cum doctiorum approbatione, lucem esse visurum. Sane J. Duntonum, qui tale quid sese moliri, publicata aliqua operis sui delineatione professus est, jam satis prodidisse ait, quam parum aptum Angliæ sese Historicum obtrudat, dum a diluvio operis sui exordium facturum sese esse fuerit pollicitus. Imo ne Seldenum qui-

dem, quod Cl. Gale existimavit, tantò molimini parem fuisse futurum, e Praefatione ejus ad X Scriptores Hist. Angliæ et Spicilegio ad Eadmerum, ejusdemque Jano Anglorum abunde patere arbitratum. Camdenum autem ipsummet imprudentiæ juvenili tribui id voluisse observat, quod Britannicæ scribendæ historiæ animum unquam adjecerit. Miltonum denique atque Templum nunquam id animò agitalle dicit, ut generalem vel illorum, de quibus commentati sunt, temporum historiam scriberent. Optare itaque sese dicit, ut varii Viri docti, sinceri, bellique ac pacis artibus Historico necessariis instructi, linguarumque tum veterum, Britannicæ nimirum, Saxonicæ, Danicæ atque Latinæ, quam recentiorum periti in unam quandam coeant Societatem, omniaque Angliæ monumenta studiosè excutiant, atque sic unum aliquod concinnent opus, quod omnium calculo approbatum, luce publica dignum judicetur. Fraternitati hujusmodi imaginariæ inservire se voluisse, Cl. Autor ait. Quamvis enim jam olim hujusmodi Catalogos concinnatos esse non ignoraverit, a Joscelino, Thoma Fullero, P. Heylino, illis tamen vel lucem adspicere non licuisse, vel exiguum solum Historicorum eos partem recensuisse innuit. Enarrat deinceps eos, qui collectiones Scriptorum rerum Anglicarum edendo, bene de patria meruerunt: opera tamen ista accurato examine errorum, tum ab ipsis autoribus, tum ab amanuensibus atque typographis commissorum indigere monet. Inter illos H. Whartoni quoque meminit, quem Angliam Sacram tertio quoque quartoque tomo aucturum fuisse ait, nisi adversa Reverendissimi Patroni ejus fata intercessissent. Dissertationes tamen ejas, quas ipse duobus jam editis tomis inseruit, minime probari Cl. Autori nostro videtur, qui premendas eas & *devotius* *peritiorum* expoliendas fuisse judicat. Sane sententiam ejus de duobus Ælfricis, quam ipse *tot tantisque firmatam argumentis existimet, ut non facile alia rejicienda sit*, nulli alii fundamento inniri observat, quam immamni cuidam Wheloci errori, Chronicon aliquod Saxonicum male interpretantis. Memoratque Whartonum a nonnimine de hoc errore monitum, novo argumento in Addendis sententiam istam firmare conatum fuisse. Catalogos porro MSSorum varios allegat, quibus in hac Bibliotheca sua concinnanda fuerit usus, hacque occasione ad Catalogum omnium quæ in Briannicæ Bibliothecis allervantur MSSo-
rum

rum delabitur, in quo concinnando ab annis aliquam multis laudabilem operam posuit Vir doctissimus Eduardus Bernhardus. Quod quidem opus ubi ex merito suo commendasset, id saltem sese dolere ait, quod major cura in examinandis Catalogis, qui e locis diffitis ad eum perferuntur, adhiberi non possit. Se enim satis certo persuasum esse, integrarum Bibliothecarum Catalogos in isto opere exhiberi, cum tamen vix ullum voluminum recensitorum in locis indicatis inveniatur. Hoc ipsum autem, quod accuratis thesaurorum suorum indicibus Anglia destituatur, excusationis loco sibi putat inservitutum, multa forte Anglicorum scriptorum millia prætereunti.

Ut autem ad ipsum librum accedamus, in eo ita versatur Autor, ut primo loco Scriptores Geographicos, Chorographicos & Topographicos exhibeat, eosque itidem qui de naturali historia & antiquitatibus, ut & de forma regiminis Anglicani commentati sunt. Inter illos de iis primum agit, qui geographicam Angliæ universæ historiam, deinde de his qui provinciarum quarundam urbiumque, in specie chorographias vel topographias ediderunt. Ad Chronicorum atque Annalium enarrationem inde accedit. Ubi distincte quidem agit de iis quæ generalia sunt, atque vel ad Romanorum Britannorumque tempora, vel ad Saxonum & Danorum ævum, vel denique ad tempora quæ post Angliam a Gulielmo Conquestore occupatam abiere, pertinent. Postea vero etiam seorsim Lectorum suorum oculis exponit ea, quæ particulares solum Regum, Gulielmo Conquestore posteriorum vitas, in annalium ordinem redactas complectuntur. Et hæc quidem sunt, quæ in parte priori hujus operis clarissimus Autor exponit. Jam porro ad Historiæ Ecclesiasticæ in posteriori, quæ lucem nondum vidit, Scriptores se accessurum pollicetur, primoque illos recensiturum, qui res in Ecclesia Anglicana gestas generatim, a primis Christianismi in regno isto incunabulis, usque ad Henrici VIII ævum, literarum monumentis consignavere. Deinde eos qui historiam particularium Episcopatum, Monasteriorum atque Academicarum persecuti fuerunt. Peculiari postmodum capite libros, qui leges monum entaque ad statum hujus regni pertinentia continent, se ait enarraturum, & denique Biographorum notitiam traditurum; ubi distincte iterum de iis qui Sanctorum hujus gentis, qui præstantium in Ecclesia & Republica Virorum, quive Virorum

c. I.

c. II.

c. III.

c. IV.

c. V.

c. VI.

c. VII.

c. IX. X. XI.

c. XII.

c. XIII. XIV.

litteris clarorum vitas memoriæ mandaverunt, acturum sese esse pollicetur.

Eorum, quæ de singulis hisce Scriptoribus, Cl. Autor tradit, hæc ferè summa est. In ætatem plerumque eorum inquiri; quibus porro subsidiis instructi, ad consicienda, quorum autores sunt, opera accesserint, & an bene an secus rem gesserint, indicat: & denique ubi edita illorum opera sint, aut in quibus bibliothecis manuscripta delitescant, observat. Quæ omnia licet summa brevitate plerumque perstringat, tantum tamen abest ut jejunus propterea sit, ut potius largam rerum minime vulgarium messem ex opere non admodum voluminoso Lectoribus promittere audeamus. Liceat speciminis loco, ne quid partibus dedisse videamur, nonnulla adducere. Inter Geographicos Angliæ Scriptores Venerabilis Beda etiam referendus esset, si fidem mereretur, quem passim alibi etiam clarissimus Autor castigat, Pitseus. Hic enim librum ejus *de situ & mirabilibus Britanniae* apud Cantabrigienfes in bibliotheca quadam delitescere observat. Verum affirmat Nicolsonus, deceptum eum esse inscriptione capitis primi Historiæ Ecclesiasticæ Venerabilis illius Viri, quam ab Ælfredo Rege in linguam Saxoniam translata in bibliotheca a Pitseo allegata asservet: aliud sane nihil, quod hujus argumenti esset, e calamo Bedæ profluxisse contendit. In Capite III, ubi de Scriptoribus antiquissimas Britannorum res facientibus, eaque occasione de ipsis antiquitatibus Britannicis multa erudite disserit, sub initium statim linguæ antiquæ Britannicæ notitiam ab eo, qui hanc Historiæ Anglicæ partem tradere cupit, requirit. Difficilem linguæ hujus, quantum quidem ex illa restat, acquisitionem non fore ait, si magna adeo ejus pars perierit, ut, quemadmodum doctissimus Bernhardus in Epistola ad Hiccesium, Grammaticæ ejus Anglo-Saxonice & Mæso-Gothicæ subjecta, observavit, Lexicon Britannicum Joh. Davisii *ex quadam se saltem Cambriæ sit, semis habens a Latinis, quadrante altero Anglis dominis concedente*. Verum hanc doctissimi Viri observationem parum certam esse putat, majorem fidem habens Cl. Loydio, qui linguæ & antiquitatum patriarum peritissimus hanc ipsam rem penitus examinavit. Ille enim inter decem millia, quæ Lexicon istud exhibet vocabula, MD solum invenit, quæ Latinis similia esse videantur. Quæ tamen Latinæ propterea originis esse non concedit. Saltem.

post

p. 4.

p. 74.

post Cæsaris in Britanniam expeditionem inuenta fuisse negat, cum, observante Sheringhamo, inter ea haud pauca sint, quæ Cæsaris temporibus apud ipsos Romanos jam antiquata fuere. CC ex iis cum Anglicis aliquid habere cognationis ait, quæ tamen Anglis non deberi inde probat, quod dimidia eorum pars in Aremorico Ivonis Quilliverii Dictionario quoque invenitur: reliqua portio omnia Cambrica esse, extra controversiam existimat, cum nullam eum alterutra istarum linguarum convenientiam habeant. Recenset inde clarissimus Autor, quibus subsidiis ad linguæ hujus interiora penetrare liceat, eos, qui Grammaticas & Dictionaria Britannica concinnarunt, diligenter enumerans. In Dictionario Britannico conficiendo Jo. Lelandum quoque operam posuisse Pitseum monere refert, sed falso iterum. Deceprum enim eum fuisse ait syllabo & interpretatione antiquarum dictionum, quas in genethliaco carmine Edoardi VI natalibus consecrato adhibuerat, carmini isti ab eo subjunctum. Verum ad ipsos Historicos deinde accedens, Bardorum eam spartam apud Britannos antiquissimos fuisse ait, qui carmine res gestas virorum illustrium persequerantur. Profodiam eorum & observatas carminis leges Midletonum investigare ausum fuisse ait in *Bardoniaet* sive Poetices Britannicæ Arte. Magni inter illos nominis fuisse *Merlyn* ait, cujus verum nomen *Merdygni* esse, & a patria *Mariduno* ei habuisse, post Loydium monet; omnia autem, quæ de tribus hujus nominis viris Pitseus cum aliis assert, nugæ & fumos esse contendit, aut unicum solum aut nullum Merlinum extitisse persuasus. Similiter e Gilda, quem antiquissimum esse dicit eorum, qui e veteribus rerum Britannicarum Scriptoribus ad manus nostras pervenerunt, temere tres viros conflatos fuisse monet. Equidem Lelandum etiam in ea opinione esse ait, quod a Gilda Historico Poeta sit distinguendus: cujus poema quoddam *Cambreidis* nomine inscriptum, Anglis surreptum & in Italiam ablatum sit, ibi alicubi delectescens. Verum falsa hæc omnia esse ait, nec ullum aliud Gildæ cujusquam poema extare putat, quam istud quod Gildæ fidei, ipse Lelandus, Pseudo-Gildæ vero nomine Ulserius passim allegaverit. Alium supposititium Gildæ librum quoque memorat de Victoria Ambrosii, ex quo Joh. Pitsei Historiam Regum Britannorum; rem de primis insulæ incolis; lites item Luddi & Nennii aliaque concinnata esse observat. Verum nimis diu nos jam detinuit caput, in quo

p. 74.

p. 80.

p. 81.

p. 83.

de

- p. 103. de Britannorum veterum Historicis Cl. Autor agit ; quamobrem reliqua quæ in eo tradit, non minus jucunda, transilientes ad alia pergitur. In eo itaque loco, ubi de Saxonum Historicis egit, pro more suo nonnulla ad linguam eorum facientia præmittens, inter ea Ælfrici Vocabularium Saxonico-Latinum commemoravit. Quod una cum Grammatica ejus e codice non optimo ad calcem Glossarii Anglo-Saxonici Somneriani evulgatum ait, melioribus codicibus in Bibl. Cottoniana, & D. Johannis Oxoniensi, quidquid contradicat Whartonus (in Auct. Hist. Dogm. Usserii p. 377. 374.) asservatis. Insignibus autem plane elogiis ornat Glossarium Henr. Spelmanni, maximeque dolet, in postrema editione ei non accessisse notas atque auctaria, quæ in totum opus concinnata, delitescant inter Somneriana manuscriptorum in Bibliotheca Cantuariensi. Præterea ex hoc Spelmanni, alteroque Somneri Glossario, in magno suo mediæ & infimæ Latinitatis Glossario omnia ea Cangium depromisisse, quæ ad difficiliorum in antiquis Angliæ legibus locorum interpretationem faciunt, observat.
- p. 106. Maxime autem hic notari meretur Autoris in Camdenum, Lambardum, Spelmannum omnesque Angliæ Antiquarios atque Historicos strictura, quos tria diversa Legum Anglicarum, Saxonum nimirum Occidentalium, Mercianarum item & Danicarum Legum digesta temere confinxisse arbitratur. Deceptos nimirum eos esse ait falsa vocis *Laga* interpretatione, quam *legem* significare persuasi e *West sexena laga*, *Myrcena laga* & *Dene laga* triplicem hanc legem comminiscendi occasionem nacti fuerint. Verum *Laga* non legem, sed *regionem* sive *provinciam* notare, ex ipsis legum Ethelberti, Cnuti & Eduardi locis, quæ huic errori occasionem dederunt, evincit, adeoque omnem istam de triplici Anglorum lege famam mendacii arguit.
- p. 139. Ex iis quæ de Danicis Historicis refert, nihil attingemus, nisi quod Eddam, ea quam Relenius Hafniæ anno 1665 edidit, multo auctiorem in famosissima Bibliotheca Sereniss. Ducum Brunsvici Lunæburgicorum Guelferbytana extare manuscriptam, nonendum esse ducamus.
- p. 149. Inter Historicos denique, qui res post Gulielmum Conquestorem in Anglia gestas descripserunt, secundo statim loco ponit, multisque laudibus ornat Marianum Scotum, cujus tamen Chronicum omnibus illis mutilatum, quæ ad Germanorum Historiam non pertinent, in Collectione Pistoriana editum queritur ; optimum tamen ejus & perfectis.

festissimum codicem in bibliotheca Bodleiana extare memorat. Alios quoque Historiæ hujus temporis periodi Scriptores ubi perconsuisset, aliquam multos hodie audacem cepisse laborem generalem Angliæ Historiam compilandi monet, quos inter primas Joh. Marshamo, celeberrimi Canonis Chronici auctoris filio, & Jac. Tyrrello, Ulserii Armachani e filia nepoti, tribuit. Quorum ille si parentis, hic si avi eruditionem & fidem ad hoc opus afferant, nil nisi præclarum putat esse expectandum.

EXAMEN DE L' HISTOIRE CRITIQUE DU NOUVEAU

Testament &c. par ANTOINE COULAN.

i. e.

Examen Historiæ Criticæ Novi Testamenti, auctore

ANTONIO COULAN, Londini Ecclesiæ cujusdam Gallicæ Pastore.

Amstelodami, apud P. Marret, 1696. in 8. Alph. 1. pl. 6.

QUæ Scriptorum, qui ea sibi convellenda sumunt, quæ constanter statuta sunt a pluribus, sententiasque novas & inauditas in orbis eruditi scenam prodire jubent, fata esse solent, ut nunquam tot admiratores habeant, quin hostes quosdam profectos nanciscantur; ex abunde expertus est Vir ob multa ingenii monumenta celeberrimus, Richardus Simon. Post alios autem etiam Auctor opusculi hujus, viri-um sularum facturus periculum, cum eo in arenam descendit. Expositis nimirum causis, quibus adductus pugnam hancce capessiverit, quas inter haud postrema est, quod virorum doctorum super rebus criticis disceptationes magni momenti quæstionibus lucem affundant; inquit, quid Richardum Simonem adduxerit, ut sub diversis nominibus titulisque latitare, & mox Hieronymi de Sancta Fide, mox Hieronymi le Camus, mox Simonvillæ, mox alio nomine insigniri voluerit. Qua de re suas conjecturas afferens, ambitionis haud obscure eum arguit. Hinc ad rem ipsam progreditur, & primo quidem disputat, an plane necessarium fuerit, ea, quæ credenda faciendaque hominibus sunt, ut æternæ salutis compotes reddantur, Divinarum Litterarum monumentis consignari? Negaverat hoc Simon, ut Traditioni, cui impense favet, robur aliquod inde conciliaret. Auctor autem secus sentit, quæstionemque affirmat, & ad argumenta, quibus Simon utitur, & quod ipse Christus Salvator minime necessarium judicaverit, ut se inter mortales versante, sua doctrina litterarum monumentis consecraretur, quin quod nec Apostolis, ut hoc facerent,

Part. I.
Epist. I.

Epist. II.

E

jus-

- jusserit, itemque quod Apostoli ferente ita occasione, precibusque quarundam Ecclesiarum adducti scripserint,) ita respondet, ut ea certa ratione concedi posse autumet, sed non ita, ut a Simone proferuntur. Interim ex iis confici posse, non necessarium fuisse, ut doctrina cœlestis litteris scripturaque ad posteros propagaretur, plane abnuitt. Quod ad traditionem attinet, de qua ex instituto in epistola III. agit, minime confundendas esse quæstiones ait, *unde nobis constet, libros sacros ab iis auctoribus scriptos esse, quorum nomina præferunt*, &, *unde nobis certo constet, hosce libros esse canonicos?* In priori ad traditionem recte provocari concedit, cum de facto lis sit. At canonicam Scripturæ sacræ auctoritatem ex characteribus istis Divinitatis, in ipsis hisce libris conspicuis, nobis certa & infallibili ratione innotescere. Id
- Epist. III.
- Epist. IV. quod prolixius edisserit adstruitque. Cum vero hinc alia quæstio oritur, debeatne Scriptura ex traditione, an vero ex regulis sanæ rationis, & artis criticæ explicari? posterius affirmat, sibi que denuonstrandum sumit. Quæ cum ita sint, concludit, perperam Simonem Protestantium sententiam cum errore quorundam veterum Hæreticorum contendere, aut Patrum illi opponere auctoritatem. Quod itidem satis operose persequitur. Hisce ergo expeditis, quarta succedit quæstio: an Scriptura sacra omnia ea, quæ creditu factuque ad æternam felicitatem consequendam sunt necessaria, contineat, ut adeo nulla opus sit traditione? Affirmat eam citra ambages, & Scripturam pro unica fidei & vitæ regula reputandam esse proficitur, argumentisque comprobat. Sed præcipuum, quo suam sententiam Simon tuetur, argumentum, quodque in ipsius Historia Critica utramque ferè paginam facit, hoc est: libros divinos per se intellectu difficiles & valde obscuros esse; accedere verborum phrasiumque ambiguitatem, lectiones variantes, malitiam aut ignorantiam illorum qui translationes in alias linguas adornant, & infinitas interpretum in oraculis divinis explicandis dissensiones: unde porro sequi putat, traditionem non posse non in subsidium vocari. Auctor itaque doctissimus quædam Scripturæ loca obscura & difficilia agnoscit, sed hæc, ut & cetera, quæ Simon objicit, tanti momenti esse, ut ad traditionem sit recurrendum, negat. Quin telum in ipsum retorquet, & traditiones, si non
- Epist. V.
- Epist. VI.
- Epist. VII.
- Epist. VIII.
- Part. II. majoribus, saltem iisdem premi difficultatibus, probat. Finit tandem primam partem, demonstrando infallibilitatem, ut vocant, quam Ecclesiæ Simon tribuit, omni plane fundamento destitui. In
- alte-

altera parte ad specialia descendit, & primo contra Simonem evincit, ritulos Evangelii ab ipsis Evangelistis fuisse præmissos. Semper quippe in more positum fuisse, si a Mosis libris discesseris, ut Auctores & nomina & titulos libris a se editis præfigerent. Mosis autem libros ideo illis destitui, quod illo tempore nulli alii extiterint libri, a quibus hac ratione fuerint discernendi. Ostendit etiam, nihil inepti esse, si asseratur, autographa Apostolorum per aliquot secula in Ecclesia extitisse: qua occasione Clerici partes contra Simonem tuendas suscipit. De Evangelio Matthæi ita sentit, nulla plane ratione probari posse, lingua Ebræa illud ab eo fuisse conscriptum. Quod autem Patres nonnulli hoc affirmaverint, ex errore fuisse profectum, quod crediderint, Evangelium Ebræum Ebionitarum ipsum Matthæum habuisse auctorem. Digreditur hic paulisper ad Ebionitas, eosque ab auctore & conditore sectæ Ebione, non autem a voce Ebræa, quæ pauperem significat, dictos fuisse contendit. Marcum divi Petri interpretem eo sensu dici posse concedit, quod aut mandata Petri fuerit executus, aut illum in doctrinæ cœlestis prædicatione adjuverit: sed Evangelium ex Evangelio Matthæi cum concinnasse autumat. De Epistolis Canonicis disserens, Epistolam Jacobi, non a Jacobo Minori, sed eo, qui cognomine Justus dictus est, scriptam esse evincit. De celeberrimo etiam loco i. Joh. V. 7. suam aperit sententiam, & allatis Simonis, Smithii & Arnaldi sententiis, locum istum genuinum esse pronunciat; rationem autem, qui factum, ut in nonnullis codicibus non legatur, explicaturus, Arnaldo subscribit. Tandem præcipua illorum, qui Divinarum Litterarum auctoritatem impugnant, argumenta refellit, scilicet, quod Scriptores novi fœderis non juxta linguam originalem, sed versionem LXX Interpretum oracula veteris Testamenti proferant, & quod eadem in alium plane sensum quandoque detorquere videantur. Finit totum opus, de usu linguæ incognitæ & peregrinæ in cultu Numinis nonnulla subnectendo.

Epist. IX.

Epist. X.

Epist. XI.

Epist. XII.

Epist. XIII.

Epist. XIV.

Epist. XV.

Epist. XVI.

Joh. Wincklers Vertheidigung seines gründlichen Beweises der Kinder-Tauffe.

Hoc est:

JO. WINCKLERI, APUD HAMBURGENSES AD D. MICHAELIS Pastoris, Defensio solidæ suæ demonstrationis Padobaptismi adversus objectiones quorundam in Belgio Anabaptistarum.

E 2

Ham-

Hamburgi, apud Godofredum Libernickel, A. 1696. in 8.

Constat Alphab. 1. plag. 9.

Natum est hoc scriptum occasione sermonis cujusdam sacri, quo dictum Christi Marc. X, 14. explicuerat, hujusque auctoritate paedobaptismum coram cœtu publico adstruxerat æstimatissimus Hamburgensis Pastor, Maxime Reverendus Wincklerus. Eum enim latius deductum cum A. 1691 in gratiam connullorum, qui tunc a Menonitis ad Orthodoxos transferant, evulgasset, reperti sunt inter Anabaptistas Belgas, qui isti se opposuere. Horum igitur oblocutionibus jam respondet Auctor, ac, sicut in priore libello suas meditationes quinque incluserat capitibus, sic totidem sectionibus nunc quoque scriptionem hanc absolvit, quarum contenta potiora in summam more nostro redigemus. In capite *primo* ante omnia objectionem sistit, quæ mota ab adversariis hanc ob causam fuerat, quod paedobaptismum probasset e tali dicto, unde nonnisi *κατὰ διὰβολαν* is inferri posset, imo quod istum ne apice quidem uno adstruat. Ast huic ita satisfacit, ut primo, nihil ibi de paedobaptismo dici nequaquam largiatur, cum quoad sensum omnino Christus effato isto eum statuminet; deinceps vero innuit, doctrinam, quæ e dicto aliquo per legitimam probetur consequentiam, satis valide e Scripturis assertam dici posse, quandoquidem & Christus Matth. XXII, 31. sq. resurrectionem, consequentia usus, adversus Sadducæos roboraverit. Excipientibus vero, a resurrectionis dogmate ad probationem paedobaptismi, in quo adhibenda ceremonia, quæ niti semper expresso Dei mandato debeat, non valere consequentiam; regerit, multo magis concessum fore, ad statuinendam aliquam ceremoniam consequentiis uti, postquam in fundamentali quodam dogmate easdem adhibere Christus non dubitaverit. *Quinimo* in Dei ordinationibus externis multas occurrere ait circumstantias, quas Deus *κατὰ ἑαυτὸν* haud præceperit, viri tamen *θεοπνευστοι* per consequentiam e verbo ejus deduxerint; quem in finem testimonia Apostolica Rom. II, 28. Ebr. X, 1. 1. Cor. IX, 9. potissimum urget. Ulterius cum Anabaptistæ foeminas etiã ad baptismum admittant, manifeste ipsos consequentiis uti docet, cum nusquam earum baptismus mandatus expresse fuerit. Ante vero, quam ad textum suum principalem revertatur, alibi etiã in Scripturis paedobaptismum fundatum esse

esse, quod adversarii quidem negant, ostendit, eaque propter dictum Matth. XXVIII, 19, locumque parallelum Marc. XVI, 15. fusius exponit, & ab Anabaptistarum *ψευδεργασις* prolixè vindicat: ac postea, baptismi utique mandatum exhiberi in verbis Christi, super quibus jam controversatur, ostendit imprimis ex adhibita ab ipso phrasi *ερχεσθαι πρὸς με*, cum enim via, qua ad Christum venire infantes possint, ipse sit baptismus, hinc assatim patere ait, quod baptizari infantes Salvator hoc effato jusserit. Frustra autem Anabaptistas innuit reponere, capaces esse debere baptizandos fidei, quam infantibus tribuere haud liceat. Licere enim utique contendit ex aperto Christi testimonio, Matth. XIX, 6. quo in loco non infirmos sane ac simplices, sed parvulos a Christo describi, & adultis in exemplum exercendæ fidei proponi, multis argumentis evictum dat. Obstacles dehinc, quæ ex Anabaptistarum mente parvulos fidei incapaces reddant, nullius esse ait momenti, cum non humana qualitas, sed operatio Spiritus Sancti extraordinaria utramque paginam hic faciat. Porro, utut Anabaptistæ, fidei necessitatem in omnibus salvandis Marc. XVI, 16. & Ebr. XI, 6. requiri probe perspicientes, varios conquirant modos, textus hosce cum suis hypothelibus conciliandi, nil tamen ab ipsis, præter miseram eorum detorsionem, præstari ad oculum demonstrat. Requirit concedit Gal. V, 24. a credentibus, ut carnem crucifixerint cum affectibus & concupiscentiis; sed hic peculiarem istius loci explicationem suppeditat, Paulumque haud præter rem verbo uti inquit præterito *ἐσαύρωσαν*; respicere enim ipsum ad Christi meritum, quo effectum fuerit, ut credentium peccata per imputationem æstimentur pro crucifixis, quod est, pro enervatis, & talibus, quæ vim suam damnandi amiserint. Quamprimum ergo quis istud ejus meritum apprehendat, frui ipsum isthoc beneficio, unde & de credentibus parvulis quæc dicere, quod per applicationem meriti Christi carnem crucifixerint cum suis affectibus & concupiscentiis, ita, ut in iis non minus ac in adultis pro ipsorum ætione reputetur ea, quæ a merito Christi profecta fuerit. His ita deductis, minutiora quædam & velut *πίεργα* primi sui capitis Auctor ab adversariorum objectionibus adhuc liberat, ac v. g. explicationem vocis *βρέφη* de infantibus etiam trimulis, locumque 2. Tim. III, 15, ubi Timotheus *δοτὸ βρέφους* Scripturam nosse dicitur, ea occasione illustratum, aliæque similia ulterius confirmat.

Sub initium *secundi* capitis spiritualement ad Christum accessum priorem esse posse in infantibus accessu corporali, quicquid contra asserant Anabaptistæ, statuit, ac ipsos quoque invitatos ait Matth. XI. 28, cum peccatis certe onusti sint, jugumque non minus Christi suscipere, ac refectiorem ejusdem percipere valeant. Circa loca autem Luc. VI. 47. XIV. 26. Joh. V. 40. VI. 35. male credere observat adversarios, ac si ea ideo adduxisset, ut sigillatim infantium ad Christum accessum iisdem probaret, cum potius accessum fidelium ad Christum generatim iis adumbrare voluerit. Ex ultimo etiam collato cum Joh. VI. 44. trahi infantes a Patre coelesti multis probat, ac divinam operationem in pusillos etiam quam maxime cadentem prolixius rationibus adstruit. Dixerat Auctor, quod ad Christum venire idem sit, ac ejus adscribi discipulis; hanc ergo phraeos interpretationem amplius tuetur, &, quo pacto ea ex profelytorum historia illustrari possit, commonstrat. Absurdam autem illam consequentiam, quam inde fluere putarunt Anabaptistæ, fore adeo dicentes, ut, sicut profelytus statim a suscepta circumcissione Paschati comedendo aptus judicatus fuerit, ita infantes quoque statim a baptismo ad sacram cœnam debeant admitti; redarguit, dum inter alia ne profelytorum quidem Judaicorum infantes, licet circumcisos, ante discretionis annos ad pascha admissos fuisse perhibet. Dehinc cum per *venire* infantium ad Christum, in loco præsentis non intelligi queat accessus corporalis, quippe infantibus tenerioribus adhuc negatus; nec beatus per mortem, quippe quem impedire nemo possit; hinc spiritualement solum remanere innuit, & eum quidem non immediatum aliquem, qui rursus a quopiam sufflaminari haud queat, sed mediatum, qui per parentes in allatione ad baptismum promoveatur. Nimis sibi placuerant Anabaptistæ in jactata Tertulliani auctoritate, qui hunc textum nonnisi de liberis adultis intellectum voluerit; sed hanc veritati nihil obesse Auctor regerit, colligit tamen exin, quod ævo jam Tertulliani locus ille de paedobaptismo fuerit expositus, utut hic peculiarem opinionem in determinanda ætate sequi maluerit. Infantes dici posse Christi discipulos, exinde impugnant Anabaptistæ, quod doctrinæ ejus incapaces sint. Sed Auctor responderet, nec unumquemvis, qui recipiatur in alterius disciplinam, informatione statim imbui, nec infantes doctrinæ capaces asserere absurdum esse, nisi in persuasionem eorum, qui rem totam hec ex viribus

naru-

naturæ dijudicent. Discipulos Christi eosdem esse ac Christi servos, Anabaptistæ asseruerant, servum autem alicujus vocari non posse, nisi cum, qui voluntatem domini sui norit, & hanc tamen notitiam exulare ab infantibus. Verum notitiam præstandi officii non præcise requiri ab eo, qui in servum conducatur, nec omnem ab infantibus notitiam removendam venire Auctor contra asserit, qua de causâ & omnino Christi servos nuncupare eos liceat. Requisivisse olim Johannem & Apostolos a baptizandis confessionem fidei poenitentiaeque & conversionis, non negat Auctor, quia ipsis cum adultis res fuerit; verum haud permittit, ut quis colligat, ac si denegata infantibus eandem edendi potestas baptismum eorum ipsum tollere valeat. Ubi iterum ad auctoritares ventum est, denuo explorat Auctor mentem Tertulliani; istud vero, quod Anabaptistæ asserunt, Tertulliani demum ævo pædobaptismum paulatim fuisse introductum, penitus inficiatur, & nec ex Tertulliano ipso, nec ex aliistalia posse colligi, manifestum efficit. Nec juvare ait Anabaptistas, prout illi glorientur, Justinum, utpote qui adultorum mentionem faciens, infantum certe baptismum in usu fuisse ideo nequaquam docuerit. Impositionem manuum a Christo heic efflagitatam non aliam fuisse, quam quæ in Baptismo facta fuerit, inter alia etiam ex usu hujus ritus, quem primitiva Ecclesia inter baptizandum retinuerit, olim probarat Auctor; nunc igitur & ea antiquitatis monumenta profert, e quibus, quod infantibus quoque baptizandis manus quondam fuerit imposita, dispalescat. Expresio, quod Anabaptistæ requisiverunt, pædobaptismi mandato opus haud fuisse statuit, quandoquidem summa baptismi necessitas jam tum probari satis queat ex Christi verbis Joh. III, 5. ubi neminem potiri posse regno coelorum dixerit, nisi qui ex aqua Spirituque regeneratus fuerit. Quam autem ob rem Deus in circumcisionis præcepto expressam fecerit parvulorum mentionem, inquirat, idque ideo factum esse censet, quod nonnisi octavo die eos circumcidi voluerit. Talem vero mentionem in baptismi mandato non fuisse absolute necessariam contendit, nec, quod ea ibi haud reperiatur, infantibus quicquam obesse vult, quandoquidem alias & fœminæ arcendæ hinc essent, cum nec earum Dominus meminerit. Caterum inter circumcisionem & substitutum in illius locum baptismum non omnimodam ubivis paritatem intercedere debere monet, atque hoc pacto varias Anabaptistarum objectiones destruit.

struit. Ex eo, quod Christus dixerat, parvulorum esse regnum cœlorum, pædobaptismum roborare Auctor olim laboraverat, cum nemo nisi per hunc introire queat in regnum cœlorum. Sed cum Anabaptistæ locum, quo thesin hanc adstruxerat, classicum, Joh. III, 5. sigillarint, hinc in eo ulterius defendendo jam totus Noster est, ac imprimis, quod regeneratio non ad solos adultos restringenda sit, demonstrat, sicuti & ex Eph. V, 26. probari posse, quod baptismus ad infantes non minus ac adultos pertineat, iteratis rationibus confirmat. Pluribus quoque evictum dat, recte se quondam collegisse, pari modo ac infantes V. T. per peculiare quoddam medium in regnum Dei introverint, infantes quoque N. T. medio peculiari illuc pervenire, quod aliud non sit, præterquam baptismus. Tandem vero nihil amplius actum circa caput hoc ab adversariis testatur, quam quod non pauca argumenta olim allata silentio prætermiserint, e contra vero passim verba quædam singularia captaverint, inque alienum sensum detorserint. Caput *tertium* fidei infantium asserendæ destinatum est, quam cum decem argumentis propriis impugnare Anabaptistæ nisi sint, singula recenset Auctor bona fide, optimaque dexteritate resolvit. Nihil autem isti in medium proferre noverunt, quam obvium in infantibus defectum auditus verbi, notitiæ, assensus, fiduciæ, facultatis exercendi bona opera, unde ad ipsius fidei absentiam concludendum esse arbitrati fuerunt. Sed quam *αἰτία* hæc dicantur omnia, Noster eo, quo solent alias Theologi Lutherani, modo egregie patefacit, simili-que ratione ea etiam refellit, quæ decem illis argumentis, quibus ipse fidem infantium olim adstruxerat, antagonista opposuerunt. Qua occasione Lector loca Rom. I, 17. Hab. II, 4. Rom. X, 9. Joh. I, 12. aliaque dilucidata non sine fructu reperiet. In Capite *quarto* defendit suam consequentiam, ubi ex eo, quod Christus discipulis suis, qui infantium baptismum impedire conabantur, contradixit, olim collegerat, parvulos utique ad baptismum admittendos esse. Omnino etiam opus fuisse innuit, ut Discipuli expressum Christi interdictum protulissent, si valide arcere voluissent eos qui infantes apportabant; hoc vero eos caruisse; quinimo & juxta Christi ordinationem integras familias ab iis baptizatas legi urget, quodque sub his quam maxime & infantes comprehendantur, adversus Anabaptistas circa singula exempla sacra probat. Voluerant Anabaptistæ necessitatem pædobaptismi inter alia

ex hoc fundamento tollere, quod infantes labe originali infecti non essent: sed hoc veritati cœlesti & experientię prorsus refragari, consuetis usus argumentis Noster regerit. Rationes, quas pro eodem pædobaptismo ex Act. II, 38. depromserat, latius tuetur, ac sub finem capituli de iis, qui primi in parvulos adeo iniquos sese gesserint, & quorum vestigiis hodie Anabaptistę insistant, ex Historia nonnihil suggerit. Caput tandem *quintum* brevissimum est, utpote in quo Auctor paucis ea repetit, quę de regno Dei (Ecclesia puta, qua triumphante in cœlis, qua militante in terris, hujusque bonis ac mediis) ad infantes pertinente scripserat. Cum enim adversarii momenta rei huic probandę imprimis servientia intacta reliquerint, ac nihil fere insuper protulerint, nisi quod ex antea dictis abunde queat refutari, hinc post paucarum objectionum examen in pia ad Anabaptistas parænesi desinit.

THESAURI BRANDENBURGICI A LAURENTIO

• BEGERO concinnati: Pars altera.

Colonię Marchicę, 1696. in fol.

EMMAS, quę in Potentissimi Electoris Brandenburgici cimeliarchio reperiuntur, a doctissimo ejus custode venustissime expositas, & eruditis commentationibus illustratas, præterito mense Septembris anni superioris p. 433. seqq. contemplati, nonnullas earum spectandas exhibuimus, ut ex istis lucidissimis veluti particulis de totius operis splendore documentum daremus. Nunc nummariam instructissimam penum excutiemus, & quędam a clarissimo Begero publico conspectui exposita, ac in dialogi formam composito commentario, in quo ipse sub *Dulodori* nomine veram de quolibet nummo sententiam pronunciat, illustrata Numismata proferemus, Lectoris desideria ad cognoscenda omnia in pulcherrimo isthoc opere exhibita accensuri. Horum quatuor classes constituit Auctor: in quarum primam ea redegit, quę a Regibus & illustribus Viris conflata, aut in eorum honorem fuerunt cusa; altera Magnę Gracię & Sicilię antiquos nummos complexus est; tertiam Insularum Gręcarum; quartam reliquarum Gracię urbium & coloniarum, in Asia denique & Africa percussi nummi implent: e quarum singulis quosdam depromemus & Lectorum oculis exponemus.

Ex Regum & illustrium Virorum nummis, et si præclari o-

F

mnino

mnino sunt omnes, qui in Macedonia, Asia, Syria, Ægypto, Pergamo, Bithynia, Caria, Ponto, aliisque regionibus in honorem Regum suorum percussi fuerunt; quales hic conspiciuntur Archelai, Amyntæ, Philipporum, Alexandri Magni, Lyfimachi, Persei, Pyrrhi, Antigoni, Demetriorum, Seleuci, Antiochorum, Ptolemæorum, Batti, Prusiæ, Pharnacum, poctarum item Arati, Posidippi, & aliorum clarorum virorum; præ cæteris producere lubet nummos quatuor elegantia non minus, quam raritate sua, æstimandos. Primum in his locum obtinet, qui *Seleuci Cerauni*, atque *Antiochi*, qui Magni postea cognomen tulit, Fratrum, refert facies; Dioscurorum habitu, quem ex pileis atque coronis cognoveris, ideo expressas, quod vel locis citra Taurum ab Attalo oppressis fuissent auxilio, vel ob alius spem victoriæ. Secunda Figura *Prusiæ* Bithyniorum Regis refert vultum, sed justo fortasse elegantior; siquidem ut animo varium, ita statura exiguum, facieque illiberali, produnt eum Auctores. Et si, quod Tzerzes tradidit, superna prorsus parte loci omnium dentium os continuum ipsi fuisse, ad filium potius ejus, ut ex Valerio Maximo & Plinio constat, referri debet. Jovem Tarantæum averfa refert (id quod literæ T A indicant) cujus in Bithynia, a Bithyno quippe Jovis filio nuncupata, summus erat honos. Sed raritate sua magis fortasse eminet, quod sub Fig. III. depingimus, numisma, quodq; *Lydola* Corinthii equam exhibet, (*Auram* vocabant.) Minervæ in hoc nostro propter celeritatem & prudentiam, ut Marti in alio propter fortitudinem & robur, sacram. *Lydolam* autem nummus testatur fuisse domini nomen, non *Phidolam*, quo nomine illum quinquies vocat Pausanias, forsan ab aliis, a quibus rem hauserat, deceptus. Sequitur in Fig. IV. *Ulati Atcula* nummus. Et si vero hic ad Attilam Hunnorum Regem (ut visum clarissimo Viro alii fuerat) referri, Begero judice, non potest; non tamen æque exploratum est, quis ille hominum fuerit, quem hic *Vlati Atculæ* nomine insignitum legimus. *Ulatum* quidem familiæ fuisse nomen apud Lugdunenses, Sponii quædam inscriptio Lugduni in vico de Flandres reperta indicat:

CULAT.
 ASPR.
 HONO.
 FU.
 CULATTI.


Hinc

fig. 1.



fig. 2.





Hinc Ulatum hunc, cognomento Ateulam, Lugdunensem fuisse, non improbabile existimat Begerus. Quicquid de eo sit, juvenile illud caput in altera nummi area expressum esse Cupidinis, ex additis aliis cognoscitur. Sed ad secundam classem pergimus, & e tot faberrimi operis nummis duos velut in illustri positos intuemur. Alterum Figura V exhibet, ad *Luceriam* Dauniz seu Apuliz potius, utpote celebriorem, quam ad *Luceriam* Galliz Cispalinæ, referendum. Certe nulla fuit, si Dionysio Halicarnassæo credimus, Italiæ urbs, quæ non Herculem aris coluerit & fanis. Cui accedit, quod *Luceria* illa colonia fuerit Romanorum, qui inter conditores suos Herculem numerabant. Factum inde videtur, ut Latina nummi inscriptione ornaretur, quæ traxit tamen aliquid ex Græco, *OU* pro *U* ponendo, eo prorsus modo, quo *Fourium* pro *Furio* legimus. Alterum e secunda classe nummum Fig. VI representamus. Is ex *Palladis* & galli cum stella typis, *Calenorum*, urbis Campaniæ, haberi potest: sed inscriptio cum *Axuritis* potius, iisque *Volsceis*, adjudicare videtur. Verum Begerus ad oppidum *Circæ*, quod centum tantum ab *Axure* stadiis distabat, respici hic arbitrat, quod ibi *Minervæ* quoque ara fuerit monstrata, quodque *Circe* *Solis* filia & gallus *Solare* animal fuerit. Cæterum nummi hujus raritatem haud mediocriter auget insueta alias literæ & figura. Eadem enim, sed clausa tamen, quæ hic cernitur aperta, quibusdam in nummis τϞ, nunquam, ut hactenus quidem est observatum, τϞ ζ referre visa est. Neque verò abs re cum Auctore *Volscos* dixeris & *Oscos* affines inter se literas, quales, utut non figura, potestate tamen sunt K & ζ (nam si τϞ K junxeris ζ, expresseris potestatem literæ ζ) etiam figuris affinis expressisse. Ad tertiam venimus classem, e qua tres nummos decerpi operæ existimavimus futurum. In his septimum nobis locum occupat *Elyriorum* nummus, qualem fere (nisi quod loco capræ arborem depascentis, caput tantum capræ exhibet,) prodexerat jam ante *Harduinus in Nummi Antiquis Populorum & Urbium* pag. 149. arbitratus capræ caput signatum, quod *Elyrii* capellam æneam, teste *Pausania*, *Apollini* dono misissent: in averfa parte apem appositam, ad mellis ubertatem & præstantiam, in monte imprimis *Carina*, cui forte urbs *Elyros* imposita fuerit, significandam. Begerus vero per apem non mel, quod conficit hoc animal, sed solertiam potius ejus designari censet; cum de apibus *Cretensibus* *Plutarchus* re-

TAB. II.
Fig. V.
P. 317.

Fig. VI.
P. 357.

Fig. VII.
P. 403.

ferat, quod promontorium quoddam ventosum prætervolantes, ne transverſæ abriperentur, lapillis ſeſe ſaburrarint. Neque per capram ad eam putat reſpici, quæ Apollini miſſa eſt, ſed ad frequentiam caprarum Cretenſium, inſeſti arboribus animalis. Per literas *MI* api appoſitas vel Minoëam, ſeu primum, ſeu ſecundum, Cretenſium Regem, indicari cenſet Noſter; vel Miletum urbis homonymæ conditorem; vel ipſam denique Minoëam, Cretæ urbem: non obſtante, quod in altero latere Elyros jam legatur, ſiquidem duarum quandoque urbium nomina ad concordiam deſignandam in eodem nummo compareant. Nummus in Fig. VIII. delineatus ad *Marium* Cypri urbem ab Auctore reſertur. Qui enim Marioni Alexandrino, quem in Olympiſcis oleam de luſta meruiſſe ferunt, ejusque uxori alias incelebri vindicare hunc nummum velit, ei folia ramorum atque coronatum illic expreſſarum obſtant. Siquidem ea non longiuſcula ſunt, qualia oleæ ſolent, ſed ad rotunditatem vergentia, qualia ſunt myrti, quam Veneriæque ac ipſam Cyprium urbemque illius Marium conſecratam fuiſſe nemo neſcit. Veneris ergo hic faciem cælari nullum eſt dubium: virili autem autem facie altera vel Deorum aliquem, ut Neptunum aut Jovem, vel ipſum urbis conditorem Marieum exprimi, facili conjectura aſſequimur. Quem in Fig. IX exhibemus, *Chalcidenſium* nummus eſt. In illo pugna delineatur aquilæ cum ſerpente; qua tamen quid ſignificetur, haud adeo apertum eſt. Auctori quidem non urbis ſymbolum, aut quoddam prodigium, ſed fortitudinem indicari viſum eſt, tropæi maxime figura adjecta, & quod celebretur a Scriptoribus Chalcidenſium fortitudo, perſuaſo. Ad ultimam properamus claſſem, totidem inde numiſmata ſelecturi, quot dedimus e tertia. Neque in Fig. X hærebimus, quæ *Theſſalonienſium* reſert nummum, a Jacobo de Wilde quidem jam luculenter illuſtratum, ita tamen, ut Noſtro non deſint, quæ aut ſuppleat, aut emendet, ex ipſomet libro haurienda. Ad *Tarſcorum* igitur nummum in Fig. XI delineatum progredimur, qui aliam nunc longe ab Auctore, quam in Theſauro Palatino, explicationem eſt expertus. Siquidem quem olim ad Tarſum Hiſpaniæ retulit, rectius ad Tarſum Ciliciæ referri nunc putat, quam quidam a Sardanapalo conditam aſſerunt, Hinc Sardanapali, Aſſyriorum Regis, hic effingi ſepulcrum & ſtatuum, non eſt a vèro illi abſimile, ne repugnantibus quidem quatuor literis in nummo adſcriptis.

Nam

TAB. II.
Fig. VIII.
p. 409.

Fig. IX.
p. 428.

Fig. X.
p. 483.
Fig. XI.
p. 507.

Nam secunda A & quarta Δ cuius patent; si ergo primam Σ & tertiam P statuas, quod reliquæ non respuunt, principium nominis SAR-Danapali exsurgit. Viri etiam animalculo insistentis pileus, palla regia, sagittæ, huc quadrant. Neque animal illud aurium, quod ad lupi cervarii formam accedit, cum immensæ gulæ memoretur, ab indole Sardanapali est alienum. Tandem quod ad nummum XII Beryti urbis attinet, secundas & in eo explicando curas expertus est melior: Auctor. Quandoquidem non vexillum amplius & pileos, quibus libertatem urbis adumbrari putaverat, agnoscit; sed vexilli loco aplustre, sive velum parvum in navigiis usurpari solitum, pileos vero Dioscurorum seu Cabirorum, (solum enim nomine differunt, te vera iidem) quibus perinde ac Neptuno & piscatoribus Berytum dono dedisse Saturnus memoratur, quique primi navigium dicuntur invenisse. Unde & faciem in numismate expressam avia Saturni Beryti esse, & ab ea Berytum dictam hariolatur.

TAB. II.
Fig. XII.
P. 512.

**SEXTI AURELII VICTORIS HISTORIÆ ROMANÆ BRI-
varium, cum Notis integris variorum, edentis
SAMUELE PITISCO.**

Trajecti ad Rhenum apud Fr. Halmam & Gul.
vande Water, 1696, in 8.

Constat 2. alph. & multis iconibus insertis.

Nemo ex veteribus Scriptoribus minori compendio præcorum Romanorum & Cæsarum gesta complexus est Aurelio Victore: cuius tamen an omnes libelli sint, qui sub ejus nomine feruntur, an diversos auctores habeant, non extra controversiam est positum. Quatuor autem omnino ab eo scripti ad nos pervenisse libelli creduntur: *De origine urbis Romana*; *De viris illustribus* urbis ejusdem, a Proca & Romulo Regibus ad Pompejum usque Magnum, adjecto additamento; *De Cæsaribus*, ab Octaviano Augusto usque ad Julianum; *De vita & moribus Imperatorum epitome*, a Cæsare usque ad Theodosium. De singulis præclare meritis est, qui eos anno 1579 & 1582 emendationes & annotationibus illustratos Antverpiæ emisit in lucem, Andreas Schottus: a quo etiam postremus liber, epitomen Cæsarium continens, primum editus & Busbequio dicatus, nomen tulit, ut *Victor Schotti* passim a viris doctis citaretur. Quumque plures in illustrandis reliquis Victoris libellis ante & post Schottum operam posuissent, Dominicus Machanzus, Conr. Lycosthenes, Janus Gruterus, Elias Vinerus, Ju-

stus Lipsius, Isaacus Casaubonus, Frid. Sylburgius: omnium horum (præter Lycosthenis) Notas, cum ipso Victore, Gaesbekiani fratres Lugduni Batavorum A 1670 nitidissime excuderunt, adjectis Imperatorum iconisimis, quos e nummis fide dignioribus deprompserant, Post decem annos in eodem auctore notis & interpretatione illustrando, eoque in Delphini usum concinnando, studium exercuit, ac publice in Gallia cum evulgavit Anna Tanaquilli Fabri filia. Cujus & reliquorum omnium, tam a Gaesbekianis antea collectas integras, quam selectas in clarorum virorum lucubrationibus repertas indeque excerptas, animadversiones & notas nunc uno libro complexus Samuel Pitiscus, qui Curtium & Suetonium notis suis philologicis & imaginibus illustratos publico dedit, Victorem etiam eodem pulchro apparatu instructum tersissime evulgavit. Cui operi ne quicquam deesset commoditatis, qua editi alii Scriptores gaudent, locupletissimos verborum & rerum indices subjecit; quæ ut rectius uti liceat, in commata & paragraphos singula capita distinxit, & cuius capiti, licet minus prolixo, brevium seu argumentum præfixit. Nec in nitore libri augendo nullas partes suas esse voluit: igitur icones, quæ Gaesbekiana editio prænitebat, non modo huic suæ etiam intulit, verum eandem novis etiam Quirini, Numæ, Anci Marcii, L. Junii Bruti, Horatii Coclitis, Æsculapii, Pyrrhi, Scipionis Nasicæ, M. Marcelli, Antiochi Syriæ Regis, Corn. Sullæ, Mithridatis, Pompeji M. Marci Bruti, Sexti Pompeii, Marci Antonii Triumviri & Cleopatæ imagunculis amplius decoravit, omnibusque ex partibus speciosam exhibuit.

JOACH. VICOFORTII EPISTOLÆ AD CASPARUM

Barlaam, cujus responsoria etiam inserta.

Amstelædami apud Georgium Galler, 1696, in 12.

Constat 11. plagulis.

PLeræque in hoc libello quæ continentur epistolæ, inter *Joachimum Vicofortium* Landgraviæ Hassiæ Consiliarium & ad Forderatos Belgas Legatum, & *Casparem Barlaam* virum doctissimum mutua, familiaribus de rebus perscriptæ sunt, & de suavissimæ consuetudinis & familiaris necessitudinis usu, qui ambobus his præstantibus doctrina viris intercescit, nos commonefaciunt. Jucundæ proinde lectoribus, privatarum etiam inter eruditos rerum curiosis, existunt, nativo lepore & sponte profluentibus jocis subinde aspersæ. His autem & aliis
etiam

etiam dotibus Vicofortianas Barlaamæ litteræ vincunt; ut fuit huic viro nativus dictionis nitor, & in soluta æque ac ligata oratione mira suavitas. Eæ quidem quæ a Barlaæ ad Vicofortium datæ hic exhibentur, jam antea legebantur inter Barlaamas, a genere Brantio anno 1667 editas: & inter has eminet, quæ in hoc libello nona extat, consolatoria in obitu patris, (quæ etiam in volumine Orationum ejus p. 383. legitur) & XCIII, quæ dedicatoria Orationibus præfixa est. Vicofortii autem epistolæ nunc primum e bibliotheca Ger. Papenbroeckii prodeunt. In qua cum plures eruditorum virorum epistolas ineditas latere indicet Editor, istius partium erit inde & istas protrahere, inque publicam lucem collocare. In has quidem, quas nunc evulgavit, laudandum est, quod impendit, studium; dum non contentus, sicut a Barlaæ & Vicofortio exaratas fuerant, protulisse, in Gallicam etiam linguam transferendas & peculiari libro cum Latinis edendas duxit.

ALTERA PARS AUGUSTANÆ CONFESSIONIS DE ABUSIBUS mutatis V'II Dissertationibus publicis proposita a

D. JO. KAHLER.

Rintheii, typis Hermannii Augustini Enax, 1696. in plag. 14.

Dissertationes XX, quibus Augustanæ Confessionis articulos explicuit Maxime Reverendus Auctor, in Actis nostris jam anno 1695, p. 116 stitimus, spemque ibi simul fecimus, fore, ut ab eadem ejus opera censuram abusum Confessionis subjectorum declaratam essemus accepturi. Spem igitur hanc adimpletam nunc testamur, posteaquam septem hæc Dissertationes ad alteram illam Augustanæ Confessionis partem illustrandam facientes emittere Auctori lubuit. Cæterum eandem ille methodum hæc tenuit, quam olim adhibuerat. Opus igitur non est, ut denuo de ejus informatione quicquam moneamus, præsertim cum ibi eam & in exemplo peculiari ostensam a nobis fuisse recordemur. Unicum tamen hoc annectimus, quod, antequam ad ipsorummet abusum examen propior accessus fiat, non hoc solum vocabulum uberius exponatur, sed res quoque ipsa paulo deducatur latius, eruditisque argumentis proberur, intelligi hic per abusum non tantum vitia & errores circa res adiaaphoras, quæ Christianam fidem haud impetunt, sed istiusmodi vitia, quæ errores fidei simul & facti involvant, atque circa tale objectum versentur, quod Deus aliter instituerit, cum ut alius de eo formetur in intellectu

tellectu conceptus, tum ut alia circa illud praxis exerceatur. Tales igitur abusus, qua doctrinales qua, morales cum Protestantes inter Papistas deprehendissent plurimos, hinc merito ab iis potissimos taxatos, multos vero ad evitandam prolixitatem prætermisissos innuit.

TITULI HONORUM, AUTORE JO. SELDENO. LATINE

veritis notasque addidit SIMON JOHANNES ARNOLD,

Ecclesiarum Ballivia Sonnenburgensis Inspector.

Francofurti, impensis Jo. Schrey, & H. J. Meyeri hæredum, 1696, in 4.

Constat Alph. 5. plag. 21. & plagulis 2. figurarum ænearum.

Liber, quem exhibemus, eruditis satis cognitus est, usurpatus etiam *Du Fresnio in Glossario*, *Becmanno in Notitia Dignitatum*, quæ nunc sub novo *Syntagmatis* nomine prodiit, *Felmanno* & aliis. Hinc factum, ut Reverendus Interpres, cui Latinam hanc elegantissimi libri editionem debemus, ex auctoribus plurimis, qui post Seldenum libros ediderunt, addiderit nonnulla. Qui idem tamen, præter versionem, & de suo quædam addidit, videlicet augustum illud ænigma, quo Rev. & Celsissimus Marchio Brandenburgensis *Christianus Ludovicus* a Fratre in conspectu trium Fratrum receptus est in Ordinem Joannitarum; morem item precandi in creatione Equitum contra vitia, in quæ proni credebantur tempore Principis Nassovici, qui circa medium hujus seculi Ordinis Joannitici Magisterium Sonnenburgense tenuit; & denique diplomata quædam, quibus dignitates in Polonia regno collatæ fuerunt; unde patescit, ibi meritorum haberi respectum, natalium minime, & quod singulare est, officium ibi aliquando majus cum majore dignitate non consistere, sed ad inferiora subsellia demittere illo fungentem. Hoc vero Interpretem clarissimum, uti & nos, non immerito male habet, quod literæ sermonis Saxonici antiqui non tanta cum elegantia fuerint excusæ, prout apud *Du Fresnium*, *Mabilonium* & in *Junii* compriis *Marshallique Evangelii Saxo-Gothici*, leguntur. Videlicet sic typographi, sumptibus parcentes, aliarum regionum doctis persuadent, ipsos Germanos jam non satis nosse avorum suorum sermonem & characteres. Tandem monitos cupit Interpres hujus libri emptores de iconum collocaione, quod ad caput quintum partis secundæ omnes pertineant; Principis Walliæ ad finem §. 1. Comitum ad finem §. 14. Baronis ad medium §. 28. p. 505. Ducis ad finem §. 29. Marchionis ad finem §. 30. Vice-Comitum ad finem §. 31.

ACTA ERUDITORUM

publicata Lipsia

Calendis Februarii, Anno M DC XCVII.

Vollständige Anweisung zu der Civil-Bau- Kunst &c.

Hoc est:

*INTRODUCTIO IN ARCHITECTURAM CIVILEM OMNIBUS
sua partibus expleta NICOLAI GOLDMANNI; edita notisque &
schematicis, nec non delineatione Hierosolymitani templi aulæ & illu-
strata a LEONHARDO CHRISTOPHORO STURMIO, Mathematicum*

Professore in Academia Guelferbytana.

Guelferbyti, 1696. fol.

Constat plag. 504, figur. 74, chartæ augustæ.

NOn infimo inter eruditos propter ingenium honore ac no-
mine jam diu fuit *Nicolaus Goldmannus*, Uratislaviensis
Silesius, qui suam orbi literario in architectura tam civili
quam militari peritiam satis quidem demonstravit, edito de
arte muniendi opere libroque de stylometris; magis ta-
men probaturus fuisset egregio, quod jam in lucem prodit, scripto, si
ante supremum vitæ diem, quem Lugduni Batavorum A. 1665 obiit,
ipsi cum publico id communicare licuisset. Maxima enim cum cura
optima quæque ex præstantissimis auctoribus congescit, & solerti, quo
pollebat, judicio ita disposuit, auxit & expolivit, haud vane ut dici
posset, omnibus Germanis eum in hoc scribendi genere palmam præ-
ripuisse, reliquis gentibus cultioribus fecisse dubiam. Quo factum, ut
magnum hujus operis desiderium, quibus inspicere id licuerat, reli-
querit Goldmannus, idque passim descriptum, sed plerumque male ha-
bitum & mutilatum, ut fieri solet, fuerit. Non tulit rei hujus indigni-
tatem eximius prudentiaque pariter & scientia matheseos florentissi-

G

mus

mus Senator Lipsiensis, *Gothofredus Bosius*, sed pro eo, quo fertur in has literas studio, & amore in bonum publicum, orbem suo parente opus in fidem tutelamque suam recepit, nullisque pepercit sumptibus, ut non integrum solum, sed nitidum quoque comitumque in publicum prodiret; postquam ejus auspiciis clarissimus *Sturmius*, cum in Lipsiensi adhuc degeret Academia, eidem ornando suam operam adhibuerat. Neque enim hic schemata solum, quæ ipsi ad illustrationem operis facere videbantur, sed notas etiam quasdam, & delineationem templi Hierosolymitani, congruentem cum iis, quæ in Scia-graphia templi Hierosolymitani Lipsiæ A. 1694 excusa tradidit, nec non compendium Architecturæ Goldmannianæ, & Architecturam parallelam adjecit, in qua Serlii, Palladii, Vignolæ, Scamozziique dimensiones columnarum ad communem Goldmanni mensuram reduxit, ut una methodo & secundum eandem scalam describi possint. Cæterum ipsa Introductio Goldmanniana methodo conscripta illa, quæ Mathematicis solennis est, in quatuor distribuitur libros, quorum primus de principiis agit Architecturæ generalibus, definitionibus, postulatis, axiomatibus, symmetria eurythmi, taxi &c. Secundus de principiis exponit specialibus, ordinibus præcipue columnarum. Tertius diathesin cumprimis seu compartitionem ædificiorum docet; & quartus tandem de integrorum ædificiorum tam publicorum quam privatorum constructione præcipit. Quæ quidem singula hoc loco percerere nimis prolixum foret. Pauca proinde, secundum instituti nostri rationem, adnotabimus, ex quibus libri hujus genius possit intelligi. Ea ergo propria & præcipua laus est Goldmanni, quod symmetriam ubique exacte observat, petitam non ex principiis tantum Mathematicis, sed Architectura etiam templi Salomonei, (quam fontem putat esse cum Villalpando Architecturæ profanæ) optimisque Græcorum & Romanorum exemplis; ita ut membra columnarum & inter se & cum toto, nec non altitudines ad latitudines concinnam rationem habeant, in singulisque membris constans altitudinis ad projectionem servetur ratio. Et cum huc quoque pertineat unam columnarum seriem alteri ita imponendi scientia, ut, quæcunque fuerit intercolumniorum inferiorum usitata magnitudo, talis eligatur ordo columnarum talesque moduli, ut modulus superioris columnæ; vel, si stylobata adhibendus, hujus ut dimidia latitudo non excedat scapi contracti inferior-

inferioris columnæ semidiametrum superiorem, taliaque hinc oriuntur intercolumnia superiora, ut antepagmenta, triglyphi, mutuli, pseudomutuli, denticulique scite possint adhiberi; eaque potius exemplis quam regulis ostensa fuerit a Goldmanno; prolixius eandem Cl. Editor in ultimo capite laudati compendii explicavit. Porro quinque columnarum ordines Goldmannus constituit, quorum ultimus ornatisissimusque est Corinthiacus, eosque dividit cum in humiles & elatos, tum in robustos & teneros. Humiles sunt priores tres, singuli 26 modulorum altitudine; elati reliqui, altitudine 30 modulorum. Robusti sunt priores duo; posteriores autem teneri atque delicatissimi. Pro modulo assumit semidiametrum scapi non contracti, eumque in 360 particulas dividit, & in illis etiam minimorum membrorum mensuram sine fractione addita determinat. Membrorum, ex quibus partes ordinum componuntur, alia necessaria constituit, & vel simpliciter talia seu essentialia, quæ nunquam omiti possunt, vel secundum quid, quæ non omitenda nisi urgente necessitate; alia accessoria, quæ pro lubitu abesse possunt, modo reliquorum altitudo augeatur, ut partis illius quam constituunt magnitudo maneat illibata. Alia quoque communia facit, alia characteristica, atque ea quidem tam concinne disponit, ut ordines humiles ab elatis, masculi sive robusti a delicatis, singulique non solum inter se, sed & partes diversorum ordinum a se invicem promte discerni possint. Ita v. g. Tuscanus ordo habet cymatia solum Lesbia, Doricus Lesbia cum Doricis, Ionicus solum Dorica, Romanus solum Dorica cum astragalis, Corinthius Lesbia & Dorica cum astragalis. Modulorum in columnis, quæ ædificia fulciunt, nunquam majorem 4 pedibus, nec minorem uno pede assumit. Scapi contractionem non secundum conchoidis sed circuli curvaturam efformat, in humilioribus ordinibus assumens radium 90036 part. moduli, in elatioribus 122910 part. relinquensque in illis altitudinem scapi terebris 4800, in his 5760 part. modul. semidiatrum autem scapi contracti superiorem efficiens in illis 288 part, in his 300 part. moduli Medium intercolumnium reliquorum duplum ut constituatur, ejusque epistylum, nec non in ordinibus gracilioribus zophorus ex ære fundatur, suadet. Speciatim in ordine Dorico cum magnam artifices alii reliquerint difficultatem distribuendorum triglyphorum, hanc amolitus est Goldmannus, tres effingendo trabeationes Doricas (iisque

duas alias superaddidit Cl. Editor) quarum prima adhibenda in opere systylo, secunda in pycnostylo, tertia in eustylo. Partium, ex quibus ordines componuntur, altitudines ita definiuntur ab Auctore. Stylobatæ cum scamillo, cui basis columna innititur, altitudo in ordinibus omnibus est 6 modulorum: nempe basis stylobatæ $1\frac{1}{2}$ mod., trunci $2\frac{1}{4}$ mod., coronidis stylobatæ $\frac{3}{4}$; scamilli 1 mod. Columnæ totius altitudo in ordinibus humilibus est 16 mod. in elatis 20 mod. altitudo scilicet baseos columnæ 1 mod. in ordinibus omnibus; scapi 14 mod. in humilibus, $16\frac{2}{3}$ in elatis; capituli 1 mod. in humilibus, $2\frac{1}{2}$ in elatis. Trabeationis altitudo est 4 modul. in ordinibus universis; nimirum epistylli, $1\frac{1}{2}$ in singulis ordinibus; zophori $1\frac{1}{2}$ mod. in robustis, $1\frac{1}{2}$ mod. in teneris; coronicis $1\frac{1}{2}$ mod. in robustis, $1\frac{1}{2}$ mod. in teneris. Sed hæc & id genus alia, quæ line schematum aut numerorum apparatu perspicue tradi non possunt, ex ipso Auctore architecturæ studiosis petenda relinquimus.

JOANNIS NICOLAI TRACTATUS DE GRÆCORUM

Luctu lugentiumque ritibus variis.

Marburgi Cattorum, apud Ephraimum Böncke, A. 1696. in 12.

Constat plag. 14 $\frac{1}{2}$.

Exemplum magni nominis Theologi, Martini Geieri, cultissimique Philologi, Joannis Kirchmanni, quorum ille de luctu Ebræorum, hic vero de Romanorum funeribus luculentum evulgavit commentarium, clarissimus Autor secuturus, hunc de Græcorum luctu lugentiumque variis ritibus libellum composuit, in quo sigillatim omnia est executus, quæ ad hanc materiam quocunque modo spectare visa sunt. Etenim a sepultura nunquam non apud gentes quasvis necessaria honestaque habita exorsus, de mortuis post tertium demum diem elatis disserit, ac ad reliquos deinceps ritus progressus, de ista agit consuetudine, qua, cum accideret, ut vir a propriis Laribus remotus mortis obiret, agnatique ad eum venire non possent, ter ejus animam vocaverint, quo more eos gaudium indicare voluisse autumat, quod crederent, corpora defunctorum in propria regione sub terra appuisse; licet aliorum probe noverint, quod, quamvis clamoribus totam auram explerent, nihil tamen ad animas revocandas propositum hoc esset profuturum. Interim, ut alio modo honorarent Græci homines in pere-

regri-

reginis oris mortuos, inanes ab iis tumulos fuisse extractos innuit, quæ monumenta cenotaphia vocarint, in quibus proinde describendis sat prolixus est. Inter officia vero morientibus & mortuis, coram exhibitâ, primo loco nominat clausos a propinquis lectoque assidentibus oculos: deinceps agit de pulsatis ipso mortis tempore vasis æneis, quod ideo factum fuisse quosdam ait reputare, ut terricula menta fugarent, spectraque & furias ab anima abigerent; ipse vero illuc respexisse morem isthunc arbitratur, ut intelligerent superstites, somnare solum obrutus jaceret decumbens, an vero mortuus esset? Postmodum oculos operculo velatos, & faciem linteolo a proximis sanguine junctis tectam, ac denique anima in summo quasi ore versante, & jamjam e corporis hospitio emigratura, osculum ægris fuisse impressum memorat. Corpore exanimato naulum Charonti, offamque Cerebro paratam, ornatumque domorum, ubi mortuus erat repositus, institutum contemplatur. Hinc mortuorum ablutionem, pollincturam, & amiculum ferale, simulque occasione eorum, qui unctionem in se susceperint, libitinarios & pollinctores introducit, ac coronas atque flores, quibus exornati fuerint defuncti, celebrat; coronatos porro ex penitioræ ædium loco productos & in vestibulo ad ipsum limen collocatos, & vel humi vel alto lecto impositos fuisse perhibet; post collocactionem lectica seu arca super humeros ante Solis ortum elatos, & iis, qui vi perempti fuerant, hastam vel alia arma prælara legi; arcem autem sepulchralem insequentes & ad funus invitatos, interdum pedibus incesse, interdum rheda vectos fuisse narrat, comitumque horum lacrymas largiter fluentes adumbrat. Nec, quod voce tibiisque ad luctum compositis funus elatum fuerit, dissimulat, ac proinde natus a mulierculis vel viris tunc ad tibias cantari solitis complura in medium æffert. In extraordinario dolore & luctu comam eos rasisse, aut penitus ad cutem usque crines abscidisse, postmodum vero comam mortuorum pectoribus imposuisse ait. Lugentes ab omni potu hominem laticificante pariterque ab usu coronarum abstinuisse, lugubrem contra vestem usurpassè, vestes lacerassè, capillos evulsisse, domi se continuisse, cinerem in caput sparsisse, pectus & femur percussisse, mannas punxisse, genas rasisse, aliaque istius generis similia suscepisse tradit. De locis sepulcrorum diversis, & maxime de cœmeteriis modoque sepeliendi in peculiari capite agit. Post cremationem corpo-

rum intuetur, eamque infantibus, *αὐτοχρησία*; item crimine se pol-
luentibus, ac fulguritis denegatam scribit, pyrasque extructas, & eas
cupresso, ne foeterent corpora cremanda, cinctas, aliaque ad rogi-
um acta, ossilegium imprimis, ac donaria in rogi conjecta, homines-
que cum defunctis simul in pyra combustos monstrat. Inde tumulos
& cippos lapideos nomen ac elogia defunctorum continentes ob o-
culos proponit, variaque epitaphiorum exempla Græca allegat. Infe-
rias & sacrificia mortuorum, sterilem nempe vaccam nigramque o-
vem nocturno tempore oblatas, ac modum victimas has mactandi;
sepulchra coronis exornata; habitas in sepultura honorationum seu
domi seu in ceramico funebres orationes; instituta nonnunquam ad
sepulcrum spectacula; suscepamque post obitum bene de republica
meritorum apotheosin dilucide explanat. Reverfus ad domum fu-
nestam, lustrationem ejus scrutatur, epulisque funebribus interest.
Post omnes exequiarum ceremonias isto honoris genere a Græcis ma-
ctatos refert mortuos, quod eorum apud posteros memoriam glo-
riosam esse voluerint, adeo, ut adversus eum, qui secus fecisset, ac-
cusationem quoque seu actionem concesserint. Sub finem denique
ad statum defunctorum post mortem, quem Græci olim crediderint,
considerandum sese confert, eosque duas habitationes designasse di-
cit, quarum altera sub Jove vitæ præside, altera sub Martis arbitrio sit.
Inde autem ansam arripit examinandi, quidnam fuerit Græcorum
αἰδης, istoque vocabulo generatim indicatum putat obscurum, ab-
fconditum, & ab omni hominum consortio remotum locum, vel re-
ctius statum illum, qui mortem excipiat, sive is esset refrigerii & que-
tis, sive cruciatuum. Unde & vocabulo *αἰδης* & Elysium campum
& Tartara denotari innuit; trifariam quoque eos distinxisse monet
αἰδης in Paradisum, Gehennam superiorem, & Gehennam inferiorem;
de quibus locis sigillatim plura disserit.

*LA RELIGION DU LATITUDINAIRE AVEC L' APO-
logie pour la Sainte Trinité.*

id est:

Religio Latitudinarii, cum Apologia pro Sancta
Trinitate. Auctore Dn. PETRO JURIO.

Roterodami apud P. Vande Slaart, 1696. in 8.

Alph. 1.

Quæ

Quæ Jurio Viro celeberrimo cum Elia Saurino intercedunt lites, & tum aliis, tum huic quoque scripto occasionem dederunt, indicatæ jam a nobis sunt, cum Saurini librum, qui Jurii Theologiam sub examen revocat, in Actis hîscæ mense Majo A. 1695, pag. 193. seqq. commemoraremus. Causam quoque seriemque hujus contentionis, prout Saurinus eam exposuerat, tum quidem enarravimus. Sed nunc tamen denuo hujus rei injicienda est mentio, postquam præsens ad nos pervenit opus, eo quod Jurium itidem in eo satis prolixum & operosum esse videamus, ut, quemadmodum fieri assolet, ubi quisque suæ causæ favet, omnem invidiam a se amoliat, culpam vero originemque initi certaminis in Saurinum deriver. Et primo quidem *In Præfat.* id omnibus viribus agit Jurius, ut demonstret, per Synodi Leovardien- sis decretum omnino sibi fas fuisse in certamen prodire, & hocce opus Saurino opponere. Probat id inde, quod nulli Theologorum libertas hæreses, ipsum doctrinæ Christianæ fundamentum everteutes, confutandi eripi possit. Addit decretum istius Synodi iis verbis concep- tum esse, ut neutiquam obstat, quo minus publicæ luci hoc opus exponi potuisset. Accedere ait, quod summi solum Imperantes, non autem Synodi, ne quis librum edat aut in lucem proferat, prohibere possint. Multa alia hunc in modum affert, & quid Lector ex hocce opere sibi polliceri debeat, paucis innuit.

Hisce ita præmissis, certaminis, quod cum Saurino sibi intercedit, *In Historia* historiam pandit. Et initio quidem Epistolam quandam a Saurino *controver-* ad amicum scriptam profert, ex qua, additis adnotationibus, id se *fa.* confecturum luculenter putat, nemo ut ambigere possit, auctorem litis Saurinum esse. Hinc ipse rem omnem uberius edisserit, & a primo repetit fonte. Nimirum in Synodo Amstelodamensi, anno 1690 mense Septembri celebrata, quasdam propositiones, summam doctrinæ, quam Latitudinariam appellat, continentes, comuni consensu rejectas, & atro notatas esse lapillo ait, nec diffitetur, se quoque, ut id fieret, justo zelo ductum multum ad id contrulisse. Addit & alia, quæ in eadem Synodo gesta sint, quæ Saurino non potuisse non ingrata admodum esse fatetur. Sed tum quidem ullam de Sauri- no suspensionem animo suo sedisse negat, quin potius inter amicos suos haud postremum se illi concessisse locum asserit. In Lugdunensi au- tem Synodo, sequenti anno celebrata, demum se intellexisse porro refert,

refert, Saurinum quoque inter illos esse, quos male habuerit, propositiones istas damnatas rejectasque fuisse. Accessisse vero & alia in eadem Lugdunensi Synodo docet, quæ Saurinum magis magisque irritarint. Namque & librum quendam contra se editum jussu Synodi laceratum, & alios Latitudinatioꝝ placita disseminantes, acriori censura notatos esse. Hinc itaque odio quodam inexpressibili accensum Saurinum, ut illud effunderet, nullam prætermisisset occasionem. Et primum velut insultum Saurinum fecisse dicit, cum in eadem Synodo postularet, ut scripta Jurii, tanquam maximis gravissimisque erroribus referta, sub examen revocarentur, irrito quidem eventu. Hic, priusquam ad subsequens Synodos digredietur, quid Hagæ Comitum (eo enim Saurinus ex decreto Synodi Lugdunensis ad causam disceptandam se contulerat,) actum sit, exponit. Inter alia refert, in colloquio quodam Saurinum unionem, qua duæ in Christo naturæ junctæ sunt, quamque personalem vocant, pro parastatica & morali venditasse, eundemque Nestorium defendisse, nec semel orthodoxi testimonio eum condecorasse. Quod cum abnueret Saurinus in Apologia, seque serio, & ex sua sententia, hanc unionem *παράστατικὴν* vocasse inficiaretur, admodum operosus est Jurius, ut probet, serio & ex sua sententia locutum esse Saurinum, cum illud assereret. Jam Nardensis imminere Synodus, suamque Apologiam primam Jurius, ea quidem modestia, ut errorum Saurini nullam ibi injiceret mentionem, luci exposuerat, Saurini quoque amici novo scripto ejus egerant causam, cum utrique silentium imponeretur. Sed in Nardensi Synodo itidem anno 1691 habita bellum velut redintegratum, Saurino iterum poscente, ut Jurii libri examini subjicerentur, ipso quidem Jurio, utpote causæ bonitate freti, adeo non repugnante, ut se paratum ad ea defendenda esse, quæ scripsisset, assereret. Finita autem Synodo, suavis amicorum secundam Apologiam se edidisse, simulque literas ad Consistorium Ultrajectinum dedisse memorat, quibus, nisi Saurini ausus cohiberentur, multa inde oritura mala profitebatur. Arripuit Saurinus hinc ansam, Jurium pro auctore certaminis venditandi, simulque Consistorium impulit, ut ad causam dicendam eum evocaret. Probat ergo Jurius, hinc potius constare, Saurinum hostilem animum ita palam prodidisse, & orti certaminis culpam non posse declinare. Urget porro Apologiam Saurini, quæ mox insculta est, eaque modestiæ

desistat limites eum supergressum esse, aliorum quoque testimoniis probare annuitur. Tandem ad Zirczæensem Synodum progreditur, quam Saurinum sibi faventem habuisse non diffitetur, nec tamen dissimulat, illum artibus parum laudandis, ut eam in suas pertraheret partes, usum esse. Nec ita Jurium læsere desistit Saurinus: quod ut evincat Noster, non unum affert documentum, Sed cum primis ad Brendanæ Synodi provocat decretum, in quo tantum non omnem certaminis culpam in Saurinum conjici ostendit. Hæc vero est illa Synodus, quæ adeo Saurino displicuit, ut æquitatis & religionis nullam fere rationem, qui illi interfuerant, habuisse palam profiteretur, in Præfatione Operis a nobis l. c. pag. 194 commemorati, eo quod intempestivo motus hosce conspiciendi studio tenerentur. Jurius itaque hic quoque docet, mitioribus Synodi hujus consiliis adeo non a Saurino locum relictum fuisse, ut acrius, in sermonibus quoque qui ad populum erudiendum haberi solent, in se insurrexerit. In Dordracensi & Neomagenſi Synodis non secus Saurinum ac in præcedentibus se gessisse conqueritur, nihilque fecisse reliqui, ut omnem in se effunderet iram. Hinc & tanto impetu eum in Synodo Neomagenſi postulasſe, ut libellus quidam Jurii, quem innocentissimum putat, damnaretur. Dum hæc geruntur, ingens illud volumen, sæpius memoratum, a Saurino confectum dicit. Quo ipso palam, se aggressorem esse, Saurinum demonstrasse contendit. Et huc quoque pertinent, quæ sequuntur, cum primis, quæ de Tergaviensi, Harlemſi & tandem Leovardienſi Synodis disſerit. Concludit tandem, sibi vitio verti non posse, si toties provocatus tandem compareat, vim illatam propulſaturus, quin non tam suam, quam totius Ecclesiæ causam acturus.

Rem ipsam dum aggreditur, primo præcipua religionis, quam Latitudinariam vocat, capita sistit. Vocem in Anglia ortam docet, nec alios fere hoc nomine designari, quam ipsos Socinianos, qui & alibi Unitarii vocentur. A latitudine eos nomen sortitos esse, non quod ipsam doctrinam Christianam dilatent & extendant, quippe quam angustis admodum limitibus circumscribant & coarctent potius (namque credere Deum, providentiam, paradysum, infernum, id quidem ex illorum opinione, ad æternam felicitatem consequendam sufficere,) sed ideo potius hoc nomine illos designari, quod media perveniendi ad salutem extendant, dum non tantum Hæreticis

omnibus, sed Gentilibus ipsis atque Judæis viam ad beatorum sedes parere doceant. Auctorem sectæ hujus certum indicari posse negat; omni enim fere tempore homines ejusmodi placitis imbutos vixisse: qui a Socino tamen & Serveto eam derivet, illum nemini facere injuriam. Saltem in eo cum Socinianis palam eos convenire, quod rationem, quam rectam appellitent, ubique ducem sequantur. Principes sectæ hujus Curcellæum, Episcopium atque Hugonem Grotium esse, quorum nomina omnibus Latitudinariis perquam sint venerabilia. A Socinianis tamen & Remonstrantibus in eo differre Latitudinarios, quod non palam, quid sentiant, profiteantur, sed cuncta dissimulent, regantque, idque omni ratione annitantur, ut pro Orthodoxis reputentur. Eosdem etiam quosdam Socinianorum errores, de æternitate materiæ, de somno animarum, & quod Deus futura contingentia ignoret, rejicere quidem, sed eos omnino pro levibus habere, ut adeo inde Socinianos non tolerare velle, nefas putent. Denique ut Latitudinarios doctrinam rite in lucem protrahat, summam libri cujusdam de *Ratione humana* exhibet, ostenditque Auctorem ejus rationem ut ducem certissimum & falli nescium commendare. Quin & ex eodem refert, nullum hæreticum esse, nisi qui veritatem, cujus ipse in conscientia est convictus, inficiatur, aut in dubium vocat; unde porro sequi docet, omnibus cujuscunque religionis hominibus viam ad æternam salutem patere. Concludit denique, Philosophiam Cartesianam haud exiguum Latitudinarios erroribus addere robur.

Cum vero tria potissimum sibi obstare videant, qui hisce placitis sunt imbuti, auctoritatem Patrum, & Ecclesiæ veteris; certos terminos, quibus communi consensione Orthodoxi ad tuendam eo rectius veritatem, & Hæreticos ex latebris suis protrahendos utuntur; & denique rationis, quam iidem Orthodoxi urgere solent, captivationem: in eo omnes Latitudinarios conspirare docet, ut hinc se expediant, & hæc obstacula amoliantur. Nihil ergo illis solennius esse, quam in Patrum auctoritatem proterve insurgere, & magnorum eos accusare errorum; terminos iidem, *persona, hypostases, Trinitas, incarnationis* &c. ut ineptos & obscuros rejicere; rationi denique habenas eo usque laxare, ut in rebus Theologicis quoque nihil, nisi quod clare & distincte percipere sit, admittere velint. Et Saurinum quidem in

in his quoque capitibus cum iis consentire, eundo per singula probare annuitur. Cum primis autem illi objicit, quod asseruerit, omnes Patres, qui ante concilium Nicænum vixere, fuisse Arianos, qui post illud vixere, Tritheitas, sive tres admisisse Deos,

Cap. II.

Sed ut demonstrèr, Saurinum in Antitrinitariorum militare castris, eosque qui Trinitatem admittunt, pro Tritheitis habere, nihil facit reliqui. Ex instituto hoc capite III & IV agit, & in sequenti, incarnationem quoque Christi Servatoris ab eo asseri non posse, probare conatur. Hinc paulo accuratius Latitudinariorum circa Trinitatem & redemptionem humani generis dogmata exponit. Nimirum unicum eos profiteri Deum, unam quoque solum Divinitatis personam, asserit. Cum vero divinæ literæ, præsertim novi fœderis, & Patris & Filii & Spiritus Sancti mentionem injiciant, & singulis Dei nomen tribuant, Latitudinarios Filium non alium esse ac personam Patris docere, affirmat. De Spiritu Sancto id manifestius esse dicit, quod eundem pro persona habeant, sed simul quod abnuant, hanc personam aliam esse a persona Patris. Et ita quidem verbottenus eos cum Trinitariis consentire, Patrem, Filium, Spiritum S. adeoque Trinitatem quandam admittentes, sed re ipsa maximopere ab iis differre. De incarnatione autem Christi ita eos sentire ait, ut unionem, qua divina humanaque naturæ inter se colligantur, moralem solum & παρὰ φύσιν esse autument. Et ita quidem unam personam, sed mere humanam in Christo illos admittere; cum etiam verum Deum esse fateri, & adeo rursus verbis ad Orthodoxos plane accedere, a quibus tamen, si sensum spectes, toto cœlo differant. Denique & de satisfactione, de peccato originali, de efficacia gratiæ, & aliis doctrinæ Christianæ capitibus minus recte eos sentire affirmat, pluribusque edisserit. Ad Saurinum dum ex instituto redit, omnem elabendi viam illi adimere, eumque Socinianorum errores palam detestando, seculum Apostolicum ab accusationibus, quibus Patres Ecclesiæ veteris suspectos reddiderat, eximendo, & cæteris argumentis quibus ad causam suam tuendam utatur, aut uti possit, parum proficere, demonstrare aggreditur. Et hoc quidem capite VII, VIII, IX, & X agit. In undecimo autem quæstionem disceptandam sibi fumpsit, quæ huc maxime pertinet, nobisque non est prætermittenda. Quo jure enim veritatis hostes terminos in Ecclesia receptos rejiciant? quærit. Plane

Cap. III, IV.
& V.

Cap. VI.

Cap. VII.
VIII. IX. X.
XI.

nullo autem jure hoc fieri, variis rationibus probat. Divinæ, inquit, literæ varia Numinis attributa, justitiam, misericordiam &c. commemorant. Si quis ergo tot Deos fingeret, quot attributa memorantur, illique responderetur, attributi nomine non designari substantias, & iste vero regeret, ineptam hanc vocem minimeque admittendam esse, quod in Scripturis non reperiatur, nonne is omnium consensio-
ne, quod iniquum est, postulare? Addit, non posse Scripturam sa-
cram sine hisce terminis explicari; quin ipsos Unitarios non posse in
certamen cum Orthodoxis descendere, sine his aut aliis terminis. Scri-
pturam res ipsas continere; hisce exprimendis certos merito excogita-
tos esse terminos hoc ipso rebus alligatos: unde qui terminos hosce re-
jicit, eum non posse, non res ipsas iis designatas rejicere. Sic in Scriptura
S. diserte asseri, unum esse Deum, simul tamen & Patrem, & Filium, &
Spiritus Sanctum commemorari, ut tamen Pater non sit Filius, nec Fi-
lius Spiritus Sanctus &c. quod ut exprimeret vetus Ecclesia, adhibuisse
vocem *persona*: qui ergo hanc rejicit, eum rem ipsam hac voce deno-
tatam simul non posse non rejicere. Hac occasione & illorum erro-
res in transitu refellit, qui voces *personæ* & *personalitatis* proprie ad-
hiberi negant, cum de rebus divinis usurpantur. Ex eo vero quod Scri-
ptura hisce terminis, cum de rebus divinis loquitur, non utatur, non
colligi posse, eos neutiquam usurpandos; cæteroquin nec de homini-
bus eos usurpari posse, contendit. Addit tamen, vocem *ὑποστάσις* sive
personæ in Scriptura sacra quoque reperiri, Hebr. XI, 1. Ibi enim vocem
ἐκείνου recte *personam* verti autumat, cum persona fundamentum
attributa essentialia sustinens denotet. Multo vero minus terminos
generationis, atque *processionis*, in Scriptura sacra contineri, dubitari
posse pronuntiat. Probat quoque contra Sautinum, generationis
vocem proprie sumi, cum de Deo adhibetur. Finit denique hanc qua-
stionem observando, homines istos, qui se ideo hosce terminos re-
pudiare fingunt, quod sibi religioni ducant, aliis vocibus in tanto
mysterio uti, ac Scriptura utitur, fumum solum vendere, & ad suos
palliandos errores hoc *κρησφύδατον* excogitare: deinde licet Lati-
tudinarii hisce terminis ad invidiam amoliendam utantur, eos tamen
semper alium illis affingere sensum,

Cap. XII,

Quæ in ultimæ primæ partis capite de imaginibus sanctissimæ
Trinitatis in rebus creatis quoque conspicuis differit, instituti nostri
memores præmittimus, præsertim cum pleraque huc tendant,

ut

ut evincat, Saurinum, imagines a Jurio ad Trinitatem adumbrandas allatas rejiciendo, suum de Trinitate & divinitate Filij errorem prodidisse. In secunda igitur parte Conciliorum Patrumque contra Antitrinitariorum calumnias suscipit defensionem. Initio tamen sententiam, quam sibi a Saurino affectam conqueritur, prolixè & operose a se amolitur. Nimirum non diffitetur, in Patribus Doctoribusque veteris Ecclesiæ errores quosdam deprehendi, sed eos esse excusandos; quod si tamen hodie quis eosdem errores foveat, atque defendat, eum in tanta doctrinæ cœlestis luce neutiquam veniam promereri. Ast detestandas hæreses se hisce Doctoribus unquam imputassee, diserte negat; Saurinum tamen illud facere probat, repetitque, omnes Patres trium primorum seculorum ab eo Arianismi & Sabellianismi accusari. Hunc in modum postquam multa disseruisset, in specie Origenem, Hilarium, & Hieronymum contra Saurinum defendit. Origenem multa paradoxa docuisse non abnuat, ast eum Hæreticis ideo annumerare non audet, multo minus de ejus salute dubitat. De Hieronymo ita censet, eum sæpius in Commentariis non ex sua, sed aliorum sententia loqui. Nihil ergo inepti eum asserere, qui locum istum famosissimum, in quo providentiam divinam arctioribus quam par erat limitibus circumferibit, ita capiât, ut non tam propriam, quam alterius, quicumque demum sit, ex quo Hieronymus more suo hæc decerpserit, sententiam eum referre dicat: præsertim cum alibi saniora doceat, & sedulo inculcet. Addit tamen, posse & dextera interpretatione hæc verba Hieronymi emolliri, ut non tam de ipsa providentia, quam modo divinæ providentiæ intelligantur. Hilarium denique errasse, dum negavit, animam Christi corporis patientis dolores sensisse; sed simul hoc sciendum ait, eum Arianos prementem disputationis fervore ac imperu in devia abreptum, omnino venia dignum esse.

*Part. II.
Cap. I.*

*Cap. II, III.
& IV.*

Tandem ad Patres, qui ante Concilium Nicænum vixerunt, progreditur, eosque Arianorum neutiquam doctrinæ favisse, contra Socinianos, cumprimis Sandium, & qui illis frigidam suffundunt, Episcopium, & Curcellæum, quibus Saurinum adjungit, probat. Nimirum enarratis Arianorum erroribus, Patres istos secus existimasse probat testimoniis Cypriani, quem purissimum Doctorem, & Platonicam philosophandi ratione minime corruptum vocat, Theognosti apud Achanasium, Dionysii Romani, Dionysii Alexandrini, & Orige-

Cap. V.

nis. Non tamen diffitetur, quosdam Scriptores veteres loquendi formulis parum commodis, quas a Justino Martyre Platonica philosophia innutrito eos accepisse putat, huic Socinianorum calumniae animum præbuisse. Hac occasione & Dionysium Petavium notat, quod autumaverit, secundum Patres Ante-Nicænos Filium non minus initium habuisse quam res creatas: hoc enim falsissimum esse, diserte pronunciat.

A Patribus Ante-Nicænis ad Concilia & Doctores, qui post Concilium Nicænum floruerunt, progreditur. Hisce Trithæismum, referente Nostro, Saurinus objecerat. Cujus erroris eos immunes esse ut ostendat, quinam in veteri Ecclesia Trithæitarum nomine fuerint designati, explicat. Nimirum ex Eutychianorum disciplina hos Trithæistas veteris Ecclesiæ produisse probat, adeoque & cum Eutychianis unam solum in Christo eos agnovisse naturam. Eosdem cum Orthodoxis tres personas consubstantiales admisisse, sed in eo & ab Orthodoxis & a cæteris Eutychianis abiisse, quod tres naturas sive substantias in Deo asseruerint, unius tamen naturæ communis participes. Nimirum ad Eutychianorum errorem defendendum, naturam esse negabant, quæ non & persona sit. Cum ergo, ut porro Iurii refert, exemplo personarum in Trinitate urgerentur, non poterant aliter se expedire, quam tres substantias & tria individua in Deo admittendo. Observat autem porro, eodem Trithæitarum nomine Orthodoxos quoque ab Ariani aliisque Hæreticis fuisse insignitos, quod tres personas admitterent, & idem hodie Anti-Trinitariis in more positum esse docet, ut eundem errorem, licet perperam, Orthodoxis objiciant. Hisce ita rite explicatis, Ecclesiæ veteris Doctores non fuisse Trithæistas, primo probat illustri & luculento Athanasii testimonio. Deinde tredecim rationibus idem demonstrat, quarum secunda, eaque minime contemnenda, hæc est, ab omni ratione abhorreere, veteres Doctores, qui Gentilium Polythæismum tam strenue impugnarunt, Polythæismum, si non crassio rem, certe æque crassum admisisse & propugnasse. Cæteras prætermittimus. Nec tamen hic subsistit Iurius, sed responder etiam ad argumenta, quibus Patrum Trithæismus probari poterat, & illud etiam, quod suis rationibus poterat opponi, diluit. Meminit hic quoque decreti Academiæ Oxoniensis, quo propositiones quædam Trithæismum spirantes rejectæ & damnatæ fuerint. Addit a nonnullis

Sherr-

Cap. VI, &
VII.

Cap. VIII.
& IX.

Sherlokio hanc sententiam tribui, quibus tamen se minime adhibere fidem ait. De qua re alibi fortasse ex professo dicturi sumus. De Cyrillo dum porro verba facit, initio observat, Latitudinarios non alia de causa magno odio eum prosequi, quam quod, ut Nestorius, quem ut yrum sanctum revereantur, damnaretur, multum contulerit. Hinc Cyrilli doctrinam contra Derodonem prolixè defendit, in quo instituto ut eo felicius procederet, duo cumprimis sedulo observanda docet. Primum illud est, modum incarnationis in Concilio demum Chalcedonenſi accurate definitum esse: alterum, duplicem esse Euty-
chianismum, subtilem & crassum; a crassio Cyrillum plane absolvit, subtilem autem ab Orthodoxorum sententia prope abesse ait. De Nestorio autem ita pronunciat, jurene an injuria damnatus sit, & docueritne ita, ut vulgo creditur, se certo definire non posse; interim multa sibi præsto esse argumenta, quibus verosimile sibi fiat, Nestorium omnino eo errore imbutum fuisse, qui illi tribuitur, adeoque jure fuisse damnatum. Hæc argumenta ordine edisserit. Atque hinc, quid de Concilio Ephesino sentiendum sit, patere putat. Evicta enim Cyrilli orthodoxia, & Nestorii errore commonstrato, nullius iniquitatis hocce Concilium inſimulari posse, quod hunc damnaverit, illius autem causam defendendam suscepit. Addit tamen & alia, quæ pro hocce Concilio faciunt.

Cap. X.

Cap. XI.

Cap. XII.

Cap. XIII.

Quæ in tertia sive ultima parte disſeruntur, tribus solum indibimus verbis, ne ultra quam par est, prolixi ſimus. Hic ergo primo probat, Saurinum cæterosque Latitudinarios in rebus Theologicis quoque non alium agnoscere judicem, quam rectam, ut vocant, rationem. In quo quidem cum Socinianis eos apprimè conspirare, instituta collatione docet. Huuc in finem Viſſouatii, haud incelebris Sociniani librum, cui titulus: *Religio naturalis seu de rationis judicio*, in compendium mittit, & singulas propositiones cum dogmatibus Latitudinariorum contendit. Et ne forte Saurinus regerat, si in quibusdam capitibus cum Socinianis consentiat, hoc sibi cum cæteris Protestantium Doctoribus esse commune; utriusque partis, Reformatorum & Socinianorum de recta ratione placita inter se confert, & quam plane non inter se conveniant, operose ostendit. Demonstrat præterea, Latitudinarios in omnibus controversiis rationem humanam pro tali judice, qui falli nesciat, agnoscere, idque eumprimis

Part. III.

Cap. I.

Cap. II.

Cap. III.

Cap. IV.

Her-

Cap. V.

Cap. VI.

Hermanni Alexandri Roëlli testimonis evincit, quem etiam hac occasione notat. Subjicit articulum IV. Declarationis, quam Ordines Hollandiæ ediderunt, in quo diserte dicitur, totam religionem Christianam, si rationis judicio subjiciatur, in maxima pericula conjici. Et recte quidem istud dictum, prolixè iterum demonstrat. Provocat denique ad experientiam, quæ omnes docere possit, quod supremo hocce rationis judicio admissio, maximis erroribus, quin Atheismo fenestra aperiatur. Meminit hac occasione libri Angli ejusdam Arthuri Burii, cujus titulus *Evangelium nudum*, ab Academia Oxoniensi damnati. Auctorem huncce ait palam Arianorum errorem propugnasse, & Athanasianos (ita enim Orthodoxos eum vocasse dicit) acriter perstrinxisse. Subjicit ipsum Academiæ Oxoniensis decretum, & propositiones ex hoc libro collectas, quarum prima hæc est: *Muhammedem omnes articulos Christiana doctrina professum esse*. Laudat exemplum Episcopi Exoniensis, quo inflammatus Eduardus turpissimæ hæresi obviam iverit. Profert etiam decretum Potentissimi Angliæ Regis, quo petulantiam eorum, qui suos de Trinitate errores in Anglia disseminant, coercet, & serio vetat, ne quis aliis in hoc doctrinæ Christianæ capite terminis utatur, quam qui in Ecclesia sunt recepti. Atque hæc omnia Latitudinarios quoque ferire, asserit probatque. Tandem novas propositiones suspectas ex Saurino colligit, eumque in Latitudinarios militare castris denuo probat. Conqueritur denique, Saurinum, sive disputet, sive alios errorum accuset, sive sibi objectos amoliat, parum sincerum esse; & ita ea, quæ Saurinus ut perperam dicta ex scriptis Jurii collegerat, diluere annititur.

PLAIDOYERS ET AUTRES OEUVRES DE M. GILLET.

Hoc est;

Actiones & Opera alia Gilleti Advocati
Parlamenti.

Parisiis, apud Jo. Boudot, 1696, in 4. Alph. 3. pl. 15.

Duplicis omnino generis sunt, quæ in hac Operum *Gilleti* collectione continentur. Primo nimirum decem Actiones variis occasionibus ab ipso, quando causarum patroni officio functus est, institutæ comparent; his tres Ciceronis Orationes pro Cælio & Milone habitæ, & Philippica secunda, ex Latino idiomate in Gallicum trans-

translatæ cum annotationibus quibusdam subjunguntur, præmissam habentes de genio ac indole Gallicæ linguæ & transferendi ratione doctam dissertationem. Nos, ut de præstantia operis quadantenus constaret, primam & quintam Actiones selegimus, quarum summam breviter hic exponeremus. Prima nimirum de sponsionum agit valore, & in Lalivii cujusdam gratiam habita est, qui d. 25 April. A. 1678 cum Launayo de pace Neomagensi contenderat, illam die 15 Maji Hispanos inter & Gallos si non publicatam, conclusam saltem & obsignatam fore; Launayo vicissim contrarium, & illo die non fore publicatam, promisso quinquaginta aureorum Ludovicianorum pignore, asseverante. Ut igitur a solvendi necessitate Lalivium suum, cui eandem alter, quod dicto die pax nondum coaluisset, imponere nitebatur, absolveret, totam sponsionum materiam pertractat, eandemque ad duas quæstiones redigit: an scilicet sponsiones conventiones licitæ sint? & an, si sint licitæ, obligandi vim eadem semper habeant? Priorem rursus in duo quasi capita subdividit, ita ut disquirat, utrum citra conscientiæ læsionem fieri sponsiones possint? & in jure an permittantur? Primum quod attinet, posse omnino iisdem lædi conscientiam pronunciat, cum sint ex eorum ludorum numero, in quibus cæco solum casui, absque ullo humanæ solertiæ adjumento, locus datur ut plurimum, habeantque consequentias sat periculosas, utpote profusionem bonorum, habendi inordinatum appetitum, & adversus divinam providentiam indignas non raro murmuraciones & querelas; quin imo idololatriæ certam quasi speciem constituere, quando ad Fortunam omnia spondentium vota diriguntur, eidemque soli fertur acceptum, quicquid forte lucrati sumus; inde legum quoque autoritate prohiberi, quando omnes ludi, qui solo casu innituntur, exesse jubentur e Republica, *L. solent. §. 1. ff. de Aleat. L. victum, & L. alearum C. de aleat. & alea lusu*, non secus ac aliarum Principum Statuumve constitutiones, Pontificum scilicet, Venetorum, Genuensium, eidem spondendi libidini obicem quoque ponunt. Quandoquidem vero Casuistæ æque ac Jcti certo quodam discrimine sponsiones illicitas esse volunt, si scilicet honestatem lædant, & peccatum habeant comitans; Lalivii quidem sui sponsionem eximit earum numero, & cum eadem pacem optare visus fuerit, honestam omnino licitamque declarat; deteriori multum adver-

farii ipsius causa, ut qui belli continuationem, ex propriae utilitatis ratione, non potuerit non exoptare. Transít hinc ad secundam quaestionem, & postquam discrimen inter sponsonem judicariam & privatam exposuit, ac huic etiam descriptionem subjunxit, occasione generis, quod pactum est, sponsones ad pacta nuda refert, easdemque inde non aliter obligare colligit, quam ex simplici principio decori, & in solo honoris tribunali, nisi interveniat circumstantia quaedam, pretii scilicet consignatio; tum enim illas omnino obligare, haud secus ac obligationes pure naturales, quibus stipulatio accessit: ita nimirum apud Romanos olim, qui spondebant, annulos digitis detrahare & sponsonis pretium constituere fuisse solitos, ex *L. Si rem, §. Si quis sponsonis ff. De praescript. verbor.* probat. Quoniam autem consignatio, & ut pretium sponsonis deponatur apud quempiam, adeo sunt necessaria, ut ne sufficiat quidem literis consignatam esse conventionis formulam; Lalivii vero cum Launayo sponso intra mera verba substitit, imo ne sponsonis quidem nomine venire potest, cum exorta circa subscriptionis & publicationis terminos difficultate nondum conclusa fuerit: hinc Lalivium in are adversarii sui nequaquam esse, multo minus hunc experiri adversus illum posse contendit.

Aetione quinta id agit Autor, ut liberos minores, citra consensum parentum suorum, monasteriis intrudi posse iudicetur, contra Abbatissam regiae S. Petri Abbatiae, quae Lugduni est, abs qua puella quaedam in vitis ejus parentibus fuerat retenta. Observat autem, filiumfamilias vel servum sine patris domini auctoritate voto non obligari, ex *L. si quis ff. de pollicis.* quam deinceps, obsequiumque quod parentibus debent liberi, latius explicat, vi cujus nempe ipsorum se subjicere voluntati & in eligendo quoque vitae statu morem teneantur gerere, adeo ut, cum citra eorum consensum ne contrahere quidem, aut matrimonium inire, vel alienare possint quidpiam, de semetipsis etiam nequaquam valide disponant. His ita expositis ad jus Francicum pergit, & ex Capitul. Carol. M. L. 1. c. 95. & 101. nec pueros in vitis parentibus tuncurari, nec puellas velari posse ostendit; imo longius adhuc procedere Ordinationem Aurelianensem monet, quae art. 19. ipsos etiam parentes facere id prohibeat, antequam vigesimum quintum aetatis annum liberi attigerint, quam licet ordinatio Blesensis correxerit, & ad mentem Concilii Tridentini in decimum sexum mutaverit, tamen in praedictum consensus paterni nihil
ibi

ibi scriptum reperiri. Quæ cum ita sint, non immerito Abbatissæ ejusmodi, quæ vel parentibus liberos suos religiosæ vitæ inhumaniter devoventibus manus porrigunt, vel ipsæ indignis modis eosdem ad se pertrahunt, acclamari posse putat Salvatoris illud *Matth. XXIII, 15. Va vobis Scribæ &c.* Ut majus pondus habeat hæc ejus sententia, ex Conciliis nunc etiam Patribusque, ac ipsa Scriptura sacra, impietatem instituti hujus demonstrat. Et Concilium quidem Gangrense canone 16 anathema dicit filiis, si qui parentes deseruerint occasione cultus Dei, sicut & Meldense Capitularia Caroli M. observari præcipit. Locum, qui Luc. XIV, 16. extat, objici posse subdit, sed illum de parentibus infidelibus agere, ex Augustino & Chrysostomo probat. Eliseum ad munus propheticum ab Elia vocatum expetuisse, ut osculari sibi parentes prius liceret, & Num. XXX. 4. seqq. vota liberorum irrita pronunciari, quibus parentes contradixerint, Ac tamen Hieronymus in deprædicanda vita solitaria vehemens sit, adeo, ut si in limine pater jaceat, per calcatum patrem ad eam pergendum arbitretur in *Epistola ad Heliodorum*: tamen in *Epistola ad Nepotianum de vita Clericorum* se ipsum quasi correxisse, & quod in illo ad Heliodorum opere, dum esset puer, pro ætate iussit, & *calentibus adhibere Rhetorum studiis atque doctrinis quædam scholastico flore depinxerit*, fuisse falsum; ut quem ad institutum Gregorii Nazianzeni præceptoris sui se conformasse verosimile sit, qui parentis precibus viduus ex eremo ad suos rediit; quemadmodum Chrysostomus, cum absolutis studiis Monachum se vellet profiteri, & matrem id ægre videret ferre, consilium quoque non minus laudabiliter mutaverit. Denique quæ sit ipsius S. Thomæ sententia exponit, quod nimirum ne Judæorum quidem liberos citra parentum consensum baptizare fas sit; cumque sit sub S. Benedicti regula illa Lugdunensis Abbatia, in qua inter alia c. 59. si puer minor ætate sit, qui in monasterio offertur, parentes ejus petitionem facere jubentur; indignum omnino Abbatissæ videri factum, quod in vitis parentibus puellam hanc in monasterium pertraxerit, concludit. In reliquis, quæ subsequuntur, id agit Autor, ut ostendat fraudem, quæ in exarandis virginis istius nomine literis, tum & quando in avunculi ejusdem testamento vocabulum quoddam truncatum fuit, commissa sit, & quam injuste nunc dotem puellæ ac sumptus, qui ad solennem voti religiosi nuncupationem necessarii creduntur, Abbatissa & Sociæ ejus exigant.

ANTONII BYNÆI DE MORTE JESU CHRISTI
Liber secundus.

Amstelodami, apud Ger. Borstium, 1696. 4. alph. 3.

- L**ibrum priorem, a nobis anno 1692 p. 425 recensitum, quique in expositione verborum Christi, *non bibam ab hoc tempore ex hoc fructu vitæ, usque ad illum diem* &c. desierat, excipit nunc felici fide-re liber secundus, spemque una facit nobis, citius absolutum iri, qui restant, librum tertium quartumque. Orsus autem Reverendus Au-ctor a vaticinio Christi de instante Petri abnegatione trina, historiam
- p. 11. Matthæi, Marci & Lucæ ita componit: Jesum, ut apud Matthæum & Marcum est, dixisse ad discipulos, *omnes vos offendemini in me hac nocte*. Respondisse Petrum, *etiamsi omnes offendantur*, &c. Repo-suisse Jesum, ut apud Lucam est, *Simon, Simon* &c. Petrum vero regessisse, *Domine tecum paratus sum* &c. Tunc demum dixisse Je-sum, quocumque illis tribus relatum est, *Amen dico tibi, quod hac ipsa nocte, antequam gallus cantaverit, ter abnegabis me*. Christum igitur ea nocte ultima, qua proditus fuit, non ter aut bis, sed semel tantum
- p. 13. prædixisse, se a Petro ter negandum. Difficultatem quæ movetur ex verbis Lucæ, solvit ex ipso textu; non enim dicere Lucam, *καὶ τότε ἐξελθὼν* &c. *Ἔτιναι*, postquam in cœnaculo locutus esset ea, quæ relata sunt, *egressus fuit secundum consuetudinem ad montem olea-rum*, sed simpliciter, *καὶ ἐξελθὼν*, *ἔ* *egressus*. Ubi non designetur tempus, quo egressus sit cœnaculo, sed tantum, quo abierit. Porro
- p. 29. Jesum verbis illis, *postquam resurrexero, præcedam vos in Galilæam*, allussisse ad id, quod præmiserat ex Zacharia, *percutiam pastorem, & dispergentur greges*; quasi diceret, pastoris more, qui ovibus suis præit, vos iterum præcedam. Miratur vero, Balch. Bekkero, viro, ceu ait, *tanti ingenii & tam emunctæ naris*, in mentem venisse hanc expo-sitionem verborum Christi, *Satanas expoposcit vos, ut cribraret sicut triticum*, i. e. corruptio, *qua a Satana orta est, & prava cupiditates vestra cribrabunt vos*. Ipsam cribrationem Bynæus ita illustrat: velle
- p. 38. seq. Satanam ex Apostolis excutere puram fidem, adeo ut nihil maneat reliquum præter falsa præjudicia; sicut in quassatione cribri farina pu-ra excutitur, fursures autem & quisquilæ remanent. Ut alludatur ad istud genus cribrationis, de quo Ecclesiast. 27, 5. *in concussione cribri*

Yema-

remanent quifquilia. Precibus autem Chrifti, forfan iis, quæ apud Joha. 17, v. 11 & 15 (addendum comma 12, ex iis quæ infra dicuntur p. 181.) leguntur, effectum, ut fides illorum non plane deficeret. Circa determinationem gallicinii Marcum non diffentire a Matthæo & Luca. Non enim dicere Matthæum, *πρὶν ἀλεκτορὶ φωνῆν*, *antequam gallus canteret*, sed *φωνῆσαι*, *antequam cantare deficeret*. Idem significare Lucam. Clarius autem retuliffe Marcum verba Chrifti, prout a magistro suo Petro didicerat, *πρὶν ἢ δις φωνῆσαι*, *antequam tempus gallicinii eo uique fuerit elapsum*, ut bis in eo gallus cantaverit. Non enim definere ante tempus illud, quod *conticinium* Latini vocent. Utrum Johannes fcripferit, *πρὶν ἔχειμάρῃ τῶν Κεδρῶν*, an *τῷ Κεδρῶν*, vel *Κεδρῶν*, non facile poffe dici. Non inepte cogitari, Johannem fecutum Judæorum Græce loquentium & fono vocis decetiorum modum receptum, qui putarint torrentem Kidron vel Kedron appellari a cedris; uti ab oleis mons olearum. Scripfiſſe igitur forte *τῶν Κεδρῶν*, quaſi *torrentem cedrorum* diceret; etſi alii malint, ſcriptum a Johanne *τῷ Κεδρῶν* vel *Κεδρῶν* (quod nomen proprium illius torrentis fuit) ſed a Græculo quodam illud *τῷ* in *τῶν* mutatum fuiſſe. Chriſtum ibi orafſe, ajunt Matthæus & Marcus, atque Lucas, ſed illi, *ἐπὶ τῇ τῆς γῆς*, vel, *ἐπὶ πρὸς ὡπὸν αὐτῶν*, hic, *θεὸς τὰ πάντα*. Cum vero genua flectere, & ſe proſternere in tertam, pro eodem ponantur nonnunquam, ceu ex Euſebio & Epiftola Marci Aurelii ad Senatum Romanum pateat, non inconcinne obſervat, Lucam id ipſum dicere cum reliquis. In ipſis precibus apud Marcum, *Ἄγεᾶ ὁ πατήρ*, non fuiſſe formulam, quod Ludovicus Capellus & alii plures putarint, Græcorum pueris notiſſimam, ſed Judæorum, qui Græce loquentes ex Ab vel Aba voce notiſſima fecerint *Ἄγεᾶ*; huic autem, affectus teſtandi cauſa, adjectam vocem Græcam, *ὁ πατήρ*. Græcis conſuetuſiſſimum dicere, *Ἄπα πατήρ*. Dubiam proſus & incertam eſſe conjecturam, qua Angelus corroborans Chriſtum credatur Gabriel fuiſſe. Contra vero cogitari non inepte, Angelum illum conſpectum e longinquo, nempe e cœlo, locutum cum Jeſu verbis diſerſis, eo modo quo *Angelus Domini* Gen. XXII, 11. *clamavit ad Abrahamum de calo*. Sudorem Chriſti negat fuiſſe inſtar ſanguinis concreti. *Deſcendere* enim vel deſluere, *κατὰδάσκειν*, non convenire grumis ſanguinis, ſed guttis ſanguinis. Quin particulam *ὥσπερ* notam

- veritatis hoc loco (nam de *ως* Joh. I, 14. ultro id concedit) non esse, Theophylacto, Photio, Grotio & Joh. Pricæo ad stipulatur. Unde negat, Christum sanguinem vere sudasse, cum obstat vox *ἡσέει*, quæ tantum similitudinem quandam innuat. Lucam enim dicere potuisse, *ἔξηκε ὁ ἰδρώς αὐτοῦ ὡς ὁ ἡμέρας αὐτοῦ*, vel simpliciter, *αἷμα ἰδρώσε*, sanguinem sudavit. Ad guttarum magnitudinem tantum respici: & guttas veri sudoris tam grandes fuisse ac solent esse sanguineæ, cum defluunt in terram. Non mirum autem, stante hac hypothese, vanam illi esse disputationem, utrum purus sanguis fuerit, an humor serosus sanguine tinctus? &, utrum hic sudor sanguineus naturaliter eruperit, an vero miraculose? Verbum Christi apud Marcum XIV, 41 *ἀνέχε*, ait hic usurpari impersonaliter, & significare Jesum, *jam secum ædum esse*. Observasse CL. Grævium ad Florum, id proprie dictum de gladiatoribus, qui vulnerati essent, *habet*, scilicet *vulnus*. Transferri deinde ad illos, qui fatebantur se periisse. Non sine causa tamen mentionem fieri hic a Christo duodecim legionum. Duodecim enim fuisse, quos tangebatur periculi metus, Jesum & undecim ipsius Apostolos. Itaque singulis unamquamque legionem, (alludendo ad militiam Romanam, & immensum numerum exprimendo) respondere. Cajapham Pontificem maximum *illius anni* vocari a Johanne, non quod eo tempore semper annuus fuerit Pontificatus; id enim vel solam Pontificum seriem, si inspicatur, refellere; sed quod pro illo rerum statu, quo Præsides Romani pro lubitu creabant Pontifices, incertum esset admodum, an Pontifex hujus anni futurus etiam esset anni sequentis. Ratio genuina, quare ad Annam prius adductus sit Jesus quam ad Caipham, prodita perhibetur ab ipso Johanne: *erat enim sacer Cajapha*. Ulteriorem rationem hanc subesse, quod Annas per aliquot annos Pontificatu maximo functus, eaque dignitate a Præside Romano nulla sua culpa motus, sacerque præterea Cajaphæ, majoris ex veteri iustituto, quo durabat officium istud ad vitæ finem, autoritatis potentique, quam Caiphas, fuerit. Atque ideo Luc. 3, 2. & Act. 4, 6 Annam & Caipham nominari Pontifices, illumque collocari ante hunc, in ordine generis pontificalis. Post ista verba Johannis de Caipha, neutiquam huius agnoscit Bynæus. Cyrilli enim auctoritate præter meritum ab usum Theodorum Bezam & alios, Neque eam Cyrillo mentem fuisse, quod in-
- terje-

tersecto demum commentario, non autem statim, subjungat, *miserunt autem eum ad Cajapham*. Vel explicationis gratia a Cyrillo poni ista, vel ea verba ab aliena manu postmodum commentario illius fuisse addita, citra ullam necessitatem. Cum enim dixisset Johannes, Christum ad Annam adductum *παῖτα*, satis indicari, eum postea alio deductum, monente Grotio. Matthæum, Marcum & Lucam omittere hoc; procul dubio quod in actibus Annæ actum nihil omnino esset, & conventus apud Caiphā institutus. Juvenem illum sindone amictum, non fuisse secutum Jesum, antequam veniret proditor, quod Vossio Casaubonoque visum; sed demum, cum ex horto Gethsemanes duceretur captivus. Sindonem vero non fuisse linteum ex pavore subito humeris injectum, sed vestem superiorem & tunicam lineam, quam supra vestes interiores gestare in more positum, hic vero, quod alias insolitum, nudo corpori indutam, ut profiliens videret, quid ageretur in tumultu: contra Maldonatum, Casaubonum, Grotium, Vossium, Gerhardum, Lichtfootum, alios. Prehensum juvenem illum a militibus Romanis, quos & Græci *νεανίσκος* & Latini sepe *juventutem* vocent: non autem ab adolescentulis cohortem Romanam ex urbe secutis. Omnia enim a Senatu Judaico ita fuisse disposita, ut nemo puerorum, quorum consuetudo est sequi captivos, potuerit accurrere. Neque putandum, a Marco Iulio istiusmodi puerilem describi. Imo prehensum hunc juvenem ideo a militibus, ne clamore in urbe excitaret & somno alios, ciceretque tumultum. Ministrum illum publicum, qui Christo in domo Cajaphæ alapam dedit, non fecisse id, quod metueret, ne & ipse pro fautore illius haberetur; cui quidam opinentur, decepti verbis Christi præcedentibus, *Ecce, illi sciunt, quæ dixi ego*; ac si notarent, *ipsi vestri satellites facti id norunt*. Id enim esse contra mentem Christi. Neque etiam fecisse id ex oborto zelotarum jure, quod non improbabile quidem, eertum tamen haud quaquam sit, sed ex ira. Verba quæ apud Johannem post ista sequuntur, *ἀπέσπλην* (nam *ἀνὰ* esse a plerisque codicibus,) *αὐτὸ ὁ ἄνθρωπος δεδεμένον πρὸς καὶ ἄφαν τὴν ἀρχιερεῖα*, semper sibi glossema, idque antiquissimum visa, & ex margine irrepsisse in contextum & codices omnes, atque sic omnem solvi difficultatem, Byzæus asserit. Sicut nec in verbis Christi, *ὁ ἔσθε καθήμενοι ἐν δεξιῇ τῆς δυνάμεως*, ullam quasi vit; ultro concedens, eum post ascen-

p. 226.

p. 231.

p. 234.

p. 237.

p. 264.

p. 265.

p. 269.

p. 298.

- p 301. ascensionem in cœlos accepisse communionem regnī, potestatis, dominique a Patre, non honoris signum tantum. Quod autem sequitur, *Et videbunt Filium hominis venientem in nubibus cœli cum potentia & gloria multa*, ita interpretatur: Judæos non multo post viſuros Jeſum ſedentem ad dextram potentia, & venientem in ira ad ſumendam vindictam de rebellibus Judæis, hoſtibus ſuis præſtractis. *In vel cum nubibus cœli enim venire ſignificare iram ac vindictam*, Jeſa. 19, 1. Pf. 97, 1. 2. Neque præmittere potuiſſe ἀπ' ἀγρυ vel ἀπὸ τῆ νύκτ, *ab hoc tempore*, ſi ad ſera tempora extremi judicii reſpexiſſet. Inprimis vero Luc. 19, 12. 14. idem dictum eſſe a Chriſto, *inimicos illos meos, qui noluerunt regnare me ſuper ſe, adducite huc & jugulate coram me.*
- p 303. Eventum hoc confirmari ipſo Pentecoſtes die, & cum Evangelium prædicaretur Gentibus, fruſtra renitentibus Judæis, atque in everſione templi ac civitatis. Hæc enim ſigna evidentiffima fuiſſe, Jeſum adeptum eſſe regnum a Patre promiſſum, & eſſe filium Dei. His auditis
- p 309. Cajapham ſciidiſſe tunicam ſuam vulgarem. Veſtes enim ſacras ſummi Pontificis & reliquorum Sacerdotum reclusas fuiſſe in templo, ad miniſtrandum in ſancto. Atque ideo Paulum Act. 23, 5. ignoraſſe, Ananiam eſſe Pontificem maximum; quod in judicio & ſenatu non ſediſſet cum veſtitu ſuo pontificali. ſciſſionem inſecuta ſententia mortis decretoria & ſolemnis, cum valida judicium condemnatione, videtur Bynæo; qui libro tertio prolixè aſſerturum ſe promittit, judicia capitalia Judæis ab Auguſto poſt conſiſcatam Judæam non fuiſſe ablata.
- p 333. Difficilem quæſtionem, an Petrus prima vice negaverit Chriſtum in ædibus Annæ, ita ſolvit ex ſuperiore hypotheſi: Jeſu ab Anna ad Cajapham deducto contigiffe demum, quæ ſequuntur apud Johannem de negatione prima. Accedere, quod iſ ſecundam tertiamque negationem cum prima ſic connectat, ac ſi Petrus hætenus in uno eodemque conſtituiſſet loco, nee inde pedem moviſſet. Statim enim poſt primam dicere, *erat autem Petrus ſians*, v. 18. & iterum ſecundæ tertięque præmittere, *erat autem Simon Petrus ſians*, v. 25. Narrationes Evangelistarum quoad circumſtantias reliquas, eaſque plures, hujus negotii non diſſentire a ſe invicem, quia Petrus, Marci præceptor, in tanta conſternatione non niſi confuſe retinere memoria potuerit, quæ contingebant, & diſcipulus Chriſti ille, qui cum Petro ſequēbatur, factum hoc modo cum una, modo cum altera circumſtantia narraverit nunc hinc

nunc

nunc alteri Evangelistarum, qui id solum, quod quisque audiverat, descripserint. *Anathema* sibi imprecatum esse Petrum, formula jurandi tunc solenni, i. e. separationem a Synagoga. Id, quanquam pro magno malo duceretur, sensum tamen hunc non habere, quasi Petrus experit se ipsum devovere, vel detestari, vel execrari, vel diris se obligare, quomodo prisca dixerint, *sic faciat mihi Deus, & sic addat*. Prolixissimus autem Noster est in eruenda significatione verborum Marci de eodem Petro, ἐπεὶ αὐτὸν ἐκλασε, atque ex universo dissentientium apparatu eligit sententiam Theophylacti, Salmasii, Vorstii & aliorum, qui vertunt *injiciens vestem*, scil. capiti, *flevit*. In Græco enim subintelligi τὴν ἐσθῆτα, ut respiciatur ad morem Judæorum aliorumque populorum obvelandi caput, cum flerent acerbe, tanquam pudibundi. Circa genuinam notionem *πρατωρίας* distinguit tempora. Vocem hanc olim denotasse tabernaculum castrense summi Ducis, qui veteri lingua Latina appelletur *Prætor*. Postea cum regiones jure armorum in formam provinciarum redactæ administrarentur ab iisdem Ducibus, habitationes ipsorum retinuisse hoc nomen: eaque notionem accipi in re præsentis. Pilatum ἡγέμονα appellatum Matthæo vocat *Procuratorem*, non *rationalem*, qui sine jurisdictione erat, sed qui *vice Præsidii*, vel *cum potestate*, adeoque habentem jus gladii. Et huic traditum fuisse Jesum non ideo, quasi ea tempestate adempta Judæis essent judicia capitalia; sed quia crimen læsæ majestatis, cujus accusabatur, pertinebat ad tribunal Procuratoris Romani. In conflictu opinionum circa mortem Judæ, assentitur Jacobo Gronovio: Matthæum narrare simplicissime strangulationem violentam, ab ipso Juda patratam, ideoque præmississe Evangelistam ἀπὸ πλῶν, quod alias abundare videbatur. Lucam autem narrare infamiam, quæ post mortem facta sit Judæ cadaveri: simulac enim illa innotuerit, *in præceptis datum* ab aliis, ut omnium oculis insepultus ad occasum Solis usque pateret, *crepuisse medium* &c. Quomodo Jeremiæ nomen expressum sit apud Matthæum, cum ipsum vaticinium de agro figuli legatur apud Zachariam, multo adhuc magis torsit Bynæum; adeo ut tandem cum Calvino dicat, *me nescire fateor*. Pium quidem esse, quod Augustinus consulto hæc nomina a Spiritu Sancto permutata fingat, ut innueret, uno eodemque Spiritu olim actos vates. Verum hoc ipsum non modo subtilius multo quam solidius, sed etiam frivolum profus videri

p. 363.

p. 383.

p. 408.

p. 411.

p. 415.

p. 448.

p. 462-479.

p. 477.

alienumque. Cur enim Jeremiæ potius, quam Moſi, aut Davidi, aut Ezechieli tribuerentur ea, quæ apud Zachariam leguntur? Denique ſenſum iſtorum verborum Zachariæ non pervertiſſe Matthæum, ſed hunc omnino conſtare, oſtenſurum ſe pollicetur doctiſſimus Bynæus libro quarto.

JANI VINCENTII GRAVINÆ OPUSCULA.

Romæ, apud Antonium de Rubeis, 1696. in 12. plag. 9.

- H**umanioris literaturæ cultum ſi quis Alpes, ſpretis Italiæ ſinibus, trajeciſſe exiſtimet, nã is clariſſimo præſentium opusculorum exemplo poteſt redargui; adeo terſo limatoque ſermonis genere conſcripta deprehenduntur ſingula & elaborata. Ac *primo* quidem, quod *Specimen priſci juris* inſcribitur, id egit Autor clariſſimus, ut ex veris ac primis principiis Romanorum Jus Civile derivet. Poſtquam enim ad Origines Juris Civilis integro opere exponendas animus is adje- ciſſet, aliquem laboris ſui gultum hoc ſpecimine, ex prolixioribus commentariis excerpto, dare publico conſtituit. Ad legum itaque & imperii incunabula ut Lectorem ducat, ſupponit initio, legem juxta & imperium non ſapientibus, ſua quibus ratio lex ſit & imperium, ſed iis poſita fuiſſe coercendis, ad quorum animos componendos ratio non valeat; ut, quæ perturbatio propria ratione non reprimitur, ratione ac poteſtate publica, aliâve majori perturbatione, mortis nempe ac pœnarum metu, contineatur. Si quem lege premi contin- gat, eum non aliena vi, ſed ſua potius imperii portione gubernari, ideoque non eſſe dubium, quin omnium tueri leges interſit, utpote vinculum publicæ ſalutis, qua contineri unusquisque & ſuam ſen- tiat.
- P. 15.
- P. 16.
- P. 29.
30. ſeq.
- 33.
- Enumeratis hinc variarum gentium legiſlatoribus, ex Athenienſium legibus magnam partem manaiſſe Jus Romanorum oſten- dit: ubi & de Jure Regio, quod Papirianum nominant, diſſerit, & num omnes leges regiæ, an vero ad ſtabiliendam dominationem regiam pertinentes ſolum ſublata fuerint, diſquirat. Inde legum tabulis XII comprehenſarum originem, auctores, & confirmationem ita perſe- quitur, ut credas non fruſtra dictum a Cicerone: omnium Philoſo- phorum bibliothecas unum ſibi videri XII Tabularum libellum, ſi quis legum fontes & capita viderit, & auctoritatis pondere, & utili-
tatis

tatis ubertate superare. In iisdem colligendis, disponendis, ac interpretandis laudat Jacobi Gothofredi operam; singularum dein tabularum argumenta recenset, evolutis simul, qui passim in iis occurrunt, obscurioribus terminis. Expositis tabularum argumentis, ad JCtorum actus legitimos, additionem videlicet seu cretionem hæreditatis, mancipationem, acceptilationem, tutoris ac libertatis dationem, & servi aliusve rei optionem explicandam progreditur: quibus ut adoptionem annumerat, Ulpiani auctoritate motus, sic ex eorundem classe eximendam usurpationem censuit. Singula vero in *Libro Originum*, quos promittit, latius se velle persequi innuit.

Opusculorum alterum elegantem dialogum exhibet, quo *Latina lingua* præstantia luculenter asseritur. Largitur equidem disertissimus Vir, historias & disciplinas popularis quoque sermonis luce satis esse jam promtas; negat tamen in aliena lingua oratores & poetas venustatem & elegantiam propriam retinere integram, quod natus lepor peregrino linguarum ingenio corrumpatur, quodque vigor & adspæctus nativæ eloquentiæ novis exterisque coloribus inducatur statim & aboleatur. Negat vernaculas, quæ a Latina velut a capite perfluant, retineri conservarique posse, nisi ad Latinam, & inde ad Græcam, quæ omnium fons & origo sit, revocentur. Græcam equidem & origine, & auctoritate, & dignitate præstare cæteris; unam Latinam nihilominus cogitata hominum & res gestas in orbis terrarum universi partes disseminare quam felicissime, & adæquare cum omni posteritate scriptoris memoriam. Hinc ad quæstionem de Romanorum genere, & utrum gentis hujus auctores Græci, an Trojani fuerint? copiosissimum sine digreditur, ut Latinam non aliunde rectius, quam a Græca erui posse demonstrat. Latine studium fuisse nunquam a Græcarum literarum cognitione sejunctum, imo quasi perpetuum elegantiae focus iniissent, pulsas Latinis literis simul exulasse Græcas, iisque revocatis & has rediisse. A Græcis porro non modo omnem scientiam & eruditionem esse profectam, verum & ipsas literarum formas, quas a Phœnicibus Græci perhibentur accepisse: non levi argumento esse, quod olim eadem fuerint Latinorum & veterum Ionum literæ, teste tabula Delphica, Minervæ quondam dicata in Palatio. Neque Italiam Græca lingua carere potuisse, quod magnam partem Græcorum esset coloniis occupata. Populorum commercium commercia

- doctrinarum excepsisse, Græcique sermonis usum ad scholas & universa literarum studia simul cum ipsis literis derivatum propagasse. Solenne Romanis fuisse, quotquot sermonis & morum elegantiae studio incumberent, conferre se in Græciam, ut una eum philosophia & eloquentia Græcæ linguæ usum quoque addiscerent. Celeberrimam scholarum fuisse Atheniensem, ubi philosophia & eloquentia privatis veterum Philosophorum disputationibus excitata, postquam sub umbra consedisset, migravit in forum. Neque barbaros solum, verum & Regum filios ad ingenuas addiscendas artes eodem missos commemorat. Proximam fuisse Rhodiam, artium & eloquentiae studiis per celebrem, & vel unum ob Ciceronem a Milone Rhodio perpolitum, quæ summis laudibus effertur, dignam. Discurrentibus postea Alexandro duce una cum Græcorum armis, artibus & institutis, doctrinarum scholas diversis in regionibus legi fundatas. Alexandrinam cum primis, ubi Ægyptiorum, singulis morbis certos medicos adhibentium, exemplo tanta fuerit medicæ artis celebritas, ut qui operam iis dedisset doctoribus, apud nationes alias in summa versaretur estimatione doctrinæ. Eloquentiæ & philosophiæ gloria eam cessisse quidem Atticæ; post acceptam vero a Christi discipulis veram religionem, divinarum legum interpretatione, & cognitione sacrarum literarum longe ceteras superasse; quod Clementis Alexandrini, Origenis, Athanasii, & Cyrilli confirmatur exemplis. Græcorum linguam itaque apud omnes omni tempore mansisse incolumem concludit, studiisque disciplinarum, librorum copia, ac inventionem omnium artium & facultatum in gentes atque ætates mansisse universas. Quod uti secundum Græcam nulli præterquam Latinæ contigerit: sic de vulgaribus sperari nihil horum posse, quippe quæ & amplitudine imperii, & inventorum dignitate, & auctoritate antiquitatis, & consensu universorum destituantur.

p. 129.

His aliisque rationibus utilitate linguæ adstructa, incredibilem, quæ pollet, gratiam & voluptatem inde suadet potissimum, quod miris modis ornari, & contrahi modo, modo laxari, & ad numerorum ac sententiarum varietatem flecti queat, verborum item luminibus, mirisque translationibus illustrari. Gaudere enim eam terminationis varietate, qua vocum singularum certas & præcipuas affectiones, sive casus in nominibus, personas in verbis, numerum in utrisque noter

ac

se distinguat. Duci proinde verba ad numerorum & ornamentorum rationem posse solo dicentis arbitrato: sic ut sententia minime obscurata, perturbatave, trajectis etiam verbis numerosè nihilominus atque concinne cadat oratio. quo ornamēti genere vulgares careant. Cætera jucunditatis argumenta quamplurima, præteritione adhibita attingit. Translatione sensum verborum non mutari, dum probatur, confectarii loco monet, e manibus nunquam amittendos esse Comicos veteres, quod hi præ cæteris propter proprietatem sermonis, & popularem loquendi consuetudinem, nativam reddant verborum significationem, qua perspecta id lucremur, ut cautiore in translationibus, imo tutiores & feliciores evadamus. Postrema dialogi pars diversas linguæ Latinæ ætates, & quinam auctores ad unamquamque referri mereantur, explicat. Nativam incorruptamque Latinitatem ad ætatem Augusti in cunctis ejus ævi scriptoribus viguisse; ab hujus vero morte cum propter colluviem peregrinorum, tum propter exteriorum dominationem inclinasse, quorum regia ut peregrinis moribus, sic verborum quoque insolentia scatuerit.

Tertium Opulculorum uti pro argumento *Conversionem Doctrinatum* habet, sic Auctor in eo de re literaria, de scientiarum statu, pretio & contemptu, nec non de satis eruditorum præcipue per Italiam, erudite disserit. Ab hac equidem cum bene vivendi, tum recte sentiendi leges, ipsamque propemodum humanitatem, aliis primum nationibus affulxisse, aliquando tamen in summam artium bonarum ignorationem eam esse demersam: nec defuisse rursus, qui artium liberalium institutionem Italia abactam ac proscripam, e priscis arcessiverint fontibus, rectaque studia longo jam tempore intermissa revocarint, quorum principem Franciscum Petrarcham facit; melius processisse cuncta, ex quo ad cultum Latinitatis, Græcarum literarum studium accesserit. Græcia enim in barbarorum potestatem redacta, eam vastitatem pervasisse florentissimas olim orbis regiones, ut coacti illius temporis eruditi fuerint, conspiratione animorum facta, patrios Lares cum solo peregrino commutare, avertaque secum Græcorum doctrina, in Italiam velut ad aram confugere. Qua ratione factum, ut semel atque iterum scientiarum lucem Italiæ attulerit Græcia. Porro & eos commemorat, quibus quasi ducibus humaniores literæ Italiam pervagatæ, trajecerint Alpes, sic ut uno tempore non ex Italia

130.

134.

137.

P. 148.

149.

150.

solum, sed e remotissimis quoque regionibus priscum & Græcorum, & Latinorum ingenium eluxerit. Consentiam dedisse Janum Parrhasium, & Pomponium Lætum, vetusti moris juxta & elegantiae vindicem; Etruriam Politianum, Petrum Victorium, Acciajolium; Venetias Hermolaum: quemadmodum & succedente tempore Erasmus Belgium, Germaniam Reuchlinus, Budæus Galliam, Morus Britanniam Græcis Latinisque copiis instruxerit. Hinc Italorum Poetas adducit, in quibus splendor veterum, vis, ubertas, & artificium revixerit, laudatis simul iis literarum restitutoribus, qui e tenebris eripuerint Hispanias. Latinæ eloquentiæ, cujus primas ferat Italia, non multiplici duntaxat eruditione, verum & abstrusa vetustatis universæ notitia, & infinita linguarum cognitione respondere Galliam. Lambino enim, Turnebo, Ramo, Petro Fabro, Petito, aliisque missis, in unius ait Josephi Scaligeri magnum, uberrimum, & admirabile ingenium confluisse, quicquid post homines natos mandatum literis, quicquid in obscurissima vetustate reconditum, quicquid illustrius in universarum gentium linguis confusum fuerit ac dissipatum; cui tamen & Casaubonum, Salmasium, Bochartum non dubitavit jungere,

Jurisprudentiam Romæ quidem natam & cultam, verum nugarum mole subinde obrutam, a Nebrissenſi, Budæo, Alciato sublevatam esse: a Connano autem, Duareno, Brissonio, Donello, Barone, Revardo, Vinnio, Grotio, Antonio Fabro, quique jus omnium & industriam circumscripserit, Cujacio in lucem revocatam. Vulgarem Physicam Dis, ut ait, iratis natam fugavisse Bernhardinum Telesium Cosentinum, & hujus schola doctissimos per Italiam viros, quorum catalogum texit, prodiisse. Italorum res eo interim adductas hodie conqueritur, ut quorum scripta dudum exempla fuissent exteris, nunc paucis exceptis, nil nisi jocus sint atque ludibria, consuetudinis pravæ potius, quam ullo ingeniorum vitio. Adeo corruptam enim invaluisse nuper judicandi rationem, ut si quis natura ad eloquentiam sinceramque doctrinam feratur, is pessimorum usu librorum & pravo multitudinis judicio, ab opere recte instituto deterreatur. Non scriptoribus, sed monstris obsideri studiosorum animos, nec virtutibus orationis amplius, sed infucatis vitiis rapi. Conscribi a novorum audacia libros, stylo tam tumido, tam insulso, tam agresti, tam putido, ut cum ab istorum lectione discesseris, ad circum potius, quam ad forum

rum idoneus tibi videaris. Minime ferendos esse, qui Plautum putent, Terentium, Ciceronem ipsum ab Apulejo, Sidonio, Aufonio, Marciano; Horatium a Juvénali & Persio; Virgilium, Catullum, Propertium, Tibullum, Ovidium a Lucano, Statio, Claudiano, Martiali, Sillio; Sallustium, Nepotem, Cæsarem, Livium a Floro, Suetonio, & Marcellino superatos. Quemvis sanum & cordatum merito exardescere, ubi leporem a scurrilitate, magniloquentiam a tumore, munditiam a sordibus, nativumque Romani oris sonum ab importuna peregrinitate fugatum viderit. Magistratus & honores divino humanoque jure non opibus, non gratiæ, sed virtutibus ac literis decerni. Reperiri tamen ex judicio eo in genere & arbitratorum numero, quibus non alia conditione proberis, quam si vitam impuram impura cum dictione junxeris. Quamvis autem fastigia rerum vitiosa ratio teneat, rectam nihilominus insinuare se nonnunquam privatim, & si minus emineat, saltem reperere; sponte sua quoque ingenia interdum in agris veluti incultis ac prope desertis pullulare, & mirabili ratione per se eniti & efflorescere.

p. 164.
p. 167.

De *Contemptu moris* in quarto ita differit, ut ex arte bene moriendi recte vivendi rationem deducat. Negat inter alia, peregrinum laudaturus, positus Romanis moribus retineri civitatem. Civem enim Romanum esse, non quem septem colles ediderint ac educarint; sed qui e veteribus Romanorum institutis sit expressus ac formatus, quique in antiquitatis memoria versatus probe, e veterum cognitione & imitatione factorum susceperit ac referat mentem animumque Romanum; quo qui careat, eum in Capitolio licet natum, exulem, non civem esse. Contra quisquis constans in retinenda libertate sit, quisquis in sacrorum fide religiosus, in adeundis periculis impiger, fortis in patriis legibus institutisque tuendis: quisquis ad voluptates temperantiam, ad injurias magnanimitatem, ad sumtus magnificentiam, ad secundas adversasque res æquabilitatem animi adhibeat, eum vel extincta Roma veteri, quamvis e media Scythia fuerit exortus, a Romanis virtutibus civitate Romana donari; præsertim si Romanos mores non factis solum, sed incorrupto etiam usu Latini sermonis expresse- rit. Nominis enim Romani & urbis dignitatem in eo conservari maxime, in quo lingua, morum index, & Romani mores intermortui reviviscant. De cætero fontem vitæ rationem esse, quæ alatur cog-
nitio-

170.
175.

177.

p. 179. gnitione veritatis & exercitatione virtutum; quorum alterum errorum tenebræ, alterum vitiorum sordes nobis eripiant; adeoque mirum non esse, majori mortis formidine stultos coſtripi, quod vivere ante definant, quam ad vitæ limen unquam pervenerint. Sapientis vitam eſſe perpetuam exercitationem mortis, & mortem æternæ institutionem vitæ, imo aditum ad immortalitatem, Quorum autem nulla pars corporis vacet voluptate, & quorum omne tempus transmitatur vitiis, iis vel eo nomine mortem gravissimam videri, quod omne amittant, cujus causa vitam instituerint, & qui superſit animus, aagoribus nunquam finiendis reſervetur.

184.
188. ſeq. De *Lultu minuendo* cum in Opusculorum quinto agitur, ostendit inter cætera, non nisi humanam ignorantiam, quæ rerum eventus alioſum trahat, quam quo Deus intenderit, cuncta propriis affectionibus sic labefactare, ut vel intempeſtiva appareant nobis, vel immatura. Ubi vero ſpatium a Deo definitum natura duce quis compleverit, ejus nec immaturum obitum, nec tardum poſſe videri, perinde ut nec equum tarditatis accuſemus, nec aquilam celeritatis nimix, quod hæc, quam ille celerius lineam tranſilerit,

191.
196.
199. *Poſtremum Leges Arcadium* proponit, qui ante ſexennium forte, novam ſocietatem Romæ, Muſarum cultum & probitatem vitæ promovendi ſtudio, inierunt. Quos inter cognomen *Opici Erymanthæi* aſſumere ut Gravinæ placuit, ſic *Sireni* Nobiliſſimo Malagonnellio (cujus Orationes ſummum ingenii acumen undique ſpirantes, in Sectione I Tomi III Supplementorum pag. 43. non ita pridem recenſuimus) tributum obſervamus, qui nec inter prima renaſcentis Arcadiæ nomina ferri ſe diſſimulat, Haſce leges jam probat, & tuctur Auctor clariffimus, ſuccincta oratione legibus ſubjuncta,

Quod denique hiſce opusculis annectitur, lingua Italica ab eodem Auctore conceptum, dictoque ſuperius anno Romæ impreſſum, ſenis abſolvitur plagulis, Eminentiffimo Cardinali Boncampagnio dicatum, ſub titulo: *Delle Antiche Favole*, In illo de *μύθη* ſive fabula agit, quæ, uti norunt, quibus remota pauliſper cortyna penitiores poeſeos reſceſſus introſpicere liçuit, non epici tantum atque dramatici, ſed cujuſvis alterius etiam carminis naturam præcipue conſtituit. Poſtquam itaque ſub initium ſtatim, quid tandem ſit in fabula tantopere animis Lectorum auditorumque ſeſe aptum inſinuare, acute

acute scis indagasset; ex hac ipsa doctrina deducit, quam necessarium sit, ut verosimilitudinem fabula obtineat semper, nec quidquam fingat a natura alienum; hoc enim si fiat, actum fore de illa quam habet occulta animos flectendi virtute. Quantus in hac arte magister Homerus fuerit, jam porro ostendit, quem optat ut imitentur moderni poeseos, dramaticæ imprimis, corruptores, qui nihil fingant, nisi quod a natura quam alienissimum sit, contemnentes nihilominus præstant quos illos divinæ hujus artis antistites, quibus ingenium defuisse putent, quo minus sublimia, ad quæ scilicet ipsi sese attollant, petere valuerint. Verum quam mali veterum judices tales existant homunciones ostendit, in originem erroris eorum satis accurate inquirens. Quo facto genuinum fabularum usum investigare pergit. Qui cum nullus alius sit, quam universales veritates, tam morales quam physicas & theologicas, materiali quasi aliquo habitu induere, ipsisque oculis ita sistere intuendas, ut eo vehementius iis rudioris plebis præsertim feriantur phantasiz. Omnium fabularum, tam quæ virtutes & vitia representant, quales Tantali, Sisyphi, Furiarum & aliarum sunt, quam quæ ad divinam naturam & attributa spectant, fundamentum atque ortum hinc unice repetit. Et hac quidem occasione in ipsa prima fabularum inquit incunabula, atque adeo in ipsius poeseos originem. Quam ubi apud Ægyptios invenisset, qua ratione ad Græcos translata sit, docet, Orpheumque imprimis esse ostendit, qui huic animum adjecerit, donec Homeri opera ad summæ perfectionis fastigium fuerit evecta. Ne autem fabularum usus exiguus cuiquam videri queat, in sequentibus luculentis evictum dedit argumentis, aptas magis eas esse, quæ hominum animis sese insinuant, eosque præceptis utilis instruunt, quam si res gestæ historica methodo simpliciter proponantur. Et sic denique ad enarrandas varias poematum, quæ fabula animantur, species procedit; ita ut epicæ primum, deinde tragicæ, post comicæ poeseos naturam paucissimis exponat. Tandem lyricæ quoque carmina expendit, atque ea etiam non minus ac reliqua fabulam suam semper habere, eodemque gaudere, quo prius commemorata, alimento ostendit. Quod etiam de elegiacis, quibus cum Tibullo & Propertio Ovidius inclaruerunt, tenendum monet. Hisque omnibus expositis, præcipuos fingendi artifices, tam Græcos quam Latinos, recenset, ita ut cujuslibet characteres, virtutesque exi-

P. 14.

P. 15.

P. 21.

P. 23.

P. 30.

35.

44.

65.

87.

mias nativis coloribus, qua est ingenii elegantia, vividissime depingat.

ERICI ODHELII GOTHII, S. THEOL. D. ET PROF. ORD. Upsaliensis, & paulo ante obitum confirmati Pastoris Stockholmensium primarii & Consist. Eccl. Præsidi, Operis inediti particula, qua certis exemplis ostenduntur conciliationis religionum pericula, & sectariorum callida artes irrependi in gregem Domini cumque seducendi.

Strenghefiz, typis Johannis Ramberg, 1696. in 8. plag. 47.

DUODECIM capitibus hoc specimen absolvitur, e quibus tertium se-
ligere lubet, quod inscribitur *de Liturgica impostura, qua paulo ante hoc seculum Ecclesia Suecana fuerunt divexata*. In hoc capite B. Auctor refert, ab eo tempore, quo Catharina Jagellonica, Regis Poloniae Sigismundi Augusti soror, Johanni III Duci & postea Regi nupsit, Johannem Herbertum, Antonium Possevinum, aliosque Pontificios Sacerdotes, crebris Stanislai Hosii Episcopi Warmiensis & Cardinalis literis instructos, simul cum Regina, ut Romanæ Ecclesiæ sacra in regnum Sueciæ reducerentur, strenuam operam dedisse, & filio quoque Regis Sigismundo Pontificios præceptores, Nicolaum Mylonium, Nicolaum Raschium & Arnoldum quendam adhibitos fuisse. Inter varias artes, quibus Romanæ sedis emissarii usi sint, has commemorat, quod ab initio sermones suos ita temperaverint, ut nihil monstrare viderentur; quod rituum evangelicorum simplicitatem perstrinxerint, & reformatione Lutheri contemptum habita antiquitatis studium extulerint; quod Suecos quosdam præstantis ingenii juvenes Romæ & alibi in scholis Pontificiis educari curaverint, quorum ope Papatus in Sueciam feliciter reduci posset; quod declarationes suas non simul & semel, sed particularim editas speciosissimis verbis incrustaverint, & sub prætextu majoris in cultu sacro reverentiæ excitandæ novam liturgiam contexuerint, subdolis verborum involucris ita adornatam, ne Papistæ, quos ea continuerit, errores primo statim adpectu deprehendi possent. Enarrat deinde, quanta mala nova hæc liturgia pepererit, cum Rex his aliisque artibus deceptus eam in omnes regni sui Ecclesias introduci jussisset, multique sinceri veritatis evangelicæ confessores dignitatibus exuti, proscripti, carceribus inclusi aliis-

aliisque modis vexati fuerint, nec pauci tam ecclesiastici quam politici ordinis homines, sive minis terri, sive fraudulentis illecebris persuasi, in hac tentatione nutaverint. At nec defuisse, qui, cum missæ sacrificium aliaque Papismi semina in nova illa liturgia foveri animadverterent, eam non damnare non potuerint, & quidvis pati quam veritatem abnegare maluerint. Hos inter Auctor noster commendat Theologos Upsalienses M. Petrum Jonæ Helsingum, M. Olaum Petri Medelpadium, M. Olaum Luth, M. Nicolaum Olai Bothniensem, M. Petrum Kenisium, & M. Ericum Jacobi Scinnerum, qui ne Academia illa novæ liturgiæ fermento inficeretur, invicta sua constantia effecerint. Commendat insuper Principem sapientissimum Carolum, qui integram fere Strengnensem diocæsin multosque alios eo confugientes immunes præstiterit, nullumq; in Ducatu suo locum Papistis machinationibus reliquerit. Refert quoque multos, qui parum cauti palam sibi obrudi siverant, simul ac latentem in herba anguem conspexerint, velut agmine facto ad invictos confessores accessisse, ipsumque Regem fraude agnita ægerrime, quod eo usque processerat, tulisse, sanctissime contestatum, quod novam liturgiam non in Pontificis Romani gratiam, sed ad augendum ministerii ecclesiastici honorem, & majorem reverentiam sacramento Cœnæ Dominicæ conciliandam approbaverit.

Reliqua hujus Speciminis capita agunt de fraudibus hæreseos Arianz, de tentatione Interimistica, de conciliatione inter Lutherum & Zwinglium Marburgi tentata, de concordia Witebergensi; de fraudibus Sacramentariorum in Gallia, de consensu Sandomiriensi, de Ecclesiis Evangelicis in Palatinatu Rheni per Calvinianos occupatis, de Calvinismo Bremensi, de mutatione religionis in Ecclesiis Anhaltinis facta, de Crypto-Calvinistis Witebergensibus & Lipsiensibus, & de synodi Dordracenæ & colloquii Thorunienfis processu. Quanta autem brevitate singula tractentur, ex plagarum numero colligi potest, quem pro more nobis recepto supra indicavimus.

GEORGII WOLFFGANGI WEDELII MED. D. COMITIS PALATINI Cæsarei, Theoret. Profess. Ordin. Consilarii & Archieatri Ducalis Saxonici EXERCITATIONES PATHOLOGICO-THERAPEUTICÆ.

Jenz, sumptu Joh. Bielckii, A. 1697. in 4. Alph. 1.

Is hætenus Auctor illustris scriptis inclaruit, ut nemini obscurum esse possit, quanta ex illis emolumenta in rempublicam literariam redundarint. Inter gravissima tamen, quibus implicitus est, negotia, petitis ac desideris studiosæ juventutis porro gratificaturus, decem Dissertationes Pathologico-Therapeuticas, quas in usum ejus antehac jussit seorsim lucem adspicere, jam quoque conjunctim editas voluit exhibere, ut eo promptius aliorum etiam oculis exponerentur. In eo totus est Auctor celeberrimus, ut memoriæ omnium consulat, universamque adeo Praxin Medicam succincte breviterque explicet delineetque, quo absque nausea ab omnibus felici cum successu possit addisci. Sepositis hinc sententiis aliorum, nova facilique utitur methodo, cujus ideam olim Tabulis Pathologico-Therapeuticis anno 1687 excusis exhibuisse videtur; persuasus, accurata Pathologiæ æque ac Therapiæ cognitione rem omnem posse absolvi, quod illa tradat, quid sit agendum, hæc vero exequatur & deducat in effectum. Ceteras interim Medicinæ partes minime excludit, illasque ministrare ac velificari his ut potioribus opinatur. Decem vero constituit morborum genera, nimirum febres, inflammationes, dolores, obstructions, fluxiones, tumores, ulcera, vulnera (sub quorum titulo etiam fracturæ ac rupturæ ipsi veniunt) læsiones sensuum, & læsio motus; horumque nomine, quicquid corpus nostrum lædere valet, nitide enucleat, diversos, qui accidunt, affectus, phænomena, & causas enarrando, debitamque ac sufficientem curam singulis adjungendo.

JOHANNIS LOMEIERI, ZUTPHANIENSIS, DIERUM
Genialium sive Dissertationum Philologicarum
Decem secunda.

Zutphanix, ex officina Johannis van der Spyk, 1696. in 8.
 Constat Alphab. 1. plag. 10 1/2.

Cum in his Actis nostris A. 1694. p. 134. primam Dierum Genialium sive Dissertationum Philologicarum a clarissimo Lomeiero editarum decadem exhiberemus, indicavimus simul, & alteram earum aliquando in lucem esse prodituram. Hanc igitur, postquam ea in manu

nus nostras commodè incidit, simili, quo olim primam, modo recensibimus.

In *prima* nempe Dissertatione agit Auctor de urbe *Zutphania*, (juxta quam ipse anno 1636 in hanc lucem fuit editus, patre in arce & toparchia Keppelio Evangelii ministri munus obeunte;) paucissima tamen, quæ ad ejus historiam possint facere, suppeditat, quin potius in eo totus est, ut catalogum eorum texat, qui Ecclesiæ Christi scholisque, tum in urbe illa, tum extra eam, inde tamen oriundi, præfuerunt. Ecclesiasticos in duas classes dispescit, aliosque ante reformationis tempora cœlestis veritatis testes sub ipso Papatu fuisse, alios post exortam Evangelii lucem floruisse inquit. E priorum numero duos, Gerhardi de Zutphania nomine insignitos, introducit, quos alii quidem, & sigillatim Jo. Isacius Pontanus, confundant, ac non nisi unum istius nominis fuisse statuunt. Et facilem quidem fuisse hunc errorem dicit, non ob *ὁμωνυμίαν* solum, sed vitarum quoque *συγχωρισμόν*. Alterum eorum Theologum Colonensem egisse, alterum vero contemplativæ vitæ addictiorem Daventræ in domo D. Florentii vixisse, & hunc cognomento Zerbolt insignitum legi perhibet. Hos ex iis, qui ante reformationem inclaruere, commemorat. Sed longe amplior illorum seges est, quos inde a reformationis temporibus floruisse notat, interque hos quam maxime Henrici Zutphanienfis, Hermanni Averkampii, Guilielmi Baudartii, Sebastiani Dammanni, Bernardi Crusii, Abrahami Beckeri, Nicolai vander Meer, Samuelis Basnagii vitas prolixius recenset, de se quoque ipso p. 31 seq. disserens, unde, quod jam inde ab A. 1674 ministerio verbi apud Zutphanienfes fungatur, & simul ab annis decem in schola illustri bonas literas ac philosophiam practicam profiteatur, cognosceas. In scholastico vitæ genere claros Zutphanienfes Thomam Gyse, Engelbertum Engelen, Wilhelmum Wilhelmium, Georgium Conradum Crusium, Samuelem Pinscum, Johannem Flenderum & Petrum Gakélium nominat, ac singulorum officia, nec minus plerorumque scripta recenset; tandemque tredecim anagrammatibus e nomine Sutfania formatis hanc Dissertationem concludit.

Secunda Philopatra inscribitur, & post assertam patriæ differentiam, qua alia vocari naturæ, alia civitatis possit, plures natalis sui soli amatores impenissimos enumerat. Sed nec eos omittit,

qui odio maxime indecoro illud fuere persecuti. Prolixissimus tamen Auctor est in cumulandis talibus exemplis, ubi cives bene meritos patria male habuit; qua occasione de ostracismo quædam inspergit, ac post belli duces indigue a suis civibus tractatos, viros quoque eruditos, quos parum aut nihil curavit patria, enumerat, Anacharsin puta, Socratem, Stilponem Megarensen, Demetrium Phalereum, Hermodorum, atque alios. Tandem in causas inquirat, cur Prophetas suis civibus invidiosos esse, Servator pronunciaverit. Triplicem nempe ejus rei causam allegat, unam, quæ sit in Prophetis ipsis, eorum videlicet præsentiam ac familiaritatem; alteram, quæ in ipsorum hæreat officio, veritatem odium parientem; ac tertiam, quam in civibus versari ait, invidiam, quæ aliorum fortunam dolentibus & malignis oculis intueatur.

Dissertatio *tertia*, una cum sequentibus *quarta quintaque, septem sigilla Apocalyptica illustrat*. Ubi sub initium supponit Auctor, scriptum esse Apocalypseos librum non imperante demum Domitiano, sed sub Claudio, nec Johannem tunc in Patmo fuisse tanquam exulem aut deportatum, sed prædicasse ipsum ibi Evangelium. Hæc autem ideo in antecessum observat, ut in sequentibus visionibus potissimis prædictiones futurorum contineri evincat. Deinceps in visione sigilli primi Apoc. VI, 1. 2. descripta, Jesum exhiberi statuit, prout post suas passiones in gloriam ingressus, misso Spiritu Sancto, per Evangelii præconium victorem se universo orbi stiterit. In visione secundi sigilli c. VI, 3. 4. bellum Judæis immissum; famemque istud insecutam sigillo tertio v. 5. 6; quartoque v. 7. 8. pestem illam excipientem notari autumat. Sigilli quinti visionem, v. 9. 10. 11. descriptam, interpretatur de animabus Martyrum, quas Johannes conspexerit sub altari, quo Christum animas sub tutela sua servantem denotari putat. Per vestes albas iis datas, virtutes fructusque Spiritus Sancti intelligit. Circa sextum sigillum tres distinctas visiones considerat, quarum primam a v. 12 ad 17 propositam, excidium Hierosolymitanum respicere existimat, Solis obscuracionem de lege ceremoniali post Christi ascensionem abrogata; Lunæ vultum sanguineum de Ecclesia sanguine Martyrum in persecutionibus, tum a Judæis tum a Gentilibus inde a Nerone excitatis, madefactam; stellas decedentes de ministris in Veteris Testamenti ministerio post Christi mortem occupatis; motum montium & insularum

rum de incolis horum locorum in exilium actis interpretatur, similique modo reliqua verba omnia ad miserum Judæorum statum excidii Hierosolymitani tempora concomitantem applicat. Secundam visionem c. VII, 1-8 depictam exponit de Ecclesia Christo e Judæis collecta, atque heic per Angelos insistentes quatuor angulis terræ, ministros Ecclesiæ non in orbe toto sed in Judæa solum intelligit. Tenuisse eos ventos, hoc est, operationes Spiritus Sancti, præsertim postquam sibi silentium imposuissent, ne loquerentur Judæis Evangelium, cum illud blasphemassent, Act. XIII, 46. Sed mandasse tamen Angelum illum magnum Christum, ut, quamvis indurati Judæi excludendi essent, ventos tamen in salutem electorum spirare sinerent. Hos enim intelligit per signandos signaculo tali, cujus ἀρχέτυπον sit Dei æternum eos servandi propositum, ἔκτυπον autem vocatio per verbum & sacramenta, efficax per arrhabonem Spiritus Sancti. Numerum alium facit generalem & incertum, centum puta quadraginta quatuor millia, alium specialem ac determinatum, duodecim nempe millia e singulis tribubus collecta. Circa tribuum enarrationem, cur tribus Dan cum tribu Ephraim omissa fuerit? disquiri, verum incertam esse rationem responderet. Forsan ideo omissam esse tribum Dan, ut ea etiam nunc penas daret ejus idololatriæ, in quam patres olim inter primos prolapsi legantur Jud. XIX, 30. 31. tribum autem Ephraim fortean idcirco, ne excederetur numerus duodenarius, ipsam enim jam in paterna Josephi tribu censeret, aut etiam, ut nova haberetur detestatio peccati Jerobeami, primi Regis decem tribuum, qui ex Ephraimo oriundus constaret vitulos aureos, atq; adeo auctor fuerit illius schismatis & peccati, quod ejus deinde successores imitatos fuisse constet. In visione tandem sigilli hujus tertia v. 9. ad ultimum, Ecclesiam e Gentilibus colligendam adumbrare innuit, atque in verborum ad rem præsentem accommodatione methodo eadem utitur, quam in antecedentibus adhibuerat. In sigilli septimi visione cap. VIII, 1-6. per factum in cælo, quod sit, in Ecclesia, silentium intelligit abolitam œconomiam Mosaicam, postquam intercedente aliquo brevi temporis spatio, tubæ datæ Angelis, hoc est, ministri Ecclesiæ ad universale præconium emissi in mundum fuerint. Superioris autem illum ordinis Angelum, Christum, ita ait introduci, prout post suum in gloriam cœlestem ingressum preces piorum Deo offerat, iisque ignem, hoc est, Spiritum San-

San-

Sanctum ejusque dona impetret, Tonitrua vero, & voces, & fulgura, & terræ motus ad præconium Evangelii trahit, Angelosque ad clangendum se præparantes ministrorum in hoc præconio occupatorum promptitudinem notare asserit.

In *sexta* Dissertatione quærit Auctor : *utrum ante suam passionem pascha cum discipulis Salvator noster comederit?* quod negare ipsi placet, cum non alio die, quam Luna decima quarta, pascha comedere licuerit, (opinionem enim, quod Judæi illo tempore festum illum diem protulerint, eumque Luna decima quinta demum celebraverint, ineptam vocat & talem, quæ nitatur solo testimonio hominis Ex-Judæi, Pauli de S. Maria, Carthaginensis primo, deinde Burgenfis in Hispania Episcopi, qui A. 1429 floruisse dicatur;) at hoc die Christum crucifixum fuisse autemet. Addit insuper, dissimiles plane ritus a Christo & discipulis in ultima cœna adhibitos legi, si eos conferamus cum illis, quos in celebratione paschatos Exod. XII. supremum Numen præceperit. In tota enim cœnæ historia non baculum, non lumbos accinctos, non herbas amaras apparere; nec stantes, sed accumbentes comedisse; domo egressum Judam, egressum ipsum Jesum, quod legetamen vetitum constet. Quid? quod minus quoque necessarium fuerit, ut Christum ad implendam legem ipsum etiam pascha immolaret, cum lex & Prophetæ durare debuerint usque ad Johannem, a quo Jesus baptizatus omnem justitiam legalem impleverit. Equidem duo sibi obstare fatetur, primo quidem, quod Christus dixerit : desiderio desideravi hoc pascha vobiscum edere, antequam patiar. Sed pronomen τῆς non ad legale Veteris Testamenti pascha, sed potius ad panem vinumque in sacra cœna præsentia nos remittere monet. Deinde habitum Jesum inter ac discipulos de paschate parando colloquium ex Matth. XXVI, 17 19. Marc. XIV, 12-16. Luc. XXII, 7-13. sibi ipsi objicit. Respondet tamen, præparationis quidem meminisse Evangelistas, non autem ipsius mactationis, quæ actio posterior priorem haud quaquam necessario sequatur: Abrahamum divinitus parare jussum fuisse sacrificium, quod tamen non peregerit: idem posse dici de paschali hoc sacrificio: monstratum fuisse locum, omnia fuisse parata, sed præsentem se stitisse agnum, mactatum a jacto mundi fundamento, qui singulis, quæ ad typicum sacrificium paranda erant, paratis ipse postridie die decimo quarto, ut in omnibus etiam mini-

minimis vere se antitypum ostenderet, in cruce pro peccatis nostris mactari voluerit.

In *septima* morem, quem Judæi observarint, *dimittendi in festo reos*, examinat, ac post commemorata illius vestigia apud populos alios, eosque seu Gentiles seu Christianos, seu priscos seu recentiores obvia, inquit: utrum in solo paschatis festo, an etiam in aliis privilegium hoc obtinuerit? inque priori solum id obtinuisse respondet. Originem ejus a traditionibus *παρεπαδεδόταις*, quibus hæc gens addictior fuerit, repetendam esse censet, forte ob liberationis ex Ægypto memoriam, quæ tamen male huc tracta fuerit. Utur interim humanitatis aliquam speciem consuetudo ista præ se ferre videatur, legibus tamen tam divinis quam humanis eam repugnasse dicit, & argumenta eorum, qui defendere illam conantur, latius refellit.

Ostava titulum gerit de *notis quibudam ac stigmatibus*, inque eam multa curiosa congeffit Auctor, quæ ex varia lectione observaverat vel de personis quibusdam singularibus, aut integris familiis notis naturalibus a cæteris distinctis; vel de brutis a natura ipsa notatis, (ubi multa refert de scætura Jacobi astu producta, nec non ex monumentis res Ægyptiorum attinentibus de Apide bove;) vel de notis, quæ hominibus a causis externis impressæ legantur, puta a Deo, (ubi de signo Caini fratricidæ agit, quale tamen istud fuerit, in medio relinquit) aut ab hominibus aliis, (hec vero simul bestias vel religionis vel discretionis causa notatas memorat,) & istas quidem modo honestas, modo ignominiosas, modo servis inditas, modo religionis aut superstitionis causa, tum a Gentilibus tum a Christianis acceptas constituit; vel de fabulosis, quales quinque Francisci vulnera; vel de stigmatibus, quæ magis a Diabolo tanquam suis mancipiis imprimi perhibeantur. Singulas autem species exemplis ex omni historia petitis nec citra jucunditatem perlustrandis declarat.

Nona consecrata est *Scribis*, ac quoniam hi qualesve apud populos diversos fuerint, exponit. Auspiciu in ea sumit Auctor ab Hebræis, scribasque illius gentis tum privatos, tum publicos, tum ecclesiasticos, tum politicos, & hos reipublicæ tum in toga tum in sago servientes considerat. Hinc in Ægyptum migrat, ibidemque *ιερογραμματῆς* sive scribas sacrorum imprimis considerat. Ab Ægy-

priis ad Persas transit, inde in Græciam se confert, tandemque in historia scribarum inter Romanos gentium sublitit.

Ex Dissertatione *decima* non opus est ut multa heic referamus; siquidem ea farrago est diversorum *poematum*, quibus Auctor aut variorum sive nuptias, sive funera, sive promotiones, sive libros condecoravit, aut alias poeticam suam venam exercuit.

LES ELOGES DES HOMMES SCAVANS, &c.

id est:

ELOGIA DOCTORUM VIRORUM, EXCERPTA EX LIBRIS Historiarum JAC. AUGUSTI THUANI. Accedunt vita ipsorum breves expositiones, judicia de iisdem, &elenchi librorum ab ipsis scriptorum: auctore ANTONIO TEISSERIO, Consiliario & Historiographo Electorali Brandenburgico.

Ultrajecti, apud Franc. Halmam, 1696. in 12. Alph. 1. plag. 18.

EXimia plane fuit in describendis & veluti nota publica signandis ingenii & studii, cum illustrium hominum & Principum, tum doctorum virorum, quorum ætas in ea tempora incidit, quæ commentariis suis historicis exposuit, *Thuani* diligentia & accuratio. Descriptionesque istas clarorum virorum, & elogia ingeniorum, tam decenter historiæ suæ inseruit, ut similem ab ullo alio contextam, aut hujusmodi notationibus exornatam, non liceat advertere. Hinc non immerito ita eum compellavit in epistola Casaubonus: *Quid dicam de illo immenso tuo in literas amore? quem quidem extimie declarasti, quum in contexendis annalibus tuis eorum interire memoriam non es passus, qui ad illarum illustrationem, in hac ipsarum παλίσυανεία, vel mediocrem saltem aliquam symbolam consulissent.* Notationum harum in opere Thuani historico occurrentium amore adductus quidam Anglus, eas inde excerptit, & Londini A. 1671 peculiari libello inclusas, sub titulo *Elogiorum Thuanearum* prodidit: trecentos octoginta & plures doctos viros, qui ab anno 1547 usque ad annum 1606 floruerunt, & quos Thuanus memoravit, cum ejusdem de iis latis sententiis enarrans. Hæ sententiæ licet veræ omnes & exactæ, tamen quum breves sint & gustum potius quam satietatem cognitionis doctorum horum hominum præbeant; plenius & copiosius de iis disserendum sibi duxit doctissimus vir *Antonius Teisserrius*. Ut enim is omnium auctorum veterum & recentium, eorumque

que scriptorum, exacta notitia pollet; (quod vel ex insigni ejus opere, quo eos omnes auctores enarravit, qui librorum catalogos, indices, bibliothecas, virorum literatorum elogia, vitas aut orationes funebres scriptis consignarunt, Genevæ anno 1686 edito, & a nobis Tomo II Supplem. pag. 5. recensito manifestum est:) ita nemo magis idoneus extitit, qui vitas, ætates, res gestas, fata, & alia memorabilia doctorum virorum enarraret; ut pateat, accurato studio ipsum eos scriptores evelvisse, quos longe plurimos in catalogo isto auctorum enumeravit, vitas doctorum hominum vel singulorum, vel integrarum provinciarum, aut societatum, aut artium, qui posteris tradiderunt. Intra annorum autem sexaginta ambitum meras hujus suæ industriæ constituit, in quibus qui vita decesserunt, a Thuano sunt memorati; cujus verba vel e versione Gallica Du Ryer adduxit, vel e libris, quos interpres iste Gallicos non reddidit, ipse in Gallicam linguam transtulit. Singulis autem elogiis additiones subjecit, in quibus vitæ & scripta doctorum istorum hominum, quos Thuanus laudavit, recensentur, multaque lectu jucunda nec ubivis obvia, selectaque proferuntur. Liber hic ante annos tredecim Genevæ editus quum disparuisset in tabernis librariorum, nec extaret amplius, editionem ejus instauravit superiori anno eruditissimus Auctor; qui interea Nemauso relicta Berolinum demigraverat, ibique studiorum tranquillam sedem, quam Gallia negasset, apud potentissimum Electorem Brandenburgicum invenerat. Cumque in Belgio nitidissime liber is recuderetur, pluribus in locis augendum eum existimavit idem, singulisque elogiis novas accessiones adjecit, & quæ intra hos tredecim annos ἀξιωματικόν de claris viris hinc inde apud Βιβλιογράφους repererat, diligenter annotavit; ut historiam literariam uberem istorum annorum sexaginta exhiberi in his commentariis, merito grati agnoscamus.

REFRACTIO SOLIS IN OCCIDUI, IN SEPTENTRIONALIBUS ORIS aliquot observationibus Astronomicis detecta &c.

Holmiæ, ex officina B. Nic. Wankifii in 4to.

Constat 17 plagulis, cum aliquot schematicis.

Solem sub circulo arctico (antarctico) habitantibus solstitii æstivi tempore non occidere, ut res est astrorum peritis notissima; ita in-

colis illorum tractuum ipsa oculorum experientia quotannis comprobatur. Id vero phænomeni ceterioribus regionibus prope dictum circulum contingere, antequam refractionum leges & scientia Solis astrorumque motibus applicarentur, non æque innotuit; maxime, cum exteris in illas oras excursus rarissimus, & incolis, qui fidem ejus oculati testes facere potuissent, vicissim cum gentibus australioribus nulla fere commercia.

Prima omnium Batavorum in Nova Zembla anno 1597 hybernantium observatio (quibus Sol d. 4 Novembris penitus disparuit, die vero 24 Januarii redordiri cœpit; reditumque adeo suum, consuetum tunc calculo astronomico expectatum, sex circiter diebus antevertit) uti enormis & insolitæ Solaris in septentrione refractionis non obscurum fecit indicium, ita Solis in occidentui limites, ac eousque creditum erat, ampliores esse evicit. Neminis tamen Mathematicorum, nedum aliorum, curiositas eo perrexit, ut rem ex causis optico-physicis certissimam, propriis usurpare oculis contenderet.

Rein promiscue hætenus neglectam non indignatus est Potentissimus Suecæ Monarcha *Carolus XI*, pro incredibili quo bonas literas scientiasque complectitur studio, cum Borealiores amplissimæ regni provincias antebiennum, & quod excurrit, inviseret, ommissis tantisper regiis curis attendere, negotiumque ulterioris inquisitionis Viris mathematica scientia instructissimis, Dn. *Joanni Bilebergio* & Dn. *Andrea Spole* (quorum prior olim publicæ doctrinæ mathematicæ Upsaliæ præfuit; alter id muneris hodie ibidem sustinet.) deinceps demandare. Ex Rex quidem laudatissimus, cum anno 1694 *Tor-*

o /

novia, urbe occidentalis *Botnia*, sub latitudine 65. 43. versaretur, sub medinoctium, 14 & 15to Junii intercedens, quid fidei famæ, per cives de Sole medinocturno sparæ, subesset exploraturus, cum ad horizontem loci, montibus ac sylvis circumseptum, prospectus intèreciperetur, conscensa non sine difficultate templi turricula, cum officiis aulæ, quæ præstò erant, aliquot præcipuis, ad horam usque n. 53 Solem (uti habet observatio, tanti observatoris manu in pugillares regiones relata, & post in perpetuam rei memoriam tabulæ, juxta altare templi suspensæ, aureis literis inscripta) oculis suis illustravit, quo tempore nubecula tegente paulatim disparuit. Eundem post horam

boram 12mam & sextum minutum vividissimis radiis e nubecula prodeuntem denno conspexit: certo indicio illum interea non occidisse, sed nubem tantum in causa fuisse, quo minus tota nocte cerneretur.

Bilebergius vero & Spolius anno insequente 1695 regijs auspiciis d. 21 Maji Upsalia digressi, variaque per insolitam cœli intemperiem fortuna jactati, die 6 Junii Tornoviam pervenere, ibidemque ex accurate & repetito capitis altitudinibus Solis meridianis, ejusdem latitudinem supra memoratam reperere: quoad longitudinem vero, beneficio trium horologiorum pendulorum, ad unum usque minutum conspirantium, differentiam inter Tornovia & Holmia meridianos 19'. 20"; magnetis autem declinationem 7 quasi graduum magistrisstantem. Caterum cœlo pluvio & nebuloso per aliquot noctes impediti, inter 30 demum & unum Junii serena aura Solem ipso medinoctio vestigantes, tres corporis Solaris quartas super horizonte evectas deprehenderunt, una residua subtus horizonstem recondita. Hac clara & distincta observatione contenti, continuatò boream versus adverso flumine Torneo itinere, tertio die ad tuguriolum Pello appulere, ibidemque totum Solem, amplius duabus sui diametris elevatum, ingenti cum voluptate conspicati sunt. Die porro 14 Junii ad ferri cuprique officinas Kangis enisi, ex navigijs Solem tribus diametris altum observarunt sub latitudine, postero die e meridiano Sole deducta, vix 66. 15'. majore. Ulterius perrecturis difficultates locorum obstitere, altatis tempore peregrinantibus omnem transitum prohibentes: unde viam secundo flumine plurimis cum periculis relegere coacti, exacto sesquidie Tornoviam rediere; indeque per varias regni provincias delati, Upsalam d. 24 Julii reversi sunt. Hac latius laudatus Dn. Bilebergius, in præsentì libello, Suecico simul & Latino idiomate, regio jussu exposuit, variaque eruditione historiarum observationum expolvit. Nec enim sine fructu & voluptate lector ex eo percipiet Tornoviam, Kangis, & ipsius Borbnia occidentalis descriptionem, solique pertransiti genium, & commoda incolis ex tanta æstivi Solis mora, maturandis spatìo sex septemve septimanarum segetibus provenientia; itineris difficillimi, navigationisque rationes & discrimina; refractionum Solarium doctrinam; latitudines urbium, Tornoviam inter & Upsalam sitarum, cum magneticis ibidem declinationibus; discursum de figura telluris, aliaque quæ brevioris studio recensere omitimus,

JO. PALATII FASTI DUCALES AB ANAFESTO I. AD

Silvestrum Valerium Venetorum Ducem.

Venetiis, typis Hier. Albrizzi, 1696. in 4. Alph. 2. pl. 3.

Qui jam pridem tot egregiis monumentis in literaria Republica inclaruit, deque sua non minus edito olim *Leone Maritimo* bene meritus est celeberrimus Palatius; in laudem hujus splendoremque cessurum nunc putavit, si, qui per tot retro secula ad clavum Imperii Veneti federunt, eorum vitam resque præclare gestas singulati volumine complecteretur. Ex quo enim septimo post C. N. seculo urbs, quæ trecentis fere annis sub legibus Tribunisque floruerat, & a barbarorum per Italiam grassantium metu secuta hæcenus perstiterat, ad firmius libertatis suæ præsidium caput accepit, quod Ducis titulo insignitum est; illud quidem inficias iri nequit, vixisse viros libertati Reipublicæ prave insidiantes, vitis atque sceleribus variis contaminatos, quique adeo concitatam de se expectationem nequaquam sustinuerunt; ast confitendum tamen & illud, plerosque eorum recto tramite ad virtutem contendisse, & quicquid æquum honestumque, & ad gloriam ac incrementum populi sui faceret, ante oculos habuisse. Videas ergo hic tanquam in theatrum quoddam producta excelsæ laudis decora, Principes, qui civitatis suæ imperium rationibus firmarunt, invictæque animi magnitudine propugnarunt non minus ac extenderunt, & ad fastigium illud, in quo hodie persistit, auspiciatissime evexerunt; quique ut ornamento suis, ita aliis præsidio identidem & adjumento fuerunt, quando non uno prælio irruentium barbarorum vim modo fortiter stiterunt, modo copias profigarunt, & ab illuvie ipsorum Christiana sacra, quantum ejus potuit fieri, salva præstiterunt. Eorum, quorum centum sunt & novem usque ad Silvestrum Valerium, modernum Reipublicæ Ducem, vitas ex Sansovino, Bembo, Contareno, Nanio & aliis ita exponit Noster, ut omnium, si duos demseris, imagines eleganter expressas, tum vero & numismata, quibus imperium ipsorum & res gestæ designata sunt, ac ætologia demum defunctorum conditoriis inscripta, decenti ordine exhibeat. Quando ad Marc. Antonium Justinianum, qui nostra hæc ætate imperavit, & anno 1688 gloriosam vitam cum morte commutavit, delabitur, integram orationem, qua mortuum publice laudavit,

vit,

vit, inserit, in qua tum virtutes ejus, pietas, justitia, humanitas & prudentia deprædicantur, tum apophthegmata quoque sapientissimi Principis studiose colliguntur. Ex illis hoc illustre pietatis documentum, quod, cum anno 1686 de expugnata feliciter Buda nuntium acciperet, flexis illico genibus notissimum hymnum istum, *Te Deum laudamus*, cum adstantibus recitaverit, alteraque die in basilicam descendens cum Senatu & Principum Oratoribus repetierit, hancque pietatem servaverit sedulo, quoties lata forte annunciarentur, ut a populo hinc *Il Principe delli Te Deum laudamus*, appellaretur; sicut & ad laudem ejus non minus pertinet, quod omnes pene linguas, Gallicam, Hispanicam, Latinam, Græcam &c. calluerit, excepta tamen Turcica, quam *tympanum irati Dei* vocabat. Cæterum illud etiam observatum videmus ab Autore, jam ante Franciscum Dandulum, qui LII est inter Venetos Duces, Dandulorum familiam Canis cognomen habuisse, patremque istius Johannem & avum quoque Franciscum eodem fuisse gavisos, ut velex hoc argumento commentum esse pateat, quicquid de Francisco illo dicitur: cum ad Clementem V. Pontificem legatus mitteretur, ut excommunicationem deprecaretur, quam Veneti ob affectatum Ferrariæ dominium incurrerant, non ante eandem obtinere potuisse, quam canis instar ferrea revinctus catena sub mensa ad Clementis pedes provolutus jacuisset, & hinc Canem fuisse appellatum; cujus fabulæ nos meminimus jam ad annum 1688 p. 171, cum de Verdizzotti de gestis Venetorum libris exponeremus. Sufficiunt vero hæc de instituto celeberrimi Palatii, a quo novum de Cardinalibus S.R.E. librum propediem edendum una cum Commentario in Decretalium libros & Lectionibus Patavinis adhuc expectamus.

JOHANNIS BERNÖULLI MATHEM. P. P. PROBLEMA Alterum pure Geometricum, priori (videantur *Acta Eruditorum* A. 1696. pag. 269.) subnexum, ac peculiari programme Groningæ Cal. Jan. 1697. Eruditis propositum.

AB Euclidis tempore vel tyronibus notum est, ductam utcumque a puncto dato rectam lineam a circuli peripheria ita secari, ut rectangulum duorum segmentorum inter punctum datum & utramque peripheriæ partem interceptorum sit eidem constanti perpetuo æquale.

Primus

Primus ego ostendi in Actis mense Junio A. 1696 pag. 265, hanc proprietatem infinitis aliis curvis convenire, illamque adeo circulo non esse essentialem. Arrepta hinc occasione, proposui Geometris determinandam curvam vel curvas, in quibus non rectangulum sed solidum sub uno & quadrato alterius segmentorum æquetur semper eadem; sed a nemine hactenus solvendi modus prodiit. Exhibebimus eum, quandocunque desiderabitur. Quoniam autem non nisi per curvas transcendentes quæsito satisfacimus, en aliud problema, cujus solutio per mere Algebraicas in nostra est potestate.

Quæritur Curva, ejus proprietatis, ut duo illa segmenta ad quamcunque potentiam datam elevata & simul sumta faciant ubique unam eandemque summam.

Casum simplicissimum, existente scil. numero potentie 1, ibidem in Actis pag. 266 jam solutum dedimus, generalem vero solutionem, quam etiamnum premimus, Analytici erundam relinquimus.

M. ABRAHAMI FRENCELII DE ORIGINIBUS

Lingua Sorabica Tomus primus.

Sittaviz, apud Jo. Willisch, 1696. Constat Alph. 3. plag. 3.

NON prima est præsentis operis, quam facimus, hæc mentio, quandoquidem per distincta temporum intervalla tribus jam tum vicibus de eodem nos dixisse recordamur. (Conf. Acta nostra A. 1693 p. 304. A. 1695. p. 36. A. 1696. p. 92.) Nunc autem Benevolo Lectori istud solum indicamus, singulas, quas separatim hactenus emitte clarissimo Auctori placuit, particulas in unum tomum constipatas haberi, in quo libri etiam secundi capiti secundo ultimum a nobis recensito tertium quartumque accessit, ac istud quidem vocabula Sorabica, quæ per aphæresin, syncopen & apocopen, hoc autem ea, quæ per prosthesin, epenthesein & paragogen Ebræa esse Auctor existimavit, continet. Utrobique methodus consueta retinetur, unde eam in exemplis repetitis heic monstrare supervacuum censuimus.

SUPPLENDA.

In Actis A. 1696. pag. 523. lin. 16. post verba *curvas, quæ adde: per evolutionem duarum curvarum describuntur, hoc est, quæ.* Eadem pagina lin. 17. post verba *quæque adde: per evolutionem trium, quatuor &c. curvarum describuntur, hoc est,*

* *

ACTA ERUDITORUM

Publicata Lipsia

Calendis Martii, Anno M DC XCVII.

ΠΑΤΣΑΝΙΟΥ ΤΗΣ ΕΛΛΑΔΟΣ ΠΕΡΙΗΓΗΣΙΣ.

Hoc est:

PAUSANIE DESCRIPTIO GRÆCIÆ CUM LATINA ROM.

Amasæi interpretatione. Accesserunt GUL. XYLANDRI & FRID.

SYLBURGHII Annotationes, & nova Nota

JOACHIMI KÜHNII.

Lipsiæ apud Th. Fritsch, 1696. in fol. Alph. II.

Universam veterem Græciam, ejusque provinciarum & omnium belli pacisque artibus florentissimarum urbium ac populorum notitiam, decem libris complexus Pausanias, non magis temporum priscorum felicitatem ob oculos ponit, quam provinciarum istarum Ottomannico nunc subjectarum imperio calamitates ut expendamus & miseratione prosequamur, nobis occasionem suppeditat. Accurata sane omnium locorum, nationum, urbium, fluviorum, montium, ædificiorum, templorum, ludorum, rituum, animalium, stirpium, aliorumque memorabilium descriptione id effecit, ut Græciam magis perspectam habeamus quam Latium & Romanas provincias, quarum expositioni qui tam accuratum impenderit studium inter veteres auctores, hodie nemo superest. Ut Græciæ gratulandum sit de hoc scriptore, qui memoriam ejus conservavit: ipsi autem non in exigua felicitatis parte ponendum, quod integer maximam partem ad nos beneficio Aldi, qui Venetiis eum anno 1516 excudit, pervenerit. Integritati ejus, & ut emendatior superesset, plurimum adjumenti attulerunt sæculo superiore *Gul. Xylander & Frid. Sylburgius*: ut autem ab iis etiam, qui Græca non satis norunt, Græciæ cognitio non esset aliena, translatio-

N

latio-

lationibus hujus scriptoris in Latinam linguam effecerunt Abr. Loscheus & Rom. Amasæus, quorum hic anno 1547 Florentiæ, ille 1550 Basileæ Latinam Pausaniæ interpretationem ediderunt. Græcum postea Pausaniam, adjuncta Amasæi translatione, ex Gul. Xylandri patris sui recognitione, Francofurti publicam in lucem emisit anno 1583 Onestimus Xylander: cujus editioni notas Frid. Sylburgius subjecit, Xylandri annotationibus, ad quintum duntaxat librum perductis, suas intertexens. Istam editionem anno 1613 Hanovienses typi iterarunt, interpretatione Amasæi, quæ in posteriorem operis partem antea rejecta fuerat, ad latius Græci Pausaniæ collocata. Hæc postrema editio, ante octoginta & plures annos evulgata, quum disparuisset, neque amplius obtineri posset in librarium tabernis, & multi tamen scriptoris hujus præstantissimi desiderio tenerentur; prælo iterum subjiciendum eum duxit Lipsiensis bibliopola, in consilium adhibito, quem Græcæ eruditionis noverat callentissimum promum condum; apud Argentoratenfes linguæ hujus doctore celeberrimo, Joachimo Kuhnio, editis ad Elianum notis, & ad Julii Pollucis Onomasticon observationum specimine, famam egregiam confecuto. Is quamvis edere Pausaniam in animum antea non induxerat, tamen a bibliopola rogatus, & exemplar Aldinæ editionis manu Casauboni passim notatum adeptus, scriptorem hunc antea a se tritum denuo perlegendum suscepit, meliores lectiones multis in locis, vel è dicto Casauboniano libro, vel ex ingenio reposuit, librisque in capita sectis, cujusvis argumenta recensuit, annotationesque scriptore isthoc dignas adjecit: quas Lipsiensis typographus Sylburgianis notis admixtas, suisque locis aptatas, paginis substravit, cum in modum, quo Stephanus Byzantinus in Belgio binis editionibus intra annos non multos lucem adspexerat; ut adeo ambo hi Græci Geographi eodem habitu induti eruditus, & veterum regionum populorumque studiosis, se ostentent.

HISTOIRE DES REVOLUTIONS DE SUÈDE.

Id est:

*HISTORIA VICISSITUDINUM RELIGIONIS ET IMPERII,
qua in Regno Suecia obtigerunt,*

Pari-

Parisiis, apud Mich. Brunet, 1695. 12. Alph. 7. pl. 5. & Amstelodami apud I. L. de Lorme, & St. Roger, 1696. 12. Pl. 17.

EA est rerum humanarum indoles, ut nulla ullibi terrarum reperiatur Respublica, quæ non varias mutationes, qua religionem, quæ ipsum regimen, subierit. Arque hasce mutationes haud perfunctorie contemplari, & jucundum est, & salutare admodum. Nec minus de hominum genere quam erudito orbe præclare merentur, qui eas literarum monumentis consecrant. Operæ ergo pretium fecit Auctor doctissimus, Abbas *De Vertot* (non enim Dn. *De Fonsenelles*, cujus nomen editio Amstelodamensis præfert, sed hunc libelli genuinum auctorem esse, ex *Diario novo Eruditorum Berolinensi* A. 1696. p. 96. cognovimus) dum rerum statusque & ipsius religionis in Sueciâ commutationes compto & nitido dicendi genere exposuit. Quæ autem de Sueciæ regni antiquitate vulgo traduntur, fabulis atque commentis annumerare non dubitat. Saltem plus quam Cimmeriis tenebris hæc involuta esse profitetur, ut arduum perquam & difficile sit vera discernere a falsis. Seriem quidem Regum Suecicorum omnium temporis ordinem secutus subnectit, sed ipsam historiam a decimo quarto demum seculo orditur. Moris adhuc ea ætate erat (juvabit enim vestigiis Auctoris insistendo, præcipua delibare capita) eligere Regem, qui rerum summam teneret. Senatus autem regni, Episcopi & Clerus, Nobiles, ipsique rustici tanta pollebant auctoritate, ut vis omnis imperii penes eos, nomine solum & specie quadam Regi relicta, esse videretur. Cum primis Episcopi opibus abundantes, magnam regni partem sibi subjecerant. Unde quidem horum præcipue maximopere referebat, auctoritatem Regis arctissimis circumscribi limitibus, ne in periculum amplissimas possessiones amittendi adducerentur. Hinc, iudice Nostro, fons & scaturigo omnium malorum, quæ huic regno incubuere. Quoties enim Reges ad pristinam auctoritatem & potentiam adspirabant, toties Episcopi, suffragantibus illis tanto facilius & nobilibus & rusticis, quanto suavius illis videbatur libertatis nomen, in odia inexpiabilia exardescabant, quadrata misceri rotundis satius esse putantes, quam permittere, ut tale quid impune a Principe committeretur.

Atque hinc tristitia plurimorum Regum Suecicorum fluxere fata.

Circa annum 1363 circiter summam rerum tenuit Magnus Smeck, ast ejectus fuit, regnoque pulsus, quod limites sibi præscriptos migrare ausus fuisset. Nec felicior fuit, quem in ejus locum surrogarunt, Albertus Dux Mecklenburgicus. Namque & hic de regio fastigio dejectus posteros, quam difficile sit amissa semel recuperare, suo eruditiv exemplo. Nec enim aliud ejus crimen fuit, quam quod tertiam possessionum clientelarium, sine ullo juris titulo ab Episcopis Nobilibusque usurpatarum, partem sibi vendicaret. Margareta itaque Daniæ & Norwegiæ Regina, Semiramis Septentrionis, in subsidium vocata a Suecis, & in Alberti locum electa, devicto Alberto, rebusque compositis, quod vix quisquam sperare ausus fuisset, effecit, & potentissima Septentrionis regna conjunxit. Calmariensem istam unionem (ita enim vocant,) Suecorum Danorumque celebrant annales, fecundam multorum bellorum, maximarumque quibus cum per integrum fere seculum Suecis colluctandum fuit, calamitatum, ut Auctor censet, matrem. Egregie rebus suis se consuluisse, arbitrabantur Sueci, rati ex Calmariensi pacto solo fere titulo in posterum gavissuros Principes, suam contra libertatem & auctoritatem, patriosque mores & leges nunc munimento inexpugnabili circumscriptas esse. In quo quantopere spes vana illos fefellerit, eventus docuit. Ipsa Margareta pacti legibus adeo non stetit, ut sensim ad summam & absolutam potestatem sibi muniverit viam, & adeo propugnacula Nobilium variis artibus, ut voti damnaretur, ad se traxerit. Simul tamen, qua erat calliditate incredibili, Episcoporum possessiones non tantum non violabat, sed magnis eos cumulabat beneficiis, ut eos dicto semper audientes haberet, & simul divisis Suecorum viribus tutius iis imperitaret. Quam quidem viam cum & cæteri Danorum Reges ingrederentur, Episcopos semper sibi obnoxios habuerunt. Quæ res quantopere Sueciam afflixerit turbaveritque, id quidem est, quod prolixius Auctor edisserit. Mortua Margareta, Ericus Dux Pomeraniæ successit, prudentia & regnandi peritia multum ea inferior. Hinc cum suis indulgeret vitiis, moresque plane tyrannicos indueret, non tantum Sueci, sed Dani ipsi atque Norvegi jugum ejus excusere. Parum quippe huic erat, neglecta Calmariensi lege, cuncta ex arbitrio statuere; permittebat quoque militibus summa crudelitate in Suecos sævire, hostium, non subditorum instar eos habens. Engelbrechtum

brechtum tandem, rei indignitate commotum, cupido incescit patriam in libertatem asserendi: id quod tanta etiam felicitate & celeritate, rusticis Dalecarliæ stipatus effecit, ut ipsi Senatores regni etiam inviti partes ejus sequi, regnumque Erico abrogare cogerentur. Carolus autem Canuti regni Mareschallus, vir opibus & auctoritate florens, & maneris dignitate conspicuus, Engelbrechti partes ita amplexus est, ut Dux simul & caput exercitus constitueretur, hoc ipso ad regiam dignitatem viam sibi structurus. Interim ejecto a Danis quoque Erico, ab iisdem Christophorus Bavariz Dux eligitur, qui statim, neglecto foedere Calmariensi, Sueciæ Rex salutarivoluit, regnumque etiam, frustra renitente Carolo Nobilibusque obtinuit, eo quod Episcopi Clerusque Danis obstricti illi bene cuperent. Hic antecessorum vestigiis & fatis adeo non deterritus est, quo minus absolutam in Sueciæ regno potestatem concupisceret, ut jam omnibus consilia ejus innotescerent; quæ tamen, eo morte præmatura oppresso, eventu caruere. Hinc tandem cautiores facti Sueci, Christiano I. Comiti Oldenburgico, a Danis in Regem electo, nequiquam se submittere voluerunt. Electus ergo Carolus Canuti, ipsis quoque suffragantibus Episcopis, non tam quod ei bene cuperent, quam quod metu perculsi, refragari periculosum ducerent. Verum cum potentia Regis majora indies incrementa caperet, quam istud sibi displiceret, non amplius dissimulabant; quo ipso magis magisque Rex irritatus, coercere Antistites fastu turgidos, opibusque, quæ adeo insolentes & ipsis Principibus formidandos eos redderent, spoliare instituit. Justissimam ergo ad frenum mordendum causam se habere rati Præsules, Daniæ Regem Christianum ad occupandum Sueciæ regnum evocant, eisdem Sueciam ingressio copias suas jungunt, Carolumque victum & fugatum regno excedere, & Dantiscum se recipere cogunt. Facilius sæpe esse regnum acquirere quam partem rueri, & in Christiano patuit. Archiepiscopus enim Upsaliensis motuum omnium auctor, a Christiano se negligi ægre ferens, Regem ob tot, ut putabat, beneficia parum sibi gratum videri, haud obscure significavit, nec a minis sibi temperare potuit. Parum profecto tempestive. Namque Christianus custodiæ commissum, firmisque præsiidiis circumclusum in Daniam misit. Male habuit ista severitas tum alios, tum præcipue Lincopiensem Episcopum, qui & arma arripuit, nec semel Chri-



stiani copias vicit ac fugavit. Interim redire ad obsequium paratus erat, modo Upsaliensi Archiepiscopo libertas redderetur: quod cum non obtineret, Carolum tandem ab exilio revocatum regno regiarumque dignitati restituit. Christianus ergo, agnito errore, cum Archiepiscopo custodia liberato in gratiam rediit, ea quidem lege, ut Carolum regno iterum se ejecturum huic polliceretur: id quod tanta felicitate effecit, ut Carolus ipse caperetur, copisque ejus ad interventionem cæsis & ejurato regno in Finlandiam relegaretur. Nec tamen ex ista victoria Christianus fructum cepit, Archiepiscopo cautius agente, nec regnum reddituro, priusquam suæ auctoritati consuluisset; unde summa confusio & perturbatio orta est. Quanta vero rerum humanarum vicissitudo sit, patuit, cum mortuo Archiepiscopo, Sueci tot miseriarum pertæsi Carolum tertia vice revocarent, qui & summæ rei admotus quidem est, ast mox vitam cum morte commutavit. Successorem habuit Stenonem Sturium nepotem suum, qui ipsius consilio, ad invidiam procerum amoliendam, Administratoris solum titulo usus est. Magna quidem Administratorum fuit dignitas, præsertim tempore belli, ast regia tamen minor. Sed & quoties de regni negotiis deliberabatur, primum locum Upsaliensis Archiepiscopus, alterum Administrator tenuit. Idque pluribus Noster exponit. Nec tamen Daniæ Regibus hoc displicere non poterat, quippe quibus nihil solennius erat, quam ad Calmariensæ provocate fœdus. Nec verbis & querelis solum causam egerunt, sed ad arma ventum, perque annos quadraginta, in Suecia quidem post Stenonem Suanthone Sturio, in Dania post Christianum I. Johanne II. rerum potenti, bus, ancipiti Marte bellum gestum fuit, mox Suecis, mox Danis victoriam reportantibus. Mortuo demum Suanthone Sturio maximis fatus & religionis conversionibus semestra aperta fuit. Rerum enim summa ad Stenonem Sturium Suanthonis filium admodum juvenem, renitente & reclamante Archiepiscopo Upsaliensi, Danisque favente, specie tenuis autem Ericum Trollium virum senem regimini destinante, est delata. Motus, quos hinc orituros prudentiores providebant, ut confopirentur, Gustavo Trollio Erici filio, annitente & per juvenilem imprudentiam approbante Administratore, Archiepiscopus Upsaliensis collatus est. Fuisse autem Trollium huncce hominem turbulenti ingenii & valde ambiciosum, Auctor exerte testatur

Acce-

Accedebat odium erga Adminiſtratorem ob repulſam, quàm acceperat
 Pater; quò cum eum accenſum eſſe Dani intelligerent, pollicitationibus
 aliſq; artibus eum magis magiſq; inflamabant, & ad res novas mo-
 liendas concitabant. Et faciebat ſane Archiepiſcopus Danorum ſpei
 abunde ſatis. Namque ut Suecòrum animos illis conciliaret, omnem
 movebat lapidem. Auctor etiam fuit clandeſtinæ conſpirationis, quæ
 eo ſpectabat, ut Danis Sueciæ regnum ex lege Calmarienſi redde-
 retur. Sed detecta fraus omnis fuit per Arcimbòldum Pontificis Le-
 garum, hominem, ut ipſe Auctor fatetur, turpiſſimo & nefando quæ-
 ſtus ac nundinationis genere, ingentem pectuniæ vim undique, maxi-
 me autem ex Septentrionis regnis corradentem. Hunc ex Dania in
 Sueciam miſgaturum, omnium arcanorum participem fecerat Chri-
 ſtianus II. D. R. certa ſpè fretus, fore, ut conſilio Archiepiſcopum, &
 qui cum eo faciebant, adjuvaret, viamque planam ad regnum ſibi
 redderet. Sed liberalitate & beneficiis Stenonis victus, parum
 memor promiſſorum, totam machinationum omnium ſeriem præ-
 dit. Hinc convocatis comitiis, conjurationis principes quæſitioni
 ſubjecti, rem quidem omnem fatentur, aſt culpam in Trollium Ar-
 chiepiſcopum conjiciunt. Hinc cum ad dicendam cauſam com-
 parere nòllet, Stenò juſſu & auctoritate Senatus urbem Steckam,
 in quam Archiepiſcopus ſe receperat, in ſuam redigit poteſtatem;
 Archiepiſcopo infelici rerum ſucceſſu adeo non deterrito, ut Hol-
 miam commigraret; ubi tamen a Senatu condemnatus, ſacram-
 que dignitateſu exuerè juſſus eſt. Male iſta res habuit Romanum
 Pontificem, ſive quod e ſe Curia Romanæ eſſet Episcoporum par-
 tes contra Reges tueri, ſive quòd jam pridem itati eſſent Sueciæ Re-
 gibus ob Petri denarium denegatum, (quæ de re pluribus Auctor ex-
 ponit) ſive denique quòd Caroli V. Imp. qui a partibus affinis ſui Chri-
 ſtiani II ſtabat, potentiam metueret. Deligitur Arcimbòldus, qui Ste-
 nonem ac Senatum juberet reſtituere Trollium priſtinæ dignitati; ſi
 vero hoc facere recuſarent, excommunicationis, ut vocant, in eos vi-
 braret fulmen. Stenò cauſam ſuam maſcule tuetur, & majus crimen
 a Pontifice committi poſſe negat, quam quòd patriæ proditorem de-
 fendendum ſuſcipiat, ipſiq; Arcimbòldo ſpèm Archiepiſcopatus obti-
 nendi callide facit. Arcimbòldus ergo, mutato conſilio, ipſam Admini-
 ſtratoris cauſam apud Pontificem perorare incipit, infelici quidem adeo
 ſuc-

successu, ut in maximam ipse Pontificis incurreret indignationem, simulque spe Archiepiscopatus obtinendi excideret. Sine mora ergo a sacris solenni ritu Rex & Senatus arcentur, Christianusque Pontificis auctoritate munitus, irruptionem in Sueciam facit, Holmiamque obsidione cingit. Ast victus non tantum obsidionem solvere cogitur, sed magnam exercitus jacturam facit, cumque ventum adversum haberet, domumque reverti non posset, parum abfuit, ut cum exercitu fame periret. Ergo fraude se ulcisci constituit, cum viribus destitueretur. Inducias petit, & in colloquium cum Administratore se descensurum simulat, modo traditis obsidibus, quos inter Gustavum Erici, cujus incredibilis fortitudo indolesque plane divina haud dubiis argumentis multis jam innotuerat, designat, suæ salutis & securitati consulere. Ita non tantum commeatum ad aliquot dies consecutus est, sed Gustavum quoque cum cæteris obsidibus, migrata promissorum fide, captivum secum abduxit. Stenone Administratore frustra in omnes se vertente partes, ut libertati Gustavus restitueretur, moxque minis, mox pollicitationibus ad saniora Regis animum flectere annitente, redintegratur bellum, Ottone Crumpeinio Danico exercitui summo cum imperio a Rege præfecto. Fortiter utrinque res geritur, sed ipso Stenone ex vulnere mortuo, victoria & summa rerum penes Danos mansit. Perditis Sueciæ rebus hoc unicum restare videbatur. Tanta crudelitate in omnes sævitum, tanta protervia jura omnia consulcata, ut nihil nisi dura servitus & fædus squalor undique conspiceretur. Et sane summæ & plane barbaricæ crudelitatis maximum luculentissimumque argumentum Holmiensis illa laniena præbet. Nulla fere gens generis nobilitate conspicua in Suecia fuit, cui non ista fuerit fœnesta. Accedebat ridicula & execrabilis simulatio, dum religio, Pontificisque auctoritas obtentu sumebantur. In quibus omnibus accurate explicandis, admodum diligens Auctor est & operosus. Sed utramque tamen hic paginam Gustavus Erici facit, quem ut libertatis suæ regnique restauratorem merito Sueci venerantur. Non ignorabat Christianus juvenis huius præclaram indolem, eamque formidabat; hinc maxima sollicitudine custodiendum curabat. Barnerius tamen a Rege impetravit, ut custodia Gustavi sibi demandaretur. Hinc laxius haberi cœpit, captivitatisque molestia utcumque temperata, tandem & occasio fuga

fuga sibi consulendi, Gustavo enata fuit. Poterat si non injurius in amicum, saltem ingratus videri, eundem maximo periculo exponendo; sed argumentis gravissimis eidem Lubeca sibi occurrenti demonstravit, nihil quod nefas esset, se commisisse, unde iram ejus placavit, seque pecuniae summam, quam solvere ex fidejussionis lege Barnerius tenebatur, ei se redditurum promisit. A Lubecensibus vero frustra auxilium, ad patriam tyrannide liberandam, Gustavus efflagitat. Hinc nullare alia, quam animi praesentia & fortitudine sua fretus, nec periculi magnitudine deterritus, Sueciam petit. A miraculo prope absunt, quae hic de Gustavo ab Auctore, consentientibus tamen & aliis, narrantur. Undique hostibus circumdatus, undique insidiis petitus, tandem tamen non tantum evasit, & maxima pericula superavit, sed cum caeteri Sueci fere omnes cum libertate animum quoque & spem libertatem recuperandi amisisse viderentur, solus Gustavus Dalecarliae rusticos ad aliquid pro patriae libertate tentandum erexit, & incredibili celeritate & felicitate Sueciam a Danorum jugo liberavit. Ire per singula momenta, instituti nostri legibus repugnat; quare paucis ea complectemur, quae prolixè Auctor edisserit. Gustavus summi fortissimique Principis partes undique explevit. Parum autem illi fuit expulisse ex Suecia Danos, regiamque dignitatem, consentientibus & ut eam acceptaret efflagitantibus cunctis Sueciae Ordinibus, praclaris facinoribus promeruisse; fontem quoque omnium malorum feliciter sustulit, id quod in animum induxisse tot antea Regibus funestum fuerat. Nimirum Episcopos in ordinem redegit, quippe qui publica lege, in comitiis Holmienibus, urbes munitas & propugnacula Regi reddere, militemque quem hactenus aluerant, dimittere jussi sunt. Constitutum quoque fuit, ne in Senatu regni locus illis concederetur, quippe quorum esset sacris operari, non autem de reipublicae administratione deliberare. Cuncta denique bona ecclesiastica, post legem a Canuto Rege ea de re latam, sacro ordini dicata, adempta illis & Regi collata sunt. Quae ut eo felicius obtineret, non tantum permisit, ut prior illa, & ope Lutheri defaecata religio, quae in Germania radices jam egerat, propagaretur, sed omni quoque studio & ope illorum, qui hoc sibi sumpserant, institutum promovit. Hic autem ad historiam reformationis Auctor digreditur, ejusque ortum & progressum maxime in Suecia exponit; quae cum jam pridem

exposita, & partim quoque discussa & confutata ab aliis sint, hisce non immorabimur. Non defuerunt quidem, qui tum nimiam Regis potentiam, tum religionis quoque mutationem ægerrime ferrent: inque his præter Pseudo-Stenonem, Rostochii tandem post infelices conatus capite truncatum, Turø Johannis, magnus regni Marschallus, homo, Auctoris judicio, vanissima ambitione in transversum actus, & libertatis & patriæ avitæque religionis defensor & propugnator haberi volebat. Faciebant cum eo omnes, qui Romanæ Ecclesiæ sacris erant addicti, & ipsi quoque Dalecarliæ rustici, homines & religionis & morum patrum tenacissimi. Sed celeritate & fortitudine Gustavi hi motus in ipsa, quod ajunt, herba suppressi, majorem illi addiderunt auctoritatem. Et ita exteris quoque spes omnis Sueciam turbandi erepta est, Rege id agente, ut suas res magis magisque firmaret. Namque summæ & absolutæ, qua gaudebat, potestati hoc unice deesse videbatur, ut justâ successionis lege regni dignitas ad ejus posteros transmitteretur. Ast nihil tam arduum erat, quod non prudentiæ Gustavi cederet. Hinc & tandem obtinuit, ut unanimi omnium Ordinum consensu sanciretur, ne Rex in posterum eligeretur, sed ut Gustavi posterum justâ serie in regni dignitate se exciperent. Finit Auctor nonnullis de Erico Gustavi filio, Elisabetham Angliæ Regiam frustra, sed invito quoque & dissentiente Patre, ambiente commemoratis. Continuationem opusculi, si, ut speramus, proditura est, recensere haud inviti, quamprimum ad manus nostras pervenerit.

THE PRETERNATURAL STATE OF ANIMAL HUMOURS
described by their sensible qualities &c. Hoc est:

*PRÆTERNATURALIS STATUS ANIMALIUM HUMORUM
descriptus per sensibiles eorum qualitates, qua dependent ex diversis
gradibus fermentationis; nec non medela cujusvis particularis cacochymia, peracta remedio saporis peculiaris specifice &c.*

Auctore JOANNE FLOYER.

Londini, apud Sam. Smith, 1696, in 8. plag. 19.

Cum experientissimus Auctor rationi maxime consonum judicaret, ut præsens atas admitteret omnes observationes sensibiles a veteribus circa humana corpora factas, easque explicaret & illustraret Philosophia temporis præsentis; constituit in hoc tractatu explicare ani-

males humores, tam per observationes a veteribus traditas, quam per accessiones, quas recentior Philosophia, Chymia & Anatomia illis adjecit. Primo ergo capite de morbis in universum agit, eosque distribuit in morbos partium solidarum, humorum, & spirituum, specialiusque intemperiem solidarum partium explicat. Secundo autem capite fluidarum partium intemperiem ut exponere possit, distincte recenset originarios liquores animalium, ex quibus reliqui secernuntur, eorumque statum naturalem describit, ut eo luculentius præternaturalis hinc possit intelligi. Quem in finem quoque capite tertio præparationem animalium humorum contemplatur, per sualut chylum fermentatione præparari, reliquos autem humores ab illo ortos, serum nempe, sanguinem, & fluida ab his secerni solita, circulatione, longiori digestionem, mixtura & secretionem, ita ut his mediis acquirant peculiare crasces & sapes: contra vitari chylum, quando fermentatio vel nimis est languida & suppressa, vel major quam naturalis animalium temperies requirit, atque labem suam reliquis etiam humoribus affricare. Quapropter capite quarto in genere agit de nimis debili fermentatione, ejus afferens causas, notas, & remedia ex sapore specifico cognoscenda, qualia v. g. sunt acris, amara, aromatica, sulphurea mineralia, testacea, nec non illa quæ fermentum animale in se continent &c. qua methodo etiam in sequentibus utitur. Specialius enim in sequentibus vitia humorum ex remissiori fermentatione ortum trahentia considerat, exponens capite quinto de statu mucilaginoso animalium humorum, in specie chyli & lymphæ, qui vulgo pituitosa caco-chymia vocatur; sexto de tartarea illorum aciditate vel acerbitate, quæ communiter se exerit in aciditate stomachi nostri; septimo de flatulenta cruda caco-chymia chyli aliorumque humorum; octavo de caco-chymia serosa. Porro capite nono ad alteram generalem morborum causam, nimiam scilicet chyli fermentationem accedit, & cum illa bilis maxime augeatur, de hujus natura, usu, coloribus & coagulatione per acida, prolixius disserit; ad speciales mox caco-chymias hinc oriundas descendens. Nam disquirat decimo capite de scorbutocalido, seu statu oleoso, vitriolico & rancido sanguinis; undecimo de visciditate feri & inspissatione chyli; duodecimo de falsedine sanguinis aliorumque humorum; decimo tertio de vitriolica sanguinis aciditate, & de-

cimo quarto tandem de putrefactione humorum animalium. Accedunt duæ appendices, in quarum prima de febribus agitur, ostenditurque, veterum pariter ac recentiorum opiniones de iisdem inter se posse conciliari, atque in hanc conjungi definitionem, quod febris sit præternaturalis fermentatio aut effervescencia sanguinis, orta a fermento quodam irritante spiritus sanguinis & nervorum, ut dissolvatur, putrescat & separetur pars succi cacochymici nutritii ex massa humorum, cui admixtus est. Post traditam autem febrium curam concludit, valde probabile esse, cum singulis fere 40 annis pestis in Angliâ recurat, quæ a putrido humorum statu dependet, reliquas etiam cacochymias, quæ species febrium diversas pariant, quandam habere revolutionem, & has cum illis reverè. Nimirum cum status humorum est mucilaginosus, febrem esse similem quartanæ; cum tartareus, habere symptomata cholica; cum serosus, febrem esse catharrhalem; cum flatulentus, vertiginosam cum flatulentia in primis viis & doloribus vagis: sed si cacochymia est cholERICA, produci tertianam; si rancida, oleosa, scorbuticam; si viscida, dolores rheumaticos; si vitriolica, quartanam. Unde sperat, si diligenter observetur, quænam febres quotannis grassentur, explorari posse, quænam cacochymia febresque sibi invicem succedant, quibusque temporum periodis illarum recursus sit expectandus. Appendix secunda introductoriûs est discursus ad tractatum de asthma, continens explicationem de fluxione humorum (termini veteribus valde usitati) qua asthma diversique alii morbi chronici producuntur. Ostenditur ergo, omnes humorum fluxus vel ab intermittente vel ephemera febre produci, ejusque causam esse effervescenciam in sanguine; terminum a quo, sanguinem; canales hujus fluxus, venas, arterias, vasa lymphatica, nervos & glandulas excretorias; terminum ad quem; partem affectam. Specialius quoque recensentur morbi hinc profluentes, eorumque cura subnectitur.

JOH. ALBERTI FABRICII BIBLIOTHECA LATINA, SIVE
Notitia Autorum veterum Latinorum, quorumcunque Scripta ad nos pervenerunt. Accessit duplex Appendix &c.

Hamburgi, apud Benjaminem Schiller, 1697. in 8:
 Alphab. 1, plag. 13.

Melio-

MElioribus literis ornandis strenue incumbit, qui Bibliothecam hancce Latinam earum cultoribus jam aperuit, clarissimus *Fabritius*. Laterè id neminem potest, ad cujus conspectum *Plagiariorum Centuria*, subjunctaque ei haud inelegans de *Lexicographia* Commentatio, ab eò, pùbertatis annos non multum supergresso, ante octo hos annos publicata pervenit. Nec imminuit, quam jam tum de eo concepimus, spem potissimæ librorum Apocryphorùm partis editiõ, quæ luculentis doctisque *πρόλεγομένεις* ornata, paucis admòdum post annis lucem publicam adspexit. Nunc dum majora parturit opera, & quæ perfectam maturitatem requirere videntur, Bibliothecam præsentem Latinam, quam Græca pari methodo studioque adornanda suo tempore sequetur, publici juris faciendam censuit.

Triã autem potissimùm in ea sibi præponit: quorùm primùm fuit, ut Latinos Autores veteres, non Ecclesiasticos, quorùm scripta ætatem tulerunt, recenseret universos ordine chronologico. Ita quidem, ut eorùm in auream, argenteam & ferream ætatem dispartitorum, facto a Plauto initio atque in Cassiodoro fine, non nomina nuda atque ætatem commemoraret; sed concinna brevitate paucis sùmul, quæ præcipue observari de unoquoque merebantur, perstringeret. Alterùm fuit, ut singula eorùm quæ extant, nonnūquam tamen & deperdita scripta, illorūque argumenta percereret, quibusque illa ab autoribus suis inscripta essent ostenderet, & demum genera a dubiis spuriisque rite distingueret. Tertiùm denique, ut editiones, non omnes quidem, sed præcipuas, & quæ prodesse maximò posse deliciis hisce pascere sese volentibus videbantur, commemoraret; non prætermisiss singularibus virorū doctorū laboribus, quibus vel historiam alicujus autoris, vel loca obscuriora, sive peculiaribus scriptis, sive passim in operibus suis illustraverunt; imo iis quoque, quæ conati illi, sed fati præproperi injuria vel aliis eventibus impediti, abrupte coacti fuerunt, passim diligenter expositis. Quæ dexteritate omnia ista fuerint præstita, experientur, qui pervolvere libellum paucis foliis multa complectentem dignati fuerint. Nec mihi nus persuasum habemus, judicii acrimoniam tum ex aliis, tum ex iis quæ de Manilii nomine atque ætate, de Chalcidii Ausoniiue reli-

gione, de variis Palladiis &c. disputavit, Lectori sese esse probaturæ. Tacemus, quod passim nonnulla, ut varie Lectorum suorum animos oblectet, afferat, quæ alibi quidem rectius forte locum obtinere potuisse fatetur, sed quæ tamen nec huic opusculo dedecori esse existimamus. Inter ea eminet insigne scholiorum Eustathii fragmentum, quo versus octingentesimus octogesima nonus cum proximis 26 Periegeſeos Dionysii Alexandrini præclare illustrantur, quodque in omnibus editionibus desideratum, hic, ubi de Avieni paraphrasi Periegeſeos istius agit, inferendum censuit. Quod uti de quibusdam Phœniciæ oppidis memoratu digna aliquam multa habet, quibus aliorum autorum loca illustrari confirmarique queant, ita acceptissimum iis, qui talibus capiuntur, non esse non potest.

Verum de ipso libro pro instituti ratione satis. De appendice enim duplici, mole non multum eo inferiori, nonnulla etiam sunt delibanda. In priori primo varias fragmentorum veterum Poetarum collectiones, quales Stephano, Scriverio, Douſæ aliisque debemus, recenset: ubi simul de Centonibus, quales Virgiliani sunt, & Catalectis, Priapejis item & aliis hujus generis collectionibus satis prolixè agit. Deinde Christianos Poetas eorumque editores & collectores enarrat. His brevem Scriptorum Ecclesiasticorum, primorum IV seculorum, qui apud Latinos floruerunt, notitiâ subjungit, ita tamen ut ex quinto, sexto, imo & duodecimo nonnullos addat. Hinc eorum qui fragmenta vel integræ opera Latinorum Historicorum conjunctim ediderunt, varique monumenta antiqua & inscriptiones in lucem protraxerunt, commemorat labores. Quos excipiunt ii, qui Grammaticis Rhetoribusque Latinis similem operam præstiterunt. Porro veterum Romanarum legum reliquias perçenset, laudatis qui illustrandis iis vacare voluerunt. Inde veterum Jctorum scripta, e quibus Tribonianus cum sociis, Justiniani Imperatoris jussu, jus civile concinnarunt, ordine chronologico enarrat, moxque corporis juris civilis & canonici exponit contenta. Sequuntur Scriptores rei agrariæ, & tandem medicæ, quorum varias a variis concinnatas collectiones diligenter annotavit.

In posteriori appendice de tribus insignibus impostoribus, qui e fraudibus fucisque compositos libros suos Bibliothecæ Latinæ inferre temerario ausu conati fuerunt, egit, Curtio nimirum Inghiramo,

mo, Alfonso Cicarello, & Johanne Annio Viterbiensi. Et denique coronidis loco celebriores typographos, alphabetico ordine digestos, ex Almelo venio potissimum & Bailletto repræsentavit.

DES KONINGS RECHTEN &c.

Hoc est :

*JURA REGIS, ET RATIO ADMINISTRANDI EA SUB UTRO-
que Testamento: sive potissimarum rerum, ad verum eorum, qua ad
ingressum Jesu in Sanctuarium suum spectant, intellectum pertinentium
elucidatio. E precibus Davidis Ps. LXXII, i. elicit a THEODORO
van TOLL V. D. apud Wudenbergenses
Ministro.*

Trajecti ad Rhenum apud Anth. Schouten, 1696. in 8. pl. 31.

Reverendus Autor, qui regia Christi jura ex primo eoque unico commate Psalmi LXXII deducere propositum habet, postquam generalia nonnulla de Psalmi hujus inscriptione, autore & scopo præmonuisset, ad rem ipsam sine mora accedit. Et primo quidem ipsam regiam Christi nativitatem, ex Patre quippe Deo ab æterno geniti, & S. Scripturis occasione textus sui ob oculos ponit. Imo etiam regiam ejus ex hominibus originem demonstrat, cum ex Davidis semine carnem a se assumendam formari voluerit; qua quidem occasione eorum incarnationis ejus mysterium, & quæ ad illud utcumque pertinent, describit. Regnum autem ejus spirituale, Regemque adeo spirituale esse docet, cui ut judicia sua Deus tradat, in textu Davidem orare ait. Jam vero porro quænam judicia sive jura illa sint in Jesum a Deo sub utroque Testamento collata, declarat. Primo inter ea loco ponit jus æquas & justas populo suo leges præscribendi, & ad normam illarum eum gubernandi. Hic de lege morali naturalive, de Sinaitico fœdere inter Deum & Israeliticum populum sancito, de lege item ceremoniali atque forensi agit. De legibus porro, quas Christus totamquam Rex Ecclesiæ N. T. (ita nimirum ipsi loqui sensu tamen minime Arminiano Socinianoque visum fuit) tradidit, exponit. Et hic quidem speciatim de lege fidei disserit, de sacris N. T. ritibus, baptismo & coena Domini, quos similibus Judæorum Gentiumque ceremoniis illustrat, de disciplina denique ecclesiastica sive clavibus. In quibus

p. 30.

p. 52.

p. 77

p. 102.

p. 106.

p. 141.

151.

155

209.

- bus omnibus, quomodo leges ferendi jus Regis nostri Christi se exercuerit, postquam ostendisset, ad aliud quoddam ejus jus atque prerogativam explicandam se confert, quæ in eo consistit, quod viros elegerit, qui proximi ab eo essent, & pro salute regni curam gererent, officij sui unumquemque admonentes. Primi quos hoc honore dignatus est, Patriarchæ sunt, qui singuli ab Adamo ad Moysen usque tempora perreperunt. His successisse Moyses dicitur, Josuaque & reliqui iudices, indeque Reges tam Judæ quam Israelis, quorum gesta itidem ad captivitatem usque Babylonicam Autor singulatim persequitur.
217. Inde vero de iis etiam agit, qui in captivitate & post eam populo isti præfuerunt, ubi de Synedrio quoque Judæorum disquisitionem instituit. Tandemque de Johanne Baptista, de XII item Apostolis & eorum munere, Evangelistis item, Doctoribusque & Pastoribus, quibus in N. T. Ecclesiæ suæ curam Rex ille commisit, agit. Quibus omnibus expensis, tertio loco inter jura regia ponit, quod ejus sit semper in regno suo versari, populoque suo esse præsentem. Ostendit itaque, quomodo a primis usque temporibus Patribus, quomodo Israeli in Ægypto, quomodo eidem in deserto fuerit præsens, utpote in quo tabernaculum sibi etiam poni fuerit passus. Tabernaculi hujus structura, & alia quæ eo pertinent, fusius hac occasione explicantur. Cumque deinde populo isti in terram repromissionis delato adfuisse etiam Regem Jesum, ostensum esset, in templo peculiariter, de quo iterum multa annotantur, tanquam domo sua habitasse dicitur. In Babylonia denique, in Ecclesia N. T. imò in nobis ipsis qua ratione præsens semper fuerit, demonstratur. Jamque ad quartum jus sive officium Regis sit progressus, quod est, ut in hostes atque inimicos suos omnes severe animadvertat, vel eos coercitos regni sui cives efficiat. De origine & progressu regni Diaboli inter homines hic agitur, nonnullaque de idololatricorum cultuum incunabulis adspiciuntur, & quid Christus, ut a dominio Satanae nos liberaret, fecerit, docetur. Imò quomodo ultionem suam ab inimicis suis, idolorum & oculorum gentilium destructione, Reipublicæ Judaicæ everisione, Romani Imperii ruina, Pontificiæ denique tyrannidis per reformationem subversione sumserit, ostenditur. Tempusque venturum esse docetur, quo conversione Israeliticæ gentis ad Deum, & omnimoda Diaboli atque eorum qui partes ejus sequuntur, in ex-

tremo



Fig. 6.




Fig. 8.




Fig. 9.



Fig. 10.



Fig. 11.



tremo iudicio destructione, gloriosissime ultimum hocce jus suum
Jesús Rex noster sit exerciturus.

*QUADRATURA UNIVERSALIS FIGURARUM CURVILINEA-
rum per series infinitas, simplici transpositione rectorum linea-
rum formatas, per D. T.*

Cum heri legerem, quæ in Actis mensis Decembr. A. 1696 Vir in
his studiis profunde versatus *Johannes Bernoullius* de Tetrago-
nismo universali exposuit, mirum in modum ea mihi placuerunt, oc-
casionemque suppeditarunt reminiscendi eorum, quæ circa hanc rem
olim fui meditatus, imprimisque methodi à multis jam annis mihi
familiaris, cujus ope, absque ullis tangentibus, per simplicem linea-
rum rectorum transpositionem Tetragonismos abfolvo; quam nunc
cum publico communicare animus est. Nimirum si fuerit spatium
quodcunque ABGIK, ducatur recta BK & huic parallela FGHI, fiat-
que continue FH = GI, & oriatur hinc curva CHK. Porro ducta
recta CK, & huic parallela, formetur eodem modo nova curva DK,
& sic in infinitum. Dico rectangulum ABIK esse ad curvum spati-
um BGIK, ut 2AB ad $AB + Bc + CD + DE$ &c. Hæc autem series
infinita, si quadratura spatii absoluta datur, semper ad seriem fini-
tam potest reduci, idque quandoque statim manifestum est, ut in
parabolis infinitis accidit. Nota quoque mihi dudum fuit methodus,
omnes quadraturas curvilinearum, quæ expressionem finitam patiun-
tur, per simplicem linearum transpositionem absolvendi, ejusque spe-
cimina jam Parisiis A. 1682 Academia Regiæ exhibui, cum observas-
sem, tale quid nec in Parabola Archimedea præstitum fuisse; ve-
rum calculi molestia, quotiescunque ad eandem perficiendam me
applicui, semper me absterruit, quo minus pergerem in ea numeris
omnibus absolvenda, quamvis semper singularia quædam hinc de-
rivaverim, quæ aliquando, si otium suppetat, cum sænore publico
impertiar.

*JOH. BERNOULLII DE CONOIDIBUS ET SPHÆROIDIBUS
quadam. Solutio analytica Aequationis in Actis A. 1695, pag. 553 pro-
posita. Notatiuncula in Responsonem a Nob. D. T. nupero
Novembri editam &c.*

Quod in Actis Eruditorum mense Junio superioris anni de Conoi-
dum & Sphæroidum superficiebus complanandis insinuavi, in
P tran-

TAB. III.
Fig. I.

TAB. III.

Fig. 2.

transitu velut attigeram, neque ejus mentionem iniecissem publice, nisi inter scribendum in mentem mihi incidisset elegans illa coni recti proprietates, quam publico impertiendam duxi, subindicando simul fontem, ex quo fluebat. Est verò materia illa talis, in qua excolenda nemo male suam operam collocabit; eruenta enim restant egregiæ cui rei fidem faciam novo & facili sed eleganti theoremate. Esto curva qualiscunque ABC (fig. 2) convertenda circa duos axes DE & DF constituentes quemcunque angulum EDF, sitque recta GDH perpendicularis ad lineam angulum eundem bisecantem, cui parallela EF; Dico superficiem, quæ oritur ex conversione curvæ ABC circa DE, unâ cum superficie orta ex conversione ejusdem ABC circa DF, esse ad superficiem solam genitam ex circumvolutione curvæ ABC circa GH, ut EF ad ED; Idem intellige etiam de solidis, quæ sunt ex triplici ista conversione segmenti ACB, vel sectoris ADC, vel alterius cujuscunque figuræ. Unde existente angulo $EDF = \frac{\pi}{2}$, recti, erunt duæ conversiones circa axes DE, DF simul æquales conversioni circa GH, reliquis vero in casibus si fiat curva *abc* similis expōsitæ ABC, ita ut ducta utcunque Db sit ad DB, ut EF ad mediam proportionalem inter EF & ED, erunt duæ simul superficies factæ ex conversione curvæ ABC circa DE & DF æquales superficiei descriptæ a curva *abc* conversa circa GH. Sin autem Db sit ad DB ut EF ad primam duarum mediarum proportionalem inter EF & ED, erunt duo solida figuræ ACB circa DE & DF rotatæ, æqualia solido figuræ *acb* circa GH conversæ. Hinc patet, quia ratione sphæroidibus, oblongo & depresso, ab eadem quacunque elliptoide descriptis & simul sumtis æquale solidum, illorumque superficiebus una superficies æqualis construi possit; Id quod Hugeniò quondam erat unum ex maxime desideratis.

Jam addam hic solutionem analyticam (quia hætenus nulla comparuit) æquationis differentialis a Fratre propositæ in Actis Dec. 1695. Compellatus enim a celeberrimo Leibnitio, ut ei me accingerem, vidensque & ipsum nonnihil operæ solutioni impendisse, & Fratrem iteratis vicibus Mathematicos provocando suum problema pluris quam ab initio credideram æstimasse, invitationi diutius deesse nolui. En igitur solutionem, quam per semiquadrantem horæ instituta meditatio mihi suggessit, quamque Dn. Leibnitio, si horum recordari dignetur, jam tum perscripsi, antequam constructio fraterna comparuisset.

Æqua-

Æquatio proposita est hæc: $ady = y^p dx + by^n qdx$ (ubi a & b quantitates datas & constantes, n potestatem quamvis literæ y ; p & q quantitates utcunque datas per x denotant) separandæ sunt in illa literæ indeterminatæ x & y cum suis differentialibus a se invicem, ut saltem per quadraturas construi possit; id quod sic facio: Ut potestas

n deprimatur ponendum est $y^n = \frac{z}{v^{1-n}}$, unde proposita mutatur

in hanc ulterius resolvendam $\frac{z}{1-n} dv = v^p dx + b q dx$, quæ re-

spondet formulæ Leibnitianæ in Martio 1696 traditæ. Sed hac de-
pressionē potestatis mihi non opus est; immediate enim consequor
finem ponendo $y = mz$, ideoque $dy = m dz + z dm$; quibus substi-

tutis in æquatione proposita habebitur $azdm + amdz = mzpdx + bm^n$
 $z^n qdx$. Nunc ut hæc æquatio quatuor terminorum ad duos redi-

gatur, pono $amdz = mzpdx$ id est $\frac{adz}{z} = p dx$, unde cum habeatur

z per x aut algebraice aut saltem transcendenter esto, $z = \xi$ (per
 ξ intelligo quantitatem datam per x & constantes.) Quoniam vero
destructis mdz & $mzpdx$ in æquatione transmutata, remanet $azdm$

$= bm^n z^n qdx$ seu surrogato valore ipsius z , $a\xi dm = bm^n \xi^n qdx$ id est

$am^{-n} dm = b\xi^{n-1} qdx$, hinc pariter habetur m per x , nimirum $\frac{a}{-n+1}$

$m^{-n+1} = b\xi^{n-1} qdx$, posito ergo $m = X$ (quantitati itidem ex x &
constantibus compositæ) proveniet $y = (zm) = \xi X =$ quantitati pure
dependenti ab x & constantibus, Q. E. F.

Hæc dum scribo, pervenit ad me Nobilissimi Dn. Tschirnhausii
schediasma proximo Actorum Novembri insertum. Per totum,
fateor, profundas sagacissimi ingenii meditationes spirat; doleo so-
lum allequi me non posse, utrum nostras observationes circa ipsius
meditata Geometrica approbet, an vero improbet. Absit, ut putem

Virum hunc, nulli in cognitione abstrusioris Geometriæ secundum, improbare velle talia, quæ quandocunque libuerit, evidentissimis demonstrationibus munire possum. Lubens ergo merito credam, quædam fuisse ab ipso proposita in Nov. 1695, quæ limitanda erant; quæ autem limitatio nec a Fratre nec a me (qui fere eadem haud ex communicato objecimus) percipi potuit. Neque jam in dubium vocabo, acutissimum Authorem mirandas possidere methodos generales, quarum utinam nos participes faceretur, ne siquid ipsi humanitus accideret, talia nulli oblivioni tradenda simul interirent. Paucis interim notabo, quæ in novissima ista responsione animadvertere licuit.

Etiannum sustineo, quod theorema fig. 2, Act. Nov. 1695 expositum *sefe extendat ad omnes curvas, sive sint per focos sive aliter quomodocunque & si vis, libera manu descriptæ.* Quod autem Vir celeberrimus inde infert, me esse in ea sententia, non omnes curvas per focos describi posse, plane non sequitur: quasi vero una eademque curva per focos descripta non posset etiam mille aliis modis describi. Exemplo nobis sit vel sola Ellipsis, quæ non tantum per filum, sed etiam per regulam secundum latera anguli recti progredientem aliterque æque facile formatur. Hoc duntaxat ex assertionem mea legitime sequitur, theorema illud valere in omnibus curvis, non quatenus per focos tantum sed utcunque progenitæ considerentur. Atque sic salva mea assertionem non nego, omnes curvas habere focos saltem lineares; an vero etiam habeant simplices seu puncta ex quibus semper per fila delinearî possint, hæcenus a nemine demonstratum est.

Quod præterea Vir ingeniosissimus innuit, *methodum tangentium inversam ante aliquot annos magno in pretio se habuisse, jam vero eandem non leve ob causas eo loco non amplius a se haberi*, indicium utique est sibi eam adeo planam & tritam fecisse, ut ipsi jam ut ludus sit habendus; unde cum nihil hæcenus propositum viderit, (ut ait) *quod ejus ope cum operam dare ei licuit, non potuerit determinare*, videre desidero alterum illum modum *parabolæ portiones inter se conferendi*, quem priori suo substituit & cum pluribus speciminibus communicandum pollicetur. Cæterum ingenue fateor, me nondum posse perspicere ex omnibus illis, quæ allegat, quomodo theorema meum de reductione curvarum ad circulares per

per alias evolutiones quam Hugenianam augeri possit. Pro hoc si habet methodum quam offert, grato animo excipiam, quodocunque communicare libuerit. Hoc tamen in antecessum præmonendum duco, non opus esse ut curvæ reducantur ad extensiones ellipsoeos, hyperbolæ, parabolæ, altiorisve curvæ, si id fieri possit per circulares, tantquam post rectam simplicissimas. Verum enim vero omnis omnino curva, quocunque etiam habeat focos, per unicum semper potest describi, id est per evolutionem Hugenianam. Non video igitur, cur recurrendum esset ad evolutiones magis compositas, cum idem perpetuo obtineri possit per simplicissimam.

Subnectit Vir eruditissimus, se habere *singularia theoremata universalis* pro nova doctrina locorum, asseritque sibi valde probabile videri, æqualitatem rectangulorum rectarum se interfecantium (quam ego præterquam circulo infinitis aliis curvis competere nuper ostendi) absolute omnibus communem esse. Id quidem facile largior, si duas tantum rectas se interfecantes intelligat, ut fere innuere videtur, quando dicit *certissimum id esse, in ipsa quoque parabola, hyperbola & ellipsi hanc veritatem, quod duabus rectis se interfecantibus rectangulorum segmenta inter se infinitis modis certa ratione sint æqualia, demonstrari posse*; sed ridiculum prorsus fuisset, si tale quid ut novum venditare voluisssem, siquidem prima statim attentione cuivis obvium est, omnem curvam, si non sit circulus, posse a circulo secari in quatuor punctis, per quorum bina & bina transeuntes lineæ rectæ habebunt utique segmentorum rectangula æqualia; adeo ut hoc de omnibus curvis non solum probabile sed omnino certum sit. At sensus mei inventi longe alius est. Non enim duas saltem, sed infinitas, sed omnes rectas e puncto quodam egredientes, quæ secant curvas, volo ut faciant rectangula segmentorum suorum æqualia, atque hoc omnibus curvis convenire nemo demonstrabit, cum contrarium potius in ipsis tribus sectionibus conicis evinci possit. Quod superest, si theorematum suorum vires experiri velit, sat amplam materiam habet applicandi illa in inquisitione curvæ, quam in Actorum mense Junio insolutam relinquo, ut scilicet solidum sub uno segmento & quadrato alterius sit ubique eidem æquale, cujus solutio mihi reperta est. Item quod nuper publice proposui, quærat curvam ita ut summa segmentorum ad potentiam datam elevatorum sit perpetuo eadem.

dem. Hisce aliisque si satisfecerit (ut non dubitamus) Vir perspicacissimus , haud aptiorem ansam nobis præbebit , de inventis ipsius pro merito sentiendi , quam si methodos ipsas , quas hucusque latere nos voluit , tandem candide aperuerit.

AN ENQUIRY AFTER HAPPINESS &c.

Hoc est:

*FELICITATIS VERÆ INDAGATIO , INSTITUTA AB AL-
lore Christianismi Præfici. Volumina duo.*

Londini, apud Sam. Smith, 1692. 1696, in 8.

Constant Alphab. 2. plag. 15.

Auctor hujus libri , qui nomen suum ignorare nos voluit , ab aliquo opere , quod non sine Anglorum suorum plausu jam olim publicavit , appellationem sibi adscivisse contentus , infortunato quodam casu oculorum suavissimo usu privatus fuit. Ut itaque tædium , quod miseræ hujusmodi conditioni natura quasi sua junctum esse videretur , falleret , aliisque ratione qua maxime posset , inserviret , operi huic manum admoveere constituit. Cui eo magis idoneus fuit , quod ipsemet , uti fatetur , omnes delicias fuerit expertus , quas prosper & felix hominis status suppeditare potest , ut adeo scire queat , quid ad veram conferre illæ valeant felicitatem. Præterea autem rebus etiam adversis adeo exercebat se esse ait , ut de hominis miseria , virtutisque qua sese erigere & contraniti debeat necessitate , recte se judicare posset confidat. Animam denique suam in corpore , nobilissimo sensu destituta , ita degere ait , ut non multum ejus conditio a separata animæ statu distet ; quo ipso fieri existimat , ut liberum & corporis affectibus parum corruptum judicium ferat.

Non expectandum autem est , ut accuratam operis hujus recensionem instituamus , quod , uti habet virtutes suas egregias , ita a nemine non salutis felicitatisque suæ studioso legi deberet. Ast vero amittere hujusmodi scripta solent vim pariter & gratiam suam , si quidquam iis demas , & vividam illam qua nitent faciem arida relatione illis detrahas. Contenti igitur erimus tribus verbis summam rerum omnium indicasse. Absolvitur nimirum primum volumen sectionibus tribus ; in quarum prima ostenditur , felicitatem nec arduum adeo esse bonum , ad quod ambiendum humana non debeat exsurge-

te ambitio; nec leve adeo ac despicabile, ut negligi mereatur. Id tamen nec a tempore & fato quodam, nec a phantasia & inclinationibus nostris, sed a ratione recta & industria, virtute atque religione pendere demonstratur. In secunda, primo quid vere intelligatur per felicitatem, & quænam complectatur illa, edocetur; deinceps vero impossibile non esse, ut eam consequamur, evincitur. In tertia denique in causas inquiritur miseriæ humanæ, ut & frustraneæ felicitatis affectationis; remediaque utriusque optima fide indicantur.

Postquam hac ratione in priori volumine amota essent, quæ a veræ felicitatis studio avertere nos poterant; jam propius ad ejus considerationem in volumine secundo accedit. Cumque ea ex mente ejus sit *status entis perfecti, in intermerata, non interrupta, & æterna fruitione consummatissima voluptatis constituti*; quatuor potissimum esse videntur, quæ definitionem istam ingrediuntur, vita nimirum, perfectio, indolentia atque fruitio. De horum primo, vita nempe, in hoc, de quo nunc loquimur, volumine egit, aliis voluminibus deinceps expectandis reservatis reliquis. Divisit autem hanc quoque de vita commentationem in tres iterum sectiones. In quarum prima quid vita proprie sit, edocuit, deductis inde iis, ad quæ præstanda tenemur, qui vivimus, officiis. In secunda, qua ratione & practicam & contemplativam vitam utiliter instituere debeamus, declarat. In tertia denique, quomodo ita vivere debeamus, ostendit, ut & vitæ quam longissime protendamus terminos, & si brevior nobis obtigerit, talis tamen sit, ut cum longissima bene gestorum ratione contendendi valeat.

PETRI HADRIANI F. VERDÛIN AMSTELÆDAMENSIS

Dissertatio Epistolaria, de Nova Artuum decurtationum Ratione &c.

Amstelædami, apud Joh. Wolters, 1696. in 8.

Constat plag. 2. & tabulis æneis 7.

O Ctodecim & quod exeurrit, elapsi sunt anni, cum chirurgicus quidam Scriptor Anglicus *Jacobus Yonge*, Anglico idiomate libellum ederet, cujus rubrica, *Currus Triumphalis ex Terebinthina*, in quo oicum terebinthinæ in hæmorrhagiis, etiam enormioribus, sistendis cuncta hætenus nota & usualia remedia antecellere, prolix

lixa satis rationum atque experimentorum enarratione ostendebat. Subnectebat huic libello Epistolam ad amicum quendam, in qua novam & singularem methodum, a quodam Anglo *Lowdham* sibi communicatam, amputandi artus corruptos, hisque detruncatis commodius & citius, ac hæcenus factum, medendi innuebat. Cujus hæc potissimum ratio, ut portio cutis, & carnis in alterutro membri abscindendi latere, v. g. in tibia suræ maxima, pars trunco annexa relinqueretur, quæ operatione administrata, hujus extremitati ita superinducenda & inducta conservanda, donec per symphylin & infisionis modum, sine ossis abscessione, celerius, felicius & ita consolidaretur vulnus, ut machina seu crus artificiale commodius quoque ipsi applicari posset. Verum, cum circumstantias hujus chirurgiæ non recensuisset Autor, eadem quoque ad paucorum hæcenus manus pervenerit, ab illo tempore nihil hujus plus, penes nos imprimis innotuit, donec biennio circiter abhinc, a chirurgo quodam Amstelodamensi hanc operandi rationem felicissime administrari, amici cujusdam literæ nobis significarent. Atque is est *Petrus Verduin*, cujus *Dissertationis epistolariæ* argumentum Tibi, L. B. recensebimus. In præfamine perhibet, in Anglia jamdum simile quid fuisse factum: num ab illis, quos nominavimus, chirurgis, subolâcere haud possumus. Hinc primo instrumenta exponit, in operatione, post eandem, & vulneris sanatione absoluta, necessaria; deinde operandi modum, ac denique commoda hinc emergentia, Instrumentorum alia reperimus communia seu vulgaria, alia huic administrandi rationi peculiariora: quorum forsitan potissima sunt cingulum latum constrictorium, fig. 3. & 4, patina seu lamina concava, fig. 5. delineata, cujus applicandi rationem fig. 6. & 7. monstrant, quo remoto instrumentum quoddam retentivum applicandum describitur, cujus integri schema fig. 8, in partes divisi fig. 9, 10 & 11, applicationem fig. 12. promunt; quibus demum subnectitur, pro tibia detruncata, crus factitium, fig. 13. descriptum.

Post hæc operandi modum docet sequentem. Femori v. g. cruris detruncandi applicat, inter tendines crus flectentes, & interno ejus lateri, ubi majora sita sunt vasa, splenia duo teretia, & desuper hæc lintheum quadruplicatum, femoris inferiorem partem & genu obvolvens ac fasciola firmandum. His cingulum latum constrictorium

fig. 3.

fig. 3. & 4. Superimponit, hocque ope breviorum suarum corrigiarum, fibularum & lingularum ad sufficientem vasorum sanguiferorum arctationem firmiter in poplite claudit: imo majoris constrictionis gratia tæniam latam omnibus superinjicit, inter operandum baculo a quodam adstantium contorquendam, quod instrumenti genus, Gallis modernis frequens, *Tourniquet* audit. Vid. fig. 6. Quibus ita adaptatis, illam cinguli latioris partem, quæ genu tegendo destinata, cum loris propendentibus, retrorsum, ne operationem turbent, reclinat. Dein crus paulo supra amputationis locum (qui minime, ut olim tradebant, prope genu, sed ab hoc, quantum licet, remotissimus sit, quo factitium crus trunco commodius & firmitus adaptari queat) zona graciliore, ex molliore corio vitulino confecta, & fibula atque lingula instructa, arcte constringit, idemque ministris duobus, alteri circa zonam, alteri prope pedis articulum, immobile tenendum committit. Hinc ipsemet chirurgus suram læva manu arreptam, & ab ossibus quasi avulsam, cultro falcato & ancipiti, ab ipsa zona crus coarctante inchoando, juxta cruris longitudinem, pone ossa deorsum abscindit, reliquas vero cutis carnisque partes ad ossa usque transversim, ut moris, incidit, tandemque reproducta interim, ne a serra lædatur, prædicta suræ rescissæ portione, ossa decurtat. Extemplo vulnus cruentum spongia tepida imbuta leniter abstergit, ne quid scobis remaneat, ac soluta zona, qua crus constringebatur, carnem illam revulsam disto citius antroorsum & super mutilati membri truncum, reflectit, vulneris oras fungo, stupa ac styptico idoneo munit, totam vero extremitatem vesica bubula una vel duabus emollitis operit, fascia emplastro viscoso oblita firmandis. Vesicam desuper eidem trunco applicat linteum complicatum, hinc laminam illam concavam fig. 5. genu vero partem cinguli constrictorii anticam adaptat, & hujus loras longiores laxata tænia constrictoria, super extremitate trunci & lamina decussatas, ac per fibulas illas prominentiæ quadantenus attractas, lingulis suis, juxta fig. 7 claudit, totam denique hanc deligationem fascia quadam muniendo, & paucis post operationem horis cingulum etiam paulum laxando.

Quia tamen chirurgiæ hujus per insitionem momentum potissimum in eo consistit, ne carnes vel mutilatæ partēs, vel huic admo-

Q

ta,

tz, lædantur, sed ut ad sui coalitionem arctius conjunctæ servantur, applicat retinaculum fig. 8, 9, &c. hoc modo, ut portio ejus major ac latior A inferius & posticum femoris latus excipiat, crus mutilatum alteri, quam vaginam ait, B incumbat, singulam singulæ fascia alligandam. Vaginæ eminentiam ferream Æ lamellæ curvæ C eoque immittit, ut carnem mutilatæ parti instratam & linteo quadruplicato tectam, sustineat illamque huic probe cunctam, conservet, vulnere tamen, plagulis & fasciis solutis, quotidie moderi liceat, secundum fig. 12. Sanato autem perfecte vulnere, cruri detruncato crus artificiale fig. 13 ita adaptat, ut aliquid simul motus voluntarii in genu remaneat.

Utilitates & comoda, quæ ex hac chirurgia emanant, sunt 1 hæmorrhagiæ felicior, sine gangrænæ, quæ fasciarum longiorum & & multiplicium constrictionem arctiorem alias facile excipere solet, metu, suppressio: 2, ne os detruncatum desquametur & abscedat: 3, ut labia vulneris brevius & sine magna deformitate cicatrifentur: 4, ut crus supposititum commodius applicetur: ac, ut dolor ille sympatheticus, a quo mutilatos ejusmodi quasi in parte rescissa communiter diu satis, infestari per experientiam constat, avertatur.

Figurarum explicatio;

TAB. III.
Fig. 3. seqq.

Fig. 3. (Auctori Tab. I. f. 1.)

Cinguli lati constrictorii, ex corio vitulino confecti faciès interna; & quidem A partis femori applicandæ, quemadmodum B partis genu adaptandæ:

Fig. 4. (Tab. I. fig. 2.)

Faciès ejusdem totius cinguli externa:

Fig. 5. (Tab. I. fig. 4.)

Lamina concava, cruri post detruncationem admovenda:

Fig. 6. (Tab. 3. fig. 1.)

Cinguli hujus applicatio seu apparatus in operatione:

Fig. 7. (Tab. 3. fig. 3.)

Ejusdem post operationem apparatus:

Fig. 8, 9, 10, & 11. (Tab. 5. fig. 1. 2. 3. 4.)

Retinaculum integrum & in partes divisum:

Fig.

Fig. 12. (Tab. 6. fig. 1.)

Hujus retinaculi applicatio.

Fig. 13. (Tab. 7. fig. 1.)

Crus artificiale. Ubi *A* pes ligneus caliga & calceo ornatus. *B* Vagina ex lamina ænea, duobus locis, ad truncum immittendum, incisa. *C* Fibula, qua vagina post immissum truncum, quadantenus clauditur. *D* Locus ubi vagina pedi ligneo est affixa. *E, E*, duæ laminæ ferreæ, quarum ope crus ad genu latera flectitur. *F*. Instrumentum femorale, constans ex lamina ferreæ antiquum femur ambiente & corio vestita: quod restat femoris corio circuitur, & in postico femore ligamine *G* notato, ordine connectitur. *G* Ligamen prædictum. *H*. Flexuræ locus, cum crus incurvatur. *I*. Caliga ex aluta, qua truncus & femur sunt vestita.

HEYLIGH HOF &c.

Hoc est:

AULA SANCTA IMPERATORIS THEODOSII, DESCRIPTA, emblematicis exornata, elegantibus carminibus illustrata, & Observationibus moralibus usui accommodata a P. ADRIANO POIRTERS Soc. Jesu. Nunc demum post fata ejus edita.

Ypræ, apud I. B. Moermans, 1696. in 8. pl. 19.

AUtor hujus opusculi, cui haud postremum locum inter Poetas Belgas concedi postulat editor ejus, jam ante quatuor hæc lustra, antequam ultimam manum huic sectui suo imponere posset, in collegio Mechlinensi fatis concessit. Unde etiam ad annum usque trigessimum primum solum Theodosii junioris, cujus aulam hoc opusculo describit, procedere eilicuit, ulterius progressuro, nisi fata finem abrumpere eum jussissent. Scopum ad quem eo potissimum collineavit, ignorare nos haud sinit præfatio, quam ipse ei, antequam moreretur, præmisit. Scilicet suavi hujus Imperatoris, & quatuor ejus sororum, quas inter Pulcheria præcipue eminuit, exemplo, mundi contemptum aliasque Christiano homine dignas virtutes inculcare voluit. Ut itaque eo fortius certiusque persuaderet, non nudam historiam, in cujus enarratione ingenio nonnunquam indulgere

Q 2

videt-

videtur, proposuisse contentus, doctrinas morales ubique luculenter ex ea deducit, & carmina non inamœna, quibus vim quasi faciat lectorum animis, semper inspergit. Cæterum non unicum nec primum hoc opus est, quo inter Poetas Belgas locum sibi illius Auror vendicavit. Eleganti enim carmine prælium, quo anno 1636 Fœderati Belgii copias profligarunt Hispani, celebravit. Imo & anno 1640 Belgico carmine interpretatus est præcipua eorum, quæ de gestis Jesuitici Ordinis hominum præclaris Latina lingua P. Jo. Tollenarius fuerat commentatus. Ut taceamus ea, quæ de vanitate mundi, de larva mundi, de columba in petra cavernis, de vita S. Rosalix, de sancto denique corde suavissime cecinisse dicitur.

BERNHARDI NIEUWENTIÏT CONSIDERATIONES SECUNDA
circa calculi differentialis principia, & Responsio ad Virum
Nobilissimum G. G. LEIBNITIUM:

Amstæledami, apud Johannem Wolters, 1696, 8, plag. 3.

Postquam ea, quæ ad difficultates contra calculum differentialent moras responderat maximi nominis Geometra Leibnitius, ex Actis Eruditorum A. 1695, mens. Julio & Aug. pag. 310, 369, perspexerat doctissimus Nieuwentiit, non difficultatum omnino omnium immunia ea ipsi visa fuerunt, speravitque a Viri omnis pœlitoris literaturæ famæ clarissimi insita humanitate, ægre latum non iri, si ea, quibus adhuc suspensus teneatur, dubia in his Considerationibus Secundis exponeret. Id vero eum in finem fieri profiteretur, ut (quæ ipsius verba sunt) *ad ulteriora jam prorumpens, & veterum fines supergressa Geometria, terram nec difficultatum vepribus ubique exasperatam semitam inveniat, ac post exhaustas quantitatum assignabilium proprietates, per insolitas quoque, omnuque humana imaginationis vim eludentes partium infinite parvarum considerationes, lapsus ac erroris secura nihil a tergo dubii, nihil indemonstrati relinquens procedere possit.* Fecit autem quinque sectiones harum Considerationum, in quarum prima disquirat, an legitime a nobilissimo Leibnitio sit demonstratum, in calculo differentiali quantitates infinite parvas nihilorum adinstar abjici debere: in secunda, an, si calculus differentialis primi gradus suscipi possit, differentiationes aliorum graduum ex rationibus a Viri cele-

celeberrimo hunc in finem adductis rite inferantur. In *tertia* solutiones objectionum suarum, quibus calculum differentialem ad casus particulares adhibitum in absurdum desinere, probare annis fuerat, expendit. In *quarta* ad difficultatem, adversus suam circa infinitesimas ratiocinandi methodum motam, respondet. In *quinta*, hunc suus calculus ad curvas exponentiales adhibitus, licet tollerari possit, ad identicum redire cum ratione dicatur, & an huic ideo calculus nobilissimi Leibnitii sit præferendus, inquit. Atque hæc summa libelli capita indicata a nobis fuisse suffecerit, cum momenta controversiarum ipsa recensere, prolixum nimis foret, & opusculum ipsum perlegi facili negotio possit integrum ab iis, qui talium studiis capiuntur. Quemadmodum & ea, quæ nobis, quod in Actis Eruditorum A. 1696, mense Februarii pag. 81, Mathematicos in unum notas usurpandi modum convenire, & quidem notationi per summam & differentias insisti, obiter optaveramus, in præfatione libri a clarissimo Nieuventiit opponuntur, aliorum iudicio & examini æquissimo animo relinquimus.

JOH. BERNOULLI PRINCIPIA CALCULI EXPONENTIALIUM seu PERCURRENTIUM.

Mirari subit, Cl. Dn. Nieuventiit in *Considerationibus suis secundæ* nuper editis conqueri, celeberrimi Leibnitii responsiones non tanti se ponderis deprehendisse, quæ objectionibus suis primum motis per totum satisfacerent. Crèdebam equidem nostram calculandi methodum semetipsam satis commendare vel solo consensu tot tantorumque inventorum, in quæ hætenus diversis licet insistentes viis incidimus, quæque nullius unquam falsitatis convinci poterunt: quod sane a methodo suspecta nedum erronea expectari nec potest nec debet. Esto nobis instar omnium unicum exemplum famosi illius problematis catenarii, cujus solutiones ad unum egregie conspirantes, illustre Virorum par, Hugenius & Leibnitius exhibuerunt, quibus simul mea accessit, ne in minimis quidem dissentiens; nob. Hugenio sua analysi, nobis vero nostra, sed feliciter utentibus: hæc enim duce eo usque ultra simplicem solutionem processimus, ut ipse Hugenius mirabundus falsus fuerit ingenue (vid. Hist. Oper. Erud.

quæ Rotærodami editur, mense Febr. 1693, p. 251) se non posse imaginari, quomodo calculus eo nos perduxerit.

Sed nolim hic respondere novis objectionibus Dn. Nieuwentiit, quod ipse acutissimus Leibnitius, cujus potissimum res agitur, si ipsi necessum visum fuerit (de quo tamen dubito) bonam causam vindicare non differet. Ultimam duntaxat aggrediar sectionem secundarum harum Considerationum, ut quod jam aliquoties facere volui, ansam habeam exponendi modum tractandi æquationes curvarum, in quibus indeterminata exponentes ingreditur. Cujus inventionem eatenus mihi attribueri fas est, quod jam ante quinquennium sponte mea eo penetraverim, Dn. Leibnitio non monente, ut ipse fatetur in Actis anni 1695, p. 314; quod utique non leve argumentum deberet esse, apud Dn. Nieuwentiit præferum valiturum, calculum differentialem exponentialibus curvis adhibitum plane nullis laborare difficultatibus. Gaudebo interim, si explicatio mea prolixior doctissimo Nieuwentiitio scopulum, quem forte in succincta nimis Leibnitiana offendit, summovertit: sin minus, pro publico tamen laborasse non pigebit.

Quantitatem elevatam ad potentiam indeterminatam (antequam hæc etiam Leibnitio considerata intellexissem) vocabam *percurrentem*, quia omnes possibiles dimensiones quasi percurrit. Hinc æquationes quantitatum hujusmodi constantes, ipsæque curvæ per illas designatæ, eodem mihi nomine veniebant. Quoniam vero *exponentialium* appellatio magno nostro Geometræ arrisit, in illius honorem hoc alterum nomen & ego asciscam, misso priori, ne, quod subinde accidit, diversa ejusdem rei denominatio Lectori consilium pariat.

Exponentialem igitur quantitatem concipiebam ut medium quid inter algebraicam & transcendente: accedit enim ad algebraicam, eo quod terminis finitis utitur indeterminatis constet; ad transcendente vero, quod nulla constructione algebraica exhiberi possit. Hinc colligere est, quam superfluous fuerit jocus Hugonii, curvas exponentiales appellando *hypertranscendentes*, cum serio potius & congrue illas nominare potuisset *hypotranscendentes*. Est enim & ipsa Logarithmica (omnium profecto transcendentium simplicissima) ex hoc curvarum genere, omnesque aliæ exponentiales
ope

ope hujus construi & earum tangentes determinari possunt, ut ex jam dicendis patebit. Tria interim sunt, quæ maxime suspensum tenent Dn. Nieuwentit, quo minus assensum tribuat. 1. *Quomodo una eademque indeterminata possit esse in curva logarithmica de applicatarum genere; & simul abscissa alterius cujusdam curva.* 2. *Quomodo ex æquatione $x^y = y$, deducatur hæc æquatio $ylx = ly$ (per lx, ly, lz &c. intelligo logarithmos ipsarum x, y, z &c.)* 3. *Quomodo lx possit esse $= \int \frac{dx}{x}$.* Hæc ergo satis alias trita, quorum originem se ignorare fatetur, ipsum edocebūt.

Esto DE (Fig. 14) axis curvæ HGF, illique perpendicularis DE, axis logarithmicæ AB; producat applicata FE, donec occurrat logarithmicæ AB in B, a quo demissa perpendicularis BC æqualis erit abscissæ DE, est autem BC applicata logarithmicæ, ergo patet, qua ratione abscissæ DE, cujuscunque curvæ HGF, possint esse de applicatarum genere, non solum in logarithmica, sed in quavis etiam aliâ curva AB, & quidem ita ut salva maneat ratio inter DE & EF, quocunque etiam modo crescat DE, sive æqualiter sive inæqualiter; adeo ut sumtis ex. gr. differentiis axis logarithmicæ Cc æqualibus, nihilominus differentialis FG ad differentialem Ee, seu ipsa FE ad subtangentelem EL, suam generalem perpetuo servet relationem. Ad demonstrandum secundum, quod ylx sit $= ly$, inspiciat, si placet, vulgares, quæ prostant, tabulas logarithmicas, quæ e vestigio ipsum docebunt, logarithmum numeri quadrati, cubi, biquadrati &c. esse duplum, tripulum, quadruplum &c. radices: unde generaliter $\log. x^y = y \log. x$

quid ergo si $x^y = y$, annon & eorum logarithmi sunt æquales, id est, $ylx = ly$? Superest tertium, quod ita ostendo; si $AD = 1 =$ subtang. & $BC =$ numero, erit ut constat, DC logarithmus ejusdem, est autem ex natura logarithmicæ subtang. in Bn $= BC$ in Cc, & per consequens $\frac{Bn}{BC} = Cc$, hinc si BC sit x, y, z &c. & DC, lx, ly, lz &c. erit $\frac{dx}{x} = \frac{dy}{y}$, $\frac{dz}{z} = \frac{dy}{y}$ &c.

TAB. III.
Fig. 14.

$\frac{dz}{z} = \frac{dx}{x} + \frac{dy}{y} + \frac{dz}{z}$ &c. $\frac{dz}{z} = \frac{dx}{x} + \frac{dy}{y} + \frac{dz}{z}$ ergo etiam summæ $\frac{dx}{x} + \frac{dy}{y} + \frac{dz}{z}$ &c. $\frac{dz}{z} = \frac{dx}{x} + \frac{dy}{y} + \frac{dz}{z}$
 $\frac{dz}{z}$, $\frac{dx}{x}$ &c. Unde satis mirari nequeo, doctis. Nieuwentijt, qui eandem fere demonstrationem sibi format, hic discrimen quærere in li-
 æris, concedendo $\frac{dy}{y} = \frac{dx}{x}$, sed dubitando an etiam $\frac{dz}{z} = \frac{dx}{x}$; quasi
 $\frac{dy}{y}$

arbitraria denominatio mutationem rei afferat. Regeret quidem, id de omnibus indeterminatis valere si absolute considerentur; sed hic x & y considerandas esse certo ad invicem respectu: ast quid tum? demonstratio generalis est & nulla conditione, nullo respectu limitata. Demonstratum enim est, quacunque ratione crescant Dc , DE seu Bc , BC ; quocumque demum appellentur nomine sive x , sive y ; sive absolute, sive respectu considerentur, perpetuo earum logarithmos esse Dc , DC . Quod autem assumatur $AD = 1$ = subtang. id compendii gratia tantum fit: quancunque enim quantitatem, quid ni ergo & subtangentem, unitati substituere ruto licet, si modo ad assumptam cæteræ omnes referantur. Discussis jam ut opinor difficultatum nebulis, venio ad ipsam exponentialium tractationem.

Quantitates exponentiales sunt diversorum graduum, quorum infimus (qui hæctenus tantum fuerat consideratus) est, quando

exponens constat indeterminatis ordinariis, ut y^m , x^n , z^p ; positum, m , n , p esse quantitates simpliciter indeterminatas. Quantitas exponentialis secundi gradus est, cum exponens ipse est quantitas exponen-

tialis ut y^{m^n} ; & sic in universum quantitas exponentialis cujuscunque gradus habet pro exponents quantitatē exponentialem gradus proxime præcedentis. Idem etiam intellige de æquationibus & curvis exponentialibus ad suos gradus referendis. Nota interim, quod si æquatio constet ex diversis diversorum graduum exponentialibus, tunc æquatio ut & curva per illam designata sortietur nomen a potiori. De quibus omnibus hæc habe:

Esto curva logarithmica quævis AB , sumtaque subtangente pro unitate, & ipsi æqualis prima applicata AD ; ordinata BC quovismodo varians, sive sit de applicatarum sive de abscissarum genere alterius cujuscunque curvæ, si modo per minima crescat, sive æqualiter sive inæqua-

inæqualiter, sit x, y, z , adeoque $DC = lx, ly, lz$; $Bn = dx, dy, dz$; $Cc = dlx, dly, dlz$, &c. Unde fluit regula generalis: *Differentiale logarithmi ut-
cumque compositi est æquale differentiali numeri diviso per numerum ut*

$$d\log xx + yy = \frac{x dx + y dy}{xx + yy}.$$

Ad differentiandam ergo quantitatem exponentialem primi

gradus m^n , fiat $m^n = t$, ergo $n m = lt$, & differentiando juxta calcu-
lum differentialem $l m d n + n d l m = d l t$, at per regulam genera-

$$\text{lem } d l m = \frac{d m}{m}, \text{ \& } d l t = \frac{d t}{t}, \text{ ideoque } \frac{n d m}{m} + l m d n = \frac{d t}{t} \text{ (ob } m^n = t \text{)}$$

$\frac{d t}{m^n}$; unde $d t$ seu $d m^n = n m^{n-1} d m + m^n l m d n$, id quod suggerit

regulam primam specialem pro exponentialibus primi gradus, pos-
sunt enim pro m & n quantitates intelligi quomodocunque ex inde-
terminatis compositæ.

Est jam exponentialis secundi gradus m^{n^p} , ponatur illa æqualis t ;
adeoque $n^p l m d n = l t$, sumtis utrobique differentialibus modo com-
muni, $n^p d l m + l m d n^p = d l t$; quoniam autem per regulam primam
specialem $d n^p = p n^{p-1} d n + n^p l n d p$, & per regulam generalem $d l m$
 $= \frac{d m}{m}$, $d l t = \frac{d t}{t}$, habebitur regula secunda specialis pro exponentia-

libus secundi gradus, quæ hæc est $d m^{n^p} = n^p m^{n^p-1} d m + p n^{p-1} m^{n^p}$
 $n^p l m d n + n^p m^{n^p} l n d p$. Eodem modo inveniuntur regulæ se-
quentes pro altiorum graduum exponentialibus. Nec difficilius dif-
ferentiantur quantitates quomodocunque ex illis compositæ, ut

$d m^n p^q = p^q d m^n + m^n d p^q$, ubi si surrogetur valor ipsarum
 $d p^q, d m^n$, modo supra inventus, prodibit differentiale quæsitum.

R

Ha-

Hactenus explicata sufficiunt pro generali exponentialium differendiandarum adumbratione: videamus paucis applicationem in uno alterove exemplo; quorum si aliam solutionem a nostra diversam tradiderit, vel saltem nostram a vero abludere demonstrarit Cl. Nieuwentiit, nobis magnus erit Apollo, cui libenter manus victas dabimus.

I. Construenda est curva, cujus natura exprimitur per hanc æquationem exponentialem $x^x = y$; ejusque tangens determinanda. Sumtis logarithmicis habetur $xlx = ly$: facta itaque logarithmica AB, cujus subtangens sit $= t = AD$, sitque DE vel BC $= x$, erit DC $= lx$; & per consequens si fiat AD. BC :: DC. DM, erit DM $= ly$, & MN $= y$, cui si æqualis applicetur EF ad abscissam DE, erit punctum F in curva optata HGF. Tangens in F determinatur sic: Per regulam primam specialem $dy = x^x dx + x^x lxdx =$ (substituto y loco x^x) $ydx + ylx dx$,

id est $y + ylx. 1 :: dy. dy :: y. subtang. = \frac{y}{1+lx}$: Hinc sumta EL tertia

proportionali ad AD + DC & AD, erit FL tangens; Quam proin terminis ordinariis, id est, finitis expressimus. Judicet jam Dn. Nieuwentiit, quo jure vehementer adeo exprobrét Celeb. Leibnitio, ac si sui oblitus nescio quod enorme crimen in Geometriam perpertrasset, dum in Nieuwentiitiana methodo (meritissime) reprehendit, quod *non exhibeat rationem dx ad dy seu subtangentiali ad ordinatam in terminis ordinariis expressam, neque adeo ductu linearum assignabilem construi possit*. Etenim per ordinarium & assignabile non solum algebraicam sed etiam transcendentem quantitatem, si modò sit finita, comprehendit Leibnitius. Circuli utique peripheria terminis algebraicis exprimi nequit, an ideo non est ordinaria seu finita? an ideo minus assignabilis, cum tamen unico ductu circini assignetur? Hanc de assignabilitate mentem fuisse Leibnitii, venari potuisset ex eodem, quem citat, Actorum loco, versa saltem pagina A. 1695, p. 315, l. 15, ubi acutissimus Author distinguit quantitatum genera in ordinarias, infinitesimas primas seu differentiales, differentio-differentiales seu infinitesimas secundas &c. manifesto certe indicio, per ordinarias nihil aliud intelligere quam quantitates finitas. Præterea fallitur Dn. Nieuwentiit, quando *rationis subtangentiali ad ordinatam expresso-*
nem

nem in terminis ordinariis (algebraicis vult dicere) impossibilem plane arbitrat, in casu quo ipsa curva æquatio in terminis ordinariis exponi nequit: Consideret, ut de possibilitate convincatur, vel solam cycloidem primariam, quæ utut transcendens, ordinata tamen ad subtangenterationem habet pure algebraicam, eam scilicet quam obtinet abscissa ad applicatam circuli genitoris, ut notum est.

Sed revertimur ad curvam nostram, cujus notabiles quasdam proprietates recensuisse non abs re erit; ideo præsertim quod summus Leibnizius eam a me ipsi primo propositam sua applicatione nequaquam indignam reputavit, quin potius occasione illorum quæ super hac aliaque materia repereram & ipsi præscriperam, ipse multa alia scitu dignissima animadverteret, mecumque vicissim communicaret. Applicatæ AG, DH, subtangens puncti G, & AD, omnes inter se & subtangenti logarithmicæ sunt æquales. Item ducta ex H applicata ad logarithmicam HP, & PR parallela ipsi HD secante curvam in O, erit OR omnium ordinarum brevissima, id est punctum O omnium curvæ punctorum minime distat ab axe DE. Habemus etiam generalem methodum quadrandi hujusmodi figuras, cui ipse Leibnizius licet consimilem invenerit pro ingenii quo pollet acumine, haud tamen facile obviam esse ultro agnovit: Hanc interim animadverto quadraturam præ omnibus aliis memorabilem, quæ ob curiosam seriem, qua exprimitur, mirifice placuit huic Geometræ: Si enim AD vel DH vel AG vocetur 1, erit spatium DA GOH = summa hujus seriei: $1 - \frac{1}{2^2} + \frac{1}{3^3} - \frac{1}{4^4} + \frac{1}{5^5} \&c.$

II. Quod si proponatur curva, cujus æquatio $xy = a$: habebitur ad logarithmos redacta $y \log x = \log a$, unde ut supra per logarithmicam factum est, elicitur curvæ constructio. Differentiando autem per reg. 1 spec. erit $x \log dy = -aydx$, id quod subtangentem determinat.

III. Esto curvæ æquatio $x^x = ay$, & proinde $x \log x = y \log a$, quod constructioni inservit: sumtis per reg. 1 spec. differentialibus obtinetur $dx + x \log dx = y \log dy$, ex quo pariter subtangentis determinatio fuit. Observatu dignum hic venit, quod hujus figuræ quadratura citra seriem possit exhiberi, est enim $sydx = \frac{x^x \log x - xx}{\log a}$

IV. Si proponeretur $a^x = y$, adeoque $x \log a = \log y$, prodiret
 $y \log x = \log y$, id est subtangens foret $\frac{1}{\log a}$ constanti; unde

concludendum æquationem propositam ipsissimæ logarithmicæ com-
 petere: unico ergo ductu calami *planam regiamque* qualem Dn.
 Nieuwentijt desiderat, *viam aperui*, *Logarithmicam hoc tempore*
nullis non cognitam ad æquationem exponentialem reducendi.

V. Esto jam Exponentialis plurium terminorum exgt. $x^x +$
 $x^2 = xy + y$: sumtis separatim differentialibus cujusque termini
 per reg. 1 spec. reperietur $dx^x = x^x dx + x^x \log x dx$, $dx^2 = 2x dx$, $dx^y = yx^{y-1} dx$, $dx^y = yx^{y-1} dx + x^y \log x dx$, quæ rite disposita dabunt æquationem hanc
 $x^x dx + x^x \log x dx + 2x dx = yx^{y-1} dx + x^y \log x dx + dy$; factò
 itaque ut dy ad dx , id est, ut $x^x + x^x \log x + 2x = yx^{y-1} + x^y \log x$ ad $x^y \log x$
 $+ 1$, ita y ad quartam, erit hæc quarta subtangens quæsitæ curvæ
 propositæ: Nota interim quod multitudo terminorum constructio-
 nem plane non impediat, cum enim mediante logarithmica singu-
 lis seorsim assignari possit quantitas æqualis, patet utique quantita-
 tes istas hoc modo assignatas & summi sumtas formare illam ipsam,
 quæ quæritur.

Exempla huc usque allata abunde illustrabunt processum in-
 stituendum in aliis primi gradus exponentialibus, exque illis haud
 difficulter perspicitur, quomodo methodus applicanda sit ad altiores
 gradus; in omnibus enim par operandi ratio observanda est: quam
 si Nob. Hugenius tantæ raritatis & insolentiæ deprehendit, ut non
 nisi ægre admiserit, jam sane si etiamnum in vivis esset, haud ægrius
 esset admissurus quam ipsum calculum differentialem, quem ab ini-
 tio mediocriter satis, postea vero perspecto insigni ejus usu tanti æsti-
 mabat, ut ejus præstantiam & probitatem ultro agnoscere & palam
 profiteri non fuerit dedignatus; ceu liquet ex iis, quæ exhibuit in Actis
 an. 1693, p. 475, ubi ipse ingenue asserit occasione mei in eodem an-
 no propositi problematis se ad tales Geometriæ subtilitates pervenis-
 se ope calculi differentialis, ad quas sine illo vix admittus fuisset.
 Tanti itaque Viri libera confessio invitare deberet Doct. Dn. Nieu-

wen-

wentit ad similem ingenuitatem, vel siquidem illius autoritate uti velit, ut id faciat ad amplectendum potius quam ad labefactandum nostram analysin.

HISTORIA DELLA REPUBBLICA VENETA.

Hoc est:

HISTORIA REIPUBLICÆ VENETÆ AUTORE

MICHAËLE FOSCARINO Senatore.

Venetis, apud Combium & La Nou, 1696. in 4. Alph. 2. pl. 19.

Eorum quidem bellorum, quæ cum Christiani nominis hostibus Turcis Europæi Principes per duo, & quod excurrit, secula gesserunt, Serenissima Venetorum Respublica pars non exigua fuit, postquam nimirum isti longe lateque arma sua circumferre, & Archipelagum Græciamque subjugare, ac ulterioribus deinde regionibus ingruentes ipsius sinibus appropinquare cœperunt. Neque est tamen ullum ex illis, in quo fortuna magis secunda eadem usa sit, quam quod hodiernum geritur; quippe quo auspicii Francisci Mauritoceni fortissimi imperatoris universa Peloponnesus in ejus potestatem fuit redacta. Illud bellum quomodo cœperit A. 1683; quomodo, cum obsessa a Turcis Vienna, Morlachisque in eorum regionibus prædatum excurrentibus, occasio daretur barbaris gravissima quæque Venetis minandi, iidem tutius rati prævenire ejus insultus, fœdus fecerint cum Leopoldo Imperatore Augustissimo ac Rege Poloniæ; quæque deinceps gloriose acta fuerint a Sociis, decanti ordine exponit in hoc libro *Michael Foscarinus* illustre Veneti Senatus membrum: ita ut simul, quem finem habuerit gestum per viginti & quatuor annos in Candia bellum, quæque post conclusam pacem ab A. 1669 porro obvenerint notatu digna, strictim ac breviter tribus prioribus libris exponat. Substitit vero in anno labentis seculi nonagesimo, mortuus quippe biennio post, ac fato adeo prohibitus, quo minus pertexeret omnem præsentis belli historiam ac explicaret.

HISTOIRE DE DOM ANTOINE ROY DE PORTUGAL &c.

Id est:

HISTORIA ANTONII REGIS LUSITANIÆ.

Amstelodami, apud Lud. de Lorme & Steph. Roger, 1696. in 12. pl. 7½.

R 3

Quam

Quam non semper consiliis respondeat eventus, cum quotidie novis edocemur exemplis, tum præcipue superiori ævo illustris illa, sed funesta, Sebastiani Portugalliae Regis in Africam suscepta expeditio, luculentissime comprobavit. In qua postquam Rex ipse cum exercitu florentissimo periisset, rerum summæ quidem admotus in Portugallia est Henricus Cardinalis, ejus patruus magnus, sed qui prole destitutus, & ob decrepitam ætatem morti proximus, cæteris, qui regnum sibi deberi contendebant, spem succedendi adimeræ non poterat. Hos inter & Antonius erat Prior Cratensis, Ludovici de Beja filius, Emanuelis Portugalliae Regis nepos. Ex illegitimo thoro eum natum fuisse, plerique asserunt. Sed secus sentit, quæ hanc historiam composuit, & inter feminas scriptis claras hoc ipso locum promeruit. Matrem Antonii Ludovico, clandestino quidem, vero tamen & legitimo matrimonio junctam fuisse contendit, & documentis variis etiam comprobat. Laudat insuper præclaram Antonii indolem, & quanto iniquiorem fortunam expertus est, tanto eum digniorem, qui regnaret, fuisse affirmat. Ut enim (ita porro censet) causæ justitiæ Philippo multum fuit superior, ita potentia viribusque inferior fuit, & prælio victus, regnoque excedere coactus, frustra, quamvis & Galliae Regis & Elisabethæ quoque Angliæ Reginae auxiliis adjutus, illud recuperare annisus est. Hæc omnia prolixius edidit, & subinde epistolas, quæ in ejus inciderunt manus, ad rem omnem illustrandam & comprobandam inspergit. Hinc quæ filiorum Antonii, Christophori, & Emanuelis, ejusque ex Emanuele nepotis Ludovici, fata fuerint, indicat. Ut vero inter omnes, quos adversæ fortunæ comites habuit Antonius, & fide & fortitudine maxime conspicui fuerunt, Scipio Vasconcellos de Figueredo, & Gomesius Vasconcellos de Figueredo, fratres, non minus generis nobilitate, quam factis præclaris virtutibusque clari: ita magnam quoque historiæ hujus partem vita horum & res fortiter gestæ occupant. Et de Scipione quidem observat, eos magnopere falli, qui ex insula Tercera, cui præerat, ideo ab Antonio eum evocatum putant, quod de ejus in se fide dubitaret; secus enim se rem habere, ipsius Antonii literis evincit, Tacemus alia ex libello ipso ab harum rerum cupidis haurienda.

ANALYSE DES INFINIMENT PETITS , POUR
l' intelligence des lignes courbes.

Hoc est :

*ANALYSIS INFINITE PARVORUM , AD LINEARUM CUR-
varum naturam intelligendam inferuienti.*

Parisius, ex typographia Regia, 1696, in 4, plag. 25;

Tab. æriincis. II.

Quamvis præclare suam ponant operam, qui reconditos scientiæ mathematicæ thesauros in publicam proferunt lucem, omniumque exponunt usui; longe tamen majori beneficio sibi literariam devinciunt rempublicam, qui non solum aditum ad illas divitias intentato quasi digito monstrant, sed novas quoque investigant vias ad penetralia matheseos sine circuitu ducentes, vel etiam easdem nobis muniant. Id quod egregie jam præstitit illustrissimus Marchio *Hospitalius*, dum *Analysin* infinitorum, a celeberrimo ejus inventore strictius propositam in *Actis* Erudit. anni 1684, p. 467 sq. & a paucissimis rite intellectam, doctissima commentatione illustravit; cum, quanta esset hujus præ *Cartesii*, *Barrovii* aliorumque in hoc genere inventis præstantia, perspexisset. Tam late enim pater ejus utilitas, ut cum ordinariis tum transcendentibus conveniat curvis, neque illam morentur signa radicalia, aut quantitatum indeterminatarum numerus, sed ad infinitum ipsum se extendat, comparando differentias infinite parvas quantitatum finitarum, imo ultra infinitum, si ita loqui fas est, porrigatur, dum detegit rationes, quas habent differentiæ differentiarum infinite parvarum, seu differentiæ secundæ, & harum denuo differentiæ, tertiæ nimirum, & sic porro. Exposuit autem Vir genere pariter ac eruditione summa insignis, primam hac vice tantum *Methodi Leibnitiana* partem, seu calculum differentialem, docuitque, quomodo ab integris magnitudinibus descendendum sit ad illarum differentias infinite parvas, cujuscunque sint generis; alterius vero partis, seu calculi summatorii aut integralis, (ubi ostenditur, quomodo ab infinite parvis ad magnitudines, ad quas pertinent, adscendendum sit) editionem suppressit, cum ex Dn. G. G. L. literis certior fuisset redditus, cum admovisset manum ad elaborandam *Scientiam infiniti*;

infiniti: ne fortassis publicum opere defraudaret, quod comprehensurum est problemata maxime ardua & curiosa circa methodum tangentium inversam, curvarum rectificationes, quadraturas curvilinearum spatiorum, centrorum gravitatis inventionem, & id genus alia. Idem candide fatetur, plurimum se profecisse *inventis Leibnitianis ac Bernoullianis*, multumque se imprimis *Cl. Bernoullio juniori*, Professori Mathematicum Groningensi, debere. Ipsum opus *decem* absolvitur *sectionibus*, in quarum *prima*, retento characteristico Leibnitiano, quia calculum expeditiorem reddit, regulæ calculi differentialis traduntur, præmissis duabus hypothesebus: Quantitatum nimirum, quarum differentia infinite parva est, alteram pro altera assumi posse; & curvam lineam posse considerari tanquam compositam ex infinitis rectis iisque singulis infinite parvis, seu, ut peripheriam polygoni infinitorum & infinite parvorum laterum, quæ angulis, quos constituunt, curvaturam lineæ determinant. *Secunda* in sectione usus calculi differentialis ostenditur, in tangentibus curvarum algebraicarum pariter ac transcendentium investigandis, & speciatim demonstratur modus determinandi tangentes curvarum, quæ ex focus describuntur, cujus ideam primum in Medicina mentis proposuit illustris Dn. D. T., auxit ex consideratione centri gravitatis Duillierius, perfecit nunc Autor illustrissimus. Sectione *tertia* calculus differentialis adhibetur ad inveniendâ maxima & minima; *quarta* vero calculus differentio-differentialis explicatur, ejusque usus ostenditur in indagando puncto recursus & flexus contrarii linearum curvarum. Sectione *quinta* calculus Leibnitianus applicatur ad curvarum evolutiones; *sexta* & *septima* ad inveniendas causticas, cum ex reflexione, tum ex refractione oriundas; *octava* ad recipiendâ puncta curvarum, quæ tangunt quocunque positione datas rectas aut curvas lineas. Sectione *nona* solutio exhibetur problematum nonnullorum illustrium dependentium ex methodis præcedentibus; *decima* vero a priori ostenditur *methodus Cartesiana & Huddeniana*, particularis illa tamen, nec cum supra explicata conferenda; cum spectet tantum ad curvas ordinarias, & incommensurabilium sublationem, quæ sæpe numero tædiosissima est, requirat. Construxerat quoque eruditissimus Auctor unam adhuc addere sectionem, expositurus in eadem admirandum hujus calculi usum in Physicis, quantum scilicet ille conducatur

ducatur ad eam magis limandam, & quantum mechanice hinc possit utilitatis recipere: sed morbo præpeditus destitit a proposito, alio tempore cum scœnore illam publico impertiturus. Quod ut quamprimum faciat, neque diutius premat alteram hujus Analyseos partem, Marchionem generosissimum omnium illorum nomine rogamus, qui in ejus scriptis singularem cum mira perspicuitate conjunctam doctrinam inspicunt; sperantes non exiguum redundaturum in orbem literarum commodum, si plures eruditione excellentes Viri in eodem argumento illustrando versentur; præsertim cum illustri nostro Leibnitio, plurimis summorum Principum negotiis distracto, illa quæ affecta habet egregia quam plurima, tam cito, quam vellet ipsique optamus, absolvere vix liceat.

*MARQUARDI GUDII ET DOCTORUM VIRO-
RUM ALIORUM ad eam Epistola. Quibus accedunt ex bibliotheca Gudiana doctorum vi-
rorum quorundam, qui superiore & nostro seculo floruerunt, & CLAU-
DII SARRAVII Epistola ex eadem bibliotheca auctiores;
curante PETRO BURMANNO.*

Ultrajeſti, apud Fr. Halmam & Gul. vande Water, 1697. in 4.
3. alph. 21. plag.

MArquardus Gudius, Vir cum eruditionis fama, tum dignitate, dum viveret, illustris, quum Galliam Italiamque anno seculi hujus M DC LX & sequentibus perlustraret, nobili fortunatoque juveni Scialſio (a quo præclara in ipsum derivata hæreditas fortunas ejus nimium quantum auxit & amplificavit) rector comesque additus, cum sibi præ cæteris fructum eruditæ peregrinationis proposuit, ut quoscunque liceret, codices manuscriptos, aliaque doctorum virorum monumenta inedita, e latebris suis erueret, & quocunque sibi pretio vindicaret, nulli hac in re labori parcens nec sumtui, & vel Cræſos animosa emtione provocans; uti ipse studium hoc suum exaggerat Heinſio epistola, quæ est inter Gudianas septima p. 9. Neque successus destituit diligentiam sagacissimi Viri, qui tot manuscriptorum cimeliisque literariis auctus, & tanquam spoliis opimis onustus, domum rediit; ut hac ex parte ipsius bibliotheca, alioquin omnis generis melioribus libris instructissima, privatarum sortem longe superaret,

raret, & regiarum propè fortunam adæquaret. In cætera vèro eruditæ elegantix suppellectile, ingentem copiam literarum, a viris doctis hujus & superioris seculi scriptarum, congestam asservari, pridem monuerat Morhofius Polyhist. Lib. 1. cap. 25: Quas quidem ipse, qui collegit, in lucem publicam proferre decreverat; sed civilibus negotiis distractus, quibus instar Wowerii a Cimbrorum Duce & Danicæ Rege admotus fuit, & demum anno 1689 fato functus, non magis illas publico impertiri, quam reliquas lucubrationes suas inchoatas aut promissas perficere & absolvere, potuit. Ast bonum factum! Et epistolæ illæ ex Gudianis copiis, & quæ ad Phædrum recensendum atque illustrandum Vir doctissimus in schedis notaverat, in celeberrimi Grævii manus inciderunt: cujus adeo beneficio & Phædrus ille Gudianus tam diu expetitus propediem videbit lucem, & epistolas istas non minus desideratas legere jam contigit; curam illis edendis adhibentis doctissimo Petro Burmanno, cui non inficiando disciplinæ suæ alumno, felicissimi ingenii & eloquentiæ excultæ, has vices delegaverat gravioribus in salutem & decus rei literariæ distentis occupationibus Grævius. Non dissimulat Editor, hanc epistolarum collectionem minime respondere expectationi, quam de illis commoverat Morhofius; sed quum plures ad se pervenisse aut in Grævii forulis latere neget, hoc contenti simus Catone; & gratiam iis habeamus, qui istas nobis non inviderunt, quarum lectione desiderium reliquarum tantisper solemur, dum & reliquæ in pluteis Gudianis delitescentes, a Morhofio visæ; perruptis clathris publicam aspiciant lucem.

Distributæ vero sunt epistolæ, volumine hoc comprehensæ, in tres veluti ordines. Primum occupant ipsius Gudii; alterum, quæ ad Gudium scriptæ; postremum variæ doctorum virorum e bibliotheca Gudiana depromptæ. Succedit appendix epistolarum, quas partim in Scipionis Gentilis literaria suppellectile repertas, partim aliunde petitas, cum Burmanno amici communicarunt: Denique nova hic spectatur epistolarum Claudii Sarravii editio, eaque expletis è Gudiano codice lacunis, quas editor filius Isaacus Sarravius anno 1654, ne quem offenderet, de industria reliquerat, auctior & integrior. Ex singulis, quæ quidem primum nunc evulgantur, (nam Sarravianæ, doctorum manibus pridem tritæ, nostrum non requirunt recensum) speciminis loco, pro instituti ratione, pauca veluti in gustum apponemus.

E Gu-

E Gudianis, quæ perpauca sunt, discimus, Gudium, quum Amstelodamiageret, a Consulibus potentissimæ illius urbis invitatum fuisse, ut Animadversiones Blondelianas in Annales Baronii curaret: sed quum in eo esset, ut laborem hunc aggrediretur, commendatione Gronovii admotum fuisse spei nobilis ac opulentissimi juvenis Sam. Sciasii, quem per Galliam, Italiam, aliasque Europæ regiones peregrinantem præfectus morum studiorumque comitaretur. Quo in itinere Lutetiam Parisiorum delatus, in gratiam Menagii, quem incedendo Diogene Laertio occupatum offenderat, loca quædam illius scriptoris emendavit vel illustravit epistolis, quæ quod serius a Menagii manuscriptorum hærede Hervæo Petro Simone Valheberto transmissæ essent, in calce præfationis leguntur, & ab ipso Menagio suis in Diogenem animadversionibus maxima ex parte sunt insertæ. Ad eundem de scriptis Theophrasti, Platonis commentatoribus vetustis, Platoni *ἑμῶν μοις* quatuordecim, ejus ætate, fratribus tribus, peregrinatione in Ægyptum & ad Hebræos, in prima & tribus ei præmissis, Præfationi subjectis, epistolis differit. Nicolao Heinio in septima eaque prolixa & bonæ frugis plenissima epistola, inter alia expouit, in quæ inciderit vetera monumenta, quantaque cura & quanto sumtu veteres bonæ fidei codices conquirat, imprimis quanto ducatur studio inscriptionum veterum, persuasus ex omni antiquariorum suppellectile has plurimum lucis Romanis scriptoribus inferre; quarum adeo ineditarum aliquot millia se collegisse memorat, e quibus Gruteri volumen infinitis locis emendarit. De Tanaquillo Fabro, ejusque editione Phædri, minus præclare sentit: de suo autem in Phædri fabulas studio multa pollicetur; Livio etiam Gronoviano subsidia haud contemnenda promittit. Amicos non ambitiose colendos, aut morose exigenda præstandave his officia, eleganter docet. Ex itinere in Belgium reduci Daventrienses munus Professorium in schola sua obtulisse narrat, quod gratis actis modeste sibi recusandum statuit. Jo. Jonsii, eruditissimi viri & edito de Scriptoribus historię philosophicæ libro celeberrimi, mortem acerbè deflet. Ad Ferdinandum Episcopum Paderbornensem & Monasteriensem, doctrinæ fama & elegantioris literaturæ cultu longe illustrissimum, elegantē epistola laudes ejus exequitur, carminum dulcedinem ipsi nativum celebrat, & Hippolyti martyris de Anti-Christo editum a se Parisius

Ep. XXX.

P. 24.

p. 8. 9.

p. 10.

p. 7. 8.

p. 8.

p. 9.

Ep. 10.

Ep. 12. 17. 18.

Ep. 13.

Ep. 14.

- Ep. 15. libellum mittit. Cui epistolæ responſoria Ferdinandi ſubjicitur. Cimbriæ ſuz infelicem ſtatum, & res ſuas inde afflictas, quæritur; potiorẽ tamen literarum quàm aulæ curam gerere ſe velle pronũciat; iſtarumque tantum ſibi amorem eſſe proſitetur, ut niſi cum ipſa vita eum ſit depoſiturus, & ſi vacare iis liceat, Cræſſum ſe divitiis ſuperare exiſtimet, atque aliis omnia libenter relinquere velit. Interiorum harum literarum amorem communem artiſſima etiam ſummæ conjunctionis inter ſe & Grævium vincula conſtrinxiffe affirmat.
- Ep. 2. In iis, quæ ad Gudium ſcriptæ ſunt, quæ numerum Gudianiũrum non multum excedunt, ſed raro iis reſpondent, Reineſius Gudiodi adhuc Jenæ literis operanti indicat Scriptores, qui de cultu reliquiarum Sanctorum ſint commentati. Boſius vero Gudium Amſtelodami agentem admonet, ut de Clinicis veteris Eccleſiæ diſſertationem perficiat, cujus prior pars, præſide ipſo, Jenæ anno 1657 publicè diſquiſitioni expoſita fuerat. Idem Boſius H. Voſſii diatriben de ætate mundi ſibi non probari ſignificat; cujus quidem iſtud ingenium eamque eruditionem agnoſcit, ut, ſi voluiſſet, non patre modo Joanne Gefardo, ſed & Salmaſio, major eſſe potuiſſet, verum ſubaudaculum eum & confidentiorem eſſe ait, quàm par ſit, in aſſerendis de quibus cordatiores dubitant. Grævius multa novæ literaria Gudiodi indicat, & inter alia Thüaneam bibliothecam (cujus indices a Bulliardo contexti extant) viliori pretio venditam eſſe nũciat, quàm voluminum involucria Thuano conſtiterint. Communicat eidem quatuor inſcriptiones, quarum tamen primam in Luſcitiam pro genuina non agnoſcit, & concinnioreẽ eſſe quàm pro veterum gravitate, adeoque à recentiore manti cohiſtam, cenſet Gudius. Marcus Meibomius indicat, ſe, ex quo veterum Muſicorum gemina publicaverit volumina, Ptolemæum, cum abſtruſiore Muſicæ ſcientia, tum ſtyli obſcuritate difficillimum ſcriptorem, utpote Ægyptium, explicatum difficilibus locis, & ſexcentis reſtitutum, aſſervare. Horbius a Juſtello ſe ait deterritum, quo minus Hæteſeon hiftoriam contexat, quæ e paucis ac erroneis Patrum ſcriptis nulla *αὐτοῖς* erui poſſit: ſe tamen verſari in Neſtorianis, & Lutheri de Conciliis librum, in quo Cyrillum damnari, Neſtorium probari, tueri. De formula *dimidio plus minuve*, quem ſenſum habeat, Jac. Holſtius diſquirit.
- Ep. 29. Magliabechius inter alia ſignificat, Elzevirio conſtitutum eſſe, Dictio-
narium

narium Italicum della Crusca, seu Furfuratorum, recudere quam nitidissime; quod tamen morte forsitan ipsius interceptum non contigit. Schefferus ad Rachelium (hæc enim epistola in hanc classem est relata, qua sibi Gudium conciliari petit) postquam quales sint ipsius in Ciceronis Officia annotationes perscripserat, Wolsium notat, qui Ciceroni sæpe affinxerit, de quibus ne per somnium quidem cogitarit. Bigotius Tanaquilum Fabrum, bibliotheca sua vendita, ad onum & tranquillitatem muneris sui professorii se contulisse: Homilias Chrysostomi in Johannem, a Burgundione cive Pisano in Latinam linguam translata, ut eo labore redimeret animam filii Hugolini, mortui in itinere Constantinopolitano anno 1178, manuscriptas extare in bibliotheca Ultrajectina: in omnibus Plutarchi editionibus se multum desiderare: Combessium majori volumini Hippolyti martyris de Antichristo librum a Gudio anno 1661 editum inseruisse, narrat. Oldenburgius notas Gudii in Scriptores Geoponicos, & Etymologicon Photii ejus cura recensitum, (cujus etiam Goësius mentionem fecerat ep. 24. p. 62.) memorat.

Succedunt epistolæ a Gudio collectæ, & ex ejus bibliotheca depromptæ, quinque & sexaginta supra ducentas; in quibus multæ a doctis in Italia viris superiori ævo exarata: quorum magna quidem in literas extitere merita, sed nonnullorum memoria sic exolevit, ut notorem hodie desiderant. Cujus vicem doctissimus Editor præfando subivit, & quicquid illis agnoscendis faciebat, diligenter indagatum protulit. Agmen earum ducunt Alciati doctissimi Jurisconsulti epistolæ XXVI, ad Franciscum Calvum typographum Romanum; quo ita familiariter usum esse apparet Alciatum, ut nec intima animi sensa illi credere dubitaret, fratris eum loco se habere professus p. 76. Hinc non prohibet ab eo disseminari, de se Patavium aut Bononiam avocando agi, ut Avenionenses augeant stipendium. Docebat enim, quum hæc scriberet, Avenione stipendio sexcentorum aureorum, sæpe octingentis & amplius auditoribus stipatus. Postea ad Biruriges eundem vocatum stipendio millium solarium discimus, quum trigessimum septimum ætatis annum ageret. Incitatus a Calvo ut adversus Lutherum scribat, oneri se imparem esse fatetur; alibi fortasse publice interessè censet, esse aliquem qui tantam licentiam coerceat, & qui etiam injusta defendat, ut saltem justa obtineantur. Orationem

Ep. 22.

Ep. 35.

Ep. 39.

Ep. 3.
& 16.

Ep. 23.

Ep. 8.

Ep. 9.

- vero Alciati illam, quam Calvo creditam, & ab eo cum Germanis, Ep. 35. & 6. Amorbachio, Frobenio & Erasmo, communicatam vehementer indignatur, veritus ne typorum beneficio in publicam lucem exponeretur, non aliam esse, quam eam Epistolam (quo nomine etiam p. 82. eam appellat) ad Matthiam Minoritam de vita monastica fugienda scriptam, quam superiore anno clar. Antonius Matthæus evulgavit, (recensitam a nobis mense Junio præteriti 1696 anni p. 290) jam vidit monuitque Editor: eandemque a Beato Rhenano innui existimamus, quum ad eundem Calvum scribit: *Mitte Cucullomastiga, nostri cujus.* Post Alciati epistolas Marii Nizolii ad Majoragium datæ leguntur literæ, a Morhofio quoque in Polyhistoræ memoratæ, quibus ob Antiparadoxa edita reprehensus Majoragius ita fuit commotus, ut Reprehensionum libros in Nizolium scriberet. Quas doctorum hominum lites componere allaboravi Seb. Corradus, duabus in hanc rem epistolis Italice scriptis, Hieron. Cardanus de afflicta re sua familiariter queritur, literis erudiendi filii sollicitus. Jovium graviter monet Ben. Theocrenus, ut, quicquid scripturus sit posteris, cum ipsa veritate, cujus personam rerum scriptor induit, prorsus consentiat, ne quid amoris neve odio quid datum deprehendatur. Festivum vero est, quod Erasmus mitigando Petrus Curtius, rhetori Romano, scribit, (quæ epistola etiam in Londinensi Erasmarum Epistolarum volumine Lib. 30. ep. 68. p. 1954. legitur) qui *Italum* in Chiliad. II. cent. I. proverbio 7. imbellem dictum indignabatur, quod id typographi sit peccatum, qui ex *Attalo*, quem Erasmus scripserat, fecerit *Italum*. Qua occasione graviolem & longe turpiorem errorem in libris suis dolo malo typographi admissum commemorat. Nam quum is xenia non recte sibi ab Erasmo soluta doleret, in libro quem *Vidua* inscripserat, Reginæ Hungariæ dicato, ubi Erasmus scripserat *mente illa usam eam* (Reginam) *semper fuisse, quæ saltem feminam deceret*; ipsum loco *mentis illa* reposuisse *mentula*, sensu obscenissimo, quem trecentorum aureorum jactura redimere & delere maluerit Erasmus. Laocoontis cum liberis draconibusque mirabili nexu implicitis statuam, Plinio memoratam, stupendi artificii opus, in ruinis ædium Titi Imp. repertam fuisse Triulcius Pomponio fratri narrat: neque tamen ex uno lapide confectam, quod Plinius censuit, sed plus minus quatuor compaginibus occulte ferruminata

nam circumlitamque esse; monet. Plures etiam extant Jo. Oporini, elari doctique Basileensium typographi, ad Franc. Cicerinum per-
 scriptæ epistolæ, e quibus multa ad typographiæ rei que adeo libra-
 riæ rationem attinentia disci possunt, ejusque eruditi librarii erga Ma-
 joragii scripta impensum cognosci studium. Julius Pflugius (quem
 Alciatus p. 82. 92. *Aratum* dixerat) in epistola gratulatoria ad Cardina-
 nem quendam (quem Nicolaum Schonbergium e Nobilitate Misnia-
 ca fuisse conjicimus) accurate scripta, Cardinali consentit, in Synodis
 nullam esse spem faciendæ concordiæ ecclesiasticæ, tollendique
 schismatis; agnoscitque operam potius dandam, ut vitia tollantur ex
 ecclesiis, revocataque disciplina veteri Deus a nobis vere ac pie cola-
 tur. Sed missis veteribus præteriti sæculi epistolis, progrediamur ad
 propiores ætati nostræ & recentiores hujus sæculi eruditorum literas
 & penu Gudiana depromtas. In quibus Dominicus Molinus epistola
 Italica ad Meursium data conqueritur, bibliothecam Veneram a Le-
 gato Hispanico Hurtado Mendoza esse compilatam, & optima Græ-
 ca manuscripta a Cardinale Benevone (forte *Bessarione*) huic relictæ,
 in Hispaniam aucta, ibi in regia bibliotheca Scorialensi conspici. Gra-
 vis est querela, quam pium Theod. Canteri pectus in sinum Meursii
 de collapsa Christianorum pietate ac probitate, quæ major apud Gen-
 tiles & potissimum Romanos veteres fuerit, effundit. Liphium Ley-
 Torrentius gravissima elegantissimaque epistola (quæ etiam in XII
 Decadibus epistolarum Lipsii in Centuriis omissarum, a Jo. Isacio Pon-
 tano Hardervici 1621 editis, p. 129. seqq. legitur) hortatur, ut ex sa-
 crarum literarum potius disciplina, quam gentilium Stoicorum placi-
 tis morum doctrinam efformet. Kirchmanno Gruterus multa sug-
 gerit libro de Funeribus Rom. inservientia; Casellii scripta a Tengnagelio
 collecta studiose, ut Kirchmannus edat, eum hortatur; eam
 tamen provinciam Contr. Horneio jam demandatam ab Augusto Du-
 ce Brunsvicensi monet; Discursus suos in Tacitum Baudio displicere
 nil curat; Plautum sub Taubmanni nomine a se edi narrat. Goldastus
 in Epistola ad Goth. Jungermannum Etymologici, quod Magnum
 vulgo dicitur, auctorem esse quendam Megalum, inque MSS. cõ-
 stanter reperiri scriptum, *Ετυμολογικὸν τῷ Μεγάλῳ γραμματικῷ*.
 Daniel Heinssius, se exuisse affinis sui Rutgersii in Suecia defuncti
 hæredem, ipse proficitur. Piccartus queritur, præstanti ingenio ju-
 venies,

Ep. 77. seqq.

Ep. 107.

Ep. 46.

Ep. 99.

Ep. 115.

Ep. 116.

seqq.

Ep. 121.

Ep. 125.

Ep. 123.

Ep. 124.

Ep. 153.

Ep. 150.

Ep. 183.

- venes, in quibus Mart. Ruarus, ab Ern. Sonero fuisse corruptos, & Socini erroribus, quos ab Arminio is hauserit, infectos; quorum quidam a Senatu Norimbergensi carcere multati fuerint, alii Wittembergam, Jenam & Helmstadium se contulerint, ut plures in partes traherent; Ruarum coctui eorum museum commodasse, in quo sacramentose invicem obstrinxerint; libros autem eorum publice esse concrematos, interveniente voce præconis, quæ impietatem illam dejerarit, & omnes ejus impietatis fautores complicesque ditione Norica brevi excedere jussit. Idem Piccartus, post absolutos Observationum historico-poliicarum libros, Lexicon criticum se moliri profitetur. Josephus Scaliger Gifanium accusat plagii, qui literas amicorum, ex quibus aliquid didicerit, se accepisse negare consueverit, ut ea sibi posset arrogare. Fuisse addit hominem doctiorem quam probiorem, cujus doctrinam probet, mores exsecratur. Plura ex reliquorum doctorum virorum, Georgii Remi, Jani Rutgerii, Gothofredi Jungermanni, Conr. Rittershusii, Chr. Coleri, Jo. Caselii, Jo. Wowerii, Jo. Meursii, Fr. Lindenbergii, Jani Gebhardi, Th. Reinesii, Jo. Fr. Gronovii, Is. Vossii, Marqu. Freheri, & aliorum epistolis delibare angustia propositi nostri vetat; nec diutius Lectorem moramur, qui multa scitu non indigna ex ipsis eo jucundius discet, quod præter Latinitatis, in diversa quamvis orationis forma, nativam puramque indolem, *ne* *h* *g* *g* scribentium, quod maxime delectat, in iis perspiciet. Nec de *Sarravianis* ut quicquam commoremur, opus fuerit, quum in iis, jam quadraginta & plures ante annos editis, nunc e Gudjana bibliotheca lacunas modo, ab editore filio Isaaco, ut viventium parceret nominibus, relictas, expleras intelligamus; quas in suo exemplari Gudius, qui autographas Lutetiæ Parisiorum inspexerat, adjectis quæ in his deprehenderat verbis, restituit. Expectamus jam avide, quæ has proxime excipient, *Salmasianis*, quas e literaria penu Guil. Anslarii acceptas Schalbruggium prælo paratas habere, editor harum doctissimus Burmannus confirmat.

ERRATA.

In Actis anni superioris pag. 149. lin. 10. 11. pro *propriis* lege *rioribus*. lin. 13. pro *a se lege a quibusdam*. In Actis anni mensisquæ præsentis pag. 104. lin. 4. pro *Rex & Senatus*, lege *Admini-
strator & Senatus*.

* *

ACTA ERUDITORUM

Publicata Lipsiæ

Calendis Aprilis, Anno M DC XCVII.

JOANNIS SCHILTERI CODEX JURIS ALEMANNICI FEUDALIS, cum Commentario ad singula capitula, ac Dissertationibus nonnullis huc pertinentibus. Accedunt ANTONII MINUCCHII de Prato Veteri libri sex de Feudis, & bibliotheca Parisiensis primum editi: item

BARTHOL. BARATERII libellus feudorum reformatus, & ANTONII

DADINI ALTESERRÆ de origine & statu feudorum pro moribus Gallia liber singularis.

Argentorati, apud Fridericum Spoor, 1696. in 4. Alph. 10. pl. 7.

Magna sunt hujus Viri merita erga utramque & publicam & rem literariam, quæ nos prædicamus in vivo, quæque post fata non reticebunt posteri. Si ad studia prudentiæ civilis maxime attendimus, nulla prope in his pars est, quam non dederit explicatiorem, per justa systemata, & commentarios. In singulis ad usum spectat hodiernum, ita tamen ut satisfaciatur lectori suo propter varias quoque observationes, ac digressiones eruditas, ad rem præsentem facientes. Obtrinet inter tam præclara ingenii monumenta locum non postremum codex ejus juris feudalis Alemannici, cum commentario: quem cum aliis ejusdem argumenti operibus, ibidem conjunctis, paulo uberius quam soliti alias sumus, nunc enarrabimus.

Præmittit ad notitiam pleniorẽ hujus juris præfationem, in qua de antiquitate illius, de utilitate & auctoritate in causis feudali-bus dijudicandis ac decidendis agit. Quoniam vero per consuetudines, inter diversos populos, jus feudale invaluit præcipue, fontes aperit §. 3, unde vel indagari rectius id ipsum, vel reduci atque corrivari majore cum fide & integritate possit. Ne tamen in limine sta-

T

tim,

tim, de nomine ac gente Alemannorum incerti essemus, eos describit in patria ac solo natali; item quo jure in feudalibus usi sint ab initio, proprio nimirum; non aliunde sumto & accepto; item quod successu temporis in scripturam sit redactum. Probat hoc ex potestate constituentium, ac postquam semel ita constitutum fuerat, ex libris judicialibus feudorum, positis in curiis dominorum; patria lingua scriptis, & ad usum perpetuum diligentissime adservatis. Sic vero per occasionem, ac velut in transitu, de lingua vernacula nostra, de forma litterarum ac scriptura majorum differit: quæ singula, uberius diducta, in glossario Germanico; cuius fecit spem nobis, ecclesiæ aspirante gratia dabit. Qui successerunt in Imperio Carolingis, eos non pauca addidisse §. 15 ostendit, in comitiis præsertim Noribergensibus, quorum in codicis rubrica mentio facta est. Hinc vero docet, auctoritatem juris hujus renovati, ac per res judicatas, tanquam per supplementa aucti, non ex sola constituentium potestate, sed ex modo pariter constituendi, & more antiquo in comitiis recepto, æstimaendam esse. Tempus comitiorum istorum statuit in titulo operis annum, post Christum natum, c10 cc iv; in præfatione autem §. cit. 15 & 17. annum demonstrat c10 ccviii, ac per testimonia historicorum confirmat: quia tunc post necem Philippi, Otto in comitiis procerum animos conciliare sibi facilius poterat, legibus prioribus in patria stabilitis, & additis necessariis aliis. Hisce satis discussis, progreditur ad jus feudale Saxonicum, & id Alemannico recentius tradit per indubitatas rationes. Pergit mox ad jus feudorum commune Longobardicum; quod Alemannico vel ideo præferri non posse ait, quia tantum in subsidium hujus receptum est. Sub finem præfationis ostendit, quinam sint meliores juris feudalis Alemannici codices, tam manu exarati, quam typis exscripti, qualis orthographia sit in illis, ac translatio in sermonem Latinum? Singulis istis probe expensis, contextum undique emendatum subjungit, additis in margine variis lectionibus & concordantiis; quas ita vocant, juris feudalis Saxonici veteris ac Longobardici; ex quibus judicandum rectissime, de convenientia ac differentia consuetudinum feudalium. Prius vero quam hinc transivimus, ad capitula singula in commentario, propter auctoritatem juris hujus, adprime confirmatam, notamus adhuc, male & inique censuisse auctorem hos surgen, Segen, Bedenkens

von der Ehre Pfälzischen Vicariats - Gerechtigkeit / anno 1614 , quasi
 jus hoc feudale Alemannicum non sit tam antiquum aut sincerum,
 inque comitiis publicis receptum, sed opicum, sordidum, nuper ex-
 cogitatum, superstitiosum & incertum. Scilicet inservit causæ suæ,
 quisquis ille sit, ac turpiter conculcat, quæ sibi obesse intelligit. Ve-
 riora longe sunt, quæ Schardius *cap. XI. de origine Electorum*, ac
 Meichnerus *in præfatione*, a nostro adducta, pronunciantur.

In commentatio ipso quædam sunt prænotanda: quod nimi-
 rum sine exemplo noster concianum in jure feudali Alemannico
 demonstret ordinem ac nexum, eumque nec violentum aut longius
 petiitum, nec a juris contextu alienum: deinde quod per singula ca-
 pita, genuina juris feudalis principia eruat, & cum aliis in patria no-
 stra juriis receptis conferat, inprimis feudali Saxonico, & commu-
 ni Longobardorum, addita subinde ad majorem in sensu lucem pa-
 raphrasi, & emendatione: denique quod præter casus feudales, quos
 ita vocant, res judicatas in curiis feudalibus, & inedita plurima do-
 cumenta proferat, junctis passim monitis practicis, ex usu hodierno:
 ne jam dissertationes, consilia ac responsa feudalia, per occasionem
 inserta commemoremus. Ad *rubricam* diversum feudi significatum,
 ejusque differentiam ab allodio explicat, item quodnam sit vasalli,
 quodnam jus domini: ubi propter cognationem argumenti, bona
 emphyteutica, fiscalia, Salica, censualia breviter declarantur, infra
 autem plenius, de curiis dominicalibus & bonis laudemialibus. In
 vocem feudi mox inquirat, ejusque ætatem: inque transitu velut men-
 tionem facit constitutionis perquam celebratæ, de expeditione Ro-
 mana, quam vulgo adscribunt Carolo Crasso; noster autem Con-
 rado Salico vindicat illam, *cap. VIII §. 10 & seqq.* Verum neque sa-
 tis erat, vocis incunabula detexisse, ipsius pariter juris feudalis ori-
 ginem, & quidem Germanicam, postea corrivat ab institutis nostræ
 gentis, allatis exemplis, itemque legibus Caroli Magni, ac Lotharii
 Saxonis. Progreditur hinc ad varias divisiones feudi, ut considera-
 tionem hujus doctrinæ universalem rite absolvat: in quibus egregia
 habetur observatio de *homine ligio*, quem Cujacius cum *colono*
homologo Codicis Theodosiani, non recte comparat: item de
Quiritibus Germanorum ac Francorum, qui vulgo dicuntur *equites*,
 vii ac milites generosi. In *capite primo* explicat, quomodo moribus

Germanorum nobilitas præcipue sit orta ex dignitate militari: qua occasione interpretatur gradus clypei militaris, in Feudista Alemanno, & quomodo clypeus hic pervenerit ad ecclesiasticas personas eminentiores, sive wie ein Krumb Stab gewachsen seye zu einem langen Speer. Notabilis in hanc rem est ipsius sententia § 11. de clypeo militari ecclesiastico. Ex principiis istis mox transit ad alias personas, feudi capaces, & inter ultimos clypei gradus describit breviter die Freyen / Mittelfreyen / Schöppenbahre und Semperfreye / item die Ritter / Knecht und Dienst Wanne. Altero capite pergit in eadem feudi capacitate, ac differentiam inter nobilem vasallum ac plebejum explicat, tam in servitiis militaribus, quam judicialibus, ac sub finem jus feudale Saxonicum & Longobardicum confert cum Alemannico, in eodem discrimine clypei militaris. Sic & cap. 3. agit idem, ac de clerico, deque muliere quaerit, an sint capaces clypei, des Heer Schiltbes? & respondet ex moribus Francorum & Alemannorum, qui episcopatibus olim & abbatibus præfecerunt homines nobiles, patricios, & alios insigni doctrina juxta & pietate claros: immo post sacras functiones admiserunt eosdem ad investituram simultaneam, quam Alemanni die Lehens Hand/Saxones vero die gefamte Hand adpellant. Hinc varia clericorum jura feudalìa adducit, ac potiora ad feminas thesi finali adplicat. Postquam ita præmisit, quænam personæ sint capaces feudi, cap. 4. acquisitionem feudi originariam ac derivativam proponit. Ad illam refert feudum novum, ubi tres actus declarat, *promissionem*, quæ fit per expectativam in casum aperturæ: *constitutionem feudi*, quæ fit per contractum feudalem, sive investituram: ac *traditionem*, quæ fit per immisionem. Ad hanc refert successionem in feudo, & alienationem quamcunque habilem, ad fundum transferendum. Quoniam vero in utroque acquisitionis modo prævalet investitura, eam heic potissimum cum Alemanno contemplatur, in vocis ortu, symbolo vario, ritu, ac juris effectû: ubi per cessionem in curia feudali solennem, & receptam, in vasallum investitum transire statim ait dominium ac possessionem, ex l. F. 15 & 2 F. 32: unde etiam competit eidem utilis rei vindicatio, contra quam sentit vulgus Feudistarum, quasi per symbolicam ejusmodi traditionem nulla investito competat possessio, nullum prorsus dominium. Addit, ex quorum fecibus ita turbata sit jurisprudentia feudalîs Germanorum liquida & illimis pla-

ne:

ne: ac sententiam suam ex rationibus & auctoritate meliorum probat. Quæ de fidelitate vasallitica sequuntur, probe excoGITATA sunt: inprimis quæ monentur de obedientia promissa in jurejurando principum ac statuum Imperii. Ex investitura, sive traditione feudi solenni, coram paribus, porro dijudicatur obligatio inter dominum & vasallum: quæ tamen ita se non habet, sicut mutua de jure civili, a qua neuter invito altero potest recedere: quia tacitum pactum inest regulariter contractui feudali, quamdiu vasallus non resignat bona fide in manus domini feudum, aut refutat illud. Pergit adeo *cap. 5.* ad refutationem feudi, quam definit, in partes suas distribuit, exceptiones ac limitationes addit, Saxonicumque feudale jus cum Longobardico conjungit, ut eo magis illustretur mos Alemannorum, *von Usgeben / Ussagen*: quorum formulam in refutando feudo receptam declarat, ac simul ostendit, quomodo ex adverso non competat domino refutatio homagii, aut fidelitatis præstitæ: *der Herr mag dem Mann das nicht gethun*. Sicut autem vasallus *refutare*, ita dominus *homagium guerpire*, sive *werpire* dicitur, ex justa causa feloniz. Post fidelitatem igitur præstitam, refutatione non facta a vasallo, nec justa dimissione ex parte domini, uterque certo jure gaudet: ille quidem pro pari curiæ habetur, hic vero si fidelitas nondum jurata, ante investituram urgere potest eandem, ut sic paratum habeat vasallum, ad obsequia & servitia promissa. Tradit hæc generatim *sexto capite*, nisi quod sub finem pauca de officio *stropa*, quod Papæ Cæsar debet, annotet: *sequenti* autem describit servitia militaria, inprimis *herobannum*, quorsum edicto sive banno vocantur omnes, immediati & mediati, sive vasallorum vasalli, qui tenere dicuntur *des Reichs-Affterlehen / cap. VIII. §. 7. & seqq.* Inter exempla laudantur Rutheni comites, qui feuda sua Imperialia recognoscant a rege Bohemiæ: ubi de terra Advocatorum singularia. Quia vero in modo mensurave consistunt hæc obsequia, inde de tempore servitorum, quantum illud sit, deque sumtibus ad præstanda servitia requisitis, disserit erudite. *Ottavo capite* in specie demonstrat expeditionis Romanæ originem, ad quam obligabantur summi præsertim Imperii officiales, qui præsentem esse debebant, ad splendorem ejus augendum: qua occasione numerum init electorum, sive ex publica administratione docet apertius, quinam inter principes Germaniæ jus ele-

electionis peregerint. Hæc eadem causa est, cur in duplicem de expeditione Romana constitutionem inquirat, & alteram pseudo-Carolinam adscribat Conrado Salico, alteram Friderico Barbarossæ, quæ tamen non sit correctoria prioris. Jungit heic explicationem *beneficendarum*, sive adzationis, quam Neapolitani ac Siculi vocant *adoham*, nostri den Geld-Anschlag oder Ritter-Pfunde; itemque praxin hodiernam, circa obligatos ex matricula, cum annotatione temporis, quando sit indicta expeditio, & quando finem habuerit. Post explicata militaria, progreditur *capite nono* ad servitia judicialia. Ad facta quidem præclara nati sunt vasalli, sive ad originem clypei spectemus, sive ad virtutis impetum: neque tamen a judiciis & curiis feudalibus abesse possunt, in quibus pares audiunt, propter causæ ac generis dignitatem præcipue. Quoties igitur vocantur a domino, in curia debent comparere, non ad cognoscendam duntaxat causam, ad suffragandum ac decernendum, sed ad probandum pariter, si forte producantur testes, & postulandum, si lis aut mora fuerit, aut movenda. Ubi non comparent iusto tempore, id est antemeridiano, fiunt culpabiles, *verbassit* / secus ac de jure civili, quo dies integer currit, usque ad finem: nisi excusent illos feræ, aut dominus ipse sit in culpa, propter justitiam aut restitutionem denegatam rei debitæ. *Decimo capite* pergit ad quæstionem: an, si dominus per annum & diem vasallo justitiam denegat, ipsi pereat actio? ad quam decidendam ostendit forum competens ac praxin, circa litem inter dominum ac vasallum. Ab hac digreditur ad judicium susceptum inter convasallos, & quidem possessorium: in quo explicando notat, quod contra juris communis regulam, non actor, sed possessor ac reus probare debeat. Hac in parte considerantur diversæ species probationum, *per corpus*, sive duellum, *per patriam*, sive honestos & inculpatores testes e patria, *per jusjurandum*, &c. Ubi propter judicii feudalis possessorii competentiam, distinctio inter judicem ordinarium & feudalem expenditur. *Capite undecimo*, in eadem materia titulum possessionis, sive investituram controversam explanat, quatenus contra dominum probatur illa manu jurantis vasalli, aut si hic non sit in possessione, per duos pares, aut literas quoque investituræ. Atque hæcenus allata, de investitura pure facta, sufficere possunt. Incipit deinceps *capite duodecimo* tractare investituram ex die incerto, vel sub

sub

sub conditione latentem aperturæ : quæ vulgo dicitur *expectativa*, *Erbing / Lebens- expectant / Anfall*. Istam describit, ac post multiplicem ejus naturam declaratam, commonstrat statim, quomodo differat ab investitura simultanea, de qua infra *cap. 16*; item quod ejus communis effectus sit, sive cum investitura detur, sive sine illa, ut careat possessione. In casu, quo duobus vel pluribus expectativa concessa est, eaque vel sine designatione, vel cum ea, quæ vim habet expectativæ specialis, ac generali derogat, solidiora ingerit, & *incertum* cum primis apud Saxones nostros, *das Irt-Lehen* / ex errore natum esse tradit §. 6. Hinc in eodem Saxonum jure feudali interpretatur expectativam tacite definitam, *wenn das Lehen flüchtiglich / oder zur Glucksfahl gesehen* / mortis causa, ad lectum possessoris decumbentis. Tandem contextu i. F. 27 diducto & illustrato notat, expectativam priscis Germanis incognitam fuisse, neque huc pertinere ait dogma civile, de fundo demonstrato, & non demonstrato, ad eludendam promissionem honeste factam. In *cap. 13*. hæc sunt potiora: qui possidet, non possidenti præfertur: item quod conditione aperturæ existente, immissionem expectativarius per nuncium a domino petere debeat: illo autem cunctante, si forte expectativam cum investitura acceperit, quod ipse possessionem adprehendere possit. Sequitur feudum annuæ præstationis, *das Pfund-Lehen*: id quomodo huc pertineat, in connexionem docet noster *cap. 14*. si maxime sit facta *investitura nominata* præstationis, vel quantitatis. Hæc simul de valore antiqui feudi differit, deque præstationis annuæ differentia a feudo pecuniario, cameræ & cavenæ, per documenta prius inedita. Superest *cap. 15*. terminus, intra quem expectativarius feudum aperturæ generalis petere debet, annus nimirum ac dies, qui currit a momento scientiæ, ac probandus est ab actore. Quia vero dies non eodem spatio circumscribitur ab omnibus, hunc quoque explicat. Simultanea investitura, sive communio feudalis, *cap. 16*. cum suis effectibus proponitur: quorum primus est, quod simultanee investitus non possit esse testis, in causa feudi communis: deinde quod in alienatione ejusdem consentire debeat, ob jus quæsitum: tandem quod in communionem tali viventes nominare debeant provassallum, *einen Lehen-Träger* / propter servitia domino præstanda. Huc usque de feudo nobili. Aliiter se res habet circa servitia

vitia plebejorum, qui clypeo quidem sunt præditi, sed minus perfecti. Sic in causâ feudali postulare possunt, exemplo parium, non autem nisi in curia domini sui. Hinc quaestio porro examinatur, an vassallus ad postulandum cogi possit? & caput de gravamine in sententia, sive de adpellatione finitur. *Cap. 18.* de numero parium, sive adfessorum in curia feudali, generatim concipitur, qui regulariter est duodenarius. Quomodo autem provocatio fiat speciatim, in feudo mediato, inque immediato, contra dominum, ex instituto majorum demonstratur. Hinc vetera Germanorum judicia provincialia, die *Kaiserliche Land-Gerichte* / cum praxi hodierna componuntur. *Cap. 19.* occurrit quaestio de expectativa, sine consensu possessoris vivi concessa. Affirmativa placet Saxoni & Longobardo, cujus verbis in *1. F. 27* lux affertur. Negativam probat Alemannus, utut permittat successiones pactitias; sine dubio ex conditione & qualitate prioris avi, quo diffidationes, die *Befehdigungen* / adhuc frequentabantur, per quas vivo possessori vel ignoranti, vel invito, multa poterant inferri pericula. Quæ sententia nec hodie prorsus incognita est in aula Cæsarea, si præsertim superstes possessor immediati feudi contradicat. Ne tamen mitiores laudet Saxones noster, addit rationem juris apud eosdem: quos & Alemanni successu temporis secuti sunt. De jure possessionis deinceps pariter tractat, inprimis *cap. 20.* in cujus principio docet, utile dominium ex investitura simultanea competere, item possessionem absque fructuum perceptione esse posse: quod jus vulgo adpellant *den Insaß*. Facultatem modumque petendæ & adprehendendæ possessionis, jure investituræ factæ, *cap. 13.* ex nostro discere licet, cujus praxis heic ostenditur. *Cap. 21.* de feudo promisso alteri, alteri autem vendito, deque jure evictionis feudalis agitur. *Cap. 22.* proponit casum, quo dominus vassallum spoliavit feudo promisso, & ordinem judicii format. De quasi possessione quantitatis certæ ac redditus ex feudo pergit in *cap. 23.* & id observat speciale, quod possessione hujus vel quasi non concessa, nulla sit ejus transmissio. Quando autem dominus ejusmodi feudum retinet injuste, quid in foro tunc obtineat, breviter significat. Feudum minoris præstationis non gaudere jure postulandi, sive paragii, ac testimonij dicendi, *cap. 24.* demonstrat. Postquam igitur explicavit modos feudi acquirendi ac retinendi, jam progreditur ad modos feudi

amit-

amittendi. Explicantur ex his *cap. 25.* duo, qui jus personæ tangunt, *excommunicatio* sive exclusio a societate ecclesiastica, atque *proscriptio*, sive exclusio a societate civili: qui olim conjungebantur plerumque; das geistliche Gericht war dem weltlichen Schwerte behülflich. Vestigia hujus rei supersunt in ordinatione Camerae Imperialis, ubi mentio fit *bulle Raymundi*. Si tamen probare vasallus potest, se non incidisse in bannum, tunc neque proscriptio vires habet. *Cap. 26.* agitur de feudo amittendo per alienationem, inprimis per oppignorationem, sub specie ac pacto retrovenditionis: quo casu domino revocatoria conditio ex lege competit. Heic subnectitur elegans observatio, respectu vasallorum alienantium, ex diversa illorum qualitate resultans: per quam alii sunt *Lehen-Manne* / ex feudo domini investiti, alii *eigen oder ledig Manne* / homines ligii, ex allodio domini investiti, alii denique *ewigliche Manne* / qui juri refutandi pro se & heredibus renunciarunt. Post regulam juris, de feudo per alienationem amittendo, quatuor ponit exceptiones, & §. 11. præcipue docet, quo jure utantur principes Germaniæ, in terris suis alienandis. Quoniam vero in iudicio ad privandum solenniora debent esse omnia, ideo majorem definit numerum adfessorum ac testium *cap. 27.* De probatione minus solenni, respectu testium & adfessorum, agit *cap. 28.* Hinc transit a feudis nobilibus, sive militaribus, ad censuales, & quid statutuendum sit in casu, quo possessor vasallus censum inficiatur, ex praxi illustrat, & hoc singulare ostendit, quod dominus censum petens, in curia probare debeat, feudum esse censuale. *Cap. 30.* subinfeudationem cum suis limitationibus exponit, ac Longobardi contextum l. f. 6. de titulis ecclesiasticis explanat. *Cap. 31.* jus amissionis propter inficiationem evolvit, atque jura domini, contra ingratum possessorem, ex feudista Saxonico comparat, & probationem *zu ihm selber* / per *mettertium*, sive manum tertiam exponit. Sequenti *cap. 32.* justam rerum feudalium, ac pertinentiarum designationem, si dominus eam requirat forte, breviter insinuat, cum praxi quarundam curiarum, in quibus præter feudum ipsum, singula ejus partes actis & protocollis inseruntur, eine richtige Verzeichniß des Lehen-Guts mit Beschreibung aller zugehörigen Stücken; unde fiebat sæpius efficax probatio, tanquam ex instrumento investituræ. Subfeudum a superiore evistum tractatur *cap. 33.* In hoc sunt extansiora, quæ subvasallo com-

petunt jura, contra intermedium, sive subinfeudantem, feloniz convictum, & domino ipsi, contra subvassallum: quia hic superiori invito non potest obtrudi. De petitione subfeudi ex jure Alemannico, Saxonico & Longobardico communi, per regulas & exceptiones, agitur capitibus 34. & 35. In *cap. 36.* de feudi amissione, per consensum tantum, in utramque partem Auctor disquirat. *Cap. 37.* casum illustrat, de vassallo ad certam causam citato, an si dominus vel judex eam negligat, respondere teneatur ad aliam, ad quam non est citatus? Negativam tuetur, ac jus feudale Saxonicum emendat. *Cap. 38.* procuratorem feudalem sub cautione rati considerat, ac triplicem hujus cautionis effectum indicat. *Cap. 39.* natum postumum suspendere ait conditionem expectativæ: quia pater sine liberis non decessit. Inter ultimas species amittendi feudi est defectus natalium, qui *cap. 40.* ex 2. *F. 26.* ejusque capitulo notabili admodum *Naturales* deducitur. Hac vero occasione, de matrimonio inæquali, & legitimatone Cæsaris ad successionem, ex archivis notantur particularia. Fluit ex hoc eodem defectu alius in clypeo, non militari, ac nobili: quorsum refertur, si quis proscripserit sit, necem voluntariam alterius, vel spoliū commiserit: qui *cap. 41.* inter causas habetur, cur dominus renovationem investituræ denegat: cui subjungitur tractatio de loco ac tempore investiendi. Post feuda nobilium militaria, & minora alia, cum suis juribus declarata, procedit feudista Alemannus ad regalia, sive majora principum, cui noster lucem adfert *cap. 42*; ubi statim in principio naturam eorum interpretatur, item quomodo differant a feudis vexillaribus, quæ imperite confundantur a nonnullis. Hinc digreditur ad *feuda pontificalia*, geistliche Fürsten-Lehen/ ac post differentias inter hæc & illa monstrat utrisque communia, inprimis *immediatatem*. Ne vero in statu principum aberraretur, ac singuli habeantur pro iisdem, eos discernit in mediatos & immediatos, in schlechte und Reichs-Fürsten: quales inter seculares & ecclesiasticos dantur. Alterum commune est *individuitas*, ex majorum instituto: ubi de tempore, quando principatus & comitatus in Germania dividi coperint. Inter specialia quærit mox, quando episcopis apud nos vexillaria feuda sint concessa, cum jurisdictione criminali? item a quibus & quando hæc jurisdictio data sit urbibus mediatis? Quia autem jura principum sunt varia, hinc de potestate illorum agit ordi-

ordinaria ac delegata, de officio Imperiali, de differentia inter feudum principis, & officium principis feudale, per exempla vicariatuum in Imperio, & iudice Cæsaris Palatino. Successio, legitimus ac derivativus modus acquirendi feudi, describitur *cap. 43*, cum feudi renovatione, cui opponitur ejusdem repudiatio. Inter succedentes ab initio tantum erant descendentes, quibus post preces legitime factas ad impetrandam investituram, dominus erat obligatus, ut feudum concederet. Longobardi deinceps successionem ad collaterales extenderunt, quos nostri & alii secuti sunt. *Cap. 44*. usque ad *cap. 48*. explicatur petitio feudi, in casu si dominus vassallum vi expulerit; ubi sit actio contra dominum instituenda; item quod ex facto parium impedita renovatio, post petitionem legitime factam, non obsit vassallo: tandem quomodo testes nominari ac produci debeant, in controversia vassalli cum domino. In *cap. 48*. causas excusationum, de non petita investitura, tractare incipit, respectu ætatis minoris, ex parte domini ac vassalli. Hic quidem differit de minore domino, & cum Bitschio ex 2 F. 3 statuit, quod is quoque minor dicatur dominus, qui egressus est infantiam, licet adhuc sit in ætate pupillari: quem Alemannus vocat *domicellum*. Ab hoc vero peti omnino debet renovatio investituræ, sive tutorem habeat, sive non habeat: quia renovatio hoc in casu est de jure valida, utur sine auctoritate tutoris facta sit. Sed qui subinf feudavit, eodem jure non gaudet, *cap. LIV*. quia rum demum investire potest subvassallum, si prius ipse accepit investituram. *Cap. 50*. ætatem vassalli, ac pubertatem feudalem, *wenn er lehnbar ist* / in *sequenti* autem diversam pubertatis rationem, ejusque probationem tradit. *Cap. 52*. notat duo, ex praxi feudali: alterum, quod tutor nomine vassalli minoris renovationem impetrans, promittere debeat, sese feudum pupilli rite administraturum esse; immo nomine tutorio juramentum fidelitatis præstetur in aula Imperiali: alterum est, quod si plures vassalli minores fuerint, singuli vel in communione manere, vel dividere feudum possint. Illo tamen casu requiritur, ut major natu renovationem petat nomine reliquorum impuberum: qua occasione noster *de jure senioratus* breviter agit. Duobus capitibus insequentibus id speciale jus circa evictionem tradit, quod sola tutoris auctoritas contra petito rem non sufficiat, sed quod ipse dominus investiens obligetur, ad evictionem impuberi præstendam:

dam : item quod vassallus impuberi domino prius non debeat servire ; quam vestitus sit. Quando autem dominus vassalli minoris tutelam susceperat olim , tunc feudum tale *in custodia domini* esse dicebatur , *in Anfall* / ulque dum minor ad servitia foret aptus. Interea temporis poterat dominus feudi pupillaris fructus ad alium transferre , vel ipse retinere. Usum hodiernum noster sub finem capituli demonstrat : ubi de taxa in aula Cæsaris. *Cap. 56.* docet , quid obtineat , in oppignorato feudo a tutore : sequenti vero , an peti rursus debeat investitura , si minor dominus factus sit major. *Cap. 58.* alia legitima impedimenta non petita investituræ , ac simul jus accrescendi in jure feudali Germanico exponit : Si feudum ex allodio domini fuerit ; idemque negaverit renovationem investituræ , quaeritur , an vassallus actionem , & coram quo illam habeat ? Respondet noster ex praxi antiqua & hodierna , *cap. 59.* In *cap. 60. & 61.* agere pergit de renovatione uni vel pluribus facienda ex fratribus ; atque juris hujus limitationes ; itemque exceptiones proponit , cum declaratione ulteriori *juris senioratus* , de quo *cap. 52.* sub finem dicere coeperat. *Cap. 62.* nova exceptio contra dominum urgetur , quod feudum , sine consensu ejus alienatum , non aperiatur , si statim recuperetur ab alienante. Neque corporis vitium , e. gr. in cæco aut muto , causa est , cur investitura denegetur , aut feudum aperiatur domino. De hoc autem vitio agitur *cap. 63.* prolixius : estque vel nativum , vel superveniens , & quidem utrumque rursus vel corporis , vel animi : quorsum in curia feudali respiciendum est accurate. Aliter videtur se res habere in feudo , quod vidua jure dotalitii possidet , aut jam tertio per expectativam *sine liberis* ; conditione existente concessum est , circa renovationem feudi nimirum : quo de casu agitur *cap. 64.* In sequenti explicat noster jus investituræ simultaneæ ; si hæc neglecta fuerit a fratribus , nisi que pluribus , qui ab initio feudum acceperant pro indiviso , postea vero sine consensu domini diviserant , nec in divisione illam sibi reservaverant. *Cap. 66.* evictionem feudalem breviter cum Alemanno tractat. De feudis foemineis addit , quod renovatio , propter servitia non præstita , non sit deneganda foeminis : quia loco servitiorum præstent hostenditias , sive decimam fructuum annuorum partem : deque simultanea monet *cap. 68.* quod eam filii cum patre quoque petant , ad majorem in jure successionis cautionem. Quod ex feloniam dominus obligetur ad investituram renovandam , mox traditur

in

in casu, quando vasallus refutat feudum sub conditione accepta, ut alter de illo investiat: quam tamen non implet dominus, sed feudum sibi retinet. Hinc *cap. 70.* differit, quomodo ex antiquo vel paterno fiat novum: inque possessorio feudali, ejusque petitione ac feudalis rei vindicatione, transmissione, itemque feudi amissione progreditur per casus ac resolutiones ad *caput* usque *861* ubi per tria sequentia probatio domini adversus vasallum, & actio ejusdem, ad Imperii servitii præstanda, cum judicio parium declaratur. *Cap. 89.* argumentum explicatur notabile, de alienatione vasallorum, & illustratur per exempla: porro necitur jus confiscationis, quod ex consuetudine Alemannica mitius deprehenditur erga filios, quam ex jure Romano, a Carolo IV in aurea bulla repetito. *Cap. 90.* tractat de foro competente, in feudalibus, deque modo procedendi, & ad capitula *1 F. 26.* ac *2 F. 46* pauca adducit, sed a paucis observata. De expectativis, annali termino, satisfactionibus, ac retinenda possessione contra tertium, a domino investitum, deque clypei militaris immutatione, homagio, & servitiis præstandis inferiori domino per substitutum, potiora noster in antecedentibus exposuit: quæ aliquot capitulis heic, juxta seriem Alemanni repetuntur. *Cap. 97.* de feudo fiduciatio monstrat, quod ita vasallo concedatur, ut illud statuto tempore, pro certa quantitate, restituat domino. Hac occasione differentiam inter pignus & fiduciam ostendit, & casus quosdam feudales huc pertinentes decedit. Quoniam vero sub finem capitis prioris revocatorie ex pacto fiducie & offerendi mentionem fecerat, ideo sequenti hoc *98.* de probatione domini, in causis & actionibus maxime poenalibus, quas dominus contra vasallum instituere potest, monita practica & cautelas addit. Hinc aliud pactum, ex vasalli parte, de non refutando exponit. *Cap. 100.* ac duodecim insequentibus de variis speciebus feudorum, de proprio, pignoratitio, de feudo scuti, dem *Schild-Lohen* / eoque revocabili pro arbitrio domini, de feudo camerae, conjuncta viri & uxoris investitura, pupillari, de feudo in fraudem domini subinfeudato, de fundo censuali, & feudo censuali, de feudo jurisdictionis, & ambachtie, sive gastaldie, palatii sive ministerialium, cum Alemanno noster procedit ad ordinem judicii feudalis, sive-processum in curia domini: quem deinceps a *cap. 114* continuat ac describit, per communem praxin, in-

terspersis documentis feudalibus vix dum editis, ad caput usque 145. Heic denique regreditur ad quasdam feudorum divisiones, ac de feudo ex allodio, de feudo castrensi, & expectativa in hoc eodem, item de cessione feudali, subinféudatione, transmissione & amissione feudi castrensis notabilia profert varia, inque feudo franco, ac burgo magistri concludit.

Quemadmodum vero nihil simul incipitur ac perficitur, in studiis præsertim amœnioribus, ita noster absolvit quidem commentarios, ad singula capita juris feudalis Alemannici, sed pro incomparabili sua industria quædam, opere jam fervente sub manibus typographorum, observavit non protrita, quæ sub titulo *Supplementum* adjecit. In explicatione rubricæ breviter egerat, inque transitu quasi, de *feudo oblato*: heic vero ex archivis nonnulla depromit, notatu digniora. Subjungit mox responsum Facultatis juridicæ Argentoratensis, de *feudo mere hereditario*, & hypothese probe firmata, unde quæstiones feudales decidendæ sint, porro ostendit, feudum controversum, Ingweiler, inter comites Leiningenses & Hanovienses, esse hereditarium simpliciter, in quo foemina, una cum masculis ejusdem gradus succedere, & remotiores agnatos excludere possint, allatis variis rationibus dubitandi, eisque solutis abunde, secundum mores ac jura Metensis episcopatus, itemque ducatus Lotharingici. Addit statim in tali casu, quousque valeant renunciaciones foeminarum. Præter supplementa accedunt tres dissertationes, quarum prima complectitur potiora, ex jure feudali Teutonico, de *investitura principum Imperii simultanea*, speciatim quoad successionem Lauenburgicam. Facta hæc esse videtur, non tam ex casu nostræ ætatis, quam ad voluntatem superioris, qui de Germanorum institutis feudalibus, per Saxoniam imprimis, certior esse volebat. Cum hac, propter auctoritatem juris, quo principes utuntur, in causis præcipue successionum decidendis, conferri potest §. 20. diatribæ, de *natura & origine juri publici*. Altera est de *curiis dominicalibus* von Ding-Höfen / in Alsatia frequentatis, sicut ex documentis connexis patet. Ultima est de *bonis laudemialibus*, quæ vulgo adpellant Erbschöffe / ad mores pariter directæ, in superiore Germania. Ideo autem has dissertationes indicare tantum volumus, quia in manibus doctorum jam antea fuerunt, & propter argumenti convenientiam,

imo

imo & propter solidiorem argumenti tractationem, recusæ sunt. Talis quoque est *commentatio*, perquam erudita, ad 2 F. 50 de natura *successionis feudalis*, in qua *linealis* præsertim origo, atque usus ejusdem in foro Germanico demonstratur. Hæc quoque data occasione scripta censetur, studio justitiæ & veritatis, citra affectum & juris detorcionem.

Hisce præmissis & accurate traditis, ex jure ac moribus Germanorum, aliorumque populorum, noster ad edendum atque emaculandum opus ineditum feudale Antonii Mincuccii de Prato Veteri accessit, idque cum præsentî commentario feudali conjunxit. Quantas ipsi gratias hoc nomine debeant juris feudalis doctores & studiosi passim, facile intelligimus: quia plures inde a scriptoris obitu crebram ejus mentionem fecere; alii propter ordinem & lucem in feudalibus majorem, vel inspicere tantum voluere sex Antonii Mincuccii libros, quasi depositum venerabile; nonnulli denique editionem promiserunt ejus, ex codice unico, quem exstare adhuc opinabantur. Sed omnes illi vana spe turbaverunt vota meliorum. Rittershusii sententia, contra Goldastum, qui opus hoc ab infestâ manu putabat interversum esse, probatur eventu: quod nimirum Antonius iste nondum perierit, sed latiter in bibliotheca, inque lucem protrahi aliquando possit, si in manus inciderit hominis, rerum feudalium non imperiti. Ericus Mauritius, primum in Academia Tubingensi, hinc in Kiloniensi celebris antecessor, tandem in camera Imperiali adfessor, propter scientiam juris, & variam doctrinam habebatur pro illo, qui ex codice proprio melioris notæ opus feudale hoc restitueret. Verum desiderii undique flagrantibus non satisfecit, quod vel negotiis publici muneris impediretur, vel sanitate minus constanti ab hoc proposito averteretur, usque dum per fata spem cunctis de se, atque libro toties injectam prorsus extenuaret. Fuit tamen in peregrinatione, laudabiliter suscepta ac peracta, non infelix, nobilissimus vir, Christianus Guilielmus ab Eyben, in aula Brunsvico-Cellenensi consiliarius hodie, qui inter libros manu exaratos, in bibliotheca regia Parisiensi, Mincuccium hunc forte deprehendit, & de reperto viros celeberrimos Obrechtum & Schilterum certiores reddidit. Ille cum bibliothecario Thevenotio statim egit per litteras, ut thesauri hujus copiam faceret Jo. Philippo Schmidio, Argentoratensi. Hic vero memor
offi-

officii sui, quod ad studia pertinebat inprimis amplificanda, librum clarissimo Schmidio concessit, a quo alter, id est noster, illum accurate descriptum recepit, & per editionem denique ejus vota absolvit eruditorum. Plura in præfatione ejus ad opus ipsum conferantur. Ne tamen solus iste, ex diuturno squalore, Musis indignantibus, prodiret in conspectum omnium, comitem ei dedit Bartholomæum Baraterium, Italum pariter, nec ætate, nec indolis bonitate adeo disparem. Jam antea quidem ediderat illum Nicolaus Rigaltius, non tamen ubique ad fidem codicis manuscripti. Noster igitur, sicut eundem denovo collatum, immo auctum & emendatum acceperat a laudato Schmidio, ita quoque integrum, pro candore sincero, & affectu singulari erga hæc studia, ad usum communes vulgavit. Quoniam vero isti fere explicant jus commune feudorum, neque ad gentem nostram adeo, vel aliam respiciunt, cui peculiare circa feuda sunt consuetudines ac leges, ideo sub finem operis recensiti, coronidis instar adjicitur liber Ant. Dardini Alteserræ, de origine & statu feudorum, pro moribus Galliarum qui nec amplius est nimis, ut lectorem in alienis detineat, nec brevitas est ita, ut parum lectori prodesse queat.

Martin Diefenbachs / Evangelischen Predigers zu Franckfurt
am Mayn / Judæus convertendus,

Hoc est:

*MARTINI DIEFENBACHII, FRANCOFURTI AD MOENIUM
Verbi Divini Ministri Evangelici, Judæus convertendus, sive varia Theolo-
gorum celeberrimorum doctorumque virorum aliorum judicia
& consilia, quo pacto Judæi alicujus conversio
omnium optime institui queat.*

Frankofurti ad Mœnum, apud Fridericum Knochium, 1696. in 4.
Constat Alphab. 1.

EX sacri, quod gerit, muneris ratione, duobus Judæis ob sua facinora Frankofurti ad Mœnum ultimo supplicio afficiendis adesse, eorundemq; ad fidem Christi conversionem tentare jussus fuerat perquam reverendus Auctor, qui ut hoc negotium eo rectius perficeret, diversos diversorum Auctorum libros consilia eo spectantia exhibentes sedulo evolvit. ac ut laboris hujus fructus ad publicum quoque redun-

redundaret omnibusque communis esset, ista in hunc tractatum peculiarem congeffit, qui proin, ut ipse alicubi innuit, Catalogus Bibliothecæ Anti-Judaicæ haud immerito nuncupari posset. Præfatus autem aliqua de insignibus difficultatibus, quæ Judæorum, ac inprimis maleficorum, conversionem circum stent quidem, non penitus tamen inter *in aduſa* detrudant; ad ipsam modorum, quos ad hunc scopum saluberrimos variū subinde judicant, enarrationem progreditur, consiliaque primum Lutheri commemorat; inde, quid e Lutheranis Nicolaus Selneccerus, Wolfgangus Franzius, Michael Havemannus, Georgius Calixtus, alique, & inter hos præ reliquis Jo. Mullerus, ac hodiernum superstes celeberrimus Esdras Edzardus heic suggererint, prolixè tradit. E Reformatis Joannem Hoornebeckium & Johannem Coccejum in hoc labore occupatos introducit. Ex Arminianis Hugonis Grotii & Philippi a Limborch monita & exempla allegat. Ex Socinianis Faustum Socinum ipsum & Valentinum Smalciū doctores huc advocat, & ex Papistis maxime Thomam a Jesu, Petrumque de la Cevalleria methodum Judæos convertendi itidem prævisse asserit. Mentem vero auctorum hæctenus a nobis insinuatorum aliorumque solum indicasse nondum ipsi satis est, quin potius ad unamquamque sententiam sigillatim refert, quid circa eam aut alii monuerint, aut ipse monendum existimet. Qua occasione sensum atque pondus dictorum Gen. XLIX, 10, 11, 12. 2. Sam. VII, 19. Jer. XXIII, 5, 6. XXXI, 31. seq. Dan. IX, 27. & similia, a Theologis Christianis opponi alias Judæis solitorum, uberius explanat & confirmat. Inter cætera autem Scripturæ Veteris Testamenti loca, quinquagesimum tertium Esaïæ caput maximopere celebrat, ejusque singularem adversus Judæos vim demonstrat. Quæstionem, utrum ex solo Testamento Veteri convinci queant Judæi, affirmando definit, non raro tamen & Novum Testamentum cum fructu adhiberi posse addit. Doctrinam de Chiliaſmo parum heic idoneam esse ac proficuum contendit. Talmudem & libros Rabbinicos, itidemque Cabbalam Judaicam, subsidium exiguum aut plane nullum hodie Christianis, Judæorum conversionem querentibus afferre statuit. Ridiculos etiam, similiterque nimium severos procedendi in hoc labore modos indicat, & indicatos serio dissuadet. Generatim autem observat, non unam aliquam determinari posse methodum, veluti ubivis æque commode

intervituram, sed habendam esse imprimis personarum rationem, ac aliter doctiores & peritos, aliter indoctos ac rudes, alio modo sponte sese offerentes, alio invitandos demum tractari debere annotat. Francisci Henrici Hoyer, Pastoris in Frisia Nordensis, methodum olim adhibitam valde commendat, eamque ex libello ipsius Germanico Helmstadii A. 1679 sub titulo, *Conversus Judæus*, vulgato his partibus absolutam refert: quod convertendum primo de Judaismi hodie vigentis facie infausta, ac deinceps de Christianismi in Mose, Prophetis ac Psalmis apprimè roborato fundamento convicerit. Mox aliquot exempla in medium adducit, quam miranda sæpe ratione in præparandis ad conversionem Judæorum animis, & in obstinata eorum malitia reprimenda, divinæ providentiæ uti placuerit; quemadmodum & auctorum, qui plura ejuscemodi collegerint, indicium haud contemnendum subministrat. Ulterius se deprehendisse testatur, quod apud istos, quibuscum sibi res fuerit, Judæos duos hæc argumenta magnum præ reliquis pondus obtinuerint; (quævis neutrum eorum aut istis aut aliis quibuscunque victum doleat;) unum, quando e Deut. XXI, 13. suspensum abominabilem esse coram Deo dixerit, unde amplius hoc urserit, quod ipsis, utpote qui suspensio jam puniendi essent, non aliud abominationem istam effugiendi medium suppetat, nisi fides in Christum, qui maledictionem hanc suo merito sustulerit, & propterea ipse inter suspensos numeretur: alterum, quando Judæos perpetuo de sua salute anxios hædere, ac Christianos e contra firmissima heic fiducia gaudere ostenderit. Quibus ita pertractatis, in voto tandem isto desinit, ut non pii modo Magistratus, sed & Christiani quilibet, de removendis obstaculis frequentiore Judæorum ad fidem Christi adductionem impediens sollicitè cogitent. In horum autem obstaculorum numero nimia esse censet privilegia, quæ subinde Judæis interrenæ felicitatis augmentum (quod eorum pervicaciam magis magisque confirmet,) offerantur, vitamque deinceps Christianorum impiani ac dissolutam, quam Judæi in eodem cum his consortio degentes, nunquam citra scandalum & ipsius religionis uberiorem detestationem intueantur. Hæc summa est præsentis operis, cui duplicem adhuc appendicem subungere reverendo Auctori visum est. Harum una narrationem exhibet de Judæo, Pragæ A. 1694. totæ imposito ob homicidium nefandum, quod

is in puero, alterius cujusdam Judæi filio, transitum ad Christianos machinante patrauerat. Hunc nullis Jesuitarum suasionibus, quibus eum ante a Judaica superstitione revocare studuerint, commotum fuisse, ast in rota jacentem, & plurimis gravissimisq; percussionibus jam pæne confectum, alta voce baptismum postulasse, & hoc impetrato in clara nominum Jesu, Mariæ & Josephi invocatione spiritum emisisse, ex actorum publicorum fide Auctor recenset. Inde vero animum apprehendit plura eaque notatu haud indigna coacervandi, unde satis colligas, quanto odio Judæi suos, quos a Christiana fide parum abhorrere intelligunt, prosequi consueverint. Posterior appendix opposita est iis ex Papæorum numero, qui Martinum Bucerum sub finem vitæ Judaismo se addixisse perhibent. Commentum enim hoc malevolorum esse Noster docet, quod ubi latius refutavit, eundem nec a Zwinglii partibus stetit, adversus alios contendit.

DISSERTATIONS SUR L' EXISTENCE DE DIEU &c.

Hoc est:

DISSERTATIONES DE EXISTENTIA DEI, QUIBUS VERITAS illa ex universali prima mundi antiquitatis historia, ex Epicurei & Spinosiani systematis vanitate, & denique e characteribus, divinum quid in religione Judaica, nec non in propagatione Christiana esse evincuntibus, demonstratur ab ISAACO

JAQUELOT.

Hagæ Comitum apud Steph. Foulque, 1697. in 4. alph. 4.

Reservavit nos in ea tempora Deus, quibus Evangelii quoque radiis collustrata, eoque melior mundi pars, in eum furorem adigi vidit complures, ut de prima eaque evidentissima veritate stulte addubitantes, in eo ipso non postremam ingenii atque eruditionis suæ laudem collocent. Quos licet tanquam insanos & mente captos merito prudentiores contemnere possint, ea tamen humanæ indolis in omnem malitiam, absurdissimamque etiam, pronæ est conditio, ut facile permiserit majora indes capere insaniam istam incrementa. Quod cum viderent ii, in quorum præcordiis altiores virtus atque religio egerant radices, aperto Marte monstrum istud oppugnare, & a Deo, quem sancte venerabantur, insane sese efferentis creaturæ

injurias defendere aggressi fuerunt. Attamen eorum nonnulli, omnis generis sine defectu adhibitis argumentis, effecerunt, ut non defuerint adversarii latebræ, ad quas sese passim recipientes, confici penitus atque aboleri hæcenus non potuerint. Alii metaphysicis tantum usi rationibus, omnium captui minime attemperatis, ita comparata esse plerorumque hominum ingenia fuerunt experti, ut non facile moveri se patiantur argumentis, a mentibus eorum, quæ corporeis tantum rebus assuetæ sunt, tanto intervallo remotis. Utrumque igitur sibi cavendum esse clarissimus Auctor, cujus in hoc negotio exantlatos labores nunc exponere constituimus, existimavit. Qui diligentissime omnibus hujus controversiæ expensis momentis, in luce adeo clara veritatem hanc sese collocasse confidit, ut non posse non dare manus persusum habeat eos, qui argumentorum nexus mente sequi didicerint. Præstare autem hoc aggressus est quatuor Dissertationibus, quarum summa capita, qua fieri potest brevitate perstringentes, efficere tentabimus, ut Lectori de genio hujus libri luculenter constare possit.

- cap. I. In prima igitur harum Dissertationum existentia Dei veritatem ex historia mundi evincit. Quam prout a Mose tradita fuit, in dubium vocari non posse, omni profuso eruditionis, qua gaudet, apparatu persuadet. Ut autem potiora eorum, quæ allata ab eo sunt, recenseamus, primo statim loco eum ostendere monemus, existentiam divinam in ipsis sacris literis non tanquam doctrinam, quæ fide simpliciter sit amplectenda, proponi, sed argumentis ab hujus universi creatione petitis solide dari confirmatam: quæ ob causam etiam hujus creationis historia fuscè & luculenter ob oculos nobis ponatur.
- e. II. Hanc autem minime scrupulosorum hominum dubiis relinquere locum, ex ipsa ejus consideratione clarum evadere, cum non tantum creatum esse mundum in ea Moses indicaverit, sed certo etiam tempore ætatem ejus definiverit, omneque quod ab ea ad suam usque ætatem patebat spatium, rerum gestarum impleverit narratione: cum contra nationes istæ, quæ canam adeo jactent antiquitatem, quæ omnem fidem superet, facile vanitatem suam prodant, rerum defectu, qui tantum in eorum historia inane relinquat: perpetuus autem veritatis historiciæ character sit, si continua serie rerum gestarum narratio procedat, ita tamen ut cum aliis consentiat monumentis. Præterea exiguum adeo ætatem mundo ad suam usque ævum tribuere
- Mosen,

Mosen, ut facillime falsitatis convinci potuisset, si aliter res sese habuisset. Imo cum post diluvium denuo quasi resurrexisset mundum, atque etiam aliquot post illud ætatibus unam linguam inter homines obtinuisse dicat, facile ab Ægyptiis, Assyriis aliisque vicinis, incredibilem antiquitatem jactantibus, unico monumento in diversa lingua ante illud tempus exarato refutari eum potuisse. Quorum populorum linguam sapientiamque cum Mosen maxime sibi reddidisse familiarem constet, quod ausus fuerit brevem adeo ætatem rebus hisce tribuere, nisi divinitus de veritate historiarum suarum convictus, probabile non fieri. Ast vero inquit ii, qui sua maxime interesse putant, ne impietatis plañe deferantur partes: facile fuit Mosis, quicquid visum fuerit, comminisci, & suarum pariter ac sequentium ætatum hominibus obtrudere, cum incognita prorsus sit temporum, quorum historiam persequitur, ratio, nec monumenta supersint vel superfuerint unquam, e quibus falsitatis aperte ille convinci potuisset. Quod ipsum miserrimum latibulum cum pro arce veluti stolidi homines habeant, ad bellum religioni faciendum commodissima, maximo conatu dissipare clarissimus Auctor est aggressus. Atque adeo ostendit, quod quamvis immanem optimorum monumentorum vim temporum injuria nobis iverit ereptum, non careamus tamen iis, quæ abunde nobis veritatem historiarum Mosis persuadere queant. Imprimis eo tempore, quò maximo studio hujusmodi quæstiones inter Christianos Paganosque agitatae fuerunt, ingentem monumentorum huc pertinentium numerum superstitem fuisse observat. Speciatim autem commemorat eos, qui de foundationibus urbium, de artium atque scientiarum inventionem, de illustrium nationum gestis aliquid literis consignaverant; item qui annales aliaque hujus generis scripta condiderant, quos multa negotio isti conducibilia præclaro studio conservasse existimat. Verbo, quemadmodum Judæi pervulgata sententia Christianorum feruntur bibliothecarii: ita Græcis quoque divinam providentiam usam esse, ut eorum auxilio conservarentur monumenta, Mosæicæ historiarum confirmandæ idonea. Quæ etiam effecerit, ut iis pariter atque Romanis causa occasioque non una fuerit subnata, quoad ea curiosius indaganda adigerentur. Præcipue observatu non censet indignum, quod etiam ante Christianismi origines, Epicurei sua de mundi nativitate sententia alijs Philosophis, æternitatem ejusdem defendentibus,

c. III

p. 15

p. 32

p. 30

p. 32

- bus, studium istud necessarium quasi effecerint, ut antiquissima monumenta sedulo rimarentur, si quod inde opinioni suæ præsidium peti posset. Nec multum juvare existimat adversæ causæ patronos, quod hujusmodi monumenta, licet tum extitisse concedantur, hodie tamen nusquam compareant: namque Auctores diligenter recenser nostræ ætati familiares, qui, quantum præsentī negotio sufficere posse videtur, scriptis suis summa cum cura inseruere. Ut autem eo magis pateat luculente, insignem omni ævo hujusmodi monumentorum, quæ ætatem tulerint, eoque vel confirmandis vel destruendis Mosaicis traditionibus inservire potuerint, extitisse copiam, aliquot capitibus venerandas hujusmodi antiquitatis reliquias, quarum apud Auctores aliqua mentio extat, narratione persequitur. Inter eas primo loco recenser hymnos, quibus antiquissimis temporibus rerum gestarum conservabatur memoria, cujus moris vestigia in ipsis S. Literis curiose indagavit; urbes item, templā aliaque ædificia æternitati consecrata, quæ cum innumera fere fuerint, inscriptionibus suis illustria, probabile non esse ait, in tanta copia tres diversarum linguarum inscriptiones reperiri non potuisse, XII seculis solum Mose antiquiores, (quo tempore ille universo orbe unicam adhuc linguam obtinuisse dicat) nisi verissima ista ejus assertio esset. Simili modo a Deorum simulacris & consecratis iis anathematibus, a sepulchris atque tropæis, a viro- rum illustrium statuis, columnis item atque aris, quibus obiectum fere universum, qua habitatur, orbem fuisse ostendit, argumentatur.
- c. IX. Præterea nummos quoque & annulos inter monumenta refert, quibus rerum hujusmodi notitia conservari potuerit. Eidemque rei gentium quoque commercia inserviisse demonstrat, quibus earum inter se invicem bella, & mercium commutationes, ab antiquissimis temporibus occasionem dedisse ait, quas proinde cognitās sibi invicem fuisse, ex cultuum & ceremoniarum sacrarum communione, ex nominibus quibus se mutuo appellarint, aliisque rebus dat probatum: quin & exilia, Philosophorum itinera, & alia hujusmodi non permisisse, ut parum cognitæ sibi invicem essent nationes, longis licet terrarum spatiis divisæ, prolixè confirmat. Bibliothecas deniq; in quas tanto studio omne genus priscorum monumentorum antiquissimis temporibus congestum fuit, studiose commemorat, atque adeo tandem concludit, ex tot monumentis difficile non fuisse curiosos rerum indagato-
ribus

ribus veras mundi origines peruestigare, frustra que omnino Libertinismi esse patronos, qui huiusmodi monumentorum defectum callide obtendentes, incredulitati suæ inde præsidium petant. Quamvis autem propius examinatis hisce tam insignibus antiquitatis monumentis, non facile sit in eam descendere sententiam, quæ æternum esse mundum dicit, utpote quorum nullum altius quam historia Mosaica adscendat, quod insigni Macrobianorumque confessione egregie confirmatur: sapientissimi tamen etiam in hunc errorem sese induci passi fuerunt, varias mundi conflagrationes atque inundationes, ut eum utcumque tueri possent, comminantes. Quas ubi C. L. Auctor parum ad illud stabilendum idoneas esse ostendisset, atque hinc versa vice veritatem, ex veritate autem divinitatem historiæ Mosaicæ evicisset, sollicitè causas, ob quas eum, ne quicquam contradicente historiarum fide, persuaderi sibi siverint, investigat, inque iis explodendis non nihil operæ ponit. Hinc propius ad alteram propositionem, quam hac dissertatione suscepit defendendam, accedit, quod scilicet historia mundi tot monumentis, a tot auctoribus conservata, cum Mosis traditione exacte conveniat. Cujus rei primum argumentum ipsi est, quod jam olim, cum Epicurei mundi æternitatem impugnarent, atque intra eosdem, cum Mose, temporis terminos eum fere redigerent, nihil plane habuerint, quod ipsis ex vetustis monumentis opponere possent, adversarii: quod contra Judæos item quidquam afferre non valuerint, qui insecto in religionem eorum animo erant, quo chronologia historiæque Mosaicæ everteretur, uti vel Appionis doctissimi Grammatici exemplo constet: quodque simili fortuna eadem controversiæ cum Christianis ad Theodosii usque tempora fuerint disceptatæ. Secundum argumentum ei suggestit exiguum spatium, quo omnis Græcorum decurrit historia. Illa enim cum a prima Olympiade sit exordienda, quæ pluribus quam octo annorum centuriis nativitatem Christi non antevertit, tempore illo exiguo omnium artium atque scientiarum inventionem apud Græcos circumscribit. At vero gentem tanta ingenii vi præditam, quanta Græci fuerunt, tam commodum præterea nactam situm, ut cum cultissimis nationibus commercia facile potuerint inire, aliquot annorum millenariis incultam prorsus atque inertem defecisse, probabile nemini visum iri putat, ideoque hoc ipsum recentioris mundi originis validissimum esse credit argumentum. Contra, spatium temporis quod

c. XI.

p. 129

p. 130

p. 131 132.

p. 135. 140.

c. XII.

p. 142.

p. 145.

p. 146.

c. XIII.

p. 151. 155.

- quod requiri videtur, antequam ex illo terræ angulo, in quo ortum genus humanum fuit, in paulo remotiores Græciæ regiones homines possent transmitti, atque ibi stabilem aliquam Reipublicæ formam, quæ Historicis scribendi materiam suppeditaret, constituere valerent, sagaci cura indagans ostendit, tantum fere annorum a tempore diluvii usque ad primam Olympiadem abiisse, quantum istis omnibus fuerit opus. Fusc deinceps statum Græciæ, qualis ante Olympiades, & circa Trojana tempora fuit, ex Thucydide aliisque gravissimis Auctoribus describens, luculenta hinc argumenta deducit, quibus novas istis temporibus in regionibus illis gentes, quæ eas habitabant, fuisse evincat. Imo ad altiora pergens, & ipsorum temporum mythicorum historiam repetens, ultra bis mille annos ante Christum natum ne fabulas quidem in recensendis Græcorum Latinorumque originibus adscendere, atque adeo ne in illis quidem aliquid esse, quod cum Mosaisco systemate exacte non conveniat, demonstrat. Cumque contra istud argumenti genus nihil aliud præsidii adversariis super sit, præterquam id, quod in diluviis quæ variis temporibus contigerunt, rerumque præteritarum quasi abolerent memoriam, quærent; multis exceptionibus illud Auctor denuo ex instituto destruit. Atque postquam aliis quibusdam objectionibus respondisset, novum argumentum pro mundi novitate proponit, quod a coloniarum deductione potissimum sumit, quæ magnam terræ partem, iis temporibus, quibus frequentes adeo coloniz erant, nondum hominibus satis refertam fuisse evincant. Quartum argumentum Græcorum Romanorumque ludi atque festivitates ei suggererunt, Lupercalia scilicet, Panathenaica, Isthmia, Pythia & Olympia, quæ, cum omnis historiz, Græcæ præsertim, ab iis pendeat certitudo, temporum eam constituant rationem, quæ a Mosaisca nulla ex parte dissentiat, eamque, quæ supra rebus Græcorum attributa fuit, ætatem, luculente confirmet. Integro porro capite, quam recens sit omnium artium atque scientiarum apud Græcos cultura, expendit, atque inde quintum pro, causa quam agit, argumentum petit. Jamque porro a Græcis ad Assyrios progreditur, quorum antiquissima monumenta, quæ studiosissime exponit, cum nihil quoque contineant, quod historiz Mosaiscæ sit contrarium, iis quoque causam suam firmiorem reddi ostendit. Simili modo in Lydorum
- P. 153.
- c. XIV.
- P. 177.
- c. XV.
- p. 181.
- c. XVI.
- c. XVII.
- s. XVIII.

Lydorum, Phœnicum, Indorum, & Scytharum historia nihil esse ad convellendam eam idoneum evincit. Cum tamen nationes sint prodigiosam adeo antiquitatem jactantes, quæ cum ista conciliari nulla ratione queat, in eam præcipue studiose inquirendum sibi esse censuit. Adeoque solícite imprimis Chaldæorum Saros examinat, quos ab Ægyptiorum Toth, sive annorum 1460 cyclo, diversos non esse statuens, idque alibi uberius se confirmaturum pollicitus, eo in conjecturam hancce primum inductum se esse ait, quod a Canicula nomen cyclus ille acceperit, Caniculam autem apud Arabes *Al-Sbaari* vocari Abul-Pharagii autoritate constat, unde *Syrii* & *Sari* nomen ortum esse, indubium ipsi videtur. Immensum autem temporis per Saros hosce computati spatium, quod sibi vindicant Chaldæi, manifeste adeo fabulosum esse ait, ut ne opus quidem refutatione habeat; interea tamen aliquibus rationibus illud ivit destructum. Atque observationes etiam Chaldæorum antiquissimas tantopere jactatas, variorum autorum inter se collatis locis, ad epocham Nabonassaræam fere reducendas esse monstrat. Imo & tabularum astronomicarum ope facile observationes confici potuisse addit, quæ ultra mundi origines adscendant: adeo ut ex iis, nisi cum historia jungantur, de mundi ætate recte quidquam colligere non liceat. Pari modo antiquitatem, quam Iberis Strabo, Atheniensibus vero Plato tribuit, sub examen revocat. Ast fusius, quam in his omnibus, versatur in historia atque antiquitatibus Ægyptiorum Sinensiumque, e quibus longefortiora contra systema Mosaicum argumenta peti posse, impii homines persuasum habent. Dum latius hic sese effundit, atque pro more suo multa, non quidem ad rem, quæ præcipue agitur, spectantia affert, inter alia quoque de nomine Pharaonis sententiam suam aperit, quod Regem simpliciter significare Josepho neutiquam largitur, eo potissimum argumento inductus, quod *Rex Pharaon* in Scripturis junctim plerumque dicatur. Credit itaque, Pharaonis nomen aliquid cum Ebraica voce פֶּרַע cognationis habere, Regemque notare qui a nullo alio pendens, in reliquos Ægypti Regulos imperium exercuerit. Verum ut de re ipsa potius dicamus, notissimas fuisse Scriptoris sacris Ægypti res, ex divinis Scripturis probat, multumque omnibus temporibus Judæis cum Ægyptiis intercessisse commercii, iis imprimis qui Alexandriæ debebant, evincit. Monumenta præterea in Ægy-

c. XIX.

p. 221, 271.

p. 220.

p. 222.

c. XX. XXI.

p. 234.

p. 235.

Y

pro

C

- p. 140. pro quam plurima fuisse ait controversiæ huic decidendæ idoneæ, inter quæ columnas in terra Seriadica quoque recenset, de quibus præter conjecturas jam olim a doctis prolatas, novas quasdam proponit, quashic explicare fufius rerum, quæ restant dicendæ, moles prohibet.
- p. 143. Ex hisce autem cum Chronologiam suam Ægyptiam descripsisse se jactet Manethon, hujus examen quoddam, pro rei magnitudine non nimis prolixum, suscipit. Atque imprimis, quæ tam Marshami quam Pezzeroni de redigenda in ordinem Chronologia ista sententiam difficultates tantum non opprimant, ostendit. Ast utcumque se illa habeat, non multum Atheis in Chronologia ista præsidii esse putat, cum ipsi antiquissimi autores, opinioni de mundi æternitate utut cætera addicti, tanquam fabulosam tamen istam Ægyptiorum Chronologiam fictitiâque rejecerint; unde & nemo illo argumento contra Judæos vel Christianos ausus fuerit uti. Imo ut quacunque ratione verosimilitudinem commentitiæ huic Ægyptiorum chronologiæ restituerent, mensem alios, ut Diodorum Siculum, alios duos menses, ut Censorinum, alios plures, annum Ægyptiorum veterem absolvisse statuere docet; quas tamen eorum opiniones nullo fundamento sustineri probat, Sacerdotum potius quorundam Ægyptiorum, qui ipsimet fateantur, nulla prorsus primorum CXXX Regum monumenta extare, fingendi libidini fabulas istas omnes deberi persuasum habens, simulque ex ipsa Scriptura figmentorum suorum eos arripuisse occasionem ostendens. Ast præcipue observat, catalogis istis Regum Ægyptiorum totas eorum genealogias insertas, atque hoc ipso immane quantum & Regum & annorum numerum auditum fuisse. Ut itaque aliquo modo, quid verum sit in hac historia, atlequi liceat, consilium dat, ut seligantur ex istis catalogis Reges quidam, quos obscuros non esse patiantur complura literarum monumenta, ut puncti cujusdam fixi filique Ariadnei loco in istis chronologiæ labyrinthis esse possint. Cujus rei ipsemet in Sefostre specimen edit, cujus tempora in Danai ævum incidere evincit, Danai fratrem eum fuisse existimans. Simili ratione Sinenfium chronologiam incertam esse variis argumentis evincit, a recentioribus eam, gloriæ nationis suæ studentibus, confictam fuisse, non contemnendis rationibus ostendens. Atque sic ad argumenta ab astronomicis observationibus petita procedit, utiis Mosaicam de ætate mundi doctrinam quoque det
- p. 145. confir-
- p. 146.
- p. 209. 253.
- p. 251.
- p. 261.
- c. XXII.

confirmatam. Id autem faciens, a proluxa satis locorum Genes. I, 14 p. 267. 270.
 & Jobi IX, 9 exorditur illustratione, atque inde vestigia, quæ in sacris p. 273.
 literis habentur annorum, mensium, hebdomadum atque dierum
 observatorum rimatur. Astronomiæ porro apud alias gentes an- p. 274.
 tiquissimis temporibus floruisse studia ostendit, atque ea occasione
 de Magis eorumque auctore Zoroastre, qui ea potissimum secuti fuere,
 paulo fufius agit. De insignioribus postea sideribus nonnulla notat, p. 281.
 a quibus observata primum ea fuerint investigans; similia de zodiaco,
 de motu astrorum, de inventis ejus in ordinem redigendi gratia cy-
 clis observat, atque ex his omnibus colligit, non admodum antiquum
 apud Ægyptios quoque & Babylonios astronomiæ studium fuisse.
 Id quod magis adhuc confirmat inde, quod sero demum fixarum p. 286.
 stellarum motus iis innotuerit. Certe enim nec fixas eas atque im-
 mobiles esse credidissent, nec arietem in ipso puncto æquinoctiali
 collocassent, si annorum 2202 habuissent observationes. Fixa-
 rum autem motum semel deprehensum longissimis periodis exco-
 gitandis occasionem dedisse censet, quibus præterlapsis ad idem
 punctum omnes redeant. Indeque vastas illas periodos Babylonio-
 rum & Ægyptiorum aliud esse putat nihil, quam suppositiones, quæ
 non magis ad historiam spectent, quam Vietæ alique con similes a re-
 centioribus excogitatæ periodi. Denique quam recens sit antiquissi-
 mæ eclipses observatio, ex Ptolemæi Almagesto docet, atque adeo
 concludit, hanc astronomicarum scientiarum novitatem solide fabu-
 las de incredibili mundi antiquitate destruere, contraque Mosaicæ
 chronologiæ facere fidem. Tria adhuc supersunt argumenta, qui-
 bus idem evincit, brevissime nobis expedienda. Primum petit a novi-
 tate literarum omnisque scribendi rationis, quam Patriarchis adhuc
 incognitam, a Mose demum inventam fuisse contendit, inde ad alias
 nationes eam pervenisse docens. Alterum lingua Hebraica ei suppe-
 ditat, quam postquam primævam esse confirmasset, inde concludit
 necessariò sequi Historiæ sacræ veritatem, manifestumque esse, origi-
 nem ex ea gente cæteras ducere, a cujus lingua eorum linguæ deri-
 ventur. Tertium denique argumentum a conservata apud Gentiles
 præcipuarum rerum, a Mose traditarum, memoria desumit. Verustis-
 simorum itaque autorum loca, in quibus historiæ de creatione, de
 primo homine, de serpente, de diluvio, de turri Babylonica, & aliis

c. XXIII.

p. 293.
c. XXIV.
p. 300.

c. XXV.

c. XXVI. non obscura comparent vestigia, exhibet. Atque superstitionem etiam Gentilium theologiam, post Vossium, Bochartum, Huetium & alios ex sacrae historiae abusu traxisse originem, cujus etiam luculenta vestigia servet, ostendit. Omnium postremo horum pro veritate Historiae Mosis argumentorum ἀνακεφαλαιώσασθαι instituta, tria ista inde conspectaria deducit. 1. Creasse Deum in principio, de quo loquitur Moses, coelum & terram. 2. Hocce historiae principium, cum verum sit, non posse non esse divinum, utpote quod absque revelatione nequeat cognosci. 3. Diluvium linguarumque multiplicationem eo, quod Moses indicavit, tempore contigisse, ut adeo recipi sine scrupulo deinceps queat ut vera, imo ut divina, quam a Mose habemus, Historia.

Postquam hac ratione Autor, ab aeterno non extitisse mundum, sed eo, quod Moses indicavit, tempore coepisse existere, probatum dedisset, jam in secunda dissertatione contra eos qui, aeternitate mundi repudiata, caeco tamen materiae motu eum productum esse arbitrantur, disputat. Duo autem sunt, quae demonstranda hic sibi sumit; primum, quod rerum universitas Menti cuidam intellectu praeditae originem debeat: alterum, quod ipsa materia quoque, ex qua illa composita fuit, ex nihilo ab eadem ista Mente fuerit procreata.

c. II. Prius ut evincat, statim Epicuri doctrinam de motu atomorum aggre-
p. 319. ditur, quem cum a gravitate earum ad loca inferiora eas propellente ille deducat, absurde id statui Noster ostendit, cum in spatio infinito, in quo moveri atomos Epicurus supponat, inferius superiusve nullum detur. Deinde motum declinationis, quem idem atomis suis tribuit, consistere non posse probat cum motu ad centrum eas deprimente. Frustra itaque fuisse omnem ejus circa motum atomorum philosophiam, atque motum ad materiae essentiam non pertinere evincit, atque adeo hoc ipso tanquam primo argumento utitur, quo evincat a Mente quadam superiori motum eam recepisse. Alterum
p. 323. quo utitur argumentum ita fere procedit: si mechanicis caeci materiae motus legibus compactum hoc universum fuisset, mutationibus earum virtute effectis semper obnoxium esse mundum oporteret: ast nihil tale observatum in eo fuisse, omnes historias testari ait, indeque evidens esse putat eo, quo nunc est, statu atque conditione, a Mente
p. 325. intelligente statim eum productum fuisse. Tertium argumentum ei

rcrum

rerum fines suppeditant, quos multifarios esse ostendens, ab adversariis autem id quod largiuntur accipiens, finem scilicet non nisi a causa intellectu prædita posse intendi, denuo inde veritatem, quam probandam suscepit, confirmat. Quartum ab animalium hominumque speciatim creatione petit, quos cum e terra fortuito motu prodire non potuisse, vel ipsa experientia aliisque notissimis argumentis contra Diodorum Siculum aliosque nugatores evicisset, a Mente potentia sapientiaque pollente procreatos fuisse concludit. Ast cum tum ex aliis rebus, tum ex eo præcipue, fungorum instar natos homines esse, delirantia quædam capita confirmare sustinuerint, quod alia conveniens ratio excogitari nulla queat, qua in insulis & in America præsertim homines cœperint existere, peculiari capite hocce præsidium diruit, & quomodo in istas regiones deferri homines potuerint, ostendit. His ita disceptatis, jam porro paulo distinctius Mensis cujusdam intelligentis existentiam confirmare aggreditur. Quod facit animam humanam in medium producens, quam ut substantiam cogitantem & speciatim intelligentem expendens, incorpoream adeoque spirituales essentiam habere, contra Epicuri de grege porcos, methodo potissimum Cartesiana fuisse demonstrat. Postea autem voluntatem quoque liberam mentis humanæ considerans, hinc quoque spirituales eam esse, nihilque corporeæ naturæ habere, contra eosdem Epicureos atque Spinosam evincit. Cumque ut argumentorum horum vim eludat, ea potissimum opponat Spinoza, quæ somniantibus nobis solent accidere, integrum caput solvendis ejus sophismatibus impendit, posteaque us respondet, qui eo, quod obscura sit animæ natura, infirmare hæcenus tradita conantur. Utcunque enim id sese habeat, naturam ejus a corporea toto genere esse diversam, actiones & facultates ejus nos abunde convincere docet. Cumque adeo mentem aliquam intelligentem existere, animæ rationalis exemplo monstrasset, jam demum directe supremæ Mentis, nimirum Dei, existentiam demonstrare aggreditur. Stupidum autem esse oportere putat, qui non agnoscat Ens quoddam necessario esse a se ipso existens, cum omnia reliqua entia necessariam illam non habeant existentiam: illa enim cum nascantur & pereant, sequi inde censet, esse aliquid, quod nunquam pereat, quodque necessario semper existat. Sane agnovisse hujus sequelæ veritatem ipsos Philosophos credit, indeque

c. V.

c. VI.

c. VII.

c. IX.

c. X.

c. XI.

p. 413.

- alios rerum universitati, alios cœlo, materiæ alios immutabilem illam perpetuamque existentiam vindicasse. Cumque rerum universitati & cœlo æterna illa existentia tribui non possit, utpote quæ cœpisse aliquando, & eo quidem, quod Moses indicaverit, tempore in antecedentibus demonstratum est, nihil superesse putat, quam ut Epicuri maximeque Spinozæ commenta destruas, qui materiæ æternitatem illam adscribunt. Tanquam obscurissimam itaque primum Spinozæ demonstrationem condemnat, quæ vel ex solo principio, ab ipso non repudiato, *quicquid clare & distincte cognoscitur, illud verum est*, rejici mereatur. Et cum in Mathematica methodo, unius propositionis falsitate reperta, tota concidat demonstratio; positionum ejus nonnullas & definitionum sub examen revocat. Subire illud potissimum jussit definitionem 7, quam parte I Ethicæ suæ proposuit, item propositiones 28, 30, 32, & 33. Postea demonstrare aggreditur primo, Deum existere, postea spirituales esse, & denique eum ipsum mundi esse architectum. Existentiam probat ex materiæ statu, quæ cum necessario non existat, opus habeat aliquo, a quo producat, exorietur item, variisque formis induatur. Spiritualitatem ex sensu quem habemus animæ nostræ rationalis, quam corpoream non esse, intellectum voluntatemque ejus considerans, denuo contra Spinozæ probat, atque hinc ita argumentatur: si in homine spiritualis quædam habetur essentia a corpore diversa, quanto magis in rerum universitate substantiam aliquam a materia distinctam existere erit necesse? cum hominis mens a se ipso non existens, ab alio, quicquid habet, acceperit, quod proinde similis cum eo naturæ esse debeat. Jam itaque materiam & spiritum in rerum universitate habemus, sed quaeritur, utrum alteri originem debeat, summumque adeo principium sit. Ut itaque omnia plana evadant, trium propositionum veritatem Cl. Autor evincit. Prima est, nec esse, nec esse posse plura, sed unicum tantum Ens, necessario & a se ipso existens. Altera, Ens necessario existens omnibus gaudere perfectionibus debere. Tertia, Ens hocce perfectissimum non posse non esse Spiritum. Quibus probatis Spinozæ Deum in lucem protrahit, & quam absurda ei facies afficta ab homine illo fuerit, ostendit. Atque ex istis omnibus tandem quartam conclusionis loco propositionem deducit, omnia nimirum alia quæ existunt, atque adeo materiam etiam & corpus, existentiam suam
- P. 414.
- P. 415.
- P. 418.
- P. 421.
- P. 425.
- P. 426.
- P. 428.
- P. 429.
- P. 430.
- P. 436.

Enti illi perfectissimo debere, quod non corporea sed spiritali natura gaudeat. Cui postquam considerationes nonnullas, quibus captui nostro facilius reddatur materiae creatio, subiecisset, ex instituto denique principia demonstrationis Spinosæ sub examen revocat. Quod potissimum subire jussit definitionem ejus III, propositionem item II, III, IV, V, VI, & VII. Deinceps autem totam ejus philosophiam, larva obscuritatis detracta, in compendio quasi nobis ob oculos sinit, & quam ridicula ea sit ostendens, secundæ quoque huic dissertationi finem imponit.

In Dissertatione III, quæ in Religionis Judaicæ consideratione, ejusque divina origine probanda versatur, primo per brevis quædam Judaici populi textur historia, eaque occasione proluxa de Synedriis Judæorum instituitur disquisitio, quæ nonnisi post Aristobuli tempora, bello se mutuo liberis ejus prosequantibus, omnemque Judæam in quinque partes a Gabinio divisam, instituta esse, Cl. Autor contendit. Deinde quid aliis gentibus de Judæis innotuerit, exponit, vera pariter ac falsa, quæ Græci Latinique Scriptores de iis tradidere, produccens. Ex quibus duo ista conficit, quod & antiquissimam nationem illam esse ex iis pateat, quodque tantum absit, ut Historiæ sacræ de Judæis traditio profanorum Scriptorum auctoritate infringi possit, ut hæc potius illam confirmet, cum quæ eorum quoque, quæ perperam isti tradiderunt, confingendorum occasio fuerit, ex illa luculente constare queat. Jam porro ad ipsum Moysen accedit, quem & extitisse, & iis temporibus, quibus credimus, vixisse fuisse satis probat, adductis tam ecclesiasticorum quam profanorum scriptorum testimoniis. Atque ex eo ipso librorum quoque ejus, quorum autorem cum esse supponit, antiquitatem demonstrat; quam tamen ut eo magis daret confirmatam, tam argumentis ex historia Ptolomæorum, Antiochorum &c. petit, quam insitis etiam ulterius ivit assertum. Legum inde Mosæicarum divinitatem, tum ex perpetua earum observatione, nemine unquam eas auso immutare, ut ut omnium legum, quarum brevem historiam texit, antiquissimæ & molestissimæ sint: tum ex ipsa earum natura, qua omnes alias leges eas superare ostendit, sive instituta earum moralia, sive ad rempublicam statumque civilem spectantia, sive ceremonialia denique, quorum fines sollicitè indagandos suscepit, considerentur.

Quar-

P. 417.

c. XII.

c. XIII.

c. II.

P. 479.

c. III.

P. 481.

c. IV.

c. V.

c. VI.

c. VII.

c. VIII.

c. IX.

c. X.

- Quarta denique Dissertatione, quæ existentiam divinam ex Religionis Christianæ mirabili ortu & propagatione probat, primo ostendit, solam ex omnibus religionibus Christianam esse, quæ excellentia sua hominum ita præstrinxerit animos, ut nequicquam ejus incrementis opposito ingenti maximorum impedimentorum acervo, catervatim ejus mysteriis sese voluerint initiari; cum reliquæ omnes vel vanis hominum ingeniis, vel commodis in politicum statum redundantibus unice debeant, quod per tempus quoddam florere illis licuerit. Inde ex profanis potissimum historiis evincit, extitisse exiguo post Christi tempora spatio homines, qui ejus doctrinam & nomen professi fuerint; nec non ipsum Christum, eo quod Evangelistæ designarunt tempore, inter homines esse versatum. Et hac quidem occasione, inter alia denuo examinandum sibi celebrem Josephi de Christo locum sumit, quem pro genuino agnoscere non dubitat; nec mirum cuiquam videri debere existimat, honorificis adeo verbis de Christo illum loqui. Omnia enim eum historiæ suæ voluisse inferere, quæ qualicumque modo Judææ gentis honori inserviebant. Et sicuti Christianismus cognitus jam omnibus erat, & cum Judaismo passim confundebatur: ita Josephum, ut honorifice de ejus autore loqueretur, eadem fere, quæ Christiani credebant, de eo retulisse. Namque eandem ob causam Judææ Esseni quoque & Jo. Baptistæ non sine laude eum meminisse, persuasum habet. De ipsa religione ejusque autore postquam ista attulisset, legibus Evangelicis primorumque Christianorum praxi considerandæ paulisper immoratur, & quantum Christianismus legum illarum sanctitate vitæque innocentia alias religiones superet, evidens reddit. Speciatim autem zelum patientiamque Christianorum in persecutionibus monstratam, divinum quiddam arguere urget. Post quæ ex vaticiniis in V. T. prolatis, nec non ex miraculis a primis Christianismi propagatoribus patrat, veritatem hujus Religionis evincit. Quæ ut pro firmissimis ejus argumentis haberi possint, quid inter ea & editas inter gentiles præstigias intersit, ostendit. Et denique brevi summorum capitum, hactenus in IV istis dissertationibus pertractatorum, instituta repetitione, toti operi finem imponit.
- c. I.
- c. II.
- c. III.
- p. 602.
- c. IV.
- c. V.
- c. VI.
- c. VII.
- c. VIII.
- c. IX.

OLAI BORRICHII CONSPECTUS SCRIPTORUM CHEMICORUM illustriorum, Libellus posthumus. Cui præfixa Historia Vita ipsius ab ipso conscripta,

Hæuniz, apud Sam. Garmannum, 1697. in 4. plag. 9.

NON ignobile in his Eruditorum Actis Olai Borrighii, Polyhistoria ac Medici clarissimi, nomen est, cujus de *Somno & Somniferis Dissertationem* A. 1682 p. 153, *Analeſta de Lingua Latina* anno eodem p. 156, *Dissertationes Academicæ de Poetis* A. 1683 p. 281, *Pœmata* denique a viro celeberrimo Friderico Rostgaard edita A. 1694 p. 33 recensuimus. Nunc posthumum illius de *Chemicis illustrioribus libellum* exhibemus, cui non immerito Borrighii ipsius, Chemicis illustrioribus summo jure accensendi Vita, partem maximam ab ipso et conscripta, in cæteris ex Programmata celeberrimæ Academiæ Hafniensis nomine, cum funus nostro ducendum esset, publicæ suppleta præfigitur. In hæc, ut summa tantum ejus capita delibemus, docemur, in lucem editum fuisse Borrighium anno hujus seculi vigesimo sexto; ab anno quadragesimo quarto ad quinquagesimum usque, in Hafniensi Academia triumvirorum clarissimorum, Olai Wormii, Thomæ Bartholini ac Simonis Paulii informatione dexterrima usum: quadriennium inde aut quinquennium exegisse formandæ in Schola Hafniensi ad pietatem & bonas artes juventuti; hinc in aulam illustrissimi viri Joachimi Gersdorsii, primarii eo tempore Regni administrati, ut filiorum ejus moderaretur studiis, accersitum, eoque munere per quinquennium ita defunctum, ut a Potentissimo Daniæ Rege FRIDERICO III Philologiæ, Pœstos, Chemicæ & Botanices professioni destinari meruerit: anno sexagesimo iter ad exterarum regiones permisso superiorum ingressum, Belgium primo, inde Angliam, Galliam, Italiam perstrasse, illustrium ubique virorum, nec Polyhistorum minus quam Medicorum familiaritate ac insigni benevolentia gavisum: Hafniam tandem ex Italia per Germaniam, transacto inter peregrinandum sexennio integro reversum, officium Professorium ipso opere gnauiterque administrandum suscepisse. Id qua fide ac dexteritate viginti annorum spatio gesserit: quosnam eo temporis intervallo libros bono publico ediderit; quos inter quidem, præter supra memoratos, Co-

gitationes de variis Lingua Latina atasibus; Analeſta Philologica & Judicium de Lexicis Latinis Græciſque hallenſis editis; Prodrōm de Ortu & Progreſſu Chæmia; Hermetis, Egyptiorum & Chæmicorum Sapientia, ab animadverſionibus Hermannſi Conringii vindicata; Decimaſtice Metallica, aliæque lucubrationes memorantur: ut inter Medicos Regios, nec non inter ſupremi Tribunalis Aſſeſſores fuerit coopertus, tandemque & Conſiliarii in Cancellaria Regia dignitate auctus: ut poſt ſuſtentatos Chriſtiana patientia acerbiffimos ex calculo dolores, die 3 Octobris anni 1690 animam Deo reddiderit, enarrari porro in iſta Borrichii vitæ Hiſtoria videas. Nam ut de Collegio Medico magnifice ab ipſo exſtructo, ac munificentiffime, ſupra ſortem privati hominis dotato hic dicamus, neceſſe non eſt, cum de eo jam in Actis A. 1694 p. 33 expoſuerimus.

Atque hæc tot in Rempublicam literariam meritis illuſtris Viri memorizanda fuere. Nunc ad poſthumum ejus de Chæmicis celebrioribus opusculum progredimur, ex quo pro inſtituti modo pauca annotabimus. Inter eos, qui quidem monumenta nonnulla ad metamorphoſin metallorum ſpectantia (ipſa enim artis ſemina jam inde ab Adamo ad poſteros derivata fuiſſe, non dubitat Borrichius) reliquerunt, primus celebratur *Hermes Trimegiſtus*, qui columnis inſculpi quædam juſſerit, ex quorum attenta ſpeculatione Agathodæmon ſeu Hermes ſecundus alique primordia artis hauſerint. Eidem Hermeti Trimegiſto decantatiſſimam illam *Tabulam Smaragdina*, inter generales tamen ſolum præceptiones ſe continentem, quam ſuppoſiticiam Kircherus alique reputarant, fidenter vindicat. Sicut & *Hermetis ſecundi* opuscula Chæmica, quæ ſubinde a Græcis Latinisque ad partes vocantur, germana æſtimat; licet non diſſiteatur, *ſeptem illa Capitula Hermetis*, quæ publici juris ſunt, recentiori cuidam ſcriptori, *Hermeti tertio*, eſſe attribuenda. Eodem candore, quod proximum Hermeti primo locum ſibi vendicit, *Scriptum Iſidi* Horo filio dicatum, quale nunc quidem in larariis doctorum cuſtodiat, ſpurium eſſe agnoſcit, Venere licet & arte non deſtitutum. *Democriti* etiam libellos, quorum alter βέλτα προφωηθεῖσα λευκῆ καὶ, alter Φυſικά καὶ Μυſικά inſcribitur, non diſſimulat temporum injuria & incuria librariorum oppido eſſe mutilos & male ſibi cohærentes; ita tamen, ut (quod mireris) in uno quandoque diſto
totius

totius Magisterii clavis delitescat. Democritum sequuntur *Zosimus Panopolites*, cujus scripta in Bibliotheca Regia Parisiensi dicuntur asseruari, inale tamen & ipsa librorum vitio multata; *Synefius Philosophus*, sed in secundis subsistens, cujus extat in scripta Democriti Scholion; *Theophrastus junior*, *Hierotheus*, & *Archelaus*, qui artem sacram & divinam (Chemicam innuunt) Jambicis versibus sunt complexi. Tacemus anonymum libelli de modo dealbanda aqua divina auctorem, *Heliodorum*, *Pappum*, *Pfellum* aliosque.

A Græcis ad Latinos, Arabes, Maurosque digressus Borrichius, post *Turbam Philosophorum*, librum ex veterum Chemicorum sententiis conflatum, *Artephium*, *Moriennum Romanum*, *Gebrum Arabem*, *Rogierum Baconem* aliosque producit, seriemque eorum, qui in Chemicis vel quid præstiterunt, vel quid arroganter moliti sunt, ad recentissima usque tempora nostra pertexit, deque singulorum scriptis judicium suum cordate aperit. Hos omnes, & quæ de iis memorantur, a nobis recenseri, prolixum nimis foret. Tria itaque tantum ex penu satis ampla decerpemus, cum Benevolo Lectore adhuc communicanda. Primum est, quod *Arnaldi de Villa Nova*, variis Chemicis operibus clari, qui circa annum Christi millesimum trecentesium floruit, & in Aula Romana specimen aliquando *χρυσοποιήσεως* edidisse vulgo creditur, posteros hodieque superstites esse Auctor refert, in agro Avenionensi degentes, nec adhuc Chemicæ imperitos. Alterum concernit *Raymundum Lullium*, de cujus vita, morte ac gestis neminem rectius commentatum monet, quam *Vincensium Murium* in Historia Majoricana A. 1650 Hispanico idiomate edita, qui in insula Majorca Lullium A. 1235 natum, A. 1315 Bugiæ in Africa martyrio coronatum memoret. Unde traditionem vulgarem, Camdeno licet & Seldeno probatam, quod Eduardo III Angliæ Regi Lullius, ad bellum contra infideles gerendum, sex milliones auri arte chemica confecti subministraverit, falsitatis arguit, cum Eduardus III multis a morte Lullii annis demum gubernaculis Regni Anglici fuerit admotus: aut, si quid veri traditioni insit, Eduardo potius ejus nominis post Wilhelmum Conquestorem primo eam Lullii liberalitatem paruisse, arbitratur. Tertium spectat ad Chemicum opus de Secretis Adeptorum a *Johanne Segero Weidenfeld* A. 1684 Londini editum. Et id quidem in Actis nostris A. 1685, mense Febuario, p. 87 seqq. recensuimus; suspensio pro-

instituti ratione iudicio nostro, nisi quod operis illius Auctorem Spiritus vini Lulliani, quem tamen ceu fundamentum omnium descriptorum menstruorum extollat, descriptionem penitus subticuisse, obiter monuimus. Nunc cum de scripto isto sententiam suam Borrichius majore cum libertate, quam nobis nos indulgemus, in hoc libello exposuerit, eam hic ipsemet verbis exhibere non dubitamus. Ita veto Borrichius pag. 39: *Johannes Segerus Weidenfeld de Secretu Adeptorum opus practicum nuper concinnavit, & illud magna industria lectionis que omnino varia argumentum. Decretum illi, hoc scripto omnes veros Chemicos in speciem diffidentes redigere in concordiam; atque ideo omnium processum, etiam prima fronte pugnantem approbat, tanquam veros, dummodo in illis aliquid Spiritus Vini Lulliani vel tacite, vel explicite reperiatur; creditque nullum adeo dari processum, in quo is non delitescat vel sub proprio, vel alieno nomine. Sed ut hac ipsi concesserit (quod tamen vix ferent delicatius judicantes) nusquam docet, quid sit Spiritus ille vini Lullianus, quo genio incalcescat, ex qua progerminet radice; ut proinde, quamdiu hoc ignotum est, menstruum quoque vere universale ignorari necesse sit. Quin & difficile est creditu, spiritum illum vini Lullianum innoxie permisceri tot aquis fortibus, regiis, tot lixivis, salsis, acidis, ut nihil de integritate sua deperdat. Circumspectius, meo iudicio, veteres omnes hic aquas fortes exterminarunt, quod, quemadmodum bene Lullius in suo Vademecum, non sit bona matris filios suos interficere.*

SEATPON, IN *QUO* MAXIMORUM CHRISTIANI ORBIS
Pontificum Archiatros PROSPER MANDOSIUS, Nobilis Romanus, Ordinis S. Stephani Eques, spectandos
exhibet.

Romæ, typis Francisci de Lazaris, A. 1696. in 4.

Alphab. I. plag. 7.

Quæ Bibliotheca, quam composuit, Romana erudito orbi pridem innotuit illustrissimus Prosper Mandosius, in peculiare hoc volumen (quod studio illustris Magliabechii ad nos pervenit) illos congestit ex Medicorum classe, qui summorum Pontificum valetudini tuenda inde a temporibus sat antiquis præfecti fuerunt, atque eapropter omnes, quotquot hinc a seculo post C. N. nono ad præsens usque ævum

ævum innouerunt, (sunt autem eorum ultra centum,) recenset, antiquissimum inter eos constituens *Ursus*, Nicolai I. Archiatrum, recentissimumque ac hodiernum superstitem *Lucam Tozzium*, post mortem Marcelli Malpighii ad hoc fastigium evectum. Non sola autem eorum nomina, patriamque, & quicquid alias ad singulorum personam spectat, annotasse contentus est, sed scripta etiam ab iis confecta imprimis enumerat, & ad Auctores, qui de hoc illove ipsorum plura literis consignarunt, Lectorem sæpius remittit, usque adeo, ut passim nec inscriptos ipsis ab aliis libros reticeat. In enumerandis autem eorum nominibus, non temporis, quo vixerunt, ordinem observat, sed potius ad pronominum initiales literas alphabeti serie dispositas respicit. Ut tamen & de tempore distinctius constet, indicem præmittit, in quo Pontifices a Nicolao I. ad Innocentium usque XII ad chronologię ductum nominat, atque eorum cuius unum pluresve Medicos subjicit. Sub calcem quoque libri indicem alphabeticum cognominibus noscendis servientem exhibet. Quemadmodum autem Medicorum abs se recensitorum familias ubique semper celebrat, ita illorum quoque parentes, fratres, filios, nepotes, cognatosque alios, tametsi a professione Medica alienos & artibus diversis deditos, non raro simul in medium adducit, unde heic doctos sanctosque viros haud paucos e familia Petronia, Gamuccia, Turina, Leonina, Buoninsegnina, Maggia, Columbina, Honuphrana, Gottefridiana, Canana, Seriusia, Veralla, Brumana, Pasquana exortos deprehendas. Cæterum juvabit notatu digniora nonnulla, quæ hinc inde in eodem obvia sunt, heic sistere. Medicorum, qui ad Episcopatus aut Archiepiscopatus dignitatem adscenderunt, exempla in *Augustino Baglioni* p. 39. in *Balduino de Balduino* p. 40. in *Hieronymo Provenzali* p. 90. in *Johanne Burgio* p. 118. exhibet. *Hieronymo Sessa*, Pauli IV. Archiatro, Cardinalitiam epomidem ab hoc Pontifice oblatam, sed ab illo repudiatam, p. 94; vicissim autem a *Ludovico Scarampo* seu *Mediarota* sub Eugenio IV, & sub Pio IV a *Simone Pasqua* eandem susceptam fuisse, p. 152 & 216. memorat. Medici Papalis munus, ob præfagia astrologica parum sibi proficua visa, sub Paulo V repudiasse, est sub Gregorio XV haud invitum obisse *Pompejum Caimum* p. 194 & 196 refert. Non Latine modo & Græce, sed Hebraice etiam, Chaldaiceque & Arabice doctum Medicum *Matthiam Naldum* p. 164

introducitur. Eorum, qui magnas opes ex hoc officio collectas, morientes reliquerint, plures p. 62. 69. 83. 105. 142. 163. 216. nominat. *Franciscum Columbum* post scientiam medicam abs se excultam, adeo exacte versatum ait p. 70 in libris Platonis, (quem præterea semper in ore habuerit,) ut & ipse Platonis cognomen indeptus, & ejus posterius per multos annos eodem insigniri fuerint. Pag. 48 occurrit titulus, quo seipsum decorare voluit *Bartholomæus de Pisis*, dum servum Papæ se vocavit. *Petrum Leonium* ab Innocentio VIII in Medicum delectum amicis sæpe dixisse narrat p. 187, subitæ sibi mortis periculum in aqua portendi, unde flumina crebrasque navigationes formidavit; at eundem denique suapte sponte, incertum qua de causa, in puteum se præcipitem dedisse, p. 188. innuit. *Franciscum Erigimelicam*, Medicum sub Julio III celeberrimum, intestinorum dolore lancinante aliquando correptum, calculum magnitudine ovum gallinaceum æquantem per alvum excrevisse, p. 74. observat. Obiter inspersa & a materia libri paulum aliena hæc sunt, ubi p. 20 *Augustinum Oldoinum* plura confecisse notat volumina, ad ingens opus de Scriptoribus Italis omnibus, ejusque partem manuscriptam apud se esse testatur; prout & *avéxðota* quædam Carmina Italica *Pauli Zaccbia* (cui quoque ipsi inter Archiatros Pontificios locum assignat, se possidere p. 184. affirmat. *Jano Nicio Erythraeo* in Pinacotheca parum esse credendum, p. 21. contendit, cum is facile in omnes invectatur, omniumque fere famam post nonnullas laudes vehementer lædere studeat. Nec mitius p. 221, de *Garimberto* censet, quem Scriptorem vocat mendacissimum, & mox dubiæ fidei seu nullius, utpote qui Pontifices & Cardinales sæpe injuste maledictis oneret, & idcirco sui momoscopus ævi nuncupetur.

**SAM. LIB. BAR. DE PUFENDORF DE REBUS A CAROLO
GUSTAVO Suecia Rege gestis Commentariorum
Libri VII.**

Noribergæ, apud Christophor. Riegelium, 1696. in fol.

Constant 7½ alphab. & ingenti figur. æn. copia.

Illustri multotiesque nobis laudati Pufendorffii novum, sed posthumum hoc est monumentum, quo memoriz rerum a *Carolo Gustavo* invictissimo Suecorum Rege egregie gestarum consulere, neve

neve apud posteros tanti Herois fama unquam in obscuro esset, prohibere aggressus est. In quo quidem adornando tamen non æque lata spacia decurrenda habuerit, quam cum belli a GUSTAVO ADOLPHO suscepti, & CHRISTINÆ deinceps auspiciis in Germania compositi historiam conderet, aut FRIDERICI WILHELM MAGNI Brandenburgensium Electoris vitam gloriose ac inter tot victoriarum adoras transactam explicaret; tamen & in hoc vix unius sexennii complexu is præclarorum factorum cumulus, is splendor meritorum, ea consiliorum solertia se offert, ut si quis isthac cum annis conferat, ætatem ultra putaturus sit. Absolvitur autem Commentarius hic, plurimis iisdemque elegantibus valde tabulis æneis exornatus, septem omnino libris, in quorum I. præter ea, quæ successionem CAROLI GUSTAVI post abdicatum a Christina imperium, tum coronationem ejus & matrimonium concernunt, motus a Bremensibus excitati quorsum evaserint, occupatis aut tributo subiectis Ducatus quibusdam locis; quomodo sisti cæperint Kœnigsmarckii industria, ac adventu dehinc Stenboeckii cum exercitu; & tandem Rosenhanio ministro qua ratione & quibus legibus finiti sint, explicatur. Videas hic describi Bremensis urbis statum, & regii juris fundamenta, quæ legisse & expendisse talium rerum curiosos non pœnitebit. II. liber de cæpti A. 1655 cum Polonis belli primordiis exponitur. Postquam enim Jo. Casimirus per legatum suum Henricum Canasilium novo Regi super jure regni controversiam movisset, neque vellet concedere, ut regnum transferretur in alteram familiam, clamque hinc in Dania jam & Holsatia, ac apud Brandenburgicum de subsidii ageret, classemque adversus Suecos compararet, & Hagæ quoque fœdus in eum finem agitare diceretur; tum Carolus Gustavus, re communicata cum Ordinibus, missisque subinde in Poloniam, qui consilia Regis & rationes viresque una pervestigarent, prævertendum ratus quicquid erat hostilium machinationum, in Poloniam transferre bellum suscepit. Quod consilium quem habuerit eventum, ut præmisso cum exercitu Wittenbergio Posnaniensis primum & Casiliensis Palatinatus cum quindecim militum millibus in verba Regis redacti, & accedente deinde Rege Warsovia expugnata, ad Czarnoviam & Donascam flumen pugnatum sit fortiter, Jo. Casimirus porro e Regno in Silesiam trepide profugerit, & Cracovia se dediderit, tum

§. 27.

Quar-

§. 67. 68.
69.

§. 16.

Quartiani, status Polonorum miles, ac universus dehinc exercitus istorum securus exemplum, & deserta a Jo. Casimiro Republica eam sibi necessitatem impositam videns, Regi se permiserit; quid in Masovia interim Stenbockius egerit; quomodo Gardius Razivilium ad Regis obsequium & una magnam Lithuaniae partem perduxerit, licet hic discere. Equidem Brandenburgicus Elector & Gedanenses remoram facturi aliquantum videbantur Suecorum victoriis, nitentes pro viribus, ne Borussia hi potirentur, quorum etiam hos Vrangeliuss classe ad Borussiam appellens incassum sollicitabat; ac Elector tamen, postquam R. in Borussiam recessisset, Thoruniumque eodem fere tempore, quo Holmæ Carolus ipsi filius nascebatur, ac mox Elbingam quoque sui juris faceret, permovebatur, ut foedus cum Carolo Gustavo faceret, cujus Regiomonte conclusi capita hic & pacta feudalialia, quibus Warmiensis quoque Episcopatus in seculare feudum conversus ac Electori fuit concessus, in medium producuntur. Qui L. III. sequitur annus 1656, parum Suecis initio fuit auspiciatus, cum Poloni mores eorum pertaxi, & religioni suae timentes, deficerent magno agmine, & ipse quoque regius exercitus ex itinere Jaroslaviensis intensissimo frigore suscepto, non parum affligeretur, ut cum fame eidem & morbis luctandum, totque ab agrestibus in palantes hinc inde non raro incidentibus injuriæ essent perferendæ. Evasis tamen, quicquid erat malorum, fortissimus Princeps, cum ad Golumbium pagum cum Czarnecio feliciter dimicaret, & superato Sano fluvio omnem Lithuanorum exercitum in fugam conjiceret, ac tandem invito Mariæburgi novo cum Electore foedere prope Warsaviam insignem illam victoriam reportaret, qua dispersæ Polonorum copiæ & Warsavia denuo fuit occupata. In ipso prælio, quod per tres fere dies duravit, Rex manifeste periculo vix ereptus, cum solum Travenfeldium secum habens a septem Tartaris lanceis & jaculis invaderetur, quorum duos brevioribus sclopetis statim occidit, tertii, qui lanceam Regis freno implicuerat, caput ita gladio percussit, ut decideret, hinc Travenfeldio, qui jam duos globis trajecerat, subveniens, ut ultimi duo fuga salutem quærerent, effecit. Inde Mosci a Belgis & Cæsareis inducti, & spe freti fore, ut provincias mari Baltico aditas recuperarent, titulos sibi non accurate tributos querentes, in Carcliam Ingridiamque impetum faciunt, & latè omnia vastant;

hinc

hinc majori nisu Livoniam insulant, occupatisque Duneburgo & Cackenhufa, ipsam Rigam acriter obsident; quam tamen Gardius tam strenue defendit, ut post sex septimanarum moram, & aliquot millium jacturam, eosdem illinc oporteret facessere. Quale interim fœdus Regem inter & Cromvellum, de mercibus potissimum & militibus conducendis, factum sit, utque super arctiore ille coeperit movere; ut Belgæ quoque Borussia portus Suecis inviderint, eisdemque hostes clam excitare suscepint, donec de commerciorum in mari Baltico libertate cum iisdem tandem Elbingæ transigeretur, copiose simul explicatur. Videbatur annus 1657, cujus historiam IV liber perceruset, Suecorum rebus non parum firmamenti attulisse, cum Ragotius Transylvaniæ Princeps in societatem, frustra renitente Cæsare, perductus, exercitu quinquaginta fere millium Carolo Gustavo auxilio proficisceretur, in cujus potestatem Cracovia illico, ac Brestia deinceps, nec non Warsovia post obsidionem aliquam deveniebant; at idem tamen eorum consilia non vulgariter disturbavit, cum Dani illinc ingruentes id efficerent, ut Sueciæ Regem alio destinare bellum, relictisque, qui Borussia tuerentur, paucis, omnem exercitum oporteret educere; hinc Austriaci appropinquant Ragotio metum injicerent, qui cum neglectis sanioribus consiliis in Volhyniam secederet, eidemque exercitus Polonicus propius incumberet, Cosaci quoque, Moldavi & Transylvani domum confugerent, ad turpe cum Polonis pactum ineundum est compulsus, ut scilicet mitteret legatos deprecatorios apud Polonos, Hungariæ Regem & Portam Ottomanicam, Tartarorum Chano & primario ejus Veziero daret honorarium, Brestiam & Cracoviam redderet, exiretque Polonia, ac ob illata damna, quadraginta uncialium millia solveret. Multus est illustri Autor, ut Regem suum ab ea culpa, ac si socium hunc suum in illud exitum præcipitaverit, absolvat, qui & eadem occasione, a propriis ministris proditum fuisse Ragotium, non levibus argumentis demonstrat. Quod Danicum vero bellum atinet, suasu Joachimi Gerstorfii potissimum susceptum, ejus hic initium, quasve illic causas scripto publico a Theodoro Reinkingio condito prætexuerint; quæ successuum minus feliciū fuerint rationes; quid in Bremensi Ducatu a Danis primum, hinc ejectis iisdem Vrangeliū industria, in Holsatia a Rege, ac in mari postmodum inter utramque classē gestum sit, memoratur.

§. 71.

Cum primis meretur observari, ipsum Daniæ Regem, insciis plerisque ac Regina quoque, classem conscendisse & Gedanum versus navigasse, ut Carolum Gustavum, quem in Sueciam remeaturum fama erat, interciperet; quem tamen, ubi Gedanum devenisset, jam terra Stetinum versus iter ingressum esse cognoscebat. Neque erit ingratum, quibus modis Sueciæ Rex de excludendis Imperatoria dignitate Austriacis laboraverit, quique factum, ut in cassum caderet isthæc negotiatio, perspexisse. Quem liber V annum 1658 describit, is eo

§. 42. f.

illustrior evasit, quo magis insperatus fuit transitus Suecorum e' Jutia in Fioniam, factus die Saturni, ultimo mensis Januarii, supra Baltici freti glaciem, cum die Martis præcedente aqua adhuc pura ibi fluxisset. Successit ingens Danorum clades, cum ex quinque & amplius milibus vix trecenti hostium manus effugerent, & tantus omnes invasit metus ac trepidatio, ut actum de isthac Sueciæ tam adversa Carthagine Danica videretur. Declinarunt tamen Dani majorem perniciem pace Roschildiæ conclusa, quam cum subscriberet Joachimus Gersfordius, literas ut nesciret, fertur opasse. Nec fuit tamen ea amicitia diuturna, cum Dani, consente Nostro, moras neccerent circa pacis executionem, & novos delectus facerent, & nova cum Belgis inirent consilia; ut de extorquenda firmiori pace cogitare Carolus Gustavus, & sequenti ætate denuo in Scelandiam oporteret transire. Quam

§. 12.

trepidarint tunc omnes; quæ Friderici fuerit generositas, cum, ut in Norwegiam aut Belgium securitatis gratia concederet, suadentibus, in nido se moriturum responderet, nec superstitem suo regno fore, accurate exponitur, additurque, fuisse famam, quod ad dyellum evocatus sit a Friderico Carolus Gustavus, ut eodem omnis semel controversia finiretur. Quod vero non ipsa Hafnia, sed Croneburgum primo appetteretur, Hannibalem Seestedium effecisse scribit Pufendorfius, qui Vrangelio res pretiosas, quæ Croneburgi asservarentur, multis deprædicaverat; Terlonum quoque Galliarum Regis Legatum dissuasisse Hafniæ assaultum, quod plures essent in urbe, qui

§. 96.

mœnia defenderent, quam Suecorum, qui ea impugnarent; quin & plerosque credidisse, lubentibus Sueciæ proceribus id obsidium irritum fuisse, ob infausam semper Sueciæ cum Dania conjunctionem, & quod timerent, ne sedes regni in Daniam transferretur. Ac Croneburgum quidem post 20 dierum obsessionem a Vrangelio expugnabatur,

batur, Danis vero Hafniam muniendi sic relictum spatium, Percurritur dehinc Belgicæ classis, quam Opdamus auxilio Danis adducebat, adventus, quodque d. 29 Octobr. prælium inter utramque classem hoc est commissum eventu, ut Hafnia expetitis diu copiis ad firmandum præsidium potiretur; quidque fœderatus Cæsaris, Polonorum ac Brandenburgici in Holsatia exercitus molitus sit; quamque injucunda Suecis Nidrosiensium in Norwegia defectio contigerit. Multa quoque de electione Cæsaris Leopoldi, studioque Regis pro isthac impedienda, tum & facie aula Imperatoris, qualis eo tempore fuit, inspersuntur; quam plane Angli ad arctius fœdus non potuerint perimoveri; quam iniquum se Curlandæ Dux præbuerit Suecis, amicique leges, qui neutrarum partium est, male servaverit, ut occupata Mittavia, Rigameum captivum oportuerit abduci; quam parum in Borussia, gliscente jam Polonorum erga Austriacos dissidentia effectum, & non nisi Thoruniensis urbs, post longissimam obsidionem, Oxenstierna hostes callide & miro stratagemate detinente, ac ad honestissimam demum pactionem adigente, recuperata sit; utque induciæ demum, in triennium cum Moscis coaluerint. Sequitur liber VI, & una annus 1659, sub cujus initium Hafnia quidem frustra noctu oppugnata fuit, cum de consiliis Suecorum, Cornificii Ulfeldii proditione, jam constaret in urbe; Langelandia tamen, Falstria & Lalandia feliciter occupata sunt. Ut Fœderati Fioniam ne potirentur, Oweni Coxinavarchi Anglici virtute cumprimis contigit, qui hostium bellicas naves prope Mittelfartum partim cepit, partim delevit igne, & sexcentos Brandenburgensium, quingentos Cæsareorum captivos abduxit. Inde classis Anglica primo vere in Oresundam devenit, ductore Montacutio prohibitura, ne Dani plane opprimerentur, & ne conjuncto cum Opdamo Reutero, Belgarum in Oresunda potentia nimium excresceret. Late hæc omnia deducuntur, & de compacto Gallos inter, Anglos, & Belgas inito, binisque deinde vicibus repetito memoratur, ut pax scilicet inter Boreales Reges constitueretur, & dissentiens ex illis, junctis Anglorum & Belgarum viribus ad acceptandam eam compelleretur. Inde tractatum inter Suecos atque Danos, positus ad urbem Hafniam tentorii, factum initium, duarumque conspirationes in Suecorum perniciem susceptæ miro casu detectæ. Sed mox Fœderati, Ebersteinii auspiciis in Fioniam impetum

§. 46.

§. 119,

§. 122,

§. 10.

§. 17.

§. 52.

petum faciunt, & profligato Suecici exercitus duce Philippo Sulzbacensi, magnam cladem edunt, cæsis duobus fere millibus; utque visceribus Daniæ Carolum Gustavum avertant, in Pomeraniam irrumpunt, atque occupatis quibusdam locis, Stetinum quoque, tametsi incassum, obsident. Quod in Curlandia Suecorum res sensim pejores factæ sint, ac in Borussia quoque juncti Cæsareis Poloni Graudentum atque Hauptum suæ potestatis fecerint, sub libri finem legitur. Nos de Cornificio Ulfeldio, & quomodo Hannibal Seestedius, ipsius utut affinis, fortunam memorabili dolo everterit, hæc enotabimus.

§. 52. Scilicet (verba sunt Auctoris) ne iste apud Suecos veterem gratiam repararet, redditibusque suis libere in Dania frueretur, Seestedius Friderico Regi suggessit, ut sibi Holmiam proficiscenti in mandatis daretur, causam Ulfeldii apud Senatum Sueciæ commendare. Id quippe non posse non ipsum suspectum reddere, si pro illo is intercedat, in cuius gratiam idem prodicionem suscepisse arguebatur. Sueci dolum istum haud sentientes, & quia post mortem Regis, bellique finem, non omnia ad unguem refecanda ducebant, Ulfeldium absoluebant, velut haud satis convictum, nec defensum, morbo loquelæ usum adimente. Ast Seestedius, cum astutia sua contrarium effectum sortita esset, ad Comitem Braheum accedebat, ab eoque contendebat, ut sententia Senatus haud divulgetur, sed sibi tradatur, quo eadem Ulfeldio exhibita suam gratiam facere posset. Mox sententia accepta, Terlono ac Sidneio persuasit, Ulfeldium a Senatu damnatum, rogavitque, ut idem per literas Ulfeldio propere significent, quo is saluti suæ per fugam consulere possit. Quorum literis acceptis Ulfeldius territus, elusis custodibus Malmogia Hafniam malo suo fato evasit, & citra præviam reconciliationem in Daniam accedens, apud Fridericum Regem haud indebitam ultionem invenit. Finitur Libro VII omnis rerum a Carolo Gustavo gestarum historia, ac anno adeo 1660 gloriosa simul magni Herois vita. Statuerat is in Norwegiam parere impressionem, ne Nidrosia gratis amitteretur; hinc Laurentius Kaggius Haldam oppidum iussus est obsidere, quod & fecit strenue, licet eventus nequaquam responderet spei, cum morbi exercitum affligentes, ac cæli inclementia, & subsequuta demum Regis mors destinata interromperent. Contigit ea d. 12. Februarii, postquam cum febris maligna aliquandiu fuisset luctatus, ac

im-

imminente jam fatali hora, res suas, atque regni negotia, quæque tutelam maxime tenelli tum adhuc Caroli concernebant, solerter ordinasset; ut ut intrepido animo, & nec ad extrema deficiente, inter Gabrielis Oxenstiernæ & Nicolai Braheii brachia placide obdormiret. Ejus subnectit Elogium singulare Pufendorfius, ac inter alia, cum Nicopiaz sacro lavacro initiaretur, sacerdotem scribit vidisse lucem capiti infantis ad limbi instar circumfusam, idque & protinus adstantibus & post constanter adseverasse. Post domesticam institutionem, Upsaliam missum, cum annum decimum sextum ætatis ageret, & ne crederetur aliquid opinionum circa sacra publicis regni confessionibus repugnans in ædibus paternis hausisse, Professoris Theologiæ Jo. Lenæi contubernio fuisse concreditum, qui circa divina eum instruxerit, & in ejusdem abituri gratiam libellum *de Veritate & Excellentia Religionis Christianæ* conscripserit, ac Archi-Episcopus factus Upsaliensis non parum momenti ad successionem Christinæ obtinendam attulerit. Post biennium Upsaliæ consumtum, exterarum regiones lustrasse, ac per Daniam & Germaniæ maritimam oram in Belgium Fœderatum, inde in Galliam se contulisse, per Helvetios Argentoratum adiisse, ut Bernhardo Vinariensi innotesceret, sed eo per id tempus defuncto Parisios revertisse; superesse Itinerarium ipsius manu Latina lingua scriptum; didicisse Latine, quantum Regi potest sufficere; Gallica lingua promte, Germanica non minus quam Suecica vernacula in vicem, Italica sic satis usum esse; inde bellandi artes in Germania sub Leonardo Torstensonio addidicisse &c. Reliqua pars hujus libri occupatur in describendis tractatibus tum Olivensibus, quibus pax d. 23. April. inter Suecos, Polonos, Cæsareos & Brandenburgicos, Ludovicæ Mariæ Poloniæ Reginæ maxime industria coaluit, tum Danicis, quibus d. 27. Maji non gravi minus bello finis fuit impositus; cum unius Regis virtus sex populos sustinuisset, duorumque Regum alterum extra fines regni sui ejecisset, intra regiam alterum obsedisset, progressibus victoris sistendis tota propemodum Europa excitata.

§. 3.

CRITICA. SACRA EDUARDI LEIGH, DENUO NUNC EDITA cum Prodrōmo Critico a JOANNE HEESER, Sigena-Nassovio, V. D. M.

Amstelædami, typis viduæ Joannis a Someren, A. 1696. in fol.
 Constat Alphab. 10. plag. 6.

Dudum est, quod Eduardus Leigh, Eques, L. A. M. & aulæ Magdalenæ Oxoniæ Præpositus, Criticam hanc sacram, eamque bipertitam, concinnavit, ac varias observationes Philologicas Theologicasque, in omnes radices Veteris Testamenti, & omnes Græcas vocēs Novi Testamenti in eandem congeffit. In opere autem hoc, maxima ex parte, Anglico sermone usus fuit; unde istud in Latinum idioma traduxit, & A. 1678 edidit Henricus a Middoch; ex quo tempore, ob exemplarium defectum, & in Belgio & nuper etiam in nostra Germania, impressio illius sub isthoc habitu semel iterumque repetita fuit. Novissimam autem hanc editionem Amstelædamensem additamento cārere noluit vir reverendus Joannes Heeserus. Cum enim & ipse integram aliquam Criticam sacram omnium vocum, qua Veteris qua Novi Testamenti mediteretur, inque ea veram vocabulorum originem, propriam item & genuinam significationem, diversasque eorum apud LXX Interpretes translationes exhibere constituerit; hinc Prodrogum illius, quem vocat, Leighio subnectere nunc voluit, & in eo quidem circa crisin sacram omhium vocum Chaldaicarum in Daniele, Esra & Jeremia occurrentium versatus est; multa tamen Hebraica vocabula simul inspersit, utque hæc ab istis eo melius distingui possent, Chaldaica asterisco notari curavit. In disponendis radicibus & earum derivatis, ordinem e Buxtorfi Lexico minori huc adhibuit, ac in gratiam eorum, qui in eruendis radicibus parum exercitati sunt, indicem vocum Hebraicarum & Chaldaicarum, ordine alphabetico magis dispositum subjunxit.

INSIGNIS AC CELEBERRIMI DE SS. TRINITATE LOCI

*1. Job. V, 7. Divina Autoritas, Sensus & Usus Dissertatione
 Theologica demonstratus a M. FRIDERICO ER-
 NESTO KETTNERO, Stollbergensi.*

Lipsiæ, apud Heredes Friderici Lanckisii, 1696. in 4.
 Constat Alphab. 1.

Tamet si comma illud, quod in prioris Epistolæ a Johanne perscriptæ quinto capite est septimum, ut a compluribus Theologis aliis, ita

ita imprimis a nostro Gerhardo dudum solidissime expositum, suæque auctoritati, diversis diverforum contradicentium strophis impugnata, redditum fuit: placuit tamen Auctori Exercitationis hujus reverendo suam quoque circa illud exercere industriam, ac diligenter colligere, quæ alii hinc inde olim de eodem fuere commentati: prout & universam fere de SS. Trinitate doctrinam heic repetiit, ac usus qua fidem qua mores informantes, qui alias deduci solent generatim e toto hoc articulo, tractationi huic accommodavit. Exorsus autem ab indagine illarum rationum, ob quas Johannis Evangelistæ imago quædam constituatur aquila, mox ad enumerationem Auctorum pergit, qui divinam esse dicti hujus originem negarunt, eorumque nomina ex Gallia, Batavia, Anglia, Saxonia, Italia, Polonia, Transylvania, Helvetiaque allegat. Hinc manuscripta Biblica, quæ dicto illo careant, octo & triginta ordine alphabetico disposita, Ecclesiæque Patres altum de eodem silentium tenentes, versiones etiam ac editiones, quæ nihil horum verborum hoc in loco ostendant, introducit. Porro de dicti per varias lectiones corruptione agit, textusque cum antecedentibus connexionem a nonnullis, si istud addatur, pro inepta habitam commemorat. Postmodum vero argumenta, quibus dicti auctoritas corroboretur ac vindicetur, cumulat, primoque loco obviam ejus in non paucis Patribus scriptisque ritualibus allegationem urget; deinceps e depravatione Epistolæ Johannis primæ, hæreticis a dmodum familiari, negotio haudquaquam difficili factum fuisse colligit, ut & præsens locus rapaces eorum manus fuerit expertus; ulterius quam pulchre istud cum scopo & coherentia totius Epistolæ Johanneæ conveniat, deducit; præstantiam hinc & sinceritatem manuscriptorum, in quibus id oraculum extet, celebrat; nec tandem dicti cum phrasi Johannea, analogia fidei, aliisque similibus *xpm ejus* consensionem omittit. Quibus pertractatis, de stylo, quo heic uti placuerit Apostolo, disputat, eumque nec Hellenisticum esse, nec Platonium, nec Chaldaicum, nec Talmudicum demonstrat. Verba singula & eorum sensum ponderat, post quem prolixius illustratum usus, quos supra diximus, subjungit, ac ultimo appendicis in vicem triginta dispositiones iis, qui in cathedra sacra textum hunc tractare voluerint, inserviuras superaddit,

Hoc est:

NOVUM TESTAMENTUM DOMINI NOSTRI J. C. CONCINNIS perspicuique notis in versionem, qua vulgo Ecclesia Reformata utuntur, illustratum, præfationibusque exornatum a DAVIDE MARTINO Ecclesia Walonica, qua Trajecti ad Rhenum est, Pastore.

Traj. ad Rhen. apud Franc. Halmam & Wilh. van de Water, anno 1696. in 4. Constat alphab. 4. plag. 8.

Difficile foret, omnium editionum, quibus Genevensis Novi Testamenti translatio recusa fuit, numerum inire. Tot enim vicibus, tam variis formis, post R. Olivetani tempora, lucem illa adspexit, ut integrum volumen implere possit impensorum in illam laborum historia. In qua, si componenda ab aliquo esset, merito sibi etiam locum reverendus *Martinus* esset vindicaturus. Ille enim in ea, quam nunc exhibemus, editione, non id tantum operam dedit, ut nitida emendataque, quam fieri potest maxime, versio illa extaret: verum etiam notis suis efficere studuit, ut plana magis atque perspicua rudioribus illa redderetur. His enim ut præcipue inservire hac opera sua sese velle ostenderet, servatas in aliis Genevensis versionis editionibus variantes Græci textus lectiones prorsus omisit. Imo etiam in notis suis, nulla fere instituta Græci textus cum hac versione collatione, ut eam vel defenderet vel emendaret, simpliciter argumentum sacrorum librorum explicasse contentus est. Qua in re aliud ejus consilium esse non potuit, quam quod turbare hujusmodi rebus infirmiorum animos fuerit veritus: quam multa enim ex instituto Colomesius, quam multa alii sparsim in Genevensi illa N. T. versione reprehenderint, eum non latuisse putamus. Præter notas istas suas, quas textui semper subjecit, in margine loca alia parallela copiose diligenterque allegavit. Singulis autem libris præfationem non adeo prolixa præmisit, in qua summam & scopum eorum exposuit. Universo denique operi generalem præfationem præfixit, in qua veritatem Religionis Christianæ, allatis breviter potissimis argumentis, assertum ivit.

* *

ACTA ERUDITORUM

Publicata Lipsiæ

Calendis Maji, Anno MDCXCVII.

TRAITE' DE LA MANIERE D' EXAMINER LES
Differens de Religion &c.

Id est:

TRACTATUS DE RATIONE CONTROVERSIAS DE RE-
ligione examinandi. Auctore MICHAELE

LE VASSOR.

Amstelodami, apud P. Brunel, 1697. in 12. Alph. 1. pl. 4.

Placuit Auctori doctissimo cum celeberrimis Ecclesiæ Ro-
manæ propugnatoribus, præsertim cum Nicolio & Melden-
sium Præfule Jacobo Benigno Bossuero, descendere in are-
nam. Aggreditur autem ipsum caput causæ, & de ejusmo-
di quæstionibus disceptat, quibus expeditis cætera fere sua
sponte corruunt. Primo enim in methodum, qua veteres in capituli-
bus doctrinæ cælestis, super quibus lis forte orta erat, dijudicandis
uti sint, inquirat: simulque probare annititur, longe aliam hodie esse
rerum faciem, quam olim fuit, nec adeo rationem istam dissentien-
tes convincendi, veteribus frequentatam, hodie usurpari posse. Ni-
mirum Gnosticos aliosque hæreticos ait semper in ore habuisse tra-
ditiones quasdam, quas ab Apostolis sese accepisse gloriati sint, &
sine quibus divina Novi Fœderis oracula intelligi non posse, conten-
derint. Hosce ergo homines ut confutarent purioris ætus Docto-
res, non potuisse in aliam viam ingredi, quam ut ad Ecclesiarum,
quas aut fundaverant Apostoli, aut quibus præfuerant, testimonium
provocarent. Si enim arcanam quandam habuissent doctrinam, quæ
literis non esset consignata, sine dubio cum Ecclesiis, quas plantave-

Cap. I.

Bb

rant,

rant, eandem communicassent, & curassent, ut in iisdem conservaretur. Quæ cum ita sint, mirum non esse concludit, quod Irenæus & Tertullianus aliique subinde in ejusmodi disceptationibus ad Ecclesiæ testimonium provocarint. Cum primis autem valde prolixus est in explicanda methodo D. Augustini, quem ejusmodi Ecclesiæ imaginem animo concepisse simul affirmat, quam cum re ipsa parum convenire, eventus & subsecutorum temporum historia luculenter comprobavit. Hinc discussis velut in transitu aliquot Nicolii & Bossueti dubiis, nec Christum, nec Apostolos unquam aut Ecclesiæ infallibilitatem, aut traditionem in subsidium vocasse, quotiescunque cum veritatis hostibus illis res esset, commonstrat. Hisce ita expeditis, controversias, quæ hodie inter Protestantes & Romanenses agitantur, magnum omnino trahere momentum asserit, eundoque per præcipuas, de infallibilitate Conciliorum, primatu Romani Pontificis, numero Sacramentorum, invocatione Sanctorum, cultu imaginum, &c. idem evincit. Notat quoque Nicolium, existimantem, unumquemque prolixa horum capitum discussione facile supersedere posse, modo ad mores, non adeo, ut putat, probos illorum, qui Ecclesiæ Romanæ errores primum emendare coeperunt, attendat. Namque inter eos ipsos, qui primi jugum Romani Pontificis excusserunt, fuisse viros, ipsorum Romanorum confessione, puræ integerrimæque vitæ, demonstrat. Inquirendum itaque in veritatem inquit, sed quomodo? Num ad traditionem aut Patrum auctoritatem recurrendum? Non quidem hoc plane necessarium dicit, cum Divinæ Literæ hunc in finem mortalibus sint concessæ; interim non diffiteretur, si de oraculi cujusdam sensu lis sit, haud male quandoque veteris Ecclesiæ Doctores consuli. Cum primis autem Patrum, qui ante Concilium Nicænum vixere, sententiam minime contemnendam esse judicat. Quod ad illos attinet, quia Concilio Nicæno ad Chalcedonense usque vitæ, licet prioribus doctrinæ puritate, vitæque sanctitate cedant, in quibusdam tamen capitibus itidem non male eos in subsidium vocari, pronunciat. Hæc dum uberius prosequitur, ad Vincentium Lerinensem tandem sermo devolvitur, cujus methodum dissentientium placita ad examen revocandi, plane non convenire cum methodo, quam Romanæ Ecclesiæ Doctores commendant, id quidem est, quod sibi demonstrandum sumpsit. Sed cum ad Ecclesiæ infallibilitatem ubique

Ro-

Romanenses provocent, & in ea omne causæ suæ præsidium collocent, in hanc paulo diligentius inquirat. Delineata itaque paucis Ecclesiæ natura, quam animo concepit, ut sibi demonstraretur postulat, quænam Ecclesia ista fuerit tempore Christi, quæ infallibilis dici possit. Ad Synedrium provocari non posse ait, nisi quis R. Simonis asserta jam pridem explosa, aut Rabbiorum admittere commenta velit. Nec rectius Sapientes istos, aut Vatum in scenam produci collegia. Qui vero Scribas & Phariseos huc advocent, plane falli. Dixisse quidem Servatorem: *in Mosis sede sedens Scriba & Pharisei: quicquid igitur vobis dixerint exequendum, exequimini & facite &c.* Matth. cap. 23. v. 2. 3. Sed sensum hujus effati hunc esse: *quicquid igitur vobis dixerint exequendum, siquidem cum lege Mosis convenerit, exequimini &c.* Non aliter hoc oraculum intelligi posse, prolixè evincit. Respondet etiam ad loca, quæ in hac disceptatione subinde proferri solent, Matth. XVI, 18. 1. Tim. III, 14. 15. 16. Matth. XXVIII, 19. 20. Ephes. IV, 11. 12. 13. Matth. XVIII, 17. Et circa Pauli quidem effatum in Epist. ad Timotheum, præter alia monet, verba ita etiam distingui posse: *hoc tibi scribo, sperans me ad te venturum brevi; ut, si eandem, scias, quomodo sit in domo Dei versandum, qua est Dei viventis Ecclesia. Ecce veritatis columen, &c.* Sed fatetur se veterum auctoritate destitui. Locum Matth. XXVIII, 19. 20. de Apostolis tantum intelligit, & verba, *usque ad finem sæculi*, de Reipublicæ Judaicæ everfione capit. Insistit eidem argumento in sequenti capite, & Nicolii rationes, pro Ecclesiæ infallibilitate, a traditione desumptas, sub examen revocat; hac etiam occasione de Græcæ Ecclesiæ cum Romana consensu, quem Romani fingant, ut & de miraculis differit, Nicolique institutum, quo morum integritatem vitæque puritatem multis Ecclesiæ Romanæ additis tribuerat, eamque in cælum sustulerat, perstringit. Et ita quidem ad Concilia progreditur. De quorum origine, natura & auctoritate dum differit, a Deo ea instituta esse, ad lites finiendas, diserte negat. Nec Servatorem, nec Apostolos Concilia præscripsisse, ostendit. Quod vero vulgo afferri solet ex Act. 16. capite, Concilium Hierosolymitanum, id vero concilium accurate loquendo fuisse, plane abnuat. Unam enim Ecclesiam alteram super quibusdam quæstionibus solum consuluisse ait, id quod nondum ad concilium sufficiat. Quando autem Apostoli scripserunt: *visum est Spiritui Sancto & nobis*

Cap. IV.

Cap. V.

Cap. VI.

his, hoc non ita intelligendum esse, quod Spiritus Sanctus Doctoribus in concilio congregatis speciali ratione addit, sed quod de voluntate Spiritus Sancti, & per miracula, & per clarissima divinarum literarum effata, certiores essent redditi. Frequentari autem deinceps concilia cœpisse, dum Ecclesiæ ex metropolitanis propagatz, si dubium aliquod ortum esset, illarum Antistites consuluerint, qui ne soli sententiam dicere viderentur, aliarum Ecclesiarum Præsules adhibuerint in consilium, eosque hunc in finem convocare soliti fuerint. Interim ex eo, quod Gentilibus omnem furorem in Christianos effundentibus, concilia non celebraverint, etiam si lites non deessent, luculentissimum pro sua sententia argumentum duci posse putat; nunquam enim hoc intermissuros fuisse, etiam si vidissent, maximis inde periculis se expositum iri, si putassent, a Deo hunc modum lites componendi aut præscriptum, aut commendatum fuisse. Falsum autem esse, quod dicitur, Spiritum Sanctum conciliis peculiari modo adesse, eundo per præcipua veteris Ecclesiæ concilia, quæ aut ab aliis conciliis, aut certis tamen auctoritatis Doctoribus Doctrinæ rejecta fuerint, probare agnoscitur. Cæterum cum Bossuetus affirmasset, Protestantibus articulum Symboli Apostolici, *credo sanctam Ecclesiam Catholicam*, rejicere, & vel ex hoc solo capite erroris convinci posse, Auctor hoc sibi datum reputat, ut in horum verborum sensum inquirat, & Protestantes eo modo de Ecclesia sentire evineat, quo Symboli hujus conditores senserunt. Quod dum agit, inter alia observat, Apostolos hominibus a se conversis non aliud dedisse symbolum, quam quod in verbis Christi Matth. XXVIII, 19 continetur. Ut enim Christianitum a Judæis tum ab Ethnicis discernerentur, suffecisse putat, si Deum unum in essentia, trinum in personis confiterentur. Judæis etiam, cum jam Deum unum admitterent, ad Ecclesiam Christianam transcuntibus, satis fuisse hæc verba in Symboli vicem proponere: *credo Jesum Christum esse filium Dei*. Act. VIII, 37. Sed cum deinceps magnæ multaq; super doctrinæ cœlestis capitibus disceptationes orirentur, aliis quidem Deum Patrem Christi creatorem esse cœli & terræ negantibus, aliis Christum nudum fuisse hominem a Josepho & Maria genitum contendentibus, nonnullis eum vere mortuum & cruci affixum esse abnuentibus, istis quidem verbat: *creatorem cœli & terræ*; illis verba: *qui conceptus est de Spiritu Sancto, natus ex Maria virgine*; his verba: *passus sub Pontio Pilato*

Pilato

Pilato &c. opposita, & ita subinde aliis erroribus ab hæreticis disseminatis, alios quoq; novosque articulos adjectos fuisse, contendit. Quod itaq; ad articulum de Ecclesia attinet, quando Orientales eundem Symbolo adjecerint, vix certo definiri posse, indicat: in Occidentali autem Ecclesia, occasione certaminum cum Novatianis, hunc articulum additum esse, profitetur. Hos enim Ecclesiam, eo quod reciperet eos, qui idolis sacrificia obtulerant, vera tamen poenitentia crimen expiaverant, impuram & commaculatam clamitasse: quibus ut se opponerent Doctores, adjecerint Symbolo: *Sanctam Ecclesiam* &c. In capite septimo iterum cum Nicolio congregitur, probaturus, sententiam ejus, qua sibi & aliis persuadere voluerat, cum Protestantibus non esse ex Divinis Literis disceptandum, cum schismatis palam rei sint, omni carere fundamento. Explicata ideo paucis natura schismatis, testimonia Patrum, Optati, Paciani, Hieronymi, & Augustini, contra Novatianos, Donatistas, & Luciferianos prolata, huc non quadrare evincit. Atque idem argumentum in sequenti capite prosequitur, ubi ex instituto de Augustino agit. Cum vero præcipue Romani, ut Protestantés schismatis convincant, urgeant unitatem Ecclesiæ, hanc vero in eo consistere dicant, quod unum habeat caput, Romanum videlicet Pontificem; de ejus primatu Noster etiam multa disputat. Fateretur tamen, a Blondello & Launajo hoc argumentum tam exquisitè pertractatum esse ut hætenus Romani nihil solidi reposuerint. Cuncta vero redeunt ad decantatum istud Servatoris effatum: *Tu es Petrus* &c. Matth. XVI; quo argumento cum etiam Bossuetus usus sit, Noster hoc sibi discutiendum sumpsit, evicturus, Ecclesiam non aliter super Petrum fundatam dici posse, quam quod in convertendis Judæis pariter ac Gentilibus, præcipuè Petri fuerint partes: inde autem ad Pontificum Romanorum primatum stabiliendum quicquam elici posse, plane abnuat. Non minus & eos falli dicit, qui Ecclesiam Romanam pro centro communionis ecclesiasticæ venditant. Notat hic præ cæteris Petrum De Marca, cumque, ut Romano Pontifici blandiretur, in Ecclesiæ Gallicanæ libertatem palam injurium fuisse dicit. Nec aliter evenire posse ait, quam ut secum pugnantia scribant, qui Ecclesiæ Gallicanæ libertatem ita defendere in animum inducunt, ne offendant Pontificem. Suam itaque sententiam partim ex Divinis Literis, partim veteris Ecclesiæ auctoritate probat. Et apud veteres quidem

Cap. VII.

Cap. VIII.

Cap. IX.

Cap. X.

Cap. XI.

dem Romanam Ecclesiam pro centro communionis ecclesiasticæ non fuisse reputatam, inde probat, quod in maximi momenti negotiis, sæpius ejus auctoritas neglecta olim fuerit, aut insuper habita, adeo quidem, ut nonnulli Doctores & Episcopi non tantum se ab ea dissentire testati fuerint, sed a sacris etiam arcere, & erroris ac criminis palam arguere, nulli dubitaverint. Hæc documentis pluribus, ex veteris Ecclesiæ annalibus petitis, demonstrare nititur. Quibus ita declaratis, ad Petri De Marca argumenta respondet, & primum parum bona fide eum egisse observat, quod prætermisiss Ecclesiæ Orientalis Doctoribus, quorum auctoritas citra controversiam plurimi hic faciendæ sit, ad Latinæ solum & hinc pendentis Africanæ Ecclesiæ Doctores provocaverit; quorum testimonia vel ex hoc capite non tanti faciendæ sint, quod multæ istarum Ecclesiarum a Romana fuerint propagatæ, aut alias causas eam venerandi habuerint. Ad specialia dum descendit, nec Cyprianum, nec Hieronymum, nec Augustinum, cæterosque quos laudaverat Petrus De Marca, huic causæ patrocinari, contendit. Nec concedit (quod idem Petrus De Marca asseruit, & acriter, libertatis Ecclesiæ Gallicanæ, quam hoc ipso, censente Nostro, plane evertit, immemor propugnavit) Romanum Pontificem esse Ecclesiarum Occidentalium Patriarcham. Quod ut refutet, præmissis nonnullis de origine Ecclesiarum Metropolitanarum, ut & Patriarchatuum, nec potestatem Episcopos in omnibus Occidentis Ecclesiis in sacrum ordinem recipiendi, nec facultatem leges sacras præscribendi, aut circa Ecclesiæ disciplinam aliquid constituendi, olim Romano Episcopo competiisse, adductis ex historia documentis comprobat: abnuat quoque plane, in more positum fuisse ad Romanum Episcopum provocare, aut causas, ut loqui amant, majores ad eum deferre. Fatetur quidem, interdum Romanum Pontificem, si forte aliquid magni momenti accidisset, ea de re ab Episcopis certiorum fuisse redditum, præsertim si nova orta esset hæresis: sed cum Ecclesiæ, quarum una ab altera, omnium consensione, non pependit, eundem frequentaverint morem, sæpiusque ipsæ Orientales ab Occidentalibus, & hæ ab illis, aut consultæ, aut contra novum errorem velut in subsidium vocatæ fuerint, pro Romani Pontificis Patriarchatu nihil inde colligi posse, pronunciat. Sic & illos falli autumat, qui responsa veterum Pontificum in controversiis statim pro legibus aut decretis venditant. Simul tamen monet,

multa

multa veterum Pontificum, quæ afferri solent, decreta spuria esse & suppositicia. Ipsorum quoque veterum Pontificum testimonia minus recte adduci contendit, partim quod in causa propria versentur, partim quod falso & lubrico fundamento illorum sententia fuerit innixa. Hisce hunc in modum diductis, ad Ecclesiam Anglicanam accedit, demonstraturus, jure eandem Romani Pontificis jugum excutere potuisse. Nimirum non deterioris eam conditionis fuisse ait, quam aut Africanam, aut cæteras Occidentis Ecclesias: quas tamen non ita a Romano Pontifice pependisse, ut ejus imperio se subtrahere non potuerint, abunde probaturum putat. Quin veteres Britannicas Ecclesias longe celeberrimas, & subinde ab antiquissimis Doctoribus Græcis & Latinis memoratas, nullam Romani Pontificis in se agnovisse preestatem, vel inde probari posse autumat, quod nullum extet decretum, quo Romani Præfules aliquid constituerint ad Ecclesias Britannicas pertinens. Ex iis etiam, quæ circa erroris, quem Pelagius commensus est, rejectionem contigerunt, intelligi posse, Britannicas Ecclesias suas lites ad Romanum Antistitem non detulisse. Hoc enim placita sua spargente, non Romanum Pontificem, sed Ecclesias vicinas, præsertim Galliz, hac de re certiores, ut autumat, fecerunt. Et licet oppressa per Saxones Britannia, Ecclesiisque illius in summas angustias reductis, Augustinus quidam, Romanæ disciplinæ alumnus, in Britanniam Romani Pontificis jussu venerit, Christianam religionem instauraturus, tantum tamen abesse, ut Ecclesiæ superstites Romanos ritus admittere voluerint, ut potius illas, quas a majoribus suis acceperant, acriter defenderint. Ex eo vero, quod Augustinus in Britanniam missus fuerit, nullo modo probari posse, quod Romano Pontifici potestas quædam in Anglicanam Ecclesiam competat, prorsus contendit. Ergo nec nefas fuisse concludit, ejus jugum excutere. Atq; cum in eo nec quod divinis literis, nec quod traditioni purioris antiquitatis repugnet, commiserit, falli Bossuetum inquit, dum, ut demonstraret, non sine crimine Romani Pontificis imperio Ecclesiam Anglicanam se subduxisse, Henrici VIII, Annæ Boleniæ, Cranmeri, & cæterorum, quibus reformatio Anglicanæ Ecclesiæ impurari solet, mores acriter perstrinxit. Etiam si enim inquit horum mores tam pravi fuissent, ut vulgo feruntur, instituto tamen huic saluberrimo, & in se optimo, non potuisse esse fraudi, & varia ad Anglicanæ reformationis

Cap. XII.

histo-

- Cap. XIII. historiam spectantia inspergit. Tuetur tandem Anglicanæ Ecclesiæ sententiam, de potestate summorum Imperantium circa sacra, contra Romanorum accusationes, eamque & Divinis Literis & puriori traditioni conformem esse, commonstrat. Probat exemplis Constantini, Justiniani, aliorumque Imperatorum, in veteri Ecclesia sæpius leges circa sacra latas, & talia ab Imperatoribus suscepta fuisse, ex quibus pateat, eos supremam circa sacra in externis potestatem sibi, nemine refragante, tribuisse. Valentiniani I exemplum Romanis parum prodesse ait, cum sub ejus imperio tam turbidus rerum status fuerit, ut Imperatorem bellicis rebus impeditum, Ecclesiæ instituta parum curasse, mirum non sit. Valentinianum II autem rursus etiam Ecclesiæ non minus, quam Imperii habenas capessivisse. Dissertit quoque hac occasione de legibus, quas olim Episcopi condiderunt; itemque de pœnis, ut vocant, canonicis & ecclesiasticis: nec has vere pœnas, nec illas proprie leges esse, adeoque ex hisce similibusve nihil omnino, quod jurisdictionem arguat, colligi posse concludit. Petri De Marca autem & Bossueti rationes discutens, rursus de Cranmero & Thoma Becketo dissertit, illiusque de potestate summorum Imperantium circa sacra opinionem, toti Ecclesiæ Anglicanæ tribui posse abnuvit. Finit autem totam dissertationem demonstrando, quod Ecclesia Anglicana auctoritate & auspiciis Regis sui, doctrinam Ecclesiæ corruptam revocare sub examen, & emendare potuerit. Quod ut extra dubitationem ponat, initio contendit, fas esse Regibus in dogmata, quibus Ecclesia personat, inquirere, rejicere errores, stabilire veritatem; idque Imperatorum veterum Regumque Franciæ, cum primis Caroli Magni exemplis comprobare. Deinde qualis Ecclesiæ totius status fuerit, eo tempore, quo Anglicana se emendavit, rem omnem altius repetendo edisserit, & hinc de reformatione Ecclesiæ per Germaniam, ut & de Concilio Tridentino prolixè exponit. Et hoc quidem ita comparatum fuisse abtumat, ut mala Ecclesiæ auxerit, tantum abest, ut us attulerit medelam. Id quod cum ex historia ejus, tum ex singulis fere decretis, quæ hodie recenseat, patere ait. Cum ergo corruptus Ecclesiæ status corrigi aliter non potuerit, & Anglicana quoque Ecclesia nihil commiserit, si etiam modum spectes, quod divino juri aut veteris Ecclesiæ moribus repugnet, criminis cujusdam aut schismatis accusari eam non posse concludit.

G. G. L.

G. G. L. COMMUNICATIO SUÆ PARITER, DUARUMQUE alienarum ad edendum sibi primum a Dn. JO. BERNOULLIO, deinde a Dn. MARCHIONE HOSPITALIO communicatarum solutionum problematis curvæ celerissimi descensus a Dn. JO. BERNOULLIO Geometris publice propofiti, una cum solutione sua problematis alterius ab eodem postea propofiti.

PROblemata proponere Geometris dudum usitatum & publice utile est, cum non sit animo suos profectus jactandi, sed alienos excitandi, ut dum quisque methodos suas exercet, ars inveniendi augeatur. Sæpe fit, ut viri eruditi quidem, & in recepta analysi versati, sed nihil alijs agitantés, dum de iis, quas didicere, methodis nimium sibi pollicentur, vulgari doctrinæ securi indormiant, magno scientiæ detrimento: nam qui sibi persuadent, nihil superesse, quod, si modo animum adhibere velint, non sit in potestate, nova non quærunt, & suæ simul desidiæ & vanitatj litant. Hi igitur non melius veterino suo excutiantur, quam si problemata proponantur, elegantia vel utilia, præsertim si magis sint artificiosa quam laboriosa. Et puto ea re maxime factum fuisse, ut methodus infinitesimalis differentiarum & summæ (cujus calculum differentialem appellare placuit) a me propofita increbresceret, & a viris egregiis in usum transferretur, quod appareret, problematibus insignibus solvendis aptissimam esse. Cum enim forte Dn. Abbati Catelano, nescio quæ contra *Dynamica* mea opposenti, & alioqui *Cartesianis* methodis nimium tribuenti, in Novellis Reipublicæ Literariæ responderem, venit in mentem ipsi pariter aliisque eadem sentientibus proponere Problema (non admodum quidem difficile) *Lineæ Isochrone*, in qua descendens grave uniformiter appropinquaret horizonti. Sed illis silentibus, solutionem dedit Dn. *Hugenius*, quod elegans ipsi quaestio videretur. Cumque aliqua consulo indicta reliquisset, hæc ego suppleveram, & demonstrationem adjeceram in *Actis Eruditorum*: idque magis feceram, ut problemati ultimam manum imponerem, quam ut aliquem magnopere fructum inde mihi pollicerer. Verum uti aliqua est rerum omnium concatenatio, fecit hæc mea demonstratio, ut Dn. *Jacobus Bernoullius*, qui antea calculum differentialem, quem in *Actis* iisdem dudum commu-



nicaveram, minore fructu aspexerat, majorem inde lucem subito hauriret, & percepto methodi ad quæstiones Physico-mathematicas usu, problema *Lineæ Catenaria* a *Galileo* frustra tentatum mihi proponeret. Quod cum ego reperissem, & publicata solutione possem qualicumque illa laude solus frui, malui tamen alios in partem venire, ut in excolenda pulcherrima methodo adjutores mihi pararem. Certum enim est, egregia ingenia laude duci solere, & libentius ea tractare, in quibus non omnia aliis, sed multum etiam sibi debent. Itaque significavi publice, me solutionem *Galileo* frustra quæsitam reperissem, editionem autem in annum differre constituisse, ut aliis spatium daretur, vel suas excolendi methodos, vel nostram meditandi, & rite adhibendi. Id vero feliciter successit. Nam *Dn. Hugenius* (quem nunc ereptum nobis dolemus) sua quadam methodo ad solutionem aliquam, licet (ut ipse postea ingenue agnovit) imperfectiorem, pervenit. Sed *Dn. Jo. Bernoullius*, meo calculo profundius inspecto, ejus ope optatam solutionem obtinuit, problemate, quemadmodum & a me factum fuerat, ad Hyperbolæ aream reducto, eo tantum discrimine, quod ipse per Curvæ parabolice rectificationem, ego per Logarithmos constructionem exhibuissem. Hic autem successus tam insignis Dominos *Bernoullios* fratres mirifice animavit, ad præclara porro ope hujus calculi præstanda, efficiendumque, ut jam non ipsorum minus quam meus esse videretur; ipso mox *Hugenio*, qui antea de eo tenuius senserat, utilitatem ejus & privatim experiente & publice prædicante, aliisque, sed in primis *Dn. Marchione Hospitalio* in Gallia, & *Dn. Craigio* in Anglia exempla eorum sequentibus. Et præ cæteris quidem egregia fuere, quæ *Dn. Jac. Bernoullius* Professor Basileensis circa *Lineam Veli* & circa *Elasticam* dedit. Sed *Dn. Marchio Hospitalius* præcepta ipsa methodi justo opere nuper exposuit, multisque exquisitis speciminibus mirum in modum illustravit.

Tandem novissime *Dn. Bernoullius* Professor *Groninganus* aliud problema nempe *Lineæ brevissimi descensus*, itidem a *Galileo* frustra tentatum, problemate *Catenaria* lineæ pulchritudine usque non inferius, examinandum sibi sumsit, solvitque, & aliis etiam solvendum commendavit. Ita duo problemata illustrata a *Galileo* pulchre quidem propolita, sed nequicquam ab ipso & male tentata, ope calculi nostri solutionem acceperunt. Fuit sane *Galilæus* Vir ingenii judicii que maximi,
sed

sed quod ipsius tempore Ars Analytica nondum satis promota esset, pars autem ejus superior seu infinitesimalis adhuc in tenebris jaceret, solutiones hujusmodi sperare non debuit. Conjecit quidem *Catenariam* esse Parabolam, & *Lineam brevissimi descensus* esse Circulum; sed longissime aberravit, cum *Catenaria* per logarithmos seu per arcus parabolicos in rectam extensos, at *Linea brevissimi descensus* per arcus circulares rectificatos determinetur. Sed Dn. *Jo. Bernoullius* melioribus rem auspiciis aggressus, non tantum primus reperit *lineam brevissimi descensus* esse Cycloidem, sed & aliud mysterium in linea hujusmodi *brachyochrona* latere reperit, radorum lucis scilicet curvaturam in medio continue difformi, quam ipse Dn. *Hugenius* in libro de lumine consideraverat quidem, sed determinare in se non susceperat. Hoc Problema igitur Dn. *Bernoullius* in *Actu Lipsiensibus* intra sex menses solvendum publice proposuit, & privatis literis a me postulavit, ut aliquid temporis ei impenderem. Ego vero, velut missione dudum impetrata, potuissem hoc labore superfedere, dum tot alia urgent, nisi pulchritudo problematis me velut invitum pellaci sua vi ad se traxisset. Evenit autem, ut mox feliciter voti fierem compos, solutione igitur mea *Autori* problematis communicata agnitoque consensu, statim ipse solutionem suam mihi transmisit, & suo tempore edendam apud me deposuit. Cum autem sex menses præstituti fuissent elapsi, neque alius quisquam solutionem a se repertam significasset: potuisset Dn. *Job. Bernoullius* solutionem suam publicare, & gloriam inventie elegantissimi sibi pene soli vindicare; idque ego quoque ipsi suassem, si magis laudi nostræ privatæ, quam utilitati publicæ velificari voluissemus. Cum vero nobiscum expenderemus, præstare ad incrementum scientiæ & rei memoriam, ut plures participes fierent successus, placuit ipsi pariter & mihi, ut terminus ad sex alios menses prorogaretur; tametsi prævideremus facile, egoque ipsi in literis meis prædixissem, eos ipsos, quos nunc solutionem tandem assecutos videmus, præsertim anterioribus nostris inventis communicatisque adjutos, ad eam esse perventuros, si satis animum intenderent. Et sane notatu non indignum est, eos solos solvisse hoc problema, quos solvere posse conjeceram; nec vero nisi illos, qui in nostri calculi differentialis mysteria satis penetravere. Cumque præter Dn. *Fraterem Austriæ*, tale quid de Dn. *Marchione Hospitatio* in Gallia fuisset auguratus,

adjeceram ex abundanti, me credere Dn. *Hugenium*, si viveret, Dn. *Huddenium*, nisi hæc studia dudum seposuisset, Dn. *Newtonum*, si operam hanc in se reciperet, quæsito pares fore; quod ideo repero, ne excellentes viros contemnere videar, quibus nostra tractare aut non licet, aut non vacat. Cæterum Dn. *Job. Bernoullii* solutio ad me fuit missa mense Augusto anni superioris; Dn. *Jac. Bernoullius* quid & quo tempore præstiterit, docebunt ea, quæ ipsemet recta transmissit ad *Acta*. Sed Dn. *Marchionis Hospitalii* solutio literis mense Martio hujus anni ad me datis fuit adjuncta. Porro Dn. *Job. Bernoullius*, præter solutionem, etiam methodum quandam suam publicare voluit, qua ad solutionem pervenit: sed cum duas habuerit, prodit hic indirecta tantum, ut sic dicam, etsi perelegans, nempe sumta ex consideratione dioptrica; sed habet adhuc aliam magis directam & magis ex ipsis visceribus sumtam, quam petentibus non denegabit. Est autem in hoc problematum genere, circa *Maxima & Minima* tali modo proposita, aliquid inusitatum, & longe superans vulgares de *Maximis & Minimis* quæstiones, quibus solis *Fermatius* (primus aliqualis circa ipsa Methodi autor) *Cartesius*, *Huddenius*, *Slusius* aliique Methodos suas (de quibus quidem constat) aptavere. Nam in ipsorum quæstionibus res fere eo redit, ut quærat maxime vel minima ordinata alicujus curvæ datæ, quod non nisi corollarium est Methodi tangentium vulgaris seu directæ. Sed hoc loco curva ipsa aliquid optime præstans quæritur, cujus sæpe adeo recondita est natura, ut ex datis conditionibus, ne tangentium quidem proprietas appareat, adeoque nec ad methodum tangentium altiore seu inversam facile quæstio reduci possit. Et ipsum problema *curvæ Casenaria* talis naturæ foret, nisi præparatione facta ad methodum tangentium inversam reducatur. Quæritur enim ibi, quæ sit forma curvæ inter duo data puncta magnitudine data sic interceptæ, ut ipsius centrum gravitatis maxime descendat. Unde apparet, quam longe hæc tenus Analysis a perfectione abfuerit, quicquid aliqui de Methodis suis jactarint. Cæterum ex solutione Dn. *Job. Bernoullii* hunc præterea fructum insignem capimus, ut problemata duo Dioptrica maximi momenti, quæ *Hugenium* aliosque omnes ipso difficultatis aspectu a tentanda solutione absterruere, soluta habeamus, & jam curvaturam continuam radiorum lucis, pariterque undæ radiationibus formatæ lineam definire possimus.

Cæte-



Fig. I.




Fig. VII.




Fig.V.




Fig: IV.






Fig. X.



Cæterum meæ solutioni exponendæ non est quod immorer, cum cæteris consentiat, mihi quæ sit determinatione contento rem porro illustrare non vacaverit. Nisi forte observari operæ pretium videbitur, quod calculus mihi obtulit, lineam quæ sitam esse figuram segmentorum circularium repræsentatricem. Nempe si linea ABK talis sit naturæ (fig. I) ut circulo descripto, qui in o ejus puncto K occurrat, & horizontalem per A tangat in G, ductisque axi verticali AC normaliter occurrentibus in C, & lineæ in M, & circulo in L, & diametro ejus verticali GK in O, sint ordinatæ CM proportionales segmentis circularibus, rectangulumque sub semiradio circuli & ipsa CM, æquale segmento comprehenso sub arcu GL & chorda GL; tunc AB, arcus lineæ inter duo data puncta A & B interceptus, erit linea, per quam grave vi descensus a puncto A ad punctum B quam citissime venire potest. Hanc autem figuram segmentorum esse Cycloidem vulgarem, ita facillime ostendi potest: quia OC semiperipheriæ GLK, & LM arcui KL erit OL + CM = arcui GL. Sumto circuli centro N, jungatur NL; patet rectangulum sub semiradio & sub OL + CM æquari sectori GNLG: rectangulum autem sub semiradio & sub OL æquatur triangulo GNL, ergo rectangulum sub semiradio & sub CM æquatur segmento GLG, residuæ scilicet parti sectoris, detracto triangulo GNL.

Quoniam autem Dn. Io. Bernoullius aliud quoque magni momenti problema nuper proposuit pure Geometricum: invenire lineam, quam recta quævis per punctum fixum transiens ita secet in duobus punctis, ut summa potestatum a segmentis, interceptis inter punctum fixum & alterutrum punctum curvæ, æquetur quantitati constanti; ideo solutionem ejus adscribere placet, quam didici eandem prorsus esse cum ea, quæ ipsi *Autori* problematis occurrerat placueratque, etsi ipse non minus, quam ego, rem alius adhuc modis infinitis præstare possimus. Solutio autem nostra hæc est: in fig. X, quæritur linea CEF D, quam recta quæcunque AEF per punctum fixum A transiens ita secet in duobus punctis E & F, ut sit $AC^c + AF^c = \text{constanti } b$. Jam AE (vel AF) vocetur x , & EK vocetur y , assumtaque recta quadam in vicem unitatis, & constante aliqua c , fiat $cy = bx^{\frac{c-1}{c}} - x^{\frac{c-1}{c}}$. Quæ æquatio exhibebit naturam curvæ quæ sitæ, modumque puncta ejus determinandi: quod desiderabatur.

TAB. IV.
Fig. I.

TAB. IV.
Fig. X.

JOH. BERNOULLI CURVATURA RADII IN DIAPHANIS
non uniformibus, Solutioque Problematis a se in Actu 1696. p. 269, propo-
si, de invenienda Linea Brachystochrona, id est, in qua grave a dato
puncto ad datum punctum brevissimo tempore decurrit, & de
curva Synchrona seu radiorum unda
construenda.

Tot quidem hactenus apparuerunt methodi, quas *maximorum & minimorum* vocant, ut nihil fere tam subtile restare videatur hanc concernens materiam, quod earum acumine penetrare se posse non putent illi, qui se vel autores ipsos vel autorum assecclas gloriantur. Interim jurent, quantum volent, in verba magistri, videbunt, si tentare velint, nostrum problema minime coerceri intra angustos methodorum suarum limites, qui eousque tantum sese extendunt, si ex datis pluribus infinitisve quantitativis invenienda sit una *maxima* vel *minima*. Verum ubi ipsæ quantitates, quod in nostro contingit, ex quibus eligenda maxima vel minima, non magis sunt determinatæ, quam id ipsum quod quaeritur, hoc opus, hic labor est. Ipsi illi insignes viri, *Cartesius*, *Fermatius*, alique, qui olim ita acriter pro præstantia suæ cujusque methodi, tanquam pro focus & aris militabant, aut pro ipsis nunc eorum sectatores, ingenue fateantur necesse est, non nisi methodos ab ipsis traditas scientibus hic aquam hære. Non meum est, nec etiam volo aliorum inventa explodere. Præstiterunt utique multa, & finem quem sibi proposuerant, egregie consecuti sunt. Quemadmodum enim de hujusmodi maximorum & minimorum consideratione nil quicquam in eorum scriptis reperitur: ita pariter pro aliis quam communibus resolvendis suas methodos non venditarunt.

Non ego polliceor universalem methodum, quam quis frustra quaereret, sed peculiares modos, non solum quidem in hoc, sed & in pluribus aliis succedentes, quibus problema hoc feliciter enodavi, solutionemque meam, dum alii alias quaerent, *Celeb. Leibnizio* statim submittere decrevi, ut illam quondam cum publico communicaret sum sua, si quam reperiret, de quo quidem non dubitabam, sagacissimi Viri ingenium plus satis compertum habens; & reapse dum hæc scribo, ex privatis ejus literis, quibus me crebro cohonestas, intelligo,
supra

supra spem ipsi placuisse problema meum, & (quod illum, ut dicit, pulchritudine sua, ut pomum Evam, ad se traheret) protinus solutionis factum esse compotem. Quid alii præstiterint, exitus monstrabit: dignum utique oportet sit hoc problema, cui solvendo aliquid temporis consecrent Geometræ, cum tanto Viro negotiis licet distractissimo tale visum fuerit, ut horam suam non inutiliter collocasse existimaverit. Et id ipsum illis satis lucrifecto, quod, si solverint, ad secretissimas veritates, quas sine hoc vix est ut assequantur, aditum habituri sint.

Merito quidem miramur, quod *Hugenius* primus invenit, in *Cycloide vulgari* grave facere descensus tautochronos, a quocunque *Cycloidis* puncto incipiat moveri: sed nescio, an non obstupescas plane, cum dixerò, hanc ipsissimam *Cycloidem* seu *tautochronam Hugeniannam*, esse nostram *Brachystochronam* quæsitam; ad cujus cognitionem duabus viis perveni, indirecta altera, altera directa. Insistendo priori, mirum consensum detexi, inter curvatem radii luminis in medio continue variante, & *Curvam* nostram *brachystochronam*; aliaque observavi, in quibus nescio quid arcani subest, quod proderit in Dioptricis: quamobrem verum erit, quod in propositione problematis asserueram, *non in nuda speculatione consistere, sed in aliâ scientiâ*, in Dioptricis puta, *usum habere quam maximum*. Sed ut quæ diximus re ipsa confirmantur, en priorem solvendi modum!

Fermatius in Epistola ad *De la Chambre* (vid. Epist. Cartesii Lat. Tom. III, p. 147, & *Fermatii Opera* Mathem. p. 156 seqq.) stabilivit, radium luminis ex medio rariori in densius transeuntem ita refringi ad perpendicularem, ut habita ratione temporis, radius (qui a puncto luminante ad punctum illuminatum successive procedere supponitur) viam faciat brevissimam; ex quo principio ostendit, sinum anguli incidentiæ esse ad sinum anguli refractionis in mediocum ratione data directa raritatum, vel reciproca densitatum; id est in ipsa ratione velocitatum, quibus radius media penetrat. Quod postea acutissimus *Leibnitius* in *Act. Erud.* 1682, p. 185 seqq. & mox *Celeb. Hugenius* in suo tractatu *de Lumine* p. 40, succinctius demonstrarunt, ipsumque principium physicum, vel metaphysicum, potius, quod *Fermatius* sua demonstratione Geometrica contentus, & facile nimis de jure suo decedens, *Gersfelerio* urgente deservisse videtur, validissimis argumentis adstruxerunt.

Si

Si nunc concipiamus medium non uniformiter densum, sed velut per infinitas lamellas horizontaliter interjectas distinctum, quarum interstitia sint repleta materia diaphana raritatis certa ratione accrescentis vel decrescentis; manifestum est, radium, quem ut globulum consideramus, non emanaturum in linea recta, sed in curva quadam (notante id jam & ipso *Hugenio* in eodem tractatu de *Lumine*, sed ipsam curvæ naturam minime determinante) quæ ejus sit naturæ, ut globulus per illam decurrens celeritate continue aucta vel diminuta, pro ratione graduum raritatis, brevissimo tempore perveniat a puncto ad punctum. Constat quoque, cum sinus refractionum in singulis punctis sint respective ut raritates mediæ vel celeritates globuli, curvam habere eam proprietatem, ut sinus inclinationum suarum ad lineam verticalem sint ubique in eadem ratione celeritatum. Quibus præmissis nullo negotio perspicitur, curvam *brachystochronam* illam ipsam esse, quam formaret radius transiens per medium, cujus raritates essent in ratione velocitatum, quas grave verticaliter cadendo acquireret. Sive enim velocitatum incrementa dependeant a natura mediæ magis minusve resistentis, ut in radio; sive abstrahatur a medio, & ab alia causa acceleratio eadem tamen lege generari intelligatur, ut in gravi: cum utroque in casu curva brevissimo tempore percurri supponatur, quid vetat, quo minus altera in alterius locum substitui possit?

TAB. IV.
Fig. I.

Sic generaliter solvere licet problema nostrum, quamcunque statuamus accelerationis legem. Eo enim reductum est, ut quæretur curvatura radii in medio secundum raritates, prout libuerit, variante. Esto ergo medium FGD (Fig. I) terminatum ab horizontali FG, in qua punctum radians A, verticalis AD, axis curvæ data AHE, cujus applicata HC determinant raritates mediæ in altitudinibus AC, vel velocitates radii seu globuli in punctis M, radius incurvatus ipse qui quæritur AMB. Vocentur AC, x ; CH, t ; CM, y ; differentialis Cc, dx ; diff. nm, dy ; diff. Mm, dz ; Constans quædam ad arbitrium assumpta, a ; Erit accepta Mm pro radio, mn sinus anguli refractionis seu inclinationis curvæ ad verticalem, & proinde per ea, quæ modo diximus, mn est ad HC in ratione constante, id est $dy : t :: dz : a$, quod hanc suggerit æquationem, $ady = t dz$ seu $aady^2 = tt dz^2 = tt dx^2 + tt dy^2$; quæ reducta generalem dabit æquationem differentialem $dy = \frac{t dx}{\sqrt{aa - tt}}$ pro

curva AMB quaesita. Atque adeo una opera duo insignia problema-
ta, opticum unum, mechanicum alterum, ultra quam ab aliis pere-
bam, resolvi, ostendique, quamvis ex diversissimis matheseos partibus
fiat desumpta, ejusdem tamen esse naturae.

Sumamus jam specialem casum, & quidem hypothesein commu-
nem a Galileo primitus introductam & demonstratam, quod veloci-
tates gravium cadentium sint in ratione subduplicata altitudinum
emenfarum; in hoc enim proprie quaestionis tenor consistit. Quo sup-
posito, curva data AHE erit parabola, id est $u = ax$ & $t = \sqrt{ax}$, quae

si substituuntur in aequatione generali, habebitur haec $dy = dx \sqrt{\frac{x}{a-x}}$

ex qua concludo: curvam *Brachystochronam* esse *Cycloidem vulgarem*.
Si enim circulus GLK, cujus diameter = a roteatur super AG, & initium
rotationis sit in ipso A, describet punctum K cycloidem, quae repe-

rietur eandem habere aequationem differentialem $dy = dx \sqrt{\frac{x}{a-x}}$

positis AC, x; & CM, y: potest tamen hoc a priori & analytice in-
veniri, sic: $dx \sqrt{\frac{x}{a-x}} = \frac{x dx}{\sqrt{ax-xx}} = \frac{adx + x dx}{2\sqrt{ax-xx}} + \frac{adx}{2\sqrt{ax-xx}}$, est

autem $\frac{adx - x dx}{2\sqrt{ax-xx}}$ differentialis quantitas, cujus summa $\sqrt{ax-xx}$

seu LO; & $\frac{x dx}{2\sqrt{ax-xx}}$ est differentialis ipsius arcus GL, ideoque sum-

mata aequatione $dy = dx \sqrt{\frac{x}{a-x}}$ habebitur y seu CM = GL - LO,
ergo MO = CO - GL + LO; quoniam vero (assumpta CO = semipe-
ripheria GLK) CO - GL = LK, erit MO = LK + LO, & ablata com-
muni LO erit ML = LK, quod docet curvam KMA esse Cycloidem.

Ostendendum adhuc restat (ut problemati plenissime satisfiat)
quomodo a puncto dato tanquam vertice describenda sit *Brachysto-
chrona* seu Cyclois transitura per aliud punctum datum; quod sic fa-
cillime expeditur: Conjugantur duo puncta data A, B (Fig. II) per
lineam rectam AB, & super horizontali AL describatur Cyclois, qua-
cunque libuerit, initium sumens in A, secansque rectam AB in R; quo
facto fiat ut AR ad AB, ita diameter circuli genitoris Cycloidis ARS ad

TAB. IV.
Fig. II.

Qd

quar-

quartam, quæ erit diameter circuli genitoris Cycloidis quæ sitæ ABL transituræ per B.

Antequam finiam, non possum, quin iterum admirationem meam prodam, animo revolvens inexpectatam illam identitatem Tautochronæ *Hugenianæ* nostræque *Brachystochronæ*. Quod notabile præterea existimo, illud est, quod hæc identitas in sola hypothesi *Galilæi* reperitur: adeo ut vel ex eo conjicere liceat, illam naturæ esse consentaneam, quod quemadmodum semper operari solet modo simplicissimo, ita & hic per unam eandemque lineam præstet duo diversa officia, cum in quavis alia hypothesi duabus ad id opus esset lineis, alia nempe pro oscillationibus æque diuturnis, & alia pro celerrimo descensu. Ut si ex. gr. celeritates gravium cadentium essent non in subduplicata sed subtriplicata ratione altitudinum, *brachystochrona* foret algebraica, *tautochrona* autem transcendens; verum si celeritates essent ut ipsæ altitudines, utraque fieret algebraica, illa quidem circularis, hæc vero recta.

TAB. IV.
Fig. III.

Non ingratum fore Geometris judico, si appendicis loco solutionem ipsis dederò problematis consideratione pariter dignissimam, quod ex occasione præcedentis inter scribendum in mentem incidit: *Quæritur in plano verticali (fig. III) curva PB, quam synchronam appellare liceat, ad cujus singula puncta B grave ex A descendens per Cycloides conterminas AB aequali tempore perveniret.* Sit AG horizontalis, & AP verticalis. Sensus problematis talis est, ut descripta super AG Cycloide quacunque, abscindatur ex illa portio AB, ad quam percurrendam ex A descendens grave idem tempus requirat, quod requireret ad decidendum ex determinata altitudine verticali AP, quo peracto erit punctum B in curva *Synchrona* PB, quam quærimus.

Si attente considerentur ea, quæ supra diximus de radio luminis, haud obscure patebit, hanc curvam eam ipsam esse, quam *Hugenius* in suo tract. de Lumine pag. 44, in schemate suo per lineam BC repræsentat, vocatque *undam*, quæ quemadmodum omnes radios ex puncto luminoso emanantes normaliter secat, ceu optime notat *Hugenius*, ita & nostra PB omnibus Cycloidibus AB, commune initium A habentibus, ad angulos rectos occurrit. Quod si problema hoc modo in pure Geometricum reductum proponere libuisset: *invenire* scilicet curvam, quæ omnes Cycloides communia initia normaliter secat, profect-

perfecto res magnæ molis fuisset Geometris; ex altera autem facie, qua descensum gravium respicit consideratum, ita facillime construo: Sit Cycloidis ABK circulus genitor GIK, ejusque diameter GK: abscindatur arcus GL æqualis medix proportionali inter determinatam assumptam AP, & diametrum GK, dico ductam LB, parallelam horizontali AG, secare Cycloidem ABK in puncto B. Si quis methodum suam in aliis exercere velit, quærat lineam, quæ ordinatim positione datas curvas (non quidem Algebraicas, quod haud arduum foret, sed) transcendentes, ex. gr. Logarithmicas super communi & axe, & per idem punctum ductas, ad angulos rectos secat,

JAC. B. SOLUTIO PROBLEMATUM FRATERNORUM, PEsuliani Programmate Cal, Jan. 1697 Groninga, nec non Altorum Lips. mense Jun. & Dec. 1696, & Febr. 1697 propositorum;

*una cum Propositione reciproca
aliorum,*

Geometrarum methodum de *Maximis & Minimis* ad illa duntaxat Problemata hucusque adhibuerunt, in quibus ex infinitis partibus seu functionibus unius datæ Curvæ aliqua maxima minimave requiritur; neque cogitarunt de ejus applicatione ad talia, ubi ex ipsis infinitis Curvis non datis una desideratur, cui maximum aliquod minimumve competat, licet hæc & subtilitate inventionis & utilitatis præstantia cæteris minime sint inferiora. In horum numero est, quod *Frater* m. Junio primum proposuit, cujusque solutioni terminum elapsi anni finem statuit, Problema de invenienda *Curva Oligochrona*, per quam descendendo grave a dato puncto, brevissimo tempore perveniat ad aliud datum punctum. Quanquam autem hac *Fratri*s provocatione me non teneri existimabam, nihilominus cum superaccessisset humanissima Cel. D. *Leibnitii* invitatio, laborem solutionis amplius subterfugere non potui. Postquam enim hic Vir literis d. 13 Septembr. ad me datis significasset, se solvisse Problema, juxtaque desiderare, ut & a ii tentarent: ad ejus sollicitationem aggressus sum, quod alias intactum reliquisset, idque optato protinus successu; solutionem enim sexto Octobris jam habui, & ab illo tempore amicis ostendi. Cur autem non citius ad *Alia* communicarim, causa est, quod cum terminum

solutionis in exteriorum gratiam ad Pascha usque presentis anni pro-
rogatum intelligerem; ego interea speculationem ad alia quoque diffi-
ciliora Problemata nunc una proponenda promovere statuissem. Pri-
usquam vero ad solutionem presentis Problematis accederem, sequens
præmitto Lemma:

TAB. IV.

Fig. IV.

Si curva ACEDB talis sit, quæ requiritur, h. e. per quam de-
scendendo grave brevissimo tempore ex A ad B perveniat, atque in
illa assumantur duo puncta quantumlibet propinqua C & D: Dico,
portionem Curvæ CED omnium aliarum punctis C & D terminata-
rum Curvarum illam esse, quam grave post lapsum ex A brevissimo
quoque tempore emetietur. Si dicas enim, breviori tempore emetiri
aliam CFD, breviori ergo emetietur ACFDB, quam ACEDB, contra
hypothesis.

Fig. V.

Esto igitur in plano utcumque ad horizontem inclinato (nec
enim verticale sit, necesse est) Curva desiderata ACB, per quam de-
scendens grave ex A breviori tempore perveniat ad B, quam per aliam
quancunque in eodem plano positam; & sint in illa sumta ubivis duo
puncta C & D infinite propinqua, ductæque intelligantur recta hori-
zontalis AH, ejusque perpendicularis CH, & huic normalis DF, bise-
ctæque CF in E, compleatur parallelogrammum DE ducta recta EI:
quæritur in hac punctum G, i. e. inclinatio particularum curvæ CG, GD
ad se invicem, quæ faciat, ut tempus descensus per CG + temp. desc.
per GD (quod sic denoto $t_{CG} + t_{GD}$, intellige semper post lapsum
ex A) sit minimum. Ad hoc indagandum, intelligatur in recta EI aliud
punctum L, sic ut GL sit incomparabiliter minor ipsa EG, ductisque
CL, DL, super C & D descripta concipiantur arcuum elementa LM,
GN, erit ex natura minimi $t_{CL} + t_{LD} = t_{CG} + t_{GD}$, adeoque
 $t_{CG} - t_{CL} = t_{LD} - t_{GD}$, quo posito sic arguo:

$$CE. CG :: t_{CE}.t_{CG} \quad EF. GD :: t_{EF}.t_{GD}, \text{ Ex nat.}$$

$$CE. CL :: t_{CE}.t_{CL} \text{ nec non } EF. LD :: t_{EF}.t_{LD}, \text{ desc. grav.}$$

$$\text{Ergo } CE. CG - CL (MG) :: t_{CE}.t_{CG} - t_{CL}.. EF.LD - GD (LN) :: t_{EF}.$$

$$t_{LD} - t_{GD}$$

$$(\text{ob sim. } \triangle MGL, CEG) MG. GL :: EG. CG \dots (\text{sim. } \triangle LNG, GID)$$

$$EN, LG :: GL, GD,$$

$$\text{Quare } CE. GL :: EG \text{ in } t_{CE}.CG \text{ in } t_{CG} - t_{CL}.. EF (CE) GL :: GL \text{ in}$$

$$t_{EF}.GD \text{ in } t_{LD} - t_{GD}$$

ideo-

ideoque EG in CE. CG in CG-CL:: GI in EF. GD in LD-LD, & permutando, EG in CE. GI in EF:: CG in CG-CL. GD in LD-LD:: (ex nat. minimi, ut dictum) CG. GD.

Sed EG in CE. GI in EF:: EG:VHC. GI:VHE, ex nat. desc. grav. quare EG:VHC. GI:VHE,:: CG. GD.

Ubi in transitu considerandum proponimus Clmo D. *Nieuwentijs* usum differentio-differentialium (quæ ipse immerito explodit) in eo, quod assumere coacti fuimus particulam GL ipsi EG, GI infinite parvis infinities adhuc minorem, absque quo non video, quomodo ad solutionem Problematis via patuisset. Sunt enim EG, GI elementa abscissarum AH; quemadmodum CG, GD elementa ipsius Curvæ, & HC, HE ipsæ ejus applicatæ, earumque elementa CE, EF; adeo ut Problema ad puram Geometriam reductum huc redeat, ut inveniatur Curva, quæ elementa sua habeat composita ex elementis abscissarum directæ, & radicibus applicatarum inverse: qua quidem proprietate *Isochronam* illam *Hugenianam*, nunc & *oligochronam* futuram, tritam nempe notamque Geometris *Cycloidem* gaudere deprehendo; quod in fig. VI, ubi ACP semi-Cycloidem; CM, GN duas ejus tangentes; RQP semi-circulum genitorem refert, ita porro demonstro:

TAB. IV.
Fig. VI.

GD.GI::GN.GX::(ex nat. Cycl.) VP.VX::VR.RX::VRP.VRX(VHE).

GI.EG :: GI . EG.

EG.CG::CS.CM::(ex nat. Cycl.) QS.QP::RS.RQ::VRS(VHC) VRP.

Ergo GD.CG::GI in VRP in VHC. EG in VHE in VRP::GI in VHC. EG in VHE::GI:VHE. EG.VHC.Q.E.D.

Quod si nunc determinanda sit Cyclois, quæ transeat per data puncta A & B, describenda est super base horizontali AH quovis circulo genitore Cyclois AT, quæ ductam rectam AB, & productam, si sit opus, secet in T; quemadmodum enim recta AT est ad rectam AB, sic diameter circuli genitoris Cycl. AT est ad diametrum genitoris quæ sit AB. Alterius generis nec minus elegans Problema foret, si jam porro quæreretur, quænam ex infinitis Cycloidibus (aut saltem Circulis, Parabolis aliisve Curvis) per A transeuntibus, ac super eadem basi AH constitutis, illa sit, per quam descendens grave minimo tempore ex A ad datum perpendiculum ZB appellat. Qui speculationem

de Maximis & Minimis promovere volet, tentabit. Nobis sufficiat proposuisse.

Atque ita Curva hæc, quæ tot Mathematicorum ingenii exercita fuit, ut nihil in illa eruendum restare videretur, nova proprietate conspicuam sese nobis sistit, quam velut perfectionum suarum colophonem, quasi nihil futuris seculis debitura, sub finem adhuc præsentis adipisci voluit, postquam initio ejusdem natales, ac medio dimensiones omnes cum aliis præclaris affectionibus accepisset.

Cæterum monendum est, quod iisdem insistendo vestigiis, pari facilitate reperiri possit Curva, quam mobile per medium inæqualis densitatis vel raritatis latum minimo tempore percurrat, quæ quidem convenienter principio *Leibnitiano m. Jun. 1682* demonstrato, eadem reperiatur necesse est cum *Curva Refractionis*, quam *Hugenius* in *Tractata de Lumine* p. 44 contemplatur, & cujus identitatem cum illa, quam primo consideravit Celeb. D. *Leibnizius m. Septemb. 1692* pag. 446, nosque *m. Jun. 1693, p. 254.* construximus, conscio *Fratri* jam olim deprehendi.

Sed per has speculationes ad alia quoque difficiliora Problemata patet accessus, qualia sunt, quæ de Figuris Isoperimetris formari possunt. Quæritur ex.gr. quænam ex iis omnium sit capacissima (vulgo creditur esse Circulus, & recte, sed sine demonstratione.) Quænam centrum gravitatis areæ & peripheriæ suæ habeat a base remotissimum, quam *Frater* observavit esse *Funiculariam*, sed ex diverso fundamento &c. Hæc itaque & talia per methodum maximorum ei resolvenda proponimus. Præsertim vero, si vicem reddere volet, sequens generale tentabit: Quæritur ex omnibus Isoperimetris super communi base BN constitutis illa BFN, (Fig. VII) quæ non ipsa quidem maximum comprehendat spatium, sed faciat, ut aliud curva BZN comprehensum sit maximum, cujus applicata PZ ponitur esse in ratione quavis multiplicata vel submultiplicata rectæ PF vel arcus BF, hoc est, quæ sit quocumque proportionalis ad datam A & rectam PF, curvamve BF? Huic, ne detrectare possit, adjungimus alterum, quod de infinitis Cycloidibus supra motum fuit, majoremque cum suo afinitatem habet. Et cum iniquum sit, ut quis ex labore in alterius gratiam & cum proprii temporis dispendio rerumque suarum damno suscepto nihil emolumenti percipiat, prodiit nonnemo, pro quo ca-

veo,

TAB. IV.
Fig. VII.

veo, qui soluturo *Fratri* ultra laudes promeritas honorarium 50 imperialium decrevit, hac tamen lege, ut intra tertium ab hujus publicatione mensem se suscepturum promittat, ipsasque solutiones finito anno, utcumque licet per quadraturas exhibeat. Hoc enim elapso si nemo dederit, meas exhibebo.

Hæc itaque occasione Problematis Physico-Mathematici a *Fratre* m. Junio primum propositi hac vice dicta sufficiant. Quæ ibidem de Complanatione superficierum conoidicarum attigit, cum me propius spectarent, jam m. *Ottobri* pertractavi. Nob. *Ischnrhaufium* uterque eodem mense Junio notavimus. Unicum igitur in schediasmate *Fraterno* superest, quod, ne quid intactum prætereamus, enucleandum restat, methodus vid. quam celavit, inveniendi Curvam ex sola data relatione ipsorummet Curvæ punctorum ad se invicem. Quærenda sit ex.gr. Curva AEC (fig. VIII) talis, ut projecta utcumque ex dato puncto D recta DC, secante curvam in C & E, rectangulum CDE æquetur constanti spatio, puta unitati, quod primum est exemplum *Fratri*. Ad datam positione rectam DG ordinatim applicentur EP, CG in angulo arbitrario, & sit $DE = x$, $EF = y$, $DC = z$ & $CG = t$, erit per hyp. CDE seu $xz = 1$, & $x = z^{-1}$; dein propter sim. $\triangle DEF$ & $\triangle CG$, EF seu $y = tx: z = tz^{-1}$. Fundamentum solutionis: Talis supponatur æquatio seu relatio inter x & y , ut substitutis ipsarum valoribus modo inventis, similis vel eadem inter z & t relatio resultet, quæ inter x & y ; quod hic ita fit: Pono $y = ax^m + bx^n$, erit facta substitutione $tz^{-1} = az^{-m} + bz^{-n}$, sive $t = az^{-m+1} + bz^{-n+1}$, quæ ut assimiletur priori $ax^m + bx^n$, comparo az^{-m+1} cum bx^n , & bz^{-n+1} cum ax^m , ac reperio utrobique $b = a$, nec non potest. $n = 2 - m$; unde concludo, naturam curvæ quæ sita esse $y = ax^m + ax^{2-m}$, vel, quod eodem modo ostendetur, $y = ax^m + ax^{2-m} + bx^n + bx^{2-n}$. Haud ab similitèr solvuntur duo sequentia, quæ habet, Problemata pag. 266, quorum posterius in Programme suo generaliter ita proponit, ut loco utriusque segmenti sumatur quæcunque ipsorum potestas, quæ sit m. Huic Curvæ satisfacit, quæ exprimitur per $y = x \cdot x^m - x^{2-m}$. Quæ vero ultimo subjungit pag. 267, sed absque solutione; his cur-

TAB. IV.
Fig. VIII.

y satisfaciunt mechanicæ, quarum natura est $y = x a \pm \sqrt{dx : x l x^n}$ pro fig. 2; & $by \pm cyy \pm cy^3$. &c. $= a \pm \sqrt{dx : x l x^n}$ pro fig. 3 (intellige per $l x$ logarithmum ipsius x .) Quanquam tacere non possum, assumi hic aliquid dubiæ & suspectæ veritatis, videl. portiones semper esse unius ejusdemque numero Curvæ, quæ eadem æquatione denotantur. Dari enim possunt exempla in contrarium, saltem in Curvis mechanicis, ubi hoc non contingit, eademque æquatio diversas numero Curvas designat, quod vel ex his ipsis exemplis liquet; quandoquidem hæc æquationes $y = x. a \pm \sqrt{dx : x l x^n}$ &c. non magis quadrant pro hypothese $xxz = 1$, quam pro quavis alia xx^2 , aut xx^4 , aut $xx^p = 1$; quibus tamen hypothesibus omnibus unam eandemque Curvam satisfacere implicat. Hoc itaque ulteriori Lectorum scrutinio perpendendum relinquimus.

Pene hæc absolveram, cum perferrentur ad nos *Alba m. Nov.* in quibus Nobil. *Auctor Mediatorum geometricorum*, eodem mense anni 1695 publicatorum, motis sibi scrupulis nonnullis satisfacere ac sua vindicare satagit, eoque ardentius in nobis desiderium accendit, videndi penitusque introspectiendi tam præclara inventa. Dixi enim, me nullatenus dubitare, quin pro excellenti quo pollet acumine, quicquid pollicitus est, præstare possit; atque optare tantum, ut speciminum loco talia promat, quæ etiam iis, quibus de vastissimo Viri ingenio aliunde non constat, persuaderi queant, quo nomine ipsum iterata vice & perhumaniter pulsandum censemus. Nam quod proprietatem spectat, quam focus curvarum attribuit, cum ea quibusvis punctis, adeoque non focus qua focus competat, difficaliter quis capiat, quid hæc ad naturam focorum, aut curvarum per focos cognoscendam conducatur. Quemadmodum etiam intellectu haud facile existimo, quomodo quæ fig. 1 & 3 de Ellipsi & Parabola ostendit, ad omnes alias etiam dissimiles & diversorum generum curvas applicari possint, cum illa duntaxat ejusdem generis & speciei curvis quadrent, ac præsertim posterius illius tantum generalioris consecrarium sit, quod jam A. 1692 exhibui. Et quod ultimo docet, de abscindendis ex quavis curva portionibus in data ratione, hoc plane fallere dixi in Parabola, quod etiam agnoscere videtur acutissimus *Auctor*, aut si dubi-

ret,

tet, ego paratus sum demonstrare; unde, si nihil aliud, saltem hoc novo exemplo roborari opus haberet.

DOMINI MARCHIONIS HOSPITALII SOLUTIO

Problematis de Linea celerrimi Descensus.

Problema hoc (de quo *Galileus* prop. 36 motus accelerati) cum difficile admodum mihi prima fronte visum est, tum valitudine utor adeo incerta, ut ab illo abstinere primum decreverim. Atque huic quidem sententiæ eo firmitus inhærebam, quod intra sex menses, ad illius discussionem concessos, id a nemine solutum videretur, si tamen unum excipias Geometram insignem *Leibnitium*, qui illud solvit non modo, sed & utpote dignissimam exercitio utili materiam, adhuc inquirendum relinqui, alterumque quatuor mensium spatium, quo in id a pluribus incumbi posset, ab Autore concedi impetravit. Desidem hac in parte ac operis asperitate deterritum erexit me doctissimi Autoris *Bernoulli* programma Cal. Jan. anni hujus 1697 editum, quo Geometras ad hujus problematis solutionem iterum invitat. Tanta igitur hujus quæstionis commendatio & fama me tandem victum compulere, ut illi⁹ solvendæ studio in societatem laudis ac gloriæ cum tantis Geometris venirem. Nec opem fefellit eventus, imo superavit, cum id solverim problema methodo adeo generali, ut non modo *Galilei* hypothesin, sed & aliam quamvis de descensu gravium possibilem completatur. Quod autem in solutione problematis de curva *funiculari* præstiterunt olim *Hugenius*, *Leibnitius*, & *Bernoullius*, id ego nunc a me problematis hujus solutione præstandum censeo, meam scilicet alias palam facturum methodum, cujus tamen jam (exeunte Februario) clarissimo Problematis Autori *Bernoullio* privatim copiam feci.

Problema.

Datis in plano verticali duobus punctis A & B assignare mobili M viam A M B, per quam gravitate sua descendens & moveri incipiens a puncto A brevissimo tempore perveniat ad alterum punctum B.

Solutio.

Ducta per punctum superius datum A linea horizontali AC, describatur Cyclois ordinaria, quæ incipiat a puncto A, & cujus Diameter AD circuli generatoris A E D F qui volvitur super AC talis sit, ut punctum

E c

ctum

TAB. IV.

Fig. IX.

ctum describens A transeat per alterum punctum inferius datum B. Dico portionem A B Cycloidis sic descriptæ proposito satisfacere.

Si supponatur, quod celeritates acquisitæ sint in ratione altitudinum emensarum; dico curvam quæsitam A B fore portionem circuli centrum habentis in horizontali A C, & transeuntis per data puncta A & B. Unde liquet, conjecturam *Galilei* veram evadere in hac hypothesis ab ipsis multum diversa.

Tandem si vocentur abscissa A C, x ; applicata CB, y ; & generaliter supponatur, quod celeritas acquisita ex descensu per altitudinem CB exprimitur per $y^{\frac{m}{1-m}}$: dico naturam curvæ quæsitæ exprimi per

$$\text{æquationem differentialem } dx = \frac{my^m dy}{\sqrt{1-my^{2m}}} \quad \Bigg\}$$

DOMINI MARCHIONIS HOSPITALII SOLUTIO PRO-
blematis publicæ propostiti a Dn. JOH. BERNOULLIO.

Misit ad me nuper clarissimus (*Job.*) *Bernoullus* Matheseos Groningæ Professor, Programma quoddam ipsis Cal. Jan. anni hujus 1697 ibidem editum, in quo Mathematicis problemata duo solvenda proponit, quorum alterum physico-geometricum legitur in *Actu Lipsiensibus mense Junio anni proxime elapsi, pag. 269*; quod *Autori* jam solutum misi. Alterum vero pure geometricum, quod pariter solvi, his verbis exprimitur:

Problema alterum pure Geometricum, quod priori subnectimus & strenæ loco Eruditis proponimus.

Ab *Euclidis* tempore vel Tyronibus notum est, ductam utcunque a puncto dato rectam lineam, a circuli peripheria ita secari, ut rectangulum duorum segmentorum inter punctum datum & utramque peripheriæ partem interceptorum sit eidem constanti perpetuo æquale. Primus ego ostendi in eod. *Actor. Jun. pag. 265*, hanc proprietatem infinitis aliis curvis convenire, illamque adeo circulo non esse essentialem: arrepta hinc occasione, propostui Geometris determinandam curvam vel curvas, in quibus non rectangulum sed solidum sub uno & quadrato alterius segmentorum æquetur semper eidem, sed nemine hæcenus solvendi modus prodiit; exhibebimus eum quando-

cunque

cumque desiderabitur; Quoniam autem non nisi per curvas transcen-
dentes quæsitò satisfacimus: en aliud, cujus solutio per mere algebrai-
cas in nostra est potestate.

*Queritur Curva, ejus proprietatis, ut duo illa segmenta ad quam-
cunque potentiam datam elevata & simul sumpta faciant ubique unam
eandemque summam.*

Casum simplicissimum, existente sc. numero potentiz 1, ibidem
in *Actis* pag. 266 jam solutum dedimus, generalem vero solutionem
quam etiamnum premimus, Analytici eruendam relinquimus.

Huc usque verba doctissimi Bernoulli; hoc ipsum Problema
quod solvi, cujusque solutionem Geometris eo lubentius impertio,
quod & simplicissima sit & generalissima. En itaque

Problema.

*Eam invenire Curvam CEFD, cui ducta FA ab ipsius puncto quo-
vis F ad fixum aliquod punctum A diametri CD, ita semper occurrat in
altero puncto E, ut recta FA & AE ad eandem datam quamvis poten-
tiam elevata, eandem simul & ubique summam constituent,*

Solutio.

Sit p potentia data quævis, ad quam figillatim ducendæ sunt FA
& AE; sit præterea numerus quicunque m . Jam sumptis ad libitum
duabus rectis AB, AL, (puta $AB = 1$, $AL = b$) ducatur centro A &
radio quovis $AG = x$, circumferentia GF; assumpta deinde $AH = bb$

x^m $\sqrt[m]{\frac{m}{x}}$ Ducatur HF constituens angulum quemvis datum C
HF cum recta CD. Hoc facto, dico punctum occursum F rectæ HF
cum arcu GF, semper esse ad Curvam quæsitam CEFD.

In exemplum sit Casus, quem doctissimus Bernoullus constru-
xit in *Actis Lipsiensibus* pag. 266. In quo nempe $p = 1$. Si præterea po-
natur $m = 0$, ut quam simplicissima fiat curva quæsitæ, invenietur AH
 $\frac{bb}{x}$, seu AH tertiam esse proportionalem ad BG & AL.

Porro constructionem hanc ortamque inde Curvam, quam sim-
plicissimas esse, palam est. At, quod notatu dignissimum, Curva
hæc eadem duabus insuper constat partibus OM, PN, invicem oppo-
sitæ circa eandem asymptotum AL ordinatis parallelam, quarum hæc

est

inde-

TAB. IV.
Fig. X,

indoles est, ut ducta quavis ad ipsas usque per punctum A recta MAN, differentia partium AM & AN sit semper æqualis eidem AB. Unde hac eadem arte simul solvitur & alterum problema, quo exquireretur curva proprietatis ejus, ut differentia rectarum AM, AN, ubique sit æqualis eidem constanti magnitudini; adde quod id toties fieri possit, quoties p est numerus impar.

Quod spectat Demonstrationem, cum generalis nihilo difficilius sit, quam specialis casus mox soluti, hunc demonstrare sufficiat. Quapropter e puncto A per punctum quodvis F curvæ CEFD ducatur AF cum ordinata FH, ponaturque (ut superius) AF vel $AG = x$, ac

præterea $AL = y = a - x$; & $AK = \frac{bb}{a-y} = \frac{bb}{x}$. Jam ex constructione se-

quitur $AH = \frac{bb}{a-x}$, punctumque E, in quo KE, parallela HF, occurrit circumferentiæ factæ centro A & radio AI, fore semper ad Curvam

quæsitam CEFD. At $AH(\frac{bb}{a-x})$, $AF(a) :: AK(\frac{bb}{x})$, AI aut AE $(a-x)$. Ergo punctum E est etiam in recta AF; atque adeo recta hæc AF duobus in punctis F & E ita occurrit curvæ quæsitæ CEFD, ut sit ubique $FA + AE = AB$ — constanti & eidem. *Quod erat demonstrandum.*

DE METHODO UNIVERSALIA THEOREMATA ERUENDI,
quæ Curvarum naturas simplicissime exprimunt; de Problemate
item Bernoulliano, &c. per DT.

Diffiteri non possum, ingenium meum nunquam proclive fuisse ad problemata ab aliis proposita resolvenda: quoniam, alias ut silentio præteream causas, Auctores problematum plerumque casu, & nihil tale quærentes, in admodum faciles deducti fuere vias ea efficiendi, quæ alius non sine magno labore, multoque temporis dispendio, potest consequi; præsertim cum in ipsa analysi infinite parvarum quantitatum, ad magnam hodie perfectionem evecta, non semper in triangula similia, facillimam resolutionem offerentia, (quod caput rei semper existimavi) incidamus: ac proinde, quacunque etiam utamur methodo, ingenti oportet ut labore defungamur. Nota sunt præclara illustri Hugonii circa Cycloidem suam *εὐρηματα*, quæ si sollicitè quisquam perpenderit, haud difficulter clavem reperiet ad solutionem

nem Problematis *Bernoulliani*, Actorum anni 1696 mens. Junio p. 96 propositi, de *Curvæ celerissimi descensu*, qui ipsi huic Cycloidi quadrat: citra horum autem cognitionem res hæc scrutantibus longe erit intricatior, operosiorque; si vel maxime certum sit, de quo tamen non temere ambigi potest, proprietatem hanc uni tantum Curvæ convenire. Utunque hoc sit, nolim sententiam & consuetudinem meam in præsentiarum mutasse me credi, dum universalissimam commonstroviā, qua resolvi posse censeo Problema Geometricum a Cl. Dn. Joh. Bernoulli in A. E. 1697 mense Febr. p. 96 propositū; cum ea dentaxat de causa id faciam, ne aliquando, cum de hujus generis Problematibus publice agendi dabitur occasio, aliorum inventa mihi arrogasse videar: quem in finem etiam, cum jam monuerim ante biennium, celeberrimo Dn. Leibnitio me talia singularia theorematā, mihiq; jam diu nota, ex quibus solutio derivari potest, coram aperuisse, ipsam indicabo nunc methodum, & qua occasione in illam inciderim.

Notum est, Dn. Des-Cartes curvarum Geometricarum omnium naturas certis includere Equationibus, quæ ex duabus indeterminatis certisque cognitis componuntur. Atque hæc quidem universalia theorematā pro omnibus curvis suppeditant, sed difficilem & non eodem modo formatam compositionem habent. Quapropter cum aliquando talibus indigerem Theorematibus universalibus, quæ facilem & æqualem compositionem tam quoad indeterminatas, quam cognitās rectas habent, serio in hoc incubui negotium, primoque animadverti, æqualem compositionem indeterminatarum modo sequenti obtineri posse. Sit Curva quæcunque GDBCKL, rectæque indeterminatæ GK & LC; nec tantum, prout Des-Cartes vult, assumantur $GI = x$, & $IC = y$, ad curvæ naturā definiendam, sed etiam $IK = u$, & $LJ = z$, atque ex hisce quatuor rectis determinetur Curvæ natura: ita semper theorema, ut patet, inveniatur, æqualem compositionem indeterminatarum quantitatum habens. Verum hoc non sufficit, sed *secundo* notandum, ut hæc theorematā etiam æqualem facilemque compositionem circa cognitās quantitates nanciscantur, maxime attendendum esse, quænam cognitæ sint eligendæ; alias enim compositio mirum in modum difficilis evadet, ceu calculus in singularibus quibusdam exemplis me docuit. Hic autem sequentia observavi; si Curvæ natura determinata sit, etiam lineæ maximæ

TAB. IV.
Fig. XI.

HB & DF dantur, per varias methodos maximum determinandi; & hinc quoque AD & AB tangentes Curvam in punctis D & B. Ex hisce ergo AD & AB ut cognitissimis assumtis, & indeterminatis GI, IC, IK & IL theorematum inveniuntur pro omnibus curvis, æqualem compositionem etiam quoad cognitissimas habentia. *Tertio* vero, ut generalitatem theorematum talium consequamur, expedit ut non particularibus curvis hæc applicetur methodus, sed omnibus ejusdem gradus in univrsum: ita enim pulcherrima proveniunt theorematum, quæ vel a tyrone analyseos calculo investigari possunt, ut necesse non sit, plura huc adferre, præsertim cum ad alium locum pertineant. Id tantum adjicere lubet, non solum hac methodo problema *Bernoullianum*: Curvam invenire talem, ut summa segmentorum ad potentiam datam elevatorum sit perpetuo eadem; sed adhuc universalis, ut summa illa sit ad aliam quantitatem constantem in quacunque ratione data, resolvi posse, atque insuper determinari, quantum in Curvis Geometricis id possibile sit aut impossibile; Tametsi problema istud pluribus aliis, atque jam quidem indicavi, modis resolvi possit: quos inter adeo faciles sunt, ut vix ausim eosdem in his Actis tam Eruditi Orbis conspectui exponere. Uti etiam resolutio ejusdem præcipua mihi causa non fuit, ut theorematum supra dictorum mentionem facerem, sed potius ut doctis Geometris significarem, per ejusmodi theorematum universalis quadraturarum possibilitatem aut impossibilitatem singulari ratione posse determinari.

Ex his Lector perspicax facile videbit, quomodo intelligenda verba mea, quibus indicavi proprietatem duorum rectangulorum æqualium non esse circulo essentialem, sententiamque meam longe diversam ab illa, quam Dn. *Bernoullius* fuisse mihi suspicatur. Ipse quoque, si Acta inspicere non gravetur, deprehendet, nullibi me dixisse in ea illum sententia esse, Curvas per focos describi non posse, sed tantum, quod videatur esse in hac sententia. Non ignoro quidem, a nemine hæcenus demonstratum esse, Curvas Geometricas ex focis simplicibus seu punctis per fila delineari posse, sed dudum tamen ejus rei facillima demonstratio mihi nota fuit. Alia, quæ publico pollicitus sum, suo tempore, quamprimum mea permittent negotia, consequentur, exsolvamque, ut spero cuncta, quæ debeo; imo illa etiam, quæ jam A. 1690 mense Febr. in A. E. p. 68, promissi: cum huc usque
nihil

nihil viderim, quod a mea me sententia dimoverit, quamvis prægnantes ob causas adhuc ab eorum publicatione abstinerim.

EXCERPTA EX TRANSACTIONIBUS PHILOS. ANGLIC.

M. JAN. 1698.

EPISTOLA MISSA AD PRÆNOBILEM VIRUM D. CAROLUM Mountague Armigerum, Scaccarii Regii apud Anglos Cancellarium, & Societatis Regiæ Præsidentem: in qua solvuntur duo problemata Mathematica a Johanne Bernoulli Mathematico celeberrimo propofita.

Problemata I.

Investiganda est curva linea ADB, in qua grave a dato quovis puncto A ad datum quodvis punctum B vi gravitatis suæ citissime descendet. TAB. IV. Fig. XII.

Solutio.

A dato puncto A ducatur recta infinita APCZ horisontali parallela, & super eadem recta describatur tum Cyclois quæcunque AQP recta AB (ductæ & si opus sit productæ) occurrens in puncto Q, tum Cyclois alia ABC cujus basis & altitudo sit ad prioris basem & altitudinem respective ut AB ad AQ. Et hæc Cyclois novissima transibit per punctum B & erit curva illa linea, in qua grave a puncto A ad punctum B vi gravitatis suæ citissime perveniet. Q.E.I.

Problemata II.

Problemata alterum, si recte intellexi (nam quæ in Actis Lipsiæ ab Auctore citantur ad id spectantia nondum vidi) sic proponi potest. Quæritur curva KIL ea lege, ut si recta PKL a dato quodam puncto P, seu Polo utcunque ducatur, & eidem curvæ in punctis duobus K & L occurrat, potestates duorum ejus segmentorum PK & PL a dato illo puncto P ad occursum illos ductorum, si sint æque altæ (id est vel quadrata vel cubi vel quadrato-quadrata, &c.) datam summam PKq + PLq vel PK^{cub.} + PL^{cub.} &c. (in omni rectæ illius positione) conficiant. Fig. XIII.

Solutio.

Per datum quodvis punctum A ducatur recta quævis infinita positione data ADB, recte mobili PKL occurrens in D, & nominentur AD, x; & PK vel PL, y; sintque Q & R quantitates ex quantitativis quibuscunque datis & quantitate x quomodocunque constantes & relatione

tio

tio inter x & y definiatur per hanc æquationem $\sqrt{y} + QY + R = 0$. Et si R sit quantitas data, rectangulum sub segmentis PK & PL dabitur. Si Q sit quantitas data, summa segmentorum illorum (sub signis propriis conjunctorum) dabitur. Si $QQ - 2R$ datur, summa quadratorum ($PKq + PLq$) dabitur. Si $Q^3 - 3QR$ data sit quantitas, summa cuborum ($PK^3 + PL^3$) dabitur. Si $Q^4 - 4QQR + 2RR$ data sit quantitas, summa quadrato — quadratorum ($PKq^2 + PLq^2$) dabitur. Et sic deinceps in infinitum. Efficiatur itaque ut $R, Q, QQ - 2R, Q^3 - 3QR$, &c: datae sint quantitates, & problema solvetur. Q. E. F.

Ad eundem modum Curvæ inveniri possunt quæ tria vel plura abscindunt segmenta, similes proprietates habentia. Sit æquatio $Y^3 + Qyy + Ry + S = 0$, ubi Q, R & S quantitates significant ex quantitatibus quibuscunque datis & quantitate x utcunque constantes; & Curva abscindet segmenta tria. Et si S data sit quantitas contentum solidum illorum trium dabitur. Si Q sit quantitas data, summa trium illorum dabitur. Si $QQ - 2R$ sit data quantitas, summa quadratorum ex tribus illis dabitur.

THOMÆ CRENI

ANIMADVERSIONUM PHILOLOGICARUM ET HISTORICARUM

Pars secunda.

Lugduni Batavorum, apud Davidem Severinum, 1696. in 8vo,

Constat plagulis sedecim.

Qui Acta nostra A. 1695. mense Septembri publicata evolere dignatus fuerit, p. 419. f. Animadversionum Crenianarum partem primam memoratam, & notatu quædam digniora hinc excerpta deprehendet. Istam igitur cum altera nunc pars exceperit, non possumus, quin & de ea verborum nonnihil faciamus. Sicut autem in colligendis doctissimorum Virorum codicibus & manuscriptis diligentem admodum se nunquam non fuisse Auctor clarissimus testatur, (quod quidem non sine detrimento rei suæ familiaris factum, p. 92. harum Animadversionum monet,) ita nunc etiam non natas solum ex diversorum codicum collatione observationes varias, sed varia quoque *κειμήλια*, nondum hactenus impressa, cum erudito Orbe communicat.

Ini-

Initium præsentis partis cum initio prioris conspirat, dum exempla aliquot omissarum in repetitis librorum editionibus dedicationum præfationumque veterum recensere pergit. Passim vero deinceps ea inserit, quæ ad noscendos plenius Scriptores quosdam celebriores, quæ veteris, quæ recentis ævi, pertinere videntur; quandoquidem de cujusvis & personæ & editis in lucem publicam monumentis judicia, ut plurimum in utramque partem lata, refert. Legas proin non pauca hujus generis, eaque ad curiosi cujusvis palatum futura, de Alberto M. p. 2, de Vitruvio & Horatio p. 10, Plutarcho & Vellejo p. 12, Henrico Cornelio Agrippa (cujus mentionem dum facit, rationes simul allegat, ob quas a magiæ crimine, quod ipsi plures intentant, absolvendus sit,) p. 13, Jacobo Sadoletto p. 17, Aonio Paleario p. 18, Conrado & Johanne Bergiis p. 27. 37, Jac. Accontio p. 30, Paulo Merula, Gaudenti filio, p. 110, Andrea Dudithio, (quem potius Duditium scribendum esse, e quadam epistola manu ipsiusmet exarata probat,) p. 138, Conrado Grafero p. 155. 164, Petro Kirstenio p. 168, Bodino p. 177, Avicenna p. 184, Phalaride, (quem a quamplurimis ob tyrannidem illius non immerito culpari, sed ob ingenium singulare magni nihilofecius æstimandum sistit,) p. 177, Esromo Rudingero p. 195, & aliis.

Sed & ad veteris Ecclesiæ Doctores oculum subin reflectit Auctor; velut ubi in epistolarum, quæ S. Ignatio vulgo tribuuntur, *γνωστῆτα* inquit, earumque editiones p. 33. delineat; ubi Ambrosium illius in Epistolas Paulinas commentarii, qui sub ejus nomine circumfertur, auctorem esse p. 87. negat; ubi nec sermonem de cruce & passione Domini, nec librum de passione imaginis Christi, ab Athanasio confectum, p. 88. & 165. perhibet.

Nec varia eruditorum quorundam *παροράματα* notare omittit. Maxime autem in J. H. Heideggerum censoriam stringit virgulam, eumque in suo, quod edidit, Enchiridio Biblico, sæpius & nomina & religiones Commentatorum confudisse, sæpe quoque in productis eorum ad S. Biblia lucubrationibus cespitasse, nec raro optimas interpretationes omisisse, p. 101. ostendit. Antonium Teisserium cum Placcio provocare ait ad Philippi Melancthonis carmen elegiacum Græcum, quo is Siracidem reddiderit. Ast vero se istud nec vidisse unquam, nec credere, quod in eo consiciendo ille

occupatus fuerit, p. 23. testatur. Quæ in Gerhardi Joannis Vossii Historia Pelagiana carpit & supplet, p. 114. & seqq. legi commodius, quam heic referri a nobis possunt, idemque esto judicium de iis, quæ p. 82. ad Salmasii Defensionem Regiam observat.

Erudita non minus ac jucunda sunt, quæ p. 82. disserit ad quæstionem: utrum olim Hebræorum Rex, si sui immemorem officii gessisset, verberibus expositus fuerit? quam quidem negando definit. De modis sepeliendi variis, & sigillatim de sepultura in templis, p. 155. lemmata peculiaria coacervat. Pag. 169. verba 1. Pet. III, 6. illustrat, virumque olim ab uxore frequentissime vocatum reperiri dominum edocet. Dextrumne an sinistrum latus Christi perfolsum fuerit, p. 164. ex aliorum mente disputat. Libelli, cujus titulus: *Sesquiseculum Anglicanum*, auctorem credi Jacobum Thomassium p. 89. affirmat.

Quod ad MSta ab Auctore in medium producta attinet, in duas ea classes non incongrue diviseris, in quarum una epistolas, in altera vero annotata eruditorum ad libros integros collocaveris. Inter epistolas occurrit p. 97. aliqua Salmasii ad Curatores Academiæ Lugduno-Batavæ, in qua moras suas in Gallia excusat, aliaque p. 99. idem agens ad Jo. Weulinchovium, urbis Lugdunensis Syndicum. Pag. 57. seq. proluxa legitur fanatici illius, Petri Serrarii, epistola, in qua de fatis suis multa fidenter disserit. Pag. 131. Jac. Acontii literas, judicium de dogmate Sabellii circa Christum Dei filium continentes, exhibet. Pag. 153. Lingelshemii apparet ad Scipionem Gentilem epistola, quæ judicium fert de Andrea Duditio. Omittimus ipsius Duditii p. 140. allatam epistolam, & alias Pauli Merulæ, Simonis Episcopi, Stephani Curcellæ, Jac. Arminii, quas p. 113. 127. 130. legere est.

Quæ manu sua ad Conradi Bergii Praxin Catholicam Divini Canonis passim annotavit Riverus, p. 27. recenset. Stylum quoque a Salmasio in Defensione Regia adhibitum, adscriptis ad marginem notis, a viro quodam literato passim taxatum, p. 90. conspiciendum dat. Pag. 10. refert, esse apud se exemplar Horatii, a Jano Rutgerio anno 1613. edit. ad cujus frontispicium hæc sua manu consignavit Rutgerius: Dan. Heinsio J. Rutgerio D. D. in talis amoris signum, qualem neque unquam fuisse scio, neque futurum puto. Frater fratri.

Gerhardi

Gerhardi tractatum de Interpretatione Scripturæ Sacræ, ejusdemque argumenti librum Wolffgangi Franzii, Dannhaueri Hermeneuticam, Glassii Philologiam, Zeisoldi Logicam Sacram, Thefaurum Grammaticum Buxtorfii, Grammaticam Græcam Sacram, Novi Testamenti Georgii Paforis, Casparis item Finckii & Mœbii Canones junctim se edere, & imprimis Glassii Philologiam accuratissimo indice augere velle p. 107. innuit. In addendis atque emendandis incidisse se ait in egregium quoddam epistolarum Scaligeri exemplum, quod vir doctus quispiam manu sua totum correxerit, & notis in margine positis nonnullibi auxerit, novæ etiam editioni, ut ex libri principio constet, pararit. Id, si desideretur, typographo se haud negaturum, quin & plures Scaligeri epistolas nondum editas adjecturum pollicetur. Interim tractatum aliquem jam A. 1669. impressum, sed brevem admodum, Josephi nempe Athiæ defensionem contra Samuelis Maresii judicium de Bibliis Hebraicis, per Judæum illum A. 1667. editis, heic p. 121. recudi fecit.

Deinde prolixam subjicit præfationem, quæ ante Fasciculum secundum Dissertationum Historico Critico-Philologicarum (de quarum collectione a Crenio nostro suscepta olim A. 1691. p. 335. diximus,) legi debuisset. In hac de numismatæ census ad Matth. XXII, 18. varias affert opiniones, & occasione tractatum in Fasciculo illo obviatorum, imprimis de Paradiso terrestri, deque adagis Scripturæ S. multa commentatur.

PROJET D'UNE NOUVELLE VERSION FRANÇOISE DE LA BIBLE &c.

id est:

LINEAMENTA NOVÆ VERSIONIS GALLICÆ SACRARUM
Literarum, quibus & argumentis & autoritatibus allatis evincitur, Versiones hactenus editas in plerisque locis textum originalis sensum minus apte representare, adeoque perquam esse necessarium, ut nova eaque melior versio concinnetur: quam etiam molitur Lineamentorum horum Autor,

CAROLUS LE CENE,

Roterodami apud Petrum van der Slaart, 1696. in 8.

Alphab. 2. plag. 10.

Vir clarissimus, qui suum de adornanda nova versione Gallica S.

Ff 2

Litera-

- Literarum consilium, specimine isto edito erudit is innotescere voluit, id in eo potissimum egit, ut earum, quæ hæcenus procursæ sunt, Gallicarum versionum, & Genevensis præsertim, nævos per certas quasi classes disponderet. Sub initium itaque statim in iis reprehendit, quod frequentes adeo voces Hebraicas, quales in V. T. *Schilo, Hazazel, Hallelujah*, in Novo *Rhaca, Mammona, Gebenna* & aliæ consimiles sunt, quas interpretari merito debuissent, retinuerint. Deinde quam parum recte sentiant illi, qui literæ textus originalis strictissime inhærendum esse existimantes, versiones quæ plane intelligi nequeant, procudi velint, ostendit. Cumque ii hanc suam sententiam Mosis Deut. IV, 2. & S. Johannis Apoc. XXII, 18. autoritate niti existiment, loca illa ex Fagii Grotiique mente explicata nihil plane ad præsens negotium facere evincit, atque tam rationibus puerilem istam superstitionem impugnat, quam exemplis compluribus monstrat, quam nullo plane sensu pleraque vertantur, si literis & apicibus strictè nitens inhæreamus. Sic v. g. i. Tim. II, 14. facillime intelligi posse verba Pauli existimat, si ex commate præcedente vox *primus* repetatur, hoc modo: *Et Adam non est seductus primus* &c. Sic alia quam plurima loca in versionibus vulgatis oppido obscura, in luce clariori posse collocari, observat. Cum autem porro ea, quæ figurate in S. Literis dicuntur, facile turbare rudiorum mentes possint, non abs re fore censet, si interpretes propriis verbis illa eloquatur. Ubi itaque de manibus Dei sermo, omnipotentiam ejus, ubi de oculis, scientiam, ubi de visceribus, misericordiam mavult substitui. Taxat propterea versionem Genevensem, quæ Ebraicam vocem פנים, *faciem* proprio significato, figurato *iram* sapissime denotantem *faciem* tamè frequentissime transtulerit, ubi de *ira* sermo est: quam & alias hujusmodi expressiones superstitiose nimis quandoque inculcare arguit. Præsertim autem observat, hyperbolicos istos loquendi modos, quibus orientalium autorum more sacri Scriptores usi fuerunt, nequiquam secundum literam esse accipiendos. Sic omnem istum Esaie sermonem, quo capituli XIII commate 10 terribile Dei judicium, in Babylonios exercendum, ob oculos ponere auditoribus suis sategit, non alium quam istum sensum admittere dicit: *terribilia mala Regibus Babylonia evenient, incidentque illi in manus inimicorum suorum, qui crudelissime, nulla misericordia*

cordia tacti, in eos deservient. Et quamvis in hujusmodi locis sensu tantum exprimendum esse, verbis omnino repudiatis, non judicet, cum verba æque illustria linguæ nostræ suppeditare nequeant; id tamen, quod Christus de Regina Sabæ dicit, venisse eam ab extremis terræ, vertendum omnino putat: *quod venerit e regione valde distita.* Sic phrasæ, quibus omnes homines mendaces dicuntur, aliasque consimiles, additis vocibus *pene, ferme*, vel aliis hujus generis mitigandas censet. Sic, ut id quoque addamus, Gen. XI, 1. vertendum esse autumat: *omnes terra incolæ eodem animo erant, eadem consilia agitabant.* Dum autem ita in versionibus reformatis versatur, quæ fata olim hodieque experti fuerint, qui tale

p. 47.

p. 43.

p. 30.

c. IV.

quid ausi sunt, Hieronymus, Santes Pagninus, Erasmus, Junius & Tremellius, Beza, item ii qui versionem, quæ ex Portu Regali prodiiit, concinnarunt, expendit: quorum tamen omnium, utcumque primum impugnatorum, cum grata mente plerique operam hodie agnoscamus, sibi quoque de omnium favore non desperandum censet. Præcipue cum ii, qui vel impensissime favent Genevensi translationi, omnino tamen mendis eam carere affirmare non audeant; ipsi proinde ejus emendationem, quæ tamen plerumque in exoletarum vocum phrasarumque eliminatione substituerit, aliquoties aggressi: quo tamen postremæ Synodi Nationalis Ecclesiarum Gallicarum, quæ celebrata fuit Julioduni anno 1659, decretis nondum sit satisfactum. Istis obiter annotatis, ad versiones literæ textus originalis stricto nimirum inhærentes redit, quas vix alteri cuiquam usui inservire possit, quam linguæ Ebraicæ Græcæque addiscendæ putat; unde & Santes Pagninus aperte profiteatur, harum linguarum studiosis solummodo operam translatione sua navare se, voluisse. Instruendæ autem in voluntatis divinæ cognitione Christi plebi plane idoneas illas non esse censet; indeque Augustino quoque & Hieronymo improbatas eas fuisse docet: imo Christum quoque atque Apostolos, Veteris Testamenti allegantes testimonia, sensum sapius, quam verba representasse observat. Atque ut fortius impugnet versiones literam exacte nimis sequentes, earum abusum plerisque superstitionibus originem dedisse docet. Et inter alia hujus rei exempla, validissima Romanæ Ecclesiæ argumenta, quæ ex S. Scriptura pro Sanctorum cultu petere solet, evanesce-

p. 58.

c. V.

c. VI.

p. 82.

- c. VII. re observat, si inepta translatione literali neglecta, sensus exponatur. Quemadmodum autem versiones nimium literales superstitiones, ita errorum inutiliumque controversiarum vastissimam molem hujusmodi versionum naevos peperisse, deinceps conqueritur. Sic Origenem, & ante eum Judæorum haud paucos, de impiorum dubitasse resurrectione, quod secus, quam debebant, acciperent, versaque haberent loca Davidis Psalm. I, 5. & Esaiæ cap. XXVI, 14. Sic Diabolis ad gratiam reditum patere, eundem Origenem confirmasse ex Pl. XXXI, commate 20, nihil habente, quo ejus errorem retunderet, Augustino, cum I. XX Senum versio manifeste Origeni favere videretur. Sic quoque, ut alia taceamus, unica vocis Luc. XIV, 13 falsam interpretationem arma Pontificiis suppeditasse, quibus suam de hæreticis interficiendis persequendi que doctrinam parum humanam tueantur. Præterea plane ineptas esse versiones literarum nimis inhærentes, quæ plebis Christianæ usibus inserviant, evincit; adeo eas esse obscuras, ut intelligi non possint, ingenti exemplorum farragine demonstrans. Ex iis ut unum e multis commemoremus, obscurissimum esse monet, prout in omnibus fere versionibus exhibetur, locum Genes. IV, 7. In eo tamen si observetur, vocem שָׂטָן opponi verbis proxime præcedentibus וַיִּפְּלוּ פָנָיו, adeoque elevationem vultus significare: per אֲשַׁמֵּן autem notari sacrificium expiatorium, quod deinceps לַפֶּתַח h. e. ad ostium tabernaculi offerri solebat, perquam claram emergere versionem istam existimat: *Si bene agis, vultus eris erecto: ast secus si feceris, expiatorium sacrificium ad ostium nonne procumbet? Et Abel ad te confugiet, tuque auctoritati sese submitter.* Id enim ultima verba sibi velle, ex simili phrasi Genes. III, 16 probat. Hujusmodi exemplis compluribus coacervatis, aliis quamplurimis ostendit, versiones parum accuratas id efficere haud raro, ut sibi ipsi contraria Scriptura esse videatur.
- p. 153. Inter quæ ultimo loco minime reponit id, quod Ez. XX, 25 de legibus suis non bonis dicere Deus videtur; quem tamen locum nihil omnino difficultatis habere ait, si suppleatur in versione omissa per ellipsin interrogativa הֲ, & vertatur ac si legatur הֲלֹא אֲנִי אֵלִים. *Atque num queso ego dedi iis præcepta, quæ bona non sunt?* Aliis oppido multis Scripturæ locis ad hanc classem spectantibus examinatis, per saturam quasi nonnullos versionum naevos indicat, atque
- p. 168.

imprimis de nominibus quibusdam divinis agit, quomodo ea rectissime transferenda sint, exponens: nec non de vocibus quibusdam Hebraicis, quales *Rephaim*, *Ariel*, *Theli* & consimilibus, quarum difficilior est interpretatio: & speciatim de arborum plantarumque nominibus, quæ sæpe in versionibus vernaculis confundi & perperam exponi soleant. Ea inde loca hujusmodi versionum notat atque emendat, in quibus gemmarum nomina male expresserunt. Quibus denuo diversi generis errores subjungit, ac postea eos commemorat, quibus rituum morumque veterum ignorantia occasionem dedit. Quam varie porro in ponderibus & mensuris explicandis versiones aberraverint docet, utpotè quas vel Ebraicis nominibus servatis plane non, vel perperam explicaverint. Personarum quoque sæpius nomina cum regionum gentiumque nominibus confusa esse observat, non attendentibus S. Literarum interpretibus, regna, urbes & nationes autorum fundatorumque ac regum suorum, nominibus frequentissime appellari. Ejus rei exempla illustria ex Genes. X, & 1. Chron. I. affert: ibi enim commemoratos *Misraim*, *Ludim*, *Kittim* &c. pro singulis personis, versionum vitio, a plerisque haberi ait, per quos tamen integræ nationes sint intelligendæ. Speciatim quoque hic agit de phrasibus *πᾶσα ἡ γῆ*, *πᾶσα ἡ χώρα* & consimilibus, in quibus haud raro versiones impingant. Nominaque regionum locorumque studiose annotat, quæ monstris factisque incredibilibus, monstrose explicata, locum fecerint. Quemadmodum Judic. XV, 19 omnes versiones petram mortariū initar excavatam, quæ *Malles* appellabatur, in asini maxillam transmutasse, Varablus, Junius, Tremellius & L. de Dieu observarunt. Regionem porro populosque cum regionibus populisque confusos esse, sæpissime notat: similesque errores in fluviorum & marium transferendis nominibus admissos docet; item in iis, quæ ad personas pertinent, aliasque rerum circumstantias: ubi inter alia quamplurima loca, quæ de Judæorum in patriam reditu agunt, decorum conversione, & vice versa, quæ ad conversionem eorum pertinent, de reditu in patriam accepta esse observat. Integropostea eoque satis prolixo capite ostendit, omnia fere animalia, quorum in S. Oraculis mentio est, vel in alias plane res in versionibus transmutata, vel perperam inter se confusa esse. Ast cum hæcenus recensiti es-

p. 180.

p. 217.

c. X.

p. 260.

p. 266.

p. 271.

c. XI.

c. XII.

p. 318.

p. 320.

p. 324.

p. 330.

p. 331.

p. 362.

p. 367.

c. XIII.

c. XIV.

- rores exigui esse momenti quibusdam videri queant, jam denique ad graviore procedit, quos impiorum hominum flagitiis patrocinari posse persuasum habet. Sic locum Deut. XXI comm. n seqq. prout in Genevensi, Tigurina & Vulgata versione habetur, minime exprimere ait aversionem, qua Deus prosequatur libidinosos cum exteris atque captivis concubitus: quam longe rectius significet, si ita vertatur: *Si videas inter captivos egregia forma feminam, ejusque amore capiaris, ita ut eam rapias* (violentum enim raptum hic significari putat) *quo uxor tua evadat: in domum tuam adducatur, suumque caput condeat, & ungulus crescere sinat* (ut scilicet hac deformitate sua a consilio tuo te avertat) *imo & vestimenta* (elegantiora) *dimittat, quibus, cum caperetur, induta fuit.* Præsertim autem hac occasione versionem Genevensensem castigat in omnibus iis locis, in quibus de induratione in peccatis agitur, vel de divina etiam circa peccata providentia, quæ ita in ea plerumque repræsententur, ut ad Deum indurationis peccatorumque culpa redundet. Locum quoque 2 Reg. V, 18 inter alia producit, quem ita plerumque verti ægre fert, ut favere videatur iis, qui aulicis ministeriis implicati, superstitionis cæremoniis quandoque aliquid tribuere coguntur: cum plane non faveat, si, quod patiuntur Hebraica verba, ita vertatur, ut de prærito tempore Naaman loqui intelligatur. Ea porro loca ex instituto examinat, quæ opinionem parere possent, ac si Dei consilio & prædeterminatione horrenda maxime crimina patrata fuerint, qualia sunt Act. II, 23. IV, 27. 28. 1 Pet. II, 8 &c. item alia, quibus Deus autor humanæ infelicitatis videtur constitui. Et quis omnia enarraret, quæ offensionem in plerisque versionibus esse possent, a cl. Autore accurate plerumque indicata? Ad finem denique properandum, quem huic specimini imponit, ubi æquivocas Hebraici Græcique textus voces, multis versionum erroribus originem dedisse, monstrasset: quas, cum eo sensu essent explicandæ, qui scopo sacrorum Scriptorum convenientissimus est, ita plerumque expostas esse observat, ut opiniones sectæ, in qua nomina profitebantur interpretes, exigere videbantur, vel etiam sensu plane obscuro esse translatas. Ut hic quoque ex tot exemplis illustrissimum aliquod adducamus, omnem de Justificatione controversiam pendere ab æquivocis vocum *δικαίων* & *πίστis* acceptionibus monet. Cum enim

nim illa quandoque *absolvere reum*, nonnunquam *condemnare eum*, alibi *justum facere*, item *justitiam inspirare*, vel *media justitiam exercendi suppeditare* significet: hæc autem nonnunquam *simplicem persuasionem*, nonnunquam *fiduciam apprehensionem*, imo *objectum etiam fidei* notet; facile omnes illas de Justificatione nostra coram Deo controversias componi posse arbitratur, si ubique scopo conveniens vocibus istis explicatio adhibeatur.

OEUVRES MESLÉES DE MONS. CHEVREAU.

Id est:

OPUSCULA MISCELLANEA URBANI CHEVRÆI.

Hagæ Comit. apud Adr. Moetjens, 1697, 12. alph. 1. plag. 6.

URBANI Chevræi nomen jam tum illo tempore in republica litteraria clarum extitit, quo Christina Sueciæ Regina florem virorum eruditorum ex Germania, Gallia, Belgio in suam aulam evocaverat. Nam & Chevræus summis illis viris admixtus est, quorum doctissimis sermonibus Pallas illa Borealis ardua imperii negotia disponere consueverat. Christina regno abeunte, Noster auctorari se passus est, ut Regi successor esset ab epistolis. Exardescens vero belli Polonici flamma, Lodunum in patriam reversus ad otium literarium sese retulit, perscriptisque ad eruditos Galliarum viros, inprimis Tan. Fabrum, litteris, ingenii varique doctrinæ stricturas subinde emisit. Vicissim doctissimus ille Salmuriensis Professor eidem Chevræo plures epistolas philologicas a se editas inscripsit, ex quibus perspicere licet, quantum is huic Viri in critica arte tribuerit. Unde haud immerito Bailletus, in *Judiciis Eruditorum* de præcipuis Criticis parte II Tomi II pag. 488, Urbanum hunc inter illustriores Grammaricos seu Criticos retulerat, qui quidem ipsius ævo floruerint. Quod quum ita accipi potuisset, ac si in vivis non amplius esset Chevræus, Bailletus in iis, quas *Judiciis Eruditorum* de Poetis præmisit, priorum tomorum *Correctionibus* pag. 202, lectores admonuit, non modo superesse ipsum, sed & parare opus Chronologicum & Historicum: quod quidem Gallice scriptum, præferensque titulum *Historia Mundi*, anno 1686 prima vice Parisiis est editum, cumque denuo anno 1689 prodisset, a nobis in Tomo I Supplementorum pag. 390 fuit recensitum, nuncque quartum

G g

mul-

multis accessionibus locupletatum proditum dicitur. *Hujus ergo Scriptoris, qui maximum hujus seculi spacium vivendo emensus est, anno quippe tertio decimo hujus seculi (quod effigies operi præmissa indicat) in lucem editus, *Miscellanea* nunc sistimus, quibus continentur Epistolæ & Poemata, diversis quidem temporibus conscripta, multa tamen a grandævo Sene his proximis annis sic elaborata, ut de ingenii elegantia ac viriditate senectutē nihil detraxisse sentiamus. Possunt veronon incommode ad duo veluti capita referri, quæ his opusculis continentur. Alia enim ingenium & eloquentiam Scriptoris sapiunt: alia multam lectionē & eruditionem variam, in emendandis dijudicandisve veterum & recentiorum scriptis produnt. Quamquam & ingenii operibus gratos Chevræus aspersit eruditionis flosculos, & eruditæ κρισεως severitatem amœno ingenii lepore mitigavit. Neque enim ex illo genere eruditorum est, qui cruda & indigesta multarum rerum notitia onerant memoriam, multaque lectionis laude omnem eruditionis ambitum metiuntur; sed ita in veterum Romanorum, Græcorum, Hebræorum, Arabum etiam, monumentis versatus est, ut altero oculo vitam moresque hominum respiciens, ex variz doctrinæ copiis fructum perciperet sapientiæ. Hinc factum, ut ingenii elegantiz non modo nihil offecerit contracta cum veteribus familiaritas, sed lumen potius illi decusque conciliaverit. Cui rei argumento sunt non minus polita hæc, quam erudita *Miscellanea*, in quibus primum locum tenent Epistolæ, inde usque ab anno hujus seculi LII ad amicos perscriptæ: quarum prima negat vitio vertendam carminis lugubris scriptori aliquam negligentiam; neque enim luctui convenire periodos calamistratas & ad numerum cadentes. Altera in Seuderio, nobili iater Gallos Eroticorum scriptore, laudat ingenii fertilitatem, & ad instar Jovis Lucianici τοκάδα κεφαλὴν, eundemque Platoniz philosophiz, non fructibus modo sed & floribus conspicuæ, in genere epistolico vocat instauratorem. III ad Saknasium data queritur, Gallos mutuis obrectationibus in aula Suecica nomen suum gentile infamare. IV solatur Tristhanum, Poëtam Gallum, cuius versus Reginz Suecorum minus placuerant: multisque exemplis probat, viros doctissimos in ferendis sententiis inter se dissidere, rejicientibus alijs, quæ ab alijs fuerant laudata. V Dujatio Ju-

recon-

P. 1.

P. 4.

P. 7.

P. 9.

P. 11.

reconfulto Parisino confirmat, magni cum a Regina Suecorum fieri, litterasque illius magnopere probari. VI in Medicum, eundemque Poëtam pessimum, Burdelotium invehitur. VII deplorat obitum Balsaci, quem parentem vocat eloquentiæ Gallicanæ. VIII Christinæ animum vitæque rationem prorsus immutatam, post abdicationem regni, fatetur; negat vero illam vi aut necessitate adductam descendisse folio regio, sed sua sponte id consilii cepisse asseverat. IX ridet carminis cujusdam tumorem. X venuste gratulatur Razillio præfecturam Hagenoæ militarem. XI in depravatam Provincialium poëtarum gustum ludit, & sacram quoque poësin omnes delicias & Veneres carminis recipere, exemplo Sanctamantii docet. XII Tanaquillo Fabro amicitiam, quam expetierat, offert; timetque, ne exemplo Scaligeri & Salmasii, a Batavis & ipse Galliæ eripiat. XIII ejusdem fere est argumenti, sed exigente Fabro Latine scripta. XIV Fabricio Theologo Heidelbergensi vices reddit, qui litteris ad Fabrum datis Chevræum nostrum laudaverat. XV Criticum quendam explodit, qui Balsacium negaverat eloquentem, nec Scaligeros a Principibus Veronæ oriundos fuisse concedere voluerat; quorum gloriâ litteris quæsitâ longe sit anteponenda nobilitati generis. XVI exponit Bocharti sententiam, unde ad Gentiles profluxerit opinio a Judæis asinum adorari; ejusdemque argumenti Dissertationem a Jo. Frontone conscriptam petit. XVII deprecatur laudes a Lud. Frontone in se congestas. XVIII negat Alexandro Moro, ad eruditum quoddam certamen provocato, opus esse suo auxilio. XIX agit de ratione commentariorum suorum in Malherbam, celebrem Poetam Gallum. XX recusat oblatum sibi a Duce Brissaco Canonici locum. XXI amico scripta a se edita petenti negat sibi ullâ superesse, eaque optat periisse, indicatque naves, quibus ea laborarent. XXII judicium fert de Alex. Moro, tunc Ecclesiastæ Carentonensi, viro disertio & Latinis, Græcis atque Orientalibus litteris probe exculto: quem vulgus Dallæo prætulit, sed qui Dallæum non sibi modo, verum & Calvino ipsi, anteponendum censuerit. Videatur & de eodem judicium p. 409. XXIII, eaque Latina, ejusdem Mori promissas requirit epistolas. XXIV senis cujusdam cum juvenula inauspicatum matrimonium facete narrat. XXV mittit ad Fabrum tres characterissimos seu ethopoeias, ut Rhetores vocant, Tremolliæ

p. 13.
p. 15.
p. 17.

p. 20.
p. 21.
p. 23.

p. 26.

p. 27.
p. 31.
p. 34.

p. 37.

p. 39.
p. 41.
p. 41.
p. 43.
p. 45.

p. 47.

p. 49.

p. 50.
p. 52.
p. 60.

- p. 78. molliz Duci exhibendas. XXVI poemata Frizonis e Soc. Jesu sibi donata laudat. XXVII jussu Landgraviæ Hassiacæ ab auctore Cassel-
 p. 80. lis agente ad illustrem forminam Gallicam exarata, tota est officiosa, & in laudibus ejus versatur, ad quam scripta est. XXIIIX narrat, se
 p. 84. ex solitudine & otio in lucem & negotia rursus protractum, nunc Hafniæ agere, ubi aulæ regiz sanctitatem satis mirari non possit.
 p. 86. XXIX relicta vita actiuosa in otium & secessum suū redire cupit, fruiq; voluptate ex floribus ab amico sibi promissis. XXX modeste,
 p. 88. elevat spem ab amico injectam, fore, ut ipsius quoque ratio habeatur inter eruditos illos, quibus Regis Galliz liberalitas annum honorarium constituit. XXXI vitam tranquillam & otium litteratum, præfert splendori & potentiz, quæ publica & tumultuosa vita parari possit. XXXII Dacerium filium patri remittit, affirmans literatis in aula vix ullum relinqui locum. XXXIII laudat Frizonis Dissertationem de poemate, & XXXIV ejusdem Xaverium, prosa & carmine descriptum. XXXV deterret a versibus scribendis amicum, qui invitis Musis carmina pangebatur; & quum veritatem hanc illi ingratam fore suspicaretur, historiolum affert de Christina Regina, quæ Romæ statuam nudæ veritatis magna voluptate intuens & dilaudans, Cardinale quodam, qui officii causa illam sequebatur, exclamante, rarum esse in Regibus amorem veritatis, dixerit:
 p. 101. *credo, neque enim omnis veritas est marmorea.* XXXVI esse doctos quosdam ingenii & judicii expertes, & contra ingeniosos multos & disertos nulla doctrina imbutos, gemino exemplo comprobatur. XXXVII suas in Malherbæ poemata observationes manuscriptas ab amico cum Menagio communicatas, & ab hoc excerptas editasque pro suis queritur. XXXVIII dotes P. Oliverii, cujus libro quodam donatus fuerat, prædicat, XXXIX notat Poetam quendam venæ sterilioris, sed sibi valde Suffenum, & carmina in orationem prosam translata Venere sua exui observat. XL Cenomanensium Duci novum annum gratulatur. XLI e versu Gallico efficit epigramma Latinum in Jos. Scaligerum, & versionem duorum Virgilii versuum affert. XLII in Rabbinorum lectione quæ occurrant ridicula & absurda, & contra, quæ scite dicta & sapienter præcepta, refert, nonnulla etiam versibus exprimit. XLIII disputat de Psyllis, quarum arte serpentum morsus curaverint; & simul de variis antidotis disserit.

serit. XLIV amico adversa valetudine laboranti responder, sibi p. 134.
 (tum octogenario) causam non esse, cur senectutem vocet morbum;
 eruditionis vero suæ quæ sit ratio, modestè ostendit. XLV illustri p. 137.
 fœminæ promittit librum quendam suum simul ac prodierit, ei-
 demque indicat, se in usus suos confecisse librum precum & ver-
 bis Scripturæ contextum, quem inscripserit *Breviarium Eremitæ*.
 XLVI duas fœminas depingit, alteram deformem, exsuccam & ta- p. 138.
 citurnam, alteram loquaculam & licentiozem. XLVII frustratus p. 141.
 promissis a Monacho floribus, nusquam tutam esse fidem conque-
 ritur. XLIX seni octogenario exprobrat studium poetandi Apol- p. 144.
 line nullo, & XLIX reprehendit ejus consilium nuptias contrahen- p. 148.
 di cum puella vicina. L deflet obitum Car. Catonis Curtii, (ad p. 151.
 quem extat epistola Latina p. 241.) & quantus vir fuerit, ostendit. p. 153.
 Hinc pluribus Epistolis metro illigatis Cenomanensium Duci, Lu- seqq.
 dovico Augusto Borbonio, Regis Galliæ filio naturali, disciplinæ ac p. 220.
 fidei suæ credito, saluberrima præcepta morum instillat, eundem- seqq.
 que litteris aliquot Latinis ad studium linguæ hujus potissimum ex- p. 359.
 citat. Quæ sequuntur Epistolæ, sunt criticæ & philologicæ, quibus p. 538. 547.
 vel carmina Gallica inter se aut cum Italicis Latinisque contendit, p. 361. 369.
 fontesque imitationis unde profluxerint, demonstrat: vel etiam de p. 527. 609.
 Græcis Latinisque convertit, aut ab aliis conversâ examinat: vel p. 243. 253.
 locutiones quasdam & translationes tuetur Græcorum Latinorum- p. 279. 286.
 ve auctoritatibus, ac recentiorum magni nominis Poetarum exem- p. 384. 522.
 plis illustrat. Nonnunquam & vitia styli notat, veluti inanes argutias, p. 263. 363.
 frigidas allusiones, translationes audaciores, hyperboles usum nimium p. 525.
 & intempestivum, gentilium Deorum nomina vero Deo profane p. 504.
 applicata, obscœna, κακὸφάτα, quæque pudori & honestati ullo mo- p. 376.
 do adversantur, metaphoras rerum dignitati impares, aliena aut re- p. 487. 520.
 pugnantia rerum attributa, ut cum facit tribuitur invidia. Observat p. 593.
 quoque plurima, quæ ad linguæ Gallicæ usum & puritatem in primis faci- p. 269. 274.
 unt. Sed & in vocum originem, proprietatem & significationem inqui- p. 311. 443. 493.
 rit: veluti quod sit etymon *Tragœdia*, *Gebenna*; Narcissum florem non ad p. 487.
 traxisse nomen a puero fabuloso; quis color dicatur purpureus, *κνύα*- p. 539. 541. 593.
re; quomodo mors ab Homero dicatur purpurea; vocabula *fortis*; p. 342. 427.
pulcher, *bonus*, significationes inter se permutare; verba sensui cuidam p. 346.
 propria ad alios sensus transferri, ut verba visus ad auditum, & contra; p. 250. 336.

- P. 381. *tenuem* frontem Horatio esse angustam, non vero nitidam; & *atrocem*
- P. 316. *animum* Catonis, quem idem vocat, esse inexorabilem; pinum ab
- P. 322. eodem dici *nobilem situa filiam*, Hebraismi figura. De *grabati* voce
- P. 601. notat, eam esse plebejam, & vilem lectulum indicare; Monachum.
- P. 605. vero quendam ab Abbate suo excommunicatum, quod in Historia
- P. 272. Evangelica *lectum* pro grabato pronunciarit. Significationem au-
- P. 373. tem vocum non origine, sed usu metiendam esse monet. Est etiam,
- P. 397. ubi veterum Scriptorum loca emendat & restituit. Sic illum Seneca
- locum, epist. 53. quo de podagra dicitur, *utrosque pedes dextros fecit*
- (de quo Sarrauius quoque Salmasium consuluerat) Faber coniecerat
- legendum, *utrosque pedes tumefecit*, Noster mavult *utrosque distortos*
- P. 415. *fecit*. In Hieronymo, qui Porphyrium *Barbanaoten* & *sceleratum*
- vocat, rescribit de sententia Tanaquilli Fabri *Botanioten*, ut qui her-
- P. 420. bis vescebatur. Suidam Noster bis corrigit: primum in voce
- σμάραγδος*, ubi de Polycrate annulum in mare projectum recipi-
- ente narratur historia, & his verbis concluditur, *ἐλεγχ. βαβαν-*
- τητ. τῆς θεοσιβείας*, Noster reponit *τῆς εὐτυχίας*. Deinde
- P. 421. ubi Commodus fertur colosso Rhodi suum imposuisse caput, pro
- τῷ ἐν ῥόδῳ*, legere jubet, *τῷ ἐν ἱερᾷ ὀδῷ*. In Petronio improbum
- P. 589. mulieris dictum: *hoc* (vasculum) *cras in promulside libidinis mili-*
- tabit*, distinctione sanat & legit, *mi*, seu *mibi, lisabit*. Ubi & ob-
- P. 590. servat, & exemplo e Petrarca petito comprobat, literas capitales
- in vetustis codicibus omittas, ut a pictoribus exornarentur, erroris
- & depravationis saepe occasionem fuisse. Emendatum a Fabro ver-
- P. 397. sum Horatii jam tum a Piccarto in Periculis Criticis; locum Taciti
- P. 399. de moribus Germ. a Colero & Conringio; versum Ovidii a Gifanio,
- P. 410. Doufa, Salmasio ita lectum & restitutum esse monet. Correctionem
- P. 315. Scip. Gentilis, qui in versu Catulli: *Qui illius culpa cecidit velut prae-*
- P. 553. *ultimus flos*, reposuerat *parati*, & Angeli Politiani, qui, in Persii prologo
- Pegaseum nectar* substituit, ubi *Pegaseum melos* legebatur, rejicit,
- & falsa metri lege utrumque deceptum fuisse arguit. In Gramma-
- P. 414. ticos corruptores librorum, quos emendandos suscipiunt, afferit hoc
- Athenzi: *tria esse magna mala, Grammaticum, malam mulierem,*
- & paupertatem*. De Lucano, Silio Italico & Seneca Tragico judicia
- P. 401. seq. doctorum in utramque partem affert. Huartum, auctorem Scruti-

nū ingeniorum, notat, qui Eſaiæ cap. VII. v. 15. explicans, mera ſomnia narraverit, proſus a verbis & mente Scriptoris ſancti aliena. In alium animadvertit, qui negaverat, fas eſſe Deorum gentilium nomina a quoquam memorari, & cultum litterarum jure exſtinctum affirmaverat, ut religio ſtabiliretur. Ubi refert, in Italiæ quadam urbe ante paucos adhuc annos, cum Senatus cogeretur, a præcone proclamatum fuiſſe: *foras, foras, litterati!* Quin & loca difficilia Scriptorum alicubi interpretatur & illuſtrat: velut Catulli epigramma in Cæſarem; Lucani verſum: *vitrix cauſſa Diis placuit, ſed viſta Catoni*; nec non Horatii verſum 16. ex Epod. 15. Tuetur & Longini cenſuram in eum, qui luſerat voce *κόρη*, quæ *pupillam oculi & virginem* ſignificat. Sacræ quoque Scripturæ loca exponit: veluti Joh. XIII. 23. quid ſit in ſinu alicujus cubare; dictum Pauli 1. Cor. XVI. 22. ubi de triplici excommunicatione Synagogæ; Matth. XI. 11. de Johanne Baptiſta, maximo eorum qui nati ex mulieribus; Matth. V. 21. 22. de voce *Raca*; & Matth. XII. 32. de peccato in Spiritum S. Conciliat quoque locum Gal. I. 8. 9. & 2. Cor. XI. 5. 6. & Evangeliſtas horam mortis Chriſti diverſimode indicantes. Denique ſeu Scriptorum dicta illuſtrans, ſeu quaſitis eruditorum reſpondens, multa docet quæ ad eruditionem augendam faciunt: veluti, totum Oceanum Indicum a veteribus dictum eſſe Mare rubrum; alium non ineptam eſſe navibus exſtruendis; quæ fuerit Dido; Patavinitatem Livio exprobratam eſſe ſtudium Pompejanarum partium; (quæ Beniſi fuit ſententia, a Morhoſio conſutata) inter hypocritam & ſuperſtitioſum, quem Galli ſignificantiore vocabulo *bigot* dicunt, quid interſit; quid ſentiendum de miraculo Veſpaſiani; num Arabum lingua ſit omnium copioſiſſima, & qua in re cæteras vincat aut iis concedat; quinam fuerint majores & poſteriores Gamalielis, ad cujus pedes ſedit Paulus, & quod diſcrimen ſit inter *Rab, Rabbi, Rabban*. Inſperſa quoque ſunt ingenii monumenta & poemata, de quibus illorum eſto judicium, qui Veneres linguæ Gallicæ intelligere rectius & arbitrari poſſunt.

LIBRI NOVI.

Rariorum Plantarum Horti Medici Amſtelodamenſis Descriptio & Icones, auctore Jo. Commelino. Amſtelod. apud P. & J. Blau & Abr. a Semern, 1697. fol. Pbi.

p. 550.

p. 346

p. 347.

p. 349.

p. 418.

p. 390.

p. 603.

p. 648.

p. 617.

p. 621.

p. 630.

p. 633.

p. 638.

p. 624.

p. 640.

p. 331.

p. 333.

p. 355.

p. 424.

p. 627.

p. 646.

p. 653.

p. 660.

Philosophia Mentis & Sensuum, secundum utramque Aristotelis methodum pertractata, Metaphysice & Empirice, a Joanne Baptista Poolemao Soc. Jesu. Roma ex Typographia R. C. A. 1696. fol.

Trattato dell' Acque Correnti, diviso in tre libri: dato in luce con le delineazioni dal Cavalier Carlo Fontana. In Roma, nella stamperia di Gio. Francesco Buagni, 1696. fol.

Lettere Memorabile, Istoriche, Politiche ed Erudite scritte e raccolte da Antonio Bulson, Raccolta quaria. In Napoli presso Ans. Bulson 1697. 12.

Commentarius Academicus & Forensis in duos priores libros Codicis Justiniani, auctore Abrahamo de Pape. Amstel. apud Janssonio-Waesbergios, 1697. 8.

Joannis Ciampini Romani, Explicatio duorum sarcophagorum sacrum Baptismatarii indicantium. Roma typis Bernabò, 1697. 4.

Novissima Sinica, Historiam nostri temporis illustratura. 1697. 8.

Jo. Francisci Buddæi Elementa Philosophia Practica, quibus Ethica, Iurispudentia Naturalis ac Gentium, & Politica succincte traduntur. Hale Magd. sumptibus I. F. Zeidleri, 1697. 8.

Job. Reinhardi Hedingeri Conspectus Naturalis Jurispudentia Universalis. Ulma apud G. W. Kuhnem, 1697. 8.

Güntheri Christophori Schelhammeri Natura Sibi & Medicis vindicata; sive de Natura Liber bipartitus. Kilia apud I. S. Riechelii, 1697. 4.

Emblemata Moralia, scripta quondam Hispanice a Iohanne de Boria, Latinitate autem donata a L. C. C. P. Berolini apud I. M. Rudigerum, 1697. 4.

Specimen Sapientia Indorum veterum: id est, Liber Ethico-Politicus perpetuus, distus Grace Στεφανίτης &c. Nunc primum Græce ex MSS. Cod. Holsteiniano prodit cum versione nova Latina, opera Sebast. Gottfr. Starkii. Berolini apud I. M. Rudigerum, 1697. 8.

Pastorale Evangelicum, seu Instructio plenior Ministrorum Verbi, adornata a Jo. Ludov. Hartmanno. Ex MSS. B. Autoris posthumo multis in locis auctum. Norimberga apud W. M. Enderum, 1697. 4.

Histoire de la Republique de Genes, suivant la copie de Paris 1697. 12.

Suite des Nouveaux Essais de Morale, par Jean La Placette. Tomes III. IV. A Amsterdam, chez G. Gallet,

1697. 12.

* * *

ACTA ERUDITORUM

Publicata Lipsiæ

Calendis Junii, Anno M DC XCVII.

BIBLIOTHECÆ HISPANÆ VETERIS TOMUS I,
complectens Scriptores Hispanos omnes, qui ab Octaviani Au-
gusti imperio usque ad annum M floruerunt, Autore
D. NICOLAO ANTONIO, HISPALENSI J. C.

Ordinis S. Jacobi Equite &c.

Romæ ex typogr. Antonii de Rubeis, 1696. in fol.

Constat Alph. 5. plag. 20.

Integra sex abiere lustra, ex quo Vir eruditione & dignitatibus illustris, Nicolaus Antonius, Bibliothecæ Hispanæ tomos duos, seculi XVI & XVII Scriptores Hispanos omnes completos, in lucem evulgavit. Et spem quidem jam tum fecit, fore fortassis, ut orbi literato aliquando reliquos etiam Viros, qui in gente ista, a primis usque Romanæ Monarchiæ incunabulis, scriptis monumentis posteritati famam suam commendarunt, simili ingenii sui luce collustratos intueri liceret. Veruntamen & vastissima operis istius inoles, quod quam fieri poterat perfectissimum doctorum conspectum subire volebat, & quamplurima impedimenta, quæ Viro publicis negotiis vehementer occupato, præter ordinem etiam sese oggerebant, fecerunt, ut vita prius (id quod anno hujus seculi LXXXIV contigit) ipsi fuerit exeundum, quam vivere hunc sortum suum, & inter eruditos versari, videre posset. Præcipue autem id quoque remoratum eum esse videtur, quod postquam anno 1672 Bibliothecam Novam Hispanam Vir doctissimus edidisset, Roma, ubi Serenissimi Hispanorum Monarchæ negotia, Agentis ge-

H h

neralis

neralis titulo, summa dexteritate hætenus tractaverat, amplissimaque 30000 voluminum instructa Bibliotheca, lautissimis qui ex Canonatu Hispalensi ad ipsum redibant, fructibus adjutus, rem literariam egregie promoverat, Potentissimi Regii sui nutu fuerit advocatus: qui Matriti inter Consiliarios Regii Senatus Cruciatum eum sedere volebat, in supremæ Justitiæ Senatum mox coopandum, nisi modestia ejus singularis, & otii literarii desiderium, ut spartam istam a se deprecaretur, ei suavisset. Et forte etiamnum post fata Autoris cum tineis colluctandum esset præstantissimo operi, nisi opportune ILLUSTR. Cardinalem De AGVIRRE patronum invenisset. Ille enim & amore Antonii, quem Salmantica olim in juris studio habuerat condiscipulum, & summo, quo ardet, bene de litteris merendi studio ductus, auctoritate liberalitateque sua effecit, ut lucem tandem desideratissimo operi intuesi liceret. Emmanueli itaque Marti id dedit negotii, ut ipsius cura in ordinem redactum, quam emendatissime sumptibus suis, in typographia a se erecta imprimeretur: ut adeo novo hoc nomine denuo sibi devinctum litterarium orbem teneat Vir ille Eminentissimus. Ad ipsum autem opus, ut propius ad illud accedamus, quod attinet, quibus subsidii in eo adornando fuerit usus, fuisse satis in Prolegomenis ipsemet Antonius persequitur. In quibus etiam de laudibus Hispanæ gentis, quas in omni litterarum genere omni ævo promeruit: de Bibliothecarum hujusmodi usu: de variis earum autoribus, & iis præcipue qui Hispanos scriptores recensere instituerunt; quales Lucius Marinæus Siculus, Alphonsus Garfias Mataniorus, Valerius Andreas Taxander, (quem non alium a Valerio Andrea Desselio esse, qua erat sagacitate, Antonius invenit) Andreas Schottus & alii, satis prolixè agit: multaque de iis notatæ digna observat, diligentius hic percensenda, nisi eadem prorsus Prolegomena Bibliothecæ Novæ jam præmissa fuissent, adeoque curiosioribus dudum dubio procul essent notissima.

De Methodo Bibliothecæ hujus Veteris Hispanæ paucis adhuc, antequam penitus eam perlustramus, Lectores monendi sunt. In ea nimirum non, uti in Nova fecerat, eum ordinem sequitur, quem nominum prima elementa suppeditant, sed pro ætatis ratione cuius scriptori locum concedit Antonius: ita tamen, ut ad finem demum perdu-

perducta uniuscujusvis seculi scriptorum historia, junctim commoret eos, quos vel perperam Hispaniæ vindicant, in alieno ortos solo, vel nuspiam alibi, quam in corrupto cerebello suo natos male credulis obtrudunt, tum alii, tum imprimis spuriorum Dextri, Maximi, Juliani, Luitprandi, Hauberti & aliorum Chronicorum architecti. Quos uti quacunque occasione data severissime impetit, passim etiam nominetenus appellato eorum primipilo Hieronymo Romano Higuera (quem inter alia ornandæ antiquis imaginibus familiaris suæ causa, fraudibus hisce animum appulisse inde potissimum colligit, quod in schedis quoque ejus lucubratio fuerit reperta, quæ in eo tota sit, ut in quatuor familiarum, quas sanguine ille contingebat, *Higuera* scilicet, *Romanos*, *Pennas*, & *Cuellaras*, originem inquirat, & quæ cum fictitiis illis Chronicis amice conspirare deprehendatur:) ita peculiare opus Pseudo-Dextri Maximique nazniis P. 376 explodendis destinasse videtur. Uniuscujusque autem eorum, quos recenset, Autorum non elogium tantum texit, veterumque ac recentiorum de eo testimonia adducit, sed vitam accuratè persequitur, & quicquid in ea obscurum esse poterat, ingenii luce illustrat, dispulsis, quas ei veteratorum fraudes & inepte credulorum superstitio affuderant, tenebris. Hinc scripta diligenter omnia tam deperdita, quam communi stragi erepta, tam edita, quam in Bibliothecarum forulis adhuc delitescencia, percenset: genuina ab iis, quorum suspecta fides est, discernit: & denique editiones, translationes in linguas vernaculas, curasque a sequiorum temporum viris doctis iis impensas studiose commemorat. Quin & MSos codices semper fere indicat, quibus Viri eruditi, operam suam veterum alicui deinceps navaturi, juvari queant. Cumque non minimam laudis partem inter Hispanos mereantur Arabes Ebraique Scriptores, peculiarem Bibliothecam Arabico-Hispanam, & Hispano-Rabbinicam adornavit; ita tamen, ut eos utriusque gentis Scriptores, qui abjuratis erroribus Christianismum amplexi sunt, in reliquorum Autorum censum retulerit. Et Arabico-Hispanam quidem Bibliothecam quod attinet, ea una cum Bibliotheca Scriptorum Hispanorum, quorum incerta est ætas, ad calcem tomi II hujus operis adtexta compareret: Hispano-Rabbinica autem non-

exiguo harum litterarum detrimento perit, nullaque industria ab Eminentissimo Cardinali potuit recuperari.

Si omnes eo animo essent Lectores nostri, quo sunt eorum plerique, qui ad eas, quarum illustris est fama, Bibliothecas accedunt, & quorum plerumque omnis curiositas in externa earum specie hæret, ita ut numerum librorum mirentur, ordinem collaudent, & reliqua ornamenta studiose perlustrent, parum de eo solliciti, ut rariora volumina inspicere, atque inde doctrinæ & eruditionis incrementa capere iis liceat; satisfecisse omnino officio nostro nobis possemus videri: qui Antonianam Bibliothecam ita hactenus oculis eorum subiecimus, ut contenti esse queant ii, qui ideo solum Bibliothecas vident, ut vidisse se dicere valeant. Verum cum aliam mentem haud paucis esse non ignoremus, officiosorum age Bibliothecariorum partibus defungamur, depromptoque velati ex forulis volumine uno & altero, *Φιλομαθέων* aliquid oblectamenti affer-

- p. 5. re nitamur. Post *Hyginum* itaque secundo statim loco *Lucius Cornelius Balbus* in hac Bibliotheca se nobis offert, qui Augusto imperante floruit, & *Ephemeridem*, nec non *Exegeticorum libros* in eam inulit. Cum autem duo hoc nomine celebres inter veteres ferantur, quorum alter alterius ex fratre nepos existit, in iis a se invicem distinguendis, rebusque eorum accurate explicandis, multum defudat Antonius. Utriusque mentio est apud *Plinium H. N. V. 5*, cujus verba, prout emendata ab eo fuere, non possumus non hoc loco repetere. Omnia, inquit *armis Romanis superata, & a Cornelio Balbo triumphata, uno omnium externorum* (vulgati habent *unius omnium externo*, *Harduinus* vero legi voluit *uni huius omnium externo*) *curru & Quirinum jure donato. Quippe Gadibus nato civitas Romana cum Balbo majore patruo data est.* Ad utrum eorum scripta modo commemorata (temporum injuria nobis crepta) pertinuerint, conjectari se vix posse ait, quamvis eo magis propendere videatur, ut seniori ea adjudicet: quem *Balbum Cornelium Theophanem* a Capitolino in vita *Balbinii c. VII* non absque errore appellari observat, *Theophanem* nimirum, litteris *Pompeji*que amicitia, non minus ac *Balbus*, florentem, ideoque civitate. pariter ac istum, forsan ab eo donatum, cum *Balbo* temere confundente. Locum a *Balbo* non nimis remotum *M. Annam Seneca*
- p. 13.

occu-

occupat, in cujus recensenda familia diligentissimus est Antonius noster, non immerito sane, cum omnis Annæa gens litterarum gloria quam maxime effloruerit. Ex ea unicum *Junium Annæum Gallionem* commemorare hic liceat, *M. Seneca* filium, *Lucii Annæi Seneca* fratrem, a Junio Gallione patris familiari adoptatum, indeque nomen ejus sortitum. Prolixum nimis esset recensere, quos Andreas Schottus & Mart. Ant. Delrio, duos Galliones istos passim confundentes, commississe ab eo observantur errores. Sufficiat, annotasse, scripta nonnulla ei ab Autore nostro tribui, loco Senecæ Qu. Nat. L. V, c. II, & Plinii in indice autorum, e quibus librum XX H. N. concinnavit, subnixo: itemque ab eodem non alium esse, credi a Gallione, coram quo, Proconsulatum in Achaja gerente, D. Paulo intentatum fuisse judicium in Apostolicis Actis c. 18. legimus. Consulem autem unquam eum fuisse, neutiquam ei verosimile videtur, quamvis Plinius L. XXXI c. 6 H. N. id inhuere videatur; in cujus textum *consulatum* pro *proconsulatu* irrepsisse persuasum habet. De *Quintiliano* tum alia, quæ refert notatu digna, prætermittimus, tum ea quoque quæ contra Lipsium de *Dialogo de Oratoribus* accurate disputavit, quem Quintilianum potius quam Tacitum habere autorem, ipse quidem etiam censet, id tamen Lipsio dandum haud esse putat, ut idem ille *Dialogus* cum libro *Quintiliani de corrupta eloquentia causis* esse credatur. Ea autem breviter repetere, quæ de Domitiani fororis nepotibus, quorum institutioni Quintilianum præfecit, commentatus est, dividæ forsan haud fuerit. Non alios itaq; eos esse censet, quam Vespasianum Domitianumque juniorem, quos successores sibi, teste Suetonio, Domitianus Imperator destinaverat, a Flavio Clemente patruele suo, ex Domitilla, quæ una cum marito martirium subit, susceptos. Domitillam istam, quam tertiam, ut a reliquis hujus nominis illustribus feminis eam distinguat, vocavit, non sororem Domitiani, Domitillam secundam, quam e Flavia Domitilla prima præter Titum & Domitianum suscepit Fl. Vespasianus, esse putat: cum Domitillam istam secundam, Fl. Vespasianum filiam, patre adhuc privato evita abuisse, testetur Suetonius: Domitillam autem tertiam, Fl. Clementis uxorem, marito superstitem, a Domitiano in Pandatarium insulam relegatam esse constet: quam proinde filiam esse credit Domitillæ secundæ, ab ea nescio cui nupta-

genitam. Indeque esse ait, quod eos quos instituendos acceperat Quintilianus, Proœm. L. IV *Domitiani sororis nepotes* appellet, qui tales nimirum proprie fuerint, non quod Turnebo placuit, *ex sorore nepotes*, quem sensum a Quintiliano adhibita verba ex usu Latine linguæ non admittant. De Domitilla ista tertia ejusque marito Flavio Clemente plura affert e Dione Coccejano, eam autem aliam esse a Domitilla II, Domitiani sorore, filia Vespasiani, imo hujus natam esse illam, egregie confirmat ex inscriptione apud Gruterum p. 225. in qua *Flavia Domitilla, filia Flavia Domitilla, Caesaris Vespasiani neptis* mentio habetur. Atque adeo tribus hisce Domitillis, quarum prima Fl. Vespasiani conjux, secunda filia Domitiani soror, tertia neptis, Fl. Clementis conjux fuit, in clara satis luce collocatis, quartam etiam jungit, Fl. Clementis ex sorore neptem, virginem, a Domitiano, teste Martyrologio Rom. ad d. VII Maji, in insulam Pontiam relegatam, & denique Terracinae jussu Trajani martyrio consummatam. Hanc postremam enim quamvis cum tertia Domitilla Fl. Clementis conjuge confundat Scaliger in notis ad Eusebii Chron. p. 205, Pontiam quoque & Pandatariam insulam pro eadem idcirco haberi cupiens, renitente Plinio H. N. III, 6, & Mela de Siru orbis II, 7; atque adeo virginitatis gloriam Domitillæ abjudicet: ex Eusebio tamen H. E. III, 18. Nicephoro H. E. III, 9. Eutropio l. 9 & aliis Antonius noster evincit, diversam ab illa hanc esse, utpote quam Fl. Clementis ex sorore neptem fuisse, expresse, autores isti omnes testentur. Verum satis de Domitillis, & qui de iis differendi occasionem suppeditarunt Antonio, Domitiani nepotibus. Ad illustrissimum nunc inter Hispanos Scriptorem, *Hadrianum*, pedem promoveamus, cujus inter alia *libri Catacriani*, Spathiano commemorati, dudum crucem doctis hominibus fixerunt. Omissum studiose ab Autore annotatas de isto opere Lil. Gyraldi, Jani Parrhasii, Herm. Barbari, Scaligeri, Casauboni, Turnebi, Salmassii & Rosweydi eruditas conjecturas. Ipse in ea sententia est, *Catacrinus* seu *κατα κρινον* libros illos inscriptos fuisse. *Κρινον* autem *cucurbitam* significare, ex Suida docet. Indeque in ea sententia est, quod scripserit forsan satyricum quendam *de cucurbita* commentarium, qualis & Senecæ *ἀποκόλουθον* est, Imperator *Adrianus*. Et eo etiam respexisse putat istud Apollodori Architecti scomma, in-

cum

eum privatum adhuc conjectum, quod Dio nobis servavit, ἀπελ-
 θε καὶ τὰς κολοκύνθας γράφει. Id quod Turnebo jam in men-
 tem etiam venerat, qui tamen vocabulum paulo longius a vulgari,
 lectione recedens, κολοκύνθας nimirum pro *catacris*, apud
 Spartianum substituere ausus est. *Antonium Julianum* Rhetorem,
 Hispanum, Gellio passim commemoratum, eundem esse credit cum
 eo, quem Minutius Felix laudat, Judæorum Historico: cumque de-
 strate ejus Vossius incertus hæreat, post illatam ab Adriano Judæis
 stragem eum scripsisse, ex ipso Minucio evincere conatur. Quæ
 de Hierotheo Dionysii Areopagitæ præceptore, Galeno, Sereno
 Sammonico aliisque Scriptoribus, quos Pseudo-Dexter, Luitpran-
 dus aliique hujusmodi nugivenduli autores Hispanis vindicant, (quos
 totum etiam tertium seculum fumis hujusmodi, hoc est fictitiis
 scriptoribus, implevisse ait, cum veros illius ævi Hispania scripto-
 res nullos habeat,) observat, hic referre nimis prolixum foret. Mis-
 sis itaque larvis istis, quas satis erudite impugnat atque evanescere
 cogit, ad meliora tempora pergamus. Magnum autem inter alios
 quarti seculi scriptores *Gregorii Batici* nomen est, cui præter alia
 adscribitur *opus de fide*; quod recte fieri, contra Trithemium, Lab-
 beum aliosque, Faustino Presbytero illud asserentes, cum Baronio
 Barthioque defendit. Inde quæ de eo Pseudo-Luitprandus fingit,
 fuscè persequitur, fabulisque accensenda esse ostendit. Imo & *Gre-*
gorium Toletanum, quem Pseudo-Dexter Hispanis obtrudere cona-
 tus est, plane eliminat: & denique inventum non ita pridem
Martyrologium, Gregorii Batici nomine inscriptum, & a Gregorio
 Argaizio incaute cum aliis hujusmodi nugis, in quatuor volumina,
 generali titulo vulgaris linguæ *Poblacion Ecclesiastica de España*
 insignita conjectis, tanquam genuinum esset, publicatum, sub exa-
 men revocat, multisque argumentis illud quoque impostorum so-
 lertię deberi contendit. Multus etiam est in *Priscilliani* hæretici
 illustranda historia, in qua haud pauca, valde alias implicata, fa-
 tis concinne expedit, a nobis tamen prætereunda, quod difficile
 sit ea exponere, nisi integra historia hic quoque pertextatur. De
Damaso Papa agens, in patriam ejus studiose inquit, sibi que pro-
 babile maxime esse ait, Lusitanæ originem illum debere. Inter
 opera verò ejus ex Trithemio quoque *tractatum de Fide contra Hæ-*
reticos

p. 82.

p. 83.

p. 99.

p. 104.

p. 110.

p. 113.

p. 129.

p. 139.

p. 141.

reticos refert, cujus istud initium sit: *Quoniam post Concilium Nicæanum.* Ipsomet tamen censet, nullam hic fidem Trithemium mereri, cum nemo Veterum operis istius meminerit. Veruntamen, si e verbis initialibus a Trithemio positis conjecturam facere liceat, videtur tractatus ille non alius esse, quam Fidei Confessio a Damaso ad Paulinum missa, quæ apud Theodorum H. E. V, II habetur, & ab iisdem plane verbis incipit. Inter *Paciani* opera λέρβ@, pro quo alii κέρβ@ legunt, ab Hieronymo referri observat. Ipse κέρν@ legendum esse suspicatur, quæ vox vas fictile denotat in loculos distinctum, quod variis fructibus onustum, sacris adhibere solebant. Ita autem opus varia complexum non minori jure quam πένλον, σπῆμα vel Ἀμαλθείας κέρας appellari potuisse statuit. De *Lucio Dextro* ubi agit, breviter solum de vero *Dextro* Chronicoque ejus deperdito disserit, cum ut monitum jam a nobis fuit, peculiari opere tenebrionem illum sinistrum, uti a nonnemo appellatus est, qui nugax istud Chronicum quod hodie circumfertur, Dextro supposuit, debellare propositum ei fuerit. Simile quid de *Maximo* etiam inferius pollicetur, utrumque tamen consilium ejus præpropere forsân fata interverterunt. Duo interea ex ista ejus de Dextro narratione hic repetere liceat, primo falsum esse quod plerique ajunt, Bivarium primum illius Chronici esse editorem; qui primus enim edidit Jo. Calderon Franciscanus est, cujus cura Cæsaraugustæ anno 1619 prodit. Deinde, quod dicat Antonius, Chronicorum Dextri, Maximi, atque Luitprandi exempla, quæ primo vel habuit, vel jactavit se habere Higuera, fraudum istarum præcipuus architectus, (& quæ an e Germania ille acceperit, dicere non audet,) plane diversa esse ab iis, quæ edita fuerunt. Qua de re ut luculenter omnibus constet, ex Estepani Marchionis bibliotheca antiquius hujusmodi exemplum subsistentem tomi II hujus Bibliothecæ representavit. *Ruso Festo Avieno* Epitomen Rerum Romanarum, quæ Sexto Ruso vulgo adscribitur, a nonnullis tamen Avieno tribuitur, abjudicat. Fragmentaque, præterea Avieni ex libro de urbibus Hispaniæ mediterraneis, quæ passim laudantur, apud Petrum de Roxani scilicet in Historia, & ipsum Higuera in Historia Toletana MS., quæ ea ex Cardinalis Carrafa bibliotheca se habere dixit, suspectis Higuera mercibus accensent.

p. 149.

p. 155.

p. 239.

p. 161.

consenda esse, prolato quoque horum fragmentorum quodam, docet. *Melchiam* Papam Hispanis non tantum eripit, quamvis Primus Episcopus Cabilonensis, (cujus *Topographia Sanctorum* quam lubrica fides sit, hac occasione ostendit,) Mantuæ Carpetanorum eum vindicet; sed & utramque ejus epistolam, tam eam, quæ de Constantini donatione agit, quam alteram, quæ ad omnes Hispaniæ Episcopos data est, spuriam esse pronunciat. *Vigilantium* contra Baronium & alios cum Gennadio, non Hispanum, sed Galum esse tuetur, atque aliquot ex ipso Hieronymo loca producit, quibus istam confirmet sententiam. *Cauponem* autem *Calagurritanum* & *Quintilianum mutum* ideo ab illo cum dici arbitrat, quod in Gallia natus inde Caligurrim pervenit, ibique habitaverit. *Isidorum Cordubensem*, qui inter Seculi IV Scriptores a Sieberto Gemblacensi refertur, parum abest quin plane eliminet. Nullum enim hoc nomine hominem existisse, argumento ei est, quod neque Hieronymus, neque Gennadius, nec Isidorus, nec Ildefonsus ejus meminerit, sed post XII demum secula solus Siebertus. Quem in errorem illum inductum fuisse putat homilia quadam S. Augustini de assumptione Mariæ virginis, quam genuinam perperam crediderit. In ea enim cum Isidorum allegatum inveniret, aliquem Augustino antiquiorem comminisci necessarium illum existimasse ait. Verum ipsa illa verba, a Pseudo-Augustino allegata, apud Isidorum Hispalensem obvia esse, adeoque ruere istum tibicinem observat. Nec ob stare credit, quod Isidorus Hispalensis *Junior* dicatur, adeoque antiquiorem aliquem existisse hoc cognomine suo arguat: recentiores enim tantum, præjudicio de Isidoro Cordubensi occupatos, id nominis ei tribuere dicit. Multo autem adhuc acrior in Pseudo-Dextri, qui duos Isidoros Cordubenses comminiscitur, everrendis quisquiliis est. Verum ad alios pergendum. De *Aprigii* Commentariis in Apocalypsin, quorum mentionem multi fecere, accuratius se dispexisse memorat. Primo itaque monet, vastum illud opus, quod e Vaticano codice descriptum, in compluribus Hispaniæ bibliothecis existat, Aprigique vulgo adscribitur, non ejus, sed Beati, seculi X Scriptoris esse, qui illum etiam nominatenus alleget. Verum autem Aprigii Commentarium ex codice Barcinonensi olim edere voluisse ais Ludovicum de S. Laurentio Cordubensem; quod ejus exemplum se ipsum transcripsisse Antonius testatur. Invenisse tamen se ait, ne hoc

p. 174.

p. 175.

p. 188.

p. 210.

- quidem opus unum habere Autorem. Ea enim quæ ad quinque priora, itemque postrema quinque Apocalypseos capita annotantur, accurata & omnibus numeris absoluta, reliqua autem desultoria & minus concinna esse observat. Cumque posteriora hæc maximam partem inveniri deprehenderit in Pseudo-Victorini Comment. in Apoc. Paris. 1540. & in Bibl. P. P. edito; Aprigii Commentarium ea ex parte hiantem ex Pseudo-Victorino, ab aliquo manci codicis possessore supplementum esse suspicatur. De *Licimiano* ubi agit, locum ex epistola ejus de libro regularum ad Gregorium Papam producit, in quo inquit, *Homiliarum in Job extare libellos sex S. Hilarii Episcopi Pictavensis, quos de Græco Origenis in Latinum verterit, quamvis non omnia secundum ordinem libri S. Job exposuerit*: unde dubium amplius nullum esse posse colligit, Origenem Commentarios in Jobum scripsisse, quamvis difficile sit judicare, an iidem illi sint, qui inter opera ejus hodie leguntur. Inter *Fulgentii Astigitensis*, quem a *Ruspensi* diligenter distinguit, opera, Expositionem ejus in omnes Psalmos cum elogio memorat, cujus adhuc ineditæ editionem Em. Cardinalis de Aguirre in margine pollicetur: qui etiam paulo inferius Sisebuti Regis epistolas, & vitam Desiderii Viennensis ab eodem scriptam expectare nos jubet. Diligentissime porro de *Isidori Hispalensis* vita & scriptis commentatur, quemadmodum & de *Isidoro Pacensi* non minori accurate egit inferius, ubi simul ex instituto *Isidororum* historiam pertexit: quæ omnia paulo fufius hic essent exponenda, nisi tantum chartæ nos jam implevisse videremus, ut de fine narrationis hujus paulatim sit cogitandum. *Ildefonsi* quoque res intactas inviti prætermittimus, cui præter Epigrammata pleraque a Pseudo-Juliano ei supposita, libros etiam contra eos, qui disputant de perpetua Mariæ virginitate, Sermones XIII a Fevardentio editos, Coronam B. Virginis a P. Alva & Astorga in Bibliotheca Virginali publicatam, & denique Revelationem, quam an. 1674 una cum Diff. de Pane eucharistico, azymo & fermentato, Mabillonius edidit, multis argumentis abjudicat: Continuationem quoque Chronicorum Isidori pro interpolata saltem, si non spuria omnino est, habens. *Juliano Toletano* antikiri *Pomerii* cognomen perperam a nonnullis tribui ostendit, eidemque, ut alia taceamus, Continuationem operis Ildefonsi de Viris illustribus perperam a Baronio abjudicari, & *Juliano Diacono Toletano* tribui docet. De *Elipando*

de agens dubitat, poenitentiam eum egisse. Vitam enim S. Beati a Jo. Tamajo editam, & Actis SS. insertam, in qua id affirmatur, nullius autoritatis, & a Tamajo ex Pseudo-Chronicis interpolatam esse ostendit. *Claudium Taurinensem* inter alia cum *Claudio Clemente Scoto*, a Labbeo perperam confusum esse notat. Taurinensis tamen Commentarios in S. Litteras esse, defendi posse statuit. *S. Eulogii* librum MS. de Scriptoribus Ecclesiasticis in Bibliotheca Toletana extare, id quod P. Alva & Astorga testatus est, falsum esse, monet. Paulo fusius de *Joanne Hispalensi* Episcopo agit, quem nono seculo floruisse, inde probabile ei redditur, quod idem esse videatur cum eo, ad quem *Alvari Pauli Cordubensis*, qui illa ætate vixit, aliquot extant epistolæ; quamvis extra omne dubium id haud positum esse dicat. *Sacras Scripturas* cum *Catholicis Expositionibus Arabice scriptis declarasse*, testatur Rodericus Toletanus. Unde colligunt nonnulli, versionem Bibliorum Arabicam in gratiam gentis suæ, isti linguæ sub Maurorum dominio paulatim, assuescentis, eum concinnasse. Id quod eodem ævo R. Saadias Gaon aliusq; anonymus totam Scripturam Sacram, & Harit Ibn Sina Legem tantum Arabice interpretati, fecerunt. Attamen de Joannis Hispalensis interpretatione res dubia adhuc videtur Antonio, consentitque cum eo (ut anticipando hoc dicamus) Thomas de Leon Jesuita Granadensis, in epistola, quam ad D. Martinum Vasquez Siruelam Hispano idiomate scripsit, paulo inferius ab Autore nostro exhibita. Sane enim Roderici verba, quibus ducti versionem Joanni quidam adscripserunt, ita accipi etiam posse observant, ut Commentarios solum Arabico idiomate scripsisse intelligatur. Et quamvis Jo. Mariana & Paulus Espinosa in Hispalensis Ecclesiæ armariis versionem Joannis asservari dicant, nullo tamen idoneo Autore id confirmare eos ajunt, qui linguæ istius satis peritus testari queat, ab editis diversam, & a Joanne profectam esse, quæ ibi extat, versionem. Equidem in Bibliotheca Scorialensi etiam librum Evangeliorum Arabice versum a Joanne, ab Arabibus *Zaid Almatrud* cognominato, servari, ex Catalogo constare Antonius observat. Verum istum Joannem incerti ævi scriptorem, aliumque ab eo de quo nunc agimus, esse censet, qui Astrologicis potissimum scriptis Arabice vertendis operam navavit, & de quo fusius ipse inter incertæ æ-

P. 336.

P. 342.

P. 354.

- ratis scriptores egerit. Atque hac occasione a *Johanne Tolentino*
 qui eodem ævo floruit, Joannem Hispalensem quoque distinguit,
 & Pseudo-Julianum fraudis convincit, qui cum illo hanc perperam
 confundere, & Toletanæ sedis vindicare annisus est. Sed ut ad
 versionem redeamus, id quoque, ut nullam fuisse ostendat, addit
 p. 361. Thomas de Leon, non epus ea fuisse, cum aliz complures jam
 antea existerint, & apud ipsos quoque Mahometanos fuerint in
 veneratione. Verum ut ad cognomen tandem Jo. Hispalensis et-
 iam deveniamus, quo *Cacit Almiran* eum ab Arabibus appellatum
 esse Rodericus testatur, in eo explicando totus est in modo lauda-
 ta epistola Thomas de Leon. Cujus eo redit summa, ut primo *Al-*
miran ex Nomenclatore Copto-Arabico, a Kircherio edito, *Me-*
tropolitam notare ostendat: deinde tamen *Seniorem* etiam vel *Deca-*
 p. 359. *num* istud vocabulum notare doceat: istam autem significationem
 Pseudo-Juliano Toletanæ sedis, cui Joannem nostrum asseruit, pri-
 matum vindicare cupienti, imposuisse observet, ut *Archi-Episco-*
pum Almitran Seniore inter Archiepiscopos, h. e. Primatem in-
 terpretatus fuerit; cum tamen istam dignitatem nunquam voce
Almitran, sed voce *Alavili* Arabes exprimere soleant. Subjungit
 deinde nonnulla de etymologia vocis *Almitran*, & sic demum
 ad alterius vocis *Cacit* interpretationem transit. Primo itaque hic
 respici negat ad vocem *Caidon*, gubernatorem sive præfectum no-
 tantem, unde Hispana vox *Alcayde*, cum nunquam in sensu eccle-
 siastico usurpata vox illa occurrat, vocem vero *Alcadi*, quam Episco-
 pum passim interpretantur, non *Caidon* esse, sed *Cadi* statuit. Et
 quamvis ex loco Constantini Porphyrogenetti colligi posse videatur,
Sanctum vocem *Caidon* notare, perperam tamen id fieri ait, cum
 occurrens ibi vox *καδης* sit Arabice *Cades*, Sanctus, quam cum *Cade*,
 quæ Judicem notet, perperam iridem confundat Meursius in notis
 p. 20. Præterea *Caidon* vocem non esse observat, qua a Mauris
 victoribus, pauper quidam Sacerdos, qualis Joannes in ista Hi-
 spanæ gentis servitute erat, appellari potuerit. Pro *Cacis Almitran*
 igitur apud Rodericum *Cacis* legendum censet. Significare autem
Cacis Arabibus *Presbyterum*: atque ad hanc significationem
 vocis istius etiam respexisse Pseudo-Julianum, cum ait: *apud S. Lu-*
cam Toleti sepulchrum est S. Joannes, non Presbyter, sed Archiepiscopus
 Tolet-

Toletanus. Forſan prolixi nimis in Joanne iſto fuimus; breviffimis itaque quæ reſtant expediemus. *Alfonſo M.* Regi vindicat Antonius noſter Chronicon, quod *Sebaſtiano Sabmantienſi* omnes, a quibus editum illud eſt, tribuerunt. Mutilo tamen eo nos uti, paſſimque a Pelagio Ovetenſi interpolato, obſervat. Contra *Dulcidio* Chronicon, quod nomine ejus inſcriptum Barcinone A. 1663 *Jof. Pellicerius* edidit, abjudicat. Denique, ut finem tandem faciamus, ultimum in priori hac Bibliothecæ ſuæ patte locum Luitprando & Hauberto conceſſit. Illius primum veram hiftoriam exponit, & ab Higuera commentis repurgat. Deinde ad ſuppoſitum ei Chronicon accedit, & primo quidem præmiſſas ei epiſtolas duas præliminares validiſſime oppugnat. Quatum poſteriore cum exemplari inedito contendens, ex inſigni diverſitate, quæ inter illud & editum exemplar intercedit, argumenta fraudis elicit. Simili modo exemplar Chronici ipſius ineditum, quo Higuera uſus fuit, cum edito comparat, fraudesque & interpolationes ab impoſtore factas in clariſſima luce collocat. Denique quod potiſſimum Higuera in fraudibus hiſce vendendis conſilium fuerit, aperit: ſcilicet Eccleſiæ Toletanæ primatum vindicare, Hiſpaniam honoribus & viris illuſtribus ornare, Benedictinum denique ordinem miris modis extollere, ei propoſitum fuiſſe ait. Quod ut obtineret, viros illuſtres qui alibi exſtitere, imo & Concilia, Hiſpanis cum vindicaſſe; nominum locorumque æquivocationibus abuſum: rebus in hiftoria controverſis judicem ſe obtruſiſſe: obſcuris lucem ex cerebello ſuo afferre auſum fuiſſe: carmina, quibus nugæ ſuas confirmaret, veterum nomine conſinxiſſe, quam pluribus exemplis oſtendit, atque adeo totius operis egregium ſpecimen ob oculos ponit. Pari modo Hauberti Hiſpalenſis ſcripta, a Gregorio Argaizio una cum aliis ficulneis hujusmodi mercibus primum publicata, explodit. Quæ ab Antonio Lupian de Zapata & Bibliotheca S. Dionyſii Pariſienſis furto ſubrepta ſe accepſiſſe, ægre tandem Argaizium faſſum eſſe dicit. Zapatam autem iſtum experta olim in Dextro vanitate ſubnixum; Haubertum, nec nomine notum, prodigioſi hujus Chronici auctorem domi ſuæ fingere auſum eſſe ait. Argumenta vero, quibus ſuſmos nobis vendete Pſendo-Haubertum iſtum evincit, hic repetere ſuperſedemus, præcipue cum adeo prolixos in recensendo primò

hoc Hispanæ Bibliothecæ Veteris tomo nos jam fuisse videamus, ut secundi tomi enarratio, quam huic subjungere constitutum nobis initio fuerat, insequentem mensẽ necessario sit differenda.

EXCERPTA EX EPISTOLA G. G. L. AD HORUM
ACTORUM COLLECTORES.

Dn. Joh. Wallisius, Vir magnis in Geometriam meritis celeberrimus, occasione quarundam suarum ad me literarum significavit, nonnulla circa recensitionem Operum suorum Actis Junii superioris anni insertam monenda occurrisse. Nempe in ea videri oblique insinuari, quasi nostrorum inventorum parcius meminerit: se vero non potuisse dicere de ignotis; quæ autem viderit, candidè retulisse. Calculi autem differentialis ne nomen quidem audivisse, antequam absoluto utroque volumine operum, pro ultimo præfigendæ præfationis folio jam typos posuissent typothetæ. Ac tum demum ab amico, qui peregre fuerat, mentionem ejus apud se factam, & typis transmissam a se insertam; sibi autem hac ætate, cum annum octogesimum superaverit, condonari posse, si non omnia sit sciscitatus. Henricum Oldenburgium & Nicolaum Mercatorem a se non fuisse recensitos inter Anglos, sed de iis tantum dictum, *apud nos*: sibi perinde esse, ex qua quis gente sit, Tros Tyriusve, modo bonus sit & bene meritus. Quod Quadraturæ suæ, aliquæ scilicet, non omnes (paraboloidum credo & his reciprocarum) jam ante Fermatio, Robervallio & Pascasio notæ fuisse dicantur, id si ita sit, clam se fuisse; nec ab illis fuisse editum, nedum demonstratum. Cavallerium potius fuisse nominandum, qui paraboloidum quadraturas (sed aliquas tantum) Tract. de Usu Indivisibilium in potestatibus Cossicis ante exhibuerat & demonstraverat, ipso tamen Wallisio tunc inscio, & ex aliis principiis. De processu inductionis abunde a se dictum Algebræ c. 78 & 79, & recordandum fuisse, sibi tunc propositum fuisse, non demonstrandi sed investigandi Methodum novam dare, quæ ipsis adversariis visa sit non contemnenda. Etsi autem in ipsa Arithmetica Infinitorum demonstrationem plenam non dederit, hoc tamen pro aliquibus saltem series, speciatim quadraticis & cubicis, speciminis ergo postea fuisse factum Algebræ c. 78, & paradigmata posita id ipsum faciendi

pro alijs seriebus. Et licet inductio non sit pariter applicabilis ordinatis irrationalibus verbi gratia seriei subsecundanorum in parabola; huic rei facile subveniri applicando eam ordinatis complementi, quæ in parabola dant seriem secundanorum. Quod dicatur, Methodum illam ad solas figuras integras, non ad earum partes pertinere, id ab autore recensionis non malo quidem animo, defectu tamen attentionis dictum videri. Altitudinem enim A, pro numero terminorum sumtam, itemque terminum ultimum etiam in quovis segmento intelligi posse; & notissimum esse, quod non totum solummodo spatium cycloidale, sed & quodvis segmentum a se fuerit quadratum, etsi contrarium dicat recensio p. 254; idemque de Cissoïdali verum esse. Quod Historiam Cycloidis attinet, se quoque ipsius lineæ inventionem Galilæo, quam Mersenno tribuere malle: revera tamen multo adhuc antiquiorem reperisse hanc figuram. Nam inter Cardinalis Cusani opera in codice, qui apud ipsos extet manuscriptus circa annum 1454, ipsius Wallisii dono in Bibliothecam Savilianam Mathematicam illatus, delineatam reperiri eadem forma, qua est apud Dettonvillium, posito circulo genitore in ejusdem altero vel utroque extremo; sed in editis exemplaribus perperam describi. Sed & apud Bovillum dici, extare circa annum 1510. De invento Neilii, qui traditis a se Prop. 33. Arithm. Infin. insistens, primus omnium invenit æqualem curvæ rectam: quod dixerat Hugenus (cum non procul abfuisse, non tamen omnino assecutum) id mox ipsum retraxisse Hugenum in suis ad ipsum Dn. Wallisium literis, jussisseque, ut id ipsum iterum Neilio assereret. Num Neilius statim sciverit per omnia, qualis esset ista curva, se certo non scire, sed Brounkerum & se statim detexisse, paraboloidem esse, quam ipse Dn. Wallisius nominavit semicubicalem. Hæc sunt Viri præclari monita, quæ mihi pleraque magna ratione dicta videntur, nec recensionis vestræ adversa, si verba probe inspiciantur, & potius ad eam illustrandam inservitura. Et puto, esse errorem typographicum in recensione p. 254, ubi legendum esse *Cissoïdale*, non Cycloidale, apparet ex contextu. Nam segmenta quoque Cycloidalia ipsum quadrasse, manifestissimum est: ibi vero sermo est de dimensione Cissoïdis Hugeniana, quam dicit recensio Dn. Wallisium quoad totum saltem spatium methodo indu-

ctiva

ctiva seu per interpolationes invenisse: sed quia ipse idem de quovis etiam Cissoidis segmento in suis ad me literis visus est affirmasse, ideo librum Viri Clm de Cycloide & Cissoide inspexi, repertique ibi quidem de solo toto spatio Cissoidali, non vero de partibus ejus, tale quid methodo interpolatoria ostendi; partium tamen dimensionem, licet alia ratione, in ejus Mechanicis doceri. Tantum autem esse scio ipsius acumen, ut, quod opto, sperem nos ab ipso adhuc doceri applicationem methodi ejusdem ad generales seu omnium segmentorum dimensiones; siquidem possibilis est, non obstante illa, quam subesse video, difficultate cessantis numerorum in unum additionis ad habendas illorum progressionem interpolationi aptas. Quod supplementum methodi interpolatoriz, insigne scientiz incrementum continet.

EXCERPTA EX DN. BERNARDI NIEUWENTIIT
Considerationibus Secundis circa Calculi Differentialis
Principia.

Cum nuper hunc libellum recenseremus, putavimus ob ejus brevitatem sufficere, si indicem questionum, quas tractat, exhiberemus, quoniam ipse exiguo tempore percurri potest. Sed moniti postea ab amicis fuimus, desiderari aliquid explicatius, ex quo Lectores de Considerationum Autoris utilitate & pondere nonnihil judicare possint; præsertim cum Acta nostra abundant schediasmatibus ad calculum differentialem spectantibus, & ab hujus calculi amatoribus legantur; qui si forte in libellum Cl. Dn. Nieuwentiit non incidere, saltem aliquid certi de eo ex nostris cognoscere possent. Hæc ergo Excerpta, nobis aliunde communicata, ipsis Domini Autoris verbis fideliter transcripta exhibebimus.

Sect. 1. §. 4. pag. 6. Neque sequitur ideo negligendas esse quantitates infinite parvas, *quoniam nulla constructione exhiberi possunt, cum in analysi etiam ordinaria plurima considerentur*, quorum constructio nobis absolute impossibilis est, nec tamen idcirco negligantur. Quis, si data exponatur linea a, ipsius potestates cubum excedentes imaginatione, nedum constructione repræsentavit? §. 6. pag. 7. Positis hisce principiis (adversariorum) *proxima ac per distantiam infinite parvam sejuncta qualibet dua applicata*

cata sibi mutuo aequales sunt in qualibet curva [quia] quæ differentiam habent incomparabiliter parvam, sunt æqualia . . . Corollarii loco hinc posset inferri: *omnem curvam secundum hac principia abire in rectam axi parallelam, tangentesque curvarum cum axe nunquam concurrere.* §. 9. pag. 9. Inspiciatur Act. Lipsi. anni 1684. pag. 473. ubi problema inclyto Geometriæ promotori R. Cartesio a Beaunio propositum soluturus Nob. D. Leibnitius, hoc argumentum colligit curvam quasitam esse Logarithmicam; quod per æquationem inventam *ordinata w* (sunt ipsa Celeb. Viri verba) *sunt ipsæ dx suis incrementis sive differentiis proportionales.* Quæ quomodo rite conciliari possint, non video. Sane cum proportio sit rationum similitudo, quantitates proportionales inter se rationem habebunt, juxta quam inter se comparari poterunt. Cumque ordinatæ ex ipsa Leibnitiana methodo differentiis suis proportionales sint, ac circò rationem inter se habeant, sequi videtur, has easdem differentias incomparabiles differentiis suis minus apte dici, adeoque cum his æquationem constituentes nihilorum ad instar legitime rejici; nisi quantitates rationem inter sese habentes nihilominus inter sese incomparabiles esse posse velimus, quod Eruditiss. D. Autoris instituto ac sententiæ consentaneum esse vix arbitrari audeo. Inprimis cum ex §. 2. X. eas solas inter se comparabiles statuatur, quibus Euclideæ Def. V. Libr. V. competit, hoc est, quæ rationem inter se habent. Quo autem modo infinitesimæ in nihilum redigi, atque e quantitatibus finitis pro arbitrio possint rejici, in Schol. Gen. Anal. Infin. N. XIII ostendere ex principiis inibi traditis conatus sum.

Sect. 2. §. 4. pag. 13. Ex eo quod concedam dx esse quantitatem . . . sic argumentatur [Dn. Leibnitius] liceat distinctionis gratia in forma ratiocinium proposuisse pag. 315. lin. 2. Omnis tertia proportionalis ad duas quantitates, x & dx , utique est quantitas; sed hæc tertia proportionalis in quibusdam casibus est differentiarum differentia, seu ddx ; ergo differentiarum dx differentia ddx quibusdam in casibus est quantitas. Majorem concedo, si duæ priores quantitates x & dx sint finitæ, quò in casu ex hac propositione nihil poterit inferri, nisi dx pro finita contra hypothesin assumatur. Si vero dx statuatur infinite parva, negatur hæc ipsa major. Quam hac sub conditione non procedere, argumento mere geo-

metrico demonstrare conabor. . . . Tum insuper negatur minor quod prævidens Nob. Dn. Autor, minoris hujus probationem intendit per æquationem logarithmicæ $a dx = xdy$, quam posita dy constanti rursus (quod notetur), differentiat in $addx = dx dy$, quæ applicatæ ad priorem ejectaque dy exhibet $x ddx = dx dx$, unde rite inferri esse x ad dx ut dx ad ddx . Verum hanc argumentandi rationem tanto Viro festinanter nimis excidisse credibile est; impossibile enim alioqui mihi apparet, Analystam isthac ingenii subtilitate pollentem, longoque rerum usu exercitatissimum, petitione principii conclusionis propositæ demonstrationem intendere, ac argumentum, quo evincere nititur, dari differentias secundas, ex ipsa secunda differentiatione desumere. Nisi enim æquationis differentialis $adx = xdy$, secunda differentiatio in $addx = dx dy$ tanquam concessa supponatur, quæsitam hanc proportionem x ad dx , ut dx ad ddx plane coincidere manifestum satis est. §. 8. pag. 15. Provehor jam ad illud argumentum vere subtilissimum, quod supra omnem dubitationis incertitudinem ultiores cujuscunque gradus differentiationes attollere celeberrimus Dn. Autor arbitratur. . . . Hæc autem argumenti pag. 369, A. 1695. Actor. Lipsiensium propositi vis est: Differentiæ cujuscunque gradus possunt per rectas ordinarias (assignabiles) proportionales exprimi, unde cum hæ rectæ habeant differentias, etiam differentiæ per ipsas proportionaliter expressæ habebunt differentias. [Verum hoc argumentum non procedere, sic demonstratur] §. 9. pag. 6: Sint fig. 3. EP. & FQ. ordinatæ duæ assignabiles, ac IH & KM inassignabiles aliarum ordinarum differentiarum, videtur inassignabilitum IH, KM ratio per assignabiles EP, FQ. exprimi non posse. *Demonstr.* Si neges, sit EP assignabilis ad FQ assignabilem, ut IH inassignabilis ad KM inassignabilem, erunt, cum EP, FQ sint applicatæ assignabiles, interceptæ AE & AF itidem assignabiles, & assignabiles erunt applicatæ IE & MF. Quocirca & juxta Lemm. 1. [duarum quantitatum assignabilium differentia est quoque assignabilis, quod suppositum demonstrari non meretur] harum differentia KM assignabilis erit, contra Hypothesin. §. 14. pag. 23. Merito concludi videtur, analysis infinitarum in ipsa applicatarum differentiarum notione non rite fundari, cum si curvarum essentialis character ex applicatarum differentiarum sit desumendus, præcedentes difficultates evitari posse vix credam

dam. Quapropter & hinc aperte satis constare arbitror, characterem curvarum formalem non in differentiarum IH & MK &c. inter se, habitudine, sed in cognita ipsius GH ad IH seu partium infinitesimalium axis, ad partes infinitesimas applicatarum, aut subtangentium ad applicatas ratione consistere. §. 15. p. 24. Ne autem scrupulositate nimia arti inveniendi obicem posuisse, ac tali prætextu optime inventa rejiciens studia hæc retractare magis, quam augere voluisse censear. . . ostendere conabor, *sola æquationum ad infinitesimas reductione* (seu primi generis differentiatione) omnia obtineri posse, quæ differentiationum gradibus utcumque remotis legitime inveniri queunt. Sint in exemplum K & r quantitates constantes, x abscissa, y applicata; b, z, f, indeterminatæ erunt respectivæ earum differentiales dx, dy, db, dz, df; mihi eadem per infinitesimas respectivas hæc designantur e, a, u, i, o, dataque sit æquatio Circuli $2Kx - xx = yy$ erit hæc ad infinitesimas redacta $Ke - xe = ya$, quæ pro e & a positis symbolis Leibnitianis dx, dy, cum prima differentiatione hac convenit $Kdx - xdx = ydy$. Hæc si secundo ex Methodo Leibnitiana differentietur posita dx constante, fiet $-dx dx = yddy + dydy$. Hujus succedaneum ex meis principiis sic obtinetur: fiat ut e ad a, ita r ad z erit $ze = ra$, quæ applicata ad æquationem $Ke - xe = ya$ exhibet æquationem $Kr - rx = yz$ quantitatibus assignabilibus constantem, quæ ad infinitesimas redacta, seu differentiatia exhibet $-re = yi + za$, seu terminis differentialibus $-rdx = ydz + zdy$. Hæc jam plane eadem erit cum Leibnitiana secundo differentiatia, si per dx, dy, ddy eadem ratio significari intelligatur, quæ per r, z, & dz, seu r, z, & i, designatur. Unde, secundæ quantitatium differentię hic saltem necessariæ non videntur. p. 26. Quod si Vir ingeniosissimus ea, quæ mense Augusto 1695. prioribus addere placuit, hoc modo ipsis ordinarum interceptarumque infinitesimalis applicuisset, missa secundi tertique &c. trianguli characteristici, ac secundæ tertiæque applicatarum differentię consideratione, multis, ni fallor, manente eadem methodi extensione, & difficultatibus immunem eam præstisset.

Seçt. 3. §. 2. pag. 29. Si sit $ds dds = dx ddx$ [posito $ds ds = dx dx + dy dy$ & dy existente constante] erit utique $ds = dx$. Licet enim non ignorem, in æquationis ab infinitesimalis ad indeterminatas

Kk 2 redu-

reductione occasiones quandoque occurrere, quibus æquationi reductæ termini determinati sub variis etiam signis ac magnitudine, varii addi queant (quod Anal. Inf. cap. X. breviter ostendi, & ad hunc quoque casum applicare facili negotio possem;) cum autem hoc nonnisi æquationum differentiationi *primæ* conveniat, seu cum ab infinitesimali ad indeterminatam sit regressio, quo pacto hoc æquationibus secundo differentiatis applicetur, lubens edoceret. §. 4. p. 29. Ait Vir celeberrimus A. 1684. p. 468. lin. 23: *itaque punctum flexus contrarii locum habet, quando neque v , neque dv existente 0 tamen ddv est 0*. Quod ipsum ex calculo Dn. Autoris est lineæ rectæ criterium, quo a curvis distinguitur. Sic anno 1695. pag. 370. lin. 29. expresse statuit Vir eruditissimus, lineam rectam carere differentis secundis, seu licet v , ac dv sint aliquid, tamen ddv esse nihilo æquale. Unde concludi posse videtur, eundem esse curvarum flexus contrarii ac rectarum characterem proprium: quod, uti modo dixi, obscurum mihi quadantenus apparebat; neque enim videbam, quare curva in puncto flexus contrarii magis quam in aliis suis punctis ista proprietate gauderet.

Sect. 4. pag. 31. Numeri infiniti m , per alium numerum b multiplicati productum bm est impossibile. *Demonstr.* Si neges, sit possibilis, ergo bm erit majus ipso m , per axiomam, adeoque m non erit numerus maximus, ac proinde per hujus 4. non erit infinitus contra hypothesin. *Scholium.* Ne tamen hinc ob rerum harum insolentiam oboriatur scrupulus, ac hinc inferre me quispiam credat, expressionem Algebraicam zm , zm &c. semper impossibile quid designare, dico zm si significet m per 2 multiplicatum, impossibile; si vero exprimat 2 per m multiplicatum, possibile quid denotare [cujus & rationem aliquam proferet.]

Sect. 5. §. 3. pag. 40. Si tamen aliunde derivaverit hoc theorema [$\int dx: x = \log$, ipsius x , etiam si non x , sed y sit logarithmicæ applicata, x vero abscessa potius vel intercepta] uti & primum, b in $\log. y = \log. y$ [quando $x^b = y$] nihil habeo, quod regeram, nisi horum Canonum (quorum demonstrationem Domino Autori adjungere non placuit) originem me ignorare; quæ idcirco porismata, quo pacto ex logarithmicæ natura profluant, optatim edoceri.

DAN.

Lubecæ sumptibus Petri Böckmanni, 1697. in 8. alph. 3.

INter cæteras felicissimi ingenii Morhofiani dotes, quibus Vir doctissimus rem litterariam ornavit, & præclaris variisque editis ingenii industriæque monumentis æternam nominis famam sibi acquisivit, non postrema fuit carminis pangendi & scientia & facultas. Rei quidem poeticæ quæ fuerit in eo scientia, quamque recondita divinæ hujus artis cognitio, ex eruditissimo ejus *de Germanorum lingua & poesi* intelligimus commentario, vernacula lingua edito, & a nobis in Actis Sept. A. 1682. recensito. Qua verò polluerit carminis etiam scribendi facultate, & quam dextrum in hac senserit Apollinem, argumento esse poterant cum Germanica carmina memorato libro subnexa, tum Latina cumprimis longe plurima diversis temporibus ab eo composita atque edita poemata, nunc ab hæredibus optimo consilio in unum corpus collecta; ut quæ dispersa evanescebant, conjuncta rectius servarentur. Exhibet hæc Morhofianorum carminum collectio (1) *Charitum* libros tres, quorum primus argumenti sacri poemata complexus, *Otiarum Divinarum* nomine ab ipso auctore quondam fuit publicatus; duo reliqui in honorem Principum, aliorumque illustrium & clarorum virorum, scripta exhibet carmina, maximam partem gratulatoria. (2) *Venerum* libros totidem, qui & ipsi antea lucem adspexerant, & epithalamia sistit; ut *Manium* qui (3) sequuntur libri itidem tres, epicediis constant. Succedunt (4) *Primitia Parnassi Kiloniensis*, sub Academiæ Christian-Albertinæ auspiciis anno 1665 fuzæ. Has excipiunt (5) *autochediasmata* poetica, & (6) nova classis variorum carminum, quæ titulum præfert *Horarum subsecivarum* poeticarum. Hinc occurrunt (7) *Miscellanea* poetica, cum epigrammatis selectis, a quibus distincti sunt (8) duo alii *Epigrammatum* libri. Porro (9) *Jocorum* librum constituunt *Lessus in Gæconiam*, *Querela Halesis*, & *de Enterionis* eruditus acutissimisque salibus respersa poemata. Subjecta sunt (10) *Prætermissa*, in quibus est Cento, seu, ut ipse appellat, Lanx satura, e Virgilio, Statio, & Claudiano, in *Χρυσόγavian*. Agmen claudunt (11) *Adoptia*

271, quæ vel mentionem faciunt Morhofii, vel ab eo sunt editæ, cum alios haberent auctores, veluti elegantissima Johannis Laurenbergii Satyra de rerum bonarum abusu, ejusque Querimonia de suo & Academiæ Soranæ statu. His ita hæredum arbitrio congestis atque ordinatis, *Præfationem* præmisit dignissimus Morhofii successor CL. Muhlius: qui pro insigni, quo pollet, poetice rei usu & peritia, ad nobilissimum Poetarum Belgicorum par, Petrum Francium & Janum Broukhufium, de his Morhofii operibus poeticis judicium fert incorruptum, candide laudans horum carminum virtutes, nec dissimulans quæ in iisdem desideret. Primum vero judices recusat eos, qui præ crudis & musteis tersa & elaborata, præ pravis & affectatis docta & castigata fastidiant. Hæc poemata ad veterum imitationem esse composita contendit, judicemque adeo requirere in veterum scriptis versatum. Multis autem præcos illos, ad quorum exemplum, ceu regulam & normam, & sua & aliorum scripta exigenda senserit docueritque Morhofius, sordere & negligi; contra corruptissimum quemque maxime probari. Sic avorum memoria fuisse, & adhuc esse, quibus in pedestri oratione suaviores videantur Apuleji, Flori, Barclaii glandes, quam Ciceronis nectar & ambrosia. Puram Latini sermonis facilitatem, sinceri ac incorrupti stili fundamentum, veluti humilem, nimisque obviam explodi; inflatam frigidamque orationem, ingenii quadam & argutiarum specie, plerisque admirationi esse atque imponere. Ad eundem modum non deesse in poeseos cultoribus, qui Persium Horatio, Statium ac Claudianum Virgilio antepo-
nant, nugasque canoras & ampullas pluris faciant, quam versus faciles, eruditos & elegantes. Nec diffitetur, Germanos maxime esse ac Belgas, qui arguto illo & affectato scribendi genere capiantur, quod Poetæ Hispani in Latium invexerint; quo prioris meliorisve ævi candor obscuratus fuerit, natusque lepos & gratia perierit. His ergo corruptis judicis tribuendum putat, quod vulgo tanti fiat Barlæus, recentiorum quidem præstantissimus Poeta, & nec Grotio Heinioque postponendus, sed qui & verbis impurus, & sententiis frigidus, & numerorum negligens, multum abstulit veterum laude & perfectione, quod Claudianum imitari maluerit quam Virgilium. Esse quidem Claudiani dictionem satis numero-

sam

sam & sonoram, ac ultra seculi sui genium castigatam; at mul-
tum infra accuratam Virgilii gravitatem subsidere, quæ summo ju-
dicio numeros rebus subjectis attemperaverit, & literarum sæpe jun-
ctura rei naturam apte jucundeque expresserit. Hujus curæ &
diligentiæ, quæ apta numerorum ac periodorum varietate carmi-
ni decorem suavitatemque conciliat, nullum in Statio, Lucano,
Claudio, Silio Italico, animadverti vestigium. Claudiani quidem
numeros ad aures suaviter allabi, sed verbis rebusque elimato ju-
dicio inter se comparatis, nescio quid puerile & subsultans in iis de-
prehendi. Nicolaum Heinsum sero tandem doluisse, quod inle-
gendo istoc auctore tam diu hæserit. Juventuti vero, nisi a pru-
dentioribus magistris moneatur, deteriores præ melioribus, corru-
ptos præ sanis, fucatos præ pulchris, turgidos & inflatos præ gran-
dibus arridere, suo quoque exemplo docet. At Morhofium melio-
ris consilii fuisse adolescentibus auctorem, iisque ad optimos quosque
imitandos, cum exemplo, tum præceptis Polyhistoris sui capp. 13. 14. 15.
16. traditis, viam prævisse. Quæ cur non nemo in Academia Ba-
tava elevarit & tanquam puerilia aspernatus sit, causam nullam
esse: cum in tradenda imitandi ratione viri summi operam posue-
rint, & in eloquentiæ ac poeseos studio omne punctum imitatio
ferat. Hanc ergo imitationis viam ingressum esse Morhofium:
qui licet ad summum fastigium forte non pervenerit, uberem ta-
men venam, divinum quoddam ingenium, & bonorum scripto-
rum lectionem diligentem in his carminibus usquequaque conspici.
Cum vero recentior etiam ætas protulerit Poetas ad veterum glori-
am assurgentes, hos quoque, ut antiquorum virtutes rectius intel-
ligeret, sibi legendos censuisse Morhofium, & nonnunquam se-
quendos. Omnium enim sibi virtutes proposuisse æmulandas,
magnamque curam ad scribendum carmen attulisse. Nonnulla
quidem illi excidisse extemporalia, quæ ut culpa, sic laude vacent:
nonnulla a dulcibus illis, quæ Fabius vocat, viriis non prorsus alie-
na esse: quædam prorsus Noster mallet omissa, quibus lima defue-
rit, reliquis scriptis studiose adhibita. His tamen Morhofianæ lau-
di & famæ apud æquos judices nihil iri derogatum, ut qui sciant
Musas non ad nutum Poetis esse præsto, quos ad alienum sæpe ar-
bitrium carmina oporteat scribere. Nec inter optimos Poetas ul-
lum

lum unquam extitisse, qui non humani aliquid sit alicubi passus. In Morbosanis autem carminibus semper aliquid arguti, quod lectorem alliciat, aliquid eruditi, quod διδασκαλίαν habeat, aut ad vitam moresque faciat, occurrere. Nunquam illi deesse ad inveniendam venusta argumenta ingenium, nec ad ordinanda iudicium. Nec eloquentia abesse facultatem, sermonisve puram suavitatem. Vim & elegantiam spectari in clausula fere argum & aculeata: hanc Nostrum magnopere capasse, nec ab aliis abhorruisse ingenii lusibus sed doctis & urbanis & veterum elegantia consensancis; a barbarorum vero seculorum inventu, ingeniosa poeseos debonestamentu, acrostichis, ecchoicis, anagrammatismis, similibusque quiquiliis, alieniorem fuisse. Hoc est integerrimum Clarissimi Editoris de poematibus his iudicium, cui æquissimus quisque ac intelligens lector facile subscribet; gratiamque habebit hæredibus, qui cultissima hæc carmina, & argumenti & metri & inventionis varietate cum paucis comparanda, colligere & conjuncta publici juris facere voluerunt. Item de litteris bene merebuntur, si operam dederint, ut reliqua doctissimi venustissimi Auctoris affecta aut perfecta opera exschedis scriniisque beati Viri eruantur & publica in luce compareant.

JOHANNIS LA PLACETE, BENEARNI, DE INSANABILI
Romanæ Ecclesiæ Scepticismo Dissertatio.

Amstelodami, apud Georgium Gallet, 1696. in 4.

Constat plag. 25½

- Cap. I. **E**cclēsiā Romanā certitudine Fidei, quam sibi soli vindicare consuevit, penitus destitui, ac contra perpetuo laborare scepticismo, dum evincere laborat hoc opere celebris inter Reformatos Gallos Theologus, distincte procedit. Cum enim præter *Scripturam Sacram* indubitatam fidei normam, ad *Traditionem* insuper, *Pontificum* & *Conciliorum infallibilitatem*, *Doctorem consensum*, ac *Ecclesiā* denique *universali auctoritatem* provocare solenne sit Pontificiis, de singulis hisce, num firmam fidei apud eos
2. excitare certitudinem valeant, disquirat. Præmissis itaque generali quodam de certitudinis tum gradibus tum speciebus discursu, *Scripturam* quidem *Sacram*, ut in se certissimam, sic fidei etiam fulciendæ aptissimam sufficientissimamque esse profitetur: sed
- cam

eam Pontificiis haud sufficere, nisi receptissima quæque ex suis placitis deserant, in aperto esse existimat. Negare enim ipsos, seclusis Traditione & Ecclesia, constare posse ulla ratione, vel Scripturam esse verbum Dei, vel his aut illis eam libris, aut librorum partibus contineri, vel ipsos fontes puros & incorruptos ad nos mansisse, vel versiones ulla haberi fideles & accuratas, vel denique hunc aut illum esse loci cujusvis sensum. Ex iis ergo colligit, eos, qui ita doceant, seclusa Traditione & Ecclesia, nunquam ex Scriptura certo cognituros, quid credendum sit.

Nec melius se habere *Traditiones*, in se consideratas, putat. Demta namque Ecclesiæ attestatione non patere, ulla esse divinas traditiones; dato etiam, esse aliquas, nesciri tamen, quænam illæ sint, quandoquidem tot circumferantur falsæ traditiones, tot rursus dubiæ & suspectæ, de quarum veritate multa disputentur.

Confugiendum ergo ad *Ecclesiæ* auctoritatem. Sed & ab hac certi quicquā sperare haud licere ostendit Auctor, ducto a summo Pontifice initio. Hujus decretis secure niti fides si debeat, requiri probat ante omnia, ut certus quisque sit, esse verum illum & legitimum Pontificem, cujus decreta suscipiat: ast illam certitudinem haberi posse inficiatur. Sæpe enim docet contingere, ut is, qui Pontificalem sedem occupat, Pontifex revera non sit, sed Pontificis duntaxat larva & inanis species. Hoc modis plurimis evenire posse, nec ipsos negare Pontificios, si nimirum aut electio vitiosa fuerit, non observatis iis omnibus, quæ canones tanquam necessaria requirunt; aut si ante electionem habuerit impedimentum aliquod canonicum; aut si baptizatus ordinatusve rite non fuerit, propter defectum intentionis in baptizante aut ordinante, aut in eo, à quo ordinator baptizatus vel ordinatus olim fuit, & propter alia quædam baptismi & ordinationis vitia; aut si per Simoniam Pontificatum, fuerit adeptus; aut si jam tum rite electus Pontificia dignitate exciderit per atheismum, infidelitatem, hæresin, etiam mentalem & occultam. Deinceps si vel maxime de vero Pontifice certus aliquis sit, non posse tamen ipsum certo scire ostendit, annon error hic sit obnoxius. Docere equidem adversarios, Pontificem definitum aliquid tanquam de fide, obligare totam Ecclesiam ad credendum fidæ divina id, quod definit. Enimvero neminem ad hoc creden-

- dum teneri excipit, nisi qui simul certus sit divina fide, Pontificem esse infallibilem. Ast hanc illius infallibilitatem de fide non esse, ex ingenua quorundam adversariorum confessione non minus atque aliis argumentis demonstrat. Imo posita etiam Pontificis infallibilitate, incertum nihiloscuius relinqui, quando hoc ille privilegio gaudeat. Monarchicos in eo omnes consentire, Pontificem, tunc, quando doceat ex cathedra, erròri non esse expositum; multum autem eos inter se discindi, si, quando proprie *e cathedra* doceat, definiendum ipsis sit: at vero vel has lites negotium satis intricatum reddere. Negare insuper plerosque, infallibiliter definiturum Pontificem, nisi mature & canonice procedat, quæstionem, de qua agitur, accurate expendat, Scripturam & traditionem consulat, precibus ad Deum instet, eaque omnia adhibeat, quæ ad inveniendum verum conducant. Sed quis de adhibita semper diligentia hac certus esse poterit? Sic querit Auctor, & non raro eam omisissam fuisse, exemplis comprobatur. Quid? quod & solenniores in publicatione decretorum ceremoniarum non rite per omnia observatæ irrita ea, Pontificiis ita statuentibus, efficiant? Admissio autem hoc, neminem certa fide ulli decreto veteri aut in Urbe a domicilio suo remotiori publicato adhærere posse subsumit, cum de ceremoniis in publicatione observatis, modo temporis, modo loci intercapedo certum esse ipsum prohibeat. Tunc quoque pronunciare ex cathedra Pontificem existimari dicit, cum alicui dogmati hæreseos notam inurat. Sed rarissime eum indicare, quid præcise sit hæreticum. Ubi enim plures propositiones eodem decreto damnet, frequentissime accidere, ut non ejusdem generis ac conditionis omnes illæ sint, sed aliæ dicantur hæreticæ, aliæ duntaxat erroneæ, quædam temerariæ, nonnullæ scandalosæ vel piarum aurium offensivæ. Quamdiu igitur nesciatur, quænam ex illis notis cuique propositioni sigillatim adjudicata sit, tamdiu quoque ignorari, an certa fide decretum illud assumi queat. Ultimum pronuntiatur ex cathedra definitionis characterem esse inquit, si Papa testetur, decernere se de consilio Fratrum suorum, quo nomine Cardinales indigentur. Utrum vero adhibiti reapse in consilium Fratres illi fuerint, neminem certo scire posse addit. Enarratis autem hisce requisitis externis, sensibusque, si non omnium, quorundam

dam tamen, obviis, aliud adhuc subjungit cuius ignotum atque inaccessum, ipsam scilicet Pontificis conscientiam. Nam ad hoc, ut ille recte iudicet, requiri imprimis, ut, quod ipse verum putat, pronunciet, non autem vi aut metu, vel alia simili perturbatione fractus contra animi sui sensa decernat; jam vero nemini compertum esse, quid ad decernendum Pontificem impulerit.

Sed ne *Concilii* quidem decretis niti posse fidem Romanam, edocere pergit. Eos, qui Concilio, etiam soli & a Pontifice se-juncto, infallibilitatem deferant, hac lege istud facere, ut sit vere œcumenicum. Ut autem Concilium quoddam pro tali censeatur, horum alterutrum necessario requiri, ut vel omnibus, quotquot ubi-que terrarum sedent, Episcopis constet, vel ii saltem adsint, qui ab-sentes rite ac sufficienter repræsentent. Jam vero nullum unquam ejusmodi cœtum ex omnibus Episcopis collectum in Concilio ad-fuisse, & numerosissima quæque vix decimam Episcopalis collegii partem complexa notat. Nec unquam tale Concilium institutum refert, in quo ii, qui eidem interfuere, absentes justo modo repræ-sentarint: id enim ne fieri quidem posse observat. Duplici quidem ratione aliorum nomine adesse alios, si nimirum vel expresse & no-minatim ab iis missi & delegati fuerint, uti usu veniret, si antequam Concilium œcumenicum cogatur, particularia in singulis provin-ciis haberentur, in quibus unus aut alter eligeretur, qui pro reli-quis generali interesset; vel si, cum nihil eorum observetur, cen-seatur quilibet Episcopus hoc ipso, quod Concilium non adit, in-reliquos adeuntes jus suum atque auctoritatem omnem, si non ex-pressè, tacite saltem & interpretative transtulisse. Priorem illam ha-bendarum generalium Synodorum rationem apud adversarios non observari; posteriorem vero inter ea, quæ, si recte æstimes, innume-ris & nunquam superandis premantur difficultatibus, rejiciendam, venire asserit, istoque pacto Concilium œcumenicum nunquam fuisse habitum, nec unquam habendum judicat. Supponit interim Concilia œcumenica existere posse; verum urget tamen amplius, certo & indubitato haud constare, quodnam Concilium vere œcumenicum sit ac nuncupari mereatur. Eo sine dissensum Ponti-ficiorum proprium allegat, & ostendit, quod alii habitorum olim talium Conciliorum numerum augeant, alii vicissim minuant, quod-

- que istud, cui unus œcumenici nomen vindicet, alter contra pro eodem haud agnoscat. Jactare quidem Pontificios Concilia nonnulla, quæ œcumenica fuisse nemo prorsus iverit inficias; veruntamen & illis titulum hunc valde reddi dubium, ex notis Conciliorum œcumenicorum a Pontificiis ipsismet excogitatis, sed in ista minime cadentibus, confirmat. Porro Concilia œcumenica debere esse legitima, ex domesticis adversariorum suffragiis manifestum reddit; conditiones autem ad habendum Concilium legitimum necessarias ægerrime sciri innuit, cum modo has, modo illas adversarii nominent, nec de earum aut numero, aut qualitate conveniant. Referri huc imprimis libertatem plenam atque perfectam, tradit. Monet tamen, libertatem hanc non sola vi aperta, non verberibus tantum, carcere ac similibus auferri, sed ministeriam, promissis, donis, similibusque arcanis quidem, sed non minus efficacibus mediis labefactari, nec scire quenquam, annon hæc posteriora clandestino modo in isto, cui fidem habere velit, Concilio necessariam adeo libertatem corruperint. Nesciri ulterius, utrum recta fuerit Patrum, in Concilio qui sedere, intentio, & an illi posthabitis omnibus rerum mundanarum curis Dei gloriam, Ecclesiæ ædificationem ac fidei puritatem sectari studuerint; nesciri, utrum decreta ibi condita sufficiens rerum inquisitio præcellerit. Quod si igitur aut heic aut illic defectus quispiam emerferit, non amplius pro legitimo habendum venire Concilium obtendit. Circa conclusionem, qua Synodi Præses auditis Patrum suffragiis sententiam solenni ritu pronunciat, non levem verti quæstionem: num Præses debeat secundum majorem suffragantium numerum pronunciare, vel num necessaria sit plena & absoluta unanimitas? Non negaturos adversarios, posse quidem utrumque illud defendi; interea neutrum esse vel ex se evidens, vel a Deo revelatum, vel ab Ecclesiâ definitum urget; urget ideo similiter incertum fore, quænam Conciliorum decreta legitime conclusa sint, quibusque proin tuto adhibere fidem liceat. Fingit tandem, adversarios scire ea omnia, quæ scire non posse satius probarit, superesse tamen illum ait scrupulum, quod infallibilitas Conciliorum de fide non sit, adeoque citra formidinem oppositi dubii a nemine credi possit.

Hactenus de Concilio œcumenico in se spectato egit, jam istud

istud, uti cum auctoritate Pontificis junctum est, considerat. Et
 heic primum non pauca Concilia, a Pontifice quamvis approbata,
 Parisienses repudiasse, ex historiarum monumentis narrat. Dein
 nec universam Ecclesiam Pontificis consensum pro certa recte de-
 cernentis Synodi nota unquam habuisse, ex eo elicit, quod & ipsa
 celeberrimas sæpe, quas enumerat, Synodos; easque a Romanis Pontifi-
 cibus solenniter probatas rejecerit. Multos porro magnique no-
 minis Theologos recenset, qui Pontificis & Concilii consentienti-
 um infallibilitatem venerari jam olim detraxerint. Præterea
 neque hanc, quam modo diximus, infallibilitatem ad fidem perti-
 nere; e silentio Concilii Tridentini hæc talia monere alias haud o-
 mittentis probat; probat & ex eo, quod nec Scriptura, nec Tra-
 ditio, nec aliquod rectius Ecclesiæ decretum, nec denique Eccle-
 siæ universalis consensus pro fundamento fidei illius queat allegari.
 Quantumvis autem quis certo satis nosset, haberi in terris tribunal
 quoddam errare nescium, nondum tamen fidem extra omne pe-
 riculum collocari, nisi pariter nosset, quænam sint manantia ab illo
 tribunali decreta, quibus adhibere fidem tuto liceat. Atqui incer-
 tissimum hoc esse, duobus modis evincere nititur: semel, quod
 non constet, quænam sint validi & firmi decreti conditiones, qui
 characteres; quæ notæ; iterumque, quod, etsi de ea re constaret,
 non constaret tamen, quænam sint specialia decreta, quibus illæ
 conditiones adsint. Si quis forsân objiciat, eorum ad minimum
 Conciliorum & Pontificum decreta firma esse, quæ universalis ad-
 miserit Ecclesia, respondet, nec ipsum Ecclesiæ judicium ab erro-
 re omni immune pronuntiandum se censere. Quodsi enim ea ad
 externas tantum conditiones respexerit; ad indictionem puta, con-
 stitutionem, procedendi rationem, aliaque id genus, quæ legiti-
 mum Concilium faciant; difficultates ubique obvenire plurimas ex
 antea jam dictis repetit. Si autem Ecclesia ipsorum decretorum
 veritatem excusserit, & quæ recta invenerit, admiserit, quæ pra-
 va & falsa; repudiaverit, eam utique rationem se probare, imo
 poscere; sed & sentire dicit, quod, si hoc largiantur Pontificii, a-
 ctum procul dubio sit de ipsorum hypothesis. Nam si Ecclesiæ
 universali conveniat, Conciliorum decreta expendere, & recta ad-
 mittere, falsa repudiare, eo ipso manifeste supponi, utriusque ge-
 neriæ

neris statuta, vera & falsa, recta & prava, ab illis sanciri posse; unde ultro consequatur, quod Concilia errare nescia non sint. Amplius progreditur, & ne hoc quidem sciri autumat, quamnam verolim edita & sancita sint a Conciliis decreta; cum & temporum injuria, & custodum socordia, & falsariorum fraus ac infidelitas sic vitiarit & corruperit Conciliorum acta, ut vera legitimaque a spuris dignosci vix possint; quam thesin exemplis quibusdam luculentis confirmat.

23. A Conciliis discedens ad *Doctores* sese confert, & utrum horum consensus fidem stabiliat, disquirat. Negativam autem heic denuo defendendam suscipit, nixus ante omnia hac ratione, quod, quinam Doctores illi sint, quorum requiratur consensus, nondum constet. Totius negotii fundum putari locum Pauli, ubi is datos a Christo alios Apostolos, alios Pastores & Doctores in ædificationem corporis Christi asseruerit. Sed dubitari inter Pontificios, utrum illi ipsi sint Pastores, qui Doctores? Rursus quæri: quosnam Pastorum nomine designare Paulus voluerit? Missis autem hisce dubitationibus, ad frequentissimas nullo non tempore Doctorum in Ecclesia discrepantias Lectorem remittit, & cuinam parti, si tales obvenerint, sit adhærendum, quærit. Concesso interim, quod in eadem doctrina tradenda Doctores unanimiter conspirent, esse nihilominus consensum illum non æque manifestum & obvium instat, ac esse deberet ad hoc, ut communem fidei regulam præberet. Hæc quippe clara & perspicua ut sit, tanquam necessarium supponit; Pastorum contra consensum circa illa, quæ credenda sunt, ita obscurum cognituque difficilem facit, ut non tantum quivis de plebe, sed ipsi literati quoque doctissimi que vitare nequeant, quo minus in eo indagando hallucinentur. Id quod a triplici fonte promanet, quorum primus sit ipsius Ecclesiæ, per quam ejus præfecti dispersi degant, amplitudo, tanta utique juxta adversarios, ut per totum terrarum orbem diffundatur; secundus obscura quorundam dogmatum, de quibus nondum in Ecclesia disputatum, notitia; tertius ille casus, quo non raro in Ecclesia dogmata quædam tanquam a Deo revelata & ab Ecclesia probata spargantur, ac passim & ubique doceantur, quæ tamen falsa esse cordati fere deprehendant. Singulos ex his fontibus ope exemplorum, quæ maxime censet, ido-

neo-

neorum dilucidat. Cæterum ut per datam fictionem liberalis sæpe 25.
 Auctor est, ita heic quoque dat, recte se habere consensum Docto-
 rum; porro tamen colligit, rem ideo nondum confectam videri.
 Non enim, quicquid unanimiter affirmant suisque auditoribus in-
 culcent Doctores, statim ut a Deo revelatum, atque adeo ut doctri-
 nam Ecclesiæ excipiendum esse, adversarios contendere observat,
 sed id duntaxat, quod illi esse de fide concorditer dixerint. At ve-
 ro Episcopos, Parochos, Concionatores raro admodum determi-
 nare, an id, quod doceant, sit de fide, an consequens ad fidem,
 an sit expresse revelatum, an cum revelatis connexum & coherens;
 unde eveniat, ut ii ipsi, qui consentiant de veritate dogmatis, non
 consentiant semper, illud esse de fide; sæpe enim negare alterum,
 ad fidem pertinere, quod alter eo reducat. Pergit, morisque sui 26.
 observantissimus ex abundanti largitur, certum haberi unanimum
 Doctorum consensum; negat autem, credi eapropter tuto posse,
 vera tradi a Doctoribus. Quo minus enim ista sibi quis persuadeat,
 obstare inter alia momenta tres potissimum theses, quæ cum hæc
 Præfectorum Ecclesiæ infallibilitate aperte pugnent, nec unquam
 tamen in celeberrimis Romanarum partium Scriptoribus easdem,
 defendentibus levissima censura notatæ legantur. Primam facit
 hanc: *Ecclesiam, pro qua Christus oravit, non esse dignitatibus ec-*
clesiasticis alligatam, sed posse totam constare fidelibus cujuscunque
ordinis; secundam, posse fidem in universa Ecclesia præter unum
laicum, quin & præter unam mulierculam, deficere; tertiam, pos-
se adultos omnes, nullo excepto, excidere a fide, & Ecclesiam in solis
infantibus persistere. Non fictas autem has, sed ab ipsismet Pontifi-
 cibus in medium allatas theses esse, ex densa testium eas adstruentium
 nube demonstrat.

Ultimum adversarios refugium perhibet dirigere ad *Eccle-*
siam e Pastoribus & subditis simul constantem, & hac niti posse sin- 27.
 gulorum Christianorum fidem, eos sibi persuadere docet. At
 enim vero lubricum & hoc fundamentum esse existimat. Primum
 etenim non constare, quænam sit illa universalis Ecclesia, cujus
 fides nostræ fidei regula esse debeat, cum ignoretur apud adversarios
 quæ sit vera Ecclesiæ idea, quidque ad illam constituendam requi-
 ratur, an sola v. g. rectæ fidei externa professio sufficiat, an ipsam
 fidem

- fidem adesse oporteat, an pietatem, & sic porro. Ac etiamfi
 28. hoc esset certum, nesciri tamen in specie ac in hypothesi, utrum
 illa vera Ecclesia sit vel Romana, vel Græca, vel alia quævis. Equi-
 dem heic duo proponi criteria, e quibus postremum hoc cognosci
 queat; alterum, ut ex doctrinæ, quam quilibet Ecclesia profiteatur,
 veritate & conformitate cum DEI verbo, alterum, ut ex notis
 atque characteribus externis vera Ecclesia a falsis dignoscatur.
 Ast licet prius aliqui ex adversariis præscribant, repugnare tamen
 longe plures alios, qui institutum de Ecclesia ex doctrinæ veritate
 iudicium immensi laboris inexhaustæque difficultatis credant, idque
 a doctissimis quidem, nedum a plebejis & rudioribus ferri possi
 metuant. Longe magis intricatam esse rationem alteram, verita-
 tem hanc per externas notas dijudicandi. Præterquam enim quod
 ipsi adversarii de notarum istarum numero parum consentiant, ead-
 29. dem quoque ne probabiles quidem per omnia, nedum certas atque
 evidentes esse. Post, quam dubia sit dignoscendæ Ecclesiæ veræ ratio,
 tam dubium quoque esse ait modum indagandi ejus, quam illa fo-
 veat, fidem. Nondum enim sufficere, nosse, quid universalis Ec-
 clesiæ pars quædam, sive major, sive minor, credat, nisi scias, quid
 toti videatur. Sed hoc nimis facit arduum, cum agnoscant adver-
 sarii, posse majorem Ecclesiæ partem errare, imo posse & veram
 Ecclesiam ad unam mulierculam redigi. Insuper nec sufficere, ut
 scias, quid fidelibus verum videatur, nisi noris insimul, quid illitan-
 quam revelatum a Deo fide divina amplectantur, cum multæ quo-
 30. que totius Ecclesiæ opiniones falsæ inveniantur; sed istud neminem
 sperire posse innuit. Denique nesciri addit, an universalis Ec-
 clesiæ fides recta fides sit: niti enim hanc sola infallibilitate Ecclesiæ,
 tali fundamento, quod æque ac reliqua hætenus oppugnata pro
 certo haberi ex ratione hypothesium Pontificiorum plane nequeat.

VERITAS RELIGIONIS CATHOLICÆ EVIDENTER
 demonstrata per A. R. P. THYRSUM GONZALEZ.

Insulis, apud Franciscum Fiever, 1696. in 12.

Constat Alphab. 1.

NON novus quidem est hic liber, sed pridem manibus eorum,
 qui Ecclesiæ Romano-Catholicæ favent, versatus; ast nihilose-
 cius

eius aliquam novitatis speciem velut induit, ubi tertia nunc vice impressus ad nos primum, nec nisi viri celeberrimi, Danielis Papebrochii e Soc. Jes. beneficio pervenit. Quamobrem cum nullam ejus in his Actis mentionem adhucdum factam recordemur; vel nunc recensere librum consultum duximus, ne suppressere videamur libros nostræ Ecclesiæ oppositos. Fungimur enim Historicorum munere, bona fide enarrantes librorum argumenta, judicio Lectoribus, censura iis, ad quos spectat, relicta.

Pontificiæ autem religioni incorruptæ veritatis gloriam ceu certam propriamque asserere laborat ejus Auctor, Societatis JESU Præpositus hodie Generalis, vel ex isto de recto usu opinionum probabilium tractatu, cujus summa in nostris Eruditorum Actis primum A. 1695 locum obtinuit, celeberrimus; qui, ut in persequendo isthoc instituto suo justam tenuisse videatur methodum, orditur a tritissimo illo effato, quo Petri confessionem excepit Christus, Matth. XVI, 18, inque eo datum esse isti promissum autumat, quod constituendus sit hujus vicarius, quodque Ecclesia, quam super Christum ceu lapidem primarium extructam constet, super Petrum tanquam secundarium quoddam fundamentum ædificari debeat. Etenim verba, *super hanc petram*, nec ad personam Christi, nec ad confessionem de Christi divinitate, sed ad ipsam Petri personam spectare, & eos, qui secus sentiant, ex Hebrææ, Syriacæque linguæ ignorantia in errorem induci contendit. Matthæum enim Hebraice scripsisse suum Evangelium dum autumat, per repetitum in illius textu nomen Cephas probare nititur, idem inferre Christi responsum, ac si dixisset: *tu es petra, & super hanc petram* &c. Quodsi tamen quæras, cur Interpres, quem ille nominat, Matthæi Græcus distinctionem generis adhibuerit? respondet, Petrum, tanquam virum, primo loco nominandum fuisse in masculino, secundo autem, ubi de ædificii fundamento actum, non Petrum amplius dicendum venisse, sed petram, quia in ejusmodi ædificiis foemininum magis usitatum habeatur. Patrum de cætero quorundam explicationem, juxta quam *τὸ super hanc petram* interpretentur *super hanc fidem*, eo tendere vult, ut super Petrum propter fidem & confessionem ædificatam esse Ecclesiam statuerint, quemadmodum dicere solemus, *in unius hominis fide fundatam esse*

republicam, quod sit, in uno homine propter fidem. Parili modo scribere Ambrosium: *super aquas fidem Petri ambulasse*; & tamen id innuere, quod Petrus ibi ambularit propter fidem, quippe quæ effecerit, ut miraculoso hoc ingressu uti ipsi fuerit licitum. Objectionem autem exin petitam, quod Christus Ecclesiæ fundamentum audiat, unica illa inter fundamentum primum & secundarium (quorum postremum Petrus,) distinctione tollendam arbitrat. Dehinc Ecclesiam super Petrum fundatam visibilem esse, consuetis rationibus probare nititur. Eam item nunquam perisse, sed semper extitisse in mundo, & usque ad illius finem permanfuram, ex promisso Christi, quod portæ inferorum adversus eam non sint prævalituræ, urget, istudque e tot persecutionibus tyrannorum, turbisque & machinationibus hæreticorum, quarum nullæ hæcenus Ecclesiam subverterint, declarat; prout perpetuam quoque illius durationem e Matth. XXIX, 20. Luc. XXII, 32. confirmat. Immo nec fidem eam unquam deferere, falsaque propugnare potuisse dogmata, adducto in medium loco e 1. Tim. III, 15 colligit. Christum præterea, qui tanquam caput & sponsus Ecclesiam gubernet, & qui huic obedire jussit in omnibus, Matth. XIX, 17, Spiritumque Sanctum, qui Ecclesiæ præsit tanquam anima, non sane permissurum, ut eadem in rebus ad fidem pertinentibus errori alicui involvatur. Jam præsupposita hæc ad suum institutum applicat, Ecclesiamque Pontificiam solam semper in mundo extitisse, ex quo Christus verba illa ad Petrum locutus fuerit, e nunquam interrupta serie Pontificum a D. Petro descendentium confirmat, atque isto argumento evincere putat, Ecclesiam Lutheranam & Calvinianam sub Ecclesiæ veræ nomine venire non posse, cum ante annum 1517 Lutherana, multoque minus Calviniana, quæ sit istius soboles, in mundo, ut putat, non fuerit. Nec infirmum esse contendit argumentum hoc sumtum ab antiquitate Ecclesiæ a Petro incipientis, quandoquidem Patres Ecclesiæ probaturi contra varios hæreticos, inter ipsos non esse veram Christi Ecclesiam, eodem frequenter usi legantur; sigillatim autem Irenæum, Tertullianum, Optatum Milevitanum & Augustinum nominat. Solos etiam Ecclesiæ Romanæ Ministros ab Apostolis descendere hinc infert, quod inferiores, præsertim Sub-Diaconi, Diaconi & Presby-

teri ordinentur ab Episcopis, Episcopi autem suum ordinem ab aliis Episcopis acceperint, hique rursus ab aliis, quo pacto demum ascendatur usque ad Apostolos, in quos potestatem omnem Christus proxime contulerit; non secus atque homines singuli ac universi, secundum vitam & potentiam naturalem, longo generationum tractu ab Adamo descendant. Ea vero gloria Lutheranz Ecclesię Ministros carere ait, quippe qui altius regredi non possint, nisi ad Lutherum, qui tamen legitime ordinatus nequaquam fuerit. Frustra esse porro monet eos, qui Ecclesiam latuisse per aliquos secula heic asserant, usquedum Lutherus palam prædicare cœperit; id enim naturę Ecclesię repugnare dicit, quę semper esse debeat similis civitati in monte positę. Qui solos infantes baptizatos pro membris Ecclesię veris per illa tempora venditent, eos contrariari censet Augustanz Confessioni, ubi, quod sine sincera Verbi prædicatione & legitima Sacramentorum administratione (quarum neutra tamen in infantes cadat,) Ecclesia consistere non possit, doceatur. Nec quicquam obtinere hos, qui causentur, semper in Ecclesia fuisse unum aut alterum cordatum virum, qui Papę contradixerit, cujusmodi Wicelius, Hussus, Lutherus, Calvinus, & alii. Neque enim plures adduci posse e seculis superioribus, nec possibile videri, ut Deus Ecclesiam Christi deteriorem experiri conditionem siverit, quam olim Synagogam Judaicam, quę nunquam adeo deserta fuerit, ut in ea unus tantum alterve vir cordatus reperiretur. Imo ne Donatistas quidem affirmasse unquam, quod Ecclesia non amplius nisi in duobus Papę se opponentibus superstes manserit, tamen si eam toto orbe periisse ac in sola remansisse Africa docueriat. Lutherani cum largiantur, aliquot a Christo nato seculis prioribus Ecclesiam Romanam se veram Christi Ecclesiam gessisse, exinde manifestum reddi Auctor statuit, quod Ecclesia Pontificia nunquam aut in apostasiam, aut in hæresin, aut in schisma inciderit. Non in apostasiam, quippe quę sit fidei Christianę non solum abrenunciatio, sed etiam vel ipsius nominis omnimoda abjuratio; nihil autem ejusmodi Ecclesię Romanę imputari posse. Non in hæresin; hanc enim qui amplectantur, eos privatę & singulari cui-dam opinioni inhærere, contra generalem & approbatam universalis Ecclesię doctrinam; at vero Ecclesiam Romanam nunquam fu-

isse condemnatam ab aliquo œcumenico Concilio, neminemque antiquorum Patrum adversus illam styllum exacuisse obtendit. Non in schisma, quo discessio fiat seu separatio ab unitate Ecclesiæ, rupturque vinculum communionis cum aliqua Ecclesiâ puriori; sed eam societatem Christianorum, a qua Romana Ecclesiâ discesserit, ostendi sibi enixe flagitat, flagitat quoque illum e Romanis Pontificibus nominari, qui fidem primus deseruerit ac hæreses disseminaverit; defectionem enim Ecclesiæ neutiquam latenter agi potuisse, sibi penitus persuadet. Porro ex sententia Lutheranorum sequi affirmat, per mille annos non fuisse veram in mundo Ecclesiam: quodsi enim Pontificiæ nomē veræ Ecclesiæ abjudicaveris, nuspiam hanc alibi reperiundam fuisse concludit. Ast interim ex hoc fundamento omnes, qui per secula illa vixerint, damnandos fore exclamat, damnandos Benedictum, Malachiam, Bernardum & alios, quos ipsimet Lutherani atque Reformati Sanctorum loco habeant. Ne autem heic fortassis quis objiciat illam nonnullorum opinionem, quod in sua quilibet religione salvari possit, absurdissimum esse, dogma hoc prolixius ostendit. Quin & in istos invehitur, qui omnes Christianos in sua fide & religione ad æternam vitam aspirare posse doceant, dummodo articulos in Symbolo Apostolico obvios firmæ fide teneant, quamvis in aliis compluribus sibi invicem contrariantur. Nec sufficere putat, ut articulos fidei distinguas in essentielles & accidentales, quorum posteriores salva fidei integritate vel admittere vel repudiare liberum sit; cum enim pro fundamento fidei habere conveniat auctoritatem Dei revelantis, quæ æqualiter omnes veritates revelatas afficiat, fidem necessario esse extendendam ad omnes istas veritates, sive magnæ illæ sive parvæ sint. Pauca dehinc id urget, quod spem salutis nemo Lutheranorum aut Reformatorum iis, qui in Ecclesiâ Romana vivunt, penitus adimere sustineat. Inde vero evidenter obligari istos infert, ut reliquæ suæ sectæ ad Ecclesiam Catholicam se recipiant, cum in hac sit spes salutis ex partis utriusque confessione; in Ecclesiâ vero Protestantium non nisi ex opinione ipsorummet, quam manifeste tamen errorem Papæ omnes existiment. Sed paulo diutius in illo argumento detinetur, quod, cum in sola Romana Ecclesiâ firmam credendi regulam & supremum controversiarum fidei Judicem reperire de-

tur,

tur, ea utique pro vera Christi Ecclesia agnoscenda colendaque sit. Prius autem ut obtineat, pro solenni Pontificiorum more Scripturam Sacram vi normativa potestateque judiciaria privare, eamque in Concilia generalia a Romano Pontifice confirmata transferre laborat; quin imo hunc etiam extra Concilium generale & non expectato Ecclesie consensu pronunciantem, controversiarum fidei Judicem infallibilem nuncupandum esse, operose admodum evictum dare nititur. Judicium quoque Romani Pontificis in controversiis fidei a Concilio generali reformari posse negat. Equidem injici hoc loco a quibusdam ait scrupulum, quod, sicut Generalis Societatis solum supra reliquos Episcopos divisive spectatos emineat, non autem quatenus hi convocati sint ad Concilium generale, utpote in quo per majorem suffragiorum partem ipsum superari nemo ignoret; ita etiam dicendum videatur, quod Papa supra totam Ecclesiam, quando ea convocetur in generale Concilium, haudquam emineat. Verum disparem heic & illic rationem esse regerit: Papam namque non ab Ecclesia, uti quidem Generalem a sua Societate, sed immediate a Christo potestatem omnem accipere, & eos, qui novum Papam eligant, designare solum personam illam, cui potestas immediate a Deo communicetur, vi primæ institutionis a Christo in persona Petri factæ; unde sua sponte fluat, quod Ecclesia potestatem quoque Pontificis limitare nulla ratione possit. Mox ad alia scopo libri inservitura progreditur, & à singulis a nato Christo seculis ad præsens usque viros aliquot & fœminas miraculis illustres introducit. Certum autem putat atque exploratum, gloriam miraculorum in professoribus veræ duntaxat fidei reperiri; quandoquidem Deus miracula non nisi vel ad confirmandam doctrinæ veritatem, vel ad Sanctorum vitam illustrandam edi permittat; neutri autem horum promovendo aptos esse falsæ religionis professores: unde insuper, quod Deus nunquam tribuerit hæreticis falsisve prophetis & sectatoribus religionum heterodoxarum potestatem faciendi vera miracula, exemplis Paganorum, Judæorum, item a vera fide desciscendum, Simonis Magi, aliorumque probat. E contra ipso illo tempore, quo Lutherus Romanam deseruerit Ecclesiam, viros in tradendis doctrinis ab ipsis placitis quam maxime diversis occupatissimos miraculis insignibus

claruisse refert, & ex istorum numero Franciscum imprimis de Paula & Ignatium Lojolam celebrat, nec Sanctos alios omittit, qui postea quoque in Ecclesia Romana conspici prærogativa hac, qua vivi, qua defuncti fuerint. Tacemus miracula Xaverii, quæ longo ordine heic enumerantur, & Luthero Calvinoque similia quidem interdum ausis, sed spe sua ubique frustratis opponuntur. Multus interea est in necessitate miraculorum ad probandam missionem a Deo ortam adstruenda; sicuti & Calvino latius respondere annititur, quando is ea, quæ hoc in negotio Papæ vulgo jactent, aut ficta aut imaginaria esse docuerit. Per illa quoque idolatriam confirmari dixerat Calvinus, dum imaginibus & statuis eorum, qui miracula patrasse credantur, cultus exhiberi soleat in divinum palam injurius. Ast heic venerationem imaginum Auctor incidenter vindicat, non aliis tamen argumentis usus, quam quæ passim apud Doctores Pontificios reperias. Hac disceptatione absoluta, in tradendo Lutheri & Calvini charactere occupatus est, & utrique sane mores perditissimos fœdissimosque imputat; præcipue autem Calvinum Sodomitæ scelere infamem sistit, & idcirco enervare studet sedulo, quicquid alias aut a seclæ Calvini, aut ex ipsis Pontificiis Ludovicus Maimburgius ad innocentiam Viri tuendam contulere. Deum autem flagitiosis adeo hominibus ad Ecclesiæ reformationem usum fuisse, fidem omnem superare autumat. Mox diversas hæreses ab Ecclesia priorum seculorum proscriptas damnatasque, sed per Lutherum & Calvinum revocatas, e Bellarmino Lessioque recenset, atque ex eodem Bellarmino crassissimos, ceu ipse judicat, Lutheranorum errores uberius describit, ac imprimis in fidem specialem justificantem cum isto admodum invehitur. Ultimum autem inter reliqua argumenta locum huic effato assignat, quod e notis veræ Ecclesiæ soli Romanæ competentibus hujus præ reliquis omnibus veritas abunde dispalescat. Solam nempe eam esse ait visibilem, cum, prout ex antea dictis jam constet, sola habeat evidentia credibilitatis, quam vocat, signa. Solam unam, quia in illa sola detur regula visibilis & infallibilis ad decidendas fidei morumque controversias, Romanus nempe Pontifex, cum quo tanquam cum capite omnia Ecclesiæ membra unita esse debeant. Sicut autem ex hac unitate veritatem quoque Ecclesiæ

clisæ Romanæ satis patere statuit, ita subortas inter Lutheranos
 & Calvinianos sectas, auctorumque iis addictorum mutuas contra-
 dictiones, de falsitate Ecclesiæ, quæ inter illos colligatur, clarissi-
 mum præbere testimonium subiungit. Sed & solam sanctam esse
 Ecclesiam Romanam ita probat, ut Lectori persuadere conetur,
 cum nulla secta sit vel paganorum, vel Turcarum, vel hæreticorum,
 quæ errores quosdam exploratos haud contineat, solos Pontificios
 in sua Ecclesia nihil falsi tradere quoad doctrinam fidei, nihilque
 iniusti quoad mores admittere. Solam eam facit Catholicam, quip-
 pe quæ hoc nomine a suis hinc primordiis semper insignita fuerit,
 quæque & re ipsa universalis sit latissimeque pateat, & ad omnia se
 extendat. Solam denique dicendam cupit Apostolicam, cum præ-
 ter eam Apostoli haud aliam fundarint, ac nulla insuper in fide ab
 Apostolis tradita æqualem cum ista constantiam approbaverit. De
 cetero, ut norit Missionarius Catholicus, quomodo singula hæc in
 suum usum debeat convertere, hoc ipsi consilium Auctor noster
 suppeditat. Nimirum in disputatione cum adversariis prætermitti sua-
 det controversias particulares, quas potius reduci cupit ad unam
 generalem, quæ omnes complectatur, ad controversiam puta de
 Ecclesia, de qua ostendendum sit, non solum, quod reapse existat, sed
 & quod ab omni errorum periculo libera sit. Admissis enim his duo-
 bus principiis, primum fore evincere, vera esse omnia dogmata,
 quæ credenda proponat Ecclesia Romana, quam solam Christi
 Ecclesiam esse, argumentis hætenus per totum librum deductis pro-
 bare Missionarius teneatur. Denique ne forsân Papæ quis obji-
 ciat, committere eos circulum, dum auctoritatem Ecclesiæ probent
 per Scripturas, & harum tamen auctoritatem rursus per Ecclesiam
 confirment, ideo vitiosam illam demonstrandi rationem sic evi-
 tare docet, ut quasdam ante omnia propositiones fundamenti lo-
 co præsupponat. Prima inter eas hæc est: evidens esse, quod de-
 tur vera aliqua religio in mundo, quodque ea facile possit inveni-
 ri ab omni homine rite de eadem sollicito. Secunda: veræ reli-
 gionis doctrinam non posse humano discursu acquiri, sed divini-
 tus esse traditam. Tertia: veram religionem nec quæri debere,
 nec inveniri posse per examen rerum & dogmatum, quæ tradit.
 Quarta: sed potius quærendam eam & inveniendam per examen fun-

fundamentorum & rationum, quæ evincant, Deum esse autorem illius religionis. Quinta: manifestum esse debere ex rebus etiam in mundo moraliter evidentibus, quænam ex omnibus religionibus & sectis sit vera & a Deo data religio. Jam si Philosophus Gentilis vel Mohametanus e Christiano quærat: cur credat., DEUM esse unum & trinum, DEUM factum esse hominem? respondendum esse ait a Catholico: quia Deus summe sapiens ac verax, qui nec fallere nec falli potest, has veritates mundo revelavit. Si ulterius quærat: cur credat, Deum has veritates mundo revelasse? respondendum, negando suppositum, dicendumque, se non credere seu fide solum obscura cognoscere; Deum has veritates revelasse, sed se hoc scire & per argumenta indubitata intelligere. Si pergat ille: unde sciat, Deum has veritates revelasse? regerendum: quia evidens sit, Deum aliquam religionem veram in mundo habere, in qua & per quam homines salvari possint; evidens dein, hanc non posse esse aliam, quam religionem Christianam Catholicam Romanam, quia sola hæc sit a Deo illustrata idoneis veritatis notis; evidens tandem, Deum non potuisse religionem falsam tot ac tantis veritatis signis exornare. Atque hæc argumenta per integrum Tractatum hætenus adducta in subsidium vult adhiberi, quo tanto sic feliciter demonstratio omnis procedat. Paulo vicissim aliter rem gerendam ait cum hæretico, qui credens in Christum neget integritatem Novi Testamenti. Huic enim alterum interroganti: cur credat purgatorium & septem Sacramenta? Respondendum: quia Deus hoc revelavit. Sciscitanti: unde hoc cognoscatur? dicendum quia Ecclesia hoc credendum proposuerit. Roganti porro: unde constet, Ecclesiam in hoc proponendo non errasse? respondendum: exin, quod Ecclesia sit infallibilis ob assistentiam Spiritus Sancti ei a Christo promissam, quæ innotescat ex Evangelio seu Scriptura hoc testificante. Inquirentem vero: unde certum sit, Scripturam hanc a Deo esse dictatam? ablegari posse ad Ecclesiam catholicam in Conciliis generalibus congregatam, quæ catalogum librorum divinorum contexuerit, & inter eos numeret Evangelia, in quibus promissa illa Spiritus S. assistentia contineatur. Si vero alter amplius sollicitus sit, undenam constet, Ecclesiam Catholicam præscribere Catalogum librorum divine-

divine-

divinorum in eo designando non errasse? haud recurrendum putat ad auctoritatem invisibilem Spiritus S. sed ad visibilem & manifestam Ecclesiae auctoritatem, urgendasque illas notas; utpote cum ea tot praerogativis ornata, tot martyribus, tot confessoribus, tot virginibus & tot doctoribus decorata sit, unde manifesto cognoscatur, eam esse Ecclesiam illam, in qua habitat Spiritus Dei, Spiritus veritatis, & credibile non esse, quod Deus occularit huic Ecclesiae, quinam sint illi libri, quos ipse dictaverit. Hanc concludendi rationem pluribus illustrat & confirmat Auctor. Nos tamen, ut professi sub initium jam fuimus, quid de ea sentiendum sit, instituti nostri probe memores, dijudicandum aliis relinquimus.

NODUS PRAEDESTINATIONIS EX SACRIS LITERIS, DORINAQUE S. S. Augustini & Thoma, quantum homini licet, diffusum, Auctore COELESTINO S. R. E. Presbytero Cardinali SFONDRATO.

Romae, typis Jo. Jacobi Komarek, 1696. in 4.

Alphab. 1. plag. 14.

Maximam esse COELESTINI SFONDRATI Cardinalis in Ecclesia Romana existimationem, vel ex eo haud obscure colligas, quod, qui publico nomine praesens illius scriptum approbavit, Fr. Joannes Damascenus, in eum optime quadrare dicit illud elogium, quo D. olim Bonaventura decoratus fuerit: *non videri nempe, quod in isto homine Adam peccaverit.* Nos eruditionem Viri suspexisse non dissimulavimus, quando in Actis hisce Regale ejus Sacerdotium A. 1685. pag. 376, Legationem Marchionis Lavardini Romam, ejusque cum Romano Pontifice Innocentio XI Diffidium A. 1689. pag. 278, Galliam vindicatam Supplementorum Tomo I. pag. 118, & novissime A. 1696. pag. 183, Innocentiam vindicatam recensuimus. Equidem tractatus plures alios editioni ipsius parare occurrerunt, interque hos librum de *Opinione probabili*, duas de *Baptismo infantum* dissertationes, apertissimam de *Atheismo* historiam, apologiam contra Heideggeri *Meretricem apocalypticam*, tandemque commentaria in *Jus Canonicum*, e dicti modo Damasceni praefatione cognovimus; sed cum haec, una cum ceteris Eminentissimi Autoris superiori anno vi-

ta functi manuscriptis, jussu Innocentii XII, Papæ hodierni, ad Emin. Cardinalem Albanum, Apostolicorum, ut vocant, Brevium Secretarium, delatis adhuc dum latent. Interim post ejus fata primus in lucem prodit hic tractatus, in quo Prædestinationis, quem vocat, Nodum dissolvere multo studio allaboravit.

Observasse etenim se dicit, in hoc prædestinationis negotio a compluribus nimis parum divinæ bonitati tribui, & culpam pereuntium non tam reis imponi, quam in ipsum Judicem derivari, quasi partibus addictum, & aliquibus tantum, non omnibus propitium, nimisque ardua præscribentem, quæ paucis & Heroibus tantum superare animus sit. Statuisse igitur se justissimi pariter & elementissimi Judicis causam suscipere, omnibusque compertum reddere, nullam posse contra hunc querelam moveri, ac nihil peractum reperiri in prædestinatione, cui non amor præsederit; unde Idamnaturum casus non prædestinationi divinæ, sed humanæ voluntati tribuendi sint. Ad quatuor autem imprimis capita tractationem omnem revocavit, ac ante omnia ostendit, *Deum serio, impensisime, & quantum in se, efficaciter omnium hominum salutem velle.* Deinceps, *eum hominibus non quascunque, sed abundantissimas, copiosissimas, & ex natura sua efficaces gratias, quibus ad æternam felicitatem pervenire possint, tribuere probavit.* Ulterius edocuit, *quam facilia Deus media præscripserit, quibus vel perditissimi quique ac deploratissimi peccatores gratias speciales, sicque perseverantiam finalem, impetrare, si voluerint, omnino valeant.* Tandem vero contendit, *sufficere hac ad divinam & infinitam bonitatem omni suspitione liberandam, cum reliqua in causa prædestinationis explorari nec possint, nec debeant.* Singula autem hæc qua ratione prosequatur, paulo nunc curatius ostendere, sed instituti tamen nostri tenaces, conabimur.

Dum igitur a *Dei voluntate omnes salvandi* suæ dissertationis telam inchoat, prolixus est sub ipsum frontispicium in explicanda *voluntatis divinæ in antecedentem & consequentem* distinctione, ac *istam* quidem absolutam dicit, efficacemque ac independentem ab omni hominum merito, qua Deus naturaliter meroque bonitatis suæ instinctu, ac motu quasi proprio, omnium hominum salutem æternamque felicitatem velit; unde eos creavit, redemerit, atque

atque accommodatissimis ad huncce finem mediis accinxerit; *hanc* vero conditionatam dicit, qua supremum Numen decreverit, neminem admissum iri ad hanc beatitatem, nisi qui eam anhelarit ac mereri (ita enim ex Ecclesiæ suæ hypothefi Auctor loquitur) studuerit, quaque jam spoliare eadem constituerit illos omnes, quos operari & mereri nolle præviderit. Ne tamen aliquis miretur, cur voluntatem antecedentem vocarit efficacem, cum sane in plurimis effectum nullum consequatur, monet eam recte dici causam efficacem, quæ omnem & necessariam virtutem ad ponendum effectum habeat; cessationem autem & suspensionem effectus non ex virtutis in causa defectu, sed aliunde provenire. Simili ratione voluntatem de se efficacem illam dici, qua quis rem aliquam tam serio impenseque intendat, ut illi consequendæ validissima media omnesque officii sui partes adhibeat; effectum vero haud insequentem, non voluntati, non ignaviæ cupientis, sed casui alterive impedimento imputandum venire. Quamobrem Deum hac voluntate omnes velle salvos fieri, e sacris primum literis probatum dat, eaque fini loca 1. Tim. II, 1. 4. Ezech. XXXIII, 11. Matth. XIX, 14. ad suum institutum flectit, cumque illis sociat dictum Sap. VI, 8, *pusillum & magnum ipse fecit, & equalis est illi cura de omnibus*; ad eas quoque Scripturæ sententias provocat, in quibus Christum mortuum esse pro omnibus disertis verbis docetur. Ecclesiæ porro sanctorumque Patrum, Prosperi Regiensis, Leonis, Ambrosii, Augustini, & aliorum assensum urget. Mox ad rationes assertum suum stabilientes properat, quas inter *primam* depromit ab infinita Dei bonitate, qua is ex se omnibus bene cupiat, omnesque amet, & consequenter nullum perire velit; unde refutandi quam maxime sint Stoici, qui Deum, cum nullius creaturæ indigeat, sibi que sufficiat, nulli quoque diligendæ obstringi existiment, cum sane vel eam ob causam creaturas Deus amet, quod earum haud indigeat; quodsi enim amaret, quia indigeret, non amorem sed quæstus desiderium in Deo futurum excipit. Observandi contra apud eum amoris erga homines hæc fundamenta facit: primum, quod ipse utique perfecte bonus sit; bonitatis autem hæc sit vera proprietas, ut se aliis etiam, utcumque capaces sint, communicet: deinceps, quod homo sit opus & creatura Dei; unde non possit non amare Deus

id, quod creaverit: denique, quod sanguine Filii sui eos redimitam care fecerit. *Secundam* asserti principalis rationem ex eo petit, quod absoluta hominum quorundam a felicitate exclusio ad nulum divinorum attributorum reduci queat: non enim quadrare eam ad amorem, quandoquidem amantis sit velle alteri bonum, non nolle; nec ad misericordiam, cujus non sit veniam negare, sed concedere; nec ad potentiam, quæ struat opus, non destruat; nec ad justitiam, quæ supponat culpam, causamque prius in delicto, quam in voluntate ac vindicta habeat. *Tertiam* rationem hanc facit, quod amentis sit aliosque ludere volentis, media quamplurima atque opportunissima ad consequendum finem adhibere, nec finem tamen ipsum velle. *Quartam*, quod alias ea omnia, quæ solius Dei sint, ordinatissime nulloque errore ad fines suos dirigantur. *Quintam*, quod hoc pacto præcipua totius vitæ Christianæ fundamenta, spes videlicet & amor, corruant. Potissimam enim amandi sperandique rationem esse, quod Deus nos prior dilexerit, Filiumque suum pro nobis tradiderit. Ea vero de re si non unusquisque possit esse certissimus, non posse quoque unumquemvis Redemptorem amare, inque ejus merita fiduciam suam reponere. *Sextum* locum occupant testimonia S. Augustini & D. Thomæ, in quibus recensendis atque explicandis sat prolixus est; hos enim Auctores, quoties agatur de prædestinatione, paginam utramque dicit facere; unde & impofterum se causam suam auctoritate imprimis illorum armaturum innuit. Præmissis his, sophisma Calvinianorum adducit Auctor, qui passim ita colligant: *si sum prædestinatus, quicquid mali egero, certissime salvabor; sin minus, quicquid boni egero, certissime damnabor.* *Quid ergo superest, nisi ut agam, quod lubet, & quamdiu licet, voluptatibus fruor? cum data semel fixaque prædestinationis sententia, nihil mihi ad vitam æternam aut nocere peccata aut prodesse virtutes possint.* Ast vero hanc argumentationem totius generis humani consensu, ipsorumque Calvinianorum exemplo & usu, falsitatis convinci ait. Nihil enim in hoc mundo geri præsupponit, quod immutabili Dei præscientiæ ac voluntati haud subiaceat; neminem diutius vivere, quam Deus velit, neminem metere, neminem divitem evadere, neminem in bello hostem vincere, neminem ad portum appellere, nisi quantum & quando Deus ab æterno

æterno disposuerit. Negat vero quenquam esse adeo absurdum, ut aut ægrotans medicamina despiciat, aut navim ad transfretandum haud conducatur, aut semen ad messem faciendam spargere, omnemve operam ad comparandas divitias vel obtinendam victoriam adhibere omittat, eo, quod sibi persuadeat, omnia fato agitari, ac divina voluntate nutuque immutabili evenire. Erroris vero hujus causam non minimam hanc esse, quod homines sibi persuadeant, non esse amplius in eorum potestate, ut inter electos numerentur; quæ tamen persuasio plane sit falsissima. Sicut enim per gratiam Dei, utpote quæ nemini volenti negetur, in eorum potestate sit, ut bene vivant ac in bono perseverent; ita quoque in eorum potestate esse dicit, ut ad electos pertineant, cum impossibile sit, bene viventem & in bono perseverantem non esse ex electis. Integram vero prædestinationis seriem sic recenset: Deum, qui omnes homines amet, voluisse etiam omnes salvari ac nullum perire, atque ut hanc omnes salvandi voluntatem suavius exequeretur, statuisse omnium hominum sortem ex merito demeritoque hominis primi dependere. Ne vero is peccaret, tot illum præditiis, tot dotibus corporis animique Deum instruxisse perhibet, ut videretur vinei non posse. Sed Adamo nihilosecius peccante, totam quoque posteritatem omni jure ad cœleste regnum excidisse. Veruntamen ne hominis delicto Dei consilium omnisque voluntas effectum caretet, decrevisse Deum unigenitum Filium suum mittere humana carne indutum, cujus merito & originale & alia omnia peccata iis remitterentur, qui mediis ab eo præscriptis uti vellent. Ut autem vellent, singulis ob meritum Salvatoris gratias validissimas ab æterno paratas, quibus humana voluntas ad malum prona in bonum flecteretur. Quod si ergo oblati ad salutem mediis uti aliqui nolint, ac peccatis usque ad mortem insistant, recusentque oblatam sæpius veniam, eos damnare Deum iustissime statuisse. De cætero, parvulos sine baptismo decedentes cœlesti quidem regno, paternæ quippe culpæ reos, nec expiatis, privari putat, sed non excludi naturalibus bonis; præterea Deum ipsos præservasse a peccato æternoque supplicio, quo, si adolevisent, puniendi fuissent. Magnam autem hanc gratiæ & amoris portionem vocat; cum sola præservatio a peccatis pluris valeat, majorisque pretii sit, quam regnum ipsum cœleste,

quo, si ipsis optio daretur, carere mallent, quam peccato involvi. Nihil itaque prædestinationem esse monet aliud, quam *antecedentem & efficacem Dei voluntatem hominem ad vitam æternam promovendi, dandique efficacissima ad hunc finem media, quibus cum videat aliquos bene usus, istos consequente etiam ac executrice voluntate salvare proposuerit*, & hos solum ac proprie prædestinatos appellari contendit. Atque isthæc nunc adversus varias objectiones tuetur. Ex eo nempe, quod Christus ipse Joh. XVII, 9. hunc ad Patrem suum sermonem dirigat: *ego pro eis rogo, non pro mundo rogo*; inferre ait quosdam, si pro solis prædestinatis Christus oraverit, pro hisce quoque solis eum esse mortuum; cum certe multo minus sit orare, quam mori. Sed respondet Auctor, Christum mundo valedicentem pro tribus personarum generibus suas ad Patrem preces fuisse; pro *solis* puta *Apostolis* a versu primo ad vigesimum, deinceps pro *omnibus fidelibus* versu' vigesimo, tandemque & vigesimo primo versu pro *toto mundo*. Unde, licet Christus a specialibus istis precibus ad solos Apostolos pertinentibus mundum excluderit, non exclusisse tamen eum a reliqua oratione sua colligit. Aliis, qui quod Christi sanguis pro *multis* effusus dicatur, obijciunt, ita satisfacit, ut nullos verius vocari multos regeat, quam omnes. Novit Auctor, haud deesse, qui ex eo, quod Deus omnes velit salvos fieri, absurdum hoc eliciunt, nullum sane perituum, sed omnes futuros esse salvos, cum divinæ & efficaci voluntati nemo valeat resistere. " Hos ergo ut convincat, respondet, Deum neminem salvare velle nisi eum, qui salutem ipse cupiat. Instantes: cur Deus non det omnibus illa media, quibus fore prævideat, ut æternam vitam adipiscantur? ad arcana primum illius judicia remittit, post penes ipsos pereuntes culpam residere docet; non enim in hac dispari gratiarum dispensatione quærendum esse, cur Deus alicui gratiam hanc, non illam, tribuat? sed potius, cur quis ea, quam accepit, gratia uti detrectet? Quæ ex Paulina ad Romanos epistola, ejusque nono ac undecimo capite, in contrarium asserri solent de *Jacobo dilecto*, *Esau autem rejecto*, non de electione aut reprobatione, sed tantum de felicitate temporali intelligenda esse probat. Sicuti & illa verba: *misereror, cui misereor; non ergo est volentis & currentis, sed misereantis Dei; quem vult, indunt,* aliaque

aliaque citatis in locis obvia latius exponit. Phrascs imprimis istas, ubi Deus *obdurare* & *excacare* dicitur, non ita capi debere censet, quod revera Deus id faciat & velit, aut quod ejus beneficia & influxus eo spectent, sed quod ex Dei longanimitate & clementia, humano more loquendo, non alius sequatur effectus, quam major cæcitas ac obduratio. Illud, quod de Pharaone dicitur: *quia in hoc ipsum excitavi te, ut ostendam in te virtutem meam*, sic interpretatur: excitavi te, hoc est, *sustinui & conservavi te*. Id vero pertinere ait ad divitias bonitatis, patientiæ & longanimitatis Dei, qui ad poenitentiam ipsum adducere voluerit. Illo autem recusante, successisse voluntatem, consequentem, qua Deus malitia Pharaonis ad gloriam potentiamque & justitiam suam eo magis ostendendam, & ad populum suum in vera fide ac religione conservandum uti voluerit. Ulterius si objiciatur, quod Deus electorum curam habeat majorem, quam eorum, qui electi non sint; ad arcana hoc Dei judicia refert, suæ autem sententiæ non obstare putat, cum sane hos non minus atque illos salvos fieri ex se voluerit. Si quis opponat: cum multi hominum pereant, multi vero salventur, discrimen inter reprobos & electos quærendum aut a parte Dei, aut a parte hominum; sed non apparere a parte Dei, qui omnes æqualiter salvos voluerit; ergo id situm esse apud homines; ast vero hoc qui asserat, cum contradicere Apostolo, quærenti: *quis te discernit?* 1. Cor. IV, 7: respondet Auctor, duplicem statui posse discretionem, aliam, quæ fiat viribus naturæ, aliam, quæ viribus gratiæ; primam igitur, non secundam ab Apostolo damnari. Tandem cum iis agit, qui quærent: cur Deus, si velit omnes salvos fieri, nihilosecius tot parvulos, tam infidelium quam fidelium parentum, sine culpa perire patiatur? atque his respondet: aliud esse *perire*, aliud *beatum non esse*. Parvulos, qui sine baptismo decedant, beatos quidem non esse, nec tamen perire. Insuper licet culpa propria careant, aliena tamen & paternæ eos haud carere moneri. Et quamvis paterna culpa damnari neminem posse fateatur, bene tamen privari posse subijcit iis bonis, quæ liberaliter a Principe accepturus fuerat, patre innoxio, nec in Principem delinquente. Sufficere interim, quod Deus infantes fato præmaruro abreptos de innocentia sua personali securos reddiderit, eosque plurimis peccatis qua venialibus qua mortalibus subduxerit; id quod inter maxima beneficia numerandum

dum Auctor jam superius asseruerat. Hæc potissimæ sunt ex iis, quas solvit, objectionibus. Equidem & alicubi disputat cum his, qui affirmant, quod hæc fuerit ipsa sententia Massiliensium & Semipelagianorum, Deum velle omnes salvos fieri similiter statuentium; alibi loca quædam Augustini excutit, in quibus asserere videatur, istam thesin non ita intelligendam, quasi Deus omnes omnino homines, quantum ex se, salvari velit, sed quod nullum sit genus hominum, nulla conditio, in qua non plurimi sint, qui salutem consequantur. Enimvero hæc talia proluxius recensere consilium non æstimamus, ne justum postea dicendis spatium præripiatur.

Accedimus proinde ad assertum, quod secundum est ex principalioribus in hoc libro obviis, cujusve summa eo tendit: *dari omnibus hominibus ad æternam vitam consequendam non necessariam tantum & qualescunque, sed copiosissimas abundantesque gratias, quibus illam, si velint, commode obtinere possint.* Sicut autem hoc ex primo sponte sequi Auctor observat, ita denuo inculcat, posse causam aliquam jure suo dici efficacem, quamvis non sequatur effectus, si nimirum hujus cessatio & suspensio non ex defectu virtutis in causa, sed aliunde proveniat. Datam vero omnibus abundantem gratiam, e dictis primum Scripturæ 1. Tim VI, 17. Tit. III, 6. Eph. II, 4. aliisque probat, dumque hoc agit, in eum simul sensum inquirat, juxta quem *jugum suum* Christus *suave onusque suum leve* nuncupavit. Mandata nimirum Evangelica jugum quidem dici notat ideo, quod, si eadem secundum suam naturam viresque hominis morbidas consideres, onerosa sunt, sed levia tamen & suavia vicissim nuncupari, si gratiam spectes, quæ omnibus ad fidem invitatis a Deo offeratur; non, ac si gratia onus difficultatum legis Evangelicæ penitus tolleretur, sed quod vires difficultates istas vincendi largiatur. Id quod illustrat simili: rotam nempe pondus rhedæ non tollere aut minuere, sed istud potius augere ait; sed tamen novo hoc onere hanc tanto agi velocius addit: cum e contra, si quis rotam currui adimat, pondus quidem minuat, sed & currus simul immobilis efficiatur. Neque solis electis divinam hanc concedi gratiam, verum & reprobis æqualia, sæpe etiam majora auxilia conferri adstruit e celebri illo Christi Judæis obstinatam malitiam exprobrantis effato, Matth. XI, 20. seq. quo in loco

sermo-

sermonem esse nequaquam de pari solum gratia externa, sed & de parte interna, adversus Janfenium late contendit, moxque doctrinam de auxiliis æqualibus, quibus alii cooperentur & alii minus, ex Augustino pariter & Thoma uberius stabilitam dat. Quin & effusissimam Dei in homines bonitatem exinde arguit, quod in bruta quoque animantia, imo in omnes sensu etiam carentes creaturas, benignissimum Numen singula ad vitam necessaria singulaque commoda, pro natura uniuscujusvis copiose conferat; quod corpori vitæque temporali degendæ tam large affluenterque provideat; quodque præ cæteris in hominum structura non peritissimi modo conditoris & artificis, sed amantissimi quoque patris officium manifeste sustinuerit: e quibus de reperiundo apud ipsum erga animas hominum affectu longe potiori, promptissimum fieri posse judicium nullus dubitat. Sed nihil beneficentissimum hunc Divini Numinis in humanum genus amorem æque ac admirandum illud redemptionis opus declarare monet; eidem tamen confestim associat illa, quibus Ecclesia abundet, adminicula, Christianis modo sanctificandis, modo expiandis, modo in accepta gratia conservandis, & sic ad vitam æternam promovendis servientia: quæ omnia, licet in Christianis maxime appareant, & in cæteris tamen mortalium, quamvis infidelibus & barbaris, suo modo pariter obviam haberi, e testimonius Pauli, Rom. I, 19. seq. & quorundam Patrum, Augustini puta, Prosperi, Hieronymi, Damasceni, Terrulliani, quin & gentili Tullio, notitiam Dei omnibus omnino hominibus innatam esse probantibus, confirmat. Imo & Pauli Orosii, Fulgentii, Anselmi, ac Thomæ Aquinatis suffragia, quibus multo plura a Deo profecta adminicula hominibus etiam exteris adjudicantur, in medium adducit. Minime autem obitare sibi admittit nominatum modo Thomam aliosque Theologos, qui quosdam infidelitate pure negativa, hoc est invincibili & inculpabili, laborantes dari, atque adeo non omnibus eam gratiam, quæ huic vincendæ idonea sit, concedi doceant. Certos namque fidei articulos, quales sint de Eucharistia, de necessitate Baptismi, &c. ignorari invincibiliter posse largitur; sed omnes, ac præsertim illum de existentia cultuque alicujus Dei, prorsus ignorari negat. Nullum quoque mortalium esse perhibet, qui, dum vixerit, tam perditus vitiiisque tam assuetus inveniatur, ut ei Deus

gratiam respiscendi abstinendique a peccatis haud concedat; unde nec ullum vel physica vel morali necessitate ad peccandum urgeri amplius infert. Multos quidem, Scripturæ stylo, iniquitatem sicut aquam bibere, multos latari cum male fecerint, & exultare in rebus pessimis, quos nulla gratia juvari & a peccandi voluntate coerceri quispiam fortassis diceret; attamen his ipsis etiam per mensuras temporum, perque intervalla locorum, quam plurima gratiæ auxilia dari monet, quibus & majorem completamque gratiam, & ipsam quoque vitam æternam possint consequi. Augustinum, passim inficiantem, *quod gratia omnibus concedatur*, plerumque loqui observat de specialissima illa & effectrice gratia, quæ a multis & ob creaturæ impedimentum ponentis indignitatem, & ob arcanam Dei voluntatem omnino absit. Parvulis ante Baptismum morte præventis etsi non gratiam sufficientem, qua vitam consequantur æternam, beneficium tamen longe præstantius, ipsamque gratiam sufficientem partibus infinitis antecellens exhiberi, e rationibus binis jam tum vicibus a nobis insinuat is ostendit. Quando Augustinus Pelagianis asserentibus, ideo non omnes salvos esse, quia non omnes velint, contradicat, istud Auctor eo respectu fieri putat, quod Pelagiani hominem viribus naturæ propriæque voluntatis petere, pulsare, quærere, velle, & sic a Deo gratiam & gloriam obtinere posse crediderint. Falsum esse, quod nonnulli gratiam omnibus quidem præparari, sed non reapse exhiberi contendunt, ex iis ipsis Patribus, quos in suas partes trahere nitantur adversarii, edocet. Paulum quidem Rom. X, 14. asserere agnoscit, *salvari neminem posse, nisi qui credat, neminem credere nisi qui Evangelium audiat*; sed eum loqui respondet de fide explicitè in Christum, quæ ordinario modo nisi per prædicationem Evangelii haberi nequeat; sed nihilofecius sine ea quamplurimos ante Christi adventum per solam gratiam, qua legem naturæ observarint, salutem fuisse consecutos, ex adverso aurtumat: unde quamvis nationes aliquæ reperjantur, quibus Evangelium annunciatum diu non fuisse, neque adhucdum sit, illas tamen gratia ad salvandum requisita caruisse neutiquam, profitetur. Sunt, qui ex Es. V, 3. & Jer. LI, 9. obstinatis- simis peccatoribus *custodiam subduci Angelicam* affirmant; sed ne hoc quidem admittit Auctor, nullumque peccatorem tam magnum esse

esse reputat, qui, dum vivat, ab Angelo suo custode deferatur. Nullum præterea peccatum aut grave adeo, aut tam diuturnum sibi imaginari potest, cui, exemplo Manassis ductus, veniam nolit polliceri. Gennadii regulam: *nemini gratiam dari, nisi petenti*, ut certissimam celebrat. Si quis tamen velit subsumere: multos esse, qui orationem ex fide profectam constantiaque & fiducia munitam ad Deum non ablegent; respondet, aliud esse peccatores non rite orare, aliud non habere gratiam & facultatem, qua orare possint, eaque auxilia impetrare, quæ iis necessaria sint ad legem, divinam adimplendam: postremum negari, aut prius concedi. Aliud enim esse gratia carere, aliud ea uti nolle; sicut aliud sit, carere medico, a quo saneris, aliud sanare volentem nolle admittere.

Obstinatissima etiam peccatoribus gratiam Dei nequaquam defuisse, in capite tertio asserit, idque longa narratione exemplisque plurimis ab antiquissimis inde temporibus petitis, & usque ad Apostatæ Juliani ævum deductis ostendit. A data enim Caino fratricidæ gratia exorsus, homines mox ante diluvium flagitiis nefandis infames, idololatrias dein Noachi adhuc tempore post diluvium celebres, nec minus alios seculis abhinc propioribus crimini huic deditos, Monarchiæ item uniuscujusvis Principes æque ac subditos a vera Dei cognitione & pietate alienos, Romanorum etiam Imperatorum plurimos eosque præ cæteris sceleratissimos, quin & inter Judæos Herodem, quem alii Idumæum, alii Ascalonitam faciunt, omnes autem inter pessimos mortalium numerent, aliosque, hujus fursuris introducit, & concessum singulis a Deo benignissimo insignem gratiam, ex historiarum monumentis erudite commemorat.

Ac progredi quidem in his narrationibus ulterius volentem, morbus insecutæ mortis prodromus detinuit. Sed ante tamen alia nonnulla ad præsens negotium perficiendum facientia in chartam conjecerat, quæ nunc sequuntur. *Orationem nempe peccatoris, cum illa petat, quæ ad vitam æternam consequendam necessaria sunt, semper exaudiri, sicque in peccatoris potestate esse, etiam gratiam illam efficacissimam & triumphatricem orando impetrare*, uberius probat. Gratia vero hujus ipsius energiam in antecessum laudat, cumque vel rebus artificialibus, qualis v. g. sit Musica, humanus capi

& verti in quamcunque partem queat animus, multo magis victri-
cem Dei gratiam vim suam exerturam colligit; præsertim, cum De-
us ad mutandam hominis voluntatem nulla qualitate ipsi voluntati
inhærente eamque determinante opus habeat, sed solo nutu suo
totum istud perficiat. Huic vero gratiæ impetrandæ non aliud
medium magis inservire, quam orationem, post dicta exemplaque
Scripturæ magnam precum vim affatim demonstrantia, hac etiam
ratione convictum dat, quod indignum sit divina infinitaque ele-
mentia, creaturam & filium protectionem auxiliumque ejus implo-
rantem repellere. Nec obstarè, quod peccator veniam haud me-
reri dicendus sit: præterquam enim quod is jam dignus aliqua ra-
tione videatur, dum cupiat & allaboret contra naturæ suæ impe-
tum peccato obsistere, quæ voluntas sine gratia Dei esse non possit;
illud insuper observandum monet, orationis efficaciam & virtutem
impetrandi non merito & dignitate postulantis niti, sed Dei miseri-
cordia Christi que infinitis meritis. Cæterum Scripturam asseren-
tem, Deum contumacium peccatorum preces non audire, in eo casu
in peccatum verti, respicere ad peccatores, qui vel pergant pecca-
re, nullamque voluntatem emendationis habeant, vel qui non pro
culpa peccatoque deinceps cavendo Deum rogent, sed tantum pro
temporali præna evitanda, vel qui non pro se sed pro aliis oratio-
ne sua quidpiam impetrare annitantur.

Hunc discursum regulæ tres asceticæ circa negotium præde-
stinationis probe tenendæ excipiunt, quarum *prima* de iis cogitan-
dis & faciendis sollicitum esse præcipit, quæ Deus mandarit, qui-
busque observatis nemo unquam perierit; de iis vero, quæ Deus
ne sciri quidem a nobis voluerit, quale sit mysterium prædestina-
tionis, anxio esse vetat. *Secunda* in negotio salutis ita conatum &
industriam propriam quemvis adhibere jubet, ac si nihil is a gra-
tia expectaret; vicissim autem in solam Dei gratiam spem ita col-
locare, ac si nihil industria sua efficere valeret. Ut totam spem
suam in Deum pii reponant, nec minori fiducia vitam æternam abs
illo expectent, quam si hæc unice a voluntate arbitrioque proprio
penderet, regula *tertia*, eaque fusius ac antecedentes duæ dedu-
cta, requirit.

Abolutis & his, ad caput ultimum, quod supra memoravi-
mus,

mus, se confert Auctor, & in negotio prædestinationis inscrutabilia quædam occurrere, ex dictis quibusdam Scripturæ, v. g. Eccl. VIII, 17. Rom. XI, 33. 34. 1. Cor. XIII, 12. colligit, Patrumque, Tertulliani, Salviani, Augustini, Gregorii, Bernardi & Hilarii suffragia in ultorius subsidium advocat. Non tamen ideo falsitatis ea accusari posse, manifesto apparere statuit exin, quod multa deprehendantur in rerum etiam natura, quæ, licet vera sint, occultas tamen & impenetrabiles causas habeant; id quod exemplis non unis declarat. Tandem vero, si quis pertinaciter exquirere causam prædestinationis non omiserit, clariorem magisque invictam dari posse negat ea, quæ a divina voluntate desumatur, adeo, ut quivis in hoc dictorio Salviani acquiescat: *satis mihi sit pro universis rationibus auctor & ordinator Deus.* Ac sane voluntatem divinam demonstrationis certissimæ in hoc negotio vicem sustinere, multo cum verborum apparatu innuit. Inter alia vero & requisita demonstrationis ab Aristotele tradita in hanc ipsam convenientissime quadrare asserit. Si namque omnem demonstrationem constare oporteat ex prioribus, nihil facile notius, quam Deum esse justum atque sanctum; & ex necessariis, nihil adeo necessarium, quam in eum, qui summe justus summeque bonus sit, injustum malumque cadere non posse; si denique demonstratio ex causis conclusionis debeat constare, voluntatem divinam omnes causas complecti, quæ sola omnis boni rectique causa efficiens, exemplaris, finalis, formalis & subjectiva nuncupari mereatur.

ELEMENTA PHILOSOPHIÆ PRACTICÆ, IN USUM PRÆlectionum Publicarum edita a JOH. FRANCISCO BUDDEO, SS. Theol. Lic. & Phil. Mor. ac Civ. P.P.O.

Halæ Magdeburgicæ apud J. F. Zeidlerum, 1697. in 8. Alph. 2.

PRÆcticæ, ut vocant. Philosophiæ partes ita pertractandas sibi Auctor clarissimus sumpsit, ut nec recentiorum negligeret placita, nec veterum decreta fastidiret aut insuper haberet. Idque ea ratione executus est, ut disciplinas, quæ sub hoc nomine continentur, velut per summam quandam, indicatis præcipuis rerum momenti, exhiberet.

Primo itaque loco Ethicam sistit, quo quidem nomine illi venit ea Pars I. practicæ philosophiæ pars, quæ de summa hominis felicitate præcipit, viamque ad eam parandam pandit. Hanc ut rite investigaret,

detegeretque, postquam hominem, qua corpus, qua mentem paucis consideravit, morbos mentis, præcipue voluntatis edisserit, eorumque fontem, ex quo omnia etiam vitia promanent, amorem sui ipsius pravum, quem Græci *Φιλαυτία*, sumpta voce in malam partem, appellant, esse contendit: hinc sanitatem mentis, præsertim voluntatis considerat, eamque in amore Numinis positam autumat, qui ipse etiam ex ejus sententia summam hominis felicitatem absolvit, ita ut Numen ipsum pro summo mortalium bono omnino sit habendum. Exponit etiam signa, ex quibus hominum mores propensionesque, adeoque & voluntatis morbi cognosci possunt, & tandem remedia, quibus mentis morbi pelli, sanitasque recuperari, & homo adeo ad veram felicitatem pervenire possit, proponit. Sed hæc ipsa remedia, quantumvis a præstantissimis Philosophorum approbata, non tamen tanta pollere vi fatetur, ut sanitati hominem reddant; interim hic mortalibus occasionem subministrari, altam viam, quæ ad felicitatem veram ducat, quærendi, quæ nimirum omnium optime in Divinis literis ostendatur. Atque hunc esse solidum & longe præstantissimum moralis philosophiæ fructum, ut ita ad revelationem nos manuducat, inde concludit.

Pars II.

Ab Ethica Jurisprudentiam naturalem ita discernit, ut hanc de actionibus ad legem naturæ componeendis præcipere dicat; interim cum illa hanc omnino connectendam, quod nemo, nisi qui ex Ethicæ præscripto suos rite emendarit mores, actiones suas ad hanc componere normam valeat. Actionum itaque humanarum principii, & norma, & affectionibus, præsertim illis, quæ ex earum ad legem relatione fluunt, explicatis, de lege naturali ejusque primo principio, & pœna præcipue juris naturalis disserit. Et ad principium quidem juris naturalis quod attinet, officia hominis erga alios ex societate rite derivari fatetur; falli autem, qui officia hominis erga Deum aut erga seipsum exinde deducere velint. Quibus hunc in modum præmissis, ad ipsa officia progreditur, & eorum quidem, quæ homo erga Deum præstare teneretur, summam hoc effato, *Deum cole*, effert. Cultum autem omnem Numinis amore ejus absolvi putat; hinc enim ceteras cultus Divini partes commode derivari posse. Officia hominis erga seipsum in hocce principio, *temperanter vive*, contineri censet. Quo ipso ordinatum usum eorum omnium, quibus homo ad sui conservationem indi-

indi-

indiget, designat. Tandem officia hominis erga alios ex hocce ef-
fato, *socialiter vive*, sua sponte fluere sibi persuadet, idque prolixius
de officiis erga alios absolutis pariter ac hypotheticis, ut in scholis
Philosophorum vocari solent, sive perfectam sive imperfectam ob-
ligationem habeant, ut & iis, quæ ex certo statu resultant, ut con-
jugum, dominorum, & servorum, imperantium & subjectorum,
ex instituto præcipiendo edisserit. Subjicit etiam nonnulla de de-
coro, ejusque ab honesto discrimen indicat, & regulas generales,
speciales & specialissimas affert.

Licet autem fateatur, a jure naturæ non differre jus gen- Pars III.
tium, sed ad easdem leges mox singulorum hominum, mox inte-
grarum gentium actiones componi posse, ut de earum honestate,
pronunciatur: placuit tamen illi Jurisprudentiam gentium seorsim
tradere, quod in ipsa legum naturalium ad gentium actiones appli-
catione quædam observatu digna occurrant. Primo itaque de
officiis gentium, quæ tempore pacis erga se invicem præstare tenen-
tur, disserit, eaque in absoluta & hypothetica dispescit, ad priora
etiam quæ circa fœdera & legatos observari debent, referens. Sed
ab utrisque rursus discernit, quæ obligationem imperfectam ha-
bent; quæ occasione de transitu mercium & hominum, vestigali-
bus, & id genus argumentis agit, & de jure sepulturæ etiam non-
nulla subnectit. Ad belligerantium autem officia delatus, de causis
belli, de variis belli speciebus, de iis quæ bellum antecedunt, co-
mittantur & consequuntur, de illorum qui in bello medii sunt, &
belligerantium erga eos officiis, & denique de pactis bellicis, ut
& de pace præcipit.

Sequitur hinc quarta practicæ philosophiæ pars, quam politi- Pars IV.
cam, sive prudentiam civilem vocat. Docet actiones hominis du-
pliciter considerari posse, vel prout ad legem componendæ sunt,
& ita circa eas occupari jurisprudentiam: vel prout ad nostram
statusque nostri conservationem dirigendæ sunt, & ita eas pertinere
ad eam disciplinam, quæ prudentia status appellitari possit. Hu-
jus prudentiæ status tot posse genera constitui, quot fere status
sunt, qui homines circumstant. Cum vero de singulis præcipere
rem infiniti laboris putet, de præcipuis tamen, prudentia scilicet
status æconomici, & status civilis, aliquid commentari operæ præ-
mium

tium duxit. Sed æconomici status prudentiam paucis delibat, de fine, deque hominibus ad tractandam rite rem familiarem aptis, deque mediis nonnulla monendo. Prolixior est in delineanda prudentia status civilis. Hanc sibi politicam vocari ait, ita tamen, ut hac voce non tantum rationem statum civitatis, tum in genere, tum speciatim monarchicæ, aristocraticæ, & democraticæ, sed & ipsorum imperantium, ut & ministrorum conservandi denotet. Hinc porro de fine reipublicæ, hominibusque per quos aut obtineri aut impediri possit, exponit, & media allaturus, de prudentia status circa leges, judicia, pœnas, præmia, ministros & magistratus inferiores, æraria, tributa, vectigalia, commercia, rem monetariam, religionem, fœdera, legatos, bellum, pacem, per plura capita differt. Quibus ita expeditis, in specie prudentiam statum civitatis monarchicæ, aristocraticæ & democraticæ, & in singulis seorsim imperantium, denique & ministrorum, ac præsertim aulicorum, conservandi, ordine eò, quem ipse sibi præscripsit, exhibet. In ultima denique parte exemplo a se tradita confirmaturus, quo pacto tum prudentiæ civilis, tum jurisprudentiæ naturalis præcepta ad Imperium Romano-Germanicum applicari possint, breviter demonstrat.

Pars V.

LIBRI NOVI.

Joannis Munnichs de Re Anatomica Liber, Trajecti ad Rbenum apud Ant. Schouten, 1697. 8.

C. Julii Cæsaris quæ extant, cum notis & animadversionibus Dionysii Vossii, ut & qui vocatur Julius Cæsius de vita & rebus gestis C. Julii Cæsaris. Ex Museo Jo. Georgii Gravii. Amstelod. sumptibus Societatis, 1697. 8.

C. Suetonius Tranquillus ex recensione Jo. Georgii Gravii, cum ejusdem Animadversionibus & Nummis Cæsarium rarioribus arte descriptis. Amstelad. apud Henr. Westenium, 1697. 12.

Justification de la Doctrine du Sieur Elie Saurin contre deux libelles de Mr. Jurieu. A Utrecht, chez Antoine Schouten, 1697. 8.

Les Delices de la Hollande. Ouvrage nouveau sur le plan de l'ancien. A Amsterdam chez Henri Westlein, 1697. 12.

Prodiit non ita pridem Tomi III. Supplementorum Sectio secunda.

* * *

ACTA ERUDITORUM

Publicata Lipsia

Calendis Julii, Anno M DC XCVII.

BIBLIOTHECÆ HISPANÆ VETERIS TOMUS II, COMPLE-

dens Scriptores omnes, qui ab anno M usque ad annum MD

floruerunt. Auctore D. NICOLAO ANTONIO,

HISPALENSI J. C. Ordinis S. Jacobi

Equite &c.

Romæ ex typogr. Ant. de Rubeis, 1696. fol. Alphab. 4.

Complectebatur, quem superiori mense recensuimus, Tomus I Bibliothecæ hujus Hispanæ Veteris Scriptores eos, qui prioribus X ab Augusti Cæsaris imperio seculis litterarum laudibus inter Hispanos floruerunt. Quinque itaque sequentium seculorum Viros eruditione & scriptis claros præfens Volumen nobis exhibet; quod *Veteris Bibliothecæ Hispanæ* titulo insignitum, pariter ac prius, eminentissimo editori Cardinali D' Aguirre placuit in lucem emittere, respectu non tam ad præcedens, quam ad sequentia duo volumina, Scriptores, qui ab initio seculi XVI usque ad annum LXX seculi XVII elaruerunt, complexa habito. Methodum in hoc volumine observatam quod attinet, eadem prorsus cum illa est, qua prius dispositum conspectum nostrum subiit. Nihil proinde superest, quam ut nunc quoque insigniora quædam speciminis loco oculis Lectorum subijciamus.

In ipso itaque limine partis hujus posterioris Hispanæ Bibliothecæ primo statim loco se nobis offert *Sampirus*, Asturicensis Episcopus, quem *Sancium Petri*, sive *Sancium Pirez* a recentioribus nonnullis appellari Antonius monet. Chronicon eum scripsisse, satis inter eruditos notum est; limites autem & ambitum illius ex Pelagio Ovetensi desinit, qui eum ab *Adephonso Casto* initio facto
Pp ad

p. 2.

ad *Veremundum* usque Regem podagricum processisse dicit. Cuius standum testimonio, tribuendum Noſter exiſtimat *Sampiro* poſtremam partem Chronici *Sebaſtiano Salmanticenſi* vulgo adſcripti, quo res a *Ranimiro I Alphonſi Caſti* ſucceſſore, & *Ordonio I* filio ejus geſtæ continentur. In editione enim, quæ unica hætenus proſtat horum Chronicorum, a *Sandovalio* curata, adeo obſcurum eſſe in *Sebaſtiani* Chronico obſervat, quænam ejus verba, quænam *Pelagii Ovetenſis* additiones vel alterius etiam ſint, ut plane deferendum eſſe cenſeat ipſi *Pelagio* inter *Sebaſtiani* & *Sampiri* hiſtorias limites præſcribenti. Atque interea Hiſpanarum antiquitatum promos condos hortatur, ut lacera iſta Chronica ex manuſcriptis codicibus, quorum diverſos *Ambroſium Morelem* viſiſſe conſtet, in integrum reſtituere aliquando conentur, utpote quæ adeo inter ſe confuſa ſint, ut duobus tribusve autoribus eadem reſſe accepta feratur, cum tamen non eorundem, ſed exipientium ſeſe invicem temporum geſta perſecuta illa fuerint. Quam rem multo adhuc prolixius paulo inferius, de *Pelagio Ovetenſi* ex inſtituto agens, perſequitur, ubi Chronica illa, prout a *Sandovalio* edita ſunt, cum codicibus, quibus *Ambroſius Morales* in *Hiſpana Hiſtoria* uſus fuit, contendit, atque turpiſſimæ confuſionis varia ſpecimina dat.

P. 4. De *Avicena* quoque prolixè agendum ſibi eſſe duxit, non quod communi fere Hiſpanorum Scriptorum errore, qui Hiſpaniæ eum vindicare anniſi fuerunt, ipſe quoque ſe paſſus fuerit abripi: ſed quod eorum ſigmenta hac occaſione explodenda, atque nonnulla notatu digna de eo obſervanda eſſe exiſtimaverit. Teſtes itaque de patria *Avicena* omni exceptione majores, tum ejus diſcipulum *Sorſanum*, tum ipſum *Avicenam* apud *Abulſanijum* eſſe docet, nullumque adeo dubium eſſe putat, quin in *Aphſhanenſi* vico prope *Bocharam*, Perſiæ oppidum, natus fuerit. Imo ex eodem *Abulſanjo* luculente evinci poſſe contendit, non Hiſpanum tantum eum haud fuiſſe, ſed ne unquam quidem ad Hiſpaniæ oras fuiſſe delatum; quam ſententiam, priori errore rejecto, *Garibajus* fuerat amplexus. Univerſam autem de Hiſpana ejus origine fabulam natam eſſe cenſet ex alia fabula, quam *Iſidori Hiſpalenſis* robus temere immiſtam, *Lucas Tudenſis* Chronico ſuo, tanquam ab *Ildephoſo* acceptam, inſeruit. Narrat enim libros quosdam de naturis rerum & arte me-

dicina,

dicina, nec non de arte notoria, quos pater Isidorus facundo stylo composuerat, & qui ne dum ad publicum venerant, in odium fidei corrupisse Theodisclum, reserantem vera & inserentem falsa, atque per quendam Arabem, nomine Avicenam, de Latino in Arabicum, transfussisse. Frustra igitur & Cordubenses, qui Corducna, quod nomen Persici cujusdam est tractus, abusi nomine eum sibi vindicant: & Arragonenses qui Avicannam, cum Valentiniis, qui Abicenam, patris suae castra vel oppida, pro Avicena natali solo venditant: & Ebusi sive Ibiza insulae incolae, qui nominis iidem vana similitudine subnixi, apud se natum eum esse nugantur, laborare evincit. Eos etiam castigat, qui cognomine Alrajits, quo Arabes eum honorare, seducti, Regem eum fuisse sunt opinati; cum tamen nomen illud ad ejus in litteris excellentiam tantum pertinere, dudum Leo Africanus docuerit: ut fumos adeo nugasque vendant Didacus Lopezius, qui Cordubae, Jo. Bapt. Montanus, qui Aegypti, & Marinus Siculus, qui Bithyniae Regem eum fuisse somniarunt. Antequam autem ab Avicena ad alios procedat, id quod in eo pessimo jure Hispanis desertur, in ejus interprete praecipuo maxima injuria iis auferri observat, dum nimirum Gerardus Cremonensis perperam appelleretur, qui a Carmona Hispaniae Beticae celebri urbe Carmonensis erat appellandus; quam veram ejus patriam fuisse, inferius in Bibliotheca incertae aetatis Scriptorum ivit assertum. Ubi simul Joh. Antonii vander Linden observat errorem, qui eo seductus, quod Gerhardus Cremonae natus, Toleti vixerit atque docuerit, duos Gerbardos, Cremonensem alterum, alterum Toletanum exsculpere ausus fuerit. Id adhuc de Avicena ex Antonio hic adducere liceat, exstare opera ejus Arabica MSS. in Bibliothecis Ecclesiae Toletanae octo voluminibus, Hebraice autem versa quatuor voluminibus Romae apud PP. Societatis Collegii S. Ignatii. Nomen denique ejus verum fuisse Elbussein, Albazen-Sem; vulgari vero appellatione dictum, eum esse Abu-bali Elbussein Abdalla Ibnu-sina, a qua ultima sive avi, sive familiae appellatione, corrupte pronunciari coepum fuerit vel Aben-Sina, quo nomine Reuchlinus eum appellet, vel Avicena, quo apud omnes alios nostro aeo innotuit. Inter duodecimum

p. 6.

p. 26.

p. 6.

p. 16.

transtulisse, constare ait ex codice quodam MS. qui apud Marsilium Ficinum fuit. Vidisse codicem illum dicit *Martinum Siruelam*, versionem Latinam Alcorani exhibentem, cui subnexa sequentia verba fuerint: *Illustri Viro Petro Cluniacensi Abbate precipiente sum Angligena Robertus Ketenensis librum istum transtulit anno C.1143 &c.* quæ statim exceperint ista: *Hunc librum fecit Dominus Petrus Cluniacensis Abbas transferri de Arabico in Latinum a Petro Magistro Toletano, cum esset ipse Abbas in Hispaniâ constitutus, cum glorioso Adephonso, eo anno quo gloriosus Imperator Coriam civitatem fecit.* Quamvis autem verba ista suspicionem fecerint Siruelæ, fuisse olim cum versione Alcorani Roberti Ketenensis compactum in eodem codice aliquod aliud opus, quod ex Arabica in Latinam linguam conversum fuerit a *Petro Toletano*, ejusdem Petri Cluniacensis jussu, ad quod referri postrema verba debeant: Antonii tamen sententia est, duos forsitan interpretes Cluniacensem Abbatē admovisse operi, quod quam fieri poterat accuratissime translatum cupiebat: unde & Jos. Scaliger *Petri* illius inter Alcorani interpretes mentionem alicubi faciat, ab aliis omnibus, qui Alcorani versiones recensent, prætermis-

- p. 18. si. Eodem cum *Petro* illo seculo vixit etiam *Ordonius*, monasterii Cellæ novæ in Gallæcia monachus, qui vitam *Rodesindæ* Episcopi scripsit: quam etiam paulo post concinnavit *Stephanus*, ejusdem monasterii monachus. Unde in mentem Sandio olim, cum animadversiones ad Vossium de Historicis Latinis scriberet, venit, alium ab *Ordonio Stephanum* istum non esse; quam tamen ejus conjecturam
- p. 19. falsissimam esse Antonius ostendit. De *Aulo Halo*, qui poeticis studiis apud Burdigalenses hoc seculo effloruit, prolixè etiam agit. Atque imprimis observat, *Carmen de adventu Jacobi Apostoli in Hispanias*, quod sub ejus nomine Matrili A. 1648 *Joan. Tamajus* publicavit, spurium opus esse, quod *Tamajus*, qui non contentus ab *Higuera* & aliis factos fumos quavis data occasione lectoribus suis ingerere, ipse quoque famam suam turpissimis fraudibus contaminare haud fuerit veritus, pessima fide ei supposuerit. Cumque *Tamajus* elegantiorum litterarum parum peritus, carminique pangendo valde ineptus esset, unde & hoc *Aulo Halo* suppositum opus barbaras passim redolere sordes deprehendatur; operam tamen dedisse a Nostris observatur, ut ne omnis leporis expers in publicum illud prodiret.

diret. Quod ut consequeretur, barbaros versus suos ex Poetæ valde elegantis, *Alvari Gomezii de Civitate Regali* carmine, quod *Tali-Christiani* inscripsit, passim eum interpolasse ostendit. Quam fraudem, plane ineptam, deprehensurum neminem esse, eo facilius sibi hominem stolidum passum esse persuaderi ait, quod semel tantum, Compluti nimirum anno 1522, impressum illud *Gomezii* carmen, in paucissimorum manibus versaretur. Verum tamen aliquem *Halonem Grammaticum* seculo XII existisse observat, ejusque Epigrammata nonnulla ex manuscriptis repræsentat. Ad *Julianum Petri, Archipresbyterum S. Justæ* apud Toletanos deveniens, merces quas sub nomine ejus, tanquam e Bibliotheca Olivariensi acceptas, Parisiis anno 1628 *Laurentius Ramirezius* publicavit, *Chronicon* inquam, *Adversaria*, *Descriptionem Eremiticorum Hispanorum*, & *Variorum Carminum collectionem*, omnes a *Hieron. Romani Higuera* manibus eum accepisse, tum ex ipsius *Ramirezii* dedicatoria epistola, tum ex literis quibusdam *D. Petri de Sandoval* ad *Laurentium Coccum*, evincit. Imo ipsum *Higueram* primam inventionem *Juliani* sibi tribuere, ex ejus Historia Toletana manuscripta edocet. Attamen observat, iis verbis Chronici *Juliani* eum ibi meminisse, quæ potius brevem aliquem Toletanorum Episcoporum Catalogum, quam illud opus, quod Chronicon *Juliani* hodie audit, apta sint denotare. Imo meminisse eum dicit fragmentorum Chronici *Juliani*, sed tanquam plane deperditi, & in eam rem verba *Higuera* addueit, atque adeo proprio testimonio suo viam sibi obstruxisse *Higueram*, notat, quicquam e *Juliani* operibus, quæ deperdita asserat omnia, commendandi. Atque adeo colligit, ex *Higuera* penu & observationibus, catalogum brevem Toletanorum Præfulum in Chronicon, omni ex parte perfectum excrevissè. Utque ea de re cuiquam eo minus dubitare liceat, duodeviginti loca indicat, e quibus facillime fraudis *Juliani* Chronicon & *Adversaria* revinci queant. Imo ullum omnino *Julianum Archipresbyterum Toletanum* seculo XII, quo vixisse fingitur, extitisse negat. Inter seculi XIII Scriptores de *Roderico Ximenez* agens, Chronicon suum *Ferdinando Castellæ Regi* eum nuncupasse notat. In ista autem dedicatoria epistola id præ ceteris notatu dignum esse putat, quod *Dionus, Gorbica Historie* scriptoris, mentio in illa occurrat. Quem Historicum a nemine

p. 23.

p. 24.

p. 25.

p. 29.

p. 36.



- alio, si Jorandem excipias, qui Græca eum lingua scripsisse addit, commemoratur, Historicis Græcis a Vossio celebratis adjiciendum esse monet. Ipsum autem *Rodericum* quod attinet, valde sollicitus est in asserendis ei contra *Ambrosium Monalem*, *Jo. Vasaum* & alios, gentium barbararum Chronicis, quæ studiose proinde sub examen revocat. Circa medium hujus seculi floruisse apud Valentinum celebrem Poetam observat, quem *Mossen Jordi* sua lingua illi appellant (*Dominum Georgium* Latine diceret.) Hunc in haud paucis imitatum esse Italorum Apollinem Petrarcham, post *Gasparem Escolanum* animadvertit, productis eam in rem elegantissimis quibusdam exemplis. *Alphonso X*, cui *Sapientis* cognomen grata posteritas dedit, scripta studiose admodum recenset. Prolixe autem imprimis agit de *Tabulis Astronomicis* ejus auspiciis confectis. De quibus postquâ *Christmanni*, *Ricci*, *Luca Gaurici*, *Jos. Blancani*, *Jo. B. Riccioli*, & *Ism. Bullialdi* traditiones recensuisset; subjungit denique etiam id, quod ipse *Alphonso* in quodam codice harum Tabularum scriptum de iis reliquisse dicitur. Fuit ille codex in manibus *Johannis de Herrera Bustamantis* celebris Philippi II architecti, quem vidit *Romanus de la Higuera*, atque ex eo confectarum tabularum istarum historiam Toletanæ suæ Historiæ MSæ iis verbis inseruit, quæ hic quoque non invitis Lectoribus comparitura esse confidimus, præcipue cum rem plane aliter, quam ab aliis omnibus enarrata fuit, exponant. *Jussit*, inquit, *Alphonso*, *Toletum* ut convenirent, *Aben-Raghel* & *Alquibitium*, quos præceptores suos [in codice scilicet, ex quo ista *Higuera* habet] appellat, *Toletanos*; *Aben-Musium* & *Mabomad*, *Hispalenses*; *Joseph Aben-Hali*, & *Jacobum Ab-Vena Cordubenses*, pluresque alios ad quinquaginta & ultra e *Guaesconia* & *Parisiis* ingentibus expensis convocatos; hæcque curam imposuit vertendi *Ptolemai Quadripartitum*, & colligendi libros *Mentesanis* & *Algazeli*. Præsertim autem huic rei incubuit *Samuel* & *Jehuda Elconbeso*, quem *Alfaqui Toletanum* vocat. Et hi in palatio, quod extra *Toletum* a *Galiana Regina* appellationem habet, congregati, quibus ipse *Alphonso*, eo autem absente, *Aben-Raghelus* & *Alquibitium* præerant, examinandis firmamenti atque stellarum motibus ab anno 1258 usque ad annum 1262 attentissime ac perpetuo vacarunt, tandemque *Tabulam*, de quibus loquimur, confecerunt. Quo absoluto negotio Rex omnes,

fve

sive pecunia, sive exemptionibus tributa solvendi donatos, alacres dimisit. Id adhuc de *Alphonso isto Sapiente* ex Autore nostro non observare non possumus, quod *Historiam Generalem Hispania*, quæ vernaculo idiomate scripta, Zamoræ primum anno 1541, & postea Pinæ 1604. prodit, non ejus auspiciis, sed ab ipso confectam esse moneat: distinguendamque præterea eam non ab *Alphonso XI* tantum Historia esse doceat, sed & ab alia *Alphonso Sapientia Historia Magna & Generali*, quæ ab ipsius mundi initio exordium capiat, ejusque primum volumen nihil aliud quam fusiorem rerum in Pentateucho contentarum expositionem continens, in Cortesiana Bibliotheca existat: ex qua prologum ejus & initium primi capituli Bibliothecæ huic Antonius inseruit. Et ad hunc Commentarium *Alphonsum* respexisse censet, cum in testamento suo præter Biblias tribus tomis, tria alia Bibliorum Historiæ volumina se relinquere dicit. Imo cum tradant nonnulli, S. Litteras in linguam vernaculam *Alphonsum* hunc transferri curasse, quod *Joannem Marianum* affirmare observat; non ad versionem proprie sic dictam, qualis nuppiam appareat, sed ad istam paraphrasin referendum id esse persuasum habet, utut alteri sententiæ paulo ante allegatae testamenti *Alphonso* verba favere videantur. De *Pontio Carbonello* ejusque Catenæ in universa Biblia agens, controversiæ meminit de Catenæ in IV Evangelia *Thomæ Aquinatis* adscripta, quam *Carbonelli* esse *P. Alva & Astorga* contendunt, renitentibus *Tb. Harney & Vincentio Baronis*, quorum partes ipse quoque tuendas suscepit. Decimo quarto seculo floruit *Arnaldus Villanovanus*, quem contra *Jo. Villanum*, *S. Antoninum*, *Paulum Langium*, *P. Colomesium* & alios qui Gallis eum vindicant, *Durandus de S. Portiano*, *Bernardus de Luzemburgo*, *Nicolai Eymerici*, *Pici Mirandulani* & aliorum suffragiis, Hispanis suis ivit assertum. Quod variis argumentis, qualia sunt quod nullum oppidum *Villanova* nomine insigne in Gallia, quamplurimæ autem in Hispania extent: quod Jacobo II Arragoniæ Regi librum suum de Regimine sanitatis dedicaverit, aliisque compluribus deinceps confirmavit. Circa annum MCCCX Parisiis eum de extremi *judicii die* libellum scripsisse narrat, in quo astrologicis argumentis probare annis fuerit, anno 1376 judicium illud celebrandum esse. Metu tamen inquisitionis ob itum libellum in Siciliam fugere coactum

p. 57.

p. 63.

p. 74.

p. 75.

etum

- ctum, deinde a Frederico Rege ad Clementem V Summum Pontificem missum, diem suum in mari cum obiisse ait. Ut falsus adeo sit Colomesius aliqui qui eum anno 1300 natum, denatum anno 1340 affirmant. Quæ de ejus in religione erroribus ab *Eymerico* aliisque disputata fuerunt, prolixum nimis esset hoc loco repetere, pariter ac ea, quæ ut defendant eum, alii afferre solent. Sane rerum futurarum superstitiosum nimis eum fuisse indagatorem, & ea quæ de Anti-Christi adventu somniavit, revelationum quarundam fidei superstruxisse, ex libro ejus *de mysterio cymbalorum* dudum Picus Mirandulanus observavit. Idem autem qui *Arnaldi* errores impugnavit *Eymericus*, *Raym. Lullii* acerbissimus quoque fuit insectator, in quo impugnando quibus artibus usus fuerit, postquam scriptores vitæ Lullianæ recensuisset, fuse exponit Noster. Qui deinde non minori diligentia defensores quoque Lullii recenset, summamque eorum, quæ ei objecta fuerunt, exponit. Accuratissime autem in libris recensendis versatur, atque CCCXL voluminibus, quorum notitiam *Proaza* & *Wadingo* debemus, XL alia addit in variis locis a se reperta. Ut nihil dicamus de viginti & uno voluminibus, quorum e *Carolo Bovillo* mentionem facit, & quorum nonnulla eadem esse cum iis, quæ *Proaza* & *Wadingus* memorant, ipsemet suspicatur.
- p. 96. Eos denique etiam, qui commentariis suis illustrare *Lullii* philosophiam conati fuere, recenset, quorum plus quam viginti in arenam producit. In decimo quinto seculo inter alios de *Petro de Luna* sive *Benedicto XIII* Anti-Papa agit, quem *Ludovici Pansani* cœvi Historici testimonio subnixus, veneno perussisse statuit, quod inter secundas mensas *Thomas Monachus*, quo familiariter urebatur, ei apposuerat. De *Raymundi Sebundi* libello de veritate Religionis Christianæ loquens, *Hugonis Grotii* mentionem faciendi occasionem nanciscitur, quem Ecclesiæ suæ jugalem sub vitæ exitum fuisse, audacter affirmare non veretur. Ast quo jure Romanæ Ecclesiæ summum illum Virum vindicent sive ex Pontificiis admiratores, sive ex Protestantibus adversarii ejus, dudum accurate ostendit præclarus ejus defensor H. Hammondus, qui gemino scripto tomo II operum ejus inserto, masculæ accusationem illam a Grotii capite depulit. De *Alphonso Tostato*, quem *Alphonsum Abulensem*, & *Alphonsum de Madrigal* etiam appellari notum est, obser-
- p. 138. Luna sive Benedicto XIII Anti-Papa agit, quem Ludovici Pansani cœvi Historici testimonio subnixus, veneno perussisse statuit, quod inter secundas mensas Thomas Monachus, quo familiariter urebatur, ei apposuerat. De Raymundi Sebundi libello de veritate Religionis Christianæ loquens, Hugonis Grotii mentionem faciendi occasionem nanciscitur, quem Ecclesiæ suæ jugalem sub vitæ exitum fuisse, audacter affirmare non veretur. Ast quo jure Romanæ Ecclesiæ summum illum Virum vindicent sive ex Pontificiis admiratores, sive ex Protestantibus adversarii ejus, dudum accurate ostendit præclarus ejus defensor H. Hammondus, qui gemino scripto tomo II operum ejus inserto, masculæ accusationem illam a Grotii capite depulit. De Alphonso Tostato, quem Alphonsum Abulensem, & Alphonsum de Madrigal etiam appellari notum est, obser-
- p. 141. ei apposuerat. De Raymundi Sebundi libello de veritate Religionis Christianæ loquens, Hugonis Grotii mentionem faciendi occasionem nanciscitur, quem Ecclesiæ suæ jugalem sub vitæ exitum fuisse, audacter affirmare non veretur. Ast quo jure Romanæ Ecclesiæ summum illum Virum vindicent sive ex Pontificiis admiratores, sive ex Protestantibus adversarii ejus, dudum accurate ostendit præclarus ejus defensor H. Hammondus, qui gemino scripto tomo II operum ejus inserto, masculæ accusationem illam a Grotii capite depulit. De Alphonso Tostato, quem Alphonsum Abulensem, & Alphonsum de Madrigal etiam appellari notum est, obser-
- p. 169. lam a Grotii capite depulit. De Alphonso Tostato, quem Alphonsum Abulensem, & Alphonsum de Madrigal etiam appellari notum est, obser-

obser-

observari merentur, quæ summam memoriæ ejus felicitatem prædicans affert. Narrat inter alia, Bononiæ librum ei perlegendum datum fuisse, quem tamen ut describere ipsi liceret, impetrare non potuerit: eum proinde semel & iterum lectum ab eo domum reverso ex memoriâ chartæ mandatum fuisse. Nec minorem memoria solertiam industriamque ejus fuisse dicit: cum annorum LV, quos vixit, spatio, tot scripta exaraverit, ut si demas pueritiæ annos, libris scribendis minime idoneos, quotidie sex expansæ chartæ folia eum scripsisse oportuerit. In conservatis autem libris ejus, p. 171. parum abest quin miraculum agnoscat. Cum enim manuscripta illius, ut nova & locuples magis operum ejus editio pararetur, circa annum 1525 in Italiam adveherentur, navi tempestate pessundata, omnibusque mercibus reliquis submersis, solam cistam, in qua illa asservabantur, incolumem insequenti die in litus ejectam fuisse, Romæ a sedecim testibus apud Auditorem Cameræ affirmatum dicit. Liceat autem e scriptis ejus commemorare hoc loco speciatim *Commentarios in Eusebii Chronicon*, qui vernaculo idiomate quinque voluminibus in folio prodierunt Salmanticæ anno 1506, cum ad omnium noticiam opus istud haud forsitan pervenerit. Ast sufficere, nisi fallimur, poterunt ista ex Bibliotheca quinque illorum seculorum specimina. Jam de Bibliotheca Arabico-Hispana, quam ei subjunxit, nonnulla etiam dicenda supersunt. Cujus uti ea dignitas & amplitudo, quæ superioris, non est, ita nos quoque in perlustrandâ ea non diu adeo morabimur. Alphabetico ea ordine disposita est, cumq; Arabicis litteris sese initiatum haud esse, ipsemet non dissimulet Antonius, abs re haud fore putavimus, si, quibus auxiliis ea ab illo instructa fuerit, observaverimus. Præter Hispanos itaque Historicos, *Sandovalium* imprimis atque *Escanum*, Catalogosque Bibliothecarum, *Escorialensis* maxime & *Lugduno-Batavæ*, *Leo Africanus* ab Hottingero editus multum ipsi in his tenebris lucis affudit. Passimque etiam ex *Bocharti*, *Hottingeri*, Mathematicorumque nonnullorum, *Riccioli* imprimis, scriptis suppetias petivisse videtur. Brevissimus in plerisque est, & raro admodum aliquid præter nomen & scripta de iis commemorat. Quamvis ubi plura ad noticiam ejus de aliquo pervenerant, ea invidere Lectoribus suis

- non soleat; cujus rei argumento esse potest prolixissime exposita.
- P. 240. *Averrois* vita, quemadmodum & *Geberi* historia, cujus a Cardano inter XVII summa ingenia repositi res parcenimis ab eo traditæ non fuerunt. Incerti denique temporis Scriptorum Bibliothecam, quæ Arabico-Hispanam excipit, alio quam alphabetico ordine concinnari non potuisse, nemo est qui non facile videat. Ex ea duos saltem Autores commemorare nunc placet, anonymos ambos, ambos Sacrarum Litterarum interpretes. Eorum alter, versionem Latinam vulgatam secutus, lingua Valentix regni vernacula eas expressisse dicitur a Cypriano Valera in præfatione, quam Hispanæ suæ versionis Amstelædami a. 1602 editæ præmisit: ubi etiam ante centum, & quod excurrit, annos in folio chartæ regię impressam, versionem illam produisse testatur. Alter, qui Hispano-Hebræus fuit, post Judæos ex Hispania relegatos, in Italia versionem quandam e fontibus Hebræis confecisse ab Antonio dicitur. Dedicationi illius versionis, quæ ad Herculem Estensem II, quartum Ferrariensium Ducem directæ est, subscripsisse nomina sua ait *Hieronymus de Vargas & Duadum Pinel*: quorum illum sumtus huic versioni impendisse, hunc *ἐργαδιώκτην* fuisse, ex verbis, quæ sub finem ejus comparent, manifestum est. Eam autem Ferrariæ A. 1553 in lucem primum editam, Amstelædami anno mundi MMMMMCCCXC reformatam, & postea anno mundi MMMMMCDXVI in domo Gillis Joost typis denuo exscriptam fuisse observat. Autorem vero ejus ante annum Christi 1500 floruisse, recte sibi colligere ex stylo posse videtur. Totum denique hoc opus fragmenta Pseudo-Chronicorum, ex Marchionis Estepani Bibliotheca edita concludunt. Quo fine autem illa hic adtexta fuerint, tum a nobis fuit indicatum, cum in prioris tomi recensione versaremur; ut adeo de iis nihil amplius nunc quidem addendum esse existimemus.

JOH. FRIDERICI MATERI D. CONSILIARII REGII ET
 Prof. Theol. de Fide Baronii & Bellarmini ipsi Pontificiis ambigua
Eclogæ.

Amstelædami apud Henr. Wetstenium, 1697. in 12. plag. 13.

Quo illustrius per universam, qua late patet, Ecclesiam Romanam nomen *Baronii* atque *Bellarmini* est, Cardinalium binorum

rum, qui uno eodemque tempore, diverso equidem scriptio-
 genere, sed uno tamen scopo, Curiam Pontificalem fultum magno
 molimine iuverunt, & quo majore strepitu illud a fidei Romanæ as-
 seclis nullo non tempore Protestantibus obverti solet: eo majus
 operæ pretium se facturum Auctor præsentis opusculi maxime re-
 verendus existimavit, si lubricam utriusque fidem domesticis te-
 stimoniis proderet, atque adeo demonstratum daret, haud vanos
 fuisse e Protestantibus, qui eam utrique Cardinalium objecerunt.
 Ne verò cupidine insectandi, aut præpostero partium adversarum
 studio abreptus, criminationes solum collegisse, prætermittis silen-
 tio laudibus, videretur; ab initio statim primæ Eclogæ, quæ de
 Baronio agit, non conatum egregium Cardinalis, non apparatus,
 non elogia suorum, nec adversariorum honesta de ipso judicium
 omittit, sed hæc omnia fuscè satis primo capite & sub initium se-
 cundi prosequitur, auctores etiam, qui de vita laudibusque Baro-
 nii amplius evolvi possint, magno numero recensens. Editiones
 inde varias, versiones, epitomas, continuationes Annalium Baro-
 nianorum eodem c. II. commemorat, inspersis haud raro, quæ
 non omnium notitiæ patuerunt. Tale est inter alia, quod de Ba-
 ronio ex Hieron. Vecchiotti, Florentini, qui se ob trinas in Ægyptum
 susceptas legationes ab Ægypto vocavit, in opere de Sacrorum
 Temporum Ratione Augustæ Vindel. A. 1621 edito commemorat:
 illum nempe non XII solum, qui extant, aut XIII, ut Saussayus in
 Continuatione Bellarmini de Scr. Eccl. refert, sed, quod mirere, to-
 tos XV Annalium tomos elaborasse, jamque absolutos tres ultimos
 reliquisse Congregationis Oratorii Patribus, a quibus, dubium quanti
 ob causam, suppressi sint: cui quidem rei tanto vehementius Vec-
 chietrus succenset, quanto certius suæ etiam legationis, Ægyptiacæ
 res XV tomolonga oratione descriptas, ex ipsiusmet Baronii, amici,
 ore didicerat.

Inter Baronii (quem male a nonnullis pro Jesuita haberi,
 eum Presbyter Oratorii fuerit, obiter notat) translationes, Germa-
 nicam Marci Fuggeri primam esse annotat, & primum illius tomi
 Ingolstadtii A. 1594 in fol. & 1595 in 4. prodiisse. Ut Polonice ver-
 teretur, curam A. 1592 gessisse memorat Stanislaus Carnovium,
 Regni Poloniæ Metropolitanum & Archiepiscopum Gnesnensem, id-

que negotii Collegio Jesuitarum a se fundato dedisse: nihil tamen illius versionis editum. Arabice primam & secundam Annalium partem Romæ A. 1653 Fr. Brietio Capuccino interprete prodisse. Italicam versionem Franc. Panicarolam Episcopum Astensem aggressum fuisse, primumq; Annalium totum, superflite adhuc Baronio transtulisse, sed ab hoc labore postea avocatum. Eum autem exantlassè nostris temporibus Cardinalem Nerlium, redditis Italice Baronii Annalibus, ex Jo. Ciampino refert. Inter continuatores Baronii uti Henr. Spondanum laudat, ita Abrah. Bzovii vitia, Rich. Montacutium & Joh. Georg. Herwartum secutus, non dissimulat. Nec eo felicius in continuandis Baronii Annalibus laborasse Congregationis Oratorii Presbyterum Odoricum Raynaldum putat, de cujus mala fide, & incondito calumniandi studio prolixum Joh. Claudii judicium exhibitum videas: additque ex Papebrochio, Raynaldo communi Sociorum Congregationis illius suffragio surrogatum *Leandrum de Colledo*, nostra ætate Cardinalem eminentissimum, a quo nihil tamen hæcenus datum fuerit. Quemadmodum vero nomen Annalium Baronianorum inde etiam haud parum crevit, quod Justus Calvinus atque Gaspar Scioppius eorum in primis lectione se ad fidem Romano-Catholicam conversos profiterentur: ita consultum Auctor celeberrimus duxit, inferre præsentii opusculo epistolas Scioppii duas eo in negotio scriptas, unam ad Baronem quendam Germanum, & alteram ad ipsummet Baronium eucharisticam, Romæ A. 1599 editas. Simul tamen ut appareret, quam candide scilicet assentatorum in morem votivas tabulas Scioppius hospitari Cardinali suspendere, re ipsa interim ipsimet ac doctrinæ ejus infensus; illam quoque hominis fraudulentæ epistolam producit, quam ad Fulgentium celebrem Minoritam Venerum Italica lingua scriptam primus Paulus Colomesius suis Observationibus Sacris insertam edidit, Noster autem in Latinum idioma conversam sub finem Eclogæ de Baronio adjecit.

Caput tertium hujus Eclogæ historiam adversariorum Baronii Proteistantium exponit, immixtis etiam una hyperaspistis. De Casaubono ubi agit, inter alia famam de affectu ejus erga Pontificios olim a Pet. Molinæo sparsam, a P. Jurio autem veluti renovatam ægre fert: eamque tum a Merico Casaubono in Pietate adversus

versus

versus Paterni nominis hostes, satis esse discussam non dubitat; tum amplius a clar. Almeloventio in Historia Casaubonorum (quam sibi privatim olim promissam publice nunc ab eodem rogat) absterfunt iri spem facit. Quod a Davide Blondello, qui confutando Baronio unus omnium maxime idoneus olim communi doctorum fere suffragio judicatus, publicisque stipendiis Amstelodamensium ad id conductus fuerat, nihil tamen præter stricturas leves e defuncti exemplari excerptas unquam prodierit, Auctor clarissimus dolo Jesuitarum adscribit: qui scilicet eo ipso tempore, quo hæc moliebatur Vir doctissimus, vindicandum stemma Regium Gallorum adversus Vindicias Chiffletianas, velut honoris ergo, publico nomine illi detulerint, revera nullo alio fine, quam ut a Baronio eum averterent. Cui conatui eventus etiam respondit. Paulo enim post emissum opus Anti-Chiffletianum, quod Blondellum per annos bene multos totum tenuit, oculorum lumine privatus cæcusque redditus, nihil amplius tentavit.

A Protestantibus Baronii adversariis ad Romano-Catholicos procedit in sequenti capite IV, & a Monachis initium faciens Carmelitas primo loco ponit, e quorum ordine M. Anton. Alegre de Casanate acriter in Baronium insurgentem profert: post illos prodeunt Benedictini, & ex Dominicis Franc. Combefsius & Natalis Alexander: hinc ex Augustinianis eminentissimus Cardinalis Norisius, qui non solum in Historia Pelagiana hic illic errores Baronii graviter & cordate perstringit; sed & peculiari opere Annalium emendationem in se suscipere, eorumque infinitos errores animadvertere & demonstrare sibi proposuerat; destitit autem, cum sodalem suum Christianum Lupum eadem meditari cognovisset. Hoc vero prius, quam daret quicquam, vivis erepto, explevit doctorum omnium vota & Minorum ordine Antonius Pagi, Vir clarissimus & ab edita Critica Baroniana nemini facile ignotus. Tum ex Societate Jesu plusculos Baronii adversarios enarrat, Dion Petavium, Pet. Halloix, Casp. Sanctium, Jacobum Sirmondum, Front. Ducaum, Lud. Maimburgium, Dan. Papebrochium, quin ipsummet adeo conjunctissimum, ut videri volebat. Card. Bellarminum: in primis vero M. Antonium de Dominis, cujus testimonia proluxa affert. Ad alios dein eruditos viros progreditur, juxta nationum seriem distributos,

Hispanosque primum cap. V. sistit, quorum animos a se Baronius maxime alienos reddidit partim assertione juris Pontificii in Siciliam, partim quod Jacobum unquam in Hispaniam venisse negasset. Galli cap. VI proferuntur: Thuanus, qui tomo primo Annalium ab auctore sibi dono misso sua manu inscripserit ista Comici verbulo uno immutata: *Auctor cum primum animum ad scribendum appulit, id sibi negotii credidit solum dari, Pontifici ut placerent quas fecisset fabulas*: P. Pithocus, Pet. de Marca, Henr. Valesius, Petrus Daniel Huetius, Lud. El. Dupinius, Ant. Godellus, Joh. Launojus, Paschasius Quesnellus alique plures. Tandem & cap. VII ex Italii advocantur Alex. Tassonus, cujus de Historia Ecclesiastica opus Baronio magna libertate oppositum ab addictis nimium Curie Romanæ animis oppressum creditur, Paulus Benius, Paulus Sarpus; & Germani, Lucas Holstenius, atque Casp. Scioppius, de cujus Epistola ad Fulgentium totius Eclogæ colophone dictum supra jam est.

Bellarmini fidem multo concisus examinat Ecloga secunda: de cujus Viri elogiis, vitæ scriptoribus & auctoritate in aula Clementis VIII. P. Rom. postquam paucula præmisisset, e Launoio plurima producit, quæ suspectam ejus fidem ostendunt, & quæ parum feliciter absterfisse Doctorem quendam Theologum M. C. S. in Tractatu de Libertatibus Ecclesiæ Gallicanæ observat. Quinimo ipsummet contra Bellarminum testem Bellarminum allegat, Frontoni Duceo factum, se quæcunque de temporali Papæ dominio in Controversiarum libris scripserit, & ob quæ a socio Frontone erat interpellatus, ideo scripsisse, quia Romæ fuerit; metu scilicet inquisitionis, quam sub Sixto V parum absuit quin ejus scripta subire fuerint coacta, ob indirectam solum tributam summo Pontifici in temporalibus potestatem. Contra vero in Gallia librum Bellarmini de hac materia, adversus Guil. Barclajum editum, & Hildebrandini constituta nimis acriter tuentem, solenni Curie Parisiensis decreto proscriptum, post alios multos memorat, & edictum una ipsummet inferit. Prolixè etiam de crimine illo agit, quod a Perronio Cardinali Bellarmino impactum fama, vivo adhuc utroque, tulit: nempe, quod vix putares, Bellarminum incaute satis in Controversiis suis argumenta adversariorum fortius protulisse, quam confutasse, adeo quidem, ut cum insigni damno Ecclesiæ Romanæ non minz tantum, sed

sed & arma hostium adversus castra Catholicorum inibi cernantur. Quamquam vero Perronius, data ad Bellarminum epistola Italica verbosa admodum (quam Latine versam hic videas) famam istam veluti atrocem calumniam a se amoliri omni nisu tentarie: non tamen usque adeo credendum illi, aut quæ communiplorum ore ferebantur, inter calumnias ableganda, Auctor tum ex Bentivolio Cardinali monet, qui tale de Controversiis Bellarminianis iudicium ex ipsiusmet Perronii ore se hausisse, sancte in Commentariis Historicis testatum reliquit; tum ex Perronianis, quæ non satis æquæ Bellarmino sint. A Perronio iterum ad Latinoium abit, & quid ille præcipue desiderarit in scriptis Bellarmini, quidve exprobrarit illis, sedulo expromit. Post hunc Dominicum Gravinam narrat, Dominicanum celebrem, qui *Gemitum Columba* cum in finem scriptum a Bellarmino, ut Ordines Religiosos a pristina puritate descivisse, seque adeo suorum fundatorum beneficiis indignos reddidisse probaret, *Voce Turturæ* elevavit, & contra Gresserum hyperaspistam denuo retuderit. Tandem universum opusculum relatione de odio Melch. Cani, quo is Jesuitas perpetuo infectatus fuerit, concludit.

C. JULIUS CÆSAR CUM NOTIS DIONYSII VOSSII. Accessit JULIUS CELSUS de vita & rebus gestis C. Julii Cæsaris, ex museo JO. GEORGII GRÆVII.

Amstelædami, sumptibus Societatis, 1697. in 8.

Constat alph. 2. plag. 14. iconismis 14.

ÆMulati sunt Amstelodamenses Blaviani typi Elzevirianam viginti & septem ante annos Julio Cæsari adhibitam elegantiam; sed quem in consilium adhibuerunt bibliopolæ novæ hujus editionis curam gerentes, doctissimus Grævius aliam, quam Montanus, qui isto tempore studium ei impenderat, instituit viam. Cum enim is editas antea doctorum virorum selectiores notas suis adsperserit; hic solas nondum evulgatas Dionysii Vossii animadversiones, copiosas & eruditas, e tenebris productas, in Cæsaris de Bello Gallico & Civili libros exhibuit; Jo. Rhellicani annotationes Hirtii commentariis de Bellis Alexandrino, Africano & Hispaniensi substravit. Ut autem in augusti hujus scriptoris, monarchiæ Romanæ potentissimi conditoris, noticiam lectores perduceret, res gestas

itas ejus & vitam a quodam non adeo vetusto auctore, cujus ætatem in quartum quintumve abhinc seculum refert, descriptam & anno 1473 editam, quæ conspectui eruditorum se pridem subduxerat, recudendam & Cæsari atroxendam bibliopolis concessit. Auctorem narrationis istius, non adeo elegantis & tersæ, Ger. Jo. Vossius Lib. I. de Hist. Lat. cap. 13. nominat *Julium Celsum*: quapropter sub hoc etiam nomine nunc exire eam passus est Editor; falso tamen ipsi hoc nomen præfigi, nec tam claro auctore, qui Cæsaris scripta recensuit, vitam hanc descriptam esse, idem rectissime judicat. Sane Hub. Goltzii expositio vitæ Cæsaris, hanc anonymi scriptoris narrationem longe antecellere videtur. Nihilominus curam ejus habendam putavit Grævius, & cum admodum vitis inquinata in impresso codice (quem rarissimum & ab eruditis multis expectitum memorat) extaret, ista tollenda & annotandas veriores lectiones seu emendationes duxit; ut non Cæsaris modo libros cultiores, sed hanc etiam de eo historiam mundiorum & emaculatam haberemus.

C. SÆTONIUS TRANQUILLUS EX RECENSIONE JO.

GEORGII GRÆVII, cum ejusdem animadversionibus.

Amstelædami, apud Henr. Wetstenium, 1697. in 12.
pag. 21. icones XII Imperatorum.

INSIGNIS hujus auctoris cum plures antea, magno litterarum bono, proditæ essent Egnatii, Aldi, Erasmi, Torrentii, Casauboni & aliorum editiones; ut de omnibus bene mereri studet bonis Scriptoribus, huic nec deesse voluit doctissimus Grævius, & ante viginti quinque annos, cum doctorum virorum integris commentariis, suisque eruditissimis, in publicum emisit venustissimas has Imperatorum duodecim primorum vitas: quarum editionem observationibus suis auctis amplificatisque, ante hos sex annos iteravit, ut in Actis anni 1691 memoravimus. Quia autem grandiores set liber iste, quippe majori forma excusus, & tot integras aliorum eruditorum virorum annotationes complexus, quam qui adolescentum manibus assidue circumferretur, quod fieri par erat; in minorem formam redigendum eum duxit idem clarissimus Editor, suisque tantum notis insignitum in publicum jam emisit, ista ratio-

nc

ne qua Ciceronis epistolas & de Officiis libros, nec non Justini historias ejus studio & cura expolitas, eque majoribus in minores libellos contractas, vidimus: qui omnes non magis typi nitore, quam accurata emendatione, ad crebram lectionem historiarum & eloquentiæ studiosos sic invitant, ut si maxime auctores istos aliis formis editos jam possideant, hac tamen commodiori excusos sibi etiam comparare studeant,

CASPARIS NEUMANNI, VRATISLAVIENSIS

N^o 10 h. e.

EXODUS LINGUÆ SANCTÆ V. T. EX CAPTIVITATE BABY-
lonica, tentatus in Lexico Etymologico Hebræo-Biblico.

Norimbergæ apud Andream Ottonem, 1697. in 4. plag. 18.

Quam anno superiori eruditissimus proposuit sententiam de vocum Ebræarum genesi, & nos quoque mense Septembri A. 1696 p. 399 indicavimus, eam magis nunc excolendam, editoque novo specimine, h. e. Lexici Ebræi, quod ad hanc hypothesein adornare, illi constitutum est, litera prima, firmandam sibi clarissimus doctissimusque Auctor sumpsit. Non diffitetur, theoriæ in Genesi Linguæ Sanctæ a se traditam, difficultate quadam adhuc laborare: sed hæc ipsa ut amoveatur, eo quidem hanc, quæ nunc prodit, commentationem maxime ait spectare. Præcepta in Genesi Linguæ Sanctæ data non mutat, iis tamen quædam nunc addit, cumque characterum, ut vocat, initis contentus, de literarum tum characteristicarum, tum formativarum singulatim spectatarum valore suum, judicium suspenderit, nunc ulterius progreditur, & quid unaquæque literarum Ebræarum in se spectata & characteribus ipsis, & formativis inde vocibus aliis inferat, edisserit. Omnem ergo Ebraismum non modo in monosyllabicos significationum characteres, qui Sinensium monosyllabas 320 numero parum excessuri sint, reductum, sed & usque ad viginti & duarum literarum elementa ita resolutum, ut his bene perspectis, saltem manuductionem, eamque non levem ad significationem characterum omnium a priori determinandam, in solo literarum intuitu quilibet inventurus sit, se exhibiturum pollicetur.

Valorem autem literarum Ebræarum expositorum exem-

Rr

plum

plum a literis Sinicis petit. Fatetur literas Ebræorum a characteribus Sinicis multiplici ratione differre: nihilo secius in quibusdam capitibus eos plane inter se consentire observat, atque istud hunc in modum explicat. Quemadmodum quælibet litera Sinica peculiarē habet significandī vim a rebus corporeis atque mathematicis desumptam, adeoque tropis perpetuis translata: ita & omnium literarum Ebræarum significationes in sensu proprio spectatas mechanicas esse, hoc est, a rebus corporeis earumque motu, situ atque figura desumptas, & non nisi perpetuis tropologiis ad alia applicabiles, contendit. Sic literas adspiratas, quarum gradus supremus sint sibilantes, nudum quasi oris halitum & omnium minime adhuc articulatū vel modificatū, unam saltem altera fortius, expirare. Et has esse symbolum *motus* vel *activitatis* in genere omnis, pro vario tamen intensiōis gradu variantis: e.g. \aleph esse adspirationem omnium tenuissimam, simplicissimamque adeo activitatis signum, literas, quibus jungitur, quasi animans, & earum significationes in actum deducens: ψ cum Aleph fere coincidere, nisi quod crassior & fortior hujus esse soleat quam illius uti pronuntiatio, ita & significatio: η autem alium iterum adspirationis modum rem quasi coram sistere, & præsentiam ejus emphatice demonstrare &c. Ceteras autem literas, quæ scilicet non sunt adspiratæ, variorum motus situsque modorum symbola esse autumat. Sic *motum situmque rectilineum*, vel saltem ab omni declinatione abstrahentem indicari per literas \aleph , \aleph , \aleph , \aleph , \aleph : nimirum literam \aleph stridulo erumpentem sono *egressiōis*, sive ejus quod *egreditur*, esse notam; literam \aleph figura sua literæ Resch valde cognatam, *antecedendi* vel *antrorsum protrudendi* & *promovendi* actum habere, &c. *Motum autem situmque curvilineum* haberi in literis \aleph , \aleph , \aleph , \aleph : nimirum literam \aleph multum reflexam *flexus* cujuscunque symbolum esse; \aleph motum *in se quasi retractum* & *arcuatū* pro figura literæ referre &c. Reliquas denique literas alias adhuc easque varias motus situsque species designare, arbitratur. Sic literam \aleph *apicem protensum* figura sua referre, *tensiōis*que vel *extensiōis* cujuscunque in longum abeuntis esse notam; \aleph literam valde *angustam* & *dilatabilem*, *omnis augmenti quantitatis* tam discretæ quam continuæ symbolum esse, &c.

Præterea, ut literæ Sinensium suo quodam modo sunt hieroglyphicæ, hoc est, ingeniosa & symbolica quadam ratione intellectui legentium rem significatam depingunt: ita & in Ebraismo, iudice Auctore, singulæ literæ vel figura, vel sono, vel utroque etiam modo, rem significant, & symbolica quadam ratione intellectui nostro repræsentant. Sed literæ Sinicæ simplices quoque pro augenda significatione aliquando duplicantur: idem & in Ebraismo fieri Noster pronunciat, tam in characteribus geminatis, quam in radicibus a characterē suo geminando deductis. Tandem ut Sinenses literæ cum aliis compositæ significationem singulæ adhuc conservant, & elegantes appellationibus emphases impertiunt: sic & apud Ebræos hoc fieri Auctor censet, ita tamen, ut ab initio dictionis litera syllabam inchoans active quasi se habeat, & significationem suam literæ sequenti imprimat; in fine vero constituta passive se gerat, & in ejus significationem litera præcedens abire intelligatur; in medio autem constituta, de utroque quasi participando significationem suam continuet. Hinc esse quod differant בֵּן & בֶּן ubi adspiratio in Beth agens motum activitatis internæ capedini imprimat, ac בִּן & בֶּן ubi idem ille spirationis halitus expiretur.

Hiscē ita præmissis subnectit nonnulla, quæ illis, qui forte judicandi de hac hypothēsi libertatem sibi sint sumturi, sedulo vult perpendi: scilicet notabilem esse omnium consensu radicum quarundam cognationem, quam tamen nemo hætenus sufficienter indagaverit: incongruis, derivationibus Lexica scatere: voces plurimas aut plane ignotas aut adeo dubias adhuc restare, ut unam eandemque in uno eodemque loco diversimode reddant interpretes: tam monstrosam vocum Ebræarum ambiguitatem subinde occurrere, ut significationes earum in Lexicis ad numeros aliquando longe maximos cogantur, & quæ id genus alia sunt. Quibus Ebraismi morbis cum hac hypothēsi utcumque medela afferri possit, & utilitatem & necessitatem ejus inde evincit: simulque allatis eorum exemplis, qui jam simile quid meditati sint, affectatæ novitatis suspensionem a se amolitur.

Et hæc quidem omnia Auctor noster in præfatione egit. Nunc qualis ipsius operis sit indoles, vel unico exemplo demonstrare constituimus. Primus character est בֵּן hoc est Beth

R r 2

ad-

adspiratum. Beth vero cum domus, hoc est; *cubi concursi* sive *trina dimensionis* figuræ & nomen & picturam habere censeatur, Auctor hinc colligit, hanc literam *capacitatis*, vel *receptivitatis*, vel *ejus quod intra se aliquid continet*, aut continere potest, uno verbo *inexistencia* notam esse. Adhiberi enim eam non modo corpori ipsi solido, sed & spatio omni sive loco, quem vocant, interno, utpote etiam longitudinis, latitudinis atque profunditatis, sive realiter, sive per nostrum concipiendi modum, capaci. Probat hoc partim ex significatione literæ Beth, qua gaudet, quando præfixi vicem sustinet, ubi *in*, *inter*, *intra* notat; partim ex concentu omnium characterum, in quibus litera hæcce conspicitur. Sic בב hoc est Beth continuatum, sive geminatum; adeoque juxta Auctoris hypothesein frequentativum, *capedinem continuatam*; qualis in fistulis atque canalibus esse solet, denotare ait. גב autem, sive Beth cum Gimel, flexus nota, *capedinem* vel *corpulentiam flexam*, qualis in re gibbosa atque tumultuosa esse solet, in גב, גבב, יגב, גבה, גבך, indicare, &c. Quibus ita observatis concludit, characterem ננ nihil aliud quam symbolum *capedinis intestino quodam actu agitata* esse, internumque denotare *impulsum corporis expansum*, quando id intra capedinem suam quasi ebulliens, & fermentativo motu actum, terminis suis continere nequit, adeoque ex se ipso quasi egreditur, vel sui quid foras emittit. Observat quoque, huncce characterem in descendens suis partim de liquoribus in vase impetu magno fermentantibus adhiberi, partim ad humores corporis humani in variis actionibus animalibus transferri, imprimis circa illum internum affectum nostrorum impulsum in actus externos erumpentem.

Hæc postquam de ipso characterē monuit, ex methodi suæ lege primo simplicia affert. Inter hæc primum locum occupat vox ננ quæ ad animum transfertur, & juxta Auctorem, *invincibilem illum affectum* sive *motum* atque *impetum intestinum* animi benevolise continere nescii denotat. Hinc ננ etiam patrem denotare monet, ob singularem amoris affectum, quo prosequi pater liberos consuevit, quod postquam pluribus confirmasset, hoc nomen per varias metaphorarum formas ad auctores, magistros, nutritios, dominos transferri indicat. Alterum inter simplicia locum occupat nomen נין quod Pythonem sive Spiritum vadicum, & simul etiam utrem deno-

denotat. Miram hanc significandi ambiguitatem ita solvere conatur. Nimirum asserit vocem **חַיִּי** vi originis notare *fermentatorium*, hoc est utrem, capedintem vel vas quodcunque, intra quod erumpentem superne fermentationis suæ motum absolvit mustum; Deinde metaphorice hanc vocem ad rem veterum divinatoriam translata, Pythonem notare, sive juxta Seldenum, Dæmonium in Pythone loquens, quasi diceret *utrem interna quadam vi agitatum, atque inflatum*. Pythia enim, inquit, mulier afflatu vaticidico per pudenda admissa, ventre tumebar, & ex turgido hoc utre ventriloqua respondere solebar, furore tam vehementi, ut aliquando distumperetur.

Sequuntur geminata, interque ea vox **חַיִּי**. Radicem hanc in Chaldaismo usitatam monet, fructificandi significatu, & de vegetabilibus usurpari. Indicari autem hac voce magnum Philosophiæ naturalis mysterium dicit, dum per eam vegetabilium generatio internæ cuidam succi nutritii fermentationi comparatur, atque hoc putat characterem **חַיִּי** designare: geminationem enim ultimæ literæ *augmentum* connotare, non modo ad designandam rerum progerminantium innumerabilem copiam, sed & imprimis vegetativæ illius fermentationis intensiorem gradum; Derivat hinc nomen **חַיִּי** quod ex sua hypothesi *intestinam succi vegetabilis fermentationem*, summe progerminantem & in altum adscendentem denotare autumat. Sic Exod. IX, 31. dici, *hordeum erat חַיִּי* hoc est, *succo fermentante erumpens*, id est, protuderat ex graminis vagina culmum, vel ex culmo spicam mūticam. Praterea combinari etiam hanc vocem cum aliis vocabulis observat Unde Ezechiel. III, 15. memoretur **חַיִּי תַל** collis Abib, per quem regionem ignotam, sed tamen a fertilitate nomen sortitam, designari putat. Eadem voce **חַיִּי** etiam insigniri *mensē multæ progerminationis*, sive mensē illum multum germinantem, hoc est, Nisan. Tandem & vocabulum **חַיִּי**, quod non pro simplici sed geminato, licet compendiose scripto, habet, hinc deducit. Denotari eo putat intestinam succi vegetabilis fermentationem, suprérumque germinatum, & sic ad hiberi Job. VIII, 12. item Cant. VI, 10.

Geminatis subnectit auctā, & primo quidem auctā ab initio. Comparat hic radix **חַיִּי**, quæ semel tantum, videlicet Psal. CXIX, 13,

occurrit, & per *voluit, desideravit, concupivit* &c. verti solet; plane ad hypothesin Auctoris. Significatione enim characteristica $\tau\tilde{\alpha}$ \aleph ad animum iterum translata, vox hæc denotabit intestinum animi quasi fermentantis & continere se nescii æstum. Altera radix, quam huc refert, est \aleph . Qua juxta Auctorem denotatur *incurvatio vel curvando facta depressio omnium extensionum vel corporis alicujus se expandentis*. Caph enim curvaminis notam esse: \aleph autem corporis capedinem suam expandentis indicem. Significationem hanc ipso usu verbi, sive per *dolore afficere*, sive per *vulnerare*, sive alia ratione vertatur, comprobari autumat. Eandem significationem quoque militare in nomine \aleph quod afflictionem denotare ajunt. Adducitur quoque hic a Nostro radix inusitata \aleph , unde vocem obscuram \aleph quæ Hof. XIII, 6. legitur, deducere solent. Cui quidem voci, utpote ex \aleph & \aleph compositæ, Auctor descriptionem regionis montosæ inesse putat, in qua scilicet capedines & corpulentia multæ collium montiumque se invicem subsequuntur. Ultima radix, quæ hic locum invenit, est \aleph quam in prima conjugatione *desideravit*, in secunda vero *aversatus, abominatus est*, notare hætenus dixerunt. Auctori autem radix ista *intestinas animi intra se commoti agitationes*, sive amoris illæ fuerint, sive odii, denotat, & quidem cum aliqua *consecutione vel sequela motuum* illorum se mutuo insequentium. Hinc quando cum \aleph vel \aleph construitur, tunc utique affectum animi ad, vel adversus rem, adeoque objecti appetitivum, vi particulæ subsequenti importare. Quando autem constructio illa objecti affectiva abest, verbum hoc nihil aliud notare, quam *internos, sequentes animi perturbati agitationes super re aliqua*, quæ si objectum affectus hujus molestum fuerit, *odiosa vel aversativa* erunt, *appetitiva* tamen, si de re grata sermo fuerit. Hinc & nomen \aleph per affectum vel intestinum animi intra se commoti æstum, ad varia objecta applicabilem recte verti. In medio auctam radicem unicam affect \aleph in qua characteris significationem itidem ad animi affectus translata monet. Denotari enim hac radice, *animum hostilem magno æstu intra se concitum, ebullientem quasi præ odio, atque in vindictam totum viribus desumpantem*. In fine autem aucta radix occurrit \aleph , quæ per *voluit, concupivit*, verti solet.

De-

Derivari hinc nomen נָכַח solet, quod Job. IX, 26. occurrit, & diversimode ab interpretibus, observante Auctore, redditur. Nec ipse certi quid definire audet. Putat tamen dari posse radicem ab initio auctam, ex caractere נָכַח, vacui & inanitatis notam, ut adeo naves נָכַח sint *naves vacuitatis* sive *inanes*. Sed cum constans traditio sit, de fluvio quodam rapidissimo נָכַח dicto, tutissimum esse putat, huic inhærere & pro nomine hanc vocem proprio habere.

A simplicibus tandem progreditur ad composita. Comparat hic vox נָכַח quam ex נָכַח *interni animi male affecti aestus atque agitationis* nota, & פְּרֵסָה *pressionis vel nisus propulsivi & amolientis* signo, compositam esse putat, ut adeo denotet hominem animo intra se afflicto & in molestias propulsandas vel amolendas nitentem. Hinc descendit vox נָכַח פְּרֵסָה qua juxta Auctorem *status* vel *afflictio* miseri illius hominis modo descripti, indicatur.

Agmen claudunt mixta. Hic occurrit vox נָכַח פְּרֵסָה quam *aestum agitationemque internam animi ob rem desideratam anxie intra se affecti* denotare, Auctor principiis suis insistent, demonstrat. Præterea ad hanc classem refert vocem נָכַח פְּרֵסָה Num. XI, 15. legitur. Repetit hic, quod jam in Genesi L. S. dixerat, circa rei exoticæ appellationem nihil præter conjecturas, easque valde lubricas afferri posse. Interim eam compositam esse arbitratur ex נָכַח *corpulentia* vel *capedinis cujuscunque, intra quam aliquid agitur*, nota, & פְּרֵסָה *corpulentia recurva vel capedinis arcuata* indice, & tandem ex נָכַח *arcuata combinationis, vel per arcus, anfractusque recurvos facta affixionis* cujuscunque symbolo. Quæ omnia in pepones sive cucurbitas omnium optime quadrare, concludit. Sed hæc sufficiant ad institutum Auctoris declarandum. In ceteris enim characteribus eadem plane ratione procedit.

Der gnädige und gerechte Wille Gottes etc.

hoc est,

TABULA TESTAMENTARIA HUMANO-DIVINA, SIVE HARMONIA JURIS HUMANI & DIVINI in pacto ultimarum voluntatum inter extraneos, deducta a CASPARE EXNERO, verbi divini Ministri in Lusatia Superiori.

Lipsiæ & Francofurti, apud Jo. Willisch, 1697. in 4. Alphab. 3. plag. 15.
UT Politicis etiam, ac iis, qui Juridica studia sectantur, articulorum fidei

fidei noticiam paulo accuratorem penitoremque, modo ad ipsorum palatum quam accommodatissimo, instillaret Reverendus hujus libri Auctor, consultum ipsi visum fuit, universum Systema Theologicum sub schemate terminorum in doctrina de Testamentis seu ultimis hominum voluntatibus in istorum libris frequenter obviatorum, exhibere, multum approbante institutum hoc in addita præfatione peculiari maxime reverendo D. Alberti nostro, qui, quantum commodi apud Politicos habeat hæc docendi methodus, ex usu libelli, quem sub titulo *Interesse Religionum* olim vulgavit, (confer Acta nostra A. 1682. p. 47. seq.) se satis perspexisse innuit. Præfens vero labor ita succedit, ut post indicata ea, quæ ad Testamenti definitionem pariter ac variam divisionem faciunt, ostendar Auctor, ubinam verba Testamenti hujus sacri contineantur, in *Scriptum* nempe, quam ex instituto, ut solent alias Theologi in hoc articulo versantes, delineatam dat. Testatoris ubi meminit, articulum de *Deo* pertractat. Hæredes hinc considerat, ad quos devolvi possint bona, dumque uti neminem peccatorum, ita nec scortatores aut libidinosos alios ab hæreditate, si poenitentiam egerint, exclusos ait, hoc in loco statim ansam arripit inferendi locum de *Conjugio*. Tres autem status circa capacitatem in hærede observandos sistit, statum institutionis, ubi de *Imagine Dei*; destitutionis, ubi de *Peccato* in genere, & speciatim de peccato originali ac ejus imputatione; restitutionis, ubi de *ordine salutis nostræ* deque *Gratia Dei sufficiente & abundante* disserit. Ad testes Testamentarios delatus, inter hos *Ecclesiam* quoque nominat, cumque testari nonnunquam idem sit ac a præcone pronunciari, idcirco locum de *Ministerio Ecclesiastico* heic excutit, cui doctrinam de *Clave solvente & ligante* adjungit. Causam moventem internam apud quemvis Testatorem benignam esse ipsius voluntatem monstrat, ac proinde *Voluntate Dei homines salvandi* agit, Testamenta vim legum obtinere ubi monuit, mox de *Lege Dei* tum generatim, tum sigillatim de naturali, morali, cærimoniali & forensi disserit. Inter cognata, & adjuncta Testamentorum primo loco examinandam sumit Legitimam, eamque trahit ad *Gratiam Dei universalem*; dehinc Præcipuum sive Prælegatum adducit, & exinde ansam capit celebrandi *Gratiam Dei specialem*, quæ in actionibus ad nostram salutem attentibus

mentibus se exerit. Legatum, fideicommissum, sive hæreditatem fideicommissariam applicat ad *Dona tum administrantia, tum sanctificantia*, Christo, ut ea inter homines distribueret, concredita. Executores Testamenti vocat *Angelos & Magistratum Politicum*, deque hoc non minus ac de illis fuisse commentatur. Inter condiciones Testamentarias primum agit de *Penitentia*, mox de *Fide*, porro de *Cruce & calamitate*, de *Oratione*, de *Unione cum Christo*, ac de *Perseverantia finali*. Subscriptionem, sigilla, & recognitionem Testamenti ita ad suam allegoriam prosequendam huc allegat, ut sub isto involucro doctrinam de *Sacramentis* qua veteris qua novi foderis insinuet. Nec contrariorum & cum Testamento pugnantium obliviscitur, qualia præteritio, cujus occasione in *Reprobationem negativam, seu non-electionem* Reformatorum inquirat; exhæredatio, cum qua justam *damnatorum rejectionem* comparat, ejusque causam *incredulitatem finalem* esse innuit. Infirmationem in Testamento divino nullum habere locum agnoscit; de querela tamen, quam vocant, inofficiosi Testamenti, ex parte damnatorum ex Sap. V. quid sentiendum sit, explanat. Quibus ita expositis, mox tria tempora circa Testamentum hoc consideranda esse ait, tempus nimirum Testamenti constituti, mortis testatoris, & quando aditur hæreditas. Ad primum tempus refert opera tum antefecularia, atque huc doctrinam de *Prædestinatione*; tum secularia, atque huc articulum de *Creatione*, deque *Statu Angelorum partim bonorum, partim malorum*, de *Anima quoque hominis ejusque corpore*; articulum item de *Providentia*, cui disquisitionem de *termino vite*, de *τὸν Θεῶν*, de *fato*, de *ominibus, signis, indiciis, conjecturis, instinctu, fortuna, casu, sortilegio* subnectit. Hæredes cum ad cernendam hæreditatem invitare fas sit, *Vocationem* ad gratiam & gloriam heic uberius describit. De facultate peregrinum ad hæreditatem adeundamabilem efficiendi & substituendi, penes testatorem reperiunda ubi loquitur, de *Conversione* hominis doctrinam inserit, & ab ea ad *Justificationis* atque *Renovationis* contemplationem progreditur, simulque ob materiarum convenientiam de *bonis reatorum Operibus* (inter quæ præcipuum quoque sit *scandali evitatio*,) sua meletemata exhibet. Tempus mortis testatoris ad mortem Christi trahit, quæ cum ipsius *Incarnationem* præsupponat, de hac

non minus ac aliis ad *Christologiam* universam pertinentibus plene atque accurate suos edocet. Ad tempus denique, quando adiuv hereditas, delatus, quatuor Novissima introducit, *Mortem* putat naturalem, *extremum Judicium*, *Vitam aeternam*, & *infernales Cruciatum*. Mortem tamen excipit *Resurrectio*, & cum iudicio extremo conjungitur *Anti-Christi* prolixè simul heic descripti delectio, *Sculique* tandem *consummatio*.

OPUSCULES POSTHUMES &c. i. e.

OPUSCULA POSTHUMA MENJOTI, CONSILIARII ET MEDICI ordinarii regii Parisiensis.

Amstelodami apud Henr. Desbordes, 1697. in 4. Alph. 2. plag. 10.

Auctor libri hujus, quem non postremo inter Medicos ponendum loco postulat Editor, varia de diversis rebus chartæ inscriptæ ad amicum in Belgium misit, ut illa typis describi curaret. Mortuus vero ante Auctor, quam liber lucem videre posset, fatoque hinc prohibitus fuit, quo minus conata sua in effectum deduceret. Amicus interim, cui rem omnem commiserat, illa cum Nostro sepulta noluit, sed officio atque amori, quo in eum ferebatur, satisfactorius, excudi jussit, tituloque *Opusculorum posthumorum* insignivit. Ordine, quem Auctor, antequam fati concessit, præscripserat, servato, Editor opuscula exhibet in duas divisa partes, quarum altera res physica & medica illustratur, altera examinantur res ad sacra & religionem spectantes. Quædam speciminis loco delibabimus. Inter alia in lactis materiam studiose inquirunt, num sanguis, an chylus pro ea haberi debeat. Veteribus assensum suum, qui sanguinem materiam lactis crediderunt, præbere haud dubitat, quod mammas adductus intra harum glandulas secernatur, & in earum alveos lactiferos deponatur. Confirmatur in hoc, quod nutrices Parisienses testentur, tantam fere lactis copiam, quæ respondeat solenni fluxui menstruo, e mammas exprimi; imo nullo mensium fluxu nisi rarissime vexari feminas, quam diu operam dant infanti lactando. Rationes, quæ contrariæ opinioni magis favent, adducit, debilitatisque convincit. Literis porro ad Dn. Pueras exaratis significat, theses, quas ipse de elementis ediderat, sibi multum præbuisse gaudium, quod sententiam Cartesii, quam alii mordicus

P. 72.

cus defendere, alii nimium averfari ftudeant, terfe nitideque explicarent; in eo facile ipfi adftipulans, Philofophiam Cartefianam, fatis ingeniofam videri, cum veritate vero nullo modo congruere. Dolet bona fide Nofter, plurimos, fcriptis Cartefii ante perlectis, quam iudicium cum ætate accessiffet, fibi ipsis imponere; hinc contemptui habendo negligendoque veteres, ex quibus tamen vera, folidaque Scientiæ fundamenta hauriantur. In Epiftola denique plane diverfa & ad alium fcripta, omnia illa, quæ de indivifibilitate materiæ, vacuo, lumine Solis, & beftiis fenfuum expertibus, a Cartefio hætenus oftenta ingeniofe funt, vanis fuperftructa rationibus, falſitatis arguere haud ambigit. Etenim falſo principio innixum, quod quantum nequeat conſiſtere ex non quantis, ac omne quantum fit extenſum atque idcirco ſemper diviſibile, in errorem lapſum fuiſſe, ut ſibi perſuaderet, materiam in infinitum diviſibilem eſſe, haud miratur. Interim principium diviſibilitatis haud extenſionem ſtatui poſſe, ſed juxta poſitionem plurium partium declarat, ex quibus conſtatum corpus in partes iterum, quibus ſuam originem debet, facile poſſit dirimi; concludens, atomos Democriti, quod omnis compoſitionis expertes ſint, non poſſe naturali modo ſecari. Cum de vacuo quæritur, etſi largiri velit Cartefianis, particulas materiæ ſubtilis dividi poſſe in infinitum, rapidoque ac ſempiterno agitari motu; necdum tamen adduci poteſt Nofter, quin perſuaſum habeat particulas non poſſe non diverſimode eſſe figuratas, adeoque poſt earum commixtionem ſpatiola inter eas vacua relinqui. Quæ de lumine Solis habent, quod eo demum tempore, quo anima noſtra ſentit, globulorum aeris compreſſionem, ab impulſu ſubtilis materiæ Solem conſtituentis natam, lumen jure appellari poſſit, pernegat Noſter, monſtrando, quæ hinc ſequatur, poſitionem incongruam, quod lumen ante creatum hominem non fuiſſet; quam S. Scripturæ verbis e diametro contrariari, nemo non facile conſpicit. Denique animalia bruta puras dici poſſe machinas ſenſibusque deſtitui negat, cum & iis organa ſenſuum, oculi, aures, nares &c. a Deo conſeſſa non alium in finem fuerint, quam ut beneficio illorum anima corporea ſentiret.

Alteram partem hujus Collectionis quod attinet, ea quæ ad fidem & religionem, controverſiasque imprimis pertinent, Opuscula

p. 212

p. 248.

p. 260.

illa complectitur. In quibus utut exquisitum illud, quo Theologi in hujusmodi argumentis versari solent, studium desiderari, facile largiamur; haud pauca tamen in iis deprehendimus, quæ & prodesse & delectare, & ut melius quam de plerorumque Medicorum religione, vulgus solet, de Auctoris pietate feramus iudicium, persuadere queant. Digna inter alia eo sunt illa, quibus *Ludovicum Molineum* Londinensem Medicum, qui in *Paranesi* sua perquam absonam de excommunicatione ecclesiastica proponere ausus fuerat sententiam, ad meliorem viam reducere conatus est. Ejus nimirum exercitium Pastoribus Ecclesiæ, quorum scilicet officium sola verbi prædicatione & administratione sacramentorum absolvatur, ille abjudicaverat. Cum autem periculo non careat, impœnitentes infamium flagitiorum reos in Ecclesiæ communione retineri, Principum vel constitutorum ab iis Magistratuum esse voluerat, excommunicationis vibrare fulmina. Verum hanc sententiam variis argumentis parum tutam Menjorus noster esse evincens, eam potius tuetur, quæ maximi nominis Reformatæ Ecclesiæ Doctõribus sese probavit, toti fidelium particularis cujusque Ecclesiæ corpori potestatem illam reservari cupiens. Ministrorum Ecclesiæ vocandorum jus ad totam Ecclesiam, non ad *presbiterios* five Seniores aut Consistoria tantum pertinere, occasione controversiarum quarundam ea de re in Ecclesia Protestantium apud Parisios ortarum, & Scripturæ auctoritate, & constanti Ecclesiarum Reformatarum in cæteris Galliæ partibus praxi, & præstantissimorum Doctõrum consensu, imo & antiquioris Ecclesiæ exemplo assertum ixit. Atque ut certior huic sententiæ constaret veritas, argumenta quoque solícite confutavit, quibus nitebantur ii, quorum animos contraria occupaverat opinio. Ex iis primum, ejusque solutionem attingere, abs re non judicavimus, eo quod doceat nos nonnulla non adeo forsitan omnibus nota. Scilicet superiori seculo condemnatam jam esse *Menjori* nostri sententiam in *Morellio* quodam, adversæ partis patroni objecerant, cujus librum de *Disciplina Ecclesiastica* sub examens non tantum dissimulato nomine *Tb. Beza*, in libro cui titulum fecerat *Confirmatio Disciplina Ecclesiastica Ecclesiarum Reformatarum in Gallia* revocaverit, sed gravi etiam censura notaverit Synodus nationalis anno superioris seculi 62 Aureliis celebrata: quæ etiam a sacra Coena *Morellium* ob librum istum abstinere jussit. Quod

utut

utur ob errores Anabaptisticae confutioni & Independentismo faventes potissimum factum esse Noster observet; negare tamen non potest, hanc ipsam quoque, quam nunc tuetur, in eo sententiam expresse condemnatam fuisse. Verum in ista reformationis infantia, tyrannici spiritus reliquias in Doctoribus Reformatis agnoscere, non veretur: nisi potius Synodi decretum ob certas temporum circumstantias sancitum, Hierosolymitani Concilii decretis quibusdam (Act. XV, 20.) sit comparandum. Et hoc quidem eo magis probabile ei videtur, quod illo jam tempore maximi Doctores, & ipse etiam *Calvinus*, non Synodi illius sententiam, sed eam quam ipse defendendam suscepit, defenderint: unde & nullo idoneo argumento *Beza* adscribi librum contra *Morellium* publicatum statuit. Quod Petrum armata manu iis, qui, ut Christum caperent, ablegati fuerant, resistere parantem, non prævenerit severa admonitione Salvator, ideo factum esse statuit alicubi celebris Reformatæ Ecclesiæ Doctor *Jurinus*, ut licitum esse ostenderet, arma contra magistratum pro Christo & religione arripere. *Meldenfis* contra *Episcopi* sententia est, propterea id factum esse, ut nasceretur hostibus Christi occasio, eum tanquam criminis læsæ majestatis reum inter *maleficos* secundum Prophetæ effatum *referendi*. Utramque sententiam tanquam periculosam & circumstantiis Evangelicæ historiæ parum congruam *Menjotus* confutat, nullam aliam causam, quam ut locus esset miraculo in *Malcho* patrando, subesse persuasum habens. Silentio plane prætereundæ non sunt observationes ad Commentarium ejusdem *Meldenfis Episcopi* in Apocalypsin S. Johannis, quas inter præcipua dubio procul illa est, qua confutat sententiam ejus de ruina Babylonis, utpote cui maximam partem superstructa est tota libri illius a *Præsule Meldenfi* instituta explicatio. Per eam scilicet nihil aliud, quam Romanæ urbis evastationem ab *Alarico* factam intelligendam esse ille statuit. Sed eam sententiam duobus potissimum argumentis Noster refellit, quorum primum est, quod Gentilismo eo tempore Roma addicta amplius non fuerit, adeoque nec Babylon exstiterit: alterum, quod destructa penitus non fuerit, id quod Babylon tamen eventurum esse, Apocalypsis aperte testatur. Agmen inter hæc opuscula claudit formula abjuratonis religionis Protestantium, ex *Episcopi Meldenfis Doctrina Ecclesiæ Catho-*

p. 272.

p. 280.

p. 417.

lica

- ca* concinnata, cujus nullus alius est finis quam ostendere, talem ab eo representari Ecclesie Romanæ fidem, qualem nemo alius unquam illius Ecclesie Doctor agnoverit; verumque adeo de eo libro Archi-Episcopi Parisiensis Doctorumque Sorbonæ & aliorum iudicium fuisse, qui ita a *Meldenſi Prasule* proponi censuerint Romanæ Ecclesie doctrinam, ac si puderet illum Catholicæ fidei nude, & sincere ob oculos positæ. Antequam autem sine de posthumis hisce *Menjoti* opusculis loquendi faciamus, non possumus non monere oppido, multa in iis etiam haberi ad Virorum illustrium operumque eorum cognitionem pertinentia. Huc referas licet *Huetii* querelas in Epistola ad *Menjorum* effusas, quibus fratrum ignorantie quorundam prosequitur iudicium quod de elegantissimo ejus libro, quo *Concordiam Rationis & Fidei* docuit, tulerant, religionem Christianam cum Gentilium fabulis ab eo contendi acriter reprehendentes, Eundem *Huetium* ut de concordia inter Protestantos & Pontificios ineunda aliquid commentari aggrediretur, *Menjotus* monuerat, atque idem alios maximi nominis inter Protestantas, exteros potissimum, ab eo exegisse, ex responsoriis *Huetii* litteris pater, qui successu non destitutum iri tale opus inter Protestantas, polliciti fuerint. Verum non audere se tali operi admove, vere manum ait, quod Romanensium Doctorum animos ita sciat esse comparatos, ut de concordia ineunda spei admodum exiguae locum relinquere videantur. De *Edmundi Albertini de Sacramento Eucharistie* opere, mirabilis *Pellissonii* iudicii hic quoque meminisse, abs re forsan haud fuerit; scilicet ei se unice debere, non *Bellarmini* aut *Perronii* scriptis, quod Ecclesie Romanæ nomen dederit. Verum cum *Pellissonius* modum, quo armis *Albertini* contra Protestantas utiliceat, edocere ausus non fuerit, & liber etiam ille integris septem ante *Pellissonii* ab Ecclesia Reformata discessum lustris in lucem editus, sero adeo & non antea id in eo effecerit, merito *Menjotus* epictisim suam illo Satyrici expressisse videtur: *credit Judæus Apella, non ego*. Colophonis denique loco addereliceat, quæ de *Justi Lipsii* morte & ultimis verbis refert. Scilicet eum, cum fato suo vicinus jam esset, iussisse ait, ut toga, qua in morbo utebatur, e pellibus mustelinis confecta, sibi detraheretur, & ad quandam B. Virginis deferretur imaginem, devoti
- p. 299.
- p. 301.
- p. 360.

devoti in eam animi tessera : quam etiam, utut necessariam valde ægroto & indigo redderet maxime tum sævientis hyemis tempestas, læti acceperint imaginis illius custodes sacrificuli, B. Matris favorem illius nomine pro gratissimo dono ei polliciti. Quo ille mirum in modum recreatus, paulo post verba illa, *nunc dimittis servum tuum DOMINA*, pariter ac animam expiraverit.

MARTINI LISTER CONCHYLIORUM BIVALVIUM UTRIUSQUE Aqua Exercitatio Anatomica Tertia. Huic accedit Dissertatio Medicinalis de Calculo Humano.

Londini, sumptibus Autoris, A. 1696. in 4.

Constat plag. 30. & Fig. æn. Tab. 9.

Quamvis nobilissimus Autor in *Historia Conchyliorum* a nobis in *Supplem. Tom. 2. Sect. 5. p. 248.* commemorata, primum Cochleas terrestres, hinc Testacea fluviatilia, tum Bivalvia marina, ac denique Buccina marina, delineari curaverit; pro Anatomia tamen eorundem curiosius evolvenda, postquam hætenus in *Exercitatione prima* A. 1695. mense Jul. p. 316 recensita de terrestribus Cochleis, in *altera vero Supplem. Tom. 3. Sect. 2. p. 85.* exhibita de Buccinis fluviatilibus pariter atque marinis egit, Bivalvia Conchylia utriusque, quæ in *Exercitatione ultima*, quæ hic sistitur, exacte voluit designare, quod in talibus alius partium ordo aliaque viscerum scenæ exhiberi videretur. Scilicet ex Bivalvibus fluviatilibus *Musculorum* nonnullorum, ex marinis autem *Pellunculi striati vulgaris*, *Tellina*, *Chama*, *Mytili*, *Ostrea*, *Pholadæ*, *Concha anatifera*, & *Balani* dissectionem Autor celeberrimus tradens, in *Musculis*, præter duplex ligamentorum sive musculorum par, ad testarum aperturam & clausuram faciens atque margaritas involvens, itemque membranas quasdam externas, molles admodum laxasque, totum fere animal investientes ac utrique valvæ intrinsecus adnæscentes, talem partium seriem annotat, ut pes carinatus omnium sit exterius in mediis branchiis eminens, hunc autem venter excipiat, in quo tamen os, meconiumque supremam ejus partem, infimam autem ovarium & genitalia occupent, ast retro ad cardinem maxime vitalia instrumenta in tuto latent, hepar nempe præcordiale & cor ipsum, pericardio inhaerens apiceque caput animalis sursum spectans, adeoque natu-

re ordo in ejusmodi animalibus, dudum observante *Aristotele*, in-
versus quodammodo habeatur. Quod Bivalvium autem marino-
rum anatomen concernit, in *Pectunculo* pariter *striato vulgari* pe-
dem vomere quasi instructum, duo ligamentorum sive musculo-
rum paria testas aperientia & claudentia, membranas extimas tota
viscera & branchias involventes ac in crassiore seu musculosam
fimbriam desinentes, tracheas duas in ima fimbriæ istius parte po-
sitas & quatuor branchiis interioribus continuatas, aquam alte eja-
culari valentes, os cum duabus auriculis, stomachum, intestina,
meconium, atque sub hoc stylum quendam teretem & crystallinum,
generationis denique instrumenta in ventre, ac in dorso pericar-
dium cum contento corde, fere circinato, describit. Saltem in
Tellina fasciata peculiariter branchias dentibus sive radiis rarioribus
& evidentibus admodum distinctas, ac in superiori pedis carinati,
multum extensi, parte penis vestigium latescens, in *Chama* vero
fusca striis tenuissimis donata, duas tracheas, aquæ itidem & aeris
ejaculationi inservientes, ad digiti circiter longitudinem exeri pos-
se, inque media pedis rectoris planta velut penem quendam exire,
atque apicem cordis, ad medium deorsum inter duo ligamenta pro-
tensi & figura conica præditi, deorsum vergere, observat. Equi-
dem *Mytuli* dissectionem cumprimis ab *Antonio de Heide* ac *Leeu-
wenboeckio*, *Ostreis* anatomen a *Willisio*, ac *Balani vulgaris* descri-
ptionem a *Leeuwenboeckio* mutuo petit, circa *Ostreas* tamen & *My-
tulos* alia quoque addit, ab Autoribus laudatis penitus neglecta. Sic
cor *Mytuli*, de quo alium apud *Heide* silentium, pinnatum sive bi-
ventre indigitat, sub ipso cardine inter duo ligamenta ad dorsum,
tali ratione extensum, ut altero sui extremo ad tubulum aereum,
ubi in branchias dividitur, tendat, altero vero sursum ad caput &
papaver procedat, dum pinnae utrinque a latere suis membranis al-
ligantur, totum autem pericardio, i. e. tenui membrana late & late
diffusa pellucidaque continetur. In *Ostreis* vero, caput liberum
obtinentibus, branchias veras a musculis circularibus sive extimis,
branchiarum nomine itidem a *Willisio* insignitis, accurate distinguit,
earumque usum æque ac in universis Bivalvibus triplicem exponit,
quasi illæ non solum respirationi, sed & victui assumendo ac fortu-
ræ autriendæ videantur litare, cum branchiæ in *Ostreis* pelagicis fe-

re albicent, in Ostreis autem cœno littorali virefcenti servatis ipsæ virefcent, hinc subtiliorem seminis a maribus Ostrearum effusi partem excipiant, exceptamque ad ova, branchiis adposita & imprægnanda, deferant. Ostreis quippe, Pectunculis & Musculis fluviatilibus distinctum attribuit sexum, Musculos autem marinos seu Mytulos androgynos suspicatur. Verum *Pholadis alte striata* sectionem porro suscipiens, testas hujus non tres, sicut olim, sed quinque potius enumerat, quarum duæ potiores & majusculæ laterales perinde ac in cæteris biforibus existant, duæ autem minutæ, dorsales, latiusculæ, contrario situ positæ, ac quinta denique angusta & longissimæ infra cardinem protendatur. Quibus testis asperitatem mirandam vel ideo reputat convenientem, ut veluti lima quadam saxa perterebrare, cavernulasque in iis pro ratione incrementi sui ampliare & dilatare queant; prout virtutis hujus roborandæ gratia, huic animalium generi, præter ligamenta duplicia musculosa, cum reliquis Bivalvibus communia, testaceæ quoque apophyses quædam, longiusculæ & cavæ sint concessæ, costarum instar ad cardinem intus dispositæ, ac testis validius circumagendis perquam accommodatæ. Inter alias partes ab inferiori testarum extremitate ingentem a Pholade exeri tubum trachealem, ipsa concha multo longiorem, crassum admodum & tantum non cartilaginofum juxtaque apicem bifidum commemorat, cor autem tanquam e vesiculis conflatum & intestino recto stabilimenti loco firmiter adaptatum comparere. *Concharum* denique *Anatiferarum* testas & numero & dispositione cum Pholadum easdem subinnuens, de cirris istis, qui solent exeri, nihil certi determinat, pro pede autem in iis pediculum quendam mirabilem e duplici membrana contextum, totaque viscera purpurea, si meconium ex purpura nigricans & generationis organa albicantia, ex divaricatione consueta facile dignoscenda excipias, ostendit.

De cætero quemadmodum sectionibus Conchyliorum Bivalvium hætenus lustratis *Austarii* vice nonnulla præmittit, non modo Exercitationes duas priores de Cochlea terrestri, fluviatili, ac Lolliginis Anatome, verum hanc ipsam quoque Exercitationem tertiam quoad Pectines & Mytulos concernentia: ita *Coronidis* loco aliquot Disputationum capita circa partes enarratas suborta, v.g. de

Tt Au-

Automatis sive sponte ortis, de Testis Conchyliorum, Margaritis ac Calce & Sale testarum crematarum, de Aquis quibusdam medicatis Anglicanis, de Nitro Veterum, de Tincal sive Borrace, de Vulverum testaceorum usu medico, de Petrificatione, &c. subjicit. Primo nempe Bivalvia non minus, quam reliqua insecta, Automatum seu sponte ortorum numero eximit, quod sexus discrimen in iisdem, falso ab Aristotele & Galeno negatum, ad oculum valeat monstrari, ac animalia convenientius a Poetis, quam a Philosophis fingantur Automata, licet de modo & tempore coeundi nihil adhuc certi constet; prout nec ratio generationis in universum omnis patefcat, nondumque satis intelligatur, quid vel mas ipse in generatione efficiat. *Leeuwenhoekio* namque & aliis, qui a vermiculis, semini masculino innatantibus, solum generationis cum effectum materiam hodie deducunt, plura adhuc problemata enodanda superesse, v. g. cur ova foeminis dentur? cur a galli semine, animalculis destituto, multa ova uno congressu foecundentur? cur insectorum plerorumque ova ipso coitu adulta sint & partui apta? imo cum in aliquibus nulla coitio requiratur ad ova foecundanda, sed tantum seminis adpersio, an sic animalculis commodior sit ingressus in ova duriuscula? cur animalcula in ovis nullibi, ne puncto quidem vitelli, reperiantur? cur in uniparis & pauciparis animalibus aequennumerosa existant ista animalcula in semine masculino, ac in multiparis? quorsum hæc perditio? &c. Vermiculos autem in semine masculino microscopii adjumento detectos, animalcula sui generis videri, in humore seminali, utpote multum diuque accumulari solito, copiosissime ideo forsitan prognata, ut animantes partim ad coitum ardentius excitarent, partim tenuissimos ductus seminales, quos in concubitu transeunt, confertim titillando majori voluptate perfunderent, quoniam pereunte coeundi voluptate aut semine involuntarie absque titillatione effluente, v. g. in gonorrhoea virulenta, ejusmodi etiam animalculorum proventus cessat. Hinc ad Conchyliorum testas atque margaritas accedens, fabricam illarum a *Stenone* & *Leeuwenhoekio* exhibitam approbat, saltem materiam earundem duplicem, i. e. e succo vitali & lapideo permixtam ac plurimis membranis lamellatim dispositis inclusam statuminat; hæc vero sive margaritas, in senescentibus tantum aut alias morbidis conchyliis circa

circa capita musculorum valvas claudentium provenientes, sola figura a testis ipsis discrepare, cum *Srenone* itidem asserit, rationem cumprimis a coloris utrobique identitate desumens, ac Medicos idcirco redarguens, qui pulverem testarum margaritis substituere videntur. Sed cum testæ crudæ lapidis quandam naturam referre merito visæ fuerint veteribus, earundem porro cum lapide convenientiam, tum e calcæ præstantissima, quæ e conchyliis combustis paratur, quam e sale, cum lapidis calcarii sale prorsus coincidente, explanat, simulque lapidis & salis calcarii in aquis medicatis existentiam, in Tractatu de *Fontibus Angliæ medicatis* propugnatam, novis experimentis confirmat. Imo quia Nitrum veterum, a Sale Petræ hodierno omnino diversum, duplicis generis a *Plinio* recensetur, urinosum alterum & in aere facile resolubile, alterum lapideum, amarulentum & candidum, hoc ultimum Sali calcario annumerat, figuram novi cujusdam Salis fossilis viscosi, Tincal appellati, ac depurati Borracis Veneti nomine venientis designans, usumque pulverum testaceorum ad ventriculi concoctionem, sola attritione haud absolvendam, proficuum declarans. Ubi demum petrificationis rationem salibus appropriatis, cum convenientibus particulis lapideis commixtis, nec ab aqua amplius solvi aptis, adjudicavit, quæstionem in specie de Conchitis seu veris lapidibus ad imaginem concharum figuratis, an tales petrificationis vera sint soboles, ventilat. Exactiori ramen hujus solutione amicissimo suo *D. Floid* relicta, Testarum fossilium tria solum genera a *Srenone* in *Tr. de Solido intra Solidum*, minus accurate exponi notat, quod tertium genus incertum videatur, quartum vero quintumque addendum, umbræ puta Conchyliorum sive simulacra horum Pyriti fissili aliquando impressa, atque Conchitæ in hominis interdum visceribus ex multorum allegatorum Autorum observatione occurrentes, ab ipso prorsus negligantur. Ne quis autem dubitet, Conchitas in terra, saxis & ipsis animalium corporibus, sola materiæ lapideæ coalitione, in morem crystallorum posse figurari, e multis lapidibus perpetuæ figuræ sponseque concretis, terrigenas illas Columnas sive Astroas novæ figuræ, ad litus maris Scotici quæ cernuntur, ac in *Transactionib. Philof. Anglic. N. 212.* prolixius describuntur, paucis memorat.

Tandem in *Medicinali* quoque *Dissertatione* ob affinitatem,

quæ *Calculo* cum testis Conchyliorum intercedit, annexa, genefin Calculi, tanquam producti vere lapidofi, fali ac lapidi calcario, (in calculis crematis microfcopio detectis) & interdum metallo ferreo, (magnetis ope ex uftis calculis coram Societate Regia extracto,) cum quibuslibet corporis humoribus, in plerisq; vifcerum ductibus excretoriis, maxime in renibus atque vefica, concrefcantibus fert acceptam. Remedia calculum expellentia, poftquam diagnofin hujus & prognofin cum indicationibus generalibus tradidit, itemque aliquot calculoforum curationes, & in sexagenario diffeâto renem dextrum immenfe magnitudinis cancrofum, quinquaginta uncias adæquantem atque plurimos calculos exiguos continentem enarravit, ad quatuor revocat clafles. In prima & præcipua ex infectis penem Testudinis viridis toftum, Margaritas, Conchyliorum teftas, crudas pariter acuftas, Millepedes, Scorpiones, Cantharides, Lumbricos terreftres, Cochiniliam, Apes, Formicarum nascentium cineres, Sericum ejusque fpiritum deftillatum, apud Anglos nomine Guttarum Goddardianarum venientem &c. commendat. In altera autem ex animalibus offa cremata in capite Tuberonis, Afelli pifcis, fimiliumque, Tunicas interiores ventriculi Gallinæ, ftercus hujus album ac cortices ovorum aduftos; quemadmodum in tertia claffe ex herbis diureticis Legumina, cumprimis Ciceres rubros, item Terebinthinam, Balfamum Judaicum, Peruvianum, Copayvæ, Tartarum, Succum Limonum, Amygdalas amaras &c. extollit. In ultima denique claffe ex mineralibus Corallium, Lapidem Judaicum, Nitrum veterum, Spiritus acidus Salis, Vitrioli &c. Sal Prunellæ, Mercurium dulcem & Aquas medicatas decantat; ab ufu tamen Aquarum harum uberiori eos, qui tono renum & veficæ labefactato, adeoque difpofitione gaudent, qua ipfæ ejusmodi aquæ in calculum concrefcant, fedulo jubet abftinere.

JUSTIFICATION DE LA DOCTRINE DU SIEUR ELIE SAURIN &c.

i. e.

VINDICIÆ DOCTRINÆ ELIÆ SAURINI, ECCLESIAE FLANDRO-GALLICÆ ULTRAJECTINÆ PASTORIS contra duos Petri Jurii libellos.

Ultrajecti apud Ant. Schouten, 1697. 8. Alph. 1. pl. 14.

PROdit denuo in aciem adverfus Jurium Elias Saurinus, objecta ſibi

sibi in duobus libellis discussurus. Cum autem Jurius id potissimum agat, ut Saurinum erroris profani in doctrina de S. S. Trinitate convincat, aut saltem in hoc capite eum suspectum reddat, hic quidem suarum partium esse arbitratus est, summa ope istam a se amoliri suspensionem. Hunc in finem suam de Trinitate sententiam in præfatione satis prolixè & perspicue edisserit, nec aliam menti suæ sedere, quam ibidem eloquitur, sanctæ testatur, eandemque contra infaustos Socini alumnos, eorumque frivolas cavillationes, pro viribus munit.

Hic ita præmissis, pugnam capessit. Duos autem Jurius contra Saurinum edidit libellos, quos hic sibi confutandos sumsit. Unus titulus est: *Idée des Sentimens de Mr. Saurin sur les Mysteres de la Trinité & de l' Incarnation*; alteri: *La Religion du Latitudinaire*. Hunc mense Februario hujus anni jam exhibuimus: ille ad nos nondum pervenit. Interim Saurinus testatur, & ejus quoque responsio docet, brevius solum & velut in summa quadam in eo tractari, quæ in altera commentatione fusiùs deducuntur.

Primum principium, ut vocat, hæreticum, cui Saurini Theologiam inniti Jurius contendit, hoc est, quod universalis Ecclesiæ testimonium parum curet, istudque infringat, insuper habita regula Vincentii Lerinensis, qua istud verum esse pronunciat, quod omnes Christiani, præsertim omnes Ecclesiæ Doctores, ubique & semper verum esse crediderunt. Regerit ad hoc Saurinus, se omnino docuisse, regulam Vincentii triplicem admittere sensum: in primo & secundo eandem veram quidem, sed nullius usus esse, cum talis consensus, cui tuto inniti queamus, haberi non possit: intertio eandem quidem locum habere posse, minus recte autem pro fidei quodam principio venditari; cum consensus plurium aut plerorumque Christianorum, præsertim Ecclesiæ Doctorum, magnum quidem momentum habeat, neutiquam autem instar demonstrationis sit, aut principii recte sustineat vicem. Negat itaque, mentem suam a Jurio recte referri, quando dixit, Saurinum negare verum esse, quod omnes Christiani, omnesque Ecclesiæ Doctores semper & ubique docuerunt: nunquam enim sibi hoc venisse in mentem. Id quidem se docuisse, talem consensum universalem omnium Christianorum haberi non posse: quod si autem haberi possit, omnino

Part. I.
n. I.

istud, in quo consentiunt, pro vero agnoscere se profitetur. Ut autem demonstraret Saurinus, frustra ad talem consensum provocari, Patres minime errorum esse immunes dixerat: hinc nova Jurio enata accusatio. Sed nihil se de Patribus effatum esse, quod non Dallæus & Claudius docuerint, Saurinus asserit; simul tamen addit, si quis conculcata Patrum auctoritatis reus peragi possit, eum Jurium esse, qui illis pro lubitu gravissimos turpissimosque, in rebus maxime arduis, ipsaque doctrina de Trinitate, aqualitate personarum Divinarum, immutabilitate Dei &c. imputet errores. Cum primis de Patribus Ante-Nicænis Saurinus profitetur, eos a se pro orthodoxis haberi: tantum vero abesse, ut Sabellianismi eos accusaverit (ut quidem Jurius contendit,) ut potius existimet nonnullos, studio evitandi Sabellii errorem, ultra quam decet in contrariam partem proventus esse, & ad Arrianismum proxime accessisse. Sed quod ad eos attinet, qui post concilium Nicænum vixerunt, aut huic concilio interfuerunt, non abnuit, sua opinione a Tritheismi errore eos liberari non posse. Non quidem asserere audet, hunc errorem illorum mentibus infedis; sed tamen in eorum scriptis ejusmodi occurrere ait documenta & loquendi formulas, quæ eisdem palam faveant. Quod ut evincat, negat de horum Doctorum sententia e Symbolo Nicæno judicandum esse, cum hoc satis accurate quidem & clare Arrianorum, quibus oppositum est, errorem, non autem Tritheismum rejiciat; sed ex eorum scriptis, præsertim quibus aliorum sententias impugnarunt, & suam adeo mentem fusius magisque perspicue explicarunt. Præterea satis notum esse putat, Doctores, qui concilii Nicæni auctoritatem admiserunt, unam essentiam in tribus hypostasibus, ut Græci loquuntur, aut unam essentiam & hypostasin in tribus personis, ut Latini dicere malebant, adorasse: per *ὑπὸ τῶν* autem sive essentiam eos intellexisse naturam, quæ ut species pluribus individuis inest: Græcos autem per *ὑπὸ τῶν*, & Latinos voce personæ, naturam singularem sive individuum designasse; quod quidem illorum Tritheismum, judice Saurino, satis aperte arguit. Atque hæc ita se habere, quam plurimis ipsius Athanasii, Gregorii Nazianzeni, & Augustini testimoniis se probare posse profitetur. Hæc pluribus exequitur, ut in ejusmodi scribendi genere fieri assolet; mox verba sua a Jurio non recte intellecta,

lecta, aut allegata, eadem quandoque depravata conqueritur; mox suam sententiam rectam esse contendit, aut Jurium idem sentire, probat; mox sequetarum nexum desiderat. Sic ex eo, quod asserit, & concessit, Patres Nicænos, & qui post concilium istud vixerunt, a Trithismo prope abfuisse, negat sequi, quod Jurius inde colligit, doctrinam de Trinitate esse hæresin Trithitarum: namque istos Ecclesiæ Doctores veram de Trinitate doctrinam tenuisse, id quidem esse, quod abnuat, iterum inculcat.

Alterum principium erroneum Saurini Jurius hoc esse contendit, quod terminos, qui in Scriptura non leguntur, ut *Trinitatis, persona, essentia, hypostaseos, unionis hypostatica & personalis, incarnationis, generationis & processions &c.* rejiciat. Respondet Saurinus, se de voce *persona* similibusve ita sentire, eas non nisi per analogiam Deo a Theologis tribui, aut tribui posse. Hoc maxime verum esse de iis vocibus, quæ proprie acceptæ imperfectionem quandam involvunt, uti sunt generatio, spiratio, processio, circumincessio, quippe quæ motum, divisionem, aut tale quid, quod corporibus proprium est, & adeo de Deo non sine scelerere cogitari potest, connotant. Notat hic velut in transitu Jurium, quod dixerit, creaturas esse emanationes essentia Divinæ, & ex ea egredi; id quod ex Spinozæ schola eum hausisse ait. De voce *personæ* porro docet, eam proprie nil aliud significare, quam naturam singularem, aut substantiam singularem intelligentem, completam, & quæ non est conjuncta cum alia substantia ad totum aliquod constituendum. Nec aliam fere ideam personæ Theologorum mentibus obversari, cum de Trinitate verba non faciunt, fidenter asserit. Nec aliud quid, eo judice, cogitarent, aut mente conciperent, ad hoc mysterium accedentes, nisi res ipsa significationem hujus termini mutare eos cogeret. Etenim si eodem modo tres in Divinitate personas admitterent, quo ceteroquin tres personas cogitant, non possent quoque non tres sibi fingere Deos. Evidenter itaque hinc sequi putat, vocem personæ per analogiam solum de personis Trinitatis adhiberi. Nimirum denotari ea aliquid reale facetur, sed hoc quale sit, nec cognosci a quoquam, multo minus exacte verbis exprimi posse. Confirmat hanc suam sententiam autoritate Augustini, qui vocem personæ hic ideo adhiberi autumavit, non quod

n. II

rem

rem accurate exprimeret, sed ut haberemus tantum aliquid interrogati, quod diceremus. *Cum quæritur, inquit, quid tres? magna prorsus inopia humanum laborat eloquium. Dicitur tamen esse tres persona, non ut illud diceretur, sed ne taceretur.* Hinc nunc porro colligit, hæcque similesque voces neutiquam plane rejiciendas esse, cum difficile sit, sine iis Scripturam sacram interpretari; sed quantum fieri potest, Scripturæ sacræ vocibus utendum esse: præterea, si qui forte sint, qui religioni sibi ducant, hisce vocibus istud mysterium exprimere, modo in re ipsa consentiant, neutiquam ideo dammandos, aut erroris arguendos esse. Atque hanc suam sententiam a Reformatæ Ecclesiæ Doctorum placitis non abire, ipsius Calvini testimonio, quod affert, comprobare annititur. Tandem & istud addit, neutiquam se unquam negasse, voces *hypostasios, incarnationis, generationis & processions*, in Scriptura S. inveniri, cum cœcum aut rationis expertem esse oporteat, si quis istud negare sustineat; sed cæteris terminis *ἀγέδαις* eoque se eos addidisse, ut ostenderet, eos quoque solum per analogiam Numini tribui posse. At voces *essentia & unitas essentia* omnino proprie Deo tribui fatetur, Juriumque, quod contrariam sententiam sibi affinxerit, parum cordate se gessisse, conqueritur. Tertium principium, quod in Theologia Saurini ut hæreticum Jurius redarguit, hoc est, quod in rebus fidei nihil nobis credendum sit, nisi quod rectæ rationi nostræ evidenter est conforme, & quod clare atque distincte a nobis est perceptum. Hic citra ambages Saurinus negat, hocce principium a se admitti, aut unquam admissum esse. Provocat ad scripta sua, in quibus non semel hunc errorem, nihil credendum esse, nisi quod clare & distincte percepimus, a se profligatum esse dicit: istud autem sæpius a se adstructum & solide confirmatum addit, in rebus fidei nihil credendum esse, nisi cujus per evidentiam revelationis convicti sumus. Atque hoc esse omnium Protestantium principium asserit.

Hocce labore defunctus Saurinus, sequelas, quas hinc Jurius necit, adgreditur. Primo namque hinc infert, Saurinum in Antitrinitariorum militare castris, & doctrinam de Trinitate proheresi Tritheitarum habere. Quid ad hoc regerat Saurinus, divinatione haud difficulter assequi licet. Loca ex scriptis suis a Jurio

ut

n. III.

ut hoc evinceret, adducta, perperam ab eodem allegata conqueritur. Theologos, qui satisfactionem Christi labefactant, a se pro amicis aut fratribus haberi, abnuat: multo magis autem inficiatur, se idem sentire cum Auctore Relationis *de Tabula Socinianismi*. Præterea quando doceat, dogma de Trinitate minus evidens esse, hoc non de evidentia testimonii, sed de evidentia objecti, ut in scholis loqui amant, se intelligere testatur: sic & dum negaverit, Deum proprie generare &c. nequaquam hinc sequi putat, quod Jurius inde infert, ergo figurate generationem & similes actus Deo tribui. Se enim *Ipse proprie* non opposuisse *Ipse figurate*, sed *Ipse analogice*. Tangit etiam quæstionem, quomodo essentia in divinis a personis & a personalitatibus, itemque personarum & personalitates a se invicem differant? commemoratisque Scholasticorum placitis, eam, cum definiri nequeat, rectius silentio involvi pronuntiat. Delabitur hinc iterum, vestigiis Jurii insistent, ad Patres, præsertim eos, qui post Concilium Nicænum vixerunt, horumque Tritheismum, interque multa alia, quæ de iis disputat, hoc quoque observat, in ipso Symbolo Nicæno nonnulla parum commode dicta occurrere, quale & illud esse putat, *Deus de Deo*; quippe qua formula, iudice ipso Calvino, aliquis, ut duos Deos eogitet, induci possit. Ultimo autem loco Jurius hoc attulerat, quod Saurinus imagines Trinitatis subinde afferri solitas rejecerit. Non prorsus eas se rejecisse ait, sed hoc solum docuisse, hinc nullum argumentum stringens, aut quod Trinitas personarum in Deo sit, aut quod esse possit, duci posse. Interim & aliis Theologis, quos inter maxime Hermannum Witsium laudat, hasce imagines non adeo placere, observat.

Incarnationem quoque Verbi Saurinum negare, Jurius autumat. Namque quod unionem, qua naturæ in Christo inter se colligatæ sunt, solum pro morali & *παράλογον* habeat, ex ipso Saurino se audivisse denuo testatur, idque jurejurando se confirmare posse, profiteretur. *Lis de facto est*. Asserit hoc Jurius; strenue negat Saurinus. Sed addit Jurius rationes, ex scriptis Saurini petitas, his evicturus, non secus eum sentire. Primo ait, personam a Saurino & Cartesianis nihil aliud quam negationem haberi. Jam absolum esse, si quis dicat negationem carne vestitam. Sed hoc se asseruisse, inficias it Saurinus. Personalitatem in rebus creatis ne-

gationem unionis cum alia natura esse, concedit; ast in divinis secus se rem habere profitetur. Pergit Iurius, Nestorium tamen a Saurino pro orthodoxo, Cyrillum pro hæretico haberi. Largitur hoc Saurinus. Etenim errorem Nestorianorum non esse imputandum ait ipsi Nestorio. Hunc quippe nihil aliud docuisse, quam in Christo esse duas naturas & unam personam. Per malitiam autem & ignorantiam, aliam sententiam Nestorio affictam esse. Cyrillum contra, revera Eutychianorum sententiam fovisse. Hanc itaque damnando, neutiquam se orthodoxam sententiam damnare, ait, quippe a qua Cyrillus fuerit alienus. Atque hoc ita se habere, haud difficulter se probare posse contendit. Quod si Nestorius aliquando non satis accurate locutus fuerit, hoc non magis illi vitio verti posse, quam Gregorio Nazianzeno, Chrysostomo, & Augustino, qui iisdem sæpius usi sint formulis. De Cyrillo vero rem dubio carere, cum semper unam solum naturam, & quidem discrete & citra ambages, Christo tribuat.

Tandem & Pelagianismi Saurinum arguit Iurius. Nullo jure, inquit Saurinus. Verba quæ hunc in finem a Iurio adducta sunt, nihil ejusmodi indicare, & præterea a Iurio mutilata esse, queritur. Nec enim aliud quid iis se asseruisse, quam talem Deum, qualem sibi fingat Iurius, qui non etiam sanctus & justus sit; non Deum, sed ipsum potius Diabolum esse. Atque ejus quidem asserti neutiquam se pœnitere ait. A Pyrrhonismo autem prope abesse Iurium, dum asseruerit, se opinionem istam, quæ animo suo de Deo infideat, libenter rejecturum, aliamque admitturum, modotantum alterumve, quo adhuc urgeatur, dubium sibi eximatur. Hinc paucis cæteras accusationes, quod parum honorifice de Sacramentis & de Magistratu sentiat, & id genus alias, Saurinus a se amolitur, citra ambages negando, tale quid se unquam effatum esse.

Part. II.

Cap. I.

In parte secunda, quam alteri Jurii libello de Religione Latitudinarij opposuit, eadem fere recurrunt & repetuntur, aut nova solum argumenta, quibus Iurius probare voluerat, omnino Saurinum hanc fovere sententiam, quam semel illi tribuerat, diluuntur; adeoque breviores hic ducemus lineas. Primo quidem de religione, Latitudinarij & Cartesianismo nonnulla monet, & nullam Iurio fuisse rationem, ut de illa tam prolixè differeret, cum nemo magis

magis ab ejusmodi erroribus, quam ipse abhorreat: rectius tamen, dici, ipsum Jurium Latitudinariis esse accensendum. Cartesianorum quoque placita eo usque se probare, ut inde puriori Theologiae labes adspersi possit, itidem inficiatur. Jurium autem, quod Cartesianorum decreta cum Scripturae S. effatis componere & conciliare rite non potuerit, crassos atque ineptos admisisse errores. Hinc ea, quae Jurius in cap. 7. 8. 9. & 10. disputavit, perstringit. Nimirum in iis omnes elabendi rimas obturare, & destruere ea omnia suscepit Jurius, quae Saurino praesidio esse potuissent: quod infelici quidem, quin nullo plane successu ab eodem factum esse, demonstrat. In capite 3 Auctor iterum Jurii ductum secutus, ad terminos in Ecclesia ad mysteria designanda receptos dilabitur. Inter alia de voce personae rursus disceptatur, quam cum in Scriptura S. occurrere asseruisset Jurius, provocassetque ad Hebr. XI, 1, Saurinus Amyraldi aliorumque interpretum auctoritate comprobat, eam vocem hic sine haereseos nota aliter verti posse. Sed quod addidit Jurius, *ὑπὲρ αὐτὴν* hic recte per personam verti, cum persona sit velut fundamentum, cui attributa quin ipsa essentia divina innitantur, hoc non ita praetermittit, ut non graviter castiget, quod sua opinione parum accurate dictum est. In capite 4. imagines, sive ut Auctor vocat, emblemata Trinitatis rursus in scenam prodeunt, de quibus quod minus magnifice senserit, eam vero vel praecipuam causam memorat, cur a Jurio velus Antitrinitarius traducatur. Rejicit hic Saurinus Patrum quorundam Scholasticorumque, & recentiorum, quoque Ecclesiae Reformatae Doctorum sententiam, generationem, per contemplationem explicantium, & ideam hinc exurgentem Filium Dei esse contendentium. Hanc sententiam omni destitui fundamento, palam proficitur. Idem jam fecerat in Examine Theologiae Jurii, suamque de locis Gen. I. Prov. VIII. & Joh. I. ex quibus robur huic opinioni videtur conciliari posse, mentem exposuerat: sed cum Jurius hoc ita accepisset, ac si in hisce effatis divinis explicandis frigidam suffudisset Socini asseclis, prolixus & valde operosus est in mente sua declaranda. Cuncta autem eo redire videntur, ut fateatur, Filium Dei esse quidem & recte vocari Verbum Dei & Sapientiam Dei, non autem ideo, ut modus generationis per hasce voces indigitetur, sed ob alias causas. Adeoque non negat, in lo-

Cap. II.

Cap. III.

Cap. IV.

cis citatis de Filio Dei sermonem esse, sed negat voces ibi occurrentes modum divinæ generationis connotare. Laudat, auctoritate etiam suam sententiam confirmaturus, iterum Witium, ejusque sententiam de *Λόγῳ* approbat, quod videlicet Filius Dei *Λόγος* dicatur, non quod sit intellectus aut idea Patris, nec, quod aliis placeat, quod sit objectum verbi sive Evangelii: sed quod sit principium verbi, sive quod Deus per suum Filium de sua voluntate nos certiores reddiderit, sicut verbum loquentis mentem & cogitata manifestat. De Conciliorum & Patrum auctoritate disceptatur in cap. 5.

Cap. V.

nec aliud fere agitur, quam quod jam in parte priori actum. Argumentis istis, quibus probare voluit Jurius, se de Patribus durius, quam par erat, non censuisse, nihil eum proficere, hic ostendere laborat Saurinus. Se autem de Patribus, præsertim Ante-Nicænis,

Cap. VI.

minus honorifice sentire, denuo negat. Speciatim Origenis, Hilarii, & Hieronymi defensionem in se susceperat Jurius. Ad Origenem autem quod attinet, quæ de eo Jurius disputavit, plane hoc non quadrare pronunciat Saurinus. Quoties enim de auctoritate Patrum ex doctrina eorum metienda disquisitur, parum nostræ referre, pervenerintne ad beatorum sedes, an non? Fieri enim posse, ut perditissimus hæreticus, si pœnitentia vera vel in fine vitæ crimina sua expiet, æternos cruciatus effugiat. De Hieronymo ita censet, in ejus defensione non satis sibi constare Jurium. Mox enim eum fateri quidem, quod Hieronymus ita senserit, ut hic error excusari mereatur: mox asserere, istum locum non Hieronymi, sed alterius Auctoris, ab Hieronymo autem arreptum & commentario insertum esse. Nec admittit, quod Jurius porro dixerat, in Hieronymo hunc errorem excusari posse, quem si quis hodie admittat, eum venia indignum esse. Hilarium denique nullo modo defendi aut excusari posse, arbitratur. Frustra autem esse Jurium, dum ut eum excuset, asserat, eum impetu & fervore disputationis in devia abreptum, non adeo malo consilio hanc sententiam arripuisse. Hoc enim, inquit, si sufficeret, nulla tam execrabilis esset hæresis, quæ non hoc modo excusari posset. Hinc Jurii vestigia præmens redit ad Patres Ante-Nicænos, quos non adeo felici successu a Jurio defensos probare annititur: Athenagoram, Theophilum Anuochenum & alios, revera ab eodem in Arrianorum clas-

Cap. VII.

sem

sem detrudi ait, tantum abest, ut ab erroris aut hæreseos suspicione eos liberaverit. Quin talia ex hisce Scriptoribus a Jurio referri, quæ longe turpiores, quam Arrianorum fuerint, errores eos docuisse, evincere videantur. Non sufficere ad orthodoxiam illorum comprobendam, si τὴ ὁμολογία vestigia apud illos inveniantur; dispiciendum enim esse, quo sensu hanc vocem admiserint, aut usurpaverint. Sed nec felicius Patrum quarti aut quinti seculi causam egisse Jurium asserit. Quæ sæpius hac in re dixerit, firmo adhuc consistere talo, quicquid etiam asserat Iurius, hic probare conatur. De Symbolo Nicæno denuo pronunciat, non sibi tanti esse ejus auctoritatem, quanti illi eam faciunt, qui antiquitatis unice stant decretis. Negat nos certos esse posse, quo consilio, quove proposito, Concilii Nicæni Patres ea de Trinitate sanciverint, quæ in Symbolo hocce professi sunt. Nec cuiquam hoc fraudi esse posse, cum nihil frequentius sit, quam ut tum in civilibus tum sacris congregationibus, plerique alia quavis potius causa, quam veritatis amore, ut sententiam quandam tuendam suscipiant, adducantur. Sibi vero, quod ita sentiat, hæreseos notam inuri posse, prorsus abnuat. Prolequitur idem argumentum in capite 9, & de quarti seculi Doctoribus hoc sedulo inculcat, eos sæpius obscure, & confuse de mysteriis gravissimis locutos esse; unde si non falsas secumque pugnantes, confusas tamen & obscuras ideas illorum mentibus obversatas colligit: præterea eos, qui ab essentia discrevere hypostasim, hypostasies tres in una essentia, aut unam essentiam in tribus hypostasibus adorando, per essentiam naturam communem, sive speciem, ut Logicorum filii loquuntur, per hypostasim autem naturam singularem, sive individuum intellexisse. Tertium quod observat hoc est, Patres voce ὁμολογία intellexisse tale quid, quod unam communem, sed specificam habeat essentiam, aut saltem hac voce unitatem, ut vocant, numericam ab unitate specifica non distinxisse. Quarto denique addit, a Patribus quarti seculi ἀκριβέως adeo non expectandam esse, ut in sententia sua edisserenda parum cauti & circumspecti sint, & non tantum eos intermisisse, quod facere debuissent, sed fecisse quod intermisisse longe fuisset consultius. Hæc omnia adductis ipsorum Patrum verbis comprobare satagit: cum primis autem ad Athanasium, Augustinum, Gregorios Nazianzenum &

Cap. VII.

Cap. XI.

- Cap. X.** Nyssenum, Cyrillum aliosque provocat. Quæ Jurius jam ad hæc regefferat, diluit in cap. 10. ejusdemque argumenta, quibus contrariam sententiam firmaverat, infringere adgreditur cap. 11. Sed addiderat Jurius 13 observationes de Trithetismo quarti seculi, ad suam sententiam stabiliendam pertinentes. Eas discutiendas sibi sum-
- Cap. XI.** pfit Saurinus cap. 12. In secunda harum observationum, Jurius ab omni plane ratione abhorre dixerat, veteres Doctores, qui eam strenue Gentilium Polytheismum impugnarunt, Polytheismum si non crassorem, certe æque crassum admisisse ac propugnasse. Respondet ad hoc Saurinus, falsum pronunciando, Trithetismum Patrum æque crassum fuisse, ac Polytheismus Gentilium fuit. Eundem porro in verbis eorum & loquendi formulis se solum notasse: interim se non negare, quod mens illorum ab hoc errore fuerit aliena. Addit, Patres, qui contra Gentiles disputarunt, tria præcipue illis improbrasse: quod infinitum Deorum induxerint numerum; quod diversa illis dederint imperia, certisque mundi partibus certos præfecerint Deos; quod eos secum invicem commiserint, fingendo, alium a Trojanorum stetit partibus, alium in Græcorum militasse castris: cum contra Christiani solum adorent tres personas divinas plane æquales inter se, & unitas, omnes tres eodem modo universo orbi leges dantes, idemque semper volentes. Denique monet, Patres contra Gentiles hac de re disputantes, nec distincte satis suam sententiam proposuisse, nec valide Gentilium errores retulisse; id quod prolixius evincere satagit. In capite 13. sub examina revocat defensionem a Jurio pro Concilio Ephesino susceptam. Et primo quidem Derodonem perperam hæreseos aut impietatis a Jurio argui, & in ejus libro de Supposito nihil, quod a veritate alienum sit, deprehendi, istumque adeo sine causa a tribunali Tholosano igni adjudicatum, evincere annuitur. Deinde Cyrillum adgreditur, quem Jurius ab Eutychanismo crassiori quidem, sed neutiquam subtiliori absolverit. Varia hic monet circa descriptionem subtilioris Eutychanismi a Jurio allatam, asseritque si qui subtilioris Eutychanismi argui possint, in hunc censum eos referendos esse, qui duas naturas in Christo ante unionem quidem separatas agnoscant, sed post unionem non unam tantum personam, sed naturam unam totalem, ex duabus naturis compositam, inde emeruisse credant, nec adeo duas na-

turas in una persona admittant. Et ita quidem tum ipsum Eutychem, tum Cyrillum quoque sensisse, id quidem est, quod Autor prolixè ipsius Cyrilli allatis verbis demonstrare conatur. Evidè itaque hunc in modum, ut putat, Cyrilli hæresi, facile esse credit innocentiam Nestorii demonstrare. Sed cum ipse Iurii diserte pronunciare ausus non fuerit, jure damnatum Nestorium, Saurinus argumenta ista probabilia, quibus suam sententiam Iurii stabiliverat, hic convellit, & de Concilio Ephesino porro concludit, Doctores Ecclesiæ in eo congregatos ordinem in Conciliis observari solitum non tantum migrasse, sed affectu potius & adulandi studio, quam veritatis amore adductos, sententiam tulisse, quin & erroris, quem Cyrillus defendit, quique, judice Saurino, in hæreticorum classẽ illum detrudit, non fuisse immunes. Et hoc quidem in cap. 14. agit. In capite 15. autem adhuc dubia quædam, quæ suæ de Patribus quarti & sequentium seculorum sententiæ opponi possint, remover. Hinc ad ultimam libelli, in quo refutando versatur, partem progreditur, & denuo testatur, nunquam se docuisse, rationem primum in rebus fidei esse principium, adeoque hanc sententiam perperam a Iurio sibi tribui. Consensum quoque, quem Iurii inter Saurini placita, & decreta Socinianorum ac Latitudinariorum se invenisse putat, nullum plane esse, probare nititur, denuoque de Scripturæ & rationis auctoritate disputat. Inter alia autem ad quæstionem dilabitur: si ratio Scripturæ repugnet, sitne ratio potius sequenda, an revelatio? Absurdam atque ineptam hanc quæstionem appellat, cum tale quid ponat, quod plane fieri nequit. Nunquam enim pugnam veram inter rationem & revelationem esse: quod si autem esse cuiquam videatur, hoc inde evenire, quod aut rationis defectum vel abusum perperam pro recta ratione capimus, aut divina oracula non rite interpretamur. De methodo autem inquirendi in veritatem, hoc est, quando prius ratio auscultanda, ut deinceps ad Scripturam rite descendamus, aut quando directè & unice revelationi nos submittere deceat, ahibi ex instituto se expositurum pollicetur. Quibus ita expeditis, respondet ad argumenta Iurii, quibus demonstrare susceperat, ex Saurini principiis non tantum errores perniciosissimos fluere, sed eadem etiam decreto Ordinum Hollandiæ die 3. Decembr. A. 1694. promul-

Cap. XIV.

Cap. XV.

Cap. XVI.

Cap. XVII.

Cap. XVIII.

- mulgato adversari. Utrumque negat Saurinus, simulque docet, quæ de Burii libro in Anglia combusto, & Academiæ Oxoniensis decreto Jurius attulerat, huc plane non spectare, eademque nec se
- Cap. XIX. nec suam ferire sententiam. Strenue quoque characteres, ut vocat, sive notas hæreticorum, quas in Saurino deprehendisse sibi
- Cap. XX. visus est Jurius, a se amolitur: variaque ad inustum sibi a Jurio malæ fidei in disputationibus crimen regerit. Finit denique totum opus, ad Jurii præfationem pauca monendo: ubi nonnulla a Jurio commemorata falsitatis arguit, quædam inposterum se refutaturum promittit, cætera coram illis, quibus uterque factorum, suorum rationem reddere teneatur, se expositurum profitetur.

LIBRI NOVI.

- Thesaurus Antiquitatum Romanarum, congestus a Job. Georgio Grævio. Tomus IV. & VI. Ultrajecti apud Franc. Halmam, & Lugd. B. apud Petrum van der Aa, 1697. fol.*
- Thesaurus Græcarum Antiquitatum. Volumen primum, Memorabilia Temporis Mythici, quod Trojano bello terminatur, completent. Auctore Jacobo Gronovio, Lugd. Bat. 1697. fol.*
- Philippi Bonanni Soc. Jes. Numismata summorum Pontificum, Templi Vaticani fabricam indicantia. Roma, typis Dom. Ant. Hærculi, 1696. fol.*
- De Canonibus Apostolorum Dissertatio Historico-Chronologica & Dogmatica, auctore P. Antonio Constantino, Ordinis Minimorum. Roma, apud J. J. Komarck, 1697. in 4.*
- Gli Antichi Mausolei Romani & Etruschi dissegnati & intagliati da Pietro Sansi Bartoli, Roma, 1697. fol.*
- Job. Clerici Ars Critica, in qua ad studia linguarum, Latina, Græca & Hebraica via munitur &c. Amstelodami apud Georg. Gallet, 1697. 8.*
- Défense de la Véritable Doctrine de l'Eglise Reformée sur le Princip de la Foy, par Elie Saurin. A Utrecht chez Ant. Schoutens 1697. 8.*
- Nouvelle Découverte d'un très grand Païs situé dans l'Amerique entre le Nouveau Mexique & la Mer Glaciale &c. Par le P. Louis Hennepin. A Utrecht chez G. Broedelet, 1697. 12.*

* * * * *

ACTA ERUDITORUM

Publicata Lipsiæ

Calendis Augusti, Anno M DC XCVII.

JO. CHRISTOPHORI WAGENSEILII DE SACRI ROM. IMPERII Libera Civitate Noribergensi Commentatio.

Altorfi Noricorum apud J. W. Kohlesium, 1697, in 4.

Constat alph. 3. plag. 4.

Cum patriam suam optimus quisque tenero prosequi amore, quodque ad laudem ejus ac decus pertinet, & audire lubentius, & non prompte minus commemorare soleat; dignum omnino operæ fecit pretium celeberrimus Wagenseilius, omnemque grati civis mensuram solerter implevit, quando emissæ de Civitate Noribergensi commentatione, quicquid de initiis ac incrementis, amplitudineque atque opibus, ac universa inclytæ urbis gloria sciri meretur, copiose exposuit, ac ne indicta porro maneret, quæ ex nobilissimis Germaniæ una est, curavit. Totus liber in duas partes dispescitur, quarum *prima* encomia civitatis, & unde nomen teneat, situm deinceps ac incrementa, quaque ratione S. Sebaldi industria Christiana eadem facta sit, quali nitore cultuque gaudeat, quibus a natura bonis instructa fuerit, quæ templa habeat, quas scholas, quæ ædificia alia magnifice extructa; qualis Senatus, quæ patriciæ familiæ in ea florent, quibus porro legibus a Venetis maximam partem petitis contineatur, quæ privilegia eidem concessa, qua indulgentia S. R. I. clivodiorum cultos evaserit, ac bella postremo, quibus eandem implicari contigerit, per censet. *Secunda* vero in exponendam controversiam, quæ a ducentis prope annis inter Serenissimos Marchiones Brandenburgicos tanquam Burggravios Noribergenses, & ipsam Rempublicam agitur, & asserendam hujus potissimum causam insumitur. Foret operosum nimis de singulis exponere, quæ in elegantissimo libro continentur; unde unicum attingemus saltem,

X x

quod

quod memorabile cumprimis est, & cum digredi subinde a proposito scopo placeat celeberrimo Viro, ejusdem & hic vestigia alicubi sequemur. Nimirum, ut in clinodiorum omnium, quæ Noribergæ asservantur, ita in Coronæ Germanicæ descriptione non parum operosus est; quam cum sint ex eruditis, qui non Carolo M. sed ex Conradis cuidam acceptam ferri debere velint, eorum iudicium minus convenienter latum hic refellendum sibi sumit. Ipse scilicet Hermianus Conringius in Castigatione libelli, cui titulus, *Anti-Conringiana Defensio Juris Colonienfis*, non Carolo eam, sed Conradi I. esse arbitratur, & quidem, quod habeat nomen Conradi inscriptum; & quod Luitprandus coronam eam, quam Conradus I. morti vicinus Henrico Aucupi per fratrem Fridericum obtulit, quæ plane eadem cum illa, quæ hodie superest, Conradi propriam dicat; ac Witikindus denique Corbejenfis gladium, quia Henrico traditus fuit, *veterum Regum gladium* dicens, diademati titulum hunc non addat. Ad ea ita respondet Wagenfeilius, ut hac ratione propriam Conradi coronam vocitari statuatur, quatenus ejus usus ipsi pro tempore fuit concessus; prout scilicet juris interpretes, *meorum, tuorum, suorum*, appellatione non solum illa intelligi docent, quæ in pleno dominio habemus, sed & in quæ jus aliquod exercemus. Gravius argumentum illud est, quod ab inscriptione nominis Conradi petitur. Hæc enim verba leguntur in arcu: CH VON RAD US DEI GR AT IA RO MA NOR V IM PE RA TOR AVG. Hic manifestum esse scribit, Conrado I. assignari nequaquam hæc posse; neque enim unquam coronatum fuisse Romæ, ac inde pro more seculi id nominis non potuisse usurpare, cum qui Romæ non essent inaugurati, haud unquam Imperatores & Augustos in publicis se monumentis appellaverint: quin & in nunimo apud Stradam Conradum I. non nisi Regem dici. Posse cuidam vero videri simile, quod Conradus III. cui vulgo Suevi cognomen tribuitur, hic significetur; propterea quod ad Imperium evectum, æmulo Henrico Superbo Bavarix & Saxonix Duce, ut Otto Frisingensis est testis, regalia habente, cum destitueretur adeo insignibus, ad nova sibi paranda necessitate coactum fuisse credi queat: ast cum nec hic Conradus Romæ coronatus sit, æque falsi scribit, qui ita autumant, ac Gryphjandrum decidi

decipi contigit, qui Conradum IV. Friderici II. Imperatoris Filium eum esse putavit, cujus nomen corona præfert; tantum quippe abesse, ut hic benedictionem & consecrationem Pontificis impetraverit, ut ab Innocentio IX. diris potius fuerit devotus. Necessarium igitur esse concludit, non alium quam Conradum II. sive Salicum nominari, ut qui Romæ A. M XXVII a Johanne XX solenni ceremonia coronatus Imperatoris Augusti titulum usurpavit, qui & in nummis legitur, & sepulcro ipsius, quod Spira est, incisus deprehenditur. Eum vero Conradum, cum circulis gracilioribus in corona Caroli M. existentibus, & sive ævi diuturnitate, sive quod Imperatores in castris & expeditionibus coronam semper circumvestarent, vitium passis, unum robustiorem magisque compactum, substitueret, nomen quoque suum & titulum eidem inscripsisse: ac indubium cateroquin esse censet, & comprobari tot Pontificum bullis, tot Imperatorum rescriptis, tot gravissimorum scriptorum testimoniis, fama porro per orbem late sparsa, ac nummo denique aureo, qui apud Stradam extat, & Carolum ipsissima, qualis nunc adhuc superstes est, corona redimitum exhibet, coronam ipsam inde a Carolo M. ad nos profectam esse.

Inter digressiones ea cumprimis docta est, qua invitatus ab illustri Cupero de *Judaorum ludis* commentatur. Luisse nimirum Judæos cum avibus cicuratis aut cavea inclusis; infantes vero ipsorum aviculas funiculis vinctas in deliciis habuisse docet, & huc Jobum c. XL, 24. respexisse ostendit. Pilæ lusus Es. XXII, 18. luctæ vero & pugilationis 2. Sam. II, 14. indicium esse monet. Ludis scenicis fuisse delectatos inde colligit, quod Jobi liber verissimam dramatis speciem, præbet, & Ezechielis Poetæ Judæi de liberatione Ebræorum ex Ægypto Comœdiæ Clemens Alexandrinus ac Eusebius meminerunt, atque hodiernum adhuc Judæi, in hilaris Purim, Ahasveri & Estheris historiam more comico repræsentant. Fidibus ludere crebro solitos esse, ex Zachar. VIII, 5. Matth. XI, 16. 17. & plurimis aliis locis probari posse contendit, ac dehinc loca, quibus saltationem inter præcipua Judæorum oblectamenta extitisse manifestum sit, producit. Schachiz Iudæi, quem *Schach-schovel* vocant, illos Salomonem Regem autorem credere, & hoc in MSCto libro Senis se apud Synagogæ Præsidentem multis quoque argumentis probatum didicis-

se addit: sed & personatas virgines Israeliticas præ lætitia incessisse, ex Mischna Taanit demonstrat, ac morem illum, quando juvenes gravissimi ponderis lapides sublevando exercuerunt se, quem ad Zachar. XII, 3. Hieronymus illustrat, tangit. Ubi de venatione Judæorum agit, ipsius Cuperi de loco Es. XXIV, 17. & 18. mentem exponit, quod vocabulum *חַבִּיבִּים* a LXX Interpretibus non absque ratione per *Φόβον* translatum sit, ac non minus ac subsequenter duo, ad rem venatoriam pertineat, notetque lineam versicoloribus plumis pinnisque avium distinctam, qua venatores utuntur ad fallendas feras, cujus mentio apud Senecam de Ira L. I. c. 12. & Ovidium I. de Remed. amor. v. 204. itidem sub *formidinis* titulo, quamque Oppianus *πολύχροα δειμὰτὰ θηρῶν*, & iterum *δειμὰ πολύχρουν*, tandemque *κενὸν Φόβον* nominet. Ex arcu sagittas emisisse Judæos, 2. Sam. XX, 20. indicari, & cum ex Mosis Kozenis libro Præceptorum magno appareat, fuisse aliquos inter Judæos, qui nulli alio operi intenti erant, quam ludo tesserarum, hinc forte morem antiquissimum provenisse docet, triadem tesserarum, *einen Pasch Würfel* a Judæis in Germania extorquendi; ac denique ex Balthaf. Bonifacii Historia Ludicra de ludo exponit, qui pueris Italo-*Jædo cremnos* vocatur. Cum respondisset adhuc illustri Cuperus, & sibi non persuaderi scripisset, ludos scenicos Judæis in usu fuisse ab eo tempore, quo Jobi historia literis fuit mandata, tamen forte possit concedere, ad instar dramatis fuisse compositam; quinimo magnum argumentum ex Prophetarum silentio peti, eosdem Judæis plane fuisse incognitos: Noster, omnino eos saltem, qui ad pietatem probosque mores augendos compositi erant, & privatim quasi inducebantur, in ea gente jam olim invaluisse putat, propterea quod virgines Judaicæ d. XIV mensis Ab inque solenni expiationis festo personatæ incessisse, ac David quoque 2. Sam. VI, 14. non propriis vestibus indutus comparuisse, 1. Sam. XX, 13. vero idem quasi histrioniam egisse legantur, & quod, quando Judæi Ezech. XIII, 8. 14. 15. jubentur narrare liberis suis, quæ fecerit Dominus in Ægypto, non verbis tantum hoc facere, sed & in rem præsentem quasi parvulos deducere, ac Pharaonis tyrannidem cum subsecutis pœnis vivis imaginibus ob oculos sistere, in junctum ipsis fuisse, sibi verosimile videatur. Monet porro, Ezechielem poetam, quia

quia ejus ætate Ebraicæ linguæ usus nimium defecerat, Ebraico dramati Græcicum substituisse, quem Clemens Alexandrinus atque Eusebius non accurate τῶν Ἰουδαίων τραγῳδιῶν ποιητὴν vocant, cum istud drama, ad quod provocant, & quod Ἐξαγωγή inscribitur, Judæorum sane respectu non Tragædia sed Comædia fuerit. Judæos porro, dies Purim cunctis in toto orbe provinciis celebrantes, omnino credibile putat idem olim fecisse, quod nostri hodie Judæi, Estheris historiam privatim comicis exhibitionibus spectandam sistentes, faciunt; quandoquidem hi moribus antiquis præ aliis maxime viventes, a τῶν ἔξω ludis scenicis hoc institutum, nequaquam hausserint. Ipsi Lutero subjungit in mentem venisse, Comædiarum usum a Judæis ad Græcos commigrasse, ac Tobię Judithæque libros ad instar dramatis conscriptos, atque deinde in prosaicum sermonem translatos fuisse. Cumque eos libros Chaldaicos possederit Hieronymus, occasionem arbitrari nasci posse, ad Judæos in captivitate Babylonica solandos & oblectandos istas Comædias pertinuisse; quam sententiam non vult tamen mordicus defendere.

P. 124.

Non minus elegans est digressio, quando ad ejusdem Cuperi desiderium quæstionem explicat: *an Judæis non nisi in munitis urbibus Synagogas extruere licuerit?* Respondet Wagenseilius, tantum abesse ut olim id Judæis non licuerit, ut etiam in campis liberis & apertis conditæ fuerint. Postea promiscue in vicis aut urbibus sive munitis sive omni munimento destitutis exstructas fuisse. Idemque nunc etiam obtinere inter Judæos, probat vel exemplo vici undique parentis, uno milliari ab urbe Noriberga disliti, *Furtha* dicti, in quo Synagogæ duæ extent, æque satis speciosæ. Ipsi Commentationi subjunxit celeberrimus *Vir de Phonscus Germanorum*, quos *Meister Sanger* nos appellamus, dissertationem, in cujus præfatione in originem Cingarorum inquit, eosdemque a Judæis oriundos vel hanc etiam ob causam credit, quod multa Ebraica vocabula hodiernum in lingua sua servant. In ipso vero opusculo de Phonscis illis, & quando ars ea coeperit, de legibus porro, ac ipsis hymnis, ac quomodo Phonsci a cæteris Vatribus, quos *Epruch Sprecher* Noribergæ vocant, & inter quos Michael Weber potillimum eminuit, exponit.

Xx 3

PETRI

Amstelædami, apud Henricum Wetstenium, A. 1697. in 8.

1. alph. plag. 18.

Magna haud immerito poeticæ artis laus est, quæ non dulci tantum sono tenet aures, sed etiam omni genere affectuum intimos audientium & legentium sensus cogitationesque tentat. Ad hanc autem nisi quis propensione naturæ feratur, ne ad mediocritatem quidem aliquam pertinget, nec labore, diligentia & vigiliis quicquam efficiet: quum hi, quos natura ad eam finxit, sponte quadam sine ullo labore ea fundant, quæ cum admiratione leguntur. Horum in numero censerî & primas hodie tenere Francium, ubertate & felicitate ingenii, ac numerorum gravitate, antecessoribus suis, venustissimis in Belgio poetis non minorem, jam pridem agnovimus, e prima Poematum ejus editione anni 1682, in Actis anni istius p. 359. memorata, de his dotibus edocti. Nunc alteram eamque copiosiore ab Auctore adornatam evulgatamque esse, tanto magis gaudemus, quanto pluribus novis poematibus instructam esse intelligimus. Comparent autem hic Heroicorum libri tres, Elegiarum quatuor, Eclogæ sex, Odarum & Silvarum ac Epigrammatum, de quolibet genere libri duo, & Græcorum carminum liber unus. Ex his *Heroica* poemata omnia in priori conspiciuntur editione: *Elegia* etiam, quæ in tribus primis libris continentur, in eadem comparent; præter istas ad Menagium p. 195, in Nympham Bruxellanam p. 225, & de Jo. Secundi poematibus *avertis* p. 229. Quartus liber totus est novus. *Odarum* etiam duo & *Silvarum* totidem libri in prior editione non visuntur: *Epigrammata* autem multa prioribus admixta sunt nova, e quibus speciminis loco istud e p. 441. decerptum, quò effigies doctorum virorum in bibliotheca sua suspensas condecoravit, huc transferemus:

Artifices tabula, sacro cantata priore

Nomina, vulturi tempus in omne viri;

Quos mea se supra positos, circumque locatos;

Respicit indigetes Bibliotheca Deos.

Ue juvat hac vestros mirari in imagine pulvis,

Ex lustrare oculis ora oculosque meis!

*Ille juvat heros animas, potioraque signa,
Mentis & aeternas mente videre notas!
Longius haec durant tabulae. Dubitatis? id ipsum
Edocet hoc ipso multa tabella loco.
Hæc mihi vel muta clamant, cadere omnia, præter
Casuras nullo tempore mentis opes:*

Græca carmina peculiari libro p. 457. & seqq. inclusa, omnia nova sunt, nec ullum eorum in prima editione fuit visum: quæ autem ibi p. 241. conversa e Græcis Anthologiæ epigrammatibus extabant, in nova editione sunt omissa, quod peculiarem in librum ea redigere, pluresque interpretationes addere, adjectisque ad Græcos versus notulis integram *Anthologiam* evulgare constituit doctissimus Auctor. Multa istius operis epigrammata ab Hugone Grotio cultissimis versibus Latinis esse expressa, vel e Junii de Pictura opere discimus, in quo pluscula ea sunt prolata. Heinsius, Casaubonus etiam & Scædiger, alique multa inde epigrammata felicissime transtulerunt, & Latinis elegantissimis versibus expresserunt. Quæ omnia ut cum Francii symbolis Anthologiæ Græcæ adjecta in publicum prodeant, literarum elegantiorum & Græcæ ac Latinæ poëstos cultorum plurimum interest.

ΙΩΑΝΝΟΥ ΧΡΥΣΟΣΤΟΜΟΥ ΑΡΧΙΕΠΙΣΚΟΠΟΥ ΚΟΝΣΤΑΝΤΙΝΟΥΠΟΛΕΩΣ ΤΑ ἅπαντα.
id est,

JOANNIS CHRYSOSTOMI ARCHIEPISCOPI CONSTANTINOPOLITANI Opera omnia, Græco-Latina.

Francofurti, sumptibus Balch. Chr. Wustii, 1697. in fol. tomis XII.

IN sanctorum Patrum ordinibus primas partes tenere hunc *Χρυσοστόμωνα*, sacre eloquentiæ principem, apud omnes in confesso est. Desudarunt in operibus ejus Græcis collectis (nam Latinas interpretationes seorsim diversis temporibus sæpius editas allegare nil attinet) quæ supersunt, excudendis typi Anglicani, Henrico Savilio ea tomis octo Etonæ evulgant; nec non Heidelbergenses, in officina Commeliniana; & tandem Parisini, partim cura Frontonis Ducæi adgubernante, partim Morellii studio accedente, qui quatuor Commelini tomos in sex divisit, illisque sex tomos a Ducæ-

Ducæo editos adjunxit. Omnium harum editionum exemplaria cum nuppiam amplius proſtent, ſacræ eloquentiæ ſtudioſis ea nunc ſufficere ſtudet Francofurtenſis bibliopola, qui Pariſienſem editionem hac ratione imitandam ſibi propoſuit, ut ſeriem librorum & tomorum, qua Morellius opera hæc exhibuit, ſerver; emendatiora autem ea ſiſtat; folia etiam ita coarctet, ut quævis faciès novæ Francofurtenſis editionis folium Pariſinæ complectatur, & ſic impenſæ emptorum attenuentur, qui levi pretio totidem volumina, nitida charta & elegantibus typis quæ conſtant, comparare ſibi poterunt, quot magno hætenus ære non licuit impetrare. Tres priores tomi jam abſoluti extant, & venduntur æquiori pretio iis, qui ad reliquos, ubi prodierint (quod futurum editor promittit, antequam annus vertat) emendos ſolutione argenti pro his primis tribus ſe obſtrinxerunt.

ADAMI RECHENBERGII SUMMARIUM HISTORIÆ ECCLESIASTICÆ, in uſum Studioſæ Juventutis adornatum.

Lipiæ apud Jo. Herbord Kloſium, 1697. in 12. 1½. Alph.

Cum Studioſæ Juventutis, quæ S. Theologiæ operam navat, Eccleſiæ Chriſtiænæ fata, diſciplinam, regimen moresque Chriſtiani gregis noſſe maxime interſit; Auctor hujus libri celeberrimus, quæ multis ac vaſtis etiam voluminibus ab aliis tradita fuerunt, in compendio, vel ut ipſe vocat, *ſummario* breviter conſtringere voluit: ut absque tædio, illa præcipua hiſtoriæ eccleſiaſticæ capita ſibi reddere familiaria poſſet. Id quod ipſe Autor in præſatione libri ſui fuſius declarat. Cæterum vero dum typum velur hiſtoriæ eccleſiæ univerſalis delineare illi animo ſedit, res V. Teſtamenti, juxta temporum intervalla ſeu epochas, per indicem tantum deſignat. In hiſtoria autem N. Fœderis, ex contemplatione factorum, quibus Eccleſia obnoxia fuit, res illius quinque conſtituit periodis, obſervata per capita ſeculorum ſerie, ſummatim exponit. *Prima* illi *periodus* eſt Eccleſiæ a Chriſto & Apoſtolis in orbe plantatæ, quæ tribus prioris Chriſtianismi ſeculis abſolvitur: *Secunda* eſt Eccleſiæ ſub Imperatoribus Chriſtianis publica libertate gaudentis, quæ a Conſtantino M. cœpta, ætatem Phocæ tyranni Byzantini attingit: *Tertia* eſt Eccleſiæ per Episcopos Romanos & a Mohammedanis

danos pressæ, ac barbarie ingruente obscuratæ, usque ad seculum X. *Quarta* est Ecclesiæ sub jugo Pontificio, Saracenorum & Turcarum gementis, usque ad seculi XIV finem. *Quinta* est Ecclesiæ ministerio Lutheri repurgatæ, & magnam partem a jugo Papali liberatæ, usque ad hæc tempora. In singulis periodorum seculis, methodo sibi consueta, (1.) doctores seu patres & scriptores Christianos præcipuos recenset: (2.) doctrinam Christianorum publice receptam breviter recitat: (3.) hæreticos describit, saniozem doctrinam infestantes: (4.) synodos & concilia præcipua recenset: (5.) regimen Ecclesiæ externum, sensim in regnum sacrum degenerans exponit: (6.) persecutiones Christianorum notabiles annotat: (7.) memorabilia ex civili & ecclesiastica historia cujusque seculi inspergit, subjuncto, ut vocatur, judicio pragmatico. In ultima periodo, quæ quinta est, rerum in Ecclesia factam conversionem, per sectiones novas, juxta annorum seriem paullo fusius persequitur; cum inde sectarum & controversiarum, post salutarem Lutheri reformationem ortarum, noticia Christianis necessaria maxime dependeat. Sub calcem libri, doctissimi Galli, Dn. Claudii Judicium de Patribus Græcis & Latinis, ex operibus ejusdem posthumis tom. V. epist. 19. & D. Martini Chemnitii Orationem de lectione Patrum annectit, quæ utilia lectu studiosæ juventuti, in cujus gratiam hunc librum evulgavit, maxime judicet.

MEMORABILIA ECCLESIASTICA SECULI A N. CHRISTO decimi septimi, juxta annorum seriem notata, & convenienti ordine digesta per ANDREAM CAROLUM, Abbatem San-Georgianum in Ducatu Wirtembergico. Tomus primus, operis dimidium antevius exhibens.

Tubingæ sumptibus Jo. Georgii Cottæ, 1697. in 4.
Constant 7. alphabet.

Cum multi veteris Ecclesiæ Christianæ fata prospera & adversa, & ex parte etiam recentioris statum, justis commentariis descriperint; pauciores fuere, qui hujus jam decurrentis seculi res Ecclesiæ memorabiles annotarint. Itaque jussu Sereniss. Principis Wirtembergici, DN. EBERHARDI LUDOVICI, maxime venerandus Autor Memorabilia ecclesiastica seculi hujus singulari industria & la-

Yy

bore

bore colligere, atque observata annorum serie disponere aggressus est. In quo utili opere, dimidiam historię hujus seculi partem completitur, alteram huic, quam pręlo paratam habet, postea subjecturus. Res autem a se enarratas juxta Cęsarum Romanorum, qui hoc seculo rerum potiti sunt, seriem ordinavit: ita ut distinctis capitibus & eorum sectionibus, primum quę Lutheranorum & ex parte Gręcorum Christianorum; secundo, quę Romano-Catholicorum seu Pontificiorum; tertio, quę Reformatorum; quarto, quę novatorum, schismaticorum, hæreticorum, idololatrarum atque atheorum res fuerint, commemoret. Inde quinto de colloquiis & synodis religionis causa institutis agit. Sexto etiam res civiles, quę cognitionem aliquam cum Ecclesiā habent, memorat, ac ut lectorem oblectet, varii argumenti res denique admiscet. Omnia autem ex fide recentiorum scriptorum fideliter refert, eorumque testimoniis adductis firmat, judicio quandoque suo subjuncto. Labore excerpenti, quę recensuit, ipse Autor laudatus nos sublevavit, quando singulorum librorum & capitum summaria pręmisit. Quapropter nihil addimus, nisi quod venerando Seni vitam & vires animi constantes adprecamur, ut alterum horum Memorabilium tomum, in gratiam orbis eruditi, in lucem publicam emittere queat.

DEFENSE DE LA VÉRITABLE DOCTRINE DE L'Église Réformée sur le Principe de la Foy &c.

i. e.

DEFENSIO VERÆ DOCTRINÆ ECCLESİÆ REFORMATÆ de Principio Fidei, libro JURII, cui titulus: Defensio Doctrinæ Universalis Ecclesię &c. opposita, auctore ELIA SAURINO.

Ultrajecti, apud Anton. Schouten, 1697. in 8. Alph. 1. plag. 6.

INter eā cœlestis doctrinæ capita, super quibus clarissimi Ecclesię Reformatæ Theologi, Jurius atque Saurinus, acriter inter se con- certant, haud extremum obtinet locum illud de principio fidei. De hoc non recte sentire Saurinum, probandum sibi sumserat Ju- rius in libello, cui titulus: *Defensio doctrinæ universalis Ecclesię &c.* Huic itaque opposita est, quam nunc sistimas, *Defensio veræ do- ctrinæ, &c.* ab Elia Saurino edita, ex qua controversiæ præcipua- momenta uberius paulo exposuisse, operæ pretium duximus.

Capi-

Capite primo exhibentur quædam propositiones, quibus men- Cap. I.
 tem Saurini de hoc argumento complexus erat Iurius : circa quas
 nonnulla observat Saurinus, quasdam plane perperam, nonnul-
 las obscure aut ambigue a Iurio conceptas docens. In secundo Cap. II.
 autem capite itidem certæ propositiones comparent, quibus Iurii
 hac de re mentem sententiamque exponit Saurinus. Quibus ita Cap. III.
 expeditis, quæstionis rationem, sive controversiæ statum, hunc in
 modum Saurinus edisserit: non quæri, an nihil debeamus credere,
 quod non evidens sit, evidentiæ, ut vocat, objecti, & quod per re-
 ctam rationem possit demonstrari; quod nunquam a se fuerit asser-
 tum: non etiam quæri, sintne quædam obscura & intellectu diffici-
 lia in Scriptura Sacra; cum sensus experte in esse oporteat, si quis
 hoc inficias iverit: multo minus de necessitate operationis internæ
 Spiritus sancti & gratiæ divinæ ad progignendam fidem, litere esse,
 namque & hanc se agnoscere, & alibi solide stabilivisse. Disputari
 vero de sequentibus: primo, sitne Scriptura sacra instructa ejusmo-
 di characteribus suæ divinitatis, quibus animus, ad veritatem capi-
 endam non plane inidoneus, convinci, omneque dubium & for-
 mido oppositi illi adimi possit; an vero characteribus, quibus
 divinitas ejus probari possit, destituatur, ita quidem ut omnes cha-
 racteres simul sumti, ne moralis quidem demonstrationis vicem sub-
 eant, tantum abest, ut mathematicæ vim teneant? Secundo, sintne
 Scripturæ S. oracula, quibus fidei articuli probantur, adeo obscura,
 ut articuli fidei solum ideo credendi sint, quia volumus credere,
 non autem quia convicti sumus, rem ita & non secus se habere?
 Tertio denique, sintne credentes, quibus divinus Spiritus imperti-
 tus est, convicti per evidentiæ & robur argumentorum, quibus
 & Scripturæ divinitas & dogmatum in ea propositorum veritas
 comprobatur; an vero credant ideo, quia velint credere, &
 an operatio ista Spiritus sancti, qua ita certi redduntur, ut nul-
 lum argumentum, quantumvis evidens, eos certiores reddere pos-
 sit, nec in evidentiæ objecti, nec in evidentiæ testimonii fundata sit?
 Se itaque docere profitetur, Scripturam sacram pluribus characte-
 ribus instructam esse, quibus divinitas ejus non tantum probari, sed
 morali ratione demonstrari possit: omnes quoque articulos fidei, qui-
 bus mysteria Christianæ religionis continentur, tam clare & perspi-

cue in Scriptura sacra propósitos esse, ut si qui istis fidem non adhibeant, nihil aliud quam suam pravitatem, & quæ hinc oritur, cœcitatem accusare possint: Spiritum vero sanctum in credentibus ita operari, ut intellectum illorum illuminet, eosque determinet, ut lumen istud sequantur: eum porro efficere, ut argumentis invictissimis veritatis convincantur, ita quidem ut certitudo, quam habent de divinitate Scripturæ sacræ, fundata sit in evidentia objecti, certitudo autem articulorum fidei in Scriptura S. propositorum, in evidentia testimonii. Jurium autem in hisce omnibus contrarium statuere, memorat.

Cap. IV. Cæterum in tractanda hacce controversia ita versatur, ut primo argumenta, quibus sententiam suam stabiliverat Jurius, sub examen revocet; hinc vero quousque tum Patres, tum Ecclesiæ Reformatæ Doctores cum ipso consentiant, dispiciat. Ordinis hujus rationem in cap. IV. exponit, & methodum, qua Jurius usus est, rejicit; terminos quoque nonnullos explicat, præsertim quid formido oppositi sibi velit, edisserit, occasionem illi suppeditante Jurio.

Cap. V. Sed nec in capite V. ad caput causæ contendit, quin alias observationes Jurii de evidentia fidei, prius sibi discutiendas sumit. Disceptatur hic de definitione fidei; aliam enim Jurius, aliam Saurinus excogitavit: disceptatur quoque de Scholasticorum distinctione, qua ab evidentia veritatis discrevere evidentiam credibilitatis, & hanc Scripturæ sacræ concesserunt, illam denegarunt, perperam, quidem & non sine impietatis crimine, judice Saurino; unde ejusdem Jurium reum pronunciat, dum hæc Scholasticorum commenta iterum in scenam prodire jussit: additur denique aliquid de demonstratione morali, qua voce veram demonstrationem, quæque certa & evidens sit ac mathematica, designari posse docet, licet non dissiteatur, eam pro probatione minus evidenti quandoque sumi.

Cap. VI. Hinc Jurii assertum, quod etiamsi aliquis de articuli veritate per evidentiam convictus sit, fides tamen per hanc evidentiam non progignatur, adgreditur. Putat autem, hac assertionem ipsa velut fundamenta religionis concuti ac labefactari. Divinos enim Vates ipsosque Apostolos in classem hominum aut ratione destitutorum, aut perperam eadem utentium detrudi, dum, si vera esset Jurii sententia, & miracula & argumenta frustra adhibuissent, cum iis tamen ex

Jurii

Jurii mente non possit produci fides. Quin omnes Doctores frustra fuisse, qui & sapientiam & eruditionem suam eo contulerunt, ut non credentes argumentis convincerent, & ita fidem in iis excitarent. Nec proficere quidquam Jurium, argumenta ejusmodi inter occasiones fidei adipiscendæ, quæ tamen immediate a gratia producantur, referendo: cum recte quidem dicatur, Spiritum sanctum esse causam efficientem fidei unicam, eamque immediate ab illo produci, sed inde non sequatur, quod fides non habeat causas morales & objectivas, quæ cum operatione gratiæ bene possint consistere. Argumentum, quo Jurius suam sententiam firmat, hoc est: si miracula aut argumenta, quibus veritas doctrinæ cœlestis probatur, producerent fidem per se, semper & ubique eandem producerent. Hoc autem falsum esse, vel exemplo Judæorum probari posse: ergo inde colligit, miracula & ejusmodi argumenta fidem per se non gignere. Respondet Saurinus laborare hocce argumentum ignoratione elenchi. Exempla a Jurio allata, hoc probare, quod miracula & argumenta, quibus veritas stabilitur, sine concursu & cooperatione Spiritus sancti fidem non progignant: id quod a se nunquam in dubium vocatum asserit. Quibus hunc in modum expeditis, tria Jurii capita, quibus doctrinam suam uberius explicare constituerat, paucis perlustrat, subinde nonnulla mōnens aut redarguens, & tandem ad argumenta, quibus sententiam suam munivit Jurius, progreditur. Primum depromptum est ex illis divinarum literarum oraculis, quæ fidem per obscuritatem & ænigma definire videntur, ut dum Hebr. XI, 1. demonstratio rerum, quæ non cernuntur, vocatur, & id genus aliis. Ast hocce telo suam neutiquam feriri sententiam, fidenter Saurinus asserit. Nunquam enim se mysteriis religionis Christianæ evidentiam objecti tribuisse, sed solum evidentiam testimonii: jam vero non hanc, sed illam per hæc oracula fidei demi. Alterum Jurii argumentum desumptum est a sublimitate objectorum doctrinæ cœlestis. Hanc enim ejusmodi esse ait, ut facultates nostræ mentis infinitis modis superet. Unde concludit, tale objectum, ut supra rationem positum est, ita & a ratione demonstrari non posse. Cum vero huic Dei existentiam, variaque ejus attributa, & mundi creationem retulisset, Saurinus quidem hanc ejus sententiam palam impietatis ar-

Cap. VII.
& VIII.

Cap. IX.

guit. Addit eum Andabatarum more pugnare, cum nunquam sibi in mentem venerit affirmare, quod mysteria Christianæ religionis ex ratione demonstrari possint, Hac occasione & Jurinus ad Pauli effatum: *animalis homo non capit quæ sunt Divini Spiritus*, 1. Cor. II, 14 provocaverat, idque ut pro sua militare sententia ostenderet, per animale hominem eum, qui ratione sua utitur, intellexerat.

Cap. X.

quo nomine iterum Saurino vapulat. Tertium argumentum Jurio subministrat fides simplicium. Huc Christi Servatoris preces: *ego tibi gratias, Pater, qui hæc sapientes peritosque celaveris & infantibus patefeceris*, Matth. XI, 25 & similia Scripturæ dicta refert. Saurinus

Cap. XI.

autem quod hisce parum ad rei summam proficiat Jurius, alibi se jam demonstrasse, indicat. Sed præcipuum causæ suæ præsidium Jurius se invenisse arbitratur in gustu & sensu fidelium, quo divinam veritatem percipere, & velut in corde suo sentire videntur. Argumentum tale inde necit: gustus & sensus in operationibus Spiritus idem sunt, ac perceptio sensuales in operationibus sensuum corporis. Jam perceptiones sensuales rei, vividæ quidem sunt & penetrant, simul tamen obscuræ sunt & inevidentes. Eodem modo itaque gustus & sensus spiritualis se habet, adeoque fides claram ac distinctam cognitionem non requirit. Saurinus ut unico velut actu hanc machinam prosternat, ipsum principium, cui innititur, perceptiones scilicet sensuum obscuras & inevidentes esse, evertit. Deinde docet, inter sensualem perceptionem, & sensum ac gustum spirituale, magnum intercedere discrimen: quæ omnia uberius hic exponi, prolixum nimis foret. Quæ hinc porro elicit argumenta Jurius, una cum reliquis ad caput causæ spectantibus, Auctor diluit in

Cap. XII. capite XII. Decimum tertium autem observationes quasdam sistit

Cap. XIII. ad quæstionem, quænam causæ sint certitudinis, quam de divinitate

Cap. XIV. Scripturæ sacræ habemus, spectantes. In sequentibus autem, XIV sci-

Cap. XV. licet, XV & XVI, distinctiones Jurii inter evidentiam rationis & e-

Cap. XVI. videntiam conscientiæ, item inter convictionem spiritus & convictionem cordis, ut & inter claritatem & evidentiam, quibus ad firmandam & defendendam suam de obscuritate principii fidei sententiam, usus fuerat, explodit; simulque quæ Jurius pro defendendo hocce effato: *ego credo, quia volo credere*, itemque de certitudine adhesionis attulerat, diluit. Hinc suum judicium de Reform-

matz

matæ Ecclesiæ haud incelebri Theologo Beaulieu tuetur cap. XVII, Cap. XVII.
& sic tandem in cap. XVIII, argumenta quibus Iurii probare vo-
luerat, Scripturam sacram minus evidentem esse, adgreditur. Cap. XVIII.

Primum Iurii argumentum hoc est, quod cuncta prima scientiarum principia non possint non minus evidentiâ esse, quia omnium philosophorum consensu, demonstrari nequeant. Id vero est quod Saurinus negat, quippe qui docet, prima principia indemonstrabilia esse, non quod sint minus evidentiâ, cum potius evidentissima sint, sed quod ita evidentiâ sint, ut per alia principia demonstrari nec possint nec debeant. Addit, cum Iurii profiteatur, se loqui de principiis, ut in scholis vocari solent, primo prinis, turpiter eum falli, quod Scripturam sacram pro tali principio venditet, cum citra controversiam ejus & veritas & divinitas aliunde demonstrari possit. Subjicit hunc in modum & alia, nec prætermittit, quod Iurii asseruerat, principia prima a posteriori demonstrari posse; quod de principiis essendi, ut vocantur, concedit, de cognoscendi autem principiis falsum esse pronunciat. Alterum Iurii argumentum iterum desumptum est a fide simplicium: hanc enim non nisi auctoritatem hominum, asserentium versionem Scripturæ, qua utuntur, cum textu originali convenire, aut testantium hoc vel illud dogma in divinis litteris contineri, supponere, adeoque principio minus evidenti inniti. Responder ad hoc Saurinus, non verba, sed res ipsas doctrinam divinitus revelatam absolvere: hanc itaque, modo simplicioribus innotescat, semper characteres suæ divinitatis secum vehere, quæ demonstrationis moralis vicem sustineant. Tacemus argumenta Iurii alia, quæ Saurinus in cap. XIX sub examen revocat. Quibus expeditis, assertum suum, quod characteres, qui Scripturæ sacræ divinitatem probant, manifestam demonstrationis moralis vicem sustineant, & quidem independentem ab operatione Spiritus sancti in cordibus credentium, tuetur, & ab accusationibus Iurii vindicat. Nimirum perperam illud pro falso, pro æquivoco, & parum sufficiente a Iurio haberi contendit. Et ad falsitatem quidem hujus asseriti quod attinet, ut unicum saltem delibemus, Iurii concedit, quidem, characteres Scripturæ externos etiam apud incredulos demonstrandi vim habere, internis autem eam plane denegat, utut concedat, apud credentes his etiam demonstrandi vim competere.

Sic

Cap. XIX.

Cap. XX.

Cap. XXI.

Sic sublimitate myſteriorum tantum abeſt, inquit, ut convinci improbi & profani homines poſſint, ut nihil magis a fide eos deterreat, quam quia talia rãtione aſſequi nequeunt: ſtyli ſimplicitatem potius ridebunt, quam ut ea ſe ad credendum induci pati-antur: moralis doctrinæ ſanctitati aut opponere, aut præferre præceptiones Senecæ aut Chinenſium non dubitabunt. Gratulatur hic ſibi Saurinus, quod characteribus internis a Juriſo ſaltem apud credentes demonſtrandi vis non denegetur; hoc enim ap- prime pro ſua facere ſententia: ſed addit, nec apud non creden- tes eadem deſtitui. Si enim a ſublimitate myſteriorum abhorre- ant, ſtyli ſimplicitatem rideant &c. tale quid eos committere, quod cum ſana ratione parum conveniat. Oſtendit pörro, fruſtra ſe a Juriſo erroris argui, quod hiſce characteribus demonſtrationem moralem, & quidem independentem ab operatione Spiritus ſancti, tri- buerit: quæ omnia fuſius ediſſerit. In cap. XXI. revelationum, extraordinariorum mentio injicitur. Aſſerit quippe Saurinus, ex- traordinarias etiam revelationes ſuas characteres divinitatis ſenſibus & rationi evidentes ſecum vehere debere; quod ſi non ſit, neminem ſintne a Deo, an infernali genio profectæ, certum eſſe poſſe. In quo quidem rurfus ſecus ſentit Juriſus. Saurinus mentem ſuam ulterius explicat docetque, revelationes extraordinarias aut expreſſe aut tacite notionibus communibus eſſe conformes. Id exemplo Abra- hami & Eliæ illuſtrat. Addit ſi a revelatione tale quid alicui in- jun- gatur, quod palam cum divina lege pugnat, ut idololatria, colligi, eam neutiquam a Deo eſſe. Sed ex iis quæ de evidentiâ revelationum ordinariorum dixit, evidentiâ extraordinariorum quoque probari poſſe putat. Interim de ipſis characteribus harum revelationum, quales ſint, ut evidenter homo inde colligere poſſit, a Deo, non autem a Dæmone hoc ſibi revelari, nihil certi definiri poſſe fatetur.

Cap. XXII.

In altera parte, ex ordinis quem ſibi præſcripſit, ratione, de testimoniis tum Patrum tum Reformatæ Eccleſiæ Doctörum, qui- bus ſuam ſententiâ firmaverat Juriſus, diſpicit. Et in XXII. qui- dem capite, ad Arnobii, Auguſtini, Juſtini Martyris, Chryſoſto- mi, Baſilii, Gregorii I, Theodoti Ancyran Episcopii, Procli Conſtan- tinopolitani, & aliorum veteris Eccleſiæ Doctörum testimonia a Ju- riſo adducta reſponder, evicturus, iis ſuam neutiquam ferri ſen- tentiam,

tentiam, progreditur hinc ad Theologos suæ Ecclesiæ modernos. Cap. XXIII. Hos omnes contra Saurinum militare, Jurius ex illorum doctrina de habitibus infusus probare voluerat; sed Saurinus distinguit habitus in pure infusos, pure acquisitos, & partim infusos, partim acquisitos. Fidem ceterasque virtutes habitibus partim infusis, partim acquisitis, annumerat, adeoque eas habitus acquisitos dici posse ait, prout pure infusis opponuntur, & vice versa. Concludit inde, ad ejusmodi habitum fidei acquirendum, cognitionem divinæ cœlestisque veritatibus præcedere debere. Præterea ex doctrina Reformatæ Ecclesiæ Doctorem de gratia immediata, Jurius evincere vult, eos neutiquam approbare sententiam Saurini. Hic ita hinc se expedit, ut gratiam in absolute immediatam, absolute mediatam, & partim mediatam, partim immediatam dispescat. Gratiam, per quam fides credentibus confertur, partim mediatam, partim immediatam esse contendit; recte tamen immediatam dici, prout absolute mediata opponitur, & certam mediā a Deo præscripta, lectionem & meditationem verbi, per quam ejusmodi homo de veritate doctrinæ cœlestis magis magisque convincatur, non excludere. Et ita de gratia immediata omnes Theologos Reformatæ Ecclesiæ sentire autumat. His ita præmissis, ad specialia descendit, & primo quidem Calvinum in suis Institutionibus, nihil quod cum sua sententia pugnet, docere, operose contra Jurium evincit. Deinde Bucerum, Hemmingium, Musculum, Petrum Martyrem, Chamierum, ut & Confessiones Ecclesiæ Scoticæ, Francicæ, Belgicæ, perperam sibi a Jurio opponi, demonstrare nititur. Idem & de aliis Reformatæ Ecclesiæ Theologis, Van der Wayen, Hornbeckio, Heidano, Burmanno, Witsio, demonstrat. Hac occasione iterum Wolzogenii mentionem injicit, eumque non tantum a Synodo, quæ causam ejus cognovit, innocentem, hæreseosque & erroris immunem pronunciatum fuisse narrat, sed Maresii quoque, Heidani, atque Burmanni literas de ejus orthodoxia producit. Agmen claudunt maximi nominis inter Reformatos Theologi, Amyraldus, Mestrezatus, Turretinus, & Claudius. Singulis peculiare caput Saurinus destinavit, prolixè & operose in illorum sententiam inquirens, idque ut evincat, suæ potius eos sententiæ favere, tantum abesse, ut recte a Jurio sibi opponantur.

Cap. XXIV.

Cap. XXV.

Cap. XXVI.

Cap. XXVII

Cap.

XXVIII,

XXIX,

XXX, XXXI

Z z

RE-

Hoc est :

ANIMADVERSIONES IN LIBELLUM QUENDAM, CUI TITULUS: *Observationes nonnullæ de D. BURNETTO & JO. TILLOTSONO, occasione nupera orationis funebria huic ab illo dictæ, prolata.*

Autore GILBERTO EPISCOPO SALISBURIENSI.

Londini apud Rich. Chiswell, 1696. in 8. plag. 10½.

Nemini obscurum esse potest, quam invisa iis, qui JACOBI Britanniae nuper Regis, contra GULIELMUM, Regem hodiernum, in Anglia partes tuentur, Jo. Tillotsoni Cantuariensis Archiepiscopi sit memoria. Eorum enim gravissimum odium non incurrere non potuit, qui & alias fide semper in hodiernum Serenissimum Regem quam maxime fuit conspicuus, & in ejus locum, surrogari se passus est, qui pro Rege suo illum agnoscere recusaverat. Nullam itaque & vivo eo prætermisere maledictis suis lacerandi illum occasionem, & in mortuum quoque omnem iram effundere non erubuerunt. Ex horum autem, qui male adeo Tillotsono cupiunt, numero quoque est Auctor libelli, cujus inscriptionem nobis modo repræsentavit Reverendus maxime Salisburiensium Præsul *Gilb. Burnettus*; qui ei confutando aliquid operæ impendere eo magis necessum habuit, quod ad ipsum quoque propalatarum in eo accusationum pars pertineret. Quas ut nos hoc in loco repetamus, & quam solide depulsæ illæ a Viro celeberrimo fuerint, ostendamus, non expectabunt Lectores: excerpemus tamen nonnulla, quæ nosse e re illorum esse maxime judicaverimus.

Nihil frequentius in ore habent ii, quibus præsens rerum in Anglia status displicet, quam ut Doctoribus atque Episcopis illius regni, imperantis hodie Regis auspiciis sequentibus, doctrinam, quam olim tenuerunt, objiciant, quod scilicet summo magistratui religionis p. 30. nis prætextu non liceat resistere. Hanc doctrinam eos abnegasse, mutata rerum in Anglia facie, contendunt, eandemque Burnetto & Tillotsono dicam scribit Auctor, quem confutandum ille nunc sibi sumsit. Complura proinde loca ex scriptis Burnettii, præcipue ante mutationem hancce in lucem editis congestis, atque imprimis e libro, quem ex instituto ille scripserat, ut quosdam Scotiæ cives ab hu-

hujusmodi moliminibus abstergeret, in quibus hanc doctrinam eum quoque luculenter tueri ostendit. Verum respondet Vir reverendus, in eo ipso libro, quo vel maxime adversarius ejus nitatur, se, clarissime docuisse, licere Principi resistere, si totalis ab eo Reipublicæ subversio immineat. Quamobrem etiam Deum & Serenissimum Regem suum in testimonium vocat, se eo tempore, quo totalis nondum religionis & libertatis subversio Angliæ erat metuenda, editis licet tyrannicis actionibus, nondum tamen in eorum sententiam ire voluisse, qui jam tum, qua ratione communi oppressori resisterent, consilia agitarint. Ast vero cum Legatos Romam ex Anglia, & in Angliam Roma ablegari, cum Episcopos Pontificios tanquam Papæ delegatos in Anglia se gerere, cum denique potestatem dispensandi circa leges Angliæ ambiri, imo Clerum ut illam publice proclamaret cogi cerneret, tum demum fundamentalem Angliæ legem, quæ velit ut legibus, non a Rege solo, sed a tota Natione in Parlamento congregata sanctitis, regnum illud gubernetur, everti sese existimasse, adeoque de refrenanda Regis licentia una cum aliis cogitasse ait. Verum cum abiret etiam insuper, postquam æquæ adeo conditiones propositæ ipsi fuissent, ut nimirum libero Parlamento potestatem de salute nationis dispiendi faceret; judicasse se dicit, pro desertore regni eum esse habendum, adeo ut auctoritatem ejus antea solummodo suspensam, nunc plane collapsam esse judicaverit, relicta Nationi potestate, ut quacunque ratione rebus suis prospiceret. Non itaque aliter se nunc sentire, de magistratu religionis prætextu non oppugnando, quam olim, luculente constare arbitratur. Eandemque esse ait aliorum Doctorum Anglicorum doctrinam, quos, licet tam clare ac ipse limitationem in scriptis suis non adhibuerint, reprehendendos tamen propterea non esse existimat; cum & Apostolus recte doceat, uxorem subjectam marito sicut Christo Ecclesiam esse, non addita de crudeli marito exceptione, utpote quam ipsa rei natura jam notam faciat. Et posito etiam, aliter paululum nonnullos antea sensitse, nihil tamen scandali ex mutata sententia eorum eriri posse credit. Duabus enim quæstionibus ait totum illud negotium constare, quarum altera sit, an prætextu religionis Principi suo resistere subditi queant? altera, quantum libertatis sibi Regni Angliæ cives reservaverint, & an periclitantibus legibus

p. 32.

p. 34.

p. 37.

p. 39.

p. 43.

bus eorum fundamentalibus, Regibus suis possint obniti? Illam quæstionem Theologicam esse, firmiterque eam hodiernum etiam omnes Angliæ Doctores negare. Alteram ex Jure civili & Historia decidendam ait, eaque forsan, quæ ad illam spectant, omnibus non satis olim fuisse explorata. Et hoc observato, omnes illos clamores, quibus Vertumini esse arguantur Episcopi atque Doctores, partes Jacobo adversas secuti, scandalaque inde exsurgentia exaggerentur, retundi posse arbitratur. Prolixius Burnettus huic argumento insistit, quod præcipuam illam accusationem esse ipsemet agnoscat inter eas, quas adversarius ipsi & alius fratribus ejus intenuit. Reliquas, utpote quas tanti momenti non esse ait, brevius absolvit. Et sane ita comparata illa sunt, ut ancipites hæreamus, an ulla earum repetenda hic nobis sit. Ut ex paucis tamen indoles reliquarum appareat, nonnulla recensuisse non pigebit. Exprobrat Reverendo Viro inter alia adversarius schedas quasdam, in quibus divortium ob sterilitatem legitime institui posse affirmaverit, idque eo fine, ut ad alias nuptias Carolus II procedere posset, quod Shaftsburius Comitem aliosque nonnullos eo tempore agitasse ait, Jacobum Caroli fratrem regni hereditate defraudare hac ratione cupientes. Respondet ad hoc ipsum ille, Shaftsburi consilia, quæ illo tempore agitaverit, incognita prorsus sibi esse. Hoc tamen sererecordari ait, quod a Duce Lauderdalio quæstio ista proposita sibi fuerit. Primum dicit eum fuisse, ex quo Jacobi Eboracensis eo tempore Ducis religionem resciverit; quod ipsum cum non sine summa animi consternatione eum accepisse laudatus Dux animadvertisset, illum divortii mentionem facere coepisse, variasque rerum circumstantias narrasse ait, quas silentio nunc prætermittendas ducat. Postea tamen se certiores factum esse, statum causæ minus recte constitutum fuisse, dicit. Præterea XXVII ætatis annum eo tempore vix sese excessisse, legumque civilium, quibus primis ætatis suæ annis vacaverit, auctoritate præstictum fuisse fatetur: ut adeo ex Digestis, Codice & Novellis multa coram Lauderdalio, quæ faverent causæ isti, allegaverit. Cumque desiderasset ille, ut in chartam ea, quæ prolata ore fuerant, conjiceret, hoc etiam sese fecisse non dissimulat. Veruntamen postquam accuratius rem expendere datum fuisset, aliter se judicasse, & per literas proxima hyc-

me ad Ducem scriptas priorem sententiam retractasse, imò integro libro, sed nondum edito, eam se confutasse testatur. Verum satis de istis. Non inviti forsan Lēctores accipient, quod inter alia Historiæ Reformationis Anglicanæ ab Auctore consignatæ, ejus ad-
 versarius de male representatis quibusdam Lutheri literis, ad con-
 troversias de sacramento cœnæ spectantibus, objecit. Suspectæ jam olim vixisse fuerint illustri Seckendorffio literæ istæ, prout a Bur-
 netto editæ fuerunt, cumque ob illas quosdam familiares suos apud Reverendum Virum inquirere jussisset, hujus opera, uti ipse hoc loco narrat, factum fuit, ut Lutheri autographum iis perlustrandum concederetur, qui tamen aliam nullam differentiam ab autogra-
 phoprehenderint, quam quod pro *nihilominus*, in autographo *nihil minus* scriptum notarint. Verum etiamsi plures forte, quam illa, mutationes factæ sint, quod nec ipse Rev. Auctor plane negare sustinet, omnem is culpam in ipsum Lutherum rejicit, cujus literæ male adeo pictæ fuerint, ut legi facile a nemine valeant: utque eo minor nævus ille appareat, quocunque modo momentum illarum literarum elevare nititur. Sunt, fatemur, alia in hoc scripto, quæ præ-
 sentis Angliæ conditionis curiosis indagatoribus ingrata esse non possunt, atque inprimis Episcoporum ob jurementum recusatum, depositorum causa fuscè examinatur. Verum hujusmodi res aut plane exscribendæ, aut omnino prætermittendæ sunt; quamobrem plura referre de istis jam superfedemus.

CONRADĪ SAMUELIS SCHURZFLEISCHII ORATIONES

Panegyrica & Allocutiones varii argumenti.

Vitæbergæ, apud Hæredes Meyerianos, 1697. in 4. Alph. I. plag. 5.

EA Polyhistoris celeberrimi, cujus Orationes & Allocutiones varii generis unum in fasciculum colligatæ hic exhibentur, optimarum quarumque litterarum est peritia, ea in dicendo vis & elegantia gravitasque, ut cavendum merito sit, ne eorum, quæ a limatissimo ejus ingenio profecta sunt, quicquam interciderat. Ipsos sermones, quos ex tempore, nec quicquam præmeditatus, in publica privatæ doctrinæ prout a proposito digrediendi occasio se offert, ad auditores suos mira felicitate, (qua Buchnerum ipsum, cujus masculam ubique Latinitatem æmulatur, longissime superat,) habere

solitus est, par erat æquumque non abire in auras, aut præsentium, solum auribus animisque illabi, sed excipi scribarum calamis, typorumque beneficio cum Orbe literato communicari. Quanto magis interfuit, Orationes ejus ac Allocutiones, in quibus rite & ex artis præcepto componendis in museo suo elaboravit, & quas ipse, quæ prælo subjicerentur, dignas jam olim reputavit, seræ posteritatis usui conservari? Itaque & fratribus *Knauthiis*, Viris-Juvenibus doctissimis, quod ejus hæc monumenta ingenii, seorsim antehac typis excusa, sed plane dispersa ac tantum non deperdita, magni undique studio collegerint, & ipsi disertissimo Auctori, quod, ut de novo ea & junctim quidem edi pateretur, exorari se fuerit passus, gratias maximas debemus; meritoque, ut & Disputationes ejusdem Academicæ, ut & commentationes aliæ pari modo propediem luci publicæ exponantur, optamus. Ceterum uti Orationes & Allocutiones præsentis perlegi ab unoquoque malumus (cujus quidem operæ neminem pœnitebit) quam hoc loco prolixiora ex iis excerpta dare: ita brevi tamen recensu methodi, qua isthæc Auctoris nostri opuscula disposita in hoc volumine comparent, supersedere non possumus.

Primum nempe locum justæ solennesque Orationes, quas ad cives academicos ex cathedra diversis temporibus recitavit, occupant; quas inter Panegyricæ quatuor eminent, quarum prima in Climactericum magnum JOHANNIS GEORGII II. Saxoniz Electoris gloriosissimæ memoriæ, fuit habita: altera honori supremo Divi JOHANNIS GEORGII III consecrata fuit: tertia innatalem Serenissimi Principis FRIDERICI AUGUSTI, Electoratus Saxonici tum Heredis, fuit instituta: quarta *Henrici Liberi Baronis a Frisen*, summis in Domum Electoralem Saxonicam meritis illustrissimum, defuncti, elogium prosequitur. Sequuntur Orationes in funeribus celeberrimorum inclytæ Academiæ Witembergenfis Doctorum, nimirum *Johannis Meisneri* & *Abrahami Calovii* Theologorum, *Caspari Ziegleri* Jcti, & *Andrea Sennerti* linguarum orientalium Professoris, nec non Quæsturæ Witembergenfis Præfedi *Andrea Habnii*, dictæ. Has excipiunt Allocutiones solenniores quatuor, quas ad auditores, jam redux ex Italia, jam ex Ubiorum finibus rever-

reversus, jam occasionibus aliis instituit. Major est Allocutionum reliquarum minoris momenti varietas, in classes sex distributarum, quarum I est nuptialium; II ad Candidatos honorum Academicorum; III disputationibus, orationibus & libris quorundam subjunctarum; IV dedicatarum; V apodemicarum; VI consolatarum: quibus denique variarum Allocutionum Appendix subnectitur.

A CONFERENCE WITH A THEIST &c.

h. e.

COLLATIONIS CUM THEISTA PARS II, *QUA RELIGIONIS naturalis imperfectio, Divina revelationis necessitas, Mosaicarum legum rationalitas, veritasque miraculorum ejus demonstrantur, simulque de diluvio, de sacrificiorum origine, nec non mediatorii Christi officii rationalitate disquiritur, Auctore GULIELMO*

NICHOLLS, S. Th. D.

Londini apud Franc. Saunders & Thom. Bennet, 1697. in 8.

Constat plagulis 21.

BEnigna plerorumque approbatio, qua partem priorem hujus Collationis, a nobis quoque in Actis superioris anni p. 537. seqq. recensitam, exceperunt, Reverendum ejus Autorem permovit, ut alteram hanc partem non tantum publicæ luci exponere, sed edendæ etiam tertiæ spem nobis facere animum induxerit. Duo autem potissimum secundam hanc Collationem capita absolvere videntur. Primo enim de Naturali Religione cum *Credentio* disputat *Philologus*, an ea Deo rite colendo vitæque recte instituendæ sufficiat, disquirens: deinde vero Religionem Revelatam, quam ille tueretur, variis argumentis oppugnat. De naturali religione differendi initium facit, eamque primis & antiquissimis temporibus obtinuisse, quibus aurea nimirum apud homines viguerit ætas, gloriatur, Sacerdotum postmodum fraudibus misere corruptam. Verum ex omnium omnis ævi nationum historia, nullam hujusmodi naturalem religionem, quæ rationis unice sequi professa fuerit dictamina, unquam existisse demonstrat *Credentius*, sed sua quamvis gentem oracula, sacerdotes, sacrificia aliasque caeremonias ritusque sacros, a primis usque humani generis initiis habuisse. Imo ipsa

p. 5.

p. 21.

p. 32.

- ipsa quoque prima principia moralia, quæ naturalia & connata Scholasticorum Doctorum grex vulgo appellare suevit, ex revelatione humano generi primitus innotuisse, & per traditionem postmodum propagata esse evincit. Cum autem primam, quam naturalis religio passa est, corruptelam inde originem ducere persuasum habeat *Philologus*, quod in mentem hominibus venerit ænigmatibus res theologicas involvere, unde omnis illa mythica exsurrexerit theologia; plane *Credentius* illam sententiam evertit, atque ista, quæ a Platone in Cratylo aliisque traduntur sub Jovis, Junonis cæterorumque Deorum nominibus latere mysteria, mera commenta Philosophorum, turpitudini religionis suæ velum honeste obtendere satagentium, esse ostendit; atque potius confusioni theologiæ cum obscœnis Principum suorum historiis, aliisque causis, quas prolixè recenset, omnem Gentilium religionem debere, demonstrat. Omissa igitur ista disceptatione, *Philologus* eam tanquam optimam & vere naturalem religionem deprædicat, quæ inter sapientiores Gentiles obtinuit, quales Plato, Cicero & omnis Stoicorum grex fuerint, quorum scripta vitæ optime instituendæ regulis præclarissimis, atque ad homines persuadendos maxime idoneis referta plane sint atque stipata: quæ proinde sacris scriptoribus longissime anteferre non dubitat. Hinc itaque occasionem *Credentius* nanciscitur ejus, quam moralem vocant, partis philosophiæ defectus ostendendi: utpote quæ cum aliud, quam insitam mortalium mentibus superbiam, fundamentum non habeat, veri Dei cognitione destituatur, in virtutibus vitiisque definiendis multum aberrat, imperfectissima non possit non esse: unde factum esse evincit, ut cum Philosophi, tum vulgus hominum, spurcissimis vitiis contaminatam duxerint vitam. Quorum enormia maxime, qualia idololatria, magia, hostiarum humanarum oblatio, aliaque quamplurima, Christianæ doctrinæ ope abrogata eliminataque esse probat.
- p. 76. Quid ad hæc *Philologus*? Sane imperfectam adeo religionem naturalem esse, ut ad æternam vitam homines deducere nequeat, vel eo sibi persuaderi non patitur, quod divina misericordia indignum esse videatur, minima generis humani parte meliore luce collustrata, reliquos mortales omnes cum religione sua naturali exitio permittere: si autem Gentiles per eam salvari queant, se quidem intel-

intelligere non ait, cur alia sibi sui que similibus via opus sit. Diversam itaque plane rationem esse Theistæ in sinu Ecclesiæ educati, & Gentilis cui nunquam melior radius affulsit, ante omnia demon-

p. 78.

strat *Credentius*. Deinde autem Gentiles etiam, quamvis ad unum omnes infernalibus addicere non audeat carceribus, ad illam tamen salutem, quæ Christianorum propria futura est, accessum minime habituros existimat: forteque adeo alias mansiones futuras arbitrat-

p. 80.

tur, ad quas melior Gentilium pars post hanc vitam sit admittenda, ab iis, quas fide sese amplexis præparavit Salvator, plane diversas. At pergit nihilominus adstruere *Philologus*, perinde id esse, quacunque religionis externarumque cæremoniarum lege summus ille Deus colatur, atque imprimis Siamensis Regis sibi placere ait responsum, quod ab eo Gallicus Orator, ut Christianismum amplecteretur, ei persuasurus, ab illo tulisse dicitur. Potuisse scilicet Deum, si visum ei ita fuisset, omnes mortales uti faciebus animisque prorsus sibi invicem similibus condere, ita uni quoque eidemque legi atque religioni submittere. Verum visum esse Deo opinionum circa religionem tolerare diversitatem, quod non minus cæremoniarum varietate coli, quam creaturarum insigni diversitate glorificari gaudeat. Attamen luculente satis evincit *Credentius*, quam periculosum sit ita sentire, quamque hypocrisin & idololatriam evitare nequeat, qui quocunque cultus genere Deum prosequi sibi licere putet. Atque ut cætera, quæ *Philologo* opponit, taceamus, Siamensium Regi potissimum respondet, neutiquam eum ex permissione divina ejus approbationem iusta sequela posse elicere; namque alias eum etiam cogi ut admittat, vitiosos quoque habitus purissimo illi Enti non displicere.

p. 84.

Et hæc quidem præcipua sunt disputationis de religione naturalis momenta. Jam quæ de revelata, doctrinaque de Mediatore disceptent invicem *Philologus* atque *Credentius*, videamus. Primo nempe statim loco *Philologus* fatetur, se humani ingenii infirmitatem, divinamque ex altera parte misericordiam expendentem facile adduci, ut credat, revelasse Deum aliquid de voluntate sua, quo dirigat fluctuantes hominum mentes. At characteres sibi dari postulat, quibus cognoscat, ubi demum gentium salutaris illa habeatur revelatio, cum nulla non inveniatur natio, quæ eam non ina-

p. 93.

niter jactiter, ipsaque etiam sacra Scriptura revelationes inter Gentiles quoque extare confirmet, nullamque adeo Judæis & Christianis præ iis prærogativam relinquat. *Credentius* igitur, ut dubio huic

P. 97. satisfaciatur, negat omnino revelationes divinas inter Gentiles haberi, quibus religio eorum stabiliatur; id quod ex impuritate ejus probatur, quæ divinæ nequeat esse originis. Cumque varia Scripturæ loca, quæ Philologi sententiæ favere videntur, ab eo opposita fuerint, distincte ad ea omnia responderet. Melchisedeco certe divinas

P. 99. revelationes obtigisse fateretur, utut Judæus haud fuerit. Verum, nec Gentilem idololatram eum fuisse ostendit, sed genuinum antiquæ Ecclesiæ Noachicæ membrum. Locum Malach. I, 10 quod

P. 101. attinet, quo Spinosæ etiam placuit abuti, ut deteriorem Gentilium quam Judæorum conditionem non esse ostenderet; vaticinium illud esse de statu Gentium sub regno Messie evincit, nihilque plane

P. 102. ad stabiliendam causam, quam Philologus agit, facere. Ea porro quæ e Ps. CXLV, 9. 18. adducta fuere, nullam inter Gentiles institutionem divinam, revelationi Judæis editæ æquandam, sed universalem Dei in omnes creaturas suas amorem notate. Jobi exemplum nihil quoque huc facere, utpote cujus non alia quam omnium

P. 103. ante legem fidelium conditio fuerit, cum idololatrarum impietate nihil habens commune: idemque etiam ei Noachum & Enochum

P. 104. P. 103. 105. chum objicienti responderet. Jonam autem & Obadiam cum Gentiles, Gentiliumque Prophetas facere ausus fuerit *Philologus*, contrarium de illo luculenter probat ex 2. Reg. c. XIV, de hoc vero ex ipsis

P. 105. ejus oraculis, maxime ex conim. 17 & 18. Quod vero per suos quoque Prophetas, Esaiam, Jeremiam, Ezechielem & alios, oracula ediderit Deus ad Gentiles spectantia, id Philologi causam minime juvare docet, cum non religionem eorum stabiliant, sed judicia divina iis annuncient, quorum prædictione Judæi ab iis oppressi solamine afficiebantur, & ad divinam cognoscendam justitiam fortius incitabantur. Balaami denique exemplum ad vincendam causam

P. 106. parum idoneum esse ostendit; neutiquam enim ex eo colligi posse, prophetiæ donum commune Gentilibus cum Judæis fuisse, cum manifeste pateat, Judæorum gratia superstitioso illi incantatorum solum Spiritum Dei obvenisse; nec meliorem tum ejus quam asinæ illius antea conditionem fuisse, cujus tamen exemplo nemo brutis ani-

man-

mantibus prophetias & revelationes asserere audeat. Secundum dubium *Philologo* movet sapientia justitiaque divina, cui consentaneum esse non putat, ut neglectis omnibus orbis incolis, stultissimo & pervicacissimo Judæorum populo oracula sua, lumenque melius crediderit Deus. Verum & nihil indignum justitia providentiaque divina admissum hic esse, *Credentius* monstrat; & alia haud pauca esse providentiæ divinæ opera docet, quorum rationem infirmi homines reddere nequeant; & stulum adeo ac male sanum Judæorum populum haud fuisse ostendit, quam a plerisque repræsentari soleat, eaque occasione a Justini & Taciti potissimum eos calumniis vindicat. Jam itaque porro suam de inspiratione divina sententiam *Philologus* exponit, sibi non persuaderi posse ait, Prophetis, qui inspirati esse dicuntur, alia ratione divinam mentem esse revelatam, quam ea, quæ communis est & naturalis, ratiocinationis nimirum, qua ad scientiam pervenitur. Quam ratiocinandi & cognoscendi facultatem cum a Deo habeamus, revelationem dici omnino posse censet. Nihil autem aliud, quam usum nominis *Dei* apud Hebræos effecisse, ut parum probabilem de Prophetis sententiam Judæi pariter ac Christiani amplecterentur. Fuisse enim iis familiare, ut res magnas atque extraordinarias, adjecto Dei nomine, significarent; sic enim *montes Dei, somnum Dei*, & alia dici invenimus. Viros itaque etiam Dei, non homines divinitus inspiratos, quod parum sapiens crediderit posteritas, sed viros præstantes, quos *divinos* Græci quoque & Latini dicerent, initio significasse: per *Spiritum* autem *Dei*, quem habere dicuntur, mentis habitum divinum atque excellentem denotatum esse. At nihil aliud quam doctas nugas omnia ista esse, *Credentius* ostendit, qui luculentum discrimen inter naturalem cognitionem & revelatam collocat. Ad observationem autem de *Viris Dei* illi respondet, rarissimum illius appellationis in S. litteris usum esse; contraque alia nomina & phrasæ de Prophetis magis frequenter usurpatas ei opponit, quæ peculiare aliquod cum Deo commercium manifestissime innuant. Denique cavillationem de *Spiritu Dei*, æquivocatione vocis *spiritus*, quæ *mentem* in Scripturis quandoque significat, subnixam quod atinet, loca producit, in quibus non *mentis excellentiam*, sed revelationem divinam, non posse non per *Spiritum Dei* significari arbitratur. Taliaque esse putat Gen.

p. III.

p. III.

p. III.

p. III.

p. III.

p. III.

p. III.

p. III.

p. III.

p. III.

p. III.

p. III.

- XLI, 38. Num. XXVII, 18. Es. LIX, 21. Ezech. XI, 5. & alia quamplurima. Concedere itaque *Philologus* videtur, fuisse eam, quam putat *Credentius*, Judæorum phrasibus istis utentium opinionem: verum absonam eam esse censet, eorumque ignorantie naturalium rerum & crassæ superstitioni deberi, qua inducti ad *Θεία ἀπὸ μηχανῆς* retulerint, quod rectius ad vividam aliquam imaginationis vim retulissent. Namque eam solum necessarium Prophetæ requisitum esse, ex ipsis S. litteris confirmare audet, quæ viros sapientes, qualis Salomon, Heman, Darda, Kalchol, Prophetas nunquam faciant, utpote in quibus locum phantasie ludibrii prudentia eorum non reliquerit: contra vero rudem rusticorum & pastorum plebem, & infirmas mulierculas prophetico dono ornatas repræsentent. Imo
- P. 138. & urget, quod pro affectuum varietate differant eorum prophetiæ, quodque proinde musica & aliis rebus eos excitare quandoque conati fuerint, ut lætiora prædicere valerent, quod ex 2. Reg. III, 15. potissimum confirmat. Denique sæpe revelationes opinionibus firmiter hærentibus, utut falsis, originem debere, nihilque aliud prophetiam esse, quam vehementem imaginationem cum bona intentione conjunctam, ex Ezech. XXI, 21. & Matth. II, 2. conatur evincere.
- P. 143. Jam quid ad omnia ista *Credentius*? Primo omnis ævi sapientes, revelationes a Deo procedere existimasse, ex Cicerone, Jamblichio & Xenophonte probat. Deinde imaginationis vim ejus causam,
- P. 144. non esse, fuse demonstrat. Namque Mosis aliorumque exemplis ostendit, magis quam alios homines melancholiciæ deditos Prophetas non fuisse, quod tam vitæ, quam egerunt, instituta, quam scripta eorum nihil simile scriptis Teresiæ, Pazziæ aliarumque melancholicarum mentium fortibus habentia, abunde testari ait. Atque adeo Petiti commentum, quod Lib. I. de Sibyllis proponit, quod scilicet melancholia primum sit requisitum, quod Prophetam constituat, penitus evertit. Imo Davidis imprimis exemplum urget, quem sanguinei temperamentum hominem fuisse, ex S. litteris abunde constet.
- P. 153. Cum sapientia autem prophetiæ donum consistere non posse, falsissimum esse, Mosis qui institutus erat in omni Ægyptiorum sapientia, Nathanis, Esaïæ, & Danielis, qui in Regum aulis fuerant educati, exemplis facile evincit. Imo & Salomoni bis sese revelasse Deum, sacra nos docere oracula urget. Atque Heman etiam, quem

quem itidem impedivisse sapientiam, quo minus Propheta esset, dixerat *Philologus*, in Prophetarum ordinem referri 1. Chron. XXVI, 5. observat. Ab affectibus porro vaticinia & visiones Prophetarum non pendisse, quamplurimis exemplis probat, interque alia Danielis, qui in summo luctu constitutus, lætissimam a Gabriele de adventu Messiae promissionem acceperit. Elifæi exemplum quod concernit, non ad excitandos affectus, sed ad componendam perturbatam improbi Regis præsentia mentem, musico instrumento eum usum esse dicit, ut mens quieta divinas impressiones recipere apra evaderet. Falsas opiniones revelationibus sese miscere, ex alato Ezechielis loco probari non posse docet, utpote quo superstitionis Babyloniorum ritus tantum describantur, neutiquam autem veræ editæ esse dicantur prophetiæ. Ex Magorum autem Christum adorantium historia, nil aliud colligi posse, quam occasionem Deum arripuisse ex superstitione eorum, ut ad Christum, veram lucem, eos perduceret. Prolixè deinceps de miraculis inter se disputant, qua occasione varia miracula, atque imprimis id, quod patratum a Josua est, Soli, ne cursum suum perageret, donec hostes suos penitus delevisset, præcipiente, vindicat *Credentius*. Inde vero de sacrorum Scriptorum divinitate contendunt, quorum fidem variis argumentis *Philologus* impugnat. Et Mosis quidem auctoritatem suam ereptum it, rationibus potissimum ex tradita ab eo diluvii historia petitis. Dicere enim, quod universus mundus eodem tempore aquis perierit, non minus absõnum censet, quam si sputo suo submersum & suffocatum hominem esse affirmes. Huic itaque dubio obviaturus *Credentius*, ante omnia utilem atque non sine ingenti & eruditionis & ingenti laude susceptum a Th. Burnetio laborem commendat, quo diluvii possibilitatem incredulis persuadere conatus est. Non dissimulat tamen, haud pauca esse, de quibus ut assensum ipsi præster, adduci non possit. Quemadmodum & in ingeniosissimi Woodwardi (cujus Tentamen circa Naturalem Historiam Telluris Tomi III Supplementorum sectione I pag. 7. seqq. iusto studio recensuimus) ac Whistoni (cujus Theoriam Telluris hoc ipso anno editam propediem recensebimus) methodis diluvii universalitatem probandi nonnulla animadvertit, quæ parum certa ipsi videntur, hoc loco annotari quidem non indigna, sed quæ tamen ni-

p. 154.

p. 175.

p. 160.

p. 185.

p. 187.

- p. 198. mix prolixitatis metus præterire nos jubet. Ipsemet ita procedit, ut primo diluvium aliquod universale mundo aliquando obtigisse, tum ex constanti traditione gentilium quoque scriptorum, tum ex marinis, qualia ostrea, conchæ, & alia, in locis mediterraneis reperiuntur, probet. Deinde autem, ut aquam suppetiisse Deo, quæ ad eam usque, quæ a Mose traditur, altitudinem obruere mundum, potuerit, ostendat, in visceribus terræ immensam aquarum vim delitescere, quam ea crustæ instar ambiat, cum clarissimo Burnetio statuit, idque ita esse, ex Maris Mediterranei phænomenis demonstrat.
- p. 201. Jam itaque totius terræ ambitum 8000 milliaria absolvere supponit; hujus autem numeri partem trigesimam secundam crustæ constituere crassitudinem putat, ut adeo ea 250 milliaria crassitudinis suæ efficiens, consistentiam terræ in rapidissimis ejus motibus tueri queat. Vel si ea crassitudo sufficere alicui non videatur, non impedire se ait, quo minus 500 milliaria crassitudini terræ, abyssum aquæ ambientis, tribuantur. Nam sic quoque computanti appariturum, abunde sufficere aquas in residuo spatio concavo terræ abditas, ad obruendam universam terram ea, quæ Moses scripsit, ratione, nullaque alia re opus fuisse, quam ut Deus miraculosa sua potentia, per foramina in fundo marium apparentia, & communicationi inter illa & abyssum inservientia, tantum, quantum negotio isti sufficiebat, aquæ extraxerit. Duo tamen sunt, quæ hic excipit *Philologus*, alterum, ipsam illam miraculosam Dei potentiam, quæ extraxerit aquam, callidum potius esse Theologi *κρυφήν*, quam dignam Philosopho difficultatis solutionem: alterum, suppositionem illam de aquis in cavitatibus terræ delitescentibus, destruere specificæ gravitatis leges, utpote quæ aquas terra leviores infra terram multo iis graviores constituat. Ad primum itaque *Credentius* responderet, omnino miraculum agnoscendum esse: si enim ordinariis naturæ legibus factum esset diluvium, poenæ rationem id habere non potuisset. Alteram vero objectionem, a specifica gravitate petitam, ex universæ naturæ praxi vanissimam esse demonstrat. Ut enim pauca, sed præcipua hic repetamus, Sol centrum omnium planetarum est, quorum nullus materię levitate & subtilitate ipsi æquari potest: et in ipsa terra, gravissima fossilium superficiiei ejus proxima sæpe sunt, levioribus stratis in locis multo profundioribus obviis.
- p. 205. p. 206. p. 207. p. 208. p. 209.

Sic

Sic in vegetabilibus, secus quam gravitatis leges jubent, fibræ sursum tendunt, & liquor succusve arborum contrario, quam natura poscere liquidorum videtur, motu superiora petunt; ut alia hujusmodi ab eo allata nunc taceamus. Cum autem nihilominus *Philologus*, quomodo extractio illa aquarum ex abyssu fieri potuerit, scire cupiât, *Credentius*, ut ei aliquo modo satisficiat, fieri id potuisse ostendit per extraordinariam Dei potentiam, Terra ad Lunam propius admota: quæ pressura sua maribus, & consequenter abyssu, per varios meatus cum iis conjunctæ incumbens, ut effunderent se aquæ abyssi effecerit, quibus incrementi nonnihil ex continuis imbribus accesserit. Missa itaque tandem diluvii historia, miracula Mosis *Philologus* impugnat, quæ meras fraudes, ad fallendum arbitrioque suo regendum populum compositas fuisse, atque adeo Mosén verum Prophetam non existitisse, persuasum habet. Sic v. c. Deum in igne leges ferre eum finxisse ait, ignivomo monte ad fraudem istam abusum. Verum & ignivomi montis nullum vestigium esse in Sinai, *Credentius* ostendit, cum Æterna aliisque Vulcanis illum contendens; & apparitiones Angelorum, qualem istam in Sinai fuisse statuit, pariter ac ipsius Dei apparitiones, in igne factas semper esse, ex Jamblichio, Plutarcho, Orpheo aliisque Gentilium Theologis sacrisque eorum ritibus probat. Simili diligentia miraculum in mari rubro patratum inter se expendunt, & sic demum ad ipsas leges Mosis paulo penitius considerandas accedunt. Earum enim pars haud exigua, ridicula prorsus & omnis consilii expers *Philologo* videtur. An enim, inquit, sapientis Legislatoris curæ dignum aliquis censeat prospicere, ne bestiarum sanguine quisquam vescatur: ne bos & asinus eodem jugo jungantur, & similia? Forensium vero legum plerasque pro iniquis & crudelibus habet. Quæ tamen optimæ ut esse omnino videantur, recta earum explicatione, & cum aliarum sapientissimarum gentium legibus collatione, *Credentius* efficit. Prætereaque etiam ostendit, falsum esse, quod *Philologo* in mentem venerat, tulisse nimirum Mosén leges plerasque, ad Zabios habito respectu. Nullam enim unquam gentem hoc nomine existisse, esseque supposititios, qui Majemonidis ævo circumferebantur sub nomine eorum, libros omnes, fuisse ostendit. Nec minus falsum esse demonstrat, quod paulo post ille ait, cultum divi-

p. 214.

p. 218.

p. 221.

p. 228.

p. 237.

p. 247.

p. 253.

- p. 257. 259. divinum a Mose institutum ab Ægyptiis eum mutuatum esse, adeoque a Deo non accepisse. Ubi circumcisionem, Urim & Thummim, lintea sacerdotis vestimenta, Cherubinos, arcam foederis, novilunia, purificationes & lustrationes, templum Hierosolymitanum aliaque hujusmodi ab Ægyptiis ad Judæos translata non esse, contra Spencorum, Marshamum & sequaces eorum fufe demonstrat. Atque apud alias quoque nationes oppido multa esse docet, quorum aliqua cum Judaicis moribus sit convenientia, quæ tamen ab iis ad hos propterea translata esse nequeant dici. Sed nondum tamen *Philologus* impugnandi Mosis finem facit, sed eum pariter ac omnes reliquos V. T. Scriptores gravissimorum errorum accusat, atque imprimis id moleste fert, quod anthropomorphitarum errore contaminatos fuisse omnes deprehendat. Sed longissime eos ab isto delirio abfuisse, *Credentius* evincit, luculenta loca producens, quibus Deum Spiritum esse affirmant; ea, quæ membra Deo, affectus item & mores humanos tribuere videntur, dextre exponens; nullamque linguam humanam aptam esse ostendens, ad Dei naturam & actiones vocibus satis propriis exprimendas. Imprimis notari meretur, quod verba Mosis, dicentis, audivisse Protoplastos vocem Dei deambulantem in horto, ita exponat, audivisse eos ventum seu vocem, quæ comitari solebat præsentiam Angeli, per quem Deus cum ipsis agere sueverat, atque ea ex Job. XXIIIX & 1. Reg. XIX, illustret. Cum vero idem Moses orat Deum, ut faciem ejus intueri sibi liceat, non oculis corporis intueri illum Deum voluisse dicit, utpote quibus eum haud patere optime noverit: sed magis claram Angeli in nube hæcenus ipsi apparentis manifestationem desiderasse, ut magis evidens signum divinæ missionis suæ Judæis inde nasceretur. Denique Jonam non omnimodam Dei præsentiam effugere voluisse, sed prophetiam tantum, existimat, vulgari forsân etiam Judæorum opinione occupatum, in terra a Gentilibus habitata revelationes divinas dari haud solere. Tandem etiam ad ea respondet, quæ in actionibus Prophetarum taxat *Philologus*, v. g. quod 390 dierum spatio in larus reclinis jacuerit Ezechiel: quod meretricem duxerit Oseas: quod parum reverenter in Reges se gesserint Samuel & Hanani. Ultimos enim hosce mandatis divinis & concessa a Regum Rege auctoritate excusat: illorum vero monstrosas actiones in visione plerumque,

non reapse factas esse, ad significandas maximi momenti res existimat. Aggreditur igitur denique *Philologus* doctrinam de satisfactione & expiatione pro peccatis, quam per sacrificia fieri Judæis, per Christum Christianis Sacerdotes lucello inhiantes persuaferint; cum tamen illa doctrina Dei naturæ plane conveniens non sit, quem tanquam implacabilem & ad reconciliationem parum proclivem repræsentet. Indignam itaque Deo non esse *Credentius* ostendit rem istam, utpote cujus non misericordia tantum, sed & justitia attributum sit. Sacrificia autem non ideo tantum, ne gratis peccare viderentur homines, instituta esse, sed ut Christi sacrificium repræsentarent, evincit: eaque adeo antiquissimæ institutionis divinæ, ab Adamo ad omnes gentes derivatæ, esse docet. Cumque videre se non dicat *Philologus*, quid mediatore opus sit, cum omne id, quod post peccatum, homo præstare queat, pœnitentia sit, mediator vero meliorem hominem non faciat: ideo saltem *Credentius* mediatore opus esse, docet, ut læso Dei honori satisfiat; id quod salva justitia divina nequeat omitti. Præterimus reliqua, quæ e Socinianorum maximam partem scholis petita opponit contra doctrinam de mediatore *Philologus*, & *Credentius* confutat; jam dudum enim, ut de fine cogitemus, alia quæ operam nostram sibi deposcunt, nos admonent.

ΑΡΙΣΤΟΤΕΛΟΥΣ ΠΕΡΙ ΠΟΙΗΤΙΚΗΣ.

ARISTOTELIS DE POETICA LIBER, EX VERSIONE

THEOD. GOULSTONI, perpetuis notis analyticis illustrata.

Cantabrigiæ apud Jo. Hayes, sumptibus Th. Dawson, 1696. in 8.

Constat plag. 15.

Artē poeticam, generi humano admodum utilem quum intellexeret, & quantos fructus ferre posset præclare videret, judicio suo ac cognitione multa pulcherrimarum rerum ornare voluit Aristoteles, simulque, quæ ipsius tractandæ optima ratio esset, amatoribus illius indicare. Nam quum longo tempore Athenis observasset, quæ laudi aut vitio poetis darentur, & ingenium id judiciumque haberet, quod metiri res omnes facile valeret, veramque illarum formam cerneret, haud difficulter omnes poeticæ artis numeros ac partes pertractavit. Eam sane primum ipsum aggressum esse, nec ante ei incubuisse alios, reperimus: post Aristotelem et-

Bbb

iam,

iam, qui aliquid huic arti addiderint, multumque in ea progressi sint inter veteres, minime feruntur. Ipsius duos libros *πραγματειῶν τέχνης ποιητικῆς* memorat Laertius, singularem etiam librum Aristotelis citat, qui inscriptus fuerit *ποιητικά*, & tres libros *περί ποιητῶν*. De quibus videndus Petr. Joh. Nunnescius ad vitam Aristotelis scriptam ab Ammonio vel Philopono not. 17 & 18. Ex istis libris unci modo fragmentum superest, gratum nobis acceptumque, ut esse solent quæ e magna quadam procella naufragioque fortuna servavit. Multa enim in isto præcepta continentur, disputationesque tam acutæ & poetæ informando necessariæ illic existunt, ut omnis opera iuxta eo diligenter legendo bene collocetur, fructusque maximus inde capiatur. Proinde superiore seculo, quum resurgeretur literarum cultus, in excolendo hoc exiguo licet earum monumento studium posuerunt præstantes eruditione Itali, *Alex. Paccius, Franc. Robortellus, Vinc. Madius, Barth. Lombardus, Paulus Benini*, & qui cives suos omnes ingenii perspicacitate & doctrinæ elegantia ac copia vicit, *Petrus Victorius*. Hi consumptis in libello hoc Aristoteleo plurimis vigiliis, scriptis suis eundem illustrarunt, plurimumque caliginis inde sustulerunt ac dissiparunt, nonnullas præterea ope antiquorum librorum maculas deleverunt, singulas sententias diligenter examinarunt, ac quæ obfata illic pugnareque inter se videbantur, cognoverunt, adhibitaque diligentia plurimos nodos dissolverunt & extricarunt, justisque voluminibus parvum libellum exposuerunt. Hujus seculi anno decimo doctissimus Belgarum *Daniel Heinſius* eidem opusculo eruditam operam impendit, & quod alii interpretes non viderant, primus animadvertit: ordinem nimirum vehementer luxatum ac solutum, immanesque in eo trajectiones, ab Italis non observatas. Ipse igitur in meliorem ordinem eum (quod in Horatii etiam de arte poetica libro fecit) redegit, Latine interpretatus est, textum emendatiorem reddidit, collocationisque hujus & emendationis causas in notis exposuit. In Anglia *Theodorus Goulſonius* anno 1619 eundem nova Latina versione & notis illustratum edidit. Paucos ante annos elegantissimus Gallorum *Andreas Dacierius* libellum hunc Gallicam in linguam traductum doctis observationibus illustravit, criticisque annotationibus veram Aristotelis sententiam dilucidavit, ut ad recte eam intelligendam nihil amplius de-

fide-

siderari posse videatur. Omnium horum curas, & quæ præterea a Sylburgio A. 1587, & Du Vallio in vasta illa omnium operum Aristotelis editione A. 1629 annotata fuerunt, collegit & Aristotelicis verbis substravit, libelli quem recensemus editor Cantabrigienfis; Goulstoni interpretatione & analysi adjecta, ex aliis etiam philologicis, Petiti, & Heinsii de constitutione tragædiæ libris, insignioribus observationibus additis: ut paucis his pagellis, quicquid ad poetice artis constitutionem & dramatum, cum primis autem tragædiæ, naturam pertinet, quantum ab Aristotelis divino ingenio proditum hodie superest, contineri & pulchre expolitum exhiberi intelligamus. Vere autem censuit Heinsius: *nihil esse ab Aristotele profectum, quod majore sit judicio perscriptum; nihil in quo cum subtilitatem viri admiratus fueris, qua in omnibus elucet, tantum simul eruditionis invenias.* Item: *Aristotelem, postquam omnia, qua in tota Græcia prodierunt, poemata, præsertim autem dramata, acumine celesti & divina mentis acie considerasset, judicium ex his ipsis de tota arte tulisse: quumque virtutes pariter & vitia in iis annotasset, legem qua perpetuo sequenda esset, toti posteritati statuisse.*

SPECIMEN SAPIENTIÆ INDORUM VETERUM.

Id est, Liber Ethico-politicus pervetustus. Nunc primum Græce ex MS.

Cod. Holsteniano prodit, cum versione nova Latina, opera

SEBAST. GOTTOFREDI STARKII.

Berolini, sumptibus Jo. Mich. Rudigeri, 1697. in 8.

Constat alph. 1. plag. 13.

Effloruisse primum in Oriente sapientiæ studia, & a Barbaris illis, quos vocabant, postea ad Græcos dimanasse, Diogenes Laërtius quamvis negat, consentientur omnes Historiæ litterariæ non prorsus imperiti. Nondum in Græcia cognita erant septem Sapientum nomina, quum in Ægypto Sacerdotes, in Assyriis Chaldæi, in Persis Magi, inter Indos Gymnosophistæ & Brachmanes, & ante hos omnes, in populo Dei Patriarchæ ac Prophetæ, arcem omnis doctrinæ ac sapientiæ tenerent. Adamarunt vero Orientis populi genus philosophandi mysticum & allegoricum, quod doctrinæ nucleum fabularum & figurarum cortice concluderet. Hujus fabularis philosophiæ monumentum longe antiquissimum, & toto Oriente,

decantatum, Græce Latineque nunc divulgavit eruditus in omni orientalium linguarum & doctrinæ genere vir *Sebastianus Gostofredus Starckius*: qui in subjecta præfatione monet, non esse, cur quis ab his litteris recte cognoscendis eam ob causam abhorreat, quod omnis orientalium gentium sapientia densa fabularum nube tecta sit & obfuscata. Esse omnino fabulas in Oriente natas & excultas, sed his involucris maximarum rerum momenta ab injuria temerariorum defendi. Nec politioribus gentibus fuisse insolitum, arcana scientiarum vel vitæ disciplinam in fabulis abscondere: majores quoque nostros, æque ac reliquos populos, primis doctoribus usos esse poetis, quorum laus sine fictione sit prorsus nulla. Ex *Morhofii de Poesi Germanica* libro cognosci posse, quid in hoc genere sit præstitum: & complures hujusmodi Germanos scriptores laudari in notis ad carmen non incelebre morale & politicum, quod *de astutis vulpecula* Nic. Baumannus, Duci Juliacensi quondam a secretis, idiomate Saxonie inferioris composuit. Inquiri deinde in causas, cur philosophia fabularis & symbolica fuerit inventa. Ac fieri quidem potuisse ait, ut nonnulli vel metu ducti, vel invidia & ambitione compulsi, ut soli sapere viderentur, quæ sentirent, aperte dicere, noluerint. Quanquam vitio magnopere vertendum non sit, si qui scientias, symbolorum mysteriis involutas, a contemptu & ludibrio profanorum vindicare susceperint: obvia enim & exposita vulgo contemni, abstrusa & recondita quæri & esse admirationi. Alios vero, quum res ipsas perspicere nequiverint, in rerum umbris & imaginibus latibulum quoddam ignorantie quævisse. Attamen, illarum fabularum, quæ sub fictis animalium aliarumque rerum personis vitæ morumque quandam exhibent imaginem, exploratam esse utilitatem. Morum enim præcepta plerisque esse ingrata: exemplis virtutum subesse tacitam quandam vitiorum exprobrationem: satyris & comœdiis ad vitia potius irridenda quam fugienda, notandos magis alios quam se emendandos, assuescere homines: at a fabulis abesse & præcipiendi severitatem, & exemplorum odium, & reprehendi libidinem. In illis ad gratiam conciliandam omnia esse comparata: fictionem illam, quæ res quadam similitudine adumbrat, & arte sua placere & excitare discendi cupiditatem, & ingenio lectoris deprehensam perfundere animos gaudio, firmasque imagines

iisdem

iisdem impressas relinquere. Mirum ergo non esse, cur vetustissimis mortalium ad virtutem animis instillandam idoneæ præ ceteris visæ sint fabulæ, quibus & duci maxime homines, & magis quam rationibus commoveri, non uno documento sit compertum. Hujus generis esse libellum hunc longe antiquissimum, trecentis ante Alexandrum M. annis (si Abrah. Ecchellenfi fides) in Arabicam linguam traductum, vetustiore certe, quam qui Philosopho Secundo, Hadriani Imp. æquali, tribui possit. Natales libri hujus multorum indicio in India esse quærendos, auctoremque ejus ferri *Isamum* Regem Indorum quintum; quamvis alii alium nomenclent. Quum diu in regio Indorum tabulario, veluti res sacra, is delituisse, neminique ad eum patuisset aditus, famam ejus pervenisse ad Persarum Regem Chosroem, quem & Anasuranum vocant. Hunc opera Medici cujusdam, in Indiam ea gratia missi, positum esse libro, eumque in Persicam linguam transferri curasse. Extare adhuc in Vindobonensi Cæsareæ, Electorali Brandenburgica, aliisque Bibliothecis, Persicam illius libri versionem: incertum tamen esse, an sit prima illa ex Indica, an altera ex Arabica conversa: esse enim eundem librum & in Arabicam & in Turcicam linguam translatum: ac Turcis quidem inscribi *Hamajun name*, quasi *Speculam Regis* dicas; Arabibus vero appellari *Kelila Wadimnah*, non satis perspicua denominationis ratione. Duorum quidem Thoom (animantium nostris regionibus ignotorum) qui fabulam prioribus duabus sectionibus peragunt, alteri inditum esse nomen *Kelila*, quod *coronatum* & Græce *σεφαιήτην* possis vertere; alteri vero *Dimna*, quod Græcus interpretes reddiderit *ἰχνηλάτης*, sed quam ea vox vim habeat, non apparet. Ex Arabica porro lingua in Hebræam transiisse dicitur, auctore quodam Rabbi Joel. Hebræa porro versio peperisse fertur Latinam veterem, quæ libro titulum fecit *Directorium humana vite*, seu *Parabola antiqua*, interprete Johanne de Capua. Hinc promanasse Castellanam versionem, testis est interpres hujus libri Italus Donius, qui *Philosophia moralis* titulum versionis suæ Ferrariæ A. 1610 editæ præscripsit; quæ antiquior anno 1583 prodita extat hoc titulo: *Lelo Demmo del governo de regni* &c. cujus auctor incepte putavit, *Lelum Demnum* ex Indica lingua hunc librum vertisse in Agarenam, censente Leone Allatio. Nec Germanis hac etiam parte de-

fuit libri hujus in linguam suam transfundendi studium: tribuiturque ea interpretatio EBERHARDO I. Duci Würtembergico, & quater in Germania diversis titulis & formis excusa observatur. Ad Græcam denique versionem, quam Editor nunc in publicam iterum lucem profert, quod attinet, eam Arabicum interpretem secutus Alexii Comneni Imp. jussu adornavit Simeon Sethus, Antiochenus magister & medicus, libro de cibariorum facultatibus per ordinem literarum expositis, *περί τροφῶν δυνάμεων, κατὰ τερχίωρ*, quem Martinus Bogdanus Lutetiz A. 1658 edidit, cognitus: qui Homeri aliorumque Græcorum poetarum adpersis sententiis librum hunc alicubi interpolasse videtur. Græcæ dictionis puritatem in hac interpretatione desiderant Allatius & Possinus; quam Editor noster ab interprete, orientalium præsertim scriptorum, & vitæ potius quam orationis magistro, non æque exigendam censet. Græcæ hujus versionis exempla in variis Bibliothecis asservari observat manu scripta: ipse vero e codice Johannez Hamburgensis, quem Lucas Holstenius descripserat, recensendam eam existimavit, adjecta Latina sua interpretatione. Antea quidem Possinus eundem librum e Græco Latine redditum Georgii Pachymeris Historiz Palæologicæ subjunxerat; sed quum Noster animadverteret, liberiores esse Possini versionem, & sæpe a vestigiis Græci textus discedere, non dubitavit versionem istam suam publicæ luci exponere. Est autem hujus libri, quem exemplo Possini *Specimen sapientiæ Indorum* inscripsit Editor, hæc ratio, ut Rex quidam Indiz, cui nomen *Abesalomus*, quæstiones ad mores vitæque pertinentes in medium afferat; quibus Philosophus quidam, quem Italica & Germanica versio vocant *Sendebâr*, confictis apposite fabulis, respondet. Distiuguitur liber in hac Græca versione in sectiones quindecim: quarum I artium aulicarum scenam reteggit, quibus se mutuo evertere & supplantare consueverunt, qui Principis gratia florent. II pravorum consiliorum exitum ostendit ipsis tandem auctoribus finestum. III amicitiz colendæ rationem docet. IV inimico nunquam fidendum esse monet. V suis quemque bonis facile excidere posse observat. VI temerariæ spei vanitatem arguit. VII Regis imperium conservari animi prudentia & constantia, bonorum sapientumque consilio, & uxore proba ac prudente, demonstrat. VIII pacem

& amicitiam diuturnam esse non posse probat, quam vis & metus expresserit. IX cavere ab eo jubet, quem læseris. X. memoriam injuriæ fidis ministris illatæ amplioribus honoribus abolendam esse suadet. XI non nisi dignis benefaciendum, nec cuivis fidendum, præcipit. XII varias esse rationes, quibus & quærantur fortunæ & amittantur, commemorat. XIII æquo animo debere pati injurias, qui aliis intulit, confirmat. XIV consilia salutaria a Principe anteponenda esse docet iis, quæ ad gratiam & voluntatem illius dicuntur. XV non appetenda esse monet, quæ assequi non possis. Ex his summatim expositis, quæ suavissima fabularum & sententiarum varietate diducta & explicata in ipso scripto legere licet, facile intelligitur, librum hunc esse ejusmodi, qui ad augendam prudentiam & virtutem plurimum conferre possit adjumenti.

MUSEUM REGIUM, SEU CATALOGUS RERUM TAM Naturalium, quam artificialium, quæ in Basilica Bibliotheca Augustissimi Danicæ Norvegiæque Monarchæ CHRISTIANI V Hafniæ asservantur, descriptus ab OLIGERO JACOBÆO,
Med. & Phil. Profess. Regio.

Hafniæ literis Joachimi Schmetgen, 1696. in fol.

Constat Alph. 2. pl. 8. & Fig. 20. pl. 18.

MERITO tandem in lucem prodit egregium hoc Augustissimi Danorum Regis Museum, siquidem id unum tanto thesauro deerat, ut literarum monumentis fieret conspectior. Duas illius partes constituit doctissimus Auctor, alteram, quæ rerum naturalium, alteram, quæ artificialium catalogum exhibet. Postquam enim, quæ in quadrupedibus, avibus, piscibus, conchyliis, insectis, plantis, lapidibus, terris, metallis & mineralibus curiosos delectare spectatores possunt, accurate & diligenter delineavit; in altera parte res describit, e variis metallis, succino item, ligno atque cera affabre confectas, nec non vestimentorum, armorum, instrumentorum bellicorum varia genera, vasa ac utensilia alia, præterea mechanica & optica opera, & antiquitatum variarum spolia quæstissima, picturas itidem & Regum Principumque & variarum rerum aliarum elegantissimas, nummos denique non Danicos solum, sed quosdam etiam Græcos, & Romanos imprimis haud paucos. Tanta oc-

ruc-

- currente rerum varietate, juvabit aliquos hoc loco recensere num-
 p. 69. mos Danicos, ne nihil videamur ex instructissima penu legisse. Pri-
 mum esto Regis *Johannis* numisma, in cujus area altera Regis so-
 lio insidentis effigies comparat, circumscriptis verbis: IOHS. DEL
 GRA. REX. DANOR. IVSSIT. ME. FIERI. AN. 1496; altera
 Regis insignia exhibentur, cum inscriptione ex Psalmo 117. v.
 16. DEXTERA. DNI. EXALTA. ME. DEXTERA. DNI. FE-
 CIT. VIRTU. Succedat nummus *Christiani II*, cujus pars altera
 p. 70. Regem throno insidentem exhibet, cum ejusdem nomine: CHRI-
 STIANVS. DEI. GRACIA. REX. DACIE. SVECIE. AC. NOR-
 VEG. altera insignia ejusdem cum hac inscriptione: XPS. IHS.
 p. 71. ELEGIT. ME. REGEM. POPULO. SVO. IN. ANO. 1518. In
 nummo alio *Friderici I*, latus alterum Regis & Reginae facies oc-
 cupant sibi invicem oppositæ, cum verbis: FRIDERICUS. ET.
 SOPHIA. D. G. REX. ET. REGINA DANIE: alterum insignia
 ejus, adscripto symbolo: IN. MANU. DOMINI. OMNIS. PO-
 p. 70. TESTAS. TERRE. 1532. Ita & in nummo *Christiani III*, ex uno
 latere Regis effigies cum nomine: CHRISTIANVS. D. G. DA-
 NO. REX; ex altero symbolum ejus: UNICA. SPES. MEA.
 p. 73. CHRISTUS. 1541. comparent. In *Friderici II* Regis quodam nu-
 mismate, in una area faciem item atque titulum Regis, in altera
 Fortunæ globo insidentis typum videas, cum inscriptione Italica:
 PEDELTA E COSA RARA, i. e. *rara res fides est*. Quibus ver-
 bis ad Regium illud apophthegma haud dubie respicitur, quod vel
 expressum integre, vel primis tantum literis designatum, in plurimis
 ejus nummis videas, nimirum *Treu Ist Wilt Brat*/ quasi carne fe-
 rina rariorem dixeris fidem. In ejusdem Regis nummis primum
 p. 75. deprehendimus elephantis turrati typum, a sequentibus multoties re-
 petitum; quod argumento est, Illustrissimam Societatem Elephan-
 tinam, si non institutam, restauraram tamen magisque illustratam
 a *Friderico II* fuisse. *Christiani IV* symbolum fuit: REGNA FIR-
 MAT PIETAS. Unde frequentissimum id in nummis ejus legitur
 inter quos & mnemonici haud pauci comparent, in memoriam seu
 recepti a Senatu Populoque *Hamburgenfi* anno 1603 homagii; seu
 Calmariae urbis A. 1611. expugnatæ, aut capti A. 1612 *Elfsburgi*; seu
 firmari munimentis accepti A. 1620 *Gluckstadii*; seu armorum pro
 religio-

religione & libertate A. 1625 captorum; seu Uraniburgi pro excollenda Astronomia A. 1642 Hafniæ erecti, similibumque rerum fortiter aut prospere gestarum cusi. Nobis unicum exhibuisse suffecerit, in Chemicorum imprimis gratiam, in cujus antica parte REGIS EFFIGIES, in adversa perspicillum cum hac inscriptione: VIDE MIRA DOMI. 1649. deprehenduntur. Cui intelligendo memorat Auctor, cūsum numisma ex auro Norvagico fuisse, quod Chemica arte ex minerali quodam Norvagico Caspar Harbach produxerat: perspicillo autem illo, verbisque VIDE MIRA DOMI, exprobratam Præfecto rei metallicæ in Norvania incredulitatē fuisse, quod metallorum transmutationi fidem adhibere noluerit. Duos juvat nummos decerpere ex iis, qui *Friderici III* auspiciis debentur. Ut enim taceamus, quandoque eum voculam TANDEM thuribulo, sæpius & navi inscripsisse, symbolum item, DOMINUS PROVIDEBIT, in nummis sæpe expressisse; prostat nummus, quo Regi A. 1648 sceptrā capessenti gratulabantur subditi. Ejus in parte altera REGIS EFFIGIES cum nomine ac titulo, in altera Pacis representatur typus, dextra stellam tenentis, sinistra palmæ ramum, sub quo liber cum inscriptione: DAS HOHESTE GUTH, i. e. summum bonum. Cingitur præterea tota area verbis: SEHT WIE DER FRIED IEZ ZIERT DIE WELT, DA FRIEDRICH KROHN VND SCEPTER HELT. i. e. en! ut pax ornat orbem, Friderico coronam & sceptrā capessente. Alius quadratus est, in quo elegans sese nobis inscriptio offert: OPTIMO REGI FRIDERICO III DANIE NORVEGIÆQUE D. D. O. M. EXERCITUM FELICEM, POPULUM FIDELIEM ET ANNOS DE NOSTRIS. Nummorum denique *Christiani V*. Augustissimi hoc tempore Regis exhiberemus plurimos, si nobis in his liceret esse prolixioribus. Tres itaque ex multis sistimus tantum, in quorum primi antica, præter inscriptionem: NON EST MAJORIBUS IMPAR; obeliscus representatur, ex altera parte hieroglyphicis figuris refertus, quibus victoriæ Regis, cujus in summitate apicis nomen apparet, designantur; ex altera literis Runicis vortum illud contineri Auctor tradit: Gud bevare Kongen! i. e. Deus sospitem servet Regem; in postica parte figura Solis describitur, cujus radii his nominibus insignantur: WISMAR, JEMTERLAND, GOTHLAND, CARLSBURG, CHRISTI-

STIANSTAD, MARSTRAND, LANSCRON, VENNERBURG: circa quæ hæc inscriptio legitur: VELOX IRE VIAM ULTERIUS. Alterum memoriæ castelli Christiansö in insula Maris Baltici cognomine exstructi dicatum, in cujus altero latere hæc leguntur verba: **ERTHOLMIA ANTE PISCATORUM FAMULA, NUNC ARBITRA CODANI MARIS, ANTE INHOSPITA SCOPI-
LIS, ABRUPTA CAUTIBUS, NUNC ANNO M DC LXXXIV
AUSU PLUS QUAM HERCULEO CHRISTIANI V AUGUST.
DANIE NORVEGIÆQUE MONARCHÆ, TUTELA BAL-
THIS, ASYLUM NEGOTIANTIIUM, REGNORUM GLORIA,
EX CASTELLO SAXEO ARCET HOSTILIA, AMICOS PLA-
CIDE RECEPTAT, POSTEA CHRISTIANSÖ:** in altero latere typus castelli exstat, supra quod verba: DEFENDIT ET AUGET; infra: MEDIIS JAM PORTUS IN UNDIS; circa oram extre-
mam: **FLECTIT AD OBSEQUIUM CAUTES ET PECTORA
FLECTIT,** leguntur. Tertium est, in cujus prima area, quod sit in plurimis aliis, Regis expressa est facies, addito titulo Regio; in altera navale Regium vallis præmunitum navibusque bellicis bene instructum, in quo comparent in aere nubes atque ignis statuz, ad-
ditis verbis: **HIS DUCIBUS. EXOD. XIV;** ad oram nummi infe-
riorem leguntur ista: **NEC IRRITANTES, NEC IRRITANDÆ;** & in circulo, quo nummus cingitur: **SIC STANT CONSPICUÆ
REGALI IN SEDE CARINÆ, ET BENE MUNITI CASTEL-
LA NATANTIA REGNI. A. 1692.**

EPISTOLÆ ANATOMICÆ PROBLEMATICÆ VII, IIX, IX,
*ad Virum Clarissimum FRIDERICUM RUYSCHIIUM M. D. Anat.
& Botan. Professore;* una cum hujus totidem Responsionibus.
Amstelodami apud Jo. Wolters, 1696. 1697. in 4. plag. 6. Fig. tab. 3.

Continuatio hic sistitur Epistolarum ea propalantium, quæ a ce-
leberrimo *Ruychio* in animali nostro corpore novæ balsamatio-
nis adjumento indies deteguntur. *Responsione videlicet septima,*
quam Autor laudatus æque ac sextam & octavam ad D. Johannem
Henricum Gratz remittit, meninx pia in cerebelli interstitia per
modum totidem processuum falciformium, in cerebri autem anfra-
ctus itidem adinstar tot processuum, sed ductu serpentino repentium,
una




una cum tenuissimis & numerosissimis arteriis, ubi prodeunt, musci veluti speciem referentibus, insinuari edocetur. Pia namque matris in cerebri & cerebelli sulcos ingressum tali neutiquam fieri ritu, quali omentum inter circumvolutiones intestinorum demergatur, aut lineum aliquod varios in sinulos intrudatur; cum eadem a cerebro & cerebello caute separata non tam quoad magnitudinem & extensionem augeatur, quam in loculamenta potius his haud absimilia, quæ in capitibus papaveris albi occurrunt, dividatur. *Octava vero Responsione*, quæ ordine sequitur, tum cartilaginea nasi structura, tum arteriolæ membranæ tympani atque ossiculorum auditus multo accuratius, quam hactenus, evolvuntur. Etenim quod cartilaginee nasi attinet, non nisi quinque earum Anatomicis hucusque innotuerunt, a *Nostro* tamen novem annotantur, quod plures omnino in utraque nasi ala cartilagineæ dentur interruptiones. Prima cum Spigelio audit, quæ impar vice septi inferioris rotundi, quandoque incurvi, inferiorem nasi partem in duas plagas dispescit, stricteque parti septi narium ossæ interventu subtilioris membranosi vinculi adharescit, binis membranis stipata, quarum exterior mucosa copiosissimis & arteriis & glandulis gaudeat, interior autem & immediata membranula habeatur tenuissima, peristio nasi continuata & arteriis exornata, Perichondrii nomine efferenda. Membranam hanc dilaceratam multum negotii Chirurgus facessere, tanquam ægre renascentem; prout a vinculo membranoso modo indigitato, ab ulcere eroso, figura nasi deformis eaque plana soleat dependere. Secunda & tertia nasi cartilaginee par primum constituentes, triangulares innuuntur, superius ossæ nasi parti ope ligamenti adnexæ, sensumque deorsum procedendo antè in angulum acuminatæ, donec inferius cartilaginee quartam & quintam, sive par secundum, excipiant, quæ ab aliis neglectæ breves quidem, satis tamen latæ exhibentur. Cum pari secundo par tertium jungi dicitur sub figura præter propter quadrangulæ. Octava demum & nona cartilaginee, veluti par quartum, cum foliis minoribus Periploæ scandentis quodammodo comparantur, quod in utroque extremo cuspidatæ sint ac in appendiculam tenuem deorsum reflexam, foliorum dictorum pediculo sub-similem, desinant, ætemque circa sinem, qui in crenam labii supe-

rioris terminatur, proxime sibi appropinquant ac septo utrinque, ceu pediculi foliorum costæ, adstent. Reliqua portio maximam pinnarum partem in utroque nasi latere efformans, non cartilaginea, sed mere membranæ, quamvis satis crassa, asseritur. Quod arteriolas autem in membranæ tympani & ossiculorum auditus, ex parte delineatas, concernit, repetatus harum in membrana tympani multum discrepans observatur ab eo, qui in membrana tenuissima ipsam capsam obducente conspicitur. Membranam quippe tympani e tribus distinctis lamellis coalescere, quarum per mediam vascula arteriosa a ramulis arteriarum carotidum externarum oriunda, & raro, si unquam, cum vasis capsam perreptantibus communicantia, densissima ramificatione ita videantur dispergi, ut a centro seu medio tympani ad circumferentiam tendant. *Responsione* denique *nona*, ad D. Andream Ottomarum Gœlicke directæ, exactior partim intermedie cerebri meningis textura, partim arteriarum perpiam matrem, hepar atque diaphragma diramatio ostenditur. Primo scilicet intermedia cerebri meninx non æque crassa, nec in tanta portione a subiecta matre pia, cui non minus atque vasis ejus sanguineis per nexus fibrosos adheret, illibata separari facilis indigatur, ac quidem a Bidloo representatur, cum membrana sit omnium in corpore subtilissima, vasis sensibilibus destituta, meritoque Arachnoideæ titulo a primis inventoribus, Blasio, Slado, Swammerdamio &c. in medulla spinali insignita, adeoque non nisi quoad exiguum ejus partem statu elevanda. Quod ipsum uti facilius circa cerebellum, præsertim regionem hujus posteriorem, & medullam spinalem, quam circa superiorem utriusque hemisphærii cerebri partem, succedere perhibetur; ita eadem membrana arachnoidea, statu a subiecta meningē pia innumeris in locis disjuncta, cellulosa membranæ speciem mentiri simul traditur, etiam si revera cellulosa haud sit. Hinc arteriarum per piam matrem distributarum icon accuratior sinitur, quam qualis apud Bidloium habetur, quia in qualibet cerebri circumvolutione longe copiosius arteriæ invicem in osculentur, ipsæque cerebri circumgyrationes pia adhuc meningē instructæ neutiquam tamprofunde, adeoque nec superficies cerebri adeo inæqualis, conspiciantur. Tandem postquam tenuissimam sinuum frontaliū membranam unice cum spongiosorum ossium narium tunica communicare fuit adstructum, arteriæ novæ, cum hepatis, tum diaphragma-

tis,



TAB. V. ad A. 1697.
pag. 387.



tis, intinuantur. Arteriarum enim hepaticarum nonnullas a diaphragmatis vasis oriri, per gibbosam hepatis partem excurrentes, atque cum arteria, vulgo hepatica dicta, communicantes; plurimas etiam alias exiles ab arteriis per ligamentum hepatis suspensorium utrumque disseminatis exsurgere. Præter diaphragmatis autem arterias phrenicas easque, quas ex subclaviis atque lumbaribus seu adiposis detexit Verheyen, plures ramos arteriosos tam ab inferioribus & interioribus intercostalibus, quam a splenicis arteriis ad diaphragma accedere. E figuris, quibus pleraque illustrantur, Tabulam, quæ apud Autorem est nona, placuit transcribere, ejusque explicationem addere.

EXPLICATIO TABULÆ V.

TAB. V.

Figura Prima

Repræsentat Ossicula auditus in situ naturali perioſtio munita, vasculisque sanguineis ditata: suntque hic delineata multis numeris majora, ut vasa sanguinea eo magis sensus incurrerent.

A. Malleolus. B. Incus. C. Stapes. D. Quartum Ossiculum auditus.

Figura Secunda

Eadem Ossicula proponit naturali magnitudine, idque e corpore adulti.

Figura Tertia

Eadem Ossicula e capite foetus humani jamjam nati, quæ magnitudinem in adulto fere æquant.

Figura Quarta

Quatuor proponit interruptiones cartilagineas Nasi, lateris sinistri.

A. Unam ex primo & supremo pari visui exhibet. D. Unam ex quarto pari.
B. Unam ex secundo pari. E. Pars membranacea, unius pinnae.
C. Unam ex tertio pari. Nasi.

Figura Quinta

Nasum cum portione Ossium frontis & maxillæ superioris exhibet, cujus globus in duas partes dehiscit, nexu membranaceo dissoluto. Suntque integumenta Nasi exteriora ablata.

A. A. Globus in 2 partes dehiscens. B. Portio septi narium.

Figura Sexta

Septum Narium repræsentat, cum involucro mucoso, suisque vasis

arteriosis, suntque dictæ arteriolæ longè plures, quam hic delineari potuerunt.

A. Portio ossis frontis.

B. Septum vasis arteriosis superbiens, suntque numerosiora, quam expressum est.

Figura Septima

Dictum septum indigitat cum suo involucro mucoso, glandulis innumeris prædito, quarum oscula hiantia visui sese exhibent.

Figura Octava

Membranam tenuissimam sub involucro mucoso seu membranapillosa sitam, septumque narium immediate investientem, vasisque sanguineis instructam, demonstrat.

Figura Nona

Membranz tympani arteriosa vascula exhibet.

A. Ramulus rami Arteriæ Carotidis exterioris.

B. Ejusdem distributio per membranam tympani.

Figura Decima

Reptatum Arteriolearum per membranulam capsam succingentem demonstrat.

HIISTOIRE DE LA REPUBLIQUE DE GENES.

h. e.

HISTORIA REIPUBLICÆ GENUENSIS,

Autore Equite DE MAILLÉ.

Juxta exemplar Parisiense, 1697. 12. Alph. 2.

Inter Italiz Respublicas tamen Genuensis Venetæ potentia & magnitudine nequaquam par sit; ejus tamen est omnino momenti, ut a multis retro seculis eminentissimorum Europæ Principum armis atque consiliis petita, ac velut novum Eridos pomum toties in contentionem fuerit deducta, donec libertatis suæ, in quam ante duo propemodum secula plene se vindicaverat, nunquam non tenax, in partes tamen alterius Monarchæ singulari ac nec illepedo invento pertraheretur, inter cujus præcipuas curas primaque studia, servari eandem sibi, perpetuo haberetur. Dignaque fuit adeo visa hæc Italiz quasi Janua, cujus describeret historiam nobilissimus Autor, &c, ut cœperit, utque adoleverit, ut ad fastigium inde suum perveniret, ac quibuscum luctari interim collidique eadem coacta sit,

expo-

exponeret. Factum hoc fuit III Tomis, quorum priores duo res ab a. 1096 ad finem usque superioris seculi circa Genuam gestas per-
texunt: tertius vero, quæ præsentī seculo fata sit experta, & tria po-
tissimum enarrat bellā, quibus ipsam implicari contigit, Gallicum,
nempe Sabaudicumque ab a. 1624 ad a. 1631; iterumque Sabaudi-
cum (ita quippe ex vicinia non poterat non æmulatio nasci) ab a.
1670 ad a. 1673 protractum, ac denique Gallicum, quando a. 1684. ho-
stilis classis adventu, tormentisque militaribus & ignitorum glo-
borum pluvia graviter infestata est.

PASTORALE EVANGELICUM, ADORNATUM A JOH. LU-
DOVICO HARTMANNO, SS. Theol. D. & Eccles. Imper. Roten-
burgæ-Tuber. Superintendente.

Norimbergæ, sumtibus Wolfgangi Mauritiū Endteri, 1697. in 4.

Constat alphabetis novem.

Cum ante Actorum nostrorum auspicia liber hic anno jam tum 1678
prima vice in lucem prodierit, non est, ut de illius contentis mul-
ta denum moneamus, præsertim, cum sedulo is plurimorum ma-
nibus hucusque tritus fuerit, nemoque fere sit, cui non abunde con-
stet, a B. Autore (cui dies Julii decimus octavus A. 1680. æmortalis
obtigit,) latius in eundem congestum fuisse, quicquid circa verbi
Ministrorum vocationem, ordinationem, investituram, mores atque
conversationem, officii dignam administrationem, promotionem,
ac remotionem, aliaque ad istos attinentia observari mereatur, un-
de singulis, qui vel officio sacro adhuc se præparent, vel in eo jam
constituti vivant, uberem casibusque dubiis haud paucis optime ser-
vituram informationem petere exin concessum sit. Una tamen, ob
quam inter libros recentiores hunc eidem locum assignamus, ratio
hæc est, quod, qui iterato imprimendum curavit, Bibliopola passim
eum auctiorem reddidit, dum observationes varias manu Auctoris
istum in finem consignatas, ut operi suo aliquando adderentur,
iusto quamque loco inseruit.

LIBRĪ NOVI.

*The general History of England, both Ecclesiastical and Civil. by Ja-
mes Tyrrell, Esq. Vol. I. London by W. Rogers, J. Harris &c.
1697. fol.*

An

- An Account of Reason and Faith, in Relation to the Mysteries of Christianity.* By John Norris. London for S. Manship, 1697. in 8.
- The Snake in the Grass: Or, Satan transform'd into an Angel of Light.* London, by Ch. Brome, 1697. in 8.
- A Commentary upon the second Book of Moses, called Exodus.* By the Right Reverend Father in God, Symon, Lord Bishop of Ely. London, by R. Chiswel, 1697. in 4.
- Reflexions sur les Droits de la Conscience &c.* par Elie Saurin. A Utrecht chez Ant. Schouten, 1697. in 8.
- Nouveaux Memoires sur l' Etat present de la Chine, par le P. Louis Le Comte, de la Comp. de Jesus.* A Amsterdam, 1697. in 8.
- Historia nupera rerum mutationis in Anglia: in qua res a Jacobo Rege contra leges Anglia & Europa libertatem, & ab Ordinibus Anglia contra Regem patrata recensentur.* Autore Ezek. Burridge. Londini apud A. & J. Churchill, 1697. in 8.
- Evangelium Infantia, vel Liber apocryphus de Infantia Servatoris.* Ex Mssō edidit, ac Latina versione & notis illustravit Henricus Sike. Trujeti ad Rhenum apud F. Halmam & Gu. vande Water, 1697. 8.
- Geographica antiqua, b. e. Scylachii Periplus Maris Mediterranei: Anonymi Periplus Maotidis Paludis &c.* edente Jac. Gronovio. Lugd. Bat. apud J. Luchtmans, 1697. in 4.
- Les Memoires de Messire Roger de Rabutin, Comte de Buffy.* A Paris chez Jean Anisson, 1697. in 12.
- De An exteriori Templi secundi Exercitationes Philologicae, auctore Joanne Jacobo Cramero, Tigurino.* Lugd. Bat. apud Jord. Luchtmans, 1697. in 4.
- Elia Benoist in priores & duodecim primi capituli Evangelii secundum Johannem versiculos Dissertationes Epistolicae tres.* Roterod. ex typographia Leeriana, 1697. in 8.
- L' Era Volgare di Cristo posta alla coppella della verita dal Dott. Tomaso Sant'Agostini, Patrizio Milanese.* In Macerata per Michel Arc. Silvestri. 1697.
- Istoria dell' Origine de Sassoni, de Gio: Andrea Angelini Bontempi.* In Perugia pel Costantini, 1697. in 12.

ACTA ERUDITORUM

Publicata Lipsiæ

Calendis Septembris, Anno M DC XCVII.

THE SNAKE IN THE GRASS &c.

h. c.

*ANGUIS IN HERBA LATENS, SIVE SATANAS IN LU-
cis Angelum transformatum, Representans summam & inexpectatam il-
lam versutiam, quam affectata sua simplicitate tegunt complures ex
præcipuis factionis illius, quæ Quakerorum nomine infi-
gnis est, ducibus.*

Londini apud Carol. Brome, 1697, in 8. alph. 1, plag. 4 $\frac{1}{2}$.

Altera quidem hæc est libri jam antea publicati editio, cujus tamen adeo & accessionibus quamplurimis, & novo quo omnia disposita sunt ordine, mutata facies fuit, ut ipsi ejus Auctori, qui ignorare nomen suum, hic pariter ac in aliis, quos Quakeris opposuit, operibus suis, nos voluit, novus plane videatur. Ille in ea re porissimum studium suum ponere videtur, ut penitus intellectis omnis generis fanaticorum scriptis, difficiles nugæ eorum, quibus obscuritate pretium conciliare nituntur, omnium exponat contemptui. Non Quakeros enim solum destructos eum cupere, armaque contra illos parare, sed omnes etiam alios, quibus aliquid cum iis cognationis esse existimat, vel ex proluxa, quam operi suo præmisit, præfatione patet. In ea enim Belgicæ, quam vocat, Prophetissæ Antonix Bourignonix tractatum, qui *Lucis mundi* titulum præfert, in Anglicam linguam nuper translatus examinasse, & gravissimorum errorum convicisse haud contentus, in ejus fautorem & discipulum P. Poirerum gravissime etiam invehitur, & clerum Anglicanum ut ne quid ab iis detrimenti Ecclesia capiat, curæ sibi esse patitur, monet. Quin esse jam aliquem nos docet, qui data opera Bourignonix &

D d d

Poireri

- Poireti somnia , quæ putat , confutanda suscepit , si forte ad meliorem mentem redire velint , qui hæcenus in Anglia , carminibus quasi eorum incantati , ab ea discesserunt . Ne tamen interea fanaticos impugnans omne devotionis genus eliminare velle videatur , discrimen inter divinum & diabolicum Enthusiasmum fuscæ exponit , & quibus characteribus dignosci invicem queant docet . Atque his ita constitutis , ipsos Quakeros aggreditur , quos nec indoctos adeo esse docet ac vulgo existimantur , præcipue postquam recentiores quidam , quorum præcipuus facile sit Gul. Penn. crassiores Foxii errores *σοφοῖς φαρμάκῳ* sanare , aut potius veteratorie occultare ausi fuerunt ; nec exiguos adeo paucosque , ut negligi merito possint , cum magnam Angliæ coloniarumque Anglicarum partem constituent . Id autem præcipue agit , ut errores eorum semper ex Foxio aliisque antiquioribus Quakeris proponat , postea vero distinctiunculas & *κρησφύγετα* modernorum , quibus palliare eos cupiunt , explodat , atque adeo evincat aut Foxio aliisque magistris suis antiquioribus renuntiandum ab iis esse , aut concedendum fidem illis nullam deberi , cum illa etiam formosa , ut putant , facie religionem suam nobis hodie sistunt . Facit igitur illius rei initium a doctrina Quakerorum de lumine interno , per quod Deum ipsum , Christique personam , aliter quam in cordibus fidelium non subsistentem , eos intelligere , utcunque Pennus occultare doctrinam illam nitatur , evincit . Atque a nefando isto errore doctrinas eorum plane horrendas de anima humana eandem substantiam & personam cum Deo constituyente , de ejus cum Deo æqualitate , perfectione nullo peccato contaminata , immediata revelatione , imo infallibilitate pendere , in sequentibus ostendit . Prolixus autem imprimis in infallibilitate eorum explodenda est , quam eos sibi tribuere tum ex ante explicatis doctrinæ eorum capitibus probat , tum luculentis Foxii locis : sed quam vana illa sit arrogantia , Atkinsoni , Naylori & aliorum exemplis evincit , quos gravissimorum vitiorum reos , pro magnis tamen Ecclesiæ suæ luminibus ipsi habuerint , donec atrocissima eorum scelera in lucem protraherentur . Imo & vaticiniqrum oraculorumque , a Quakeris Dei nomine blasphemore effusorum , nonnulla commemorat , quæ res ipsa minime infallibilia , sed a patre mendacii profecta esse probaverit . Maximo
- p. 4.
- Sect. I. p. 7.
- Sect. II. p. 13.
- Sect. III. p. 17.
- Sect. IV. V.
- Sect. VI. p. 31.
- p. 33. 35. 42.
- 46.
- p. 44.
- p. 59. 256.
- 277.
- vero

vero infallibilitati isti ipsorum Quakerorum dissensiones opponit. Atque ea occasione eas, quæ inter Georgium Keithum, insignis Quakerorum partis antesignanum, & Gul. Pennum aliosque contrariæ partis duces exortæ sunt, de lumine potissimum interno, in quod converti Christum, reali ejus extra hominum corda plane abnegata existentia, ferre Keithus non poterat, controversias luculenter exponit. In quibus eo usq; processum est, ut Keitho a XVI in Penn-Sylvania Synodis condemnato, a XVI aliis vero absoluto, carcere etiam puniti ejus assecleæ fuerint, majora forte perpassuri, nisi opportune rerum in Penn-Sylvania facies mutata fuisset. Quod ipsum tamen non impedivit, quo minus postea Keithus Londini excommunicatus fuerit, ipso Penno præfervide fulmen istud in eum primum vibrante. Tacemus alias, quas inter Quakerorum cætus hodie magna animorum contentione tractari docet, controversias, ob quas persequi & excommunicare sese invicem minime eos vereri dicit. Prolixum autem nimis esset, omnia quæ deinceps de eorum in doctrina de Scriptura Sacra, de Trinitate, de incarnatione Christi, de satisfactione item ejus, de resurrectione carnis & de Sacramentis, erroribus annotavit, specialius hic persequi; uti & ea quæ de edito a quodam eorum sodali, Georg. Whiteheado, Symbolo, sive fidei Quakerianæ confessione, partim obscura & veteratoria, partim manifeste impia observavit. Illud notatu haud putamus indignum, quod persuadere nobis conetur, Quakerismi originem in Anglia Pontificiis emissariis deberi, qui callidissime hac ratione Ecclesiæ suæ in Anglia causam egerint. Id quod tum inde probabile fieri putat, quod præcipui inter Quakeros viri Romanæ Ecclesiæ primum addicti fuerint: tum inde, quod infallibilitatem spiritus privati statuminaverint, quam, utpote nulla satis apta ratione sese tueri valentem, eo facilius ad infallibilitatem Ecclesiæ ejusque capitis reducere possent: tum inde denique, quod argumentis Pontificiorum diligenter utantur, in multis ab eorum doctrina non nimis alieni, imo integros Pontificiorum libellos, convitiis in Ecclesiam Anglicam plenos, libris suis inserere non vereantur. De moribus porro eorum nonnulla attingit, & quam parum charitatis in alios omnes suæ sectæ non addictos exercean, quam furiose item in scriptis suis contra adversarios suos debacchentur, a turpibus quo-

Sect. VII.
XII.

Sect. XIV.

Sect. XV. P.
175

Sect. XVI.

Sect. XVII.

- Sect. XIII. que & obscœnis loquendi modis non abstinentes, demonstrat. Imo quam mali & periculosi subditi sint, ex historia imprimis rerum sub Cromwello & Carolo II gestarum evincit: meram hypocrisim esse ex praxi eorum ostendens, quod persuadere hominibus satagunt, arma sibi attingere licitum haud esse. Mysteriorum quoque iniquitatis, quod sub decimarum, quæ ordinariis Ecclesiæ ministris debentur, denegatione latet, detegit, atque quod hac ipsa via ruinam Ecclesiæ promoveri optime posse existimant, ex scriptis eorum confirmat: hac quoque occasione monstrans, quam tyrannice conscientis imperent, cum maxime libertatis Christianæ defensores videri volunt, utpote qui gravissime omnes eos execrentur, qui decimas vel accipiunt vel solvunt. Inde vero rursum in vanam eorum, qua hodiernum se effertur doni prophetici jactantiam invehitur, atque imprimis duo recentissima oracula, quorum alterum est Whiteheadi, alterum Penni, utrumque autem execrationem & comminationem contra Keithum complectitur, speciminis loco affert. Uque melius constat, unde oracula hujusmodi eis inspirentur, haud paucos Quakerorum dæmoniacos & energumenos esse, affirmare audet. Cujus rei argumentum præcipuum ei est præternaturalis illa membrorum in quibusdam distortio & tremor, quo eos corripit & ipsi fateantur, & aliunde satis constat. Atque exempla ne desint, aliquot valde insignia ipse adducit, fidem relationi suæ idoneis monumentis adstruens. Imo de isto tremore & membrorum horrenda distractione Livingstoni cujusdam, non infimi ordinis Quakeri, judicium affert, qui non obscure fateatur, a Diabolo illam esse, ante plenariam purgationem, suam adhuc potestatem in talibus hominibus exercente. Denique Enthusiasum, h. e. internam Spiritus Sancti gratiam, qui in Ecclesia Anglicana docetur, cum Quakeriano Enthusiasmo comparat, atque denuo prophetias quasdam eorum, quibus se jactant, eas in specie, quibus Londinense incendium prædictum esse ajunt, explodit. Quod ut eo fortius faciat, plane eandem Foxii & reliquorum Quakerorum cum Muggletono, aliisque quos ipsi condemnant, fanaticis, in omnibus fere dictis factisque esse doctrinam, satis accurate ostendit.

De Supplemento ad calcem libro huic adjecto multa dicere non attinet. Respondetur in illo quibusdam Georgii Whiteheadi objecti-

objectionibus, quibus primam operis hujus editionem oppugnaverat. Id forte silendum non est, inter omnes illas objectiones nullam esse, quæ historicam rerum ab Autore nostro expositarum veritatem in dubium vocet. Quæ cum ita comparatæ sint, ut unicuique sanæ mentis homini horrorem non incutere non possint, & ab adversario tamen pro veris agnosci videantur, apud mentis suæ compotes saltem conclamaturn de Quakerorum rebus esse, merito sane judicat.

UTILISSIMO TRATTATO DELL' ACQUE CORRENTI &c.

h. e.

UTILISSIMUS TRACTATUS DE AQUIS CURRENTIBUS, divisus in tres libros, in quo indicantur mensura & experimenta illarum, nec non joci ludique, qui mediante aere & igne ab aqua eduntur &c. Autore CAROLO

FONFANA, Equite.

Romæ in Typographeo Joh. Francisci Buagni, 1696, fol.

Constat plag. 56, cum multis iconismis.

Cum nobilissimus Auctor ab anno ætatis suæ vigesimo, atque adeo per annos plus quam triginta, arti aquas legitime derivandi & distribuendi dedisset operam, multaque cepisset experimenta ad genuinam cursus aquarum causam indagandam, simulque animadvertisset, infinitos commissos errores ab iis, qui deducendis aquis præfecti, non satis animum adverterunt ad aquæ velocitatem; constituit publici boni gratia ea non amplius premere, quæ longo rerum usu multaque industria sibi comparavit, ut manifestum reddat, cum primis in hoc argumento ad aquæ velocitatem, dehinc autem ad lumina seu aperturas, & pondus aquæ luminibus incumbentis, esse respiciendum. Censuit autem paulo altius rem sibi repetendam in primo libro, in quo primum de natura, loco & termino quatuor elementorum, speciatim vero aquæ, Peripateticorum more agit, postea vero generaliora circa derivationem aquarum præcepta proponit, v.g. de aquæ quantitate, perennitate, & qualitate probe examinanda, ejusque bonitate in castello conservanda; ac porro pergit ad specialiora, docens quomodo aquæ ex montibus præcipitantes coercendæ, & aquæductus tum substructionibus

D d d 3

muni-

muniendi, tum quoque spiraculis, per quæ aër collectus exhalat, instruendi sunt. Ac de his quidem in prioribus XI. capitibus agitur: in sequentibus vero hujus libri, postquam probe inculcatum fuit Castellii principium, velocitates diversarum partium ejusdem fluminis habere rationem reciprocam suarum mensurarum, & descriptus modus ope machinæ cataracta mobili, ut pro re nata attolli & deprimi possit, instructæ aquas mensurandi; variæ afferuntur propositiones, quibus explicatur, quid accidat aquis, quando vel mutatur alvei mensura aut declivitas, vel aquarum altitudo & velocitas, vel plures fluvii in eundem alveum derivantur &c. Has sequuntur ad praxin magis spectantes, quales ex plurimis sunt sequentes: aquas inferiores in fluvios majores non introducendas ad angulos rectos; fistulas irregulariter sitas irregulariter quoque aquam effundere, ac proinde ita collocandas, ut earum diametri sint in eadem linea horizontali; fistulas in aquæductibus ponendas ad angulos rectos, ne obvertantur cursui aquæ, atque ita plus, quam par est, effundant; castellum, ex quo aqua eregatur, cylindricum esse construendum, & per foramen in centro vasis factum immittendam aquam ex aquæductu, fistulas autem in circumferentia castelli disponendas ita, ut majores minoribus alternis admisceantur; plus effundere fistulas pendentes quam horizontales, quia siphonis vice funguntur; lumen, cujus spatium æquale spatiis duorum aliorum luminum, non emittere tantum aquæ, quantum per illa duo lumina effluit. Secundus liber complectitur propositiones de aquæ per siphones attractione, ejusque ex vasis expulsionem, ope aëris vel compressi, vel ignis adminiculo rarefacti, quas longum foret huc afferre. Tertio autem libro recensetur, quænam opera posita fuerint in derivatione aquæ novæ lacus Braecianensis in aquæductum antiquum Alfeatinum. Hæc enim quamvis jam A. 1694 edita maximam partem fuerint, huic tamen operi jungenda censuit nobilissimus Auctor, distinctius paulo tradita, ut theoriæ cum praxi aliquod fieret connubium. In fine hujus tractatus promittit Auctor duos libros, quos jam confectos habet, in publicum edendos, quorum unus de Thufcia agat antiqua & aquæ Trajanæ deductione; alter historiam amphitheatrorum & theatrorum tradet, eorumque magnificentiæ & delineationes oculis eruditiorum exponet.

Kilia apud J. S. Riechel, 1697, in 4. plag. 2.

Aquam marinam glacie concretam falsedinis expertem esse, pri-
mus, quod noscimus, literis prodidit *Thomas Bartholinus*, in
Observationibus de Ufu nivis medico cap. 6. p. 42. idque pro ex-
plorato habere braxatores Amstelodamenses notat *Boyllus* in
Historia experimentalis frigoris (*New Experiments and Observations
touching Cold*) pag. 59, quippe qui glaciem ex aqua marina con-
cretam, rursusque solutam, dulcis aquæ loco ad coquendam ce-
revisiam adhibeant. De ipsa vero aqua marina fluida ejus quidpiam
hucusque observatum non meminimus.

Quo magis deprædicanda nobis est celeberrimi *Reyheri* so-
lertia, qui rem fando acceptam ipso facto experiri, experimenti-
que sui seriem Orbi literato exponere non recusavit. Postquam
enim multos ante annos ex muliere quadam, quæ tempore hyber-
no in portu Kiliensi lineæ lavare sueta erat, audivisset, aquam
marinam, quo tempore glacie premitur, sale destitui; idemque e-
tiam sibi aliisque compluribus persuasum esse, non ita pridem a
piscatore, ibidem loci mytilos per foramen glaciei ex fundo maris
extrahere solito, accepisset: tentamen ejus die 6 Februarii hujus
anni, e regione castelli Regii, cui *Fridericia* nomen est, instituit.
Perfracta itaque glacie, pedem unum crassâ, deprehendit: 1. fru-
sta glaciei fuisse dulcissima. 2. aquam glaciei proximam iidem salē
destitutam; 3. aquam siphone sesquipedali extractam modice salisam;
4. eandem siphone quinquepedali haustam adeo salisam, ut unus can-
tharus, seu 4 libra Romana, istius aquæ igni appositæ, & in vapo-
rem redacta, unciam unam cum sequisrupulo salis reliquerint.

Huic observationi innixus *Autor* de causa dulcedinis dis-
quirit, eique duplicem assignat: unam, aquæ compressiōnem, &
cum ea simul particularum salinarum expressionem; alteram, salis
gravitatem, ob quam sponte fundum petat. Circa deductionem
prioris, elegantem rationem subministrat, qua tempore æstivo, ubi
neque cellæ subterraneæ, neque frigidi fontis copia suppetit, vinum
eccevi-

cerevisia, alique potus, ob teporem minus grati, refrigerari possint. Nimirum in loco opaco, sub umbra arboris frondosæ, lagenæ stannea, vitrea, argillacea &c. potu repleta, foveæ, ad altitudinem & figuram vasis excavatæ, immittatur, terra circa lagenam ad palmi crassitiem circum circa relictæ; circa hanc terram vero fossa ejusdem cum fovea profunditatis, palmi latitudine effodiat, fervidaque aqua compleatur: quamprimum vero terra calidam aquam absorpserit, lagenæ foveæ extrahatur, gratissimi frigoris potum sitientibus præbitura. Frigus enim terræ nitrosæ lagenam ambientis, per aquam fervidam affusam in lagenam propellitur, potumque refrigerat; qui tamen ne a succedente calore aquæ, qui non secus ac ipsum frigus lagenæ se insinuat, pristinum teporem recipiat, citra moram eximendus est.

Pro astruenda posteriori supponit, aquas fluminum & rivorum, in mare se exonerantium, non statim aquæ salis misceri; hanc vero graviores esse fluviali dulci; nec hanc marinæ commisceri, nisi ventis & procellis agitatam; indeque marinam, fluviali difficilius congelabilem, si glacie obducatur, quod tum ventis agitari nequeat, cum adfluentibus fluviorum dulcium aquis misceri haud posse: atque ideo omnes aquas ex fluviiis & rivis mari influentes, supremam & glaciei proximam occupare regionem, ita ut ad insignem altitudinem illibatæ, dorso quasi maris insideant.

Ex hac porro observatione duplex commodum in cocturam salis, cum salularum, tum aquæ marinæ, derivat. Salularum enim aquis frigori expositis, tenuiores earum partes in glaciem coactæ removeri, possunt, atque sic muria crassior obtinebitur. E maris vero glacie tecti fundo per siphones aqua salis abundantissima haurietur. Edulcorationi etiam aquæ marinæ observationem hanc non omnino nihil conferre posse *Autor* existimat. Quamvis enim in regionibus calidioribus, intensi frigoris inexpertis, nolum usum habere videatur: inveniri tamen ejus occasione posse autumat modum producendi frigus artificiale, cujus beneficio aqua marina potui apta queat reddi. Quæ sub finem disquisitionis præterea annotare *Autori* visum fuit, B. L. ex Schediasmate non multorum foliorum ipse non difficili opera cognoscet.

HISTORIA ANGLIÆ GENERALIS, TAM ECCLESIASTICA quam Civilis, ab antiquissimis temporibus repetita, & ad ejus, qui nunc rerum summa præest, Serenissimi Regis GULIELMI III. ævum perducta. Ex antiquissimis monumentis, manuscriptis editisque Historiæ concinnata, illustrium in Ecclesia & Republica Virorum monumenta complexa, celebriorumque in Angliæ Monasteriorum, ac utriusque Academia origines exponens. Vol. I. Autore JACOBO TYRRELL, Armigero.

Londini apud W. Rogers, 1697. fol. alph. 8.

Frequentibus adeo omnium votis Generalis Angliæ Historia exposita hætenus est, ut non defuerint Viri docti, qui passim, data occasione, summum quo exarserant ejus videndæ desiderium exposuisse haud contenti, viam, quam in ea concinnanda ineundam censuere, monstrarent, fontibus ex quibus petenda ea sit, omnisque generis, quæ ad ornandam illam conducere posse videbantur, subsidiis fideliter indicatis. Verum difficile opus illud adeo esse existimarunt, ut ne Seldenos quidem, Miltonos atque Camdenos pares ei fuisse arbitrati, desperandum pene esse putaverint, ab uno aliquo homine in hoc genere aliquid, quod doctiorum sustinere censuram queat, posse proficisci. Quo magis sane ei, quem nunc sistimus, nobilissimo Autori gratulandum est, si arduum & alex plenum, quod de Generali Angliæ scribenda Historia cepit, consilium ex animi sententia ipsi successerit. Equidem an ille præstiterit, quod tot illustrium in hoc studiorum genere heroum vires longissime excessisse, nobis persuadere satagunt, qui Anglicarum rerum sibi vindicant notitiam, nostrum dicere non est, qui uti alias, ita hic quoque censorum officio merito abstinemus: nec quod eorum, quorum est de talibus ferre judicium, senatus nondum censuit, id arroganter præjudicamus. An vero omnem adminiculorum, & eruditionis apparatus, quo tale quid molientem instructum esse oportere, peculiari opere, in Actis hujus anni p. 27 commemorato, Gul. Nicholsonus nos docuit, ad hanc historiam suam ejus Autor attulerit, eo facilius Lectoribus licebit perspicere, quod ipse, quibus

Ecc

subsi-

- P. 1. subsidii fuerit usus, non putaverit esse dissimulandum. In præfatione enim, quam luculentam satis atque prolixam operi huic præfixit, id potissimum egit, ut, postquam omnes, qui ab Henrici VIII ævo usque ad nostra tempora ad Historiam Angliæ scribendam animum adjecerunt, censura sua notasset, variosque eorum observasset defectus; suum, quod secutus in ea concinnanda consilium fuit, aperiat, fideliterque tam manuscripta monumenta, quam edita recenscat, quibus in primo hoc volumine, quo historiam Angliæ, a fabulosis temporibus factio initio, usque ad Normannorum invasionem pertexuit, ipsi licuit uti. Partis eorum haud postremæ paulo post mentionem faciemus, ubi argumentum hujus voluminis paulo luculentius erit exponendum. Jam Asserij tantum Menevensis, Ethelwerdi, Osborni, Anonymi vitæ S. Dunstani scriptoris, Florentii Worcesteriensis, Simæonis Durhæmensis, Richardi, Gulielmi Malmesburiensis, Henrici Huntingdoni, & decem Scriptorum Historiæ Anglicanæ qui uno volumine Londini prodierunt, meminisse liceat; de iis enim singulis fufius agit, multumque eorum laboribus adjutum sese esse fatetur. Quibus addit Annales Abbatæ Worcesteriensis a Warthono in Monastico Anglicano publicatos, Ramseyensis item Eliensis & Glaftenburiensis Monasterii Historiam a Gulielmo Malmesburiensi adornatam, uti & Ranulphi Higdeni Polychronicon. Ex vastissimo autem ineditorum monumentorum, ad
- P. 17. Historiam Saxonici in Anglia regni spectantium numero, præter *Historiam Aurcam* Joannis Tinnmouthi, *Historiamque Regum Angliæ* a Joanne Castorio, & Joanne Rouse conscriptas, & quinquaginta circiter anonymos Scriptores, nihil habet quod incrementa dedisse huic operi suo dicere queat, imo ab iis quoque perexiguum ei accessisse momentum non obscure fatetur. Cum vero non possit non vacillare totius hujus voluminis fides, si verum est quod Thomas Craigius, dum homagium a Scotiæ Regibus Anglis præstitum nunquam esse contendit, causæ suæ inserviens affirmavit: nullam nimirum esse Historicorum Bedæ posteriorum, quibus se jactent Angli, sive antiquitatem, sive auctoritatem; prolixè audacissimum illud Craigii commentum confutat, ejusque in Historia Angliæ imperitia luculenter demonstrata, multa affert, quibus magis expedita illa de Scotorum homagio controversia reddatur. Quæ omnia

omnia breviter a nobis saltem perstringi, imo etiam præteriri nonnulla, qualia sunt quæ de Ecclesiasticis in Anglia rebus, & inter eas de martyrio S. Albani monuit, (cujus historiam fabulam redo!ere, p. 24. contra Rever. Worcestriensium Præfulem, qui in Originibus Britannicis nonnulla ad fidem ei adstruendam attulerat, probavit,) eo minus ægre ferent Lectores, quod proluxa adhuc Introductio ad hoc volumen perlustranda nobis sit, antequam ad ipsum propius inspiciendum accedere valeamus.

In illa itaque Howelium & Bradeum imitatus, qui in limine Anglicanæ, quam ipsi concinnarunt, Historiæ idem præstiterunt, ex Seldeno & aliis de forma regiminis legibusque, quæ in Anglia tum ante Cæsaris in eam adventum, tum sub Romanis quibus paruit, Imperatoribus, tum post eos, tum denique sub Saxonum imperio obtinuerunt, agere instituit. Et ea quidem, quæ ad tempora Cæsa- P. 29. re antiquiora spectant, paucissimis absolvit, utpote quæ ad fabulas quam veram historiam propius accedant, Gothofredi Monumentis autoritate unice subnixæ. Nec multum prolixior est in eo, P. 31. qui sub Romanis in Anglia fuit, rerum statu. Ast Anglo-Saxonici in ea regiminis qualis fuerit facies, fuscæ & operose sibi inquirendum esse putavit. Et ipsam quidem imperii formam Aristocraticam po- P. 39. rius quam Monarchicam fuisse contendit: Regium enim quidem, inter eos docet obtinuisse nomen, sed cujus major belli quam pacis tempore fuerit autoritas. Howelium autem, qui summa & absoluta potestate Anglo-Saxonum Reges imperasse statuit, fallere & falli, proluxa & acri confutatione ostendere conatur. Nec minus p. 41. operose contra Bradeum disputat, qui hæreditario jure a parentibus ad filios semper Angliæ regnum, quoadiu Anglo-Saxones rerum, summa potiti sunt, devolutum fuisse existimavit. Electitium enim regnum istud fuisse, & ipsos etiam eos, qui a parentibus nominabantur successores, sine magni Regni Concilii consensu spei isti destinatos haud esse, prolixè examinata Regum in omnibus septem Saxonum provinciis, maxime autem Saxonum occidentaliū successione, usque ad Normannorum in Anglia adventum, evincit. Quæ p. 46. vero de horum Regum coronatione, titulis, juribus & prærogativis observat, prolixiora sunt quam ut hic repeti queant. Id tamen non observare non possumus, ita in iis describendis cum versari,



- ut omni data occasione, quam artibus limitibus eorum circumscri-
 p. 68. pra fuerit potestas, ostendat. Imo abrogatum iis laud raro impe-
 rium ob crimina insigniora fuisse, & exemplis & aliis argumentis
 probat, & pacta quædam, ut vocat, originalia, quæ Rex & populus
 inter se inierint, existisse docet. Quæ omnia quo tendant, non
 obscurum esse potest iis, quibus præsens rerum Anglicarum facies
 ignota non est; qui etiam facile, quas partes cl. Autor noster se-
 quatur, ex iis, quæ mox dicemus, conjecturam facere poterunt. De
 p. 72. dignitatibus nimirum & titulis honorum, variaque populi Anglica-
 p. 78. ni, pro eorum diversitate, divisione agens, contra Bradeum acriter
 disputat, qui plebis Anglicanæ conditione ævo isto a servili non
 longe abfuisse contendit, imo & optat, ut pristinae conditioni, hodie
 p. 80. non parum immutata, denuo illa restitueretur. De judiciis autem
 aulisque judiciariis sermonem instituens, Communis Regni Conci-
 lii, quod Parliamentum vocare hodie solent, & antiquitatem pro-
 lixe adstruit, & auctoritatem quam fieri potest maxime extollit, quam
 Johnstonum & Filmerum infirmis nimium argumentis evertere co-
 natos fuisse queritur. Quin & Bradeum acerba denuo censura no-
 tat, qui solos generis nobilitate conspicuos membra ejus fuisse sta-
 tuit. Plebeji enim ordinis homines, urbium & civitatum delega-
 tos, quos Communes hodie vocant, ad ea non minus olim ac ho-
 die admissos fuisse, idoneis monumentis confirmat. Legum por-
 p. 103. ro ferendarum potestatem non solius Regis, sed Statuum Regni ei
 in Parlamento junctorum fuisse, contra Johnstonum defendit: ejus-
 p. 108. que & Parliamenti in rebus Ecclesiasticis potestatem explicat. De
 p. 117. nique leges, quibus Anglia ante Normannorum invasionem recta
 fuit, in compendio quasi exhibet. Ubi id saltem observare placet,
 communem legum Anglicarum divisionem in leges Saxonum
 Occidentalium, Mercianorum, & Danorum, ipsum quoque retine-
 re; quem communem, sed gravem satis errorem ex mente claris-
 simi Nicholsoni esse, in Actis hujus anni p. 32 a nobis monitum fuit.
 Jam ut ad ipsum denique opus accedamus, Annalium me-
 thodo digestum, sex absolvitur primum hoc ejus volumen libris. Pri-
 mum eorum post geographicam Angliæ descriptionem, & dispo-
 sitionem non nimis prolixam de variis nominibus & antiquissimis
 incolis ejus, eorumque linguis, nihil aliud exhibet, quam brevem
 aliquam

aliquam fabulosæ Gothofredi Monumetensis Historiæ Britannicæ epitomen. Ea Bruti, qui primus insulam istam, deductis in eam, quibusdam Trojanæ gentis reliquiis, incolis implevisse dicitur, & successorum ejus res gestas persequitur. Quam Historiæ Anglicæ partem utut fabulosis narrationibus mire inquinatam esse atque corruptam negare non audeat, Gothofredum tamen, doctum Virum & Historiæ gentis suæ apprime peritum, multa præclara & a veritate non aliena tradidisse, persuasum habet. In secundo libro ex fragmentis Historiæ Britannicæ, quæ apud antiquos Romanorum Historicos obvia sunt, illorum temporum rationem reddit, quibus cum Romanis, post Cæsaris adversus Britannos expeditionem, aliquid commercii illis fuit. Quem laborem, utut a Miltono & Camdeno jam olim fuerit occupatus, eo minus tamen Lectoribus ingratum fore sperat, quod maximorum nominum, Usserii, Stillingfleeti, Lloydii observationibus, passim ab iis propositis, & suo loco hic insertis, novum splendorem sibi conciliet. In tertio libro, postquam ex Sheringhami tractatu *de Origine Gentis Anglorum*, decarum gentium, quæ communi Saxonum nomine appellantur, natalibus & incrementis nonnulla attulisset; ex Gilda, Beda & Nennio, quæ prima Britanniam invadendi occasio iis data fuerit, exponit, atque id potissimum operam dat, ut Heptarchiæ ab iis in Anglia erectæ Historiam ex Annalibus Saxonum tradat, quorum etiam methodum in ea exhibenda, utpote omnium aptissimam, fuit secutus. Illo itaque ordine libro isto Saxonum in Anglia Historiam ad seculi usque post C. N. sexti finem persequitur. Atque adeo libro quarto seculum septimum, quo Augustini Monachi ministerio Evangelii lux Anglis affluit, auspicatur. Hujus vero historiam ex Beda unico, texit, nisi quod postremam ejus partem, in qua deficit ille, ex Annalibus Saxonum supplere coactus fuit, & ex conscripta a Stephanano Eddo, qui ævo illo floruit, vita Wilfridi Archiepiscopi Eboracensis, passim nonnulla inseruit. Quintus denique liber & sextus, in anno Christi 1066 desinens, eorundem Annalium auctoritate potissimum nituntur, qui tamen ex Florentio Worcesteriensi & aliis supplendi passim fuerunt. Cum autem Annales Saxonici utramque fere in hoc volumine faciant paginam, qui tamen ita sunt aridi atque jejuni, ut ægre admodum historico operi, quod sine tædio

legas, materiam suppeditare possint; coactus clariss. Autor fuit, non Ecclesiasticarum tantum rerum passim facere mentionem, & illustrium in Ecclesia Virorum gesta, imo & præcipuarum Sedium Episcoporum successiones exponere, quæ omnia ex Gulielmo Malmesburiensi, & iisdem Annalibus plerumque desumit: sed leges quoque tam civiles quam ecclesiasticas, in magnis Regni Conciliis variis temporibus sancitas passim representare: quarum posteriores ex Henrici Spelmanni Collectione Conciliorum desumit. Ino ne fabulis quidem & otiosorum Monachorum figmentis enarrandis omnino abstinuit, quod parce tamen, & iis saltem in locis, quæ mutila sine iis erant apparitura, se fecisse profitetur.

EXCERPTA EX ILLUSTRISSIMI DN. LUDOVICI FERDINANDI Comitis MARSIGLII, S. Cæs. Majestatis Cubicularii & Legionis pediculi Tribuni, Epistola ad - - - - - ex Actorum Lipsiensium Collectoribus, de Phosphore Bononiensi.

Iam diu est, quod illustrissimus Comes has de Phosphore Bononiensi fecit observationes, cum in finem, ut illas ad immortalis memoriæ virum Robertum Boyle in Angliam initteret. Verum audita tanti viri morte, passus est sepultas quoque illas jacere in scriniis, donec tandem ex Tomo I. Supplem. Sect. IV, p. 207 Actorum quæ a nobis colliguntur, occasio ipsi nata fuit illas eruendi, & quantum permiserunt ardua, quibus distinetur negotia, in ordinem redactas nobiscum communicandi. Primum autem loca, ubi lapis ille Bononiensis reperitur, describit, & mineralia recenset, quæ in illis nascuntur; deinde partes, quas vocat organicas, lapidem componentes delineat, & in ejus structuram inquirat, enarratisque observationibus, quæ Chemiæ adminiculo factæ ad intrinsecas lapidis partes investigandas, exponit modum compendiarium facilemque lapidem præparandi, ut phosphori munus perfecte obire possit. Nascitur hic lapis, ut Lectori præcipua more nostro summam cognoscenda proponamus, in montibus circa Bononiam, quorum alter mons de *Paderno*, alter *Piedalbino* vulgo dici solet. Uterque sterile caput effert inter amœnos colles vicinos, similemque habet superficiem; quamvis Padernus magis his lapidibus, quam alter, abundet.

det. Terræ, quibus teguntur montes, variz sunt, aliz cineracei coloris, aliz albi, aliz rubri, atque in his bolus colligitur ejusdem coloris, linguæ adhærescens & naturæ adstringentis. In reliquis hinc inde efflorescit ad altitudinem digiti sal quidam mixtus flammulis gypsi atque talci, cujus solutio concrefcit in lamellas saporis falsi, sed crassioris nec multum penetrantis; unde etiam conjicit illustr. Comes, cum non prolem esse salis ammoniaci, sed potius principium gypsi, dum laministerreis miscetur, easque conjungit. Reperiuntur quoque hic duo alia lapidum genera, quorum unum ob similitudinem cum animalium renibus, reniforme, alterum ob affinitatem cum ventre crystallino, ventrem tartareum illustrissimus Comes appellat. Illud ad naturam jaspidis accedit, multasque fissuras habet: hoc cinerei est coloris, & loco depuratæ materiæ crystallinæ continet tartaream crustam variegatam coloribus. Duplices quoque marcas hic inveniuntur, ferri nimirum & cupri, quarum nonnullæ tuberosam habent figuram, aliz ex quadratis corpusculis componuntur. Terra, in qua lapis phosphorus quasi sparsus reperitur, quæque pluviis aquis una cum illo avehitur, & in rivos, ex quibus colligitur, præcipitatur, profunditate unius palmi arida est, densa, obscura, flammulisque conspersa, vel particulis non dissimilibus gypso & figura non multum differentibus a partibus phosphorum constituentibus; in duorum profunditate palmorum, coloris est ferruginei & subviridis, iisdem flammulis sed minoribus distincta; in trium profunditate, non multum est dissimilis priori, nisi quod flammulæ ita sunt exiguæ, ut sine lente optica vix discerni possint. Eam autem fœtam esse vitriolicis & arsenicalibus particulis, ex tentaminibus factis adparuit. Figura phosphorum irregularis est: alii nempe plani, alii cylindrici sunt, alii ovals, alii spheric, alii tabulati. Spheric maximi sunt omnium, neque tamen Perfici mali magnitudinem excedunt. Tabulati cavitatem habent ex utraque parte quasi duobus digitis impressam, suntque ad præparationem optimi. Pondus ad unam duasve libras vulgo accedit, quamvis etiam nonnulli octo librarum pondus æquent. Neque tamen maximi gravissimique reliquis sunt præferendi, & falsus fuit Licetus, qui gravitate specifica hos lapides plumbum superare memoriæ prodidit. Ad usum minus apti sunt colore plumbeo, præstantiores argenteo, & chal-

TAB. VI.
Fig. 1.

TAB. VI.
Fig. 2-9.

chalcedonium cinereum referentes præstantissimi, qui ad perspicuitatem succini accedunt. Quintuplex occurrit varietas interna ratione fibrarum in lapidibus contractis, (cujusmodi aliquem hic sistimus) ab Ill. Comite descripta; qui hanc quoque lapidis anatomiam tradit: Separatur lapis in plures partes, quarum prima est punctum, vel discus, vel linea centralis, nihilque aliud quam pauca terra aut argilla carentis particulis ipsam conglutinantibus. Sequuntur certa ligamenta fig. 2. quæ serviunt uniendis partibus fibrosis, 3, 4, 5, 6. Super has variis in locis transversæ excurrunt lineæ 7, 7, 7. Extremum lapidis crusta tegitur seu cuticula 8, cujus partem aliquam refert fig. 9. Extrema illa crusta est pars, in quam ignis vi rediguntur particulae lumen suscipientes: separata enim a lapide lucem imbibit, & sine illa lapis manet cadaver tenebrosus. Ex calcinatione lapidis, ejusque sublimatione apparet, lapidem illum non esse gyphi speciem, sed potius ad subalternam talci speciem esse referendum, prætereaque continere misturam variorum mineralium, vitrioli, sulphuris, certæ speciei nitri, & fortassis etiam mercurii & arsenici.

Præparatio Phosphori sequentem in modum commodè fieri potest: Assumantur lapides mediocris magnitudinis, probeque loci aqua pura, non tantum penicillo setaceo, sed etiam lima radantur, ut inæqualitates tollantur; deinde in spiritum vini probe rectificatum immersi volutentur in pulvere lapidis phosphori contusi bene cribrato, ut eodem toti cooperiantur, & crusta quadam induantur. Porro transverso furni anemii ferro insternatur craticula ferrea, ei-que injiciantur carbones nucis circiter magnitudine ad 4 digitorum altitudinem; his autem imponantur lapides, ut distantiam inter se unius digiti servant, & contegantur similibus carbonibus, ita ut totus furnus impleatur. Hic tandem operculo ferreo, cui apertura decussatim incisa est, vel lateribus debitas aperturas relinquentibus, muniatur, igneque succenso expectetur, donec carbones consumti, quod horæ fere spatio fieri solet, & lapides fuerint refrigerati. Quo facto lapides crusta, quam pulvis aqua vitæ madefactus superinduxit, quæque facile separari potest, liberentur, & pulvis abrasus, qui etiam perfecte lumen recipit, denuo minutim contundatur, ut ex illo variz possint efformari imagines. Illæ enim primum delineantur albumine ovi misto cum saccharo aut traga-





Fig. 12.

Fig. 11.





tragacantha, cui deinde pulvis inspergitur, possuntque etiam addi colores varii sine virtutis luciferæ damno. Ex eo autem, quod lapis etiam contritus vim lumen imbibendi retinet, cognoscitur, non provenire illam a structura aut figura partium, sed principio potius proprio, quod operatur interne per qualitatem suorum componentium. Varias subit lapis ille Bononiensis mutationes, dum ex statu naturali transfertur in artificialem. Inprimis mutat colorem, dum ordinarius gypsi & albus vertitur in mixturam variorum colorum, nempe ferruginei, cœrulei, albidī, carnei, flavi, indicantium varietatem mineralium quæ complectitur. Ante præparationem non habet odorem ullum sensibilem, postea vero fit varii odoris, ex varietate mineralium orti, cum prædominio mitis sulphuris. Inter illos colores varios albus mixtus ferrugineo indicat lapidem optime ad imbibendum lumen dispositum. Quo magis sunt impuri lapides, eo per calcinationem fiunt leviores, & durities in friabilitatem adeo magnam transit, ut ob illam difficulter conserventur, aut de loco in locum, si succussio accedat, transferantur. Extima spoliatus superficie phosphorus, totus albus & transparens instar calci apparet, atque si in frusta confringatur, fibras exhibet adustas, exsiccatas, & hinc inde admixtas maculas rubras, quæ nihil aliud sunt, quam partes terræ interjacentis inter fibras, & ad ordinarium argillæ igne excoctæ colorem deductæ; quamvis occurrant etiam aliæ maculæ, vicinæ superficiei lapidis, & ejusdem coloris cum cortice superiori, quæ etiam nonnunquam lumen recipiunt. Unde patet, nihil eas esse aliud, quam particulas materiæ attrahentis lumen, quæ a centro tendebant versus superficiem, verum ob defectum vel temporis, vel ignis, aut ob aliud quoddam impedimentum, eo pervenire non potuerunt.

Ufus tandem phosphori ita se habet: Postquam, ut supra monitum, lapis liberatus est crusta exteriori, exponendus est aeri luminoso tantisper, dum Symbolum Apostolorum ter circiter recitari potest; ita subito lumen concipiet, & instar candentis carbonis relucebit: Notandum tamen est, illum valido Solis lumini obijciendum non esse, quia virtutem suam amittit, neque ita bene illuminatur, sed melius concipere lumen in conclavibus conclusis. Idem autem generaliter accidit, etiam temporibus aliquo modo humidis & non

serenis. Probe semper conservandus est phosphorus in scatula, cum lana bombycina, neque exponendus aeri, nisi quantum operationis requirit necessitas: alias enim vis ejus perit, consistens quippe in partibus spirituosiss, quæ facile separantur & avolant, aut in textura partium singulari, quæ facile ab injuriis aeris ambientis turbatur. Quando lumen aeris debile est, v.g. vesperi, lumen quoque phosphori fit debile. Repositus in vitro Hermetice clauso, aliquo modo lumen recipit, uti etiam, si lapis est perfectissimus, illuminatur in obscuro ad lumen candelæ aut facis; a lumine vero lunari non accenditur. In variis aquarum positus generibus imbibit & retinet lumen, idemque facit in variis affusis liquoribus & spiritibus, neque tamen generaliter omnibus. Immersus in aquam fortem excitat fermentationem vehementem, quæ ipsum spuma flava involvit, & lumen ab ipso prohibet. In omnibus oleis imbibit & monstrat lumen, excepto oleo nucis, in quo vim quidem habet illud attrahendi, non autem manifestum faciendi; extractus enim ex eodem, neque denuo expositus aeri, statim relucet. Illatus in recipientem aere vacuum retinet lumen, sed remissius, quod non mutatur, si de novo aer admittatur.

Hæc potiora sunt, quæ Illustr. Comes de phosphoro Bononiensi observavit experimentis cum cura factis, relinquens aliis majori affluentibus otio provinciam indagandi modum, quo vel generatur, vel colligitur lumen in lapide Bononiensi. Appendicis loco accessit ejusdem observatio de gypso, quod in territorio Bononiensi effoditur, præcipue circa villam S. Raphaelis, ubi fodinæ seu caveæ centum passus profundæ reperiuntur, in quibus ope pulveris pyrii, ex monte vastæ moles decutiuntur, quæ comminuuntur deinde ab operariis in partes in fornacibus excoquendas. Tres autem ibi reperiuntur gypli species, quarum prima positum habet horizonti parallelum, eisque gypsum commune, *Scaglia* dictum operariis. Hujus stratis alternis succedunt strata terrea; olimque rude ad fundamenta turrium, nec non portarum & fenestrarum ornamenta fuit adhibicum, hodie vero in pulverem ustum pro cemento habetur præstantissimo, præsertim si cum calce misceatur, ut humiditati eo melius resistat. Secunda species *Scagliola* dicta, est ad horizontem perpendicularis, effoditurque ex montis quibusdam fissuris,

&

& talci imperfecti quædam est species, fortassis lapis specularis a Plinio celebratus. Calcinatur in pulverem minutissimum & nivei coloris, ex quo omnia fingi possunt pari elegantia, quæ ex albisimo Carrarensi marmore exculpi solent. Tertia species, quæ obliqua est ad horizontem, accedit ad alumen plumosum, & forsitan est species impurius & imperfectior hujus fossilis. Obvia quædamque est in fissuris hujus montis crusta quædam, ab operariis oculus gypsi & nervatura dicta, quæ polituram instar marmoris recipit, & distributione macularum pulcherrimo non cedit alabastro. Refertur operarii, si quis scabie infectus in fodinis illis aliquot dies commoretur, eum ab eadem, fortassis ob sulphur gypsi, liberari, ut adeo compenset aliquo modo damnum, quod intus sumtum affert, instar veneni.

SPECIMEN METHODI, CUJUS OPE DATUM SPATIUM

in ratione data dividitur, licet ejus quadratura sit ignota.

per D. T.

Quæ in Actis anni 1695 mense Novembri indicaverim, Lectorem Philomathematicum adhuc memoria tenere arbitror. Circa ea jam monendum duxi, proprietatem, Curvæ Parabolicæ partes inter se comparandi, quam tunc ut universalem tradidi, valde esse limitatam, & tantum in certo particulari casu succedere. De hoc enim asserto licet utens methodo indefinite parvarum quantitatum, duplici via persuasus essem, atque tunc in eo acquiescerem; quoniam tamen paulo post tertia quadam satisque facili methodo plane contrarium hinc deducebam, alia plane methodo, infinite parvarum quantitatum non indiga, in calculo, cujus mentionem diu est quod feci in Actis hisce, in rem totam denuo inquisivi, atque iterum comperi, eam tantum particulariter esse veram. Quamvis ergo jam dudum id animadverti, non tamen consultum duxi id edere in publicum, sperans, quoniam hæc methodus viam plane singularem aperit, quæ nondum nota est publice, videreturque maxime esse genuina in calculo indefinite parvarum, fore ut concederetur mihi spatium, hanc methodum probe excolendi, atque deinde singulare aliquid publico exhibendi, ut defectus ille refarciretur. Verum tam occupationes maximæ, quæ tamen vix me ab his studiis

TAB. VI.
Fig. 10.

abstraxissent, quam perpetua fere itinera & conversationes, quibus adhuc dum distineor, cogunt in quietiora rem differre tempora. Ut tamen interim aliquo modo publico satisfaciam, cum nuper in Actis Eruditorum mentionem fecerim universalis methodi, spatium quodcunque, cujus quadratura ignota, in data ratione secandi, idque infinitis modis; ejus aliquod dabo specimen in quadrante circuli. Sit quadrans Circuli AECB, & describatur Curva AGC, cujus hæc est natura, ut posito $AF = x$, $FG = y$, $BC = a$, $HI = b$, natura ejus per hæc Equationem exprimat: $a^4 y^4 - 4 a^5 x y^3 + 8 a^3 b b x y^2 - 2 a^4 x x y^2 - 8 a a b b x x y^2 + 16 a^4 b b - 4 a^6 x x - 16 a a b^4 x x - 24 a^3 b b x^3 + 4 a^5 x^3 + 32 a b^4 x^3 + 8 a a b b x^4 - a^4 x^4 - 16 b^4 x^4$: dividet hæc Curva, quæ non difficulter per puncta describi potest, spatium quadrantis AECB in duas partes AECGD & ADGCB, quæ sunt in ratione lineæ b ad lineam a — b. Hic autem animadvertendum est, cum spatium dividitur in ratione numeri ad numerum, curvam ADGC rectam ADC ita secare, ut AD semper sit ad DC in ratione numeri quadrati ad alium numerum quadratum: v.g. quando quadrans AECB est ad spatium ACGD, ut 3 ad 1, Curva ADGC secat rectam ADC in D, ut AD sit ad DC, ut 49 ad 36. Hujusmodi curvæ, quæ omnes talem conditionem habent, innumeræ possunt inveniri. Unam tantum ex his adhuc superaddam. Sit curva, cujus hæc natura: $y = \sqrt{2ax - xx} - \frac{b}{2} \sqrt{2a^3x + aaxx} - 2ax^3 - x^4$, ab hac itidem spatium quadrantis in ratione datæ lineæ ad datam lineam dividetur. Quod si ergo quis, aspirante fortuna, inter tot curvas in eam incideret, ubi segmentum AD segmento DGC esset æquale, Quadratura Circuli hucusque frustra quæsita, quod foret manifesta.

JAC. B. SOLUTIO DIFFICULTATIS CUJUSDAM CIRCA Naturam Flexus contrarii.

Dixeram in Meditatione de natura Osculi, mense Mart. 1691 p. 116, quod in omni Flexu contrario Circulus osculator sit infinitus magnus, adeoque Curvædo Linea nulla. Hoc enim ex notione flexus contrarii & illa naturæ lege, qua constanter saltum abhorret, satis, puto, per se manifestum. Illustrissimus tamen Dominus Marchio

chio Hospitalius ingeniose mihi objecit casus quosdam particulares, ubi contrarium evenit, & circulus osculator infinite parvus est; ut in Curva GAg (fig. 11) cujus natura est $ax^3 = y^3$, & quæ in vertice A habet flexum contrarium, tamen radius osculantis circuli ibidem sit nullus, quippe quæ ex evolutione curvæ IA per ipsum verticem A transeuntis describitur. In quo sane Vir laudatissimus quiddam valde singulare detexit, cum hoc assertionem meam dictamque naturæ legem prorsus evertere videatur. Stante enim hoc Axio-
mate, *Natura non facit saltum, sed etiam in minimis agit gradatim*, difficulter concipi potest, quomodo partes Curvæ uno sensu inflexæ sensu contrario flecti & incurvari possint, nisi prius amissa curve-
dine sibi inter se directum acquirant. Ergo ubicunque id acci-
dere videtur, credendum est, in illo puncto virtualiter contineri omnes curvedinis gradus intermedios, quod sic explico: Loco Curvæ
 $ax^3 = y^3$, concipio hanc $ax^3 = y^3 - bby^3$, quæ Curva hujus-
modi plexus format, quales in fig. 12 repræsentantur, eritque
posita AH = x, & HG = y, applicata in vertice AC = b, & applicata
in extrema ora sinus ASC, scil. ST = b $\sqrt{3}$. Radius Circuli oscu-
latoris (facta insuper ayy - abb = 5 $\sqrt{3}$, 5yy - 3bb = tt, & 5yy - 9bb
= uu) universaliter reperitur = $\frac{954 + 14\sqrt{954} + 14}{64500y}$ Unde

TAB. VI.
Fig. II.

Fig. 12.

discimus 1. radium osculi fore infinitum, si vel 5, vel u, vel y sit = 0, id est, si y sit = 0, si y = b, si y = $\frac{3b}{\sqrt{3}}$. 2. aliis vero in casibus
semper finitum, ut in puncto 5, cum y = b $\sqrt{3}$, quo casu radius hic
(posito 3abb = z $\sqrt{3}$) sit = $\sqrt{\frac{3}{5}}az$. 3. eundem fore positivum, si vel
ambæ 5 & uu sint negatæ, hoc est, si sit y < b; vel affirmatæ am-
bæ, id est, si y > $\frac{3b}{\sqrt{3}}$. 4. negativum autem, si existente 5 affirmatæ

ta, uu maneat negata, id est, si y sit > b, & < $\frac{3b}{\sqrt{3}}$. E quibus por-
ro colligimus, Curvam in parte ASC & EFG (supposita in E appli-
cata y = $\frac{3b}{\sqrt{3}}$) versus axem cavam esse, in parte CDE convexam; &

Fff 3 puncta

puncta A, C & E esse puncta flexuum contrariorum, ibique curvedinem nullam esse; in puncto vero aliquo duobus flexibus intercepto, ut & alio quodam ultra flexum extremum E, puta in punctis B, D & F curvedinem esse maximam, ac proinde Curvam a G versus A ordine describi alterna convolutione & evolutione curvarum IKLMNOPQRqponmlki. Jam si b sensim intelligatur minui, ac tandem evanescere, ut loco æquationis $ax^3 = y^4 - bby^3$, resultet $ax^3 = y^4$, manebunt quidem radii circulorum osculatorum in punctis A, C & E infiniti; sed radius puncti S fiet nullus, quippe $= \sqrt{\frac{1}{2}} az$; quapropter cum hæc omnia puncta tum coalescant in unum punctum A, sequitur, in hoc puncto radium circuli osculatoris esse simul & 0 & ∞ ; adeoque punctum illud A eminenter in se continere omnes curvedines a maxima ad minimam, omnesque evolutas KLMN & c. nmlk in unam rectam, axem vid. Curvæ AH, coincidere. Ex quo tandem illud evincitur, quod in fig. 11. Evoluta Curvæ GAg proprie non sit sola Curva IAI, sed una cum assumpto axe HAh, ita quidem, ut gignatur per convolutionem & evolutionem hoc ordine factam IAHhAi, radiusque circuli osculatoris in extremitatibus tantum puncti A (si ita loqui fas est) nullus sit, in parte vero intermedia infinitus.

Explicationem nostram confirmat insuper hoc, quod circulus super quolibet puncto axis infiniti AH per A descriptus, adeoque & ipsa linea recta MN, ob axem AH curvæ in A perpendicularem, curvam ibidem tangit, eandemque ob flexum contrarium simul secat; quod cum nemine nunc refragante signum habeatur osculi, sequitur infinitos hos circulos curvam in A osculari, omnesque proin curvedinis gradus eminenter in hoc puncto contineri. Id quod hac vice ostendendum suscepi, ad assertionem meam olim editam cum Illustrissimi Domini Marchionis observatis utcumque conciliandam. Habui quidem hanc speculationem jam dudum, sed neglecta jacuit, jacuissetque diutius, nisi animadversionem Viri perillustis nuperrime in Supplem. Tom. III, Sect. II, p. 78 ex Commentarii Mathematico-Physici Parisiensibus recensitam, atque etiam in ejus Analyfi Infinite-parvorum p. 79 publicatam vidissem.

IAC.B. ADDENDA AD CONSTRUCTIONEM PROBLEMATIS

BEAUNIANI in Actis huiusmodi. Jul. 1696 exhibitam.

Dixi

Dixi tum, quod si Curva data AC (vid. ibid. Tab. VI, fig. 1) sit ex genere Paraboloidum, denotante v æquationis $ady = ydx$. $x^v dx$, numerum quemcunque integrum & positivum, Curva quæ sita ED obtineri potest absque quadraturis per solam Logarithmicam; sed non adjeci, Curvam hanc omnino quoque posse esse Algebraicam. Itaque nunc dico amplius:

1. Quod eo casu semper duæ satisfaciunt Curvæ, *Mechanica* & *Algebraica*.

2. Idque non tantum, cum Curva AC est ex numero Paraboloidum, sed etiam quotiescunque talis, ut ejus applicata BC exprimitur per quotlibet potestates integras & positivas ipsius x, hoc est, si terminus $x^v dx$ quotcunque membris constiterit; veluti si sit $ady = ydx$. $x^3 dx$. $x^4 dx$. $x^5 dx$. &c.

3. Quod Algebraica ejusdem perpetuo gradus futura est cum data AC.

4. Hinc si AC recta est, angulum constituens cum axe AB, seu $v = 1$, & ED recta esse poterit (quod jam olim etiam, cum Problema Beaunianum inter nos revivisceret, animadversum mihi fuit) Si AC est Parabola communis, ipsa ED quoque talis erit; sed si AC est Parabola Cubica, erit saltem ED una ex Curvis secundi generis &c.

5. Quod dictum de Æquatione $ady = ydx$. $x^v dx$, idem quoque intelligendum de Æquationibus differentio-differentialibus, $aaddy = ydx^2$. $x^v dx^2$; $a^3 dddy = ydx^3$. $x^v dx^3$, aliisque altiorum graduum in infinitum, quibus singulis (sumtis dx æqualibus) in casu exponentis v integri & positivi, Transcendentes pariter & Algebraicæ Curvæ satisfacere possunt.

Unicum exemplum esto loco omnium: Sit Curva data AC vel IC (ibid. fig. 2 vel 3) cujus applicata BC $= x^3$; $aa = 3xx$; $a \mp bx$; a ; hoc est, sit Æquatio construenda $ady = ydx - x^3 dx$; $aa \mp 3xx dx$; $a - bxdx$; a . Dico, si in recta infinita BG, seu ex G puncto Logarithmicæ, seu ex B puncto tantum axis, abscindatur sursum quantitas Algebraica x^3 ; $aa \mp bx$; $a \mp b$, fore, ut obrineatur utrovis modo punctum in optata Curva ED, quæ propterea priori casu Transcendens fiet, posteriori Algebraica, & ejusdem generis cum data AC vel IC.

Ex quibus omnibus, nescio an observatis hactenus, præclare confir-

confirmatur ejus veritas, quod ad Problemata Groningani Program-
matis nuperrime notavi, fieri scil. posse, ut una eademque æquatio
differentialis differentes numero graduque curvas designet; hic e-
nim exempla produxi infinitarum talium, quæ Curvis etiam toto ge-
nere diversis quadrant.

*DE MAGNIS LENTIBUS SEU VITRIS CAUSTICIS, Quo-
rum diameter trium quatuorve pedum, nec non eorundem usu & ef-
fectu plene & perspicue indicato, per D. T.*

Cum sæpe multumque petitus a me fuerit, ut de lentibus illis
magnis, quas huc usque fieri curavi, pleniorẽ explicationem
ederem in publicum; nolui, quamvis varia de his jam in Actis Eru-
ditorum sunt exposita, defugere hanc operam, sed sequentem por-
tius paulo accuratiorẽ planiorẽque relationem indagini ulterio-
ri curiosorum Physices scrutatorum subijcere constitui.

TAB. VI. 1. Ita exponi debet vitrum causticum Soli, ut radii normaliter
Fig. 13. in illud incident; quod fieri tunc manifestum est, quando focus,
seu imago Solis E (fig. 13) incidens in asserculum vitro parallelum CD,
perfecte rotundam figuram habet. Quod si ergo ellipticam figu-
ram referat, lens tamdiu sursum deorsum, aut ultro citroque, mo-
venda est, donec focus perfectam rotunditatem acquirat. Hoc enim
facto, statim flamma in ligno suscitatur, plumbum funditur, lapis
scissilis in vitrum abit &c. & quidem in distantia duodecim pedum
Rhinlandicorum. Focus autem thalerum æquat magnitudine.

2. Ut vero ad majorem ascendant vis comburendi gradum,
vitrum minus collectivum FG, majori AB, ope trium bacillorum
parallelorũ adaptandum ita est in FG, ut radii per lentem majorem
collecti id totum occupent, atque hoc in situ firmandum. Ita enim
imago Solis seu focus in H minor quidem fit, grossi circiter magni-
tudine, sed majoris longe efficaciz quam antea, ita ut quæ in E non
funduntur, in H momento colliquescant.

3. His ita in ordinem redactis, statumẽ parandum est congrua
gaudens altitudine, & ex duabus partibus compositum. Prima est
pedamentum firmiter collocandum; altera huic imponi inferique
debet, ut horizontaliter hinc inde moveri possit, ea circiter forma,
quam refert ABDC in fig. 14. ABC in rotunditatem parum oblongam

ex-

excavatur, ut vitrum majus, cujus axis incumbit in A & C, libere circa illum commoveri possit. Quibus comparatis, vitrum minus, quod majori ope bacillorum adfixum est, manu comprehendatur, atque tamdiu sursum deorsum, ultro citroque commoveatur, donec minus vitrum totum sit a Sole illuminatum; quo in situ, supposito fulcro, vel alio quocunque modo, conservandum est, & dum Sol promotus apparet, ligneum illud illuminare, quod vitrum collectivum comprehendit, sensim quoque convertendum & denuo est firmandum.

4. Quo facto omnia jam ad usum sunt parata, possuntque tunc semper, eo præsertim tempore, quo Sol maxima vi operatur, i. e. meridiano, sequentes præstari effectus, etiam vitris, quæ tres ultinæ quartas partes non excedunt, tum æstate tum hyeme, maximo quantumvis sæviente frigore Februarii, ita tamen ut minores portiones assumantur materiæ quam æstate, & major operationi mora concedatur. Et quidem

1. Lignum, quantumcunque etiam durum, imo aqua humectatum, momento flammam concipit.

2. Aqua in parvo vase effervescere statim incipit.

3. Metalla debitam magnitudinem & crassitiem habere debent, alias non funduntur, id quod praxi facile addiscere licet. Quamvis etiam requisitam habeant magnitudinem & crassitudinem, non tamen colliquefiunt in momento, sed cum totum frustum undique ad certum redactum est caloris gradum: tunc enim omnia momento solvuntur. Ita v. g. plumbum nimis crassum plane non funditur; si vero crassitiem habeat non nimiam quidem, sed tamen satis adhuc magnam, detinendum est aliquamdiu in foco, atque tunc quando uno in loco colliquefcit, idem quoque in momento in reliquis fit locis. Ferrum autem oportet ut maxime sit tenue; ita enim bractea ferrea momento excandescit, & parvo tempore a cono radiofo quasi perterebratur, ut multa acquirat foramina.

4. Lateres, lapis scissilis, pumex, porcellana Hollandica, asbestus, cujuscunque sint magnitudinis, statim ignescunt, & facile in vitrum convertuntur.

5. Sub aqua sulphur, colophonia, pix, & id genus alia, colliquantur. Pisces & cancri valido suo motu de operatione ca-

Ggg

loris

loris in se testantur. Æstatis tempore lignum rarius, v. g. pinea trada sub aqua in carbonem convertitur, exterius non tam bene animadverendum, quam si lignum dissecetur.

6. Si carbo durior probeque excoctus, cujus generis usus apud fabros est ferrarios, (ex fornacibus enim qui desumuntur, nimium præbent cineris, qui cum imposita commiscetur materia) excavetur, eique certæ materiæ imponantur, effectus omnes, quorum hæcenus facta mentio, incredibiliter sunt majores & vehementiores. Si enim

7. imponas metalla, momento colliquefiunt, & si focus hinc inde ita transferatur, ut in omnes incidat partes, conglobatur in sphaeram, ut monetæ cito instar aquæ fundi possint. Ferrum copiosas de se spargit stricuras, non secus ac in ferraria officina. Si quoque metalla diutius detineantur in fluore, avolant illa, quod in plumbo præsertim & stanno valde sensibilibiter contingit.

8. Si fragmina minora ex lateribus, lapide scissili, porcellanæ Chinesæ, talco &c. carboni tali imponantur, momento funduntur, & in globulos abeunt vitreos. Asbestus totus in pellucidum vitreum globulum convertitur.

9. Si assumantur charta, linteum, vegetabilia, gramen, cespites, & materiæ his adfines, rediganturque in cineres, horum autem, vel etiam cinerum ex fornacibus vulgaribus extractorum, portio exigua imponatur carboni, dicto citius in vitrum muratur.

10. Nonnulla corpora carboni imposita, simul atque foco admoventur, dissiliunt, v. g. vitrum, jaspis &c. verum quando sensim ad focum admoventur, ut per gradus incalescant, satis bene colliquefiunt. Si nec dum ferant illum calorem, in pulverem sunt conterenda.

11. Si quoque corporum partes licet exiguae fundi renuunt, probe pulverisandæ, earumque particulæ maxime exiles aqua eluendæ sunt, Solique exponendæ. Quodsi autem intemeratæ adhuc maneant, salia sunt addenda; ita nihil facile erit, quod huic igni graui resistere valeat.

12. Quæ facillime ab hoc igne corripuntur vehementerque alterantur, sunt corpora, quæ nigra sunt & in igne nigra manent: difficilius afficiuntur (2) quæ alba sunt & in fusione nigrescunt, deinde (3) quæ nigra sunt, & postea fiunt alba; (4) difficillime tandem, quæ

quæ alba sunt & in applicatione ad focum alba manent, v. g. filix, creta, calx.

13. Quæcunque huic admoventur igni, vel funduntur, vel in vitrum mutantur, vel in calcem vertuntur, vel in auras abeunt.

14. Metalla, porcellanæ (debitæ magnitudinis & crassitiei, ne ipsa liquecat, & per gradus, ne dissiliat, calefactæ) imposita, omnia vitrificantur: quæ autem facile fluunt, ut plumbum, duris imposita lapidibus aut lateribus in vitrum possunt redigi.

15. Si in vase recipiente magno ABC, corpora facile collique-
 scientia in igne, v. g. vegetabilia, sulphur, antimonium, zincum, bismuthum carboni imponantur in C, solumque vitrum majus adhibeatur, possunt in clauso recipiente valde curiosa experimenta tentari. Oportet autem, ut magnum sit recipiens, quo A B ingressus radiorum Solarium debitæ sit magnitudinis; alias enim calefieret nimis atque disrumpetur. Potest quoque aliud fieri receptaculum ita munitum, ut penetrare nihil possit, & introitus radiorum Solarium fiat per laminam vitream.

TAB. VI.

Fig. 15.

16. Si excavetur carbo, ut eidem possit imponi scutella cuprea tam crassa, ut non facile igne fundatur, injicianturque ei varia corpora, magnus quoque acquiritur caloris gradus, quia metalla, que in conceperunt, diu retinent, possuntque varia curiosa fieri tentamina. Ita v. g. nitri dosis legitima statim volatilisatur & avolat, ut adeo spiritus nitri, ope recipientis clausi, cito præparari possit.

17. Valde conducit, in promptu habere varias mixturas pulverum alias præparatorum, Solaribus exponendas radiis, ne, dum Sol clarissimus affulget, tempus hac præparatione teratur. Ita enim una hora complurima notabilia experimenta possunt absolvi, præsertim si eligatur locus ventis non obnoxius, ne in pulverem redacta dispergantur. Accedit, quod vis urendi his in locis quoque major est, cum alias venti materias calefactas valde refrigerent, atque efficiant, ut, dum refrigescunt, rumpantur.

18. Si magnæ corporum partes cito liquefaciendæ sunt, redigantur in minores, quæ momento sphaerulæ fiunt, atque ex his totidem, quot focus capit, conjungantur. Hoc enim modo cito etiam colliquefcunt, atque in tantos coeunt globos, quantos alias non ita facile efficere liceret. Idem si in metallis observetur, & parvæ

Ggg 2

quan-

quantitati jam fufæ aliz particulæ fenfim fuperaddantur, magna metalli pars in fluore detineri poteft, v. g. argenti puri marca dimidia.

19. Si folidæ materiæ, quæ facile colliquefit, portio quamvis exigua additur alteri difficilius fluenti, hæc facile in fluorem quoque redigi poteft.

20. Id quoque fingulare, duo corpora, v. g. filicem & cretam, quæ feorfim perquam ægre liquefcunt, fi certa in dofi conjungantur, facile colliquari.

21. Si cuprum pondere duos tresve Hollandicos trientes (duyt) æquans confletur, & in aquam ftatim infundatur, incredibilem edis fonum, qui etiam vafa figulina fatis valida difjicit. Quæ etiam fi perdurent, nullum tamen in ipsis cuprum reperitur, fed totum in minutiffima refolutum avolat; id quod nullo alio in metallo evenire folet.

22. Quoniam ex metallis unum altero avolat facilius in fluore, hinc unum per alterum purgari poteft, v. g. aurum, plumbi adminiculo, brevi tam pulchrum fit ut in cupella.

23. Quandoquidem metalla in hoc igne fuos non amittunt colores, aliz quædam res iis poffunt addi talesque colores, ut hinc oriantur gemmæ facitiz pulcherrimæ pellucidiffimæque.

24. Omnia alia corpora fuos amittunt in hoc igne colores, ipfæque gemmæ ftatim illis exuuntur, ita ut rubinus orientalis fiat omnis coloris expers.

25. Ex certis corporibus, quæ in globulos redacta diutiusque in foco detenta claritate femper augentur, fi exiguam fumam particulam, eamque in foco aliquo ufque liftas, globulus exinde pulchre fit pellucidus.

26. Quædam materiæ facile funduntur, & pelluciditate crystallum æmulantur, fed dum refrigerfcunt, albæ fiunt & opacæ.

27. Aliz contra fiunt, quæ dum colliquantur, fiunt opacæ, fed ex foco remotæ refrigerfcientesque fiunt diaphanæ.

28. Rurfum aliz formantur in pulchre diaphanos globulos, qui etiam dum refrigerantur tales manent, fed aliquot diebus fenfim pelluciditatem omnem amittunt.

29. Globuli quidam pellucidi tam duri fiunt ex certis corporibus, ut fi in angulos fculpantur, vitrum iis difcindi poffit.

30. Non

30. Nonnullæ materiæ solidæ, si non adeo crassæ sint, peruruntur fundunturque, ut porcellana Hollandica.

31. Quando stannum cum plumbo in crassiori lamina cuprea colliquatur, longe copiosior excitatur fumus, quam si singula seorsim fundantur, neque avolant plane, sed cessante fumo remanet. quid crystallo simile, seu materiæ, quam metallici Drusen vocant.

32. Certæ materiæ in fluore evadunt globuli maxime perspicui, sed qui extra focum non durant: his autem si admisceantur aliæ certæ, in fluore alias nullam acquirentes pelluciditatem, plane sunt manentque diaphani.

33. Si per magna talia vitra caustica Lunæ plene colligantur radii, magnum quidem fit luminis, non vero caloris augmentum, ita ut hinc materiæ maxime combustibiles nullam patiantur alterationem, sed oculus sine noxa ipsi foco adplicari possit.

34. Tandem valde curiosæ repræsentationes opticae horum vitrorum adiniculo exhiberi possunt, dum objecta incredibiliter augent, effigies in picturis, ac si exsculptæ essent, repræsentant, cameram suppeditant obscuram non vulgarem, atque si posteriori eorum parti speculum adhibeatur planum, omnia illa miranda exhibent speculorum concavorum phænomena, & quidem præstantiori ratione; ita ut v. g. imagines fere in distantia 6 ulnarum extra speculum in aere appareant libero. Sed de his optices peritus consulendus est, qui brevi tempore ea de his indicare poterit, quæ ne pluribus quidem verbis harum rerum imperitis hic possent exponi.

35. Quomodo tandem harum magnarum lentium ope construi possint teleſcopia præstantissima, atque hujusmodi microſcopia, quorum effectus antecellunt illos omnes, qui hucusque facti sunt juris publici, & sine tantæ magnitudinis vitris præstari non potuerunt, suo tempore trademus, Lectorisque, ut speramus, satisfaciemus desiderio.

AD VIRUM ILLUSTRUM, JACOBUM BORNIIUM, JC.

Potentiss. Electoris Saxonie Consiliarium Intimum, Epistola

CHRISTFR. WÆCHTLERI, D.

Dresdæ apud Jo. Conrad. Rüger, 1697. fol. 3½.

DE sublimi jure Imperii in regna uno plura, scripta est superioribus
Ggg 3 men-

mense Aprili, occasione testamenti Caroli Magni, quod Pithorus
 edidit, eorumque hic recitatur, præfens epistola. Mens igitur Im-
 peratoris ut rectius indageretur, notandum duxit ab initio statim Au-
 tor consultissimus, pulchrum Carolo M. visum fuisse, antequam,
 conderetur adhuc testamentum istud, unum in terris exstare sum-
 mum rerum Regimen, cui reges omnes gentesque pareant, quod-
 que super cetera emineat. Cui instituto cum refragarentur Proce-
 res Francorum, jugum perpetuum veriti, & Imperium in Francia
 sempiternum fore, a nemine sponderi posse objicientes, de anti-
 quo statu Francorum nihil fuisse ab Imperatore mutatum, testa-
 mentumque eo modo, quo exhibetur, conceptum. Ubi variz ar-
 tes circa ordinem trium filiorum, Caroli, Pipini & Ludovici, ac dis-
 tributionem ipsam portionum regni Francorum secundum illam,
 qua tunc pollebat, amplitudinem, deinde circa occultum consili-
 um Imperatoris adversus quævis subita casuum humanorum, quod-
 que & Ordinibus Proceribusque omnium populorum, qui tunc pa-
 rebant, & legi fatorum veluti ipsi quodammodo hic satisfactum sit
 ex ingenio, temperamento egregio inter deformem eligendi pruri-
 tum & abruptam legem fatumque cognationis servato, collaudan-
 tur. Sed & illud animadvertit Autor, discrimen gentium ac natio-
 num, quas jure belli Testator domuisset, quæque pactis & conven-
 tionibus magis quam armis ac legibus obtemperarent, spretum hic
 tantisper, neque de eo cogitarum videri. De Italia enim maxime quæsi-
 tum esse apud multos. Ac titulum illum belli, qui in Italiam Carolo M.
 vulgo tribuatur, pro Italia potius, ab oppressionibus Longobardorum
 liberanda interpretandum. Utrum tamen ille orandi causa Romam
 tunc venerit, cum alterum filiorum Longobardiæ, alterum Aquitaniz
 Regem ab Hadriano post baptismum appellari pateretur, fidei auto-
 rum relinquendum censet. Non potuisse autem non jam tunc simulta-
 tem oriri in aula Orientis: cum nihil de Italia acquiri crederetur,
 quod non ereptum Græcis videri posset. Atque adeo solennem Im-
 peratoris titulum Carolo M. a Pontifice, adclamantibus equidem
 omnibus, sed invito Oriente, donec per crebras legationes pacaro-
 tur, conciliatum. Quumque Leo III ætati Caroli grandævæ parum
 fidens, arrepto quocunque miraculi cujusdam obtentu, ad illum ex-
 curreret, atque per dies octo de summa rerum inter filios partienda col-

col-

collocutus esset, testamentum hoc, quod habemus, conditum, atque ab Optimatibus Francorum jurejurando confirmatum, & a Leone, cui per Eginhardum, omnium & Caroli & Leonis arcanorum consciū, transmissum fuerit, subscriptum refert. Et quanquam, nihil in illo de Imperatoria dignitate, deque eminentia partis præparte, ac sublimi illo jure Imperii, quod diximus, diserte cautum deprehendatur, sed toto complexu nunc Regnum, nunc Imperium, nunc tria Regna, atque iterum tres partes appellentur, falsum tamen esse, dispositioni Romani Pontificis hæc relicta arbitrioque, in Regno utpote, ceu fateatur Eugenius Lombardus, hæreditario. Accurate enim distinxisse Carolum Regnum ab Imperio, ubi de seipso verba faciat sine testamenti. Quidque voluerit Testator, post mortem duorum filiorum, Pipini & Caroli, ab Ordinibus plenius intellectum & approbatum, quum Bernhardum, Pipini ex concubina filium, Italiz præficeret, & Regem appellari jussisset, Pipino tamen succedere per omnia nollet, neque ei de regno Caroli defuncti quidquam adjiceret, multo minus Ludovico æquiparandum existimasset. Et Bernhardum ipsum post obitum Imperatoris, genuinas testamenti illius rationes probe affectum, tradidisse se Ludovico Pio procerem, & fidelitatem ei juramento promississe. Usū etiam Ludovicum Pium Imperatorem jure suo, misisse Bernhardum ad investiganda ea, quæ Pontifici a primoribus Romanorum mox objiciebantur; & Pontificem ipsum, cognita causa, non Bernhardo, sed Ludovico Imperatori per Legatos suos satisfaciendum perspexisse ac judicasse. Quod argumentum sublimis juris in Italiam haud leve Autori perhibetur. Idem consilium perplacuisse Ludovico Pio, cum patrem, per omnia, sed præcipiti destinatione æquare festinaret, atque eundem dividendi ordinem inter tres filios, Lotharium, paulo post Imperii socium, Pipinum & Ludovicum tentasset. Hinc vocem illam, auditam: *nequaquam nobis, nec his, qui sanum sapiunt, visum, ut amore filiorum aut gratia unitas Imperii divisione humana scindetur.* Hoc Agobardum etiam monuisse: *ceteri filii vestri designastis partes regni vestri; sed ut unum regnum esset, non tria.* Et Bernardi motus in Italia, quum tyrannidem, hoc est, absolutum & plenum regnandi jus, quin ipsum Franciæ regnum affectaret, nihili quicquam valuisse apud Ludovicum Pium, eique & dignitatem & vitam

vitam abstulisse ultrix fatum. Mutasse autem hunc Imperatorem animum, quum incidisset in Juditham, atque ex ea natus esset, qui postea Calvus dicebatur, Carolus: quod ægre tulit idem Episcopus Lugdunensis. Recitantur inde initia dissensionum, ac funestissimi illius, quod post obitum Ludovici Pii deflagavit, inter ipsius filios tres superstites, Lotharium, Ludovicum & Carolum, belli civilis tum prætextus tum causæ. Hic vero ad Testatorem Carolum M. itum esse, atque ad genuinum intellectum testamenti nostri, seu normæ dividendi, ab ipso Lothario, cui dignitatem nominis Imperatorii nemo dubiam fecisset, fuisse provocatum. Carolum Calvum etiam per ipsum illum Nithardum, qui rem totam descripserit, deprecatum, *permitteret ei Lotharius habere, quod illi suo consensu pater concessisset*, medietatem scilicet totius regni, *fidelem se illi & subiectum fore velle, si hoc faceret, ita ut primogenito fratri esse oportet.* Ergo Nithardum istum, nepotem Caroli M. ex Bertha, & multis legationibus in aula Imperatoria functum, & jam provectæ ætatis, sensum interiorum eorum, quæ Carolus M. agitasset, probe calluisse, & *tanta sublimitatis*, quo verbo utatur ipse, apprime fuisse gnarum, infert Autor. Calvum vero ad nutum Lotharii Imp. etiam a medietate regni Francorum mox recessisse, *si regna tenuiora, quæ illi deputabat*, (vocabulo aulico & jam tunc sueto) *quietem habere faceret.* Lotharium contra in belli discrimen rem totam deduxisse, atque ita prælio ad Fontanetum causæ illius vulnus ingens esse inflictum, accedente fœdere Argentoratensi arctiore inter Carolum Calvum & Ludovicum Germanicum. Fœdus autem hoc cum divisione Virodunensi trium fratrum non misceri debere, seu factum a nonnemine, arbitratus est Autor. Namque illo nihil cum Lothario, sed contra Lotharium fuisse tractatum, Sed & in divisione Virodunensi ad testamentum Caroli M. respexisse Nithardum conjicit. Atque hinc ad argumentum dissidentium, quod *pares* vocentur Reges ceteri cum Imperatore dividentes, uberius respondet, & vel Blondellum ipsum in hac faba nihil quæsisisse asserit. Tuendam deinceps etiam divisionem Lotharii Imp. inter filios tres, Ludovicum, Lotharium & Carolum suscipiens, non repugnasse ait, si sub uno Imperatore alii essent Reges, nunc plures, nunc pauciores. Ipsosque Francorum Proceres nimio dividendi studio

studio hic peccasse statuit, & ex recentioribus scriptoribus laudat Petrum de Marca, atque Jo. Schilterum, secum hic sentientes. Jam Calvum ipsum Imperatorem statim ad Caroli M. & Ludovici Pii, quin & Lotharii exempla respexisse dicit, cum Bosonem *Regem Provinciae*, (*ut more praeursorum Imperatorum Regibus videretur dominari*), se vero Imperatorem & Augustum *omnium Regum cis mare consistentium* appellari praeciperet, nimio regnandi studio, & invito Servato Lupo, quo tamen ad diversas legationes usus fuerit; cujus Epistola C in hanc rem allegatur. Putatque Autor, mores illorum temporum, de quibus supra, atque adeo Pontificum etiam, ab Aimoino ipso tangi subinde ac stringi. At multo magis poenitentiam Italorum Francorumque enituisse in Carolo Crasso, in quem tædio divisionum illapsa potius sit & Italia & Germania & Francia, quam in illius imperium consenserit. Ceterum nec istud recte & ex sententia cecidisse; postremoque Caroli M. testamento ignobilem veluti executorem, Arnulphum Carlomanni ex concubina filium, fuisse datum. *Quinque enim Reges*, recitante Boetio, statim ordinatos, & regnum Francorum in quinque partes scissum protubuisse, Imperio manente penes Arnulphum, *quatuor Regibus fidelitatem & obedientiam ei promittentibus, & nullo jure heredum*. Quem locum, tamen judicavit Noster postulare eruditum interpretem adhuc videri posse. Tandem inopia successorum laborasse rem publicam, & versa rerum facie Ducibus tantum non paruisse, qui imperarent. Sic in Ottone Saxonico, qui repudiavit hoc diadema, viguisse Imperium, Conrado uncto. Et Henricum, filium Ottonis, perstitisse in hoc proposito, diutiusque & pacatius imperasse, quam plures Carolinorum, eo quod tutiora secutus esset; & tanquam esset in domo Caroli M. natus, Ottonem filium Imperio praefecisse, testamento legitime facto, *ceteris filius pradia cum thesauris distribuendo*. Atque hunc Ottonem Magnum, vindicem ordinationis Caroli M. in recuperanda Lotharingia, insigniter laudare ait Theodoricum de Niem, elogio utriusque. Ita vero revixisse concludit institutum Caroli M. quodammodo, quodque a Ludovico Pio varie tractatum, & a Lothario minus prospere nec decenter animosiusque quæsitum fuerit, a successoribus autem neglectum ac prope sepultum, novam formulam eamque correctam ac stabilem accep-

H h h

pis-

pisse. Quæ omnia ex vetustissimis Annalium, quos frequentes adduxit, monumentis eruenda, & cum communi hæcenus sententia conferenda Autor nobilissimus censuit.

A COMMENTARY UPON THE SECOND BOOK OF MOSES.

h. e.

COMMENTARIUS IN SECUNDUM, QUEM EXODUM APPELLARE solent, Mosi librum. Autore Vere Reverendo in Deo Patre, SYMONE EPISCOPO ELIENSI.

Londini apud Rich. Chiswell, in 4. 1697. alph. 4.

Purimum Reverendus Eliensis apud Anglos Ecclesiæ Præsul, cujus in Genesin Commentarius in Actis anni 1696 p. 196 locum suum occupavit, instituti sui in his ad Exodum observationibus quoque, memor, id operam dedit potius, ut luculenta atque perspicua textus Mosæici explicatione, inepte incredulorum atque addubitantium, apud eos præcipue irritos redderet conatus, qui alia quam vernacula lingua sacra oracula legere prohibentur, quam ut splendidis criticarum observationum, novarumque interpretationum apparatus, ingenii atque eruditionis famam aucuparetur. Quod ipsum effecit, ut non breves tantum atque concinnæ, sed cujusvis quoque Lectoris captui attemperatæ, in hunc etiam Mosi librum notæ subnatæ illi fuerint. In quibus tamen, ne quid merito desideret Lector paulo curiosior, ad Bochartos, Seldenos, Huetios, Marshamos, Drusios, aliosque eum passim ablegare non dubitavit, si quid forte eorum, fusior res sacræ tractandi ratio ad uberiores ejus instructionem, valeat conferre. Suo interea officio satisfactum existimat, si ut perspicui evadant, & nihil sanæ rationi contrarium habere videantur sensus sacri Scriptoris, interpretationibus suis effecerit. De quarum genio ut evidentius omnibus constet, mori inter nos re-

P. 41. cepto obsecuturi unam & alteram age producamus. Ad capituli itaque III comma 2, ubi Angeli Domini, Mosi per visionem oblatis, mentio est, animadvertendum in eos esse censuit, qui Angelum increatum, æternum Dei Filium, ibi intelligendum esse existimarent. Illa enim sententia non periculosa ei tantum videtur, cum Angeli nudam sine omni addito appellationem Filio Dei tributam eo rendere appareat, ut melior, quam creaturæ, ejus conditio haud esse credatur:

datur: sed stylo Scripturæ manifeste etiam repugnare, quæ nunquam Angelum absolute, sed semper adjecta voce quadam, eum clarius designante, unigenitum Dei appellet. Excludendum tamen illum penitus haud esse in loco, de quo agimus, credit, Describi enim in eo apparitionem Schechinæ, quæ & ipsum Deum, & Angelos, ut ministerio suo ei adsint, præsentem complectatur. Angelorum autem unum, summa gloria circumfufum, fuisse existimat eum, qui conspectui Moïsi sese stiterit, atque ipsa illa apparitione sua Deum quoque præsentem esse testatus fuerit. Qui proinde etiam in sequentibus Moïsem proprio, ut ita dicamus, ore affatus esse dicatur. Ad capi- P. 69.
tis IV comma 16, ubi Moïses Deus Aaronis vocatur, observat, Justinum Martyrem (Apol. II. p. 10.) Diodori Siculi autoritate affirmare, ~~Seu~~ cognomine celebratum inter Judæos Moïsem fuisse. Sed male acceptum a Justino Diodorum recte monet, quod eo magis mirandum videtur, quod ita corruptum ejus locum exhibuerit, ut nulum plane sensum aliqua sui parte admittat. Minus forte, ut id loco minime alieno hic observemus, mirum, quod eundem locum, aliter non tantum, quam hodie apud Diodorum, sed etiam quam, apud Justinum legitur, repræsentaverit Cyrillus, in primo doctissimi contra Julianum operis libro (p. 14.) Cyrillum enim cum Justino contendenti obscurum non erit, non inspecto ipso Diodoro, ab hoc locum ejus Cyrillum accepisse, cui tamen cum sensum omni ex parte haudquaquam cerneret constare, ex ingenio medelam asferre non dubitavit. Ut autem ad Rev. Autorem nostrum redeamus, non absre fore ducimus, si breviter saltem allata ejus in comma 26 capit- P. 78.
tis IV paraphrasi, quæ ejus de illius sensu sit opinio, indicemus. Ita igitur illud exponit: *Cum itaque dimisso Moïse retro in patriam viam ingrederetur Zippora, dixit ad eum: memento vitam tibi a me fuisse servatam, et quæ adeo denuo quasi, profuso filii mei sanguine, conjugali vinculo, quod rumpere mors jamjam parabat, tibi esse conjunctum.* Simili modo verba Exodi VI, 3 quomodo accipienda sint, brevissime P. 91.
exponit. Postquam enim sollicitè observandam esse ipsam Dei phra- sin docuisset, utpote qui non sine causa dicat, *nomine meo JEHOVA haud innotui iis*, non *nomen meum JEHOVA haud innotuit iis*; hunc phræsis illius sensum suppeditat: haud innotui iis eo quod nomine isto meo significatur; id est, nondum feci, ut re ipsa fierent atque

- essent (esse enim atque existere, verbum unde Jehovah nomen derivatur, significat) omnia ea quæ gratiosa promissione iis pollicitus sum. Capitis VIII comma 26 explicans, parum tuta incedere via. illos credit, qui ex veneratione, qua Ægyptii prosequerantur animalia ab Israelitis Deo mactanda, illud illustrare conantur. Ipsos enim etiam Ægyptios hujusmodi animalibus in sacrificiis usos esse, ex Herodoto evincit. At enimvero delectu admodum curioso, variisque ritibus in iis offerendis, apud illos opus fuisse, ex eodem Herodoto probat. Cujusmodi sacræ ceremoniæ cum ab Israelitis fuerint negligendæ, abominationes Ægyptiorum sacrificaturi merito dicantur. Claudat denique hocce observationum Rev. Viri, speciminis loco adductarum agmen, ejus de Urim & Thumim sententia. Eo nimirum propendere ille videtur, ut diversam esse illam ornatus sacerdotalis partem a duodecim gemmis, quadruplici ordine dispositis, non credat; atque id e collatione ejus, de quo loquimur, textus cum Exodi XXXIX & Levitici VIII capitibus, in quibus repetitur sacerdotalium ornamentorum enarratio, nulla Urim & Thumim, sed duodecim tantum istorum lapidum facta mentione, confirmari posse putat. Urim & Thumim autem, h. e. lucis & perfectionis nomen lapidibus illis inde adhæsisse censer, quod fulgidissimos lucidissimosque in suo genere illos esse oportuerit: quodque omnia, quæ ad pectorale spectabant, annuli nimirum, catenulæ & reliquis ejus apparatus, perfectæ esse debuerint atque absolutæ, antequam gemmæ istæ illi affigerentur.

REFLEXIONS SUR LES DROITS DE LA CONSCIENCE &c.
id est:

CONSIDERATIONES JURIIUM CONSCIENTIÆ, AUCTORE
ELIA SAURINO.

Ultrajecti apud Antonium Schouten, 1697. 8. Alph. 2.

- S**Intne diversa circa religionem sentientes in republica ferendi, haud semel quidem, præsertim tamen nostra ætate, tum alibi, tum maxime in Belgio, acriter disceptatum est. In tres vero classes aciesque diversas abeunt, qui in hocce certamen descendunt. Quidam adeo nemini, quod ita nec aliter sentiat, fraudi esse debere contendunt, ut quibusvis quidlibet & sentiendi & docendi concedenda sit liber-
- Part. I.
Sect. I.

libertas. Hos *Indifferentes* vocare solent, princepsque & antesignanus illorum hodie est, si Saurino credimus, Auctor *Commentarii Philosophici super hac verba: compelle eos intrare*. Nonnulli dum hocce vitare vitium volunt, in contrarium currunt, limitesque summorum Imperantium potestati ab ipso Deo scriptos, ultra quam par est, extendunt, eosque sine discrimine in quosvis dissentientes armant, gladiumque stringere jubent. Hi *Intolerantium* nomine veniunt, principemque, iudice Saurino, ac præcipuum propugnatorem hodie habent Auctorem libri, cui titulus: *Jura duorum summorum Imperantium*; hoc est, ut haud obscure Saurinus innuit, & nobis quoque jam observatum est mense Octobri A. 1691. pag. 456, ipsum Jurium.^o Qui medium inter hosce locum tenent, & *Tolerantium* nomine insigniri possunt, nec libertatem quidvis sentiendi aut statuendi concedunt, nec promiscue in secus sentientes sæviunt, sed mediam tenent viam, & quando errantes ferre, quando graviore coercitione eos in ordinem redigere fas sit, Scripturæ sacræ & rectæ rationis ductum secuti, exponunt. Hos inter & nomen suum proficitur Vir clarissimus Elias Saurinus, quippe cui in præsentem opere constitutum est accurate ostendere, quo pacto tum Indifferentium, tum Intolerantium ad præcipitia ducentes errores evitare queamus. Quod ut rite efficiat, de juribus & obligationibus conscientiarum, tum verarum, tum errantium, ut & de peccatis, quæ vocantur ignorantiarum, & contra conscientiarum dictamen perpetratis, nonnulla præmittit: hinc Commentarium Philosophicum sub examen revocat: porro Auctoris de Juribus duorum summorum Imperantium placita a veritate aliena castigat: & denique suam sententiam de potestate summorum Imperantium in conscientias ex instituto explicat; firmat, roboratque, & secus sententiarum argumenta diluit.

Quod ad primū atinet, postquam monuit, conscientiarum nomine sibi venire judicium hominis de se ipso respectu legis supremæ, & hinc quid conscientia vera & erronea, bona & mala sit, definivit; postquam etiam observavit, se per obligationem conscientiarum nihil aliud intelligere, quam officia, ad quæ homo per conscientiam obligatus est; per jura autem & privilegia conscientiarum, potestatem, quæ per conscientiam, ut agere aliquid aut omittere queamus, nobis competit; supponit,

Hhh 3

(1) De-

Sect. II.

(1) Deum quædam nobis præcepisse, alia vetasse. (2) Deum non tantum ad certas actiones edendas, sed etiam ad veritatem quarundam rerum cognoscendam nos obligare. (3) Homines sæpe leges Dei, tum præcipientes, tum vetantes, ex conscientia erronea migrare, h. e. ut suæ conscientiæ obediant, non obedire Deo, adeoque ex errore & ignorantia peccare. (4) Ignorantiam vel involuntariam & invincibilem esse, vel voluntariam, idque tum directe, tum indirecte. (5) Tres esse species ignorantiz voluntariæ; aliam initio voluntariam & vincibilem esse, sed postea & involuntariam & invincibilem fieri; aliam invincibilem esse quoad potentiam proximam, ut in scholis loqui amant, sed vincibilem quoad potentiam remotam; aliam denique nunquam plane invincibilem esse. (6) Ignorantiam juris pariter ac facti alicui fraudi esse posse, cum vinci & exui poterit: ignorantiam autem juris nunquam plane invincibilem esse, saltem, ratione præcipuorum officiorum, quæ homo erga Deum & alios præstare tenetur. (7) Ignorantiam atque errorem multum inter se differre: adeoque ex eo, quod detur ignorantia involuntaria & invincibilis, non sequi, talem quoque dari errorem: omnem quoque errorem recte in vitio poni: ignorantiam autem adeo non vitium crimenque secum trahere, ut hujus auctor non raro ipse sit Deus, qui tamen sine sacrilega impietate, erroris causâ auctorque dici nequeat: accedere, quod multæ causæ obstant, quo minus interdum homo ignorantiam exuere possit, aut ut secus quam res se habet judicet, hoc est, ut erret, nulla unquam necessitate eum adduci. (8) Omnes errores, quantumvis innoxii nobis videantur, ex corrupta indole nostrâ pravaque voluntate procedere. (9) Judiciis temerariis & falsis ea non esse annumeranda, quæ de re aliqua non aliter statuunt, quam rationum indoles patitur; ut si quis non certo vera, sed verosimilia tantum judicet, quæ apodictica certitudine destituuntur. (10) Errores non esse unius ejusdemque generis. Alios in iis rebus committi, in quibus errari humanæ societatis non adeo refert: alios autem directe in Deum, aliosque homines injurios esse; & hos majus vitium secum vehere, magisque voluntarios censendos esse. Quibus hunc in modum præmissis, & variis rationibus comprobatis, tribus propositionibus suam de hoc argumento sententiam includit. Prima hæc est: quicumque secundum conscientiam erroneam agit, in iis quæ Deus præ-

præ-

præcepit aut vetuit, peccat: migrat enim legem Dei, adeoque culpa non vacat, sed pœnam delicto huic debitam promeretur. Secunda propositio hæc est: peccat homo, qui agit contra dictamen conscientie erroneæ, committens scilicet, quod a Deo prohibitum credit, & intermittens, quod credit a Deo præceptum. Hinc elicit tertiam propositionem: quicumque errat in jure Divino, eodem tempore obligatus est ad faciendum, quod conscientia erronea dicitur, & non faciendum; e.g. quicumque firmiter persuasus est, Jovem verum esse Deum, obligatus est ad eum adorandum, & ad non adorandum. Hæc propositiones multis rationibus operose adstruit: cumque in ultima, manifesta diversarum obligationum pugna esse videatur, idque potissimum Auctor Commentarii Philosophici urgeat, ostendit, etiamsi hic pugna subesse videatur, revera tamen nullam esse. Enimvero quoties duæ ejusmodi obligationes concurrant, unam, v. g. per quam solum Deum adorare obstringimur, absolutam esse, alteram hypotheticam, v. g. qua Pontificius obligatus est ad adorandam B. Virginem Mariam, cum hæc falso & erroneo judicio innitatur; quod si mutetur, isque veritatem agnoscat, obligationem quoque statim exspirare. Denique cum suæ sententiæ decantatum istud Theologorum quorundam effatum, *Conscientia erronea ligat, non obligat*, obijci posse videat, in ejus sensum inquit: putatque, hoc sibi non obstare, cum tò ligare obligationem hypotheticam, tò obligare autem absolutam denotet. Idque Amesii pariter ac Johannis Dallzi testimoniis comprobatur.

Peccata autem per ignorantiam commissa dum comparat, Sect. III, cum peccatis contra conscientiam perpetratis, eos in magno versari errore contendit, qui existimant, his illa semper esse leviora: cum fieri possit, ut qui per ignorantiam peccat, graviori crimine se obstringat, quam qui contra conscientiam aliquid admittit. Idque inde provenire, quod gravitas & levitas delictorum, non ex scientia aut ignorantia juris (quanquam & hæc omnino aliquid huc conferat, quin si hæcenus delicta sint æqualia, rem omnem conficiat) sed ex variis circumstantiis, quæ actionem comitantur, pendeat. Sic, ut ex pluribus, quæ affert, exemplis unicum adducamus, Principes Judæorum, qui Servatorem morti tradiderunt, utut ex ignorantia hoc fecerint, citra controversiam gravius peccasse putat, quam Petrum,

trum, dum Christum contra conscientiam abnegavit. Majorem enim in illis fuisse malitiam, & ad peccandum obstinationem, quam in hocce fuit.

Part. II.
Sect. I.

Hæc stadia emensus, demum cum Auctore Commentarii Philosophici in arenam descendit. Errores ejus, præcipue quos Saurinus subinde sibi debellandos sumsit, hi sunt: Deum nobis non dedisse medium certum, & quo falli non queamus, discernendi ab errore veritatem, etiam in religione: quin eum ita nos condidisse, ut bonum eligere, non cognita ratione quare id eligamus, possimus: ignorantiam atque errorem illorum, qui bona fide errant, hoc est pravitate voluntatis abrepti se ipsos in errores non dant præcipites, pro invincibili reputandum, omnique culpa coram tribunali Divino ejusmodi homines carere: Deum citra injustitiæ crimen a nobis exigere non posse, ut inveniamus veritatem, aut ut certi simus nos illam invenisse; sed ut quæramus solum veritatem summo studio, & id amplectamur, quod nobis verum videtur, etiam si hoc ipsum absurdissimum, qui unquam excogitari potuit, sit error; & ut nos componamus ad regulas istius veritatis, quam deprehendisse nobis visi sumus: omnes actiones nostras bonas justasque fore, Deoque placituras, solum quia ad dictamen conscientie susceptæ editæque sint. Ex quibus omnibus porro concludit, errantis conscientie eadem jura esse, quæ veræ sunt, veritatemque non melioris conditionis esse quam errorem. Hæc & ejusmodi alia principia per Commentarium huncce Philosophicum sparsa sunt: quæ Saurinus, nullo servato ordine, sed vestigiis Auctoris insistens, passim redarguit. Nos, ut intra nostros limites nos cohibeamus, paucis solum, quæ ad caput causæ pertinent, ex observationibus Saurini decerpemus. Præcipuum hoc est, quod docet, primum Auctoris hujus principium citra ambages ad Pyrrhonismum ducere: unde & rejicit, quod idem porro docet, si quis ex nescio quo orbis angulo provolaret, novam nobisque non auditam doctrinam professurus, eodem jure nos obstrictos esse ad placita ejus audienda, quo Americani vel alie gentes, veritatem Christianæ religionis nondum edoctæ, obstrictæ sunt ad eos audiendos, qui doctrinam cœlestem illis imperituri, ad eos accedunt. Maximum enim docet Christianos inter & illas gentes intercedere discrimen, cum illi de religionis suæ veritate plane sint convicti

victi, eamque evidenter cognitam habeant, quod de aliis gentibus asseri nequit. Dum vero Auctor Commentarii Philosophici ad capitale errorem suum, quod scilicet nemo mortalium mendacium erroremque a veritate certo discernere possit, palliandum, a sensibus ad rationem argumentatur hunc in modum: plerique mortaliū, quæ gustu & tactu aliisque sensibus percipiunt, evidenter se percipere putant, & nihilominus falluntur; ergo idem illis contingere potest, dum putant se evidenter hujus vel illius rei veritatem cognoscere: non impune illud fert, sed magnopere Saurino vapulat. Enim vero fieri potest, inquit, ut in rebus ad sensum pertinentibus, si duo sint, qui diversa sentiunt, unusque amarum esse judicer, quod alteri dulce videtur, neuter fallatur; quod harum rerum veritas certo modo a relatione ad sensus pendeat: ast falli eum turpiter, qui de ratione idem asseveraverit, v. g. quod respectu unius bis duo possint esse quatuor, respectu alterius autem quinque; cum veritas plane non ab opinione hominum pendeat. Sed in specie de religione asserit Auctor Commentarii Philosophici, Deum veritati, quam nobis revelavit, saltem plerisque veritatis celestis capitibus, non addidisse signum aut characterem, cujus beneficio cognosci posset, hoc verum, illud falsum esse: ea carere evidentia geometrica & metaphysica, nec magis firmam in nobis progignere persuasionem, quam ipsi errores progignunt: quin errores easdem passiones in nobis excitare, quas hæ veritates excitare possunt. Unde porro concludit, Deum non minus nobis imposuisse necessitatem amandi veritatem, quæ talis saltem nobis videtur, licet non sit, quam veritatem, quæ revera etiam talis est. Sapientiam enim infinitam Numinis exigere, ut leges suas attemperet ad rationem, & indolem eorum, quibus eas tulit, nec illis imponat quid, quod illorum vires infinitum in modum excedit. Jam vero cum veritatis accurata cognitio mentis nostræ vires excedat, falli eum qui putet, Deum hanc a nobis exigere. Hic vero Saurinus Auctorem, palam impietatis & blasphemix postulat. Diserte eum contradicere divo Paulo Apostolo Rom. I, 19. 20. palam asserenti, illud quod de Deo cognosci potest, hominibus manifestum esse: evertere illum velut unico ictu universam Scripturam sacram, quæ testetur, hominem obligatum esse ad cognoscendum verum Deum creatorem

rem cœli & terræ, eumque secundum ejus voluntatem adorare, præcipiat; quæ idololatriæ cœcitatem atque stuporem exprobrat, & æternis cruciatibus cœcos ductores una cum illis, qui eos sequuntur, adjudicet. Secundum hocce principium, inquit, supervacaneæ fuissent preces Servatoris nostri Jesu Christi, quibus apud Patrem pro illis, qui per ignorantiam illum cruci affigebant, intercessit. Non enim potuisset ab illis exigi, ut Jesum pro Messia reciperent, cum eosdem veritatis characteres deprehendissent in hac propositione: Jesus filius Mariæ est impostor, ac in illa: Jesus filius Mariæ est Christus & filius Dei viventis. Frustra, si hæc admittantur, Johannes suos adhortatus fuisset, ut explorarent spiritus: nec operæ fecissent pretium Berrhoenses, doctrinam Apostolorum cum Scriptura sacra conferentes, cum, deprehensa etiam Scripturæ sacræ & prædicationis Apostolicæ convenientia, non tamen certi esse potuissent, an seductores sint Apostoli, nec ne? Suam interim proderet Auctorem ignorantiam, quod distinguere nesciat inter persuasionem & convictionem. Posse aliquem sibi persuadere aliquid, quod a veritate abhorret: sed convinci aliquem nullius rei, nisi quæ vera sit, posse. De cetero licet religio destituatur evidentia metaphysica & geometrica, sufficere tamen, quod gaudeat evidentia morali; hanc vero neminem illi abjudicare posse. Quæ Saurinus porro in hocce Auctore notat atque refellit: quod satis profane diversitatem religionum, cum rituum ac morum apud diversos populos receptorum varietate contendat, Deoque eam adeo displicere non posse doceat, ut majori potius hæc ipsi cedat gloriæ: quod conscientiæ erranti eadem tribuit jura, quæ veræ competunt: quod profiteatur, actionem contra conscientiam perpetratam semper pejorem esse actione secundum conscientiam commissa, itemque actionem bonam ex falsa persuasionem perpetratam æque bonam esse, ac si ex vera persuasionem fuisset profecta: quod jura conscientiæ cum ejus obligationibus, & obligationes hypotheticas cum absolutis confundat: quod asserat, omnes peccati Adamitici effectus necessario provenire ex ratione legum Divinarum: porro quod doceat, Ethnicum & Turcæ æque certum de religione sua esse posse, ac Christianum; & id genus alia, ejusmodi plane sunt, ut & indolem geniumque Auctoris Commentarii philosophici, & disputationis, quam

Sau-

Saurinus adversus eum instituit, rationem haud difficulter prodant atque demonstrent.

In Sectione II Saurinus Tomum II Commentarii Philosophici perlostrat, & quæ ibi Auctor pro sententia sua adstruenda attulerat, summo studio refellit. Nihil aliud autem in eo Auctor Commentarii philosophici agit, quam ut principia, quibus orthodoxos hæreticosque in eandem classem conjecit, magis probet, exemplis illustret, & dubia, quæ forte sibi objici posse putavit, dispellat. Hinc quid Saurinus sibi datum crediderit, quilibet conjectura facile assecutus fuerit. Documento hæc sint. Hominem, qui errat, sed nihilsecius summo studio se ad legem Dei componat, pœnam non promereri, hæc exemplis probat Auctor Commentarii philosophici: si Princeps errore adductus regnum aliquod sibi deberi credat, adeoque legitimum ejus possessorem ejiciat, eo tamen ejecto rempublicam bene administret, & omnes boni Principis partes impleat; num, inquit, iste coram tribunali Divino, ut injustus usurpator, aut ob rempublicam male gestam, condemnabitur pœnamque luet? Item si Salomoni non succurrisset ratio veram matrem a falsa discernendi, & adeo infantem huic adjudicasset, eaque infantis compos summa cura & diligentia illum educasset, & artibus honestis erudiri curasset; num, inquit, vera mater eam ideo accusare, aut ut vitium exprobrare potuisset, quod in infante educando bonæ matris functa fuisset munere? Saurinus hæc & alia ejusmodi exempla causam Auctoris parum aut nihil adjuvare pronuntiat: namque quæstionem præcipue esse de hæresi, sive errore fundamentalis circa religionem, qui nullo modo permittat, ut aliquis religiose & rite legem Dei observare possit, cum fidem veramque charitatem ex mente nostra ejiciat; unde omnes ejusmodi hominum actiones, quantumvis splendidæ, contaminentur. Sed errorem, cujus exempla Auctor attulit, ejus generis esse, ut non plane omnes hominis actiones inficiat, nec obstat, quo minus aliquid bene recteque gerat. Sic errorem, quo quis inductus credit sibi regnum aliquod deberi, non esse ejusmodi, ut impediât, quo minus errans, vir bonus & justus esse queat: adeoque & hunc multas actiones edere posse, quæ virtutum nomine haudquaquam indignæ sint. Addit tamen, si populus legitimi Principis sui jura edoctus, usurpatori huic obsequium de-

treſcet, hic autem vi armisque illum ad ſibi obtemperandum, por-
resque legitimi Principis deferendas cogat, eum ad rationem hæc de
cauſa Deo reddendam omnino obſtrictum eſſe, & omnia, quæ hinc
conſequuntur, mala utique illi imputari poſſe. Nec aliter de alio-
ro exemplo ſentit. Educare infantem, eumque bonis imbueret
tribus, ſunt certe actiones materialiter, ut loquitur, bonæ, nec error,
in quo mater putatitia verſatur, eas malas reddit, cum error iſte
juſmodi ſit, qui charitatem ex corde non ſtatim expellat: quod ſi
autem infans veram matrem agnoſcens, falſæ obedire nolit, hæc
vero in illum ideo ſævire incipiat, multorum criminum, judice Sau-
rino, ſine dubio ſe ipſam ream facit. Porro ut alterum ſpecimen
adducamus, cum inter eos diſputatur, num omnis ignorantia atque
error ſit conſequens peccati, Auctor Commentarii Philoſophici ne-
gantium ſententiam ita tuetur, ut provocet ad exemplum Adami,
quem in ſtatu innocentiz multa ignoraffe dicit, etiamſi peccati omnis
fuerit immunis, cumque peccaret, judici inſirmitatem prodidiſſe, ſeu
perperam judicaſſe, quod tamen ex peccato fluere non potuerit, quia,
cum primum peccaret, nondum peccaverat. Præterea cum Serva-
tor aliud quandoque præ ſe tulerit, aliud mente cogitaverit, nihil ab-
ſurdi eſſe putat, ſi dicamus, homines in ſtatu innocentiz idem fa-
cturos fuiſſe: hinc autem fieri aliter non potuiſſe, quam ut alii fuerint
decepti & in errorem adducti. Reſponder ad hoc Saurinus, primo,
ab ignorantia diſcernendo errorem, quæ hic ab Auctore Commen-
tarii Philoſophici confundantur. Oppido enim hæc a ſe differre. Por-
ro falſum Adami judicium, quod tulit, perperam verbum Dei cum
blanditiis & perſuaſione fœminæ contendendo, fuiſſe effectum amo-
ris ſui ipſius inordinati & pravi, & ambitionis, quam idea perfectio-
nis majoris conſequentiæ in eo excitavit. Præterea ipſum hocce
judicium Adami maximum fuiſſe peccatum, ſive aliud peccatum præ-
ceſſerit, ſive non præceſſerit. Non omnia peccata ab alio pecca-
to provenire, cum neceſſario unum fuerit primum, a quo ceu ex
fonte veneno infecto, cetera deinceps profluant. Fuiſſe ergo errorem
Adami aut primum peccatum, aut effectum primi peccati. Quod
Auctor Commentarii Philoſophici de Chriſto Servatore aſſerit, id Sau-
rinus ab impietate prope abeſſe cenſet. Paucis: reſtrictiones menta-
les & æquivocationes Jeſuitarum procul hinc facèſſere jubet: ſerio
enim

enim Christo constitutum fuisse ultra ire, nisi precibus suis discipuli intervenissent. Conditionatam hanc voluntatem vocat, cujus aliquot exempla pro fert. De posteris Adami, si in statu innocentie mansissent, ita censet, ut concedat, physice eos potuisse decipi: ast moraliter hoc fieri potuisse, negat. Licet enim aliquis eorum signis cum mente non convenientibus usus esset, alter tamen ob perfectam, qua gavisuri fuissent, prudentiam, non temere fuisset præbiturus assensum: quin potius ratione ita usuri fuissent, ut simile quid non fuisset illis metuendum. Sed hæc sufficiant, ut quo pacto se habeant cetera, quæ in hunc modum disputantur, utcunque intelligi possit.

Quæ porro in parte III & IV differuntur, cum unius mensis pensum excedant, alio tempore recensebimus.

COMPENDIUM THEOLOGIÆ, IN QUO CAPITA CHRISTIANA Fidei juxta causarum seriem per Thesin & Antithesin plene & perspicue traduntur, Scripturaque fundamentis confirmantur, adornatum a SEBASTIANO SCHMIDIO, SS. Theologia in Universitate Argentoratensi P. P. Ordinario & Seniore.

Argentorati sumptibus Jo. Reinholdi Dülseckeri, 1697. in 8.

Constat Alphabetho uno & plag. 19.

Cum nullius temere opera parvi sit æstimanda, quæ in tradendis ordine decenti & accurato fidei Christianæ capitibus est occupata; tum imprimis hoc Theologiæ sanioris Compendium favore publico sacrarumque litterarum studiosorum applausu est dignissimum. Præterquam enim, quod auctorem agnoscat Virum de Ecclesia Protestantium rebusque Theologicis præclare & eminenter meritum, *Sebastianum* nempe *Schmidium*, cujus gravissimos utilissimosque labores sapius in his Actis recensitos meminit Lector, a cujus ingenio quid nisi elaboratum studio judicioque summo perfectum expectandum fuerit? in hoc sane opusculo concinnando ea videntur esse adhibita omnia, quæ in ejus generis scripto requiri modo possunt. Animadvertet enim, quisquis eidem se legendo dederit, & simplicitatem, & facilitatem, & justam denique perfectionem ubique elucere. Simplicitatem quidem in verbis, quæ ubique, quod in more positum habebat Auctor beatus, perspicua sunt, & intellectu faci-

lia: facilitatem vero in methodo ac ordine, qui natus est, & res tractandas concinne convenienterque connectit: denique plenam in rebus ipsis exhibendistractationem, quas ita exhaustisse videtur, ut sint paucissima hujus argumenti, quæ ille non delibaverit. Atqui quis nescit, hæc potissimum attendenda esse illi, qui in commodum juvenum, in Theologos se formantium, & disciplinam omnium nobilissimam aggredientium, Theologiæ systematicæ compendium literis consignare voluerit? Sed istud imprimis laborem hunc commendare poterat, quod secutus in eodem fere sit Theologum in Ecclesia magni nominis & meritorum eximiorum, Jo. Gerhardum, qui prolixo amplissimoque operi, novem tomis & Exegesi constanti, quicquid ad doctrinam Theologicam pertinet, videtur inclusisse; & hunc quidem adeo studiose ubique præ oculis habuit, ut & verba ejus retineat, & ordinem, suppletis & adjectis tamen iis, quæ in locis aliquibus desiderari posse videbantur. Ut adeo Schmidianum hoc compendium aditum operi Gerhardiano majori facere, & egregie inservire possit illis, qui puriorem fidei doctrinam veluti brevi expositam tabella degustare gestiunt.

BIBLIOTHECA PAROCHIALIS: OR A SCHEME &c.

i. e.

*BIBLIOTHECA PAROCHIALIS, SIVE PRÆCIPUORUM DO-
ctrina Christiana Capitum, in quibus omnes Parochipaulo accuratiori
studio versari debent, Delineatio, una cum librorum studii eorum
maxime inservientium catalogo adornata a THOMA*

BRAY SS. Throl. D.

Londini apud Rob. Clavel, 1697, in 4. plag. 19½

Reverendus hujus voluminis Autor ex iis est, qui propagandæ Christianæ fidei in Americanis provinciis, Anglorum dominatum agnoscentibus, operam suam addixerunt, quorum etiam studiis commodisque eo potissimum inservire voluit. Quamvis enim necessarium plane existimet, ut in ipsa etiam Anglia paræciæ, ad unum aliquem, uti loqui ariant, Vicariatum spectantes, communem quandam habeant bibliothecam, ex qua libros legendos depromere Pastoribus liceat; in Americanis tamen provinciis, quo ob indigentiam suo ære ætios rarissime Missionariis liceat asportare libros, vel

vel maxime opus esse putat, ut liberalitate eorum, quorum opes commerciis istarum regionum creverunt, hujusmodi Bibliothecæ instruuntur. Atque eam ipsam ob causam præcipua Religionis Christianæ capita, in quibus docendis potissima eorum, qui Christi doctrinam in istis oris propagaturi sunt, opera collocari debet, percenset, librosque iis accurate perdiscendis inservientes enumerat, ut de iis ante alios omnes coemendis solliciti sint, quibus rei Christianæ cordi sunt incrementa. Imo & rationem ostendit, qua & comparari & instrui conservarique hujusmodi Bibliothecæ aptissime valeant. Quem scopum suum uti præsentii opusculo consequi unice optat; ita deinceps in fratrum sociorumque suorum gratiam, fusio- rem delineationem sese editurum pollicetur, qua & fidei nostræ singula capita, & ea, ad quæ illius vi obstringimur officia, indicatis semper, qui iis penitus pernoscendis adhiberi debent, & veteribus; & modernis Scriptoribus, haud paulo prolixius sit persecuturus.

EMBLEMATA MORALIA, SCRIPTA QUONDAM HISPANICE a JOANNE DE BORJA; Latinitate donata a L. C. C. P.

Berolini, apud J. M. Rudigerum, 1697, in 4. Alph. 1. pl. 3.
cum figuris æneis.

Quanto magis in effingendis Emblematis ingeniosi Hispani vulgo reputantur: tanto rectius de Republica Literaria cenferi debet meritis, qui Emblemata hæc Moralia, jam quidem A. 1581 Præ- gæ, sed Hispanico sermone edita, Latino nunc induta habitu, in lucem iterum protraxit. Atque hæc quidem unicuique perlustranda relinquimus. De Auctore vero eorum cum id unum in Præfa- tione monuerit Bibliopola, amplum eum ac honoratum locum in aula Philippi II Hispaniarum Regis tenuisse, id memorandum insuper ex Nicolai Antonii *Bibliotheca Scriptorum Hispania, qui post an- num MD floruerunt*, duximus, fuisse eum celeberrimi illius *Francisci de Borja*, Gandiæ in Regno Valentia Ducis, ac postea Jesuitarum Sodalis tandemque post Ignatium & Lainium Præpositi Generalis, filium secundo genitum; Regium vero apud Rudolphum II Cæ- sareum Legatum, Mariæ Austriacæ Imperatricis & Margaritæ Hispaniarum Reginae Oeconomum, nec non Philippo III Hispaniarum Regi a Consiliis Status.

HISTO-

Lipsiæ, sumptibus Gottfriedi Liebzeiti, 1697. in 4. Alph. 5. pl. 5.

PROLIXOS equidem Commentarios Ecclesiasticos, antiquitatis sacræ uberrimo apparatu refertos, condere decreverat Kortholtus celeberrimus, sed morte præventus metam constitutam assequi haud potuit. Interim committere noluerunt hæredes beati Viri, ut prima velut operis illius lineamenta, aut penitus interciderent, aut ex ejus forsitan Lectionibus non satis accurate excepta ab aliis ederentur; unde (id quod futurum nos jam anno 1694. mense Junio p. 288 fuimus polliciti,) eadem ex schedis manu ipsiusmet Auctoris consignatis publicæ luci nunc exposuerunt. Sicut autem ibi seculorum a nato Christo omnium decursus ad nostra usque tempora, succinctis quidem, ast eruditis tamen narrationibus illustratur: ita eam in singulis methodum teneri observes, ut primo semper loco de Imperatoribus seculum quodque attingentibus, deque statu, quem Ecclesia sub iisdem habuit; mox de enatis secundum ordinatam temporum intervalla Hæreticis Schismaticisque, & agitatissimis sacris controversiis; post de Synodis per orbem celebratis; ac tandem de Viris Forminisque sanctitate aut doctrina ævum suum illustrantibus sermo instituatur, seculumque nullum ante finiatur, quam juvandæ memoriæ gratia brevis rerum hætenus commemoratarum repetitio annexa fuerit.

LIBRI NOVI.

Mensonia Alting Notitia Germania Inferioris Antiqua, qua hodie est indicione VII Fæderatorum. Amstelad. apud Henr. Werstenium, 1697. in fol.

Petri Francii Specimen Eloquentiæ exterioris ad Orasionem M. T. Ciceronis pro A. L. Archia accommodatum. Amstel. apud H. Weiff. 1697.
Le Opere di G. B. P. di Moliere, arricchite di bellissime figure. Tradotte da Nic. di Casbelli. In Lipsia, appresso Gio. Lodovico Gleditsch; 1698. 12.

ERRATA.

Pagina anni hujus 211, lin. 30. leg. *alii*. Pag. 213. lin. 23. leg. (VHC). VRP; ibid. lin. 25. pro EG. VHC, leg. EG: VHC. P. 215, lin. 18. pro EP leg. EF.

* * * * *

ACTA ERUDITORUM

Publicata Lipsiæ

Calendis Octobris, Anno M DC XCVII.

THESAURUS ANTIQVITATVM ROMANARVM, CONGESTVS

à JO. GEORGIO GRAEVIO. *Tomus tertius, quartus,
quintus & sextus.*

Trajecti ad Rhenum apud Franc. Halmam, & Lugduni Batavorum
apud Petrum van der Aa, 1696 & 1697. fol. Constant 29 alph.
121 tabulis æneis majoribus, plurimisque minoribus.

Ingentem Romæ, gentium dominæ, splendorem extitisse & magnificentiam, templorumque, fororum, basilicarum, porticum, theatrorum, circorum, aquæductuum, insularumque copiam, parietinæ, quæ adhuc de tantis tamque insanis substructionibus supersunt, ostentant. Has ex præcis saxis, nummis, & veterum scriptorum monumentis explicatas, ac veluti redintegratas denuoque excitatas, ad posterorum eorumque, qui Romanam ipsam aut Italiam non accedunt, memoriam transmissere & veluti oculis obicere docti viri, in libris editis admiranda hæc opera conspicienda præbentes. Quas præstantissimorum hominum lucubrationes colligere, & justis voluminibus compingere satagit doctissimi Grævii industria: cujus primordia, seu priores duos tomos, tribus abhinc annis editos, in Actis anni 1695 mense Febr. p. 49 recensuimus, idem nunc facturi, & quatuor, qui post priores istos duos in publicam lucem prodire, tomos breviter enarraturi.

In tertium tomum doctissimus Collector congestit scriptores, qui Romæ veteris situm, ambitum, regiones, montes, aquas, portas, vias, vicos, insulas, domos indagarunt: præmissis Francisci Robortelli de provinciis p. 1. de judiciis p. 11. de magistratibus Imperatorum p. 37. de gradibus honorum & magistratuum p. 43. de mensum ex nominibus Imperatorum appellatione p. 23; nec non Junii Rabinii de

Kkk

ba-

basilicarum & aulicarum origine p. 17. Guidonis item Pancirolli de *municipalibus* p. 47. & de *corporibus artificum* p. 17. haud facile obviis Dissertatiunculis. Majoris operis & justorum voluminum mensuram implent, quæ sequuntur, Barth. Marliani *topographia Roma* p. 54. Onuphrii Panvinii *antiquæ Urbis imago* p. 203, quæ commentarium in Sexti Rufi *de regionibus Urbis* librum, qui p. 26. legitur, continet; Guid. Pancirolli *descriptio Urbis Romæ*, & *de illius XIV regionibus* commentarius p. 317. Georgii Fabricii *Roma* p. 393. Alexandri Donati *Roma vetus ac recens* p. 469. plurimis elegantissimis instructa iconismis.

In quarto tomo principem sibi locum vindicat præclarum opus Famiani Nardini, *Romæ veteris* titulo conspicuum, post ipsius obitum anno 1666 ab Octavio Falconerio lingua Italica editum, studio Jacobi Tollii, antequam is anno superiore vivis excederet, ex ea in Latinam translatus p. 877, cui præmissæ sunt *quindecim tabulae* nitidissimæ, loca & ædificia tam veteris quam novæ Romæ exhibentes, a Livino Cruyllo concinnatæ, tanta cura & attentione, ut ne minima quidem res artificis diligentiam effugerit, sed omnia in iis ad vivum verique similitudinem accurate expressa sint, referendæ ad adjectam topographicam Romæ tabulam a Joh. Bapt. Falda delineatam. Nardini ponderoso operi breviores adjecti sunt libelli: Oct. Falconerii de *pnyamide C. Cestii Epulonis* ab Alexandro VII Pont. instaurata anno 1663, dissertatio p. 1461. ejusdemque ad Carolum Datum epistola de *latere ex ædificii veteris ruderibus* anno 1661 eruto cum inscript. TIT. ET. GALL. COS. TERT. D. L. EX. F. CAN. OP. DOLI. I. quam sic explicat, *Titiano & Gallo Consulibus Tertulius Decii Libertus Ex Figulina Canonis Operis Doliarum prima* p. 1483. Isaaci Vossii de *magnitudine antiquæ Urbis Romæ* anno 1685 edita dissertatio p. 1491. Olai Borrichii de *antiqua Urbis Romæ facie* liber anno 1687 excusus p. 1517. Sexti Julii Frontini de *aquæductibus Urbis Romæ* commentarius, cum notis Rob. Keuchenii p. 1625. Raph. Fabretti de *aquis & aquæductibus veteris Romæ* dissertationes tres p. 1677. Jo. Chiffetii de annulari vetere gemma, in qua *Aqua Virgo* expressa est, libellus p. 1779. Lucæ Holstenii commentariolus in veterem picturam, quæ *Nymphaeum* refert p. 1797. Ejusdem dissertatio de *pila stessiliari* p. 1803. & de *milliario aureo* p. 1806. Petri Ciaccio

nii explicatio *columna rostrata* p. 1807. Jac. Sirmondi explanatio antiquæ inscriptionis, qua *L. Scipionis Barbati F.* expressum est elogium p. 1833. Josephi Castalionis de *Paciæ templo*, unde columna exempta in Exquilinum est translata, p. 1842. de inscriptione *obeliscæ* Sixto V ante portam Flaminiam statuti p. 1857. de columna triumphali *Imp. Antonini* per Sixtum V Paulo Apostolo consecrata commentarioli p. 1939. Petri Angeli Bargæ de *versoribus adificiorum Romanorum* epistola p. 1867. ejusdemque de *obelisco* supra memorato ad Sixtum V commentatiuncula p. 1893. Tomum hunc claudunt *fragmenta vestigiū veteris Romæ*, ex lapidibus Farnesianis, cum notis Jo. Petri Bellorii edita p. 1955.

Tomum quintum occupant potissimum scriptores, qui sacra, cæremonias, & omnem religionis Romæ veteris cultum explicarunt. In quibus principem locum tenent Jac. Gutherii quatuor de *jure pontificio* libri Parisiis 1612 primum editi, p. 1, in Præfatione a Cl. Editore passim notati. Sequuntur Jo. Andreæ Bosii (quo cive ob natales urbs nostra gloriatur) duæ exercitationes, altera de *Pontifice Maximo Romæ veteris* p. 225, altera de *Pontificatu Maximo Imperatorum Romanorum*, Jenæ 1656 & 1657 evulgatæ. Mich. Ang. Causei de la Chaussée *insignia Pontificis Max. Flaminis Dialis, Auguris, aliorumque instrumentis sacrificantium*, tabulis XXV delineata p. 313. Augustini Niphi de *auguriis* libri duo p. 324. Julii Cæs. Bulengeri de *sortibus, auguriis, auspiciis, ominibus, prodigiis, terra motu & fulminibus* libri quinque p. 361. Jo. Bapt. Belli diatriba de *templo augurali* Tolosæ 1637 excusa p. 541. Jo. Pierii Valeriani declamatio de *fulminum significationibus* p. 591. Justii Lipsii de *Vesta & Vestalibus* Syntagma p. 619. Ezech. Spanhemii de *nummo Smyrnaeorum, inscripto ΣΜΥΡΝΑΙΩΝ ΠΡΥΤΑΝΕΙΣ*, seu de *Vesta & Prytanibus Græcorum* diatriba, antehac Seguini selectis numismatibus antiquis Parisiis 1672 editis adjecta, nunc vero luculentior & copiosior prodita, multisque nummorum aliorum explicationibus erudite illustrata p. 659. Hier. Aleandri explicatio *Tabula Heliacæ*, Parisiis 1617 edita p. 602. Mich. Ang. Causei de la Chaussée *Deorum simulacra, idolaque* tabulis XLII expressa p. 765. Jo. Bapt. Hanfenii de *jurejurando veterum* liber, Tolosæ 1614 editus p. 797. Stephani Trellierii de *jurejurando* dissertatiuncula p. 869. Erycii Puteani de *antiquorum jurejurando* schediasma p. 885. Marci Zuerii Boxhornii *questiones Romanae* Lugduni

1636 publicijuris facta p. 903. adjectis notis in Plutarchi *Peripatetici* P. 974.

Tomo sexto exhibentur Franc. Bern. Ferrarii de *veterum acclamationibus & plausu* libri septem, Mediolani 1627 editi p. 1. Petri Berthaldi liber singularis de *ara*, Nannetis 1636 evulgatus p. 231. Ben. Bacchini commentatio de *sistris*, eorumque figuris ac differentia, cum notis Jac. Tollij, p. 407. Casp. Sagittarii de *januis veterum* liber 1670 editus, cui analecta 1694 adjecit p. 407. Sequuntur scriptores de *re vestiaria*: Laz. Baysius p. 551. Octavius Ferrarius p. 605, qui tres ejus argumenti libros 1642, quatuor 1654, analecta eorum 1670 dedit. Albertus Rubenius p. 913. quam commentationem primus ante annos XXXIII edidit post mortem auctoris Grævius. Jo. Bapt. Donii & Bartoli Bartholini dissertationes de *panula* p. 1149. 1157. Aldi Manutii tres epistolæ de *toga Romanorum* p. 1189. *tunica* eorundem p. 1203. & *tibiis* veterum p. 1209. Claudit tomum Theophili Raynaudi tractatus de *pileo caterisque capitis tegminibus*, tam sacris quam profanis p. 1213, qui sub *Anselmi Solerii* nomine, primum Lugduni 1655, & deinde cum multis figuris, minori forma, typis Amstelodamensibus 1662 prodierat.

AN ACCOUNT OF REASON ET FAITH &c.

Hoc est

RATIONIS ET FIDEI, PROUT AD MYSTERIA CHRISTIANA Religionis referuntur & Consideratio. Autore IOANNE

NORRIS A. M. Bemertona prope Sarisburiam Rectore.

Londini, apud S. Manship, 1697. in 8. Alph. 1.

NON dissimulat Rev. hujus opusculi Autor, occasionem sibi primam dedisse, ut istud scriptionis argumentum sibi deligeret, librum non ita pridem in Anglia, titulo *Christianismi nihil mysterii habentis*, evulgatum: cujus Autorem, in mox repetita editione ejus, Joannem Tolandum sese professum esse novimus. Librum istum tam procaci audacia atque irreverentia sanctissimæ religionis nostræ mysteria impugnare ait, ut constitutum initio habuerit, data opera eam, quam continet, doctrinam examinare atque evertere. Mox tamen, mutato consilio, rectius sibi facturus visus fuit, si vera de isto argumento sententia stabilita, talia fundamenta sterne-

ret,

ret, quibus bene consideratis, arenæ superstructa esse Tolandi moles, atque ruinæ suæ imminere cuivis appareret. Quod ipsum ut eo facilius consequeretur, brevem rerum potissimarum applicationem, ad motas a Tolando controversias, coronidis loco adicere primum in animo habuit. Verum cum eam quoque nemini Lectorum valde, difficilem fore postmodum secum reputasset, isto etiam labore superfedere se posse existimavit.

Cum itaque ii, qui fidei mysteria in dubium vocare, imo aperto Marte oppugnare non verentur, nefarii istius facinoris nullam aliam habeant causam, quam quod fidem non mereri existiment, quicquid rationem humanam supergreditur; in hunc vero errorem ea sola ex causa adducantur, quod veritatis mensuram, & canonem, ad quem exigenda veluti sit, rationem esse sibi persuaserint; hæc tanquam vera & genuina eorum principia, utcunque ea dissimulare conentur, evertenda sibi esse duxit.

Rem ipsam itaque a luculenta Rationis descriptione auspicatur, per quam variis, quas vox admittere solet, notionibus remotis, nihil aliud quam intelligendi facultatem sive ipsum intellectum, sese significare ait. Uti autem ejus naturam atque essentiam describere non audet, cujus nullam in mente sua producere se posse, ideam ingenue fatetur: ita in operationibus ejus explicandis haud paulo prolixior est. Et quidem initio statim suum a vulgo Logicatorum testatum facit dissensum, qui tres intellectus seu mentis esse statuunt operationes, *simplicium apprehensionem, judicium, & discursum*; cum *discursus* tamen non tam nova aliqua operatio, quam *judicii* species sit, utpote qui nihil aliud sit, quam judicium de consequente ex antecedente illatio. Imo in eo etiam illos taxat, quod judicium atque discursum ad intellectum referant, cum ad voluntatem potius pertinere videantur. Solam enim perceptionem intellectus esse operationem, inde patere existimat, quod solum & unicum ejus objectum veritas sit. In veritate autem cum nihil præter ideas earumque ad invicem relationes sit obvium, consequens esse censet, ut nihil præter illarum apprehensionem intellectui relinquatur, adeo ut ubi rem ejusque ad alias res relationem perceperimus, eam intelligere recte dicamur. Jam itaque, inquit, si nihil aliud quam perceptio est, quicquid ad intellectum pertinet,

p. 11.

p. 24.

p. 26.

p. 27.

p. 30.

p. 31.

- judicio sane locus in eo esse nequit: aliud enim quid a perceptione
 p. 32. judicium est, cum judicare de rebus perceptis dicamur. Idemque
 iudicii a perceptione discrimen inde quoque elucescere ait, quod sal-
 li quandoque istud, hæc nunquam possit. Ad voluntatem itaque
 ablegandum esse judicium, cum nihil aliud sit, quam ejus in repræ-
 sentationibus ab intellectu factis acquiescentia, concludit, atque
 quod hæc sententia cum quamplurimis principiis practicis explicare
 alias difficillimis conspiret, demonstrare nititur. Excluso itaque
 p. 36. ex numero operationum intellectus judicio, dari sibi postulat, uni-
 cam intellectus operationem perceptionem esse, cujus ut melius
 pateat indoles, vel simplicem eam esse dicit, quæ sit idearum, vel
 complexam, quæ sit relationis, quam ad se invicem habent ideæ. Hanc
 rursus vel immediatam statuit, quando scilicet relatio ista menti
 innotescit ex nuda ipsarum idearum, de quarum ad se invicem re-
 latione agitur, inter se comparatione: vel mediatam, quando ni-
 mirum ad relationem istam cognoscendam opus est tertia aliqua
 idea, sine cujus interventu illæ apte secum invicem non poterant
 p. 37. contendere. Complexam istam perceptionem absolvere eam quam
 vulgo dicimus *scientiam*, in sequentibus docet, quam assensum evi-
 p. 37. 55. dentem a nonnullis definiri reprehendit, cum *assensus* voluntatis,
 p. 40. non intellectus sit. Eam autem, pariter ac perceptionem com-
 plexam, geminam, vel immediatam nimirum sive intuitivam, vel
 p. 41. mediatam sive demonstrativam esse, eodem inter utramque ac
 inter perceptionem complexam immediatam mediatamque inter-
 cedente discrimine, ostendit. Ea quæ immediata scientia novimus,
 p. 44. *principia*, quæ mediata scientia nobis innotescent, *conclusiones* pas-
 sim appellari observat, variasque diverforum istorum cognoscendi
 c. II. p. 53 modorum affectiones indicat: quas tamen, ne in ipso limine hujus
 libri nimis prolixi simus, merito prætermittimus. Ideoque ad ea
 progredimur, quibus non minus prolixè, atque accurate, in fidei na-
 turam deinceps inquirat: quam postquam accurate a scientia & opi-
 nione distinxisset, *assensum inevidentem* satis rectè appellari largiur;
 qua tamen ratione ista ei appellatio competat, fuscè persequitur.
 p. 45. Summa observationum ejus eo redit: Inevidentiam istam non esse
 querendam in formali, uti scholæ loqui amant, fidei ratione, sed
 in

in objecto ejus. Imo nec objectum undiquaque esse inevidens, sed ea tantum, quæ ab intrinseca ejus natura est, carere evidentia, & hanc quoque inevidentiam, non tam ad sensum alicujus propositionis, quæ fidei sit objectum, quam ad veritatem ejus pertinere.

Quin & cum veritas propositionis hujusmodi inevidens dicitur, non ita accipiendum id esse, ac si simpliciter & in se spectata semper talis esse illa debeat, sed tantum quatenus objectum fidei est. Et

p. 47-

ex hac doctrina anticipando consuetaria nonnulla elicit, quæ eorum, quos impugnatur, causam haud parum labefactare videntur: quorum præcipuum est, id quod supra rationem est, supra fidem statim non esse, cum fides, divina imprimis, cui Dei autoritas omnis instar evidentia est, evidentiam in objecto nullam requirat. Inde vero

p. 90-

de fide implicita & explicita nonnulla addit, atque ea occasione ad celebrem inter scholæ Doctores quæstionem delabitur, an scilicet ad intellectum, an, quod ipsi verum magis videtur, ad voluntatem fides sit referenda. Cum autem porro multum ad causam, quam,

p. 95.

agendam sibi proposuit, faciat probe intellecta inter id quod supra, & id quod contra rationem est, distinctio, quam omnibus viribus ut evertant, nituntur mysteriorum jurati hostes Sociniani; peculiari capite ejus explicationem suscipit. Ubi postquam in Illustris

c. III. p. 100

Boyllii ea de re sententia quædam desiderasset, supra rationem esse dicit id, cujus, postquam revelatum etiam est, modum & rationem assequi mentis acies nequit; contra rationem autem id esse putat, quod impossibile & contradictorium esse, menti humanæ est evidens. Utque eo clarius pateat, falsum esse, quod Sociniani cavillantur, nullum revera inter utrumque intercedere discrimen, manifestissimum id, ea inter se conferendo reddit, quin & ad exempla rerum provocat, quas rationem superare, & veras tamen

p. 116. 131.

p. 123.

esse, id est rationi non adversari, ipsi qui illud discrimen vel maxime impugnant, non audeant negare, aliisque argumentis illud luculente confirmat, & denique objectionibus nonnullis responder.

p. 127.

Atque sic demum mensuram & canonem veritatis rationem humanam non esse, probare aggreditur. Licet enim Cartesii affectis concedendum esse putet, verum id esse omne, quod clare & distincte percipimus; nondum tamen hoc ipso in eo, quod impugnat, fastigio rationem collocari censet, cum versa vice affirmare non liceat,

p. 129.

c. IV. p. 137.

p. 143.

ceat,

- p. 146. ceat, quicquid clare & distincte non percipitur, illud falsum esse. Præcipuum autem, quo thesin suam firmat, argumentum illi est, quod id, quod canonis instar & mensuræ ad veritatem se habere debet, adæquatum illi, nec arctioribus quàm ipsa circumscriptum limitibus esse oporteat: talem vero rationem humanam non esse, tam ex ipsius natura, quam ex natura veritatis prolixè probat.
- p. 149. Et hanc quidem quod attinet, infinitam eam esse evincit. Malebranchii namque, uti videtur, principia secutus, necessarias veritates atque æternas, quas a veritatibus contingentibus distinguit, nihil aliud esse quam relationes inter ideas: ideas autem illas divinas (cum immediatum intellectus nostri objectum aliud non sit, quam ipsæ ideæ intellectus divini, in quo omnia contemplerur) adeoque infinitas esse docet, utpote quæ, id quod prolixè probat, essentielles Dei existant perfectiones, realiter, ut cum scholis loquamur, cum ipso identificatæ. Tacemus reliqua, quæ pro veritatis infinitate, tum ex divinæ naturæ, tum ex nostræ contemplatione, deprompta urget: quin potius ad alteram argumenti ipsius partem, qua rationis humanæ finitam & limitatam naturam expendit, ut finitum infiniti mensuram esse haud posse concludat, deveniamus. Eam itaque allatis compluribus ignorantæ nostræ, in rebus etiam, quæ sensibus ipsis sunt expositæ, exemplis absolvit, nec opus esse putat, ut multum urgeat corruptionem, quæ a peccato ei obtigit, cum natura sua satis sit circumscripta, firmoque adeo fundamento conclusionem suam inniti persuasus, objectiones quasdam ad evertendam illam compositas ab ea depellit. Præcipua est, humanam rationem, licet omnes veritates non assequatur, assequi tamen omnes posse, modo ipsi proponantur, adeoque veritati non collectivè quidem (uti clar. Auctor loquitur) sed distributive tamen acceptæ esse accommodam.
- p. 178. Ad quam ita respondet, ut & adæquatam veritati dici non posse rationem, sine collectivè acceptæ veritatis cognitione, ostendat, & incertum esse demonstret, an distributive etiam acceptæ veritati ratio nostra viribus suis exacte respondeat: imo potius id ipsum, quod universam in tota extensione sua veritatem animo complecti non valeamus, ineptos nos reddere particularibus quoque cognoscendis veritatibus ostendit, & petito ab intellectui nostro obscuris providentiæ divinæ mysteriis exemplo luculente confirmat. Imo plane
- p. 151.
- p. 153. 167.
- p. 168.
- p. 170.
- p. 174.
- p. 177.
- p. 179.
- p. 183.
- p. 184.

nihil efficere ista objectione adversarios demonstrat, cum infinita non tantum quoad extensionem suam considerata veritas sit, sed in ipsa quoque natura sua spectatæ infinitæ particulares veritates existant, utpote quæ, ut supra ab eo probatum fuit, ideæ divinæ sint ad ipsam Dei essentiam pertinentes, & in natura sua infinitæ; quotquot nimirum earum absolutæ sunt, ad substantiam divinam in seipsa consideratam pertinentes, non relativæ & creaturarum (ut loqui amat) repræsentativæ, utpote quas ut finitas considerandas esse, non diffitetur. Ast vero licet etiam concedatur, finitam esse veritatem, fieri tamen posse ostendit, ut ejus mensura non sit humana ratio, cum probari non possit, æqualibus terminis utramque circumscribi æque finiri. Imo ne posse quidem vel hoc modo eam veritatis mensuram esse existimat, idque propterea, quod ipsa experientia nos doceat, multarum rerum nos destitui ideis, quodque cognitio unius rei, quam nonnunquam affectamus, pendeat ab idea alterius, qua penitus destituimur. Quod ubicunque accidit, utut vel maxime finita veritas, in qua indaganda versamur, sit, non magis tamen a nobis addisci potest, quam si omnino esset infinita. Sic v. c. quid sit libertas, quid item præscientia, novimus omnes; quod autem exacte satis assequi non valeamus, quomodo actus nostri liberi præscientiæ possint esse objecta, id inde unice esse putat, quod nullam habeamus, quæ animam nostram nobis repræsentet, ideam. Postquam itaque hac ratione evicisset, incomprehensibiles dari veritates, mensuramque adeo veritatis rationem non esse, duobus inde deductis consecutariis finem huic disceptationi imponit: quorum prius est, ut ne inviti nonnulla ignoremus; alterum est, quod superius etiam adstructum fuit, dari res quæ supra, non contra rationem humanam sunt, vanamque adeo illam distinctionem non esse. Conclusionem vero, quæ ex ista doctrina elicitur, non licere scilicet contra veritatem cujusquam rei argumentari ex eo, quod ratio illam assequi non valeat, peculiari capite expendit. Hæc enim si procederet arguendi ratio, manifestum fore putat, esse mensuram veritatis rationem; id quod tamen falsum esse, hæcenus copiose dedit probatum. Atque adeo ut fidem aliquid nullam omnino mereri constet, non sufficere ostendit, si rationi in evidens illud esse demonstretur. Cum enim non evidens veritas, sed veritas in genere objectum fidei sit, non inevidentem tantum, sed falsam etiam

p. 192.

p. 213.

p. 217.

p. 219.

p. 227.

c. V. p. 230.

c. VI. p. 243

c. VII. p. 254.

- iam esse rem, quam credi nolunt, mysteriorum hostibus probandum existimat. Duas autem præcipue eorum, quibus causam suam eueri conantur, objectiones examinat, ad quorum primam, qua fidem esse dicunt actum rationalem, adeoque id quod supra rationem est credi non posse, distinctione respondet inter actum rationalem evidentia interna sive objecti, & inter actum rationalem evidentia externa sive rationis suæ formalis & causæ impellentis subnixum. Si priori ratione actus rationalis sumatur, fidem talem esse negat; si posteriori, concedit, sed non procedere argumentum dicit: non enim sequi ex eo, quod ratio cur aliquis credat evidens sit, rem ipsam etiam creditam in sua natura evidentem esse atque perspicuam, nec proinde rationis captum superare. Ad alteram autem objectionem ex Cartesii schola petitam, quæ assensum præstare prohibet ei, quod clare & distincte non percipimus, neutiquam vulgari distinctione inter res ad fidem & ad rationem spectantes respondendum putat. Namque & in rebus ad rationem spectantibus assensum nobis nonnunquam extorqueri, licet eas clare percipere non valeamus, & fidei res clarissima quandoque haud carere evidentia ostendit. Inter evidentiam itaque distinguendum potius esse censet, & in Cartesii canone non internam præcise evidentiam, sed quamcunque, sive externam sive internam, intelligendam esse putat. His vero ita stabilitis, genuinum denique rationis usum in rebus ad fidem pertinentibus ob oculos ponit: atque primo ostendit, in nulla re melius & officio hominis convenientius rationis vires collocari, quam in religionis examinanda. Deinde nullam religionem minus causæ habere rationis subterfugiendi examen quam Christianam, quæ tota sit, cultus rationalis; cum Gentilis contra, ne ei exponeretur, omni argumentorum genere opus habuerit. Parumque adeo abest, quin calumniatorum dicam scribat Tolando ejusque similibus, qui passim innuant, rationem abjuratam cupere eos, qui adversas ipsis partes sequuntur. At recte ratione in rebus fidei eos tantum uti docet, qui examinent & inquirent, non an ratio assequi valeat ea, quæ ut credantur ei proposita sunt, sed an a Deo sint revelata. Et sic denique hæcenus dicta omnia ad mysteria Christianæ religionis paulo propius accommodat, quæ eo quod supra rationem, atque adeo ei in evidentiis sint, supra fidem etiam esse, tantum abesse putat, ut poti-

us cum Malebranchio ex eo ipſo argumentum pro veritate eorum, ducat, ea quæ humana ratio percipere non valet, ab ea inveniri etiam non potuiſſe perſuaſus. Omittimus quæ ea occasione de interpretatione Scripturæ, in qua ii, contra quos hic potiſſimum ſuſceptus fuit labor, ita verſantur, ut id quod ſupra rationem ſuam eſſe putant, clariffimo litteræ ſenſu hæretica pravitate male detorto, eidem accommodent, monere clariffimo Autori placuit: nec non ea, quæ ex hypotheſi eorum urgeri poſſe dicit, qui ne ſupra rationem quidem eſſe fidei Chriſtianæ capita cenſent: item quæ de voce myſterii contra Tolandum, qui cam nunquam de doctrina revelata & rationi imperſcrutabili, ſed de quacunque re deinceps manifeflanda in S. Litteris uſurpari docuerat, aſſert. Quam objectionem non inutilem tantum ad præſens negotium eſſe judicat, ſed frivolam etiam, cum antiquiſſimam ſaltem Eccleſiam hoc ſenſu voce iſta uſam conſtet. Id ex coronide huius opusculi adhuc annotare liceat, inſigni elogio in ea Whiſtonum, de cujus tractatu anno 1696 edito alias dicturi ſumus, ornari, quem plane probabilem diluvii a Moſe deſcripti rationem reddidiſſe Autor cenſet, atque hoc ipſo exemplo procacem adverſariorum præcipitantiam reprimendam putat, qui eo ipſo ne de phyſicarum quidem, multo minus de propius ad fidem & religionem ſpectantium rerum, impoſſibilitate temere pronuntiandum eſſe, debeant edoceri.

ספר חנוכת הבית

i. e.

LIBER INITIATIONIS TEMPLI, SEU EXPLICATIO FIGURÆ ſtruſturaque templi ultimi deſtruſti, juxta omnem modum & diſpoſitionem ejus, tam generalem quam ſpecialem. Adjuncta eſt ἱερογραφία Templi univerſi; præterea nonnullarum partium ejus figuræ operi inſerſæ ſunt.

Venetii e Typogr. Bragadin. A. 5456, i. e. C. 1696, in 4. Plag. 15.

Mirandum merito, viros doctrina & fama celebres illuſtrandis atque delineandis magnificentiffimis Græcorum, Romanorum aliorumque populorum ædificiis, tantam operam impendiſſe; ædificium vero omnium longe magnificentiffimum, Hieroſolymitanum nempe Templum, tam prius quod ædificavit Salomo Rex, quam poſterius quod devaſtavit Veſpaſianus, poſt tot Scripturæ ſacræ, Miſhæ

& Josephi testimonia, intactum quasi reliquisse. Quod si Christianis scriptoribus vitio verti possit, e quorum numero tamen aliqui, ut *Job. Bapt. Villalpandus*, *Lud. Capellus*, *Job. Lightfootus* & *L. C. Sturmius* ad illustrationem magnificæ hujus molis nonnihil contribuerunt: Judæis exprobrandum maxime venit, qui si ullam aliam, hanc imprimis materiam negligenter tractarunt, cum de aliis nugis spissa satis volumina in lucem emiserint. Præterea enim, quæ hinc inde sparsim apud Commentatores Talmudicos in Misnicum tractatum Middoth, ea de re inveniuntur, & quæ *Jac. Jebuda Leo* libris IV de Templo Hierosol. latine a *Joh. Sauberto* redditus, itemque *R. Jacob Jebuda Arjeb* Judæus Amstelod. A. 5410, C. 1650, sub titulo תבנית היכל, & alius *R. Lipman Levi Haker* Pragensis sequenti anno sub titulo צורת בית המקדש הנראה לירחוקאל libros evulgarunt, paucos aut forte nullos alios deprehendes, qui ex professo sibi hoc præsumpserint, ut digni aliquid de tam splendido ædificio commentarentur. Nuper vero (ut de Christianis taceamus, inter quos publicato ante paucos menses de Ara exteriori Templi secundi libello, sibi laudem comparavit *Job. Jac. Cramerus*, Tigurinus,) inter Judæos aliquis surrexit, qui Templi secundi figuram, dispositionem, proportionem partium, magnificentiam, elegantem & satis, ut apparet, accurate, resolutis omnibus, quæ apud reliquos Judæos reperiuntur, difficultatibus, descripsit in illo libro, quem hic exhibemus. Est is *R. Moses* filius *R. Gersom Chapatz*, in præfatione libri nomen expressum legitur. Cum vero prolixior liber sit, quam ut omnium ejus LVIII capitum, quorum in singulis aliquam ædificii partem Autor illustravit, διὰ ληψις intra hoc angustum spatium, quo nostri librorum recensensus circumscribuntur, comprehendi possit, satis præstitisse nos arbitrati sumus, si cum universi ædificii ichnographiam, tum & paucas alias figuras ex Autore, in conspectum benevoli Lectoris produceremus, atque earundem explicationem paucis subjiceremus. Sequitur itaque primum Templi delineatio 58 figuris comprehensa, quor etiam sunt ædificii partes: estque simul hæc omnium libri capitum syllabe:

Tab. VII.
fig. 1.

- 1 Mons Domus seu Templi, cujus ambitus 500 cubitorum quadratorum muro inclusus.
- 2 Murus montis Templi orientalis, in quo porta orientalis.
- 3 Ambæ portæ Hhulda vèrsus meridiem.

4 Porta



VII. ad A.



- 4 Porta Kipponos seu Coponii ab occasu.
- 5 Porta Thadde ad latus septentrionale.
- 6 Soreg seu paries affabre cancellatus, 10 palmos altus.
- 7 Chel spatium intra parietem & murum atrii 10 cubitos latum. Ex eo per 12 gradus ascendebant in atrium mulierum.
- 8 Atrium mulierum. Tetragonum 135 cubitos longum & latum.
- 9 Quatuor conclavia in quatuor atrii angulis.
- 10 Synedrium parvum 23 virorum. Alterum parvum synedrium erat ad portam montis domus orientalem.
- 11 Porta Nicanoris ad orientem atrii Israelis. Ingressus in hanc portam per 15 gradus semicirculares, qui erant in atrio mulierum.
- 12 Conclave Pinchas vestiarii, & aliud conclave pistoris ad ambo portæ latera.
- 13 Porta Haddelek seu ardoris versus meridiem.
- 14 Prope isthanc porta primitiarum.
- 15 Porta aquarum ad idem latus, sed magis orientem versus. Super ejus tectum domus ablutionis.
- 16 Porta Nizzoz seu scintillationis ad septentrionem. Supra hanc extructum conclave pro sacerdotibus, excubias agentibus.
- 17 Porta Corban seu oblationis huic proxima.
- 18 Beth moked, seu locus ignis accensi. Ibi porta in atrium sacerdotum tendens.
- 19 Quatuor conclavia in 4 ejus angulis.
- 20 Duo conclavia sub atrio Israelis, quibus asservata fuerunt instrumenta musica.
- 21 Atrium Israelis 135 cubitos longum in latitudine, & 11 latum in longitudine atrii.
- 22 Dochan seu pulpitum 3 graduum.
- 23 Atrium sacerdotum 11 cubitos latum & 135 longum.
- 24 Conclave salis ad oblationes inservientis sub atrio.
- 25 Conclave Parvah priori vicinum ad saliendo pelles sanctas.
- 26 Conclave abluentium, ad abluenda viscera victimarum prima vice.
- 27 Tectum domus Parvah, ubi balneum pro abluendo summo sacerdote.
- 28 Conclave ligni seu Parhedrin pro summo sacerdote.
- 29 Conclave putei.

- 30 Conclave Gazich, cujus dimidia pars in Sancto, & altera dimidia in communi seu extra Templum in monte domus. Ibi synedrii magni locus.
- 31 Conclave familiæ Abtines supra portam aquæ.
- 32 Altare holocaustorum, cujus ambitus 32 cubitorum.
- 33 Agger seu ascensus in altare.
- 34 Annuli ad immittenda illis colla bestiarum, quæ ad victimam ma-
ctabantur. Eorum sex ordines, & quatuor annuli in unoquo-
que ordine.
- 35 Octo mensæ marmoreæ, in quibus ablucebantur carnes & viscera
victimarum secunda vice.
- 36 Octo columnæ minores cum trabibus cedrinis transversis & unci-
nis ferreis, ex quibus pendeabant victimæ.
- 37 Lavacrum.
- 38 Tabula marmorea, ubi descensus in fundamentum excavatum.
- 39 Duæ mensæ, quibus superimposita intestina & instrumenta sacer-
dotalia.
- 40 Spatium inter porticum & altare 22 cubitorum.
- 41 Duodecim gradus, per quos ascendebant in porticum.
- 42 Porticus porta 40 cubitos alta & 20 cubitos lata.
- 43 Duæ mensæ intra porticum, cui aliquantisper imponebantur panes.
- 44 Porticus lata ab oriente versus occidentem 11 cubitos; ab aqui-
lone versus austrum longa 100 cubitos.
- 45 Beth hachali photh, 15 cubit. versus septentr. & 15 versus meridi-
em, ubi cultri & instrumenta mactatoria asservabantur.
- 46 Porta Templi stricte sic dicti, 20 cubitos alta, 10 lata.
- 47 Triginta octo procœtia, 15 ad septentrionem, 15 ad meridiem, &
8 ad occasum. Illis asservabantur res ad Templum necessariae.
- 48 Podium versus septentrionem ad adscendendum in tectum pro-
cœtiorum. Huic a meridionali latere opposita fuit domus de-
scensus aquæ.
- 49 Templum stricte sumptum, seu Sanctum, 40 cubitos longum, 20
latum.
- 50 Altare aureum, cujus perimetrum quadratum unius cubiti.
- 51 Candelabrum ad meridiem positum.
- 52 Mensa panum facierum ad septentrionem.

- 53 Tabula marmorea, de qua pulvis sumebatur ad Sota, seu uxorem adulterii suspectam.
- 54 Duæ columnæ aureæ, super quibus summus Sacerdos expiationis die sanguinem juvenei & hirci demittebat.
- 55 Tarkefin seu spatium cubitale cum duobus velis.
- 56 Adytum seu Sancti sanctorum locus, 20 cubit, longus & 26 latus,
- 57 Lapis foundationis, super quo arca fœderis olim posita fuit.
- 58 Postremum adyti, seu domus expiatorii, 11 cubitos latum.

Reliquæ tres figuræ annexæ, quarum in Tabula generali signa. TAB. VII.
sunt 42, 51, 52, cum propter angustum spatium ibi accurate depingi Fig. 2.
nequiverint, operi ipsi insertæ sunt. Et prima quidem illarum, est adumbratio magnificæ illius *Porticus Portæ*, altitudine, latitudine, splendore, magnificentia reliquas omnes superantis. Erat 40 cubitos alta & 20 lata, januas nullas habens, sed velo oblecta. Ascendebant in illam per 12 gradus, quorum singuli semicubitum alti, & lati cubitum integrum, excepto gradu quarto, septimo & duodecimo, qui ampliores erant. Gradus enim quarti & septimi latitudo erat 3 cubitorum, duodecimi autem 4 cubitorum. Ad majus portæ ornamentum supra eam exterius quinque epistylia extruxerant, quorum singula in longitudine duobus cubitis a se invicem distabant. Infimum epistylium incubabat in superliminari, præminens latitudinē portæ cubitum unum ab unaquaque parte, adeo ut hujus longitudo fuerit 22 cubitorum, ejus quod supra hoc 24, tertii 26, quarti 28, & ultimi 30, id quod superabat latitudinem portæ 5 cubitis ab unaquaque parte. Nec vero unum alterum attingebat, verum inter singulæ series lapidum erat.

Consideratione dignum etiam est *Candelabrum*, quod sub fig. 3 expressum est, de quo mira scripserunt, qui illius dispositionem ac descriptionem tradiderunt. Juxta Autoris nostri descriptionem habuit 7 ramos, tres ab unaquaque parte & scapum in medio, qui rami omnes ornati erant scyphis, globulis & flosculis. Singuli rami habebant tres scyphos, præter illum, qui erat in media parte scapi, qui conjunctim efficiunt 22: singuli suum globulum, præter illum, qui erat in media scapi parte, & tres alios ubi rami protendebantur, conjunctim 11: & singuli suum flosculum, qui una cum flore, qui erat in medio scapo, & qui erat infra ad pedem candelabri, 9 fuerat. In floribus ipsis deinde lucernæ ardebant. Fig. 3.

TAB. VII.
Fig. 3.

Figura quarta denique repræsentat *Mensam panum facierum*, de qua in Cap. 52 Autor tradit, quod fuerit duos cubitos longa & cubitum lata. Ex quatuor furculis seu paxillis aureis constabat, qui in superiori parte coronis aureis ornati erant, ita quidem conjuncti, ut duo ordines panum facierum super 28 bacillis imponi possent. Hi bacilli inter duas furculas ab utroque latere positi erant, super quibus jacebant panes, quorum sex erant ab unoquoque latere. Infimus omnium panis non jacebat super bacillos, sed in fundo mensæ: supra hunc tria bacilla aurea, æqualiter intervallis distantia, quibus impositus panis: supra hæc alia tria cum pane: supra illa iterum tria cum pane: & supra hæc alia tria cum pane: sextus panis super duobus tantum jacebat bacillis. Et sic etiam ab altero latere se res habebat. Ratio autem, quod bacilla panibus supponerentur, fuit, ut aer permeare illorum concavitatem posset, panesque a mucore & corruptione immunes conservarentur. In fundo mensæ stabat manipulus thuris, qui, cum auferebatur panis, in thyruiamate in honorem Domini comburebatur, & circumcirca hunc fundum clausuræ aureæ formatæ erant.

HISTORIA NUPERÆ RERUM MUTATIONIS IN ANGLIA &c.

Auctore EZEK. BURRIDGE, &c.

Londini apud A. & J. Churchill, 1697. in 8. Alph. 1.

QUæ in Anglia nostra ætate contigit rerum statusque conversio, ut exterorum animos attonitos suspensosque tenuit, & posteris etiam, quod admirentur & obstupescant, præbebit: ita & civibus, regnique incolis, illisque omnibus, quorum hætenus interfuit, aut Guilielmum aut Jacobum rerum potiri, fecundum satis disceprandi & ingenii periclitandi vires argumentum subministravit. Et Jacobi quidem partes præ ceteris tuendas suscepit Societatis Jesu Sacerdos, Petrus Josephus Aurelianensis. In tertio enim Historiæ suæ libro, quam de rerum statusque in Anglia conversionibus composuit, totius negotii seriem ita enarravit, ut populum Anglicanum magni sceleris ob ejectionem Jacobum Regem argueret, hunc vero ab omni culpa turpi remotissimum nihil ejusmodi promeruisse contenderet. Male id cum primis habuit Ezechielem Burridge, Historiæ hujus, quæ nunc se nobis offert, auctorem clarissimum, qui hoc sibi datum credidit,

ut

ut criminis omnis & injustitiæ infamiam strenue a patria sua civibusque depelleret.

Quo quidem munere ut rite fungatur, initio, imperium neutiquam Jacobo propter religionem abrogatum asserit, idque rationibus evincere annitur. Non abnuat periculum, quod religioni imminerebat, populum Anglicanum sollicitum habuisse; sed hanc ob causam Regem Jacobum neutiquam regno spoliatum, primo probat ex institutis & doctrina Ecclesiæ Anglicanæ. Provocat ad publica & Doctorum Ecclesiæ Anglicanæ scripta, ex quibus satis constare arbitrat, per Ecclesiæ Anglicanæ decreta, subditos Regibus sine aliquo discrimine aut delectu religionis obsequium præstare. Hinc postquam & Non-conformistas, ut vocantur, criminis hujus immunes esse ostendit, idem ex insigni studio Episcoporum & Ecclesiæ Anglicanæ in Jacobum, priusquam regnum adivit, comprobatur. Mentionem hic etiam injicit nuptiarum Jacobi cum Ducis Mutinensis filia, easque multis non hoc nomine, quod conjugem sacris Romanensis Ecclesiæ imbutam sibi adsciverit, sed quod Galliarum Rege conciliatore initæ essent, displicuisse, vel ex eo patere ait, quod nuptias cum Ænipontii Ducis filia meditata Senatus neutiquam repudiaverit. Quæ circa libellum, ut vocant, exclusionis, sive plebiscitum, quo legitimus hæres religionis causa hæreditate sua & patrimonio spoliabatur, consentientibus Præsulibus abrogatum, itemque circa legem examinis sive scrutinii contigerunt, ejusmodi esse putat, ut benevolam Episcoporum in Jacobum, utut Romanensia sacra amplexum, animum satis prodant. Non minori autem studio, postquam regnum jam adeptus erat, in eum fuisse Episcopos pariter ac Senatuum populumque, porro ex eo colligit, quod licet jam tum nonnulla commiserit, quæ illorum animos ab eo abalienare potuissent, nihilo secius certatim fidem illi probare satagerint. Namque ut alia quæ affert, taceamus, ad rebellionem a Duce Monumethensi & Argatheliensi Comite excitatam, suppressendam, non modo fortunas, sed & vitam ipsam eos obtulisse. Cum primis autem superiorum temporum consuetudinem revolvendo, haud proletarium, quo suam sententiam confirmet, argumentum se invenisse arbitrat. Nimirum civiles contentiones, quæ Angliam vexarunt, Regumque & subditorum dissidia commemorando, ostendit, sæpius in mutua eos

M m m

exar-

exaruisse odia, eo etiam tempore, cum diversa de rebus sacris sententia Britanniam nondum in partes diviserant, luculentissimo quidem, ut putat, documento, non ob religionem, sed ob rem publicam aut conculcatam, aut minus recte administratam, in Anglia male mulctari Reges. Quæ dum ita edisserit, temperare sibi non potest, quin addat, quorum zelus in religionem Ecclesiæ Romanensis, quem Galliæ Rex pariter ac Jacobus præ se tulerint, pertinuerit.

Cap. II. Remota itaque spuria dissidii inter populum Anglicanum atque Jacobum Regem causa, veras adferre adgreditur. Primum inter has locum tenet fœdus amicitia cum Galliæ Rege sancitum. Quam istud statim, ex quo divulgatum est, populo displicuerit, quamque Carolus pariter & Jacobus ab antecessorum suorum tramite minus recte deflexerint, hic pluribus memorat. Cum primis autem tenente adhuc summam rerum Carolo, a Jacobo fratre fœderum rationes ad nutum & arbitrium Galliæ Regis dispensatas refert, nec causam soluti & minus sancte servati fœderis, ut vocari solet, triplicis aliunde arcessit: ipso autem Jacobo ad regiam dignitatem evecto, amicitiam & fœdus cum Gallo se magis magisque prodidisse. Nec sufficit Auctori hæc ita exposuisse; in Galliæ Regis pariter ac Jacobi arcaniora penetrat consilia, & quid utrique constitutum fuerit, dum arctissimo amicitia & fœderis vinculo se invicem junxerunt, non tam conjectando divinat, quam documentis variis demonstrare annuitur.

Cap. III. Succedit altera ratio, quæ populum Anglicanum contra Jacobum irritavit, inimicitia scilicet cum Batavis suscepta. In causam odii, quo Batavos Carolus, si Auctori credimus, persecutus est, inquirens, hanc affert, quod Rex probe intellexerit, se nisi excisis & pellundatis Batavis, imperium istud, quod moliebatur, absolutum in Anglos non consecuturum. Hunc in finem fœdera cum Batavis sublata, aliaque cum Gallis clanculum inita, magnaue diligentia causas atque *proposuere* belli, Belgis mox (A 1672.) inferendi, auctore & incensore Colberto, Galliæ Regis tunc temporis ad Carolum Legato, conquisitas fuisse. Paucis hic sub examen revocat causas, quæ in bello isto Belgico obtentui sumebantur, res scilicet jam pridem Amboy-næ gestas, injurias quæ Anglicis mercatoribus a Belgis illata dicebantur, famosos libellos atque picturas a Batavis expolitas, vexilla a Belgis

gis ex lege transactionis Bredanæ non demiffa, & id genus alia; hasque cauſas omnes frivolas & nullius momenti fuiſſe pronunciat; nonnullas etiam ita recenſet, ut a Miniſtris Regis occaſionem Belgis tale quid committendi ſuppeditatam dicat, quod deinceps obtentum belli juſte inferendi illis præberet. Quæ de libertate conſcientiæ Sectariis eo tempore impertita, de Ormonix Duce a conſiliis abeſſe juſſo, de Guilielmo Coventræo quæſtoria dignitate privato, & Clifford in ejus locum ſurrogato, niemorat, eo ſpectant, ut probet, Regi nihil aliud conſtitutum fuiſſe, quam Batavos bello perdere. Idem ulterius proſequitur, & Batavorum, in quas hocce bello conjeſti fuere, anguſtias, Auriacique Principis fata & inter tot calamitates enitentem virtutem, hinc comitiorum Parlamentariorum, ut vocat molimina, ut tandem in gratiam cum Batavis rediret Carolus, ordine recenſet. Nec prætermittit, quod Regis Miniſtris Gallo faventibus imputandum ſit, quod Batavi ſeorſim, excluſis Fœderatis, cum Gallo pacem A. 1678 inierint: Eboracenſi autem Duci cum aſſociis tribuendum obſervat, quod Angli ſuppettias tulerint Fœderatis, ad periculum videlicet quod ipſi tunc imminēbat, declinandum, non autem quod Eboracenſis Dux aut Fœderatis bene, aut Gallo male cuperet.

Tertiam indignationis cauſam populo Anglicano, ut Auctor Cap. IV. autumat, præbuit uſurpata a Rege Jacobo intempeſtively diſpenſandi poteſtas. Conſtitutum quippe jam pridem in Anglia atque ſancitum erat, ne quis civili aliquo aut militari munere in Republica fungeretur, niſi qui verbis uſitatis atque a lege conceptis, juſjurandum fidelitatis & regii ſuprematus juraret, & in quibusdam capitibus doctrinæ cœleſtis ſuam ſententiam profiteretur. Has & ſimiles leges, quas poenales vocant, neutiquam ex odio religionis Romanenſis ſancitas, ſed Reges atque Proceres tot Jeſuitarum inſidiis petiros, ſuæ non aliter conſulere potuiſſe ſecuritati, Auctor non tantum aſſerit, ſed ſcriptorum Romanenſis Eccleſiæ addiſtorum teſtimoniis quoque comprobatur. Adeo nihil injuſte & crudeliter unquam in Anglia contra Romanenſes commiſſum porro docet, ut ſi qui Jeſuitici ordinis viri perire, eos proditiōis poenam luiſſe, aut alio ſcelere mortem promeruiſſe dicat. Illis quoque Caroli I interitum, incendium Londinenſe, Belgicumque bellum tribuere non dubitat. Jam quo pacto harum

legum auctoritatem eversum iverit Jacobus, exemplis evincit, in quibus referendis & examinandis operosus est.

Cap. V.

Hinc de Judicibus Ecclesiasticis a Rege constitutis dispicit, novam inde odii populi in Regem causam enatam ostensurus. Alius autem Commissariorum, ut vocat, constituendorum rationem repetens, eorum originem ab Henrico VIII repetit. Qui hunc excepit Eduardus, & hinc Maria pariter ac Elisabetha, eandem a Parlamento postularunt & impetrarunt facultatem Commissarios Ecclesiasticos constituendi: sed hæc quidem diversimode eadem usæ sunt. Datum erat hisce Commissariis, ut in mores Ecclesiasticorum inquirerent, improbosque promeritis afficerent pœnis. Sed cum hac ratione sæpius, quod Judices odio aut amore agerentur in transversum, innocentissimi mortalium criminum, quæ nunquam illis in mentem venerant, dare pœnam cogerentur, placuit hanc facultatem ejusmodi Judices constituendi Regibus adimere. Factum istud est duobus statutis, in Comitibus Regni solenni ritu promulgatis, quorum alterum sub Carolo I, alterum sub Carolo II prodiiit. Hisce autem non obstantibus, Jacobum facultatem ejusmodi Commissarios constituendi sibi tribuisse autumat. Addit multos officium istud subire detrectasse, interque eos Episcopum Roffensem laudat: indeque factum esse, ut hominibus a nutu Regis pendentibus munus illud concrederetur. Regem autem hosce Judices constituendo, leges Angliæ plane migrasse, id quidem est, quod præcipue sibi probandum sumsit. Neve sibi objiciatur, Guilielmum itidem ejusmodi Judices in Hibernia constituisse, longe alia ratione id factum esse, probare allaborat. Concludit, potestatem hisce Judicibus concessam eo spectasse, ut servitus Anglorum acceleraretur: neve de funestis instituti hujus eventibus aliquis dubitare possit, Episcopum Londinensem, Vice-Cancellarium Oxoniensem, & Socios Collegii Mariæ Magdalene Oxonienses, Judicum horum asperitatem & iniquitatem satis expertos docet.

Cap. VI.

Non minus quoque nimiam istam Jacobi facilitatem, qua omnibus circa religionem dissentientibus in Anglia libertatem ex se factæ suæ præscripto colendi atque placandi Numen indulgit, populum male habuisse docet. Pœnales enim, ut vocantur, leges salubriter in Anglia constitutas, hoc modo everfas penitus & pessundatas esse.

esse. Nec tamen concedit, ex humanitate quadam & benevolentia Regis hocce Sectariis impertitum beneficium profluxisse, cum severissime olim in Fanaticos statuerit; sed ad eundem finem, ad quem cuncta ejus tendebant consilia, hoc quoque comparatum fuisse, fidenter asserit. Addit rationes, quas instituti memores prætermittimus. Dilabitur hinc ad Episcoporum a Rege in custodiam, quod ejus declarationem super ista indulgentia publice promulgare nollent, datorum causam disceptandam: reque omni prolixè & accurate exposita, concludit, istos Antistites obsequium ista in re Regi denegando, nihil, quod vituperari possit aut debeat, admisisse.

Sed in leges quoque Angliæ Jacobum injurium fuisse, dum iis Cap. VII. silentium indixit, suamque voluntatem pro lege esse voluit, indeque in populi Anglicani odium eum incurrisse asserit. Non minus officii sui rationem eum neglexisse, quod Senatorum conventus non eo modo, quo Reipublicæ Anglicanæ indoles hoc postulabat, celebraverit: itemque, quod Senatorum electoribus jus electionis liberum non reliquerit. Cum primis vim municipiis illatam urget, & inter causas, quibus populi iram Jacobus in se concitaverit, refert. Sunt autem municipia, docente Auctore, maximæ civitates & oppida Britannix, quibus fertilitas soli, aut situs loci, aut alia commoditas aliqua utilitasve communis, majorem hominum frequentiam conciliavit. His oppidis, sive municipiis multa olim concessa privilegia, interque alia & illud, ut duos ex municipibus suis, aut alios, si forte maluerint, in Senatorum numerum illis referre liceat, ita ut horum municipiorum delegati magnam Senatus partem constituent. Jacobum itaque, quod animadverteret, se hosce delegatos voluntati suæ minime obnoxios habiturum, oppida ista juribus municipalibus, hoc est, jure mittendi delegatos ad constituendum Senatum privasse, nova collegia municipalia instituisse, omnique ratione curasse, ut in Senatorum numerum non alii reciperentur, quam quos cupiditatibus suis non refragaturos consideret. Hisce ex voto peractis, postulasse eum a novis municipibus ait, ut pœnale statutum vicefimo quinto Caroli II anno promulgatum, per quod Regi non licebat, pro lubitu mikrum delectum agere, rescinderetur. Et hæcce omnia ad evertendam Anglorum libertatem fuisse comparata, Auctor judicat. Addit & alia in hanc sententiam, quod scilicet Primores An-

glorum, & omnes quos voto suo obstaculum ponere posse existimaret, partim promissis sibi conciliaverit, partim minis, ne facerent quod officii ratio postulabat, deterruerit.

Cap. VIII.

Reliquas Anglorum querelas unico complectitur fasce. Hic spoliatum a Rege patrimonio & fortunis suis populum; obstructos jurejurando, invitis legibus, cives; pacta violata, & id genus alia, longa serie commemorari videas. Exaggerat etiam, quod rebus omnibus quietis & tranquillis, contra Senatus auctoritatem, militem legerit, & quidem Hibernicum, quem multis nominibus Anglis valde inuisum dicit. Hac occasione de Hibernorum odio in Britannos differit, nec magis Regem Anglos irritare potuisse ait, quam dum animus benevolum & faventem ubique erga Hibernos prodidit, & luculentissima favoris sui erga illos documenta extare voluit. Finem primo huic libro impositurus, de Cambriæ Principe, quem supposititium vocat, nonnulla adjicit, & in toto hocce negotio Jesuitarum artes & obstinatum Regis ad evertendam Anglorum libertatem animum accusat.

Lib. II. c. I.

Expositis hunc in modum causis, quæ Anglos contra Regem Jacobum irritarunt, quo pacto contra Angli in accersendo Principe Auriaco se gesserint, enarrare suarum partium esse duxit. Calamitates itaque, quibus hi se plane obrutos credebant, postquam paucis denuo exhibuit, Procures non aliter suis ac patriæ rebus, quam Principis Auriaci auxilium implorando, consulere potuisse ait. Laudat Batavorum promptitudinem in classe & copiis Auriaco subministrandis, eosque tum suam quoque fortunam plane habuisse in consilio, animadvertit. Namque & Jacobum eodem tempore bellum in Belgas molitum fuisse, ut adeo non felicius imminenti sibi tempestatem declinare potuerint. Jacobum autem primum a Legato Gallico, qui apud Batavos commorabatur, mox & aliunde de Auriaci Principis & Batavorum consiliis certiores factum, maximoque terrore circumseptum, amicos accersivisse, illorumque sententias, quid in hoc rerum statu factu opus esset, explorasse. Rejecto Barillonii, copias Gallicanas accersendas suadentis consilio, eum ad lenitatem studia convertisse, chartam, ut vocat, immunitatum Londinensibus restituisse, convocasse etiam Episcopos & illorum consilium expetisse. Jesuitarum tamen sinistra interpretatione Episcoporum consilium

exce-

exceptum, apud Regem locum non invenisse. Interim cum summo studio subsidia bellica conquissivisse, plurimasque res in pristinum statum restituisse: sed necessitate potius compulsus, quam quod mentem mutasset. Id hoc documento Auctor comprobat. Miserat, inquit, Jacobus Oxonium Episcopum Wintoniensem, ut Præsidentem & Socios Collegii Magdalenæ, Laribus suis non ita pridem a Rege expulsos, restitueret: sed quamprimum fama, Belgicam classenaufragio periisse, a Belgis ad fallendum Regem sparsa, ad aures ejus pervenerat, Antistitem illum retro ferre pedem, & re infectadomum reverti iussit.

Insigni & incredibili lætitia omnium Arausionensem in Anglia Cap. II.
receptum, non diffitetur: auctam tamen hanc putat ex fama de Gallorum adventu, quam non plane inanem fuisse sibi persuadet. Refert hinc Arausionensis declarationem, populo a verbi divini ministris prælectam: quam mox alia Hagæ Comitum Kal. Novembr. edita, ideo exceperit, quod Princeps Auriacus e re sua & Angliæ esse putaverit, populum Anglicanum edocere, cuncta Jacobi molimina, quibus spem recuperandi amissam libertatem illi faciebat, ad simpliciores ludificandos solum esse comparata. Ipsum interea Auriacum moderationis & abstinentiæ multa dedisse documenta, & luculenter significasse animum ad pacis consilia propensum, & hac ratione omnium favorem sibi conciliasse. Jacobum quidem primum prælii discrimini fortunam committere secum constituisse, nec Senatum convocare voluisse: interim indies pluribus Proceribus ad castra Auriaci Principis transeuntibus, & oppidis præcipuis partes ejus amplectentibus, spem ejus magis magisque fractam & imminutam fuisse. Episcopos autem & Proceres nihil eorum, quæ ad firmandam sine armorum strepitu Rempublicam facere videbantur, intermisisse, huncque in finem libellum supplicem Regi obrulisse, quo submisit illum orabant, ut Senatum convocaret; sed hoc ipso nihil aliud illos effecisse, quam ut iratum Regis animum gravius incenderent & novis suspicionibus complerent, amicis Regis illisque, quorum consiliis se abripi patiebatur, id strenue agentibus, ut mentem Regis a pacis consiliis & Senatus auctoritate deflecterent. De hocce libello cum sinistra fama a Regis aëclis spargeretur, Antistites & Proceres consultum esse duxerunt, cum in lucem edere, ut omnes

omnes intelligerent, se sui muneris limites neutiquam transiisse. Censuram tamen Jesuitarum, ut Auctor refert, libellus iste effugere non potuit. Interim Devoniz Comitem aliosque Proceres & oppida nonnulla ad Auriacum Principem se recepisse, nihilque aliud superfuisset, quam ut Jacobus a copiis quoque, quæ adhuc illi parebant, defereretur. Et sane milites hosce, istam rerum in Anglia faciem considerantes, mox dubitare coepisse, an se deceret pro illo militare, qui tanta omnium consensione conculcatæ Anglicanæ libertatis reus agebatur, Noster refert. Qua animorum inclinatione usus Auriacus, literas ad Jacobi exercitum dedit, militesque adhortatus fuerit, ut Reipublicæ propriæque libertatis haberent rationem; eo quidem eventu, ut nonnullis ad Auriaci castra se conferentibus, ceteris autem magis dubiis & ambiguis redditis, Jacobus in magnas angustias conjiceretur. Hunc itaque, ut rebus suis præcipiti lapsu pessum euntibus medelam afferret, edictum promulgasse, quo proditiōis gratia profugis fieret, & exteris aut venia domum revertendi, aut stipendia militaria promitterentur, si sub illo mereri vellet. Nihil tamen hoc ipso fuisse profectum: & licet ad bellum vires deesse viderentur, ad pacis tamen consilia frustra eura nonnullis fuisse sollicitatum. Mentionem hic Autor injicit epistolæ Londino Sorbiædunum ad Regem missæ, quæ illum, ut in Galliam se reciperet, adhortabatur, simulque spem faciebat fore, ut ipso absente cuncta tumultu & confusione rerum omnium conturbarentur, & ita Anglos demum, ut Jacobum reducerent, coactum iri. Ab amicis Jacobi & Gallicæ factionis hominibus istam epistolam profectam esse, Auctor non dubitat; interim Jacobum consilium fugasibi consulendi cepisse observat.

Cap. III.

Fugam itaque Jacobus meditans, non sine insigni dolore, præter alios, Annam quoque filiam ad Auriaci Principis partes transgressam intelligit. Hinc (Auctoris mente loquimur) in omnem se versans partem, mox ad molliora consilia reverti videtur, mox de fuga iterum cogitat, se omnia ad Senatum rejecisse præ se ferens. Quæ Auctor de Oratoribus Auriaci Principis ad Jacobum missis, itemque de tertia Principis hujus declaratione, de Scotis a Jacobo deficientibus, deque Norfolkiz Duce refert, & id genus alia prætermittimus, ne legum, quas nobis præscripsimus, ipsi parum obser-

vantes videamur. Quæ ad Jacobum pertinent, huc redeunt; postquam Regina cum Cambriæ Principe discesserat, cohortes omnes Regis jussu a Comite Feuershamiensi exauكتورantur, ipseque Rex in fugam se conjicit: Arausionensis quidem & Proceres ea de re certiores facti, ea agunt, quæ is rerum status exigere videbatur: sed cum Jacobus post navem conscensam, iterum portum tenere cogeretur, per Legatos nobiles a Proceribus, ut reverteretur, invitatur; morem quoque illorum voluntati gerit; sed post reditum talem se præbet, ut Auctor inde concludat, illi serio constitutum fuisse civium animos magis magisque irritare. Omnem autem viam negotium istud componendi ideo eum sibi interclusisse putat, ut saltem inde occasionem aufugendi nancisceretur. Atque ut istud rite ostendar, quæ porro inter Jacobum & Auriacum Principem acta sint, quo pacto ille hunc ad D. Jacobi Basilicam, hic illum Hamum per Legatos invitaverit, exponit. Sed Jacobus nihil tutum satis in Anglia credens, postquam Princeps Auriacus Londinum pervenerat, iterum in fugam se conjicit,

Fugisse itaque Jacobum dicit Auctor, non alium in finem, quam Cap. VI. ut Parthorum more fugiendo vinceret, & Gallicanis copiis adjutus regnum recuperaret. Arausionensis vero omnium gratulationibus Londini exceptum postquam retulit, quo pacto is porro omnium consensu populi Magister, donec rite Proceres in Comititia coirent, creatus fuerit, memorat. Quo ipso talem eum obtinuisse potestatem, qualem Dictatores olim apud Romanos obtinebant, observat. Ad hanc dignitatem evectus Auriacus Princeps munere suo pro viribus functus est, Hibernosque qui Angligenas in Hibernia vexabant, in ordinem redigere in animam induxit. Quæ omnia Auctor noster prolixius prosequitur. Interea in Comititiis congressi erant Angliæ Senatores. Deputati Plebis, quæstione de statu Regni habita decernebant, Jacobum Regem, pacta & conventa mutua Regi cum civibus inita solvendo, civilem Regni politiam, quantum id illum penes erat, solvisse; ipsum leges fundamentales subvertentem, & cedentem tandem Regno, imperium abdicasse, & solum eo facto vacuum relictum esse. In quo quidem decreto Senatoribus superioris ordinis, observante Auctore, nonnulla displicuere. Nolebant enim dici, Regem imperium *abdicasse*, sed imperium a Rege *fuisse dereli-*

N n n

E n n

Hum. Nec satis commodè dictum putabant, solum *vacuum* esse, cum in regno hæreditario, hærede adhuc aliquo superstite, solum vacuum dici nequeat. Mariam autem Jacobi filiam regni hæredem esse, non dubitabant. Deputati tamen Plebis non poterant, ut Auctor porro refert, induci, ut verba decreti mutarent. Non minus autem, cum de novo Rege in locum Jacobi substituendo deliberaretur, Senatores dissensisse non dissimulat, nonnullosque voluisse, ut Jacobo in regnum revocato nomen titulusque Regis permitteretur, jura autem majestatica penes alium essent, quem *Regentem* vocarent; alios autem Wilhelmo, alios denique conjugii ejus Mariæ summam rerum delatam cupivisse. Sed cunctis tandem scopulis feliciter superatis, Wilhelmum & Mariam in Regem & Reginam cooptatos refert, illudque plane necessarium fuisse non tantum asserit, sed rationibus etiam evincit, causasque aperit, quare nonnulli Jacobum desiderent; novique Regis commendatione, & ad eum parænesi, opus suum finit.

*PETRI FRANCII SPECIMEN ELOQUENTIÆ EXTERIORIS,
ad Orationem Ciceronis pro A. Lic. Archia accommodatum.*

Amstelædami apud Henr. Wetstenium, 1697. in 8.

Constat pag. 15½.

Duplicem fuisse apud veteres eloquentiam, *internam* unam, quæ in stilo & scriptione consistat, & *externam* quæ in elocutione & gestu, quæque *actio* Rhetoribus dicatur, jam pridem auditoribus suis inculcavit Auctor clarissimus; ut ex Orationibus ejus anno 1692 editis, & a nobis in Actis anni istius p. 345 recensitis, Orat. II. p. 48. III. p. 51. VI. p. 117. VII. p. 122. XII. p. 145. XV. p. 193. XVI. p. 212. constat. E veterum monumentis eorum eruditionem, & interiorem illam facundiam, copiam, ubertatem, omnemque artem rhetoricam perspicere posse; at quo ardore hæc dixerint, quâ voce, quâ manuum & totius corporis motu, neutiquam intelligi hodie existimat. Actioni tamen primam in eloquentia palmam a principibus oratoribus Græcis & Latinis, Demosthene & Cicerone, fuisse assignatam, animamque orationis & vitam, præclaramque semper & singularem habitam. Quapropter ut hanc externam eloquentiam internæ jun-

gen-

gendam auditoribus suis persuaderet, rationemque addiscendæ ejus
commonstraret, non modo Tullianas & Demosthenis orationes quas-
dam memoriæ mandatas conveniente oris & corporis gestu recitare
eos docuit, felici magnorum istorum Oratorum in vocis flexu ac
corporis motu æmulatione; verum hanc ipsam eloquentiæ partem,
quæ *corporis eloquentia* Ciceroni dicitur, veluti in artem redegit,
certisque regulis adstrinxit, quibus pronuntiatio & actio contineatur, in
hoc libello p. 44. seqq. traditis. Utque illustri exemplo præcepta
confirmaret, speciminis loco Ciceronis *pro Archia* Orationem ex-
hibuit, ejusque omnia membra quo oris habitu, qua vocis flexione,
quo corporis gestu motuque pronunciarit, aut pronuntianda sint, in
adjectis cuiusvis colo seu inciso observationibus, ad regulas antea
traditas compositis, perspicue ostendit. Nam quæ lenta & submissa, le-
ni, continua; quæ modulata, suavi, clara, distincta, acuta; quæ plenio-
re, concitata, diffusa; quæ gravi, elata ac sublimi voce; quæ tono altio-
re, fortiore, graviore, acutiore; quæ simplice, suavi, quæ medio;
quæ ore pleno ac libero, quæ pressiore; quæ manu prona, supina,
concava, expansa, depressa, explicata, dilatata, in utrumque latus
diffusa, pectori applicata, in circulum vel iridem (ut p. 72. 74. lo-
quitur) diducta, & excurrente aut in obliquum projecta; (p. 95.)
quæ digitis complicatis, sublati, arrectis, exsertis, quæ depressis,
in terram defixis, junctis; quæ oculis conversis, elatis, depressis;
quæ toto corpore inclinato, firmo, varieque moto pronunciarit
in Oratione hac conveniat, perspicue tradidit. Quo pacto non
illi tantum qui ipsum audiunt, sed & remoti, ad quos talia voce
transmitti non possunt, quæ sit actio ipsius & pronuntiatio, plane
ac liquido intelligent, & omnem hanc exterioris eloquentiæ for-
mam, seu vocis & gestuum moderationem, manifesta ratione ex-
positam & comprehensam habebunt. Neque tamen negat, (p. 85.)
aliter eadem pronunciarit commode posse, pluresque modos ean-
dem rem voce ac gestu representandi esse; sed eum a se proditum
affirmat, qui maxime naturalis & accommodatus ad rem fuerit vi-
sus. Quod si quis usu & exercitatione ita vocem gestumque forma-
verit, ut nihil in iis sit vitiosum, non tam anxie ei laborandum existi-
mat, dum rei naturam exprimat, hoc an illo modo fiat: ubique
enim quod decebit, ubique quod placebit, inventurum. Aristoteli,

telis, Ciceronis & Quintiliani loca, quibus vocis ac motus miram in orationibus vim ac potestatem esse tradiderunt, in Præfatione laudat, Erasmi etiam tertium librum Ecclesiastæ in hanc rem commendat. Ludovicum præterea Cresfolium in Vacationibus suis Autumnalibus A. 1620 editis, vitia ac virtutes exterioris hujus eloquentiæ, multis Græcorum ac Latinorum prolatis in medium testimoniis exposuisse; & Galli anonymi libellum de Actione Oratoria, sub *Conrari* nomine postea editum, (sed falso, cum potius *Michaellem le Faucher* auctorem ejus esse indicarit Melch. Smidius, Prof. Helmstaediensis, qui in Latinum sermonem istum libellum A. 1690 transtulit) multæ utilitatis inque suo genere præstantissimum esse, affirmat.

REFLEXIONS SUR LES DROITS DE LA CONSCIENCE.

i. e.

CONSIDERATIONES JURIIUM CONSCIENTIÆ, AUCTORE
ELIA SAURINO.

Ultrajecti apud A. Schouten, 1697. in 8. Alph. 2.

- Pars III.** DE hoc clarissimi Saurini opere proximo mense Septembri pag. 426 sqq. exponere incepimus. Nunc, quæ supersunt, exequimur. Nimirum certamine cum Auctore Commentarii Philosophici defunctus, cum celeberrimo Jurio congregitur Saurinus, auctore libri: *Jura duorum summorum imperantium*. Namque & hic contra Commentarii Philosophici Auctorem calamum strinxerat, sed ita, ut cum, judice Saurino nostro, recte docuisset, fontem omnium errorum in voluntate collocatum esse, alia tamen minus probanda insperferit; quæ proinde in parte hujus libri tertia sub examen Saurinus revocat. Sed ea quidem intacta nunc relinquimus, tum quod magni adeo momenti non sunt, tum nimis prolixitatis evitandæ studio. Itaque ad partem potius quartam properamus, qua de potestate quoque summorum Imperantium in conscientias subditorum, Auctor aliquid adnectere vel ideo operæ pretium duxit, quod haud mediocris difficultatis res sit, eam justis limitibus hic circumscribere. Suam itaque sententiam Saurinus sequentem in modum edisserit. Deum quidem omnium societatum civilium auctorem esse agnoscit: fundamentum tamen earundem recte in pactis quibusdam collocari putat, per quæ Imperantibus quidem summa potestas

Pars IV.
Sect. I.

potestas deferatur, sed ita ut & subditis jura nonnulla relinquatur, interque ea merito jura conscientiae referenda esse. Posse summos Imperantes leges ferre, quae scilicet divinis legibus non adversentur; posse subditos cogere, ut hasce leges observent. Quin & aliquando subditos per conscientiam obligatos esse, ut injustis legibus obtemperent. Hinc porro colligit, Principem non tantum, posse potestate sua uti, ad religionis, quam veram esse credit, conservationem, sed eum etiam ad hoc obligatum esse, & quidem, tum ut Christianum, tum ut Principem. Omnes enim Christianos obstrictos esse, ut omnes curas, omnia consilia ad gloriam Dei, propriamque & aliorum salutem promovendam conferant. Reges autem Principesque, ut subditos ad veram aeternamque felicitatem, perducant, obstrictos esse. Obstare quidem huic sententiae videt, quod societates civiles felicitatis tantum civilis causa coaluerint, & quod adeo religio in earum aut structura & formatione, aut conservatione non aliter in censum veniat, quam prout aut finem huncce promovere apta est, aut eundem impedit. Sed regerit, etiam si homines, qui civitates constituerunt, ad spiritualem & aeternam felicitatem non respexerint, eos tamen huc maxime respicere debuisse: quin & Christianos Principes hunc Ethnicorum Principum errorem merito emendasse, & re ipsa summam rerum ita tractasse, ut non minus civitatis conservationem, quam aeternam civium omnium salutem, sibi curae cordique esse ostenderint. Ceterum ut haec potestas Principis circa sacra in infinitum excurrat, hisce eam circumscribit limitibus: primo, si Princeps rite hac potestate uti velit, religionem quam veram esse putat, etiam re ipsa veram esse debere: deinde, summo Imperanti ad veram religionis conservationem non nisi media legitima usurpanda esse: tertio denique, summum Imperantem ne legitimis quidem mediis ad veram religionis conservationem uti possit, siquidem illa legibus Imperii fundamentalibus, & pactis publicis adversentur. Haec postquam rationibus haud contemnendis firmavit, porro asserit, summum Imperantem posse & debere potestate & auctoritate sua uti, ad haereses & falsam religionem extirpandam. Neminem, qui Christiano nomine indignum se reddere nolit, hac de re dubitare posse; licet omnem de modo saltem superesse. Hinc autem ut se expediat, ita

procedit. Primo asserit, summo Imperanti summo opere cavendum, esse, ne in veram religionem hoc sibi licere putet, quod illi in falsam licet: quin enim gravissime peccet, si veræ religioni se opponat, dubium nullum esse. Secundo, nefas esse dicit, facere mala, ut inde eveniant bona. Perfidiā itaque, proditiōem, perjuriū, gravissima atrocissimaque esse crimina, etiamsi ad hæreticorum tendant perniciem. Quarto, Principem zelo pro vera religione, defendenda & ad falsam extirpandam inflammatum, intra limites legum fundamentalium, & pactorum publicorum se continere debere. Nec enim horum violationem ullo modo excusari posse, Quinto denique, summo Imperanti semper cogitandum esse, subditos suos simul subditos esse Dei, qui per conscientiam suam voluntatem illis manifestet, & qui simul ab illis exigat, ut dictamen conscientię suę sequantur, & istud religiose observent. Ut ergo nefas est, (ita hinc porro colligit,) scelere se obstringere, & contra conscientiam agere: ita & Principes peccant, dum alios, ut contra conscientiam agant, cogere in animum inducunt.

Sect. II. Non sufficit Auctori hæc in genere ita delibasse: quin paulo distinctius suam sententiam exponit. Triplices itaque religionis actus constituit: primo internos, qui velut essentiam religionis absolvant, fidem scilicet & persuasionem de certorum dogmatum veritate: secundo actus externos, tum eos qui immediate ab actibus internis fluant, & progignantur, ut preces, gratiarum actiones, omnesque animi devoti Deumque religiose colentis significationes; tum actus quosdam, qui ad publicum religionis exercitium pertineant & a Deo præcepti sunt, quorsum solennes congregationes fidelium ad fundendas preces & sacram coenam administrandam refert: sed & eos huc pertinere dicit, qui non ab omnibus, sed a quibusdam sacre hujus societatis membris edi soleant, ut sunt doctrinæ veræ legitima propagatio, studium convertendi & emendandi errantes, & similes. Tertio denique alios actus ejusmodi esse ait, ut religionis quidam quodammodo inter sit, eos exerceri, sed ut nihilo fecius, quoniam divinitus non sint præcepti, intermittere: quorsum ritus varii & ceremoniæ sacre, cultus sacrarum ædium & ornamenta, publicæ ædes in quibus sacra fiant, & alia ejusmodi, judicæ Auctore, spectant. Hisce præmissis porro docet, primo, sum-

mi Imperantis eſſe, nihil facere reliqui, ut vera Eccleſia omnibus mediis conſervandi & propagandi veram doctrinam abundet; alendos itaque & ſuſtentandos ab eo eſſe idoneos Eccleſiæ Miniſtros, ſcholas bonarumque mentium domicilia erigenda &c. Secundo, ſummi Imperantis eſſe, eo anniti, ut vera Eccleſia fiat dominans, religioque vera cum ſtatu civitatis connectatur, ita ut a ſe invicem ſeparari nequeant; ut publicæ ædes ejus exercitio conſecrentur, & privilegia, quæ a Principe proſciſci poſſunt, illi impertiantur. Tercio, multo magis ſummuſ Imperantem ad deſenſionem veræ Eccleſiæ, contra inſultus hæreticorum, obligatum eſſe. Quarto, ſi animadvertat Princeps, hæreticos in erroribus ſuis propagandis fraudulentè ſe gerere, & perſuſionem de doctrinæ cujuſdam veritate ab illis ſolum ad cupiditates ſuas regendas obtentui ſumi, in eos ut rebelles & ſeditioſos illum animadvertere poſſe. Quinto, in commodorum & privilegiorum diſtributione orthodoxos præferendos eſſe hæreticis; neſtquam autem in juſtitie adminiſtratione, namque hoc pacto omnes ſubditos ejusdem eſſe conditionis, Principemque communem omnium ſubditorum patrem. Sexto, eſſe quasdam ſectas, quas ſummuſ Imperans plane extirpare non tantum poſſit, ſed etiam debeat, niſi impedimentum, quod ſuperari non poſſit, ſeſe offerat, quæ ſcilicet ad flagitia & atrociffima crimina, patricidia Principum, perjuria, proditiões, homines impellant; quò etiam atheiſmum reſert, quippe quo qui infecti ſunt, monſtra hominum ſint & peſtes publicæ, quos adeo e medio tolli omnium magnopere referat. Et eo uſque quidem Auctor limites poteſtatis, qua ſummi Imperantes circa religionem gaudent, proſert. Rurſus tamen eos coarctat, quando porro docet, ſummuſ Imperantem non poſſe præſcribere ſubditis, quid credere & ſentire circa religionem debeant, multo minus eos jubere, ut fiant orthodoxi, neque ſi nolint, eos punire poſſe. Præterea peccare ſummuſ Imperantem ait, ſi ſubditos cogere velit ad ejusmodi actus, quos religioni, cui addicti ſunt, adverſari putant, aut ſi prohibeat ejusmodi actus, quos ſalva conſcientia ſe intermittere non poſſe putant. Quod autem de jure Principis orthodoxi erga ſubditos hæreſi infectos aſſerit, idem etiam admittendum eſſe, ſi Principi hæretico cum ſubditis orthodoxis reſiſt, autumat. Licet enim Princeps hæreſi corruptus peccet, errorem ſu-

suum propagando; si tamen intra limites hæctenus designatos subsistat, subditos orthodoxos nec detestare obsequium, nec de injuria sibi illata conqueri posse.

Secd. III.

Sua hunc in modum exposita & confirmata sententia, cum iis qui in dissentientes circa religionem sine discrimine sæviunt, quos inter Romanenses, interque hos Jesuitas agmen ducere notat, in arenam descendit. Eos hisce inniti fundamentis docet: Hæreticos esse latrones & homicidas, quin iis adhuc deteriores, quod non vitam, sed æternam salutem hominibus eripiant; eos societatibus civilibus longe majus damnum afferre, quam atrocissimi hostes afferre possunt: non ergo nefas esse, si eodem modo in eos animadvertatur. Sed magnopere hosce homines falli, Auctor primo probat exemplo Christi & Apostolorum. Hosce enim nunquam vi aut armis ad homines ab erroribus abducendos usos esse. Non deesse qui respondeant, inepte ad hoc exemplum provocari, cum nec Christus, nec Apostoli talem sibi potestatem, qua Magistratus gaudent, arrogarint. Quin Bellarminus, observante Auctore, asserit, tempora mutata esse. Apostolos hac methodo errantes convertendi usos non esse, quia eodem uti non potuerint, imperio destituti. Ast postquam Ecclesia hanc facultatem vi cogendi dissentientes adeptæ est, nihil ob stare quo minus eandem usurpet. Sed respondet Saurinus, si Romanenses invictis argumentis comprobaverint, Ecclesiæ jus cogendi secus sentientes competere, tunc demum eos concludere inde posse, Christum & Apostolos hanc potestatem exercere noluisse, quæ cæteroquin uti iis licuisset; istud vero cum nulla ratione evincere possint, suum argumentum invictum hæctenus pollere robore. Alterum argumentum Auctori contra Romanenses subministrant exempla primitivæ Ecclesiæ. Equidem in Priscillianum ejusque assecclas a Maximo, instinctu quorundam orthodoxorum, durius quam par erat, animadversum fuisse fatetur: sed simul observat, Priscillianum non tam ob hæresin, quam ob alia crimina turpissima, supplicio affectum fuisse: nec tamen & defuisse ea ætate, quibus nimis illorum rigor, qui Priscillianum accusarunt, displicuerit. Sed ne exemplis tantum errorem Romanensium impugnare videatur, rationes quoque in aciem prodire jubet. Ut hæreticus juste puniri queat (ita rationes subducit.)

ducit, necesse est, ut summus Imperans ferre etiam leges possit contra hæresin, quibus subditi omnes obedire obstricti sint. Jam vero nihil ineptius est, quam summo Imperanti facultatem leges de rebus fidei, quid credendum sentiendumve sit, ferendi tribuere. Namque si Imperans quid credendum sit, definire posset, eum erroris omnis immunem & extra errandi periculum constitutum esse oporteret; quod tamen cordatiores Romanensium ne de summo quidem Pontifice asserere audeant. Deinde ita argumentatur: in pœnis omnibus Imperantes duplicem finem sibi propositum habere, emendationem tum ejus qui punitur, tum aliorum qui supplicio a similibus delictis deterrentur. Neutrum autem horum finium, si hæretici puniantur, obtineri posse. Illum enim, qui punitur, hoc ipso non convinci, religionem, cui addictus est, falsam esse. Ceteri autem multo minus convincuntur, cum nemo sanæ mentis colligere possit, hanc doctrinam erroneam esse, quia qui eam profitentur, comburuntur, aut alio modo puniuntur. Tertio addit: licet pœnæ non sint salutares, eas tamen ad minimum non debere esse perniciosas. At pœnas, quæ hæreticis infliguntur, tales esse, id quidem est, quod Auctor pluribus edisserit. Hisce argumentis impugnata Romanensium sententia, quæ pro ea defendenda in medium afferunt, erudite diluit. Perperam ab illis hæreticos cum latronibus & homicidis comparari probat. Namque ne quis alterum interficiat, Imperantem lege civili sancire posse: aut eundem neutiquam definire posse, quid credendum sit. Latrones & homicidas contra conscientiam leges migrare: id quod de plerisque hæreticorum secus se habeat. Divinas leges, quibus Prophetas mendaces, blasphemos & idololatrias capitali supplicio affici Numen jubet, illis neutiquam esse præsidio. Deum enim quodvis peccatum recte æternis cruciatibus, multo magis supplicio temporali punire; aut summum Imperantem neutiquam putat tantam potestatem sibi vindicare posse. Deinde ingens etiam intercedere discrimen, inter seductorem talem, qualem Divinæ apud Moysen leges punire jubent, & hæreticum. Eliam quadringentos & quinquaginta sacrificulos Baaliticis interficientem, in exemplum trahi non posse, cum Divino afflatu percutus hoc fecerit. Jehu autem Regem Israelis vim fraudi doloque miscentem, citra dubium Divinas migrasse

leges. Ad exempla Petri adversus Ananiam & Saphiram, & Pauli adversus Barjesum summo rigore utentium, eodem modo respondet, ea scilicet singularem Numinis afflatum arguere. Effatum Servatoris, *compelle eos intrare*, vim moralem, quæ argumentorum pondere & robore absolvatur, denotare. Ad leges civiles denique Imperatorum vel ideo frustra provocari, quod & hi homines fuerint, & mirum adeo non sit, eos aliquando a recto aberrasse tramite. Quod a nonnullis porro objicitur, licet hæretici ob actum animi internum, certam scilicet de doctrinæ cujusdam veritate persuasionem, puniri nequeant, ob denegatum tamen Imperanti obsequium, si is certos actus illis prohibeat, eos recte puniri posse; ita diluit, ut distinguat inter actus externos, qui ex religione ipsa fluunt, adeoque necessarii, sunt, & actus externos, qui ex religione non fluunt, & adeo præ indifferentibus recte habentur. Actus posterioris ordinis imperio civili plane subjecit Auctor, eosque & prohiberi, & mandato non obediētes recte puniri posse fatetur. Secus autem de actibus prioris ordinis sentit. Subjicit denique sex observationes, quibus hætenus allatis lucem affundere annititur. Pleræque tamen eo tendunt, Romanenses etiam quoad modum puniendi hæreticos multiplici ratione peccare, judiciorum ordinem non observando, reumque nec per testes nec alia ratione convictum igni adjudicando, fidem datam violando, poenas justo rigidiores dictitando, & quæ id genus alia sunt.

Sect. IV.

Ceterum cum & inter Protestantes non desint, qui dissidentes non ferunt, adeoque Intolerantibus ab Auctore annumerantur, cum hisce etiam congregiendum sibi existimavit. Principem autem inter hosce locum cum Jurius, consente Auctore, teneat, hunc etiam præcipue sibi refellendum sumisit. Sententia autem Jurii, ipso referente Saurino, huc redit: (1) hæreticos tantum ob hæresin non esse puniendos: (2) in eos tamen animadverti posse, si actus externos religionis contra mandatum Magistratus exercent, eo quod hic imperio, non quidem in corda & conscientias, in linguas tamen & manus gaudeat: (3) non tamen eo usque procedendum, ut sanguis secus sentientium profundatur, nisi hæresi insignē addiderint scelus. Primam & ultimam assertionem Saurinus admittit: sed contra mediam pluribus argumentis insurgit. Primum

num hoc est: Deo imperium in conscientiam, sive illa vera sit, sive erronea, competere, cumque actibus externis, sive lingua & manu, conscientia non minus lædatur quam internis, ad illos subditos cogi non posse. Alterum argumentum ab iis, quæ hanc sententiam, consequuntur, depromptum est: si enim, inquit, semel Magistratibus permittatur, hæreticos punire propter actus religionis, sive tales, quos illa conscientia se omittere non posse putant, facile ad extrema profiliunt. Tertio denique per hanc doctrinam tyrannidem Ecclesiæ Romanensis, si non defendi, saltem excusari posse, autumat. Quæ omnia prolixius edisserit. Iis autem, quæ contra suam sententiam afferri possunt, hunc in modum occurrit. Primo non negat, summum Imperantem obligatum esse ad gloriam Dei promovendam: sed eam hoc modo promoveri posse, aut Imperantem, ut hac ratione eam promoveat, obstrictum esse, abnuit. *Πρώτον* *Ἰδὲ* Jurii in eo positum esse, quod existimet, Imperantem omni potestate, præsertim circa sacra privari, nisi illi concedatur potestas hæreticos propter actus quosdam religionis puniendi. Deinde quæ a Jurio ad mentem Grotii recensentur, jura Imperantium, in dubium non vocat; quæstionem tamen, quo pacto Imperans potestate sua in puniendis hæreticis uti debeat, remanere ait. Porro ad exempla Principum tum Israeliticorum, tum Christianorum, tum denique Ethnorum, quibus Jurius suam sententiam communivit, respondet, non ex exemplis, sed ex legibus & rationibus hac de re judicandum esse: deinde quousque hæc exempla pro Jurio faciant, inquit. Frustra quoque ab Intolerantibus regei contendit, hac ratione Principes ad scelera, quæ ut puniantur aut ipsorum, aut societatis civilis interest, vindicanda acriter inflammari; contra ad ea, quibus ipsum Numen læditur, & homines æterna salute privantur, ulciscenda languidiores reddi. Quædam enim crimina ita comparata esse, ut a Deo potius quam hominibus puniri debeant: latrones quoque, & qui similibus sceleribus se obstringunt, physica ratione vim hominibus afferre, indeque & eodem modo illis obviari posse; cum hæretici contra morali solum ratione in alios homines grassentur, libertatis autem usum illis non adimant: accedere denique, quod Princeps latrocinii & cædibus obicem ponens in conscientias non sæviat, cujus tamen criminis non sit immunis, si quid credendum sentiendumve sit, præscribere in animum inducat.

Finem operi imponit contra illos, qui in tolerandis dissentientibus nimii sunt, nonnulla monendo. Discernit autem ab Indifferentibus, ut vocat, hoc est, illis qui omnes sectas eodem loco habent, illos qui discrimen religionum agnoscunt, sed tamen dissidentes deteriori loco, quam ipsi sunt, in civitate esse nolunt. Hinc & actus, qui tamen e religione ipsa non fluunt, iis prohiberi, in commodis percipiendis eos aliis postponi, privilegiis aut privari, aut dum aliis impertiuntur, præteriri, & id genus alia, ægre ferunt. Quo jure hoc fiat, Auctor paucis disquirat, & ad dubia respondet.

JOH. CHRISTOPHORI STURMII PHYSICA ELECTIVA SIVE
Hypothetica. Tomus I. partem Physicæ generalem complexus &c.

Norimbergæ apud W. M. Endterum, 1697. in 4. Alph. 5. pl. 14.

SCopus Authoris celeberrimi in hoc primo Physicæ Electivæ tomo, cæterisque, si vitam Deus viresque concesserit, secuturis hic est, ut rerum Naturalium cognitionem Lectoribus suis, pro sua virilique, ingenere, rebus magis quam verbis gravidam, ab altercandi studio abducentem, diversas diversorum sententias, quantum pote, conciliantem, quodque præcipuum est, ad *Sui, Mundi, Deique* notitiam, quantum ejus ex lumine rationis haberi potest, scientiifice deducentem. Esse vero Mundum supponit, nemine qui vel obiter eum suis oculis lustraverit contradicturno, opus & magnitudine, & rerum contentarum multitudine, & phaenomenorum effectuumque varietate, pulchritudine & excellentia prorsus stupendum, adeoque simpliciter impossibile, ut unus aliquis Aristoteles aut Cartesius, vel solis phaenomenis observandis ac enarrandis omnibus, nedum omnium ac singulorum causis rimandis & explicandis, par sit; imo si homines omnes Naturæ periti & scrutatores, Aristoteli & Cartesio ingenio pares essent, Naturæque miraculis pervestigandis nocte dieque incumberent, nunquam tamen eos, ne junctim quidem & collatis in unum symbolis, vel mille secula durante mundo, ejus mirabilia exhausturos, verasque & indubias omnium rationes detecturos esse: ut summa inde necessitas imponatur de Natura, quippiam cum fructu commentaturo, e celebriorum Naturæ-consultorum, tum priscorum tum recentiorum, observatis & experimentis optima ac certiora eligendi, cum suis conjungendi, & ex
eorum

eorum rationibus, quas diverſi diverſas excogitarunt, eas cum judicio ſeligendi, quæ videantur obſervatis & phænomenis quam maxime reſpondere, neque adeo aliam quam *Eccleſiæ* vel *Electivam Phyiicam* conſcribendi. Quod aſſertum cum a Sectariorum quorundam exceptionibus vindicaſſet, alterius quoque cognomen- ti ſuæ Phyiicæ rationem redditurus, non aſſentitur quidem ſimpliciter, clariffimo *Perraltio*, omnem certitudinem Phyiicæ denegare viſo, ſed præter innumera phænomena plane indubia in hiſtoria Naturæ obvia, etiam cauſas plurimorum phænomenorum indubias eam in promptu habere, exemplo eclipſium, tum in magnis luminari- bus, tum in Jove acejus Satellitiſbus, & utrarumque variarum circumſtan- tiarum, incrementorum lucis in facie Lunæ, ♀ & ☿, virtutis item elatiicæ in aere, indeque dependentium innumerabilium Naturæ ef- fectuum, nec non phænomenorum in viſione directâ, reflexa & refractâ, circa thermocopia, hygrometra &c. occurrentium, con- tendit; non neganſtamen, in quamplurimis effectibus Naturæ, con- jecturis adhuc agi & hypotheſibus, ut *Hypotheticam* adeo cognomi- nare *Phyiicam* haut incongruum ſit, nec tamen deſperandum, quin temporis progreſſu una & item altera hypotheſis, ſubinde limata rectiusque excul- ta, in ipſiſſimam veritatem ſit abitura, aut veritati ſaltem futura proxima. Quod ut plenius intelligeretur, quid hypo- theſes Phyiicæ ſint, quæque meliorum notæ & conditiones, uberius pertrahat, tandemque quatuor hypotheſes Phyiicas generalioreſ ac celebrioreſ, *Ariſtotelicam* puta *vulgarem* ſive Scholaſticorum, *Democriticam* ſive Gaſſendiſtarum, *Carteſianam*, & *Græco-Peripateticam*, fuſius enarrat. Poſteaquam vero Phyiicæ ſcientiæ, tametſi adhuc imperfectæ, & quantocunque etiam omnis poſteritatis cultu adhibito, imperfectæ ſemper futuræ, inſignem tamen utilitatem in cognitione Sui, Mundi, DEIque, ſive Microcoſmi, Macrocoſmi, & utriusque Con- ditoris, nec non in communi hominum vita, generatim tantum, at paulo pluribus deduxiſſet; duas præcipue hominum opinionioneſ obiter perſtringit, errorisque & falſitatis convincit: alteram aliquatenus in- juſioſam, qua Phyiicam, imo univerſam Philoſophiam, aut nullius uſus, aut exigui futuram, nonnulli inconfiderioreſ ſibi aliſque per- ſuadent, niſi ſuperioreſ Facultateſ aliquo ejus ſervitio hinc inde in- digerent: alteram multum inſuper pernicioſam, qua nonnulli ſum-

mi Numinis existentiam ex rectæ rationis lumine demonstrabilem esse, impudenter negant. Et hæc omnia quidem quatuor distinctis Præliminarium articulis ubertim & explicatius confectatur.

In ipso progressu operis, ordinem rerum in scholis receptum fere ubique servat, sed methodo peculiari, Physicæ Electivæ seu Hypotheticæ accommodatissima utitur, quæ primum phænomena, tanquam rem facti enarrat, atque ita Naturæ historiam in unoquoque rerum genere contextit; deinde vero diversas, ac celebriores quidem eas, Physicorum hypotheses fideliter recenset; tandemque aut conciliationem earum, quantum pote tentat, aut unam sibi meliorem, cæteris visam seligit, vel propriam eis & probabiliorem omnibus substituit, rationibus singularum potissimis, qua par est modestia, excussis, & eadem libertate quamvis aliam, quæ sibi verosimilior videatur, eligendi, aut aliam novam surrogandi, cuilibet relicta. Sic in primo statim capite lenticulam Scholarum de principiorum internum numero, tanti non esse existimat, quin ista missa penitus in ipsa rerum naturalium tractatione progredi feliciter liceat; de cætero vero, si qui materiam solam pro substantiali principio interno habere, formam autem & præcedaneam ejus absentiam, sed cum aptitudine illius recipiendæ conjunctam, pro materiæ modis tantum agnoscere, alii vero formam saltem, alii denique privationem quoque dicto modo consideratam, inter interna corporum generabilium principia recipere velint, facile inter eos convenire posse, credit ac docet, dummodo sese mutuo patienter ac citra affectum audire, recteque alteri alterorum mentem percipere dignentur. De materia deinde omnium prima, vel simplici, vel communi artificialibus æque ac naturalibus corporibus (qualem equidem necessario supponi, non solum argumento illo vulgari ab absurdo processu in infinitum desumpto probat, sed & hoc alio minus vulgari ac disputabili, quod si nulla esset prima materia, nulla posset in mundo fieri actuque absolvi generatio, siquidem cujus nunquam factum est initium, illius finis & complementum frustra expectatur) acturus, multa præmittit experimenta materiæ divisæ in minutias stupendæ exilitatis, naturali quadam analysi facta; indeque, post enarratas varias ac multum pugnare visas Physicorum de materia prima hypotheses, concludit, Physico ut tali nequaquam opus esse, ut aliam quæ-

rat materiam primam aut simplicem, præter ipsas illas minutias, per evidentem ejusmodi analyfin, aut reapse factam, aut imaginando saltem ulterius exporrigendam, omnium seculorum consensu, evidentissime repertas aut reperiundas; quippe quibus suppositis, omnis corporum tam naturalium quam artificialium compositio, indeque fluentes affectiones, deduci possint, dummodo inter illas minutias aut punctula physica, divina manu facta varieque figurata &c., (quod in progressu probatur) etiam animatorum rudimenta organica, majori adhuc artificio parata, supponantur. Quod si vero, hac materię simplicitate physica non contentus, ulteriorem aliquis, metaphysicam & omnis compositionis expertem, sibi demonstrari possit (quod Physico quidem ut tali nequaquam incumbat) utique præter extensionem istarum quantularumcunque minutiarum sive atomorum, ab Aristotele non minus quam a Cartesio aliisque quovis ævo Philosophis agnitam, nihil reperiri, quod simplicissimam materię naturam exprimat: sed, quod inprimis tenendum putat, realem hic & cum impenetrabilitate conjunctam extensionem intelligendam esse, non imaginariam & quomodocunque conceptibilem, qualem etiam in rerum defectibus non possumus non agnoscere, & in speciebus vultuum nostrorum, quas intra vel pone specula, ubi non sunt, videmus tamen oculis ac dimetimur, imo in ipso nihilo concipiendo excludere nullo modo possumus; in quo *Cartesii* Sectatores vel maxime a scopo aberrasse, & in difficultates insuperabiles semet induisse, *H. Morum* autem adhuc gravius lapsum docet, dum nihilum illud antemundanum, mundo huic materiali, a quo nunc actu occupatur, recipiendo æquale utique concipiendum, pro ipso DEO mundi conditore venditat. Quæ omnia tamen acriter pro & contra disputabilia Physicum qua talem nihil attingere censet, quippe qui muneris suo satisfacere abunde possit, sive spatium ali-quod inane vastum extra mundum, sive parvula & exilia inania intra particularum materialium interstitioli [quarum interim considerationem, ratione magnitudinis ac diversissimarum figurarum, magni esse momenti in Physicis, Cap. I. Phæn. VIII. Cap. III. Phæn. IX. X. & XI, alibique docet] supponantur, aut minus admittantur. Interim ex reperta per analyfin materia prima physica, imo ex quacunque alia, in Epilogo cap. II. seqq. deducit confectaria: 1. Mate-
riam

teriam primam quomodocunque consideratam, esse rem & substantiam vel actu divisam, vel divisibilem, & consequenter figurabilem, mobilem, disponibilem &c. verbo passivam, actionis non expertem solum, sed omnino omnis activæ potentie incapacem. Ergo 2. ad sui ipsius productionem, motionem, formationem &c. ineptam; alius adeo productoris, motoris, formatoris, sibi contradistincti, adeoque immaterialis, indigam. Porroque 3. cum ex alia priore materia ipsam primam produci fuerit impossibile, nulla præexistente materia productam, h. e. ex nihilo, atque adeo omnipotentis virtute creatam, motam, formatam &c. 4. Quemadmodum autem nec ipsa sese movere potuit, ita nec unam ejus partem alteram movere posse, quippe ipsam motoris indigam, a quo solo adeo partes materię unæ per alteras, ab eodem prius motas, moveri necessum habeant. Denique 5. cum mens nostra actionum plurimarum sibi intime conscia sit, hanc a materia penitus diversam & immaterialem esse.

Cum itaque materię ejusque partibus nullam vim motivam ac vere activam competere, neque competere posse, ex dictis evidenter constaret; inquirendum nunc porro erat, annon in formis saltem cum materia uniendis, & sic in composita varia coalituris, aliqua vis motrix & vere activa veniat agnoscenda? Cui rei accuratius dijudicandæ illud in primis fundamenti loco substernit, quod formæ in strictissimo & accuratissimo vocis significato quippiam notent, quo existente formatum etiam existat, & ad functiones proprias obeundas habile sit, quodque vicissim, formato posito, necessario & ipsum existat, isti adeo & esse dans & operari. Quo sensu certe non rationalis anima (quod unum exemplum totam hanc de formis doctrinam mire intricaverit) sed hujus potius unio cum corpore organico, necessario præsupponendo, plenariam & adæquatam hominis formam constituat, quippe qua unione posita homo ponatur, & vicissim homine posito illam unionem poni necessum sit; cum e contra, homine posito, ponatur etiam anima rationalis, non autem vicissim anima rationali posita existente, statim homo existat, nisi hæc ipsa existentia animæ ad positionem ejus in corpore organico, atque adeo ad ipsam illam unionem cum hoc restringatur, ipsis id faterentibus adversariis, & hoc pacto in nostram sententiam non advertendo

do tranſeuntibus. Hoc vero ſenſu accepta formarum voce, unum & generalem formarum omnium conceptum haberi, qui ſubſtantiales quidem illas h. e. eſſentiales ſuo quamque composito, non ſubſtantias tamen abſolutas & per ſe exiſtentes exhibeat, ſed varios ſolum materiæ modos, aut plurium modorum in certos uſus deſtinatorum complexum & correſpondentiam dicat, prout ſane materia, quam informare & in qua recipi debent, non ullius alterius rei, quam talium modorum capax eſt. Huic igitur formarum conceptui in Epicuri cap. III plurimis argumentis prolixè confirmato, in epilogo tandem huic capiti ſubjuncto ſequentes ſuperſtruit concluſiones: 1. Formas, tanquam materiæ inertis mereque paſſivæ modificationes tantum, multo minus quam earum ſubſtantiale ſubjectum, virtute quadam vere activa, motiva, & operativa eſſe præditas; ſed uti materia generatim corporibus ex iſta formatis mobilitatem ſimpliciter, ita formas talem vel talem ſpecificam mobilitatem conciliare, principium interim aliquod vere agens & movens etiamnum præſupponentes. 2. Huius principii vere agentis omniaque moventis, nimirum inventi ſupra Creatoris materiæ, virtuti motrici, omnium quoque formarum, ſolo quippe motu & partium materialium, variantiſſima diſpoſitione & compoſitione oriundarum, originem deberi, illumque adeo materiæ Creatorem, totius etiam huius mundi aſpectabilis Factorem, Productorem & Conſervatorem eſſe; cujus adeo 3. immenſam potentiam, incomprehenſibilem ſapientiam, & inexhauſtam bonitatem, inenarrabilis illa formarum, omnibus retro ſeculis in omnibus immenſi mundi angulis exortarum, & hodiernum exorientium, & in fines creaturis omnibus, præſertim homini, utiliſſimos directarum, varietas & multitudo plane evincat, amplius etiam idem evictura, ſi ad mentem Scholaſticorum formæ ponerentur ſubſtantię. Cum vero 4. nec materiæ vis activa competat, nec formis velut materiæ meris modificationibus; maniſeſtum eſſe, quod neque composito ex utroque vis activa ineſſe queat, ſed uti materia ſimpliciter, ita forma & compositum taliter moveri a Motore ſummo & unico, neceſſum habeat.

Ita vero ex ipſa principiorum internorum natura deductis concluſionibus, quod neque materiæ, nec materiatis ullis, vis agendi aut active movendi, imo (quod p. 158 & ſeq. porro evincitur) ne

Ppp

capa-

capacitas quidem talem agendi movendique potentiam divinitus recipiendi, aut, si per impossibile recepta ponatur, in actum, nisi DEO movente, deducendi tribui possit; eandem veritatem deinceps, & considerata & profundius eruta ipsius motus natura, in Epicrisi cap. IV. p. 159. & seqq. denuo corroborat, posteaquam ex agnita dudum ab ipso Aristotele aliisque quovis ævo Philosophis difficultate, imo impossibilitate, quid rei motus esset explicandi, in eam tandem sententiam necessitate quadam protractus esset, quam Lana & Hamelius quasi per transennam obiterque prospexerant: motum nempe localem esse rem mere arbitrariam, cujus adeo rationem dari aut explicari non posse mirum esse non debeat, (quam rem in Appendice Sect. I. Digressoria p. 229 & seqq. plurimis prolixè persequitur) & quemadmodum materiæ & materiatorum existentiam a mero DEI arbitrio dependere demonstratum est, ita materiæ motum localem, h. e. ejusdem successivam in pluribus locis existentiam, (nec enim ulla alia mutatio corporibus motis obtingit) tanto magis a sola Dei liberrima voluntate dependere, quanto plus est rem unam eandemque, uti per plura temporis momenta, ita in pluribus successive locis existere, quam semel & simpliciter unico momento in unico loco existere. E qua veritate sic eruta & stabilita, quod motus localis efficiens, aut, si mavis cum P. Lana, exigens causa alia esse non possit, quam voluntas DEI infinite-potens, intrepide porro infer, invitissimis licet omnibus præjudiciis, neque corpus ullum, ut quod voluntate prorsus destituatur, neque mentem finitam ullam, utpote voluntate quidem sed finita præditam, active-movendi potentie capacem esse. Cui conclusio cum duo cumprimis præjudicia obstant, alterum de corporibus unis ab alteris, ipso sensu teste, manifeste motis, alterum de motibus artuum in humano corpore a mentis nutu evidentissime pendentibus; utrique prolixius atque ita respondet, ut corpus unum ab altero moveri non neget, sed prius aliunde moto, atque adeo virtute non propria, sed illius a quo motum fuerat; & a nutu mentis humanæ corporeos motus, non omnes, sed aliquos tantum pendere fateatur, non efficienter tamen, sed occasionaliter tantum, & ex hypothesi voluntatis divinæ lege universalissima semel pro semper expressæ & ubique efficaciter operantis; quod utrumque fulius alleg. I. deductum videri, quam hic

hic enarrari potest, prout etiam Epilogi huic cap. IV, subjuncti monita propriæ Lectoris curæ & meditationi commendanda veniunt, & aliis quibusdam obviis facillime difficultatibus promte penitusque tollendis ea præprimis attendenda, quæ p. 174 & 177 similitudine, quadam illustrata reperiuntur.

*In cap. V. enarratis primum, ex more receptæ methodi, præcipuis circa corporum naturalium eorumque effectuum naturalium, usus varios in cælo terraque ubique obvios phænomenis, ac recensitis deinceps diversis diverforum Authorum hypothesebus circa causarum finalium in Philosophia naturali vel admissionem necessariam, vel exclusionem tanquam inutilium, nec absque temeritate & arrogantia inquirendarum; in Epicurisi subsequente fatetur quidem, omnium actionum ac decretorum divinatorum fines, motiva, & causas impulsivas pervestigare velle, summæ non solum arrogantiz ac temeritatis, sed etiam dementiæ esse, neque cupiditate quadam gloriæ allectum DEUM opus tam gloriosum condendi mundi aggressum; nequaquam tamen ejus beneplacito repugnare, quod hoc suum opus occasionem esse homini voluerit cognoscendi & glorificandi Conditoris, idque hominis ipsius potius quam suo aliquo commodo. Operum vero singulorum & partialium formarum fines & usus solícite investigare, non solum licitum, sed apprimè necessarium judicat. Quod cum Cartesius ipse, sub usum saltem nomine, minime diffiteatur, inanem quandam *λογομαχίαν* inter ipsum & ejus adversarios intercedere putat, non sine utrorumque culpa, ex parte tamen Cartesii multo majori, qualem etiam in controversia de brutorum sensu ejus saltem Sectatores admisisse prolixè docet, & post alias vanitates in illa lre de causis finalibus, ex parte Cartesianorum maxime, demonstratas, Epicuri tandem ineptias prorsus intolerabiles acriter convellit, & in totius cap. Epilogo, DEUM universi Rectorem providentissimum, novo argumento a causis finalibus petito, exerto quasi digito ostendit, omnia in hoc mundo propter certos aliquos fines agere, sed ignotos sibi, & soli eorum Directori DEO cognitos; unde ista sine ordinariorum nunquam ex-cidere, nunquam autem Directoris voluntatem providentissimam, contingat &c. Et hæc e Prima Libri Sectione excerptisse sufficiat.*

In II. Sectione Corporum naturalium affectiones generales con-

siderare ac scientifice tractare aggreditur, eo nomine intelligens non sola propria in quarto modo, qui scholarum rigor olim ad tantam paupertatem ac sterilitatem rerum reducerat Physicam generalem, sed quicquid corporibus naturalibus competit, vel generatim omnibus, vel plerisque aut pluribus, sive essentiale id fuerit, sive essentiam consequens, sive denique merum accidens, facultas aut *δύναμις ενεργητική* vel *παθητική* &c. ipsas etiam *ενεργείας* & operationes, imo *εξήσεις* quoque seu privationes, *διαθέσεις* sive dispositiones, qualitates inprimis multivarias, sensibiles & insensibiles, &c. quas omnes Græcæ scholæ multo rectius inter *γνώμενα*, *συμβαίνοντα* & *φανόμενα* corporum naturalium connumeraverint, digna quippe quorum causæ sciantur & inquirantur, quorumque adeo complexu scientifico generalis etiam Physica rerum dives ac locuples obtineatur. Qua in re quid præstiterit, Lectoribus suis ex ipso decursu operis iudicandum relinquit, & subjectos cap. IV. V. ac X. Epilogos haut perfunctorie pensitandos commendat. Plures adhuc res & veritates, causis suis vel indubiis ac evidentibus, vel verosimilibus saltem firmatas, circa variantissimas ac tantum non innumerabiles corporum & affectionum naturalium mutationes, in Sect. III. reperiuntur iri confidit; ut frustra fortasse futurum sit, aut pro Collectorum scopo longius, unum aut alterum inde excerpere. Illud potius adhuc monendum erit, Authorem sub finem operis Diatriben peculiarem subiecisse, in qua usum Physicæ generalis Metaphysicum aut Theosophicum & Moralem, quem per ipsum operis progressum sparsim & per occasionem saltem, in Epilogis capp. & Sectionum indicaverat, continuo filo deducere, ac denuo pleniusque, & mutata subinde sermonis facie, demonstrare aggressus est; quod veritatis quodammodo paradoxæ & apparenter novæ dignitas ac momentum omnino deposcere videbatur, ut iterata vel tertia etiam vice, mutato tamen tantisper orationis schemate, ad evitandum fastidium, inculcaretur. Quod ipsum etiam impellens ipsi causæ extitit, ut Specimen Theosophiæ sive cognitionis de DEO naturalis, ante plusculos annos in Academia Norica (S. T.) GUELPHO L. B. de Wetternich nunc Serenissimi Electoris Brandenburgici Consiliario Status ac Regiminis Novæ Marchiæ, methodo mathematicæ

ca conceptum, & ſub ſuo præſidio ſummo cum applauſu deſenſum,
Operi huic Phyſico auctari loco annecteret.

ROMANO-CATHOLICUS DUBITANTIUS IN DISPUTATIONE de Conceptione B. V. M. per D. P. F. Petrum de Alva & Aſtorga in Labyrinthis inextricabiles conjectus, viam tamen exeundi comiter monſtrante ELIA VEIEL, Theol. D.

Francofurti & Lipſiæ, apud Mart. Scherpentier, 1697. in 4.

Alphab. I.

Maxima præſentis operis pars aliena eſt, ſummam exhibens libri a celebri ex ordine Minorum ſcriptore, Petro de Alva & Aſtorga, ſub titulo *Funiculi nodi indiſſolubilis de conceptu mentis & conceptu ventris*, Bruxellis A. 1663 editi. Ejus mentionem primam ſepercepiſſe dicit maxime reverendus Veielius e Viro quodam Hiſpano illuſtri, quem peregrinantem Ulmæ obvium habuerit. Cum enim in cæſis cum ipſo ſermonibus ad conceptionis Beatæ Mariæ Virginis controverſiam delati fuiſſent, eam imprimis ab iſto P. de Alva adverſus Dominicanos feliciter deſenſam fuiſſe, ex ejus ore ſe cognoviſſe. Rariſſimus autem quod ſit hic liber, ex impenſo in eum conquiſcendum labore diu ſatis fruſtraneo collegit: unde, cum illius tandem redditus fuiſſet particeps, haud præter rem facturum ſe eſt arbitratus, ſi palmaria ejus argumenta & notabilia alia exin decerpta exhiberet. Is autem, quem illius Auctor ſibi præfixit, ſcopus huc tendit, ut jactatam doctrinæ Thomæ Aquinatis ab omni errore deſectuque immunitatem ex una parte, & ex altera parte animæ Mariæ ab omni culpa & macula præſervationem inter ſe conſerat, ac Dominicanis oſtendat, ea quæ ab iſtis dicantur de S. Thoma, deque ejus doctrina, operibus & ſcriptis, mentis conceptu, ſcientia & ſapientia, quoad puritatem, gratiam, prærogativas, privilegia; eadem longe majori jure & infinite majori gradu de Beatæ Virginis Mariæ conceptione, ejusdemque puritate ac immunitate a peccatis, dici concedique debere. Qua de cauſa primum enarrat, quicquid in laudem D. Thomæ a Dominicanis ſolet congeri, imprimis doctrinæ ipſius approbationes, confirmationes, itemque qualificationes canonicas, ut ipſi perhubeant, in cœlo a Chriſto Domino, B. Virgine Maria, Petro & Paulo Apoſtolis, & B. Seraphico S. N.

Francisco, in terra vero a summis Ecclesiæ Pontificibus, Joanne XXII, Urbano V, Pio V, & aliis factas; postmodum paria in laudem immaculatæ conceptionis Mariæ prolata introducit, & ex hisce veluti præmissis eam infert conclusionem: impugnata hac Mariæ prærogativa, necessario & istam Thomæ præcellentiam corrumpere, ac vicissim hac justis argumentis roborata, illam pariter confirmari, cum sane incongruum sit, Mariæ negare velle id, quod de Thoma multum Maria inferiore admittatur, & ex iisdem rationibus, quibus Dominicani conentur demonstrare, puritatem doctrinæ a D. Thoma adstructæ approbatam esse ab Ecclesia, invicte consequatur, conceptionem quoque Virginis Mariæ ab eadem fuisse approbatam. Hoc ergo institutum sigillatim prosequenter Præsul noster celeberrimus heic introducit, & dum in ejus discursu recensendo occupatus est, de suo nihil penitus adjungit. Finitis autem excerptis, tres quæ residuæ sunt, plagulas epicrisi sua complet, ac posteaquam in Ecclesia Romana diutissime quidem agitatam, sed nunquam decisam, fuisse litem hanc ostendit, e Lucæ imprimis Waddingi Historia legationis Philippi III & IV quædam huc facientia decerpens, in magnas utique difficultates Alzam suo hoc invento Dominicanos (cum Scriptura quidem & cum antiquitate hac in parte rectius sentientes,) vi reliquarum, quas foveant, hypothesium conjecisse, neutiquam diffidetur. Lutheranos dehinc varia in usum suum exin convertere posse edocet. Nimirum cum passim constet ex Alzæ libro, miraculis, visionibus & revelationibus a Dominicanis pro S. Thoma allatis, nullam fidem haberi a Franciscanis, iterumque Franciscanis talia pro Maria urgentibus nolle Dominicanos assentiri, non indignari posse nobis quemquam ait, si nullis omnino Scriptoribus Pontificiis miracula, visiones, revelationes in medium adducentibus, fidem posthac præbuerimus. Quam fluxa porro, dubiaque & ambigua sint Pontificum edicta, bullæ, brevia, privilegia, ex iis magno numero in hac collatione utrinque citatis, affatim patere autumat. Tandem dissidia, quæ inter nostrates quandoque exorta sint, præ hoc unico oppido exilia esse, longeque facilius auferri aut componi posse asserit, quam illam disceptionem, quæ tanto tempore Ecclesiam Romanam exercuerit, nec tamen nisi vel cum manifesta veritatis divinæ jactura, vel Judicis, qui credatur, infallibilis dedecore finienda sit. Unde simul

simul manifestum esse existimat, viam longe tutiorem eligi ab Ecclesia Evangelica, quæ uti sanctissimam Dei genetricem eo omni honore, qui in Scriptura eidem adjudicetur, afficiat, ita terminos divinitus præscriptos migrare vereatur, cultusque divinos multiplicare merito formidet.

NOVA LITERARIA.

DUO sunt, quæ Lectori Benevolo indicanda censuimus. Primum enim dissimulare non possumus luctum nostrum, quem ex obitu Viri de universa Ecclesia orthodoxa longe meritissimi, *D. VALENTINI ALBERTI*, nuperrime percepimus. Is enim, postquam in hac Academia, cujus decus ac ornamentum insigne fuit, publici tum Philosophiæ tum Theologiæ Professoris munere per annos triginta & quatuor dexterrime perfunctus esset, dudumque scriptis eruditissimis in lucem editis apud externos etiam inclaruisset, die nupero 15 Septembris, anno ætatis sexagesimo secundo, ad Superos discessit. Alterum problemata concernit, quæ in Actis nostris mense hujus anni Maji p. 214. Vir clarissimus *Jacobus Bernoullius* Mathematicum in Academia Basileensi Professor, clarissimo itidem Viro *Johanni Bernoullio* in Groningensi Academia Mathematicum Professore, Frater Fratri, solvenda proposuit. Solutionum enim illico compositionem fuisse factum *Johannem*, easdemque jamdudum ad Virum illustrem & Geometrarum nostri ævi facile principem ac arbitrum, *Gottholdum Guiljelmum Leibnitium*, transmisisse, ac suo tempore demonstrationes additurum, ex hujus ad nos humanissimis literis compertum habemus. Interim quo minus & Geometræ alii problemata ista tentent, inque iis solvendis ingenii vires periclitentur, atque ita promovendæ magis magisque interiori Geometriæ animum intendant, nihil est quod prohibeat.

LIBRI NOVI.

Histoire d' Angleterre, d' Ecoffe & d' Irlande, par Mr. De Larrey. A Rotterdam chez Reinier Leers, 1697. fol.

Callimachi Hymni, Epigrammata & Fragmenta, ex recensione Theodori J. G. F. Grævii, cum ejusdem ac variorum annotationibus, & commentario Ezechielis Spanhemii. Ultrajecti apud Fr. Halman & W. Vande Water, 1697. in 8.

Sculptura

*Sculptura Historiarum & Temporum memoratrix. i. e. Gedächtniß-
Hülffliche Bilderlust/der merckwürdigsten Weltgeschichten/ &c.
Münberg bey Jo. Dan. Taubern/ 1697. fol.*

*La Istoria Universale provata con monumenti e figurata con simboli de
gli Antichi: da Francesco Bianchini Veronese. In Roma, a spese
dell' Autore, 1697. 4.*

*De Virtutibus & Viriū Disputationes Ethica, auctore Josepho Saenz
De Aguirre, nunc S. R. E. Presbytero Cardinale. Roma ex typo-
graphia Antonii de Rubis, 1697. fol.*

*De S. Romana Ecclesia Vice-Cancellario illiusque munere, autoritate
& potestate Enarratio Joannis Ciampini. Roma typis Bernabò, 1697. 4.
Psalterium cum canticis verbis prisco more distinctum, novaque lite-
rali explanatione brevissima dilucidatum, studio Josephi Maria Tho-
masii, Roma typis Jos. Vannaccii, 1697. 4.*

*Della Natura de' Fiumi Trattato Fisico-Matematico del Dottore Do-
menico Guglielmini. In Bologna a spese di Lod. Maria Ruinetti, 1697. 4.
Responsio Danieli Papebrochii ad Exhibitionem errorum per P. Seba-
stianum a S. Paulo. Pars II, Antverpia apud Viduam Henr. Thieul-
lier, 1697. 4.*

*Prænotiones Mystagoga ex Jure Canonico. Sive Responsa sex. Autore
Nicolao Comneno Papadopoli Cretensi. Patavii, ex typographia
Seminarii, 1697. fol.*

*Jo. Petri Erici Ανθρωπολογικον, sive Humana Lingua Genesis.
Veneris, sumptibus Autoris, 1697. 4.*

*Remarques sur la Traduction du Nouveau Testament, faite par ordre
du Clergé de France & par le ministère de Denys Amelot. Adressées
au Roy de France, par Claude Bruffon. A Delft, chez Adrian Bee-
mann, 1697. 12.*

*Le Saint Evangile de Jesus-Christ selon S. Matthieu, traduit en François
avec une Explication par Mr. Le Maître de Sacy. A Paris chez
Gu. Desprez, 1697. 12.*

*Cours de Chymie, par Nicolas L' Emery. Neuvieme edition. A Paris,
chez Estienne Michallet, 1697. 8.*

*Antonii van Leenwenboek Continuatio Arcanorum Naturæ detecto-
rum. Delphis Bat. apud Henr. a Krooneveld, 1697. 4.*

Tomii III Supplementorum Sectio III paucos ante dies prodit.

* * * * *

ACTA ERUDITORUM

Publicata Lipsiæ

Calendis Novembris, Anno M DC XCVII.

CALLIMACHI HYMNI, EPIGRAMMATA, ET FRAGMENTA, ex recensione Theodori J. G. F. Grævii, cum ejusdem & aliorum animadversionibus, & annotationibus V. I. Ezechielis Spanhemii &c.

Ultrasjecti apud Fr. Halmam, & Gu. vande Water, 1697. in 8.

Alph. 4. pl. 7. cum figuris æneis.

SI quis antiquorum est, cui post renatas bonas literas excolendo atque illustrando plurimum operæ studique viri docti impenderunt, is certe Callimachus Cyrenæus est, Grammaticus & Poëta sui ævi insignis, ac celeberrimæ quondam Bibliothecæ Alexandrinæ sub Ptolemæis Ægypti Regibus, Philadelpho & Evergete, præfectus. Et primus quidem post *Henricum Stephanum* de eo egregie meritus est *Nicodemus Frischlinus*, Hymnis ejus in Jovem, Apollinem, Dianam, Delum, Lavacrum Palladis & Cererem, quibus antiquissimorum temporum historiam & gentilium mythologiæ origines complexus est, nec non Epigrammatibus, quæ cum paucis fragmentis aliis, ex octingentis, quos composuisse fertur, libris supersunt, Latino carmine redditus, atque cum scholiis Græcis, ac luculentis annotationibus Tubingæ anno 1571 editis. Æmulatus est & superavit forte Frischlini industriam *Bonaventura Vulcanius*, qui novam operum Callimachi versionem Latinam ligato itidem sermone adornavit, Græceque adeo ea & Latine cum notis suis Lugduni Batavorum A. 1582 evulgavit. Ast supremam iis manum imposuisse videri potuit Fœmina supra sexum suum docta, ac ornandis perficendisque literis nata, *Anna Dacera*, Tanaquilli Fabri filia, quæ Lutetiæ Parisiorum A. 1674 Callimachum in lucem denuo revocavit, cultissimumque, & elegantissimis illustratum annotationibus Orbi erudito

exhibuit. Neque sic tamen doctorum virorum in ornando Hymnographo nostro conquievit studium. Novæ enim & multo augustioris editionis consilium Viri Juvenis doctissimus, *Theodorus Grævius*, Joh. Georgii Grævii, Viri illustris & Polyhistoris summi filius, nostræ etiam quondam Academiæ aliquandiu ornamentum, cepit, paternam haud dubie & celeberrimorum aliorum Virorum exhortatione, proprioque in nitidissimum Poëtam studio concitatus, egregiisque instructus subsidii, magnoque cum apparatu rem aggressus. Qui licet labori huic, cum eo tantum non defunctus esset, magno summi Parentis cum luctu & literariæ rei detrimento fuerit immortalis; produit tamen post fata ejus nuper admodum nova hæc, quam molitus erat, Hymnorum, Epigrammatum & Fragmentorum Callimachi editio, non ipsius tantum Theodori, omniumque præterea, quæ lucem unquam adspexerunt, annotationes complexa, sed & a *rex d'érqis* hæcenus tum *Pauli Voet*, Antecessoris dum viveret Ultrajectini gravissimi, tum Viri celeberrimi & doctissimi *Richardi Bentley*, qui Epigrammatibus imprimis & Fragmentis Poëtæ nostri insigne augmentum conciliavit, notis & locupletissimis præterea indicibus superbiens. Jamque non erat, quod circa Callimachum desiderare ulterius aut polliceri sibi posset Respublica literaria: cujus tamen spem omnem & vota vicit Vir illustrissimus, omnisque eruditæ antiquitatis promus condus, *Ezechiel Spanhemius*, qui ad symbolam novæ editioni conferendam invitatus, non stricturas, sed justum commentarium dedit, peculiari eoque grandi satis volumine comprehensum, inque eo non lucem tantum clarissimam affudit Callimacho, difficillimis, quæq; maxime aliorum ingenia exercuerant, locis dexterrime expositis; sed ea occasione fabularis historiæ omnis genuinam originem, abstrusissimisque gentiliū ritus, ac interiores quasq; elegantis doctrinæ delicias, nummis etiam, aliisque antiquitatis monumentis in subsidium vocatis, explicare sustinuit. Nobis ex tanta copia seligere, quæ huc transcribamus, cum omnia sint egregia, difficile est. Itaque missis, quæ profundiorē in profana literatura eruditionem spirant, nonnulla nunc tantum ex iis, quæ id genus lucubrationum etiam in sacris usum commonstrant, in transcursu exscijati operis hinc inde a nobis delibata, cum Lectore benevolo communicabimus.

Neminem later miraculum a Mose patratum, cum ex percussa
pe-

petra aquam elicit Exod. XVII, 6. Occasionem hinc natam Spanhemius arbitratur Callimacho, cui vel ex versione Seniorum recenter Pag. 14.
in Bibliotheca Alexandrina, cui præerat, reposita innotescere Mosaica historia potuerit, ut in Hymno in Jovem v. 31, 32 Rheam fingeret percussisse montem sceptro huncque ingentem aquæ copiam effudisse. Cui simile miraculum, ab eadem Rhea in Cyziceno solo patratum, coævus & Alexandrinus itidem Poeta Apollonius l. I. v. 1146. seqq. memoret : & Strabo etiam l. III. p. 209. de venante Atalanta prædicet. Sed & augurii ex volatu certarum avium disciplinam, primamque 630.
aspiciorum inter gentiles originem, cum Ludovico Capella, ex Noæ corvum & columbam ex arca ad explorandum terræ statum emittentis historia accellit, confirmatque sententiam ex eo, quod Deucalion columbam ex arca eundem in finem emisisse apud Plutarchum de Solert. Animal. p. 968 dicatur, & Argonautæ etiã, ut de felici per Symplegadas transitu periculum facerent, auguralem columbam e navi Argo emisisse ab Apollonio Rhodio l. II. v. 328. memorentur. Utique antiquissimã fuisse apud alias gentes, usitatã & diu ante quã eadem apud Græcos Romanosve invaluisse, augurii disciplinã, vel ex eo liquere non potest, quod de Balaamo Madianitarum augure Num. XXIV. v. 1. dicitur : *non ivit sicut consuetum illi erat* מִן הַחֲזָקִים, (juxta Septuaginta Seniores, *eis συνάντεσιν τοῖς δυνάμει*) *in occursum auspicium.* Quin & ipsum Interdictum divinum Levit. XIX. v. 26. *non augurabimini nec auspicabimini*, de more augurandi apud vicinas gentes recepto testari. Qua occasione Julianum notat, qui, ut refert Cyrillus adversus Julianum l. X. p. 356, 358 Abrahamum ipsum auguriis impense fuisse deditum, cavillabatur, loco Geneseos XV. v. 9, 10, 11 cum in sensum detorto. Non dissimili ratione chorearum, quæ in gentilium festis circa aram agi solebant, vestigia in veteri Fœdere, tum 112.
alibi, tum imprimis Exod. XXXII, v. 19, ubi Israëlita circa vitulum aureum choreas duxisse memorantur, deprehendi Spanhemius observat, variaque adducit veterum de χοροῖς illis κυκλικαῖς, (unde & κυκλιοδιδάσκαλοι apud Aristophanem aliosque, qui modum & rationem eorum edocebat) loca. Porro juxta gentilium Theologiam piaculum censebatur, Deos coram 592. 603.
alioquin vetitum id erat, ingredi; adeo ut in gravissimas pœnas & omnis generis calamitates passim dicantur incidisse, quibus quocun-

que casu etiam invitis aut insciis id contigisset: nimirum quod Numinum suorum puritatem & sanctitatem profanis oculis seu illicito aspectu lædi ac temerari crederent. Et hoc ex sacra veteris Fæderis historia haustum Vir doctissimus arbitratur, tum ex eo quod Deus per Mo-
 sen Exod. XIX. 21, 24. & XX. v. 19. prohibuisse dicitur, ne Sacerdotes & Populus ad conspectum Domini ascenderent, nisi ab eo continuo
 interfici velint; tum ex cladibus, quibus vel Philistæi 1. Sam. V. 6, vel
 Bethsemetes incolæ 1. Sam. VI. v. 19, vel Huzza 2. Sam. VI. v. 6, 7. ob
 inspectam intus ab iis aut attrectatam Arcam affecti fuerunt. Sacer-
 dotia apud Hebræos hæreditaria ac gentilitia fuisse, ignorat nemo.
 Sed & Argis insignem tribum extitisse, e qua Argivæ illæ virgines, quæ
 in annuo Palladis lavacro, ut statæ ejus comites ac ministræ, solennia
 567. ejusdem sacra obirent, oriundæ fuerint, ex Græco Callimachi Inter-
 prete notat Spanhemius; exemplisque pluribus adductis comprobat,
 apud Athenienses quoque & Græcos alios penes certas tribus vel fa-
 milias sacra patriorum Numinum rite procurandi munus fuisse. Si-
 cut & in eo legi divinæ, qua inter Hebræos aliqua corporis parte mu-
 621. tili a sacerdotio arcebantur, conformes Atheniensium leges fuere,
 quibus cautum itidem, ut nonnisi corpore integer sacerdotium con-
 sequeretur. Et inter tot alia Græcorum *Θεολογύμνα*, templorum
 etiam penetralia apud gentiles & occulta sacraria, in quibus Deorum
 587. recondita erant simulacra, solis etiam quibus id licitum erat Sacerdo-
 tibus & subinde semel tantum in anno conspicua, e sacris Hebræorum
 ritibus, de ingressu nempe solius Pontificis, idque semel in anno, in
 Sanctuarium, deque Arca & Cherubinis ibidem reconditis, petita, quis
 inficietur? Nec aliunde, quam ex notissima Davidis & Bathsabæ hi-
 storia II. Sam. XI. haustum verosimile est, quod de Jove ob visam la-
 589. vantem in fontanis aquis nudam Proserpinam libidine accenso, inde-
 que clandestino ejus cum ea concubitu, ad veteris ea de re fabulæ fi-
 dem Nonnus Dionys. I. V. p. 177. & I. VI. p. 187. narrat. Etiam illud,
 253. quod Callimachus Hymno in Dianam v. 181. seq. fingit, Solem nimi-
 rum voluptate captum diutius inspiciendi Nympharum chorum, cur-
 sum stitisse, diesque inde protractos, ex veri utique & singularis mira-
 culi, quo Sol & Luna steterunt Josuæ X. v. 13, aur alterius, quo
 tempore Regis Ezechiae retro celsisse Sol traditur 2. Reg. XX. v. 11. hi-
 storia haustum est. Sed ne his talibus immoremur diutius, unicum
 adjece-

adjicere lubet de phraſi, ſedere ad dextram. Eam enim non honoris ſolum prærogativam aut manſionem auguſtam, ſed poteſtatem etiam denotare, aperte Callimachi locum Hymno in Apollinem v. 30. probare, cum Daceria Spanhemius obſervat. Cum enim Callimachus cætum, ſi ex ſententia Apollinis cecinerit, honore ab eo affectum iri innuiſſet, ſtatim ſubdit: *δύναται γὰρ, ἐπὶ Δίῃ δεξιὸς ἦσαι.* i. e. *potest enim, cum a Jovis dextra ſit collocatus.* Ut adeo in ſacro etiam Fœdere, ac inde in Apoſtolico Symbolo, ubi ad dextram Dei Patris ſedere ſervator noſter ſcitur, non honorem ſolum, ſed & poteſtatem innui, priſci jam Eccleſiæ Doctores, Auguſtinus, Hieronymus alique recte agnoverint. Nec inelegans Spanhemii excellentiſſimi conjectura eſt, Callimachum in lectione veteris Fœderis in Græcam tum linguam a Senioribus converſi, ex Pſalmo CX. v. 1. phraſin hanc fuiſſe mutuatum. Sed ſpeciminis loco hæc ſufficiant.

*NOVISSIMA SINICA, HISTORIAM NOSTRI TEMPORIS
illustratura. Edente G. G. L.*

Anno 1697. in 8. plag. 14.

Nihil ab aliquo tempore Orbi Chriſtiano fructuoſum magis latum-
que accidit, quam Religionis Divinæ libertas in ampliſſimo Sina-
rum Imperio ante hos quinque annos publico decreto ſtabilita. Pri-
mus, quātum quidem nobis conſtat, rei gratiſſimæ nuncium ad Euro-
pæos miſit P. *Joſephus Suarius*, Luſitanus, Societatis Jeſu Miſſionarius
Sinenſis, Pekinenſisque Collegii Aulici Reſtor, edito libello, quo &
Miſſionariorum in annuncianda per Sinam Chriſtiana Fide ſtudium,
& objectas iis arduo in negotio difficultates, & felicem tandem, impe-
trato anno 1692, d. 22 Martii ſolenni pro libertate Chriſtianiſmi edi-
cto, conatuum eventum ſtudioſe enarravit: quem, ut fama tantæ felici-
tatis latius propagaretur, recudi non ita pridem, luculenta elegantis-
ſimæque præfatione ac opusculis aliis auſtum, ſub *Noviſſimorum Sini-
corum* titulo curavit Vir illuſtris, *Gothofredus Guilielmus Leibnitiuſ*.
Equidem ſeculum jam, & quod excedit, lapſum eſt, ex quo poſt tenta-
tum fruſtra tum a *Franciſco Xaverio* e primis Societatis Jeſu Patribus,
tum ab aliorum religioſorum Ordinum ſcēciis nonnullis in Sinam in-
greſſum, utpote quo exteri omnes lege publica prohibebantur, P.
Matthæo Riccio ejusque commilitonibus tam felicibus eſſe licuit, ut

comparata sibi Sinenſis linguæ peritiâ, & Proceribus nonnullis perinſignem Matheseos & Astronomiæ inprimis, qua pollebant, ſcientiam conciliatis, clam ſenſimque, his conniventibus, in diverſas Sinici Imperii provincias ad ſpargendum Evangelii ſemen penetrarint, ſtationemque paſſim ac denique in ipſa Pekinenſi aula fixerint. Quorum progreſſuum hiftoriam ex ipſis P. Riccii commentariis *P. Nicolaus Trigautius*, editis A. 1616 de Chriſtiana expeditione apud Sinas ſuſcepta ab Societate Jeſu libris V, curate deſcripſit. Aſt plurimum & augmenti & decoris naſcenti in Sinis Chriſtianismo *P. Joannes Adamus Schall* e Societate itidem Jeſu addidit, qui cum iam anno 1621, rerum adhuc potente familia Taiminga, in Sinam perveniſſet, poſt inſecutam rerum converſionem Sinamque a Tartariſ ſubjugatam, cum gratiæ locum Aſtronomica ſcientiâ ſua apud novum Imperatorem *Xun-chium* adeptus eſt, ut ſupremus Tribunalis Mathematicæ Præſes conſtitueretur, præſtantis & arcana Legis Doctior honorifico cognomento dictus: cui adeo in proclivi fuit, *Xunchio* ſuperſtite, & promoveri Evangelii curſum, & ſiquæ hic illic ſe proderent, perſecutiones auctoritate ſua comprimere. Sed ea quidem felicitas cum ipſo *Xunchio* extincta eſt, adminiſtratione Imperii, dum filius illius *Khambius* ea tempeſtate minor adoleſceret, ad Quatuorviros e Proceribus, eosque Jeſuitis inſenſiſſimos delata: quando paſſim in Chriſtianos ſævirum fuit, Schallio ipſo in præſentiſſimum vitæ periculum adducto, plurimis actis in exilium, fide Chriſtiana ex univerſo Imperio proſcripta; tribus tantum cum Schallio, qui non multo poſt obiit, Patribus Societatis Pekini remanere juffis. Ex quibus tamen anguſtijs emergere res Chriſtiana corpit, ſimul ac regno maturus *Khambius* anno 1667 imperii habenas capeſſivit. Nec enim difficile Jeſuitis fuit, Principis ſcientiarum omnium & Mathematicarum inprimis cupidiffimi, probata ipſi Aſtronomiarum rerum inſigni, qua inſtructi erant, peritiâ, graphicis etiam ac artiſticiſ operibus oblatiſ, gratiam ſibi conciliare: ut non ſolum paulo poſt *P. Ferdinandus Verbieſt* Matheseos Tribunali fuerit præſectus, ſed tandem omnibus, ſine discrimine, Chriſtiana ſacra amplectendi licentia impetrata. Id quo pacto & per quas ambages perfectum fuerit: ut nulli occaſioni, qua conſulere Chriſtiænæ religionis libertati & incrementis poſſent, deſuerint Patres; ut Imperator iis faventiſſimus, nec ſui tamen unius auſpicijs rem publice

blice invisam promovere ausus, jam cum Tribunali Rituum, jam cum Imperii Comitibus, jam cum Tribunali operarum publicarum, de Christianismo seu opprimendo, seu sustentando firmandove egerit; ut promulgata isthoc de negotio mandata publica fuerint, quorum aliis Christiana fides prohibita plane, aliis permessa quidem, sed licentia ad solos ex Europa advenas, indigonis exclusis, restricta; ut denique Imperator auctoritate sua Tribunalium pervicaciam vicerit, cunctisque adeo, nemine excepto, solenni decreto permissum fuerit, inter Christianos nomen profiteri: hæc sunt, quæ eleganter satis a Suario in brevi hoc libello exposita legi ab unoquoque merentur. Subjunguntur illi ab illustri Editore opuscula alia (quæ inter & Epistola ad eum a viro celeberrimo P. Claudio Philippo Grimaldi S. J. perscripta comparet) ad Sinensem Historiam spectantia. Faxit modo Numen, ut ea felicitas rei Christianæ sit perpetua, nec unquam a Sinensium Imperatoribus Edictum in eam satis benignum revocetur. Certe ab omni metu immunes nos non sint; Imperatoris ipsius ad Jesuitas apud Suarium nostrum pag. 158. monitum: *ut ad beneficii (non æternitatem sed) diuturnitatem caute eo uterentur, opus esse Christianos, imprudenti agendi modo obnoxios in officio & quietos continere.* Sicut & alterum ejusdem monitum ibidem expendi meretur: *ut Religio Christiana se, quantum fieri possit, accommodaret Imperii consuetudinibus.*

LATITUDINARIUS ORTHODOXUS.

Londini, impensis Samuelis Buckley, 1697. in 12. plag. 10 $\frac{1}{2}$.

Latitudinariorum aliquam delineationem, ad ductum Viri clarissimi Petri Jurii conceptam, in Actis hujus anni p. 57. 58. dedimus, quæ utrum istorum faciem exacte ubivis referat, judicandum omnibus relinquitur ex hoc opusculo, quod pro Systemate omnes ad religionem Latitudinariam spectantes articulos comprehendente postulat haberi ipse Auctor, qui suum nomen reticere consulto voluit. Paucis autem id absolvitur, in duas partes, generalem alteram alteramque specialem divisum. Generalem auspicatur ille a quibusdam religionis naturalis axiomatibus, simplicissima, ut æt, illius elementa sistentibus, quæ potissimum huc redeunt: id in quoque genere esse perfectissimum, cui cum propria sua natura perfectissime conveniat; naturæ & felici-

felicitatis humanæ summum esse apicem, cum Deo communionem habere; eam optimam audire posse religionem; quæ perfectissimam cum Deo communionem doceat; communionem cum Patre habere omnes, qui Deum mundi creatorem agnoscant, aut cum Filio non habere, nisi Christianos; cum Deus sit absolute perfectissimus, hinc optima quæque de eo credenda; eadem intentione Deum leges creatis dedisse, quæ vitam, & cuilibet mandato voluptatem propriam annexuisse; spiritum lumine naturali credenda & agenda cognoscere. His positis ad religionem Christianam procedit, quæ, cum nequaquam lumine naturali soluni, sed & revelato maxime nitatur, ex Evangelio cognosci debeat. In hoc vero istam ad duo capita reductam deprehendi, ad fidem puta & ad resipiscenciam, quæ partes distinctæ quidem sint, sed inseparabiles, ac explicatæ duæ appareant, ita tamen, ut in unam reducantur. Et fidem sane etiam in religione naturali locum cardinalem obtinete ait, quippe quæ sit summa erga Deum justitia, ejusque perfectionibus omnibus debitum honorem persolvat; veritati, dum dicat, Deus absolute verax est; omnipotentiz, dum dicat, Deus omnipotens est, atque sic deinceps. Eam in religione, quam vocat, Enochica, Abrahamitica, Mosæica locum fundamenti obtinuisse, unde & increduli puniti toties legantur. Sub Evangelio autem fidem eminere ait super omnes virtutes, eamque, si lege non sanciat, præmiis certe amplissimis incitari, & legis operibus ita opponi, ut præponatur, observat. Ac illo quidem tempore, quo eam Christus cum Apostolis flagitarit, egregia ejus merita fuisse, quæ regnante tamen jam religione Christiana tanta non sint. Maximam enim credendi difficultatem, quæ tunc emerferit, allegat, ac profitendi periculum urget, & circa hoc non minus atque illam inevitabilem occurrissse necessitatem superaddit. Cessantibus interim hodie his partibus, fidei quidem meritis simpliciter sumtis nonnihil detrahi, sed ita tamen, ut ea perpetuum nihilofecius ad promissam mercedem jus retineat, cum adhuc optimis virtutibus vel annumerari vel præferri mereatur. Quemlibet enim ea instructum cum omnibus Christi hostibus, sine periculo forsân, at non sine labore belligerare, & quicquid imperaverit obsequium Deo debitum, facere ac pati. Non carere porro eam queritur infelici illa virtutis proprietate, quod vitii utrinque stipari soleat, hinc defectu, inde excessu peccantibus. De incredulitate rem
cla-

claram esse autumat. Credulitatem vero dupliciter in vitium degenerare posse monet, semel respectu personæ, si quæ soli Deo debetur fides, homini præbeatur; iterumque ratione effati, si illud credamus a Deo dictum esse, quod revera dictum ab eo non sit. Pro fideligitur mensura, facti inter alia constituit evidentiam, qua appareat, illud, cui fides nostra deposcatur, verbum Dei revera esse. Respectu tamen effati Dei nomine credendi periculum peccandi iterum duplex imminere ait. Primo, si ea credamus necessario credenda, quæ reapse (vera licet) necessaria non sint; ubi dogmata fidei fundamentalia distinguit a simpliciter veris, & de istis affirmat, quod esse debeant simplicia, quod effato divino expresso constare, quod non aperte tantum revelari, sed & promissio æternæ vitæ palam insigniri debeant. Quibus præsuppositis, tria hæc corollaria exinde elicit: controversiarum judice nil esse opus; Sacram Scripturam, utcunque librorum longævorum fato, scribarum negligentia, hæreticorum fraudibus, aliisque temporum injuriis obnoxia, forsân & mutilata fuerit, saluti tamen sufficere; tandemque fundamentalium catalogo nos optime carere posse. Secundum peccatum tunc committi in credulitate docet, si ea, quæ vera credamus, majore, quam oportet, zelo propugnemus. Quo loco in eos invehitur, qui dissidentes quosvis crimine confestim hæreseos notare parum dubitent, cum tamen hæresis vix aliter reprehensionem, Scriptura prævia, mereatur, quam si in vitilitigationem degeneret. Cæterum ut omnes norint, quænam sint fidei Evangelicæ capita, præcipue hoc exigit, ut in Christum credamus, ejusque non personæ solum, sed promissis quoque fidem adhibeamus. Id enim qui præstet, ei vitam promitti æternam Joh. III. 16. Rom. X, 9: unde colligit, eum, qui fide indubia hæc credat, utique nihil obstantibus erroribus aliis salvandum; talem enim damnandum qui dixerit, hunc Christo & ejus Apostolo in os contradicere. Ac circa Christum quidem quoad personam consideratum requirit, ut credamus, Deum illum esse & hominem. Scripturæ vero sacræ utraque pagina, lumen item rationis clarissimum, omnium ubique gentium consensus unanimi voce cum clamitent, Deum non esse nisi unum, & tamen Apostoli Christum non tantum hominem esse divinum, sed ipsum etiam Deum enuncient, ideo de mysterio Trinitatis in unitate Auctor agit, & ab isthoc capite secundam partem, quæ paulo specialior est, auspicatur.

R r

Ne-

Negat personarum in uno Deo trinitatem, rite explicatam, esse proprie sic dictum mysterium, cum veritas potius sit religioni universali, Moisaicæ & Christianæ communis. Hinc quid de ea Gentiles tradiderint, quid Galenus, quid Platonici, quid in Scripturis istuc pertinens legatur, indicat, omniumque optime doctrinam hanc in suis Confessionibus exposuisse censet Reformatos, quos docere ait, personæ vocabulum in hoc articulo frequentissimum nihil aliud quam Proprietatem innuere; in quorum mente proin acquiescere se dicit, ac parum curare rixas & contentiones, quas alii æque super hoc ac reliquis vocabulis communiter agitent. Postmodum ad Christi divinitatem ascendit, eamque velut religionis universalis partem nunquam non fuisse creditam existimat, quam Johannes sub adhibito *τῷ Λόγῳ* nomine adstruxerit, non aliud hoc pacto referens, nisi quod dudum ejusdem vocabuli ope Platonici proposuerint. Incarnationis econtra doctrinam adeo proprie Christianam vocat, ut sine illa fide æque impossibile sit esse Christianum, ac hominem sine anima rationali. Hanc autem probari sufficienter posse e verbis Johannis: *ὁ Λόγος σὰρξ ἐγένετο*, contra Unitarios asserere satagit. Rationem insuper, qua ostendi queat commodissime totum Incarnationis negotium, peculiarem atque novam abs se inventam gloriatur. Præsupponit nempe, sapientiam Dei in Deo æternam esse, cumque Deus sine sapientia esse non possit, æque illi necessariam esse sapientiam ac Deitatem suam. Hinc, qui proprietates divinas a Deo & ab invicem inseparabiles esse credat, eum tamen istas a se invicem mente ita distinguere posse infert, ut unam sine aliis contempletur, & nunc Patris bonitatem, nunc Filii sapientiam, nunc Spiritus Sancti potentiam respiciat. Porro Deum esse ait ens perfectissimum, ens perfectissimum esse spiritum, spiritus primam actionem esse cogitationem, cogitationem formatam verbum esse, verbum sive interne conceptum, sive ad extra prolatum cogitationis esse imaginem, eoque verbum sive sapientiam Dei Patris primogenitum seu imaginem dici mereri. Deus porro cum per diversas mensuras proprietates suas communicet, nonnullis puram substantiam, ut elementis, aliis ultra substantiam etiam vitam, ut plantis, aliis præter vitam etiam sensum, ut animalibus, aliis præter sensum etiam rationem, ut hominibus, ex his autem aliis majorem, aliis minorem rationis mensuram; hinc nemini licere potentia divinae limites ita ponere, ut dicat, non

potuisse Deum eo modo & ea immensitate sapientiæ Christum hominem perficere, ut ipsius etiam sapientiæ charactere dignus fieret. Cæterum cum Paulus Col. II, 9. doceat, in Christo habitare plenitudinem Deitatis corporaliter, plenitudinem illam corpus, in quo habet, sic respicere, ut illud Deitate plenum sit, non ipsa Deitas, quasi ea tota in corpore contineretur; unde Christi natura humana, utcumque Deitate plena, totam tamen in se non continuerit, sicut & non tota Deitas, sed sola Dei sapientia incarnata fuerit. Has hypotheses multis verbis celebrat, easque retundendis Unitariorum objectionibus, sacrarum literarum dubiis solvendis, incarnationisque mysterio cum ratione conciliando plurimum prodesse, exemplo non uno declarare nititur. Juxta ea tamen, quæ de Christo credenda hæcenus retulerit, credendam quoque ait ejus resurrectionem, a qua cum nostra resurrectio dependeat, pari & hæc fide amplectendam esse colligit, & in hujus certitudine demonstranda aliquantum occupatur, expresse de cætero negans, idem corpus, quod quisque in hac vita habeat, aliquando resurrecturum. Duo igitur hæc fidei Christianæ objecta necessaria & sufficientia pronunciat, credere Christum & credere resurrectionem. Præter hæc vero, inter, imo supra alia fidei fundamentalia acerrime propugnari & acerbissime imperari notat Cœnæ Dominiicæ mysterium, de quo tamen credendo nulla occurrat verbi divini syllaba. Quamobrem in eo totus est, ut ex historia temporum se mutuo excipientium ostendat, mutatum esse in mysterium id, quod pro tali Christus nunquam agnoscendum voluerit: quippe qui in Cœnæ suæ institutione hoc solum jussit, ut traditio illa, quæ alias convivia omnia pane & vino consecranda, ad commemorationem benignitatis divinæ corpora donis suis foventis præceperit, perpetuo observaretur, sed altius eversa in corporis & sanguinis Christi animas spiritualibus beneficiis enutrientium commemorationem. Hoc innuere ipsa institutionis verba, huc & respiciere. Cor XI Apostolum contendit, a quibus quod in alia omnia circa hoc negotium tam multi abierint, rem maxime dolendam asserit. Atque hoc est Auctoris nostri, quod vocavit, Latitudinariorum Systema, cui quædam adhuc appendix subnectitur, contra Petrum Jurium composita, quem, ut ex omni parte Latitudinismo odium conflaret, ad impingendas ei terribiles valde consequentias facis quoque adversis Arthuri Bury, Collegii

Exoniensis antehac in Universitate Oxoniensi Rectoris & S. Theologiæ Professoris, (quæ latius designat Auctor,) abusum fuisse innuit; illis tamen Latitudinarios minime gravari, evictum dare allaborat. Nobis summam operis exhibuisse pro instituti ratione sufficit, accurato singulorum dogmatum examine Theologis relicto. A quibus quam primum quid profectum & ad nos delatum fuerit, quod ad censuram libri spectet, ejus in Actis hîsce epitomen justo studio daturi sumus.

ELLÆ BENOIST IN PRIORES OCTODECIM PRIMI CAPITULI

Evangelii secundum Johannem versiculos Dissertationes

Epistolice tres.

Roterodami, e typographia Leeriana, 1697. in 8.

Constant plag. 16.

PETIT hoc opus celeberrimi Viri, Joannis Clerici, paraphrasin atque animadversiones, quibus octodecim priora capituli, quod in Evangelio Johannis primum habetur, commata illustrare studuit, ad eum modum, quem nos jam A. 1695, p. 345 in his Actis delineatum dedimus. Cum enim in quamplurimis cum isto facere se non posse intelligeret hic Auctor doctissimus, verbi divini in Gallicana Delfensi Ecclesia Minister, dissensum suum palam exposuit, epistolice, eaque ad Virum amplissimum, Henricum a Bleyswick, directa scriptione usus, ac tribus Dissertationibus negotium complexus.

Prima earum examinat, quæ de auctore Evangelii, Johanne, deque hujus in concinnanda nova hac Christi historia, post trium Evangelistarum jam editos commentarios, consilio Clericus ibi adstruxerat. Duos nempe ultimos capituli vigesimi primi versiculos pro Ephesinæ Ecclesiæ testimonio, quo illa hoc esse genuinum Johannis opus confirmari, haberi posse equidem haud proorsus abnuit, ast fere tamen inutilem de auctore disceptationem pronunciat, cum eo potius annitendum sit, ut ipsa libri divinitas cuius manifeste ponatur ob oculos; id quod sane non argumentis fiat ejusmodi, quæ veri solum similitudine delectent, errandi autem vel suspensionem vel metum tolerantem certitudinem haud pariant; quin talia potius adhibenda postulat, quæ interna omnique exceptione majora dici mereantur. Inter ea vero locum præcipuum heic obtinere monstrat rerum traditarum con-

constantem analyfin, & summum Johannis cum reliquis fcriptoribus Θεοπνεύστis in afferenda Chrifti gloria confenfum, fatis abundeque confirmantem, ab eodem Spiritu, qui afflatu fuo ceteros novi Fœderis auctores ad fcribendum impulerit, opus hoc fimiliter profectum fuiffe. Iſto interim argumento pertinaciam Alogorum haud fatis fractum iri ſi quis exceperit, reſponderet, multo minus ſperandum, fore, ut eam ulla probabilis ex teſtimonio humano petita conjectura ſuperet. Hinc ad conſilium ſcriptoris ſacri properans, in eo rotus eſt, ut evincat, neutiquam, ceteri Lectori perſuadere allaboret Clericus, in conſutando Philone eum occupatum, & conſulto uſum fuiſſe ſub Evangelii ſui initium iis vocabulis, quæ hætenus forſan incautis fraude eſſe potuerint. Parum namque Johannæ dignitati congruum autumat, aſſerere, actum ſingulari Dei virtute ſcriptorem hunc, ſolumque ex Apoſtoliſ eo ævo ſuperſtitem, Platonicas Philonis, vita inſuper tum temporis jam fortaliſſis functi, argutias conſutaſſe, bacchantesque contra in Eccleſiam, ac præcipuum fidei caput ingenti mole oppugnantes hæreticos neglexiſſe. Exotericus certe cum fuerit Philo, (nam quod de propenſo ejus ad religionem Chriſtianam animo reſerre ſoleant alii, id omne dubium adhuc eſſe latius oſtendit,) nihil eum Apoſtoliſco more curatum a Johanne innuit. Imo tameſi Judæos aliquando Platoniciſ verbis locutos minime diſſiteatur, hos ſenſus tamen ſuos ab iis accepiſſe negat, credendumque negat, aut Johannem aut Judæorum plurimos Platonica ſcripta unquam evolviſſe, nedum familiaria ſibi eadem tantopere reddidiſſe. Platonica etenim Philoſophiæ errores cum & Johanne in vivis adhuc agente infelici jam tum germine pullularint, haud difficulter poſſe colligi, eum, ſi aut Philoſophica dogmata perſpecta habuiſſet, aut externos Evangelii hoſtes ſcriptis reſellere voluiſſet, multo digniorem curis ſuis integram Platonis Academiam fuiſſe delecturum, quam unum ejus diſcipulum Philonem, ſuis forte Alexandrinis notiſſimum, ſparſis vero per totum terrarum orbem Chriſtianis & Judæis aut ignotum aut inviſum. Quamobrem errores potius tunc frequentiſſimos examinat, ad duas hæſce claſſes potiſſimum revocatos, quod nimirum plures Dei primæque omnium cauſæ attributa male fuerint interpretati, ac deinceps ſibi perſuaſerint, nihil poſſe fieri, niſi ex duplici principio, quorum unum tanquam agens, alterum tanquam patiens animo conceperint,

aut, si minus duplex principium admiserint, saltem unicum illum rerum omnium fontem duplici virtute quasi prægnantem, activa pariter & passiva, sinxerint. Hæc principia latius deducit & illustrat, ac iisdem veluti fundamentis incubuisse censet illam maxime *Ἀσιναν* structuram, qualis a Simonianis primum delineata, mox a prioribus Gnosticis interpolata, & denique a Valentino & illius sequacibus in suum characterem transformata doceatur. Horum errorum semina, tempore Apostoli Johannis, non solum per totum terrarum orbem, quocunque se vel Romanum Imperium, vel Græcorum Philosophia, vel Ægyptiorum portentosa Theologia extenderit, sed & intra ipsa nascentis Ecclesiæ pomæria, sparsa passim fuisse tradit. Exinde vero cum duo hæc fidei Christianæ fundamenta, primæ: puta rerum origines, ac parandæ salutis ratio, non potuerint non varie conquassari, hinc id egisse ait Johannem, ut utrumque hoc caput adversus hæreticorum istis principiis innutritorum præstigias vindicaret; unde primo, quæ sint rerum initia & incunabula, dein quæ salutis veræ causæ sint, luculenter edisseruerit, ostenderitque, utrumque opus ab una & eadem causa pendere, unum eundemque summum omnium Deum & mundum fecisse, & cum per peccatum hominis concussum ac labefactum restituisse. Utrumque autem opus per *τὸν Λόγον* perfectum cum fuerit, inde quam convenientissimum existimasse Johannem, ut æternam Filii Dei divinitatem sub *τῷ Λόγῳ* nomine (cujus loco Noster ubivis *Sermonis* adhibet vocabulum,) assereret. Quod ut præstaret, scripsisse ipsum quartum Evangelium, cumque priores Evangelistæ mediatoria Jesu Christi opera originemque secundum carnem fufius exposuissent, divinum Christi Numen ac æternos egressus ipsum sigillatim explanare voluisse; ideoque non eo consilio Johannem scripsisse, ut hunc vel illum a recto veritatis tramite deviantem confutaret, neque magis Philonem aut quenquam alium sibi ante oculos posuisset, quem emissa sua manu tela recta ferirent, quam Socinum, aut eos, qui repudiato mali ominis nomine ejus errores alia larva induant; neque illum vocabula sua o Platonicis lacunis hausisse, ex his omnibus affatim patere concludit.

Sed hæcenus dicta viam tantum pararunt ad ea, quæ supersunt, exponenda. Ipsum enim textum sacrum Auctor nunc aggreditur, & ejus explicationem pariter ac vindicationem *secunda tertique* epistolæ

stolæ materiam constituit. Ante omnia vero & commatum illorum fontem Græcum, & Latinam hujus versionem, & textus denique paraphrasin apponit, notasque ac observationes suas postmodum subiungit. Summa torius, quam formavit, exegeseos huc redit. Cum id sit Evangelistæ consilium, ut ostendat, utriusque creationis, veteris nempe, qua omnia sint edita, & novæ, qua post violatum & vitiatum primi hominis peccato Dei opus in melius sint restituta, eandem esse causam, & plenissimam analogiam, id exequi ipsum ait oratione in tres partes divisa, quarum secunda transitionis a prima ad postremam locum ita obtineat, ut simul difficultatem aliquam, quæ mentes veritatis cognitione nondum illustratas haud leviter afficere potuissent, aperte discutiat ac removeat; prima vero ac tertia utriusque creationis brevem quendam typum referat. Igitur communem utriusque causam vocare eum τὸν Λόγον, de quo prioris operis respectu in prima orationis parte tria præcipue doceat, primum scilicet, quid ille in seipso sit, (vocari Λόγον, dicique de eo, quod sit Deus, & asseri, quod in principio sit apud Deum; quæ æternam Sermonis divinitatem sic adstruât. ut ejus etiam æternam ab eo, cujus Sermo sit, distinctionem aperte demonstrent;) mox quid sit respectu omnium, (causa puta effectrix non minus atque conservatrix;) ac tandem, quid sit respectu hominum. Homo autem cum dupliciter considerari possit, semel, qualis ante peccatum fuerit, & dehinc, qualis per peccatum factus sit, idcirco Johannem generis humani sortem utramque spectare innuit. Ad priorem illam pertinere, quod, cum Sermo omnium vita esset ac causa conservatrix, similiter respectu hominis natura intelligente præditi talis ille fuerit, ita quidem, ut etiam lucis spiritualetm animam perfundentis vim ac rationem haberet: Ad posteriorem, quod amisso per peccatum vitæ, quæ homini ut ratione instructo congrueret, jure tenebris ille peccatimersus atque obrutus, veroque salutæris illius lucis usu destitutus, eandem oculis se quasi ingerentem perspicere non potuerit. Data hac occasione Johannem inquit altera orationis parte ostendere, quod nequaquam agat de illa luce, quam homines quidam singulari Dei beneficio ad id vocati aliquando prætulerint, ministri quippe tantum veræ lucis, at non ipsa lux. Ubi diserte Johannem Baptistam non fuisse lucem illam pronunciet, ac veram postea lucem illis verbis describat, quibus eminentissima ejus supra omne hominum mini-



ministerium dignitas immensum in modum extollatur; quandoquidem omnis generis homines ab illa, quicquid habeant veræ ac salutaris cognitionis, accipere edoceat. Tandem quam diversimode ac relictum per partes illa lux hominibus se patefecerit, postrema orationis parte Apostolum monet declarare, ejusque totam dispensationem ad tres omnino gradus revocare, quorum duo priores hominum culpa scopum haud attigerint, ast tertius victrici pollens efficacia tenebris discussis æternæ lucis gloria omnium oculos illustravit. Primo igitur generalem quandam lucis usum exponi, quæ toti se mundo stiterit, & hunc versiculo decimo comprehendit: deinde strictiorem & angustioribus limitibus conclusam lucis exhibitionem, qua singulari quidam generis humani parti conspiciendam sese præbuerit, versu undecimo commemorari: utque magis evaderet perspicuum, quam malo consilio plures illam non susceperint, enarrari in duodecimo manifestationis illius beneficia, quorum insigniores proprietates in versu decimo tertio describantur. Postremo ultimum revelationis gradum in versu decimo quarto exponi. Dicta vero hæc de luce ista ratione manifestata confirmari atque illustrari testimonio Johannis Baptistæ, perfectione donorum ex illo fonte manantium, comparatione Moysi ac Sermonis in carne patefacti, & denique primo tam eminentis dignitatis tamque salutaris efficaciam fundamento, quæ versiculorum a decimo quinto ad ultimum usque contenta sint.

Et sic excerpta breviter cum benevolo Lectore ea communicavimus, ad quæ ceu scopum principalem cuncta in epistolis posterioribus duabus obvia collimant. Singulorum namque verborum proximam expositionem Auctor eo dirigit, ut ubicunque interpretationi huic adversa nonnulla in medium attulit Clericus, ibi vindicis partes cum cura in se suscipiat. Imprimis vero hæc in eo notat, quod *Λόγος* verterit per Rationem; quod neque Johannem ad Moysen alludere, neque Moysen Dei Sermonem mundum creatum docere asseruerit; quod verborum: *ὁ Λόγος σὰρξ ἐγένετο*, hunc tantum sensum esse dixerit, quod Sermo per carnem factus sit conspicuus; quod per *τὴν δόξαν* miraculorum solum gloriâ intellexerit; quodque verba: *χάρις αὐτῷ χάρις*, sic fuerit interpretatus: *χάρις*, id est, Evangelium nobis a Deo confertur *αὐτῷ χάρις*, id est, ut ei a nobis obedientia & fides quasi quædam *ἀντιχάρις* & accepti beneficii fructus rependatur.

M. JO.

M. JO. FRID. KOEBERI, ILLUSTRIS QUONDAM
*Ruthenei Rectoris, Dissertatiuncula de Sanguine Jesu Christi, quas col-
 legit indicibusque auxit M. Frid. Augustus Ferberus.*

Dresdæ, apud Editorem, 1697. in 8. Alfab. 1.

Qui sub auspicia superioris anni sexagenario major placide obiit illustri, quod sub Ruthenei nomine floret, Gymnasii Gerani Rector optime meritis, clarissimus Koeberus, præter alia ingenii sui monumenta, plures quoque Dissertatiunculas (Programmata vulgo nuncupant,) post se reliquit. Quoties enim instituendum a suis auditoribus scholasticum quoddam exercitium publica scriptione indicavit, toties simul de argumento aliquo pio, eruditove aut curioso nonnihil in medium præfationis loco attulit. Sicut autem plerumque materias singulas singulis absolvit plagulis: ita nonnunquam de eodem themate repetitis dixit vicibus, ac imprimis ante annos plus quam viginti de sanguine Christi Dissertationes XXIV se invicem diversis temporibus excipientes composuit, vestigiis ita insistens B. Mitternachts, quem inter suos antecessores numerare poterat, quemque olim parvi ratione de Johanne Evangelista a nonnullis etiamnum superstitie credito, Programmata fere totidem publicasse constat. Et in eo quidem occupata fuit B. Koeberi industria, ut post *αὐτῶν* sanguinis Christi adversus Minoritas sive Franciscanos latissime vindicatam, de ejus, quas passim exhibeant Pontificii, reliquiis potissimum disserteret. Cumque has aut naturales illi faciant, aut prodigiosas, non prætermisit ullam occasionem Noster, qua excurrere licuit ad variarum rerum, sanguine isto ex quorundam traditione notarum descriptionem. Modo enim de sudario Veronicæ, modo de aliis, & linteis quammaxime Christi sepulcralibus, modo de corona ejus spectata, modo de cruce sacro hoc cruore conspersa commentatur. Jam de eo, qui ex hostia effluxisse aut in eadem apparuisse creditur; jam de *αἵματι Παύλου*, quæ in vino eucharistico contigisse perhibetur; jam de sanguine ex Crucifixi imaginibus prorumpente; jam de aliis similibus erudita quædam lemmata cum Lectore suo communicavit. Interdum quoque digressionibus haud ineptis usus est, velut ubi de sanguinis Christi cum lacte Mariano comparatione, a Pontificiis institui solita, peculiarem Dissertatiunculam inseruit. Ubivis vero larga satis

SSS

manu

manu exhibuit, quod prodesse non minus ac delectare queat. Non male proin meritum de beati Viri Manibus censemus doctissimum Virum, qui chartas has separatim olim vulgaras ab interitu vindicare studuit, utque perennarent eo felicius, in unum quasi fasciculum colligavit. Quam quidem operam ubi in se suscepit, additam olim cuius Dissertationi publicorum exercitiorum designationem, directamque ad Inspectores & viros doctos Geræ commorantes alios, ut iis interessent, invitationem omittere, inque locum talium indices potius & allegatorum Scripturæ dictorum ac rerum præcipuarum, opusculo ab soluto subungere consultum ratus est.

JUDICIUM ECCLESIAE CATHOLICÆ TRIUM
*primorum seculorum de necessitate credendi, quod D. N. JESUS
 CHRISTUS sit verus Deus, assertum contra Sim. Episcopium alios-
 que: auctore* GEORGIO BULLO SS. T. P. Presbytero
Anglicano.

Amstelodami apud Georg. Gallet, 1697. in 8. Plag. 15.

Est hæc veluti coronis, ut ipsemet reverendus Auctor in Præfatione indicat, *Defensionis Fidei Nicænæ*, exquisiti illius operis, quo principem fidei Christianæ articulum, de æterna Jesu Domini ac Servatoris nostri Divinitate inde a primo Ecclesiæ natali creditum fuisse, luculenter jam olim Bullus e Patrum ante-Nicænorum scriptis ostenderat, fulseratque adversus Neo-Arianos Nicænam fidem: cujus anathematismos defendere præsentis opusculo non minus erudito nititur, atque adeo necessitatem credendi ejusdem articuli, ex eadem trium primorum seculorum antiquitate demonstrat. Nam sicuti quamplurimos libellos Arianam & Samosatēnianam impietatem propugnantes hic illic per Angliam, cum notabili Ecclesiæ detrimento spargi, quam ægerrime fert: ita non minus indignatur novo hominum generi, qui se mediatores, pacisq; in hac controversia sequestros gerunt, externa quidem professione Ecclesiæ orthodoxæ consentientes, Christumq; Deum credentes, sed tamen necessitatem credendi ejus articuli minime admittentes, sufficere ad salutem rati, si quis Jesum Christum Filium Dei mundi Salvatorem quoquo modo credat. Hos cum in primis ex Episcopo sua haurire animadvertisset Bullus, nihilque fere proferre, quod non illi jam dictum sit, Viro cetera quidem erudito, sed in lectione Patrum

trum non minus hospiti, quam eorundem præcipiti contemptori: hinc & Episcopium præcipue sibi confutandum sumit, non omnia ejus argumenta discutiens, quibus necessitatem credendi tanti mysterii impugnat, (hoc nempe jam ab aliis factum, vel certe faciendum existimat) sed id solum aperte falsum demonstraturus, quod ille statuerat, primis tribus Christianissimi seculi nullam fuisse Christianis impostitam credendæ Divinitatis Filii Dei necessitatem. Hanc igitur temerariam, ut vocat, Episcopii assertionem non solum testimonio ante-Nicænorum Patrum bene multis obruit, sed & ex historia ecclesiastica ostendit, neminem unquam Divinitatem Christi negasse, qui non hæreticis fuerit eo ipso nomine accensus: quibus monstratis, etiam ad objecta ab Episcopo argumenta respondet. Testimonia capite primo magna industria colligit ex Ignatio, Irenæo, Justino Martyre, Dionysio Romano, Origene, Novatiano, atque Tertulliano, ut ostendat, hanc de Divinitate Christi controversiam præcipue semper tribus primis seculis inter Christianos Judæosque agitatam fuisse, ut inde nosceres statim Judæum aut Judaizantem hæreticum, si de æterna Divinitate Filii sequi sentientem audires. Atque ut id eo uberius patefaciat Auctor, cap. II. Cerinthianos & Ebionitas producit, quorum utrorumque hæresis in eo conspiravit, quod Jesum non esse Deum dicerent; in eo tamen a se iterum diversi, quod Cerinthus cum suis Jesum a Christo separaret, illum Josephi & Mariæ filium statuens, cui deinde accesserit post baptismum descendens e cælo Christus, qui instante passione ab ipso iterum recesserit: Ebionitis contra unus atque idem simpliciter esset homo Jesus Christus, peculiaribus a Deo dotibus instructus, isque vel ordinario generandi modo ex Maria & Josepho, ut aliqui Ebionitarum docebant, vel ut alii, ex Maria Virgine miraculose prognatus. Præterea Cerinthiani non a primo Deo, seu, ut Irenæi verus interpret loquitur, a summa Principalitate, quæ est super universa, mundum conditum asseverabant, sed a Virtute quadam separata, & distante ab illa summa: cum contra Ebionitæ mundum a Deo factum non negarent. Hæc cum ita paulo uberius Auctor deduxisset, monstrat, quam fuerint hæretici isti perpetuo in scriptis Apostolorum strenue uniceque propemodum confutati, quam que graviter Johannes in eos invehens fuerit, Antichristi nomine illos velut proprio perstringens. Affert & alia, tum ad illustrationem S.

Scripturæ facientia, tum ad refellendam Dan. Zwiekeri temeritatem, qui sueto Socinianis dogmate Ebionitas primos & antiquissimos, adeoque omnium maxime orthodoxos fuisse Christianos, tradere non veretur. Ebionem vero revera aliquando extitisse auctorem hæreseos, nec Ebionitarum nomen solum esse ab orthodoxis contumeliæ causâ excogitatum, auctoritate Tertulliani, Hieronymi, Philastrii, Epiphaniique contendit; ex etymologia nominis non magis valide contra eam opinionem pugnari ratus, quam si quis simili argumento nec Magnetem, nec Arium unquam extitisse, ex nominum etymologia apud Eusebium & Nazianzenum obvia probaret. Ceterum ab Ebionitis probe distingui debere Nazaræos monet, quos male propterea in articulo de Divinitate Christi illis ὁμοῦς ἦν esse judicatos animadvertit, quod in observatione legis Mosaicæ tanquam omnino necessaria plane idem senserant: & quanquam vulgo pro sententia ista allegari Theodorus solcat, longe tamen imparem eum judicat Auctor noster Justino Martyri, Auctori Constitutionum Apostolicarum (e quorum utroque loca de Nazaræis agentia colligit) Hieronymo, Augustino aliisque, Nazaræos in Christum Filium Dei credidisse testantibus. Capite III ab Ebione ad Theodotum Coriariū, Artemonem, Beryllum Bostrensem, Paulumque Samosatenum pergit, ob negatam Christi Divinitatem damnatos omnes: & in his non Socinianam solum hæresin, quæ Filii præexistentiam ante Mariam negat, sed & Arianam fuisse anathemate percussam notat. His ita prolixius comprobatis, Bullus ad Episcopi argumenta in contrarium adducta progreditur: & cum e Symbolis ante-Nicanis illa necessitatem credendi articuli de Christo Deo præcipue impugnasset, Noster contrarium ostendit. Et primo statim observat, haudquaquam sequi, articulum hunc, si in primis Symbolis non satis expresse positus conspiciatur, propterea neque necessarium ad salutem antiquis creditum fuisse: quandoquidem iis Patribus potuerit videri sat claris verbis expressus, licet postmodum hæreticorum protervia Ecclesiæ specialiores fidem suam declarandi loquendique modos extorserit. Tum vero monet, in verbis, *Credo in Deum Patrem, Filium & Spiritum Sanctum* (quæ in primitiva Ecclesia ex Matth. XXVIII, 19 a baptizandis, in vicem brevisculæ confessionis requirebantur) satis aperte SS. Trinitatis confessionem expressam fuisse, idque Irenæi etiam atque Tertulliani testimoniis, quæ

quæ falso pro se Episcopus allegaverat, collatis pluribus eorundem locis. confirmat. Exinde cap. V fuisse de Symbolo, quod vocatur Apostolicum, agit, atque illud nequaquam totum, & quale hodie legitur, ab Apostolis ipsis conditum, sed Romanæ Ecclesiæ a tot hæresibus tum liberæ fuisse Symbolum privatum putat, quod demum post annum Christi quadringentesimum in illa Ecclesia complementum suum acceperit: & illud tamen sub vocibus, *Filium ejus unigenitum*, modi illius specialis Filiationis professionem revera continere, latius demonstrat. Insimul vero eodem capite Auctor quatuor Filiationis Divinæ modos alios ab Episcopo excogitados examinat, eosque adeo non semper aut solum in allegatis ab illo Scripturæ locis fundari animadvertit, ut sublimius quid haud raro, ipsaque adeo Servatoris Divinitas ibi innui deprehendatur. Ut autem Symbolum aliquod tandem etiam proferat, quod disertam mentionem Divinitatis Filii Dei faciat, capite VI Ecclesiæ Hierosolymitanæ antiquissimum Symbolum producit, quod in Cyrilli Hierosol. Catechesibus sexta & sequentibus explicatur. Cum vero sibi plurimas animadverteret obstare rationes eorum, qui vel a Cyrillo confectas Catecheses omnino negant, easque potius Johanni cuidam tribuunt; vel Symbolum illud, quod in Catechesibus reperitur, non solum post Nicænum, sed demum & CPolitano Symbolo formatum persuasi sunt: hinc omnes insignis suæ eruditionis nervos intendit Noster, ut contrariis rationibus discussis, & Cyrillo librum vindicet, & Symbolo Hierosolymitano debitam antiquitatem. Non minus operosus est in enodando difficili Justinî Martyris loco cap. VII Bullus, cum eum ab Episcopo inprimis pro sua opinione prolatum e Dialogo cum Tryphone nosset. Dicit ibi Justinus, non propterea falsum fore, quod Jesus sit Christus ille Dei, etiamsi probare non posset, hunc Jesum ante creaturas præexistisse Filium Creatoris, in tempore e virgine natû; cum potuisset etiam sola Dei Patris electione Christus fieri. Fatetur insuper Justinus, esse quosdam e gente Christianorum (*ἀπὸ τοῦ ἡμετέρου γένους*,) qui quidem fateantur, Jesum esse Christum, sed hominem ex hominibus genitum asserunt. Magnum argumentum, quod hinc in orthodoxos valide stringi posse Episcopus opinatur, Auctor noster ita discutit, ut prior loco allati parte Justinum nequaquam e sententia sua, sed tantummodo κατ' ἀνθρώπων ad Judæum argumentari ostendat: posteriore ve-

ro iterum non de orthodoxis & in Catholicam receptis Ecclesiam S. Patrem loqui animadvertat, sed de Ebionitis: quam ob rem emendat etiam Iustini textum, & pro ἡμετέρῃ, ὑμετέρῃ reponit, hoc sensu, ut Iustinus Tryphonem Judæum collocutorem habens, ex ejus gente dicat subintrasse Ecclesiam pseudo-Christianos Ebionitas, qui non nisi nudum hominem Christum admittere voluerint: quibus tamen, ut in verbis immediate sequentibus & ab Episcopo male omisiss addit, neque ipse assentiat, neque ii omnes, quorum Prophetarum & Christi dogmata humanis traditionibus præferenda sciant. Atque ita tum explicandum, tum emendandum vindicandumque esse Iustinum, Bullus toto capite, conquisitis e Iustino ipsomet locis plurimis demonstrat. In subjecta vero Appendice, novas Episcopii exceptiones omnes dissolvit, quas cum secundo ejus operum tomo demum, post absolutum jam penitus tractatum hunc suum, nactus erat. Verbo adhuc, priusquam finiamus, monendum, jam ante triennium circiter primam doctissimi hujus opusculi editionem Oxonii prodixisse, sed quæ nobis sese non obtulit.

MARCELLI MALPIGHII, PHILOSOPHI ET MEDICI Bononiensis, e Regia Societate Londinensi, OPERA POSTHUMA, Figuris æneis illustrata. Quibus præfixa est ejusdem Vita ab ipsomet scripta.

Londini, impensis A. & J. Churchill, 1697. in Fol.

Alph. 3. plagul. 8. Fig. æn. Tab. 19.

Quanta incrementa seculo præsentī Anatomie cum animalium, tum vegetabilium, ex assiduo celeberrimi *Malpighii* feliciter ceperit studio, plura hujus opuscula, conjunctim & Londini, & Lugduni Batavorum nitidissime edita, atque in *Actis A. 1687. p. 16.* a nobis recensita, satis superque testantur. Neque Adversariorum conamina, vel in laude inventionis ipsi detrahenda, vel in ejus industria artificii aliis extenuanda, quicquam hæcenus valuisse, opera pariter ejusdem posthuma, nunc commemoranda, perspicue loquuntur. Horum namque potiore partem Epistola constituit præfixa, in qua *Autor* noster ingeniosissimus omnem studiorum suorum rationem, coram Magna Societate Regia Anglicana, a principio ad terminum usque

usque vitæ, quem ante triennium, mensis Novembris die 29, ætatis 67 anno, ex apoplexia in Palatio Quirinali habuit Romæ, sincere non minus exponere, atque ab Adversariorum telis strenue vindicare deprehenditur. Ut scileamus autem Præceptores ejus, quos inter Franciscum Natalem in Philosophia Peripatetica, in Philosophia libera Johannem Alphonsum Borellum, ac Bartholomæum Massariam & Andream Marianum in Medicina laudat: ut taceamus itidem honores, prolixè qui ipsi obtigerunt, cum laurea Medicinæ & Philosophiæ in patria, Bononiæ nempe, ornatus, primum Bononiæ, hinc Pisis, tum Messanæ, rursus in patria, Professoris Publici munere fungeretur, Societari Regiæ Anglicanæ A. 1669 per transmissum diploma adscriberetur, ac summi denique Pontificis Innocentii XII Medicus secretior & Cubicularius A. 1691 designaretur: ex immenso potius Observationum numero, quas diversis quondam scriptis Autor divulgavit, ac in præsentì ab Adversariorum objectionibus non modo liberavit, sed & multum, v. g. circa structuram Viscerum, Ossium & Dentium conformationem, Plantarum vegetationem, ortum Gallarum, ac Plorum & Unguum generationem, dilucidavit, speciminis ergo eas solum, quæ Anatomicam piscis Xiphiæ sectionem, demonstrationem Succì nervei, Musci femina, Aquilæ anatomen, Vasis novi Uterini descriptionem, atque Glandularum structuram concernunt, ipsismet Autoris verbis lubet exhibere.

Alia insuper (præter complicatas videlicet nervi optici membranas) in *Xiphia* observavi, & amicis communicavi, circa oculi præcipue structuram. Hic elegantissimis sex musculis movetur. Humores ossè muniuntur cribroso, quod depressam sphaeram æmulatur. Hoc anterius, ubi pupilla locatur, hiat, & in postica parte patens est pro nervi optici ingressu. ibique copia locatur pinguedo. Uvea exterius eleganti vasorum reti irrigatur, & intus mucoso humore coloris ætuginè inficitur. Crystallinus humor sphaericus est, & a lateribus gemina manubria à membrana crystallini exprorecta habet. Hæc in lepore pariter observavi, quibus vitreo humori continuatur. Humor crystallinus cepæ instar componitur, & interius globulus, quasi gypseus conditur. Vitreus humor totus in aquam igne vertitur, remanente sola tunica. In branchiis observabilis est ipsarum structura: hæc componitur tubulis, seu fistulis quadratis solida quadam substantia specu-
lari

p. 26.

larilapidis analoga conflatis; intus obducuntur crusta quadam rubra, quæ fortasse inservit pro separatione. Pervix sunt usque ad medietatem, unde admixta aqua iterum foras expellitur. (Uberior Xiphiz descriptio Anatomico-Physica sistitur ab Hartmanno M. A. N. C. Dec. 3. A. 2. App. p. 3.) In *Thunni* oculo exaratam crystallini figuram observavi, & a latere manubrii glandulam vidi subrubram, quæ vasi continuabatur, quod hinc inde ramulos promebat; excurrerebat autem latera vitrei humoris, & tandem erumpebat a centro expansionis nervi optici in retinam, exterius eodem fusco insiciebatur ichore, quæ uvea cooperitur.

Pag. 27.


Nervi succi existentia apud plures controvertitur, vel saltem ejus natura diversimode exponitur, sicut & usus, ita ut nil fere obscurius occurrat apud Autores. Illud tamen mihi videtur in hac re maximum habere momentum, quod sectis extremorum nervorum tubulis, ubi in ultimis solvuntur propagines, succus erumpit. In cauda bovis & similibus, hinc inde nervus excurrit tribus vel quatuor fistulis coagmentatus: in his itaque facta extremi digiti ungue compressione, humoris motus intra exaratas fistulas contenti deprehenditur & successiva turgentia, qui tandem per excitatum foramen exit, terebinthinæ instar; fluidus enim est & glutinosus. In nervis immediate a spinali medulla erumpentibus, cum ob molliorem compressi lacerentur, non ita facile succus occurrit, ejusque motus manifestatur, quare solidiores extremique nervi lustrandi sunt. Nec obstat, nervum ligatura facta non turgere, cum lateraliter propagines habeat reticulariter propagatas, in quas idem succus impedito ulteriori progressu derivari potest; languidus enim est impetus, quem a cerebro recipit nerveus succus, unde ex quocunque impedimento comprimente, & vetante ulteriorem insinuationem, retardari, sisti & ad latera derivari potest.

p. 86

In Anatome Plantarum dubitative proposui, in musco semina adesse. Ex novis tamen & reiteratis observationibus mihi constat, muscorum quam plures species seminibus gaudere. Sæpius enim in musco, qui fungi instar rotundo pollet capitulo, semina erumpentia vidi; eadem pariter in musco, qui reticularibus ramis humi serpit, a quibus hinc inde veluti minima poma pendent, & tandem in pulmonaria arborea a limbo foliorum & a scissuris eorundem delapsa semina & pro-



TAB. VIII. ad A. 1697. pag. su.



& proximis trunci arborei partibus excepta pedetentim vegetare videtur. Seinina pariter in musco marino, aliisque analogis plantis sagax ingeniosissimi *Cestonis* diligentia patefecit.

Cum mihi a Præclarissimo Domino *Stephano Lorenzini* humanissime transmissa fuisset Aquila, quæ mihi una cum Amicissimo Domino *Silvestro Bonfiliolo* singularia in hujus animalis sectione obvia fuerint, hic exarabo.

P. 82.

Hujus cerebrum amplum est, facta comparatione cum avibus & piscibus. Dividitur in gemina globosa corpora, quæ meningibus cooperiuntur, & sanguinea vasa ipsas excurrunt, & alte penetrant. In exaratis corporibus gemini ventriculi, anteriores scilicet excavati circumductis candidis fibris constituuntur, quæ corticis arborei fibrarum reticularem plexum æmulantur, & exterius apparent candidæ fibræ, & si totum coquatur, glandulæ corticales manifestantur. Cæterum cerebellum adest & pons *Varolii* cum appendicibus & cruribus, quibus principium spinalis medullæ conflatur.

Binos habet oculos, & quilibet propriis palpebris valde crassis obvelatur, quæ limbo subnigro terminantur, pilisque ditantur. Interiorem palpebræ parti nectitur placenta quædam A ovalis figuræ, nec multum crassâ. Hæc exterius candida est, & pellucida, ut difficulter solvatur, plicabilis tamen, & ea superficie, qua oculum contingit, innumera habet orificia B diaphanum humorem fundentia. In eadem superficie observantur rami vasorum sanguineorum C, qui a profundo emergentes hinc inde horizontaliter furculorum fines promunt, ut in ventriculo interius observatur. Exterius sanguineum vas D circumducitur, a quo erumpentes rami E crassitiem placentulæ subeunt. Hanc igitur placentulam glandulosam censeo pro separatione fluidi celebranda, quo cornea perpolita redditur, cum præcipue manifestas glandulas non viderim, sed tantum minimos globulos extremis vasorum sinibus hærentes. Alia quoque membrana diaphana occurrit, quæ a cantho majori oblongo tendine retracta anteriorem oculi faciem tegit. In hac subnigra quasi vasa (ut in ranarum visceribus observatur) occurrunt. Conditus oculus cornea eminet, a qua hærentes mucositates unguibus facile abraduntur. Pupilla flava iride excitatur, & ligamentum ciliare carnis fibris contextum elegantem sphincterem exhibet. Aqueus contentus humor diaphanus est, &

Tab. VIII.

Fig. 1.

T t

sub-

Tab. VIII.

Fig. 2.

N. 1. 2. 3.

subfalsus, igneque evaporat relictis minimis vesiculis, & subtilissima crusta. Vitreus humor ignis calore totus exhalat. Amplum est mole & diaphanum. Contentus crystallinus humor secundum varias inspectiones, & naturalem magnitudinem delineatus occurrit. Est autem in parte exteriori lenticularis A, in interiori B globosior, & semiphæram fere æmulatur. Ejus crassities est C, latitudo autem D. Retina ampla, crassa, & mucosa existit ab expansione fibrarum, quibus compaginatur opticus nervus, orta. Uvea copioso, subnigroque inficitur succo. Inter corneam & uveam visus sum attingere aliam tunicam, quæ componitur, ut videre potui, tubulis seu fistulis horizontaliter situatis, eamque speciem habent, quam in secundinis, seu corticibus seminum plantarum observavi & delineavi. Quapropter si integre constaret de hac fistulosa membrana, dubitari posset, an hæc separationi subnigri succi inserviat. Postremo tunica cornea occurrit sphæram referens, cui altera minor hæreat. Pars anterior propriæ corneæ dicta, licet densa sit, plicabilis tamen & diaphana existit, excisacataque perlucet. Altera pars, quæ adnata vocitatur, antèrè ossæa zona ambitur, cujus structura elegans est; hæc enim pluribus ossæis lamellis E compaginatur, quæ multiplices sunt, & quatuordecim in oculo numeravi. Uniuntur invicem quasi per harmoniam, & æmulantur piscium squamas, ita situatæ, ut circularem zonam efforment. Harum limbi graciles sunt, & quasi crenis solvuntur. Duplici constant lamina, & in medio attolluntur in tumorem, unde ut in reliquis ossibus spatiola F inæqualis figuræ exhibent.

N. 5.

In oris concavitate lingua locatur arcta, longa, & in apice subrotunda; depressa tamen & subnigri coloris. Frænum habet, & oblongis hyodes cornibus fulcitur & movetur, quæ post aures curvata oblongis musculis exeruntur, & linguam foras emittunt, ut in pico alias observavi. Non longe a laryngis hiatu suborta lingua conicis papillis subnigris versus laryngem inclinatis ornatur. Hic ingens glandularum cumulus occurrit, quæ excretoriò vase pollentes mucosum fundunt humorem. In linguæ lateribus locantur glandulæ, quæ continuatum corpus repræsentant subrotundum, carnis colorem æmulans; sunt autem viginti quinque glandulæ miliares in recto positæ proprio hiatu gaudentes. Lentum evomunt succum per similem prisanæ hordeacæ. In oris plano hinc inde a lingua glandularum pa-

ritæ

riter rubrarum ingens copia luxuriat. Gemina quoque congeries glandularum in eodem oris plano inter frænum linguæ et radicem rostri occurrit. Pars quoque superior palati glandularum ingenti numero mucum fundentium cooperitur, ut nihil distinctius conspici possit.

Aperto thorace septum transversum, pellicula scilicet diaphana obvia fit, quæ pervia est, ut in reliquis avibus. Costulæ angulum valde obusum efformant, & pulmones membranosi consimiles sunt reliquis volatilium. Hærent costis, & insignes ductus habent. Aspera arteria in geminos ramos dividitur, & ipsius annuli integrum circum non constituunt, & tandem progressi obliterantur.

His detractis ventriculus apparet membranofus, qualis in homine, & in rapacibus avibus observatur. Continuatur œsophago, qui sectus copiosas exhibet glandulas lenticulares, & membranofas patentibus osculis in concavitatem hiantibus. Interius cooperitur reticulari quadam substantia, cujus areæ rotundæ & arctæ sunt. Latatur œsophagus in ventriculum, qui in superiori sui parte lata quadam horizontali zona ambitur, quæ conglobatarum glandularum congerie conflatur sub nervea tunica locata. Hujusmodi copiosissimæ glandulæ contiguæ sunt, subrubræ & fere rotundæ, proprio excretorio hiatu ditatæ. Earum compages persimilis est glandulis observatis in extremo œsophago gallinæ, ventriculo carnosio proximo. Supra hanc partem, & nerveam tunicam rete extenditur, cujus spatia inæqualis figuræ occupantur ab orificiis vasorum hiantium glandularum. Subsequitur reliquum ventriculi, media scilicet portio & fundus, in quibus nullæ apparent glandulæ conglobatæ, sed interior superficies tota mirabili reti cooperitur, quod fasciculis quasi nervosis horizontaliter productis & invicem anastomizatis producit. A nervea tunica pili quoque erumpunt. Exterius ventriculus sanguineis vas, nervis, fibrisque carneis ambitur. Hiat ventriculus in duodenum intestinum & in ejusdem orificio copiosa luxuriat bilis. Intestina interius pilos veluti sericum pannum promunt. Recipiunt bilem a jecore, & a vesica, hiatusque pori biliarii distat a ventriculi fundo mensura brachii Bononienfis. Renes de more hinc inde extremo dorso hærent, a quibus gemini ureteres in cloacam producuntur, cui

cæcum quoddam intestinum adnascitur. Hoc interius mucosa ambitur substantia, & in hoc glandulas non vidi.

Conferri poterit Anatomæ Aquilæ a *Borrichio Ad. Hafnienf. Vol. i. Obs. 2. &* apud *Blasium Anat. Anim. p. 136.* atque *Muralio M. A. N. C. Dec. 2. A. 1. Obs. 50.* proposita.

p. 86.

In exercitatione epistolari (ad *Sponium*) peculiare vas, hocque geminum, & insigne, hinc inde vaccæ uterum perreptans, indicavi, cujus figuram hic delineare placuit.

Tab. VIII.
Fig. 3.

Finibus igitur & minimis ramis A cornuum uteri gracilescentibus portionibus hæret, & extremis furculis folliculi subrotundi B glandulosi appenduntur. Ab his exporrigitur vas insigne C percurrens latera cornuum seu tubarum uteri. Ab hoc manifestæ emanant protuberantiæ seu appendices D, ubi autem uteri ori approximatur, cartilaginea quadam vagina E ambitur. Protractum ultra os uteri modo tubulosum F & angustum, modo laxatur in globulos, tandem amplius factum hinc inde supra uteri vaginam elongatur, & apertum valvulas, seu transversales membranas G exhibet. In hujus dilatati vasis portione orificia H patent, & tandem lato sine proprio foramine I non longe ab urethræ hiatu finem sortitur.

Hujus vasis existentiam anno 1684 in vitula imperforata evidenter confirmavi. In hac itaque uterus monstruosa mole turgebat, turbato quodam ichore refertus; appensa vagina in molem æqualem vesicæ urinariæ suillæ attollebatur. Uteri pariter cornua, & tubæ eodem ichore refertæ, tumida erant, & compressis extremis tubis nil extra per infundibulum prodibat. His de more appendebantur ovaria, in quibus ovum diaphano humore turgidum continebatur. Detractis involucribus occurrebant exarata vasa eodem turbato humore repleta, quæ exorta ab extremo vaginæ sursum exporrigebantur recta, & continuata, ita ut immissus stylus libere totam ipsorum longitudinem feliciter pervaderet. Ichor, quo tumor excitabatur, urina erat; nam igni oppositus non concrefcebat, sed tetrum urinæ halitum reddebat. Probabile igitur est, impedito per. vulvæ urinæ exitu, eandem regurgitando vaginam, uterum, cornua ejusdem, & exarata vasa distendisse, & patenter manifestasse.

p. 101.

Exarata de Glandulis epistola, novis typis *Lugduni Batavorum* excusa, Clarissimum *Nuckium* excitavit, qui edito de glandulis & lym-

lymphaticis libro, (in *Actis A. 1692. p. 97.* exhibito) neglecta mea positione, novam indicare structuram filii artis adhuc ignotam, conatus est.

Habet itaque conglobatam glandulam membranis ambientibus integrari, interius autem reticulari opere excitari, quod muscosum appellat; ab hoc autem spatia multiplicia variarum figurarum emanare, geminis pariter lymphaticorum sureulis ditari præter arteriarum, venarum, & nervorum furculos: quapropter injecto mercurio per superingredientia lymphatica, repletis glandulæ spatiis, ipsam turgescere, manifestatis in superficie subrotundis tumoribus. Prosequitur autem exercitatione in, & supposita divisione glandularum in vesicales & vasatas, censet, conglomeratas glandulas vasatas esse, ita ut pancreas exempli gratia solis venis, & arteriis ita attenuatis & gracilescens sibus coagmentetur, a quibus excretorium suboritur vas, quod separatum peculiarem succum derivat.

Hæc & similia Clarissimus Vir exponit, quæ si leviter etiam examinentur, Naturæ non consonare, & diminutam exponere structuram abunde patebit. Negari igitur non potest, in glandula conglobata reticularis plexus, a quo aræ designantur diversarum figurarum, quam positionem ego fuisse exposui; cujus autem naturæ sit, licet nomine musci insigniat, non tamen indicat Clarissimus Vir, & ex substantiæ modo, & connexionem cum ambiente membrana patet, propaginem esse investientis tunicæ, & productarum carnearum fibrarum, supra quas vasa propagantur. Quoniam autem exarata a me methodo in sanis & morbois glandulis manifestantur membranosi loculi exposita spatia muscoli corporis occupantes, quæ ab extremis sanguineorum vasculorum sureulis irrigantur, & in quos hiant subintrantia lymphatica, & ab his elongantur exeuntia pariter lymphatica, ideo minor a Doctissimo Viro hæc omissa & neglecta fuisse, & ex experimento injectionis mercurii analogo tentamini a me atramento facto, quo exterius subrotundi tumores apparent, & interius spatia replentur injecto fluido, illationem deduxisse, glandulas solis spatiis integraliter componi, cum ultra sensum ratio etiam indicet, sacculos necessarios esse, in quibus receptum fluidum exteriores protuberantes promat tumores, & interiora spatia repleat, & distendat. Et quia simplices glandulæ hoc folliculo, veluti parte principe integrantur, ideo in con-

globatis hæc non omittenda erat, & consequenter descriptio hæc manca videtur, & solum nominis *Muscoli* novitatem continet. Folliculorum existentia in morboris constitutionibus patentior elucescit, in quibus intercepto & concreto succo turgent, & crassescunt, ut in singulis glandulosis folliculis abscessu tentatis, vel tartarea morbosaque contenta materia adauctis passim observamus. In sanis pariter conglobatis glandulis longa aquæ maceratione præparatis reticularis plexus occurrit, cujus areas gemini, & interdum plures subalbi occupant folliculi, quibus sectis concava membrana patenter apparet.

Conglobatarum (conglomeratarum) exposita structura a Clarissimo Viro proposita suis quoque premittitur difficultatibus; sensus enim abunde indicat, in pancreate, hepate, & renibus miliares, vel ovales folliculos reperiri. quos arteriæ & venæ multiplicibus ramis, capreolorum instar, ambiunt; quod evidenter injecto per arteriam emulentem attramento in miliaribus renum glandulis ope microscopii manifestatur, a quibus renales tubuli sub specie fibrarum exorti separatam urinam derivant, & in pelvim deducunt. Hoc manifestius elucescit in monstrosis & morboris renibus, in quibus, ut alias indicavi, interdum folliculi glandulosi ita turgent, ut acinos uix magnitudine æquent, circa quos vasorum extremi rami ludunt. Idem in morbofo hepate, & pancreate observatur. Quapropter cum sensibus constet, glandulosum folliculum membranosa vesicula integrari, supra quam multiplices fines vasorum sanguineorum propagantur, ut in ventriculo, pleura, pericardio succedit, non licet asserere, arteriæ extremum tubulum angustatum in vas excretorium desinere, sed sensu comprobatur, glandulæ folliculum peculiare esse corpus membranosum, circa quod extremi fines vasorum propagantur, & a quo exortum excretorium vas separatam materiam derivat.

Quemadmodum vero Epistola hæcenus recensita aliquot itidem literas idiomate Italico ultro citroque exaratas complectitur, ita versio pariter harum in Latinum sermonem sub calcem adjicitur. Reliquam Operum posthumorum molem quatuor vel quinque complent Opuscula: primum namque *Job. Alphonsi Borelli* occurrit Scriptum, compagem nervi optici membranosa in piscibus Xiphia, Thunna & Pagro a Malpighio primum observatam, adversus nonnullorum oppositiones defendens. Responsio dein habetur, qua *Galenistarum Tri-*

umplus, in Recentiores Anatomicos a *Michaelē Liparo Messanenſi* paratus, a *Malpighio* sub nomine *D. Placidi Papadopoli Meſſanenſis*, Auditoris ſui, evertitur. Tum Diſſertatio Epiſtolaris ad Amicum de Recentiorum Medicorum Studio, ſubtiliorem cum primis horum Anatomē, Dendranatomen, & Anatomen comparatam ſugillans, ſiſtitur una cum proluxa & ſolida *Malpighii* ad eandem Reſponſione. Autorem vero Diſſertationis dictæ ipſum eſſe *Job. Hieronymum Sbaraleam*, Primarium Lycei Bononiensis Lectorem, cui Medica aliqua Hiſtoria, Reſponſo Malpighiano præmiſſa, a *Job. Baptiſta Gyraldo* inſcribitur, aliunde nobis conſtat. Tandem additur *Malpighii* de Structura Glandularum conglobatarum conſimiliumque partium Epiſtola, Lugduni Batavorum jamjam A. 1690. typis exſcripta.

EUTROPII BREVIARIUM ROMANÆ HISTORIÆ,
cum Metaphraſi Græca Pæanii, recenſente CHRISTOPHORO
CELLARIO.

Jenæ, ſumtu Jo. Bielkii, 1697. in 8. r. Alph. Plag. 3.

Historiam Romanam ab Urbe condita ad Flavium uſque Valentem compendioſe contexuit, iſtudque Breviarium Imperatori iſti, cujus juſſu fuerat conſcriptum, dicavit Eutropius; dignus qui reliquis epitomarum ſcriptoribus, Floro, Juſtino, Xiphilino, jungatur. Operæ igitur pretium ſe facturum credidit clariffimus Editor, ſi poſt Vinetum, Schonhovium, Sylburgium, Merulam, Gruterum & alios, huic Breviario induſtriam adhiberet, qualem linguæ Latinæ ſcriptoribus aliis impenderat. In publicam proinde lucem, cum annotationibus & Pæanii metaphraſi Græca, iſtud anno 1678 emiſit: nunc vero emendatum denuo, locupletioribusque annotationibus, quas tum ſingulis pagellis ſubſtravit, tum Indicibus præmiſit, illuſtratum edidit, Pæanio non ut antea lateri adjecto, ſed Latinis verbis ſubtexto, accurate autem recenſito: unde non minus hæc metaphraſis, quam ipſe Eutropius, exactis & admodum utilibus gaudet indicibus, quos diligentiæ induſtrii Editoris grati debemus in auctoribus, quos publici juris facit. Geminos enim adjicere ſuevit, rerum unum, Latinitatis alterum: quibus in Eutropio acceſſit tertius, in quo Græci metaphraſtæ Pæanii verba, quæ in animadverſionibus p. 316. ſeqq. expenderat, melioris que ordinis, in quem nonnulla redegit, aut propria virorum pro-

vinciarumque nomina correxit verioraque substituit, rationem reddiderat, fideliter annotata reperiuntur. Latinitatem quod attinet, cui secundus index destinatus est, etsi oratio non admodum Romana fluere Vineto & alias censetur, augendæ tamen eruditioni idoneam existimat Editor, neque aures vel doctissimas offendere; quum nihil ostendi forte possit, quod non idem ex Trajani ævo meliori comprobetur.

JOHANNIS MUNNICKS, MEDICINÆ DOCTORIS & Professoris Ultrajectini, de Re Anatomica Liber.

Trajecti ad Rhenum, apud Antonium Schouten, 1697. in octavo.

Constat plagulis 17 $\frac{1}{2}$.

UT nobilissimus Autor Professioni Anatomica, qua in celeberrima Academia Ultrajectina octodecim ultra annos hucusque fuit functus, satisfaceret, haud contentus *Præxin Chirurgicam*, in Actis A. 1689. p. 563. a nobis recensitam, emisisse in lucem, in præsentis *de Re Anatomica* libro integram corporis humani structuram non inodo ex Autorum commentariis, sed autopsia quoque propria strictim, plane tamen, voluit evolvere. Autoribus præcipuis siquidem, quorum sedulitate utilissima artium Anatome ab Hippocratis & Galeni ad hæc usque tempora mire increvit, prælibatis, conformationem solidarum corporis nostri partium, juxta ductum *Veslingii*, quem præcipue in deliciis habet ac in plerisque sequitur, ab infimo ventre sive abdomine usque ad supremum sive caput atque artus seu manus pedesque, compita declarat oratione, prout vel pauciores a nobis nunc memorandæ observationes satis comprobabunt. Cuticulæ videlicet, cute ipsa densiori atque compactiori, duplex a *Nostro* assignatur lamina: interior, cuticula proprie dicenda, membranofum & fibrillosum veræ cutis operimentum est, ipso in utero ex semine parentum cum aliis corporis partibus generatum; exterior autem pars, ex vaporibus e corpore exhalantibus & in superficie ipsius cuticulæ condensatis extra uterum producta, ex tenuibus squamulis, piscium squamis haud absimilibus, compingitur. Nervi per periostrium expandi dicuntur copiosissimi, qui, postquam ossa prope illorum extremitates perforarunt, per membranam ea intus obducentem haud minus dense ramificentur; id quod tam ex dolore, interius pariter atque exterius

Præf.

p. 3.

p. 10.

rius sæpe affligente, quam ex inveterato topho colligitur Venereo, ut pote qui non curetur, nisi trepano exfoliatio affectum os penitus excindatur, atque interna ossis membrana, sectione in ipsam medullam ducta, aperiatur; tunc demum, effusis aliquot virulenti humoris guttis, cessare dolorem. Circulus pylori carneus hunc in pueris tam arcto sigillo munire notatur, ut si infletur ventriculus, siccare is possit, quamvis inferne non occludatur. Ab intestinis non solum vasa lactea, sed & lymphæ ductus per mesenterium ad hujus glandulas, & hinc in chyli receptaculum, perhibentur tendere. Quamvis ordinarie duo tantum, in quovis latere unus, ad vesicam abeant ureteres, *Autor* tamen in cadavere virili ureteres utrinque binos, in vesicam quatuor sinibus insertos, in amphitheatro publico semel demonstravit. Albicantia vascula, e quibus testiculorum compages resultat, ex minutissimis albugineæ tunicæ derivantur glandulis. Urinaria for- tus membrana, tenuissima simul ac pellucida vasorumque conspicuo- rum expers, inter amnium & chorion locata, & in humano partu a multis hætenus negata, in xenodochio a Nostro pluribus Medicinæ Doctoribus & Studiosis A. 1693 in cadavere mulieris, quæ quatuor præterpropter menses uterum gesserat, fuit ostensa. Musculus sub- clavius, principium ducens a prima costa, totique claviculæ inferius ad- hærens, in scapulæ acromium excurrere, adeoque musculo pectorali & serrato antico minori opitulari traditur. Glandula pinealis, cum insuper plexui choroidi velut capsulæ includatur, hujus ipsius plexus choroidis gratia imprimis conjicitur extructa. Quem in tympani membrana hiatus multis abhinc annis Clarissimus noster *Rivinus* in capitibus brutorum deprehendit, *Autor* superiori anno in capite hu- mano, post styliformem processum cum ea ossis petrosi portione pru- denter ablatum, demonstravit, eumque nihil aliud esse, quam mem- branæ ejusdem duplicaturam, simul observavit.

p. 30.

p. 42.

p. 65.

p. 69.

p. 86.

p. 93.

p. 159.

p. 195.

*EVANGELIUM INFANTIÆ, VEL LIBER APOCRYPHUS
de Infantia Servatoris. Ex manuscripto edidit ac Latina versio-
ne & notis illustravit Henricus Sike Bremensis.*

Traj. ad Rhen. apud Franc. Halmam & Guil. vande Water. 1697. 8.
plag. 18.

Quamquam omni ævo ac tempore extiterint, qui infidelium & hæ-
Uuu reti-

reticorum libros e tenebris in lucem protrahere, factum: indecens & Christianæ Reip. periculosum esse existimarunt, deest. is etiam publicis, ut hujusmodi scripta per combustionem aut alia media ab hominum usu removerentur, sancitis: non tamen defuerunt alii viri docti piique, qui non legere tantum hæreticorum scripta, sed & opiniones illorum manifestare, librorumque ab iis compositorum sive fragmenta aut compendia, (quemadmodū in T. IV operum Cyrilli Alex. ex Nestorii libris aliqua blasphemia excerpta habentur,) sive integrum contextum, additis quidem plerumque confutationibus, (uti T. VI operum S. Augustini integer nec usquam interruptus sermo Arianorū est insertus, ita ut mox addatur responsio.) aliquando tamen etiam sine iis, publice edere, olim & nunc fas esse arbitrati sunt. Quorum vestigia sequens præsentis libri Editor, etsi non dubitet, fore plerosque, qui hoc genus descriptionis, quo libellum apocryphum, & vel ab impiis hæreticis, vel saltem a nefariis & superstitiosis hominibus, revera Ecclesiæ Christi carcinomatibus, profectum in lucem protrahat, non leve tantum & contemnendum, sed damnandum quoque & sufflammandum, neque satis dignum Christiani Viri studio judicent: remotis illis accusationibus, ab antiquitatis ecclesiasticæ ignaris, & verum harum descriptionum scopum non perspicientibus, profectis, talia scripta edere, non modo Scripturæ S. & priscorum scriptorum autoritate niti, sed maximam insuper Ecclesiæ Christi utilitatem afferre ostendit. Et præprimis quidem ad agnoscendam Scripturæ S. divinitatem & *divinitatem*, quæ primario ex insitis notis & impressis quasi Dei digito menti humanæ criteriis constat, ubi ab ista Scripturæ divinitatem probandi ratione discesseris, nihil prius, nihil antiquius se offerre, quodve magis agnitam veritatem in mente humana confirmare possit, quam collationem eorum scriptorum, quæ vel priscis temporibus, vel nostra etiamnum hac ætate pro divinis ac *θεοπεποιτοῖς* fuerunt venditata. Talia esse Judæorum Kabbalam & Talmud, Mohammedanorum Alcoranum & Sunnam, itemque priscorum hæreticorum libros & fragmenta, quæ non eliminare, sed fideliter posteritati exponere conducatur, ut perpetua Ecclesiæ certamina contra externos & intestinos hostes ex iis pateant. Hinc etiam Spiritum S. Nicolaitarum, Phileti & Hymenæi hæresiarcharum insana & absurda dogmata nos latere noluisse, & SS. Patres Irenæum, Tertullianum, Epiphanium, Phi-

Philastrium, Augustinum, Theodoretum ac alios, hæresium nefanda dogmata & opera sui ævi hominibus propalasse, & scriptis ad feram posteritatem transmisisse. Speciatim vero alium maxime insignem usum talia scripta Protestantibus præstare, nempe ut os obturare Pontificiis possint, qui perfricta fronte (uti v. gr. Dionysius Petavius in Præfat. operibus Epiphani præfixa fecerit,) mentiri & calumniari audeant, Sectam Calvinianam sentinam esse, in quam veterum & recentium Sectarum errorumque colluvies confluerit, ac quicquid hæreseon hactenus extitit, de quo legi aliquid vel audiri potuerit, ex eo libatum aliquid esse & in eandem derivatum: cum e contra ex illis scriptis probatu sit facillimum, plurimas antiquarum hæresium particulam sui veneni Ecclesiæ Pontificiæ afflasse, & aliquid saltem suarum sordium eidem affricuisse; quemadmodum v. gr. *de Christo in spelunca nato, assertato ejusdem præputio, fonte & balsami borto in Matæa productis*, communium Ecclesiæ Pontificiæ traditionum, etiam in hoc Evangelio Infantix vestigia compareant. Illius Evangelii mentionem jam in Gelasii Papæ decreto, quod in Concilio Romæ sub finem seculi V habito conditum fuit, itemque apud Irenezum, Epiphanium, Chrysostomum & Theophylactum occurrere, in præfatione ad Lectorem Auctor monet: atque ideo dubium non esse, quin longe ante Mohammedis tempora (siquidem & ipsum ex eodem plurima sine Alcorano inseruisse, in notis passim demonstrat) jam extiterit, vel Græca, vel Syriaca, vel alia lingua a quodam hæretico compilarum; quanquam textus Arabicus ab Auctore primum ex manuscripto, quod inter Golianos codices Lugduni Batav. latuit, editus, longe minorem antiquitatem præ se ferat, & ejus stylus ei, quo Novum Testamentum Arabice versum & ab Erpenio editum habemus, haud multum dissimilis sit. Evangelium ipsum Arabicum, cui ab altera parte Latina versio ab Auctore adjuncta est, integrum ex nugacissimis narrationibus, variisque hæreticorum ejus temporis pravis opinionibus compositum sequitur. In fine notas adjecit Auctor, in quibus aliorum autorum similibus fabulosis narrationibus Evangelium hoc illustrat: imprimis autem ex Alcorano ejusdemque Commentatoribus, maxime utroque Gialaloddino (quorum scholia cum textu Arabico Alcorani & versione sua propediem se editurum pollicetur,) & præterea ex Abu-Mohammed Abd-Alla, Kessî nomine eruditis noto (qui vitas Patriarcharum & Prophetarum

ex sententia Mohammedanorum descripsit, hætenus ineditas.) interdum ex Prot-Evangelio Jacobi (quod ex Arabica lingua, saltem Orientalium aliqua, in Græcam fuisse translatum existimat.) & Hier. Xaverii historia Christi Persice scripta, nonnulla loca adducit, quæ cum Pseudo-Evangelio suo convenientiam habent. Ex illis notis insigniores quasdam speciminis loco Lectorum oculis subiiciemus. Et quidem in limine statim Hinkelmannum reprehendit, qui in præfatione nuperæ Alcorani editioni præfixa, ex eodem Evangelio (quod manuscriptum penes se servavit, cujus editionem etiam cum aliis Pseudo-Evangeliis, in Specimine Sapientiæ Indorum veterum promiserat Starkius,) verba de Josepho Pontifice citans, eadem de Josepho Historiographo intellexit, cum necessario Josephus Cajaphas, quo ipse Josephus Antiqu. Jud. XVIII. 3. videndus est, ibi indigiteretur; id quod ex proxime sequentibus hujus Evangelii verbis etiam planum est. Quando etiam in Evangelio (p. 25.) de ficticio illo Apollinis oraculo Augusti tempore collapsio, mentio injicitur, reliqua simul idola eo tempore interiuisse, ex insigni Eusebii (pro quo falso ibi Epiphaniï nomen legitur,) loco Dem. Ev. VI. 20. constare monet. Occasione autem, quod in Evangelio (p. 115.) asseritur, *Christi tinctoriam officinam præterfisse*, ex Angelide la Brosse Lexico Persico ad vocē, *Tinctoria ars*, observat, in apocrypho Persarum libro *de Infantia Christi* referri, quod Salvator tinctoriam artem exercuerit, item quod unica tinctura pannos cujuslibet coloris exhibuerit; quapropter eum tinctores Persæ pro patrono venerentur, & tinctoriam domum *officinam Christi* appellent. Denique cum in notis affirmasset, Muhammedem, Christum crucifixum esse, asserere, in posterioribus notis proprium errorem corrigi, siquidem in Alcorano, non tantum Christum crucifixum esse negetur, sed vehementer etiam Muhammed in Judæos invehatur, & nec interfecisse illum nec cruci affixisse Judæos, sed ita illis visum fuisse, ibi asseratur: quorum quidem verborum cum diversum sensum tradant Alcorani Commentatores, aliis Christi loco alium quempiam substitutum esse existimantibus, aliis vero Simonem Cyrenæum crucifixum esse somniantibus, ex Golianis scholiis Alcorani Mssis, quæ inter cimelia sua servat, in caput tertium Alcorani, aliam quorundam Theologorum Mohammedanorum sententiam allegat, qui Christi animam & corpore exemptam & in cælos sublatam fuisse docent, descendisse

verò

P. 1.

P. 34.

P. 55.

P. 78.

vero deinceps Angelum in ejus corpus, atque ita crucifixum esse. Reliqua lectu non injucunda pro otio suo B. L. facile evolvat.

DE CANONIBUS APOSTOLORUM DISSERTATIO,

Auctore P. ANTONIO CONSTANTINO a Castrovillare, Ord. Minorum S. Francisci de Paula Ex-Provinciali.

Romæ, typis Jo. Jacobi Komarek, 1697. in 4. Alphab. 2. plag. 2.

NAtali imprimis Alexandro ejusdemque argumentis adversus Canones, quos alii Apostolis auctoribus tribuere sueverunt, opposita est hæc Dissertatio, tametsi istud nomen nuspiam in ea expressum reperiatur. Dum vero contrariam sententiam tueri modis Auctor clarissimus omnibus annititur, sub ipsum ejus initium admodum in eo operosus est, ut Apostolos consulto tam pauca literis consignasse evincat, quippe qui non nisi summa ut plurimum necessitate ad æsti scribendum quid existimarent; voce autem eos regulas plurimas, ad fidem moresque pertinentes tradidisse, istoque pacto monita sua non membranæ credere, sed cordibus imprimere voluisse comprobet. Huc ergo referendos quoque esse statuit quinquaginta illos Apostolorum Canones, quos e Dionysii Exigui Latina versione recenset. Et si vero istis etiam triginta quinque alios, quos Græci insuper recipiant, & novem illos, quos Turrianus e Græco codice Pamphili Martyris descripsisse se testetur, subjungat: hos tamen æque ac illos parum se hæc vice curaturum ait, & ad quinquaginta potius priores studium suum restringit. Hos vero a Clemente collectos, ac in posterorum gratiam literis mandatos omnino existimat, magnum huic asserto robur conciliari posse ratus ex Irenæi de Clemente testimonio, quo Apostolorum traditiones prope in conspectu & ante oculos Clementem habuisse edoceamur; per istas enim traditiones ipsas hæc constitutiones seu Canones intelligit, nulloque ita fundamento negari posse censet, quod Clemens eos literis consignaverit. Quid? quod Canones istos ab Apostolis conditos, & a Clemente scriptos fuisse, ex Ecclesiæ, quæ nec decipere queat, nec decipi, consensu, & Conciliorum, generalium æque ac particularium, plurimorumque Pontificum testimoniis abunde constat. Tradere quidem heic observat non neminem e Criticis (hoc nomine suum Adversarium perpetuo designans.) citatos haberi a Conciliis & Pontificibus hos Canones sub nomine A-

C. I.

U u 3

post-

- postolorum, citra definitionem expressam, an vere an falso iis inferbantur, solum quia, ut sic citarentur, usus inoleverit. Ast nihilominus hinc consecuturum ait, Ecclesiam deceptam fuisse, Canones illos pro
- C II. Apostolicis venditando. Occasionem vero condendis his Canonibus dedisse ait Cerinthum, populum adversus Apostolos velut Mosaicarum legum contemtores concitantem: unde ad mulcendos Judæos, recens ad Christum conversos, Mosenque aboleri penitus haudquam passuros, Apostoli in Synodum Hierosolymis coierint, utque ostenderent, Mosaicæ legis zelatores se, non destructores esse, Canones hos juxta præcepta Mosaica construxerint. Insignem enim illorum cum his convenientiam exemplis non unis probare, insuperque passim in Epistolis suis Paulum ad eos respicere, e locis inter se collatis evictum dare nititur. Post ad Criticum suum iterum se confert, qui Orientalis & Occidentalis Ecclesiæ circa Canonum horum numerum discrepantiam adversus eos allegaverat. Sed hanc ipsorum auctoritati nihil posse officere responder, cum & in variis, quorum nonnullos recenset, ritibus Ecclesia illa ab hac impune abeat. Dehinc ante sextum seculum receptos in Ecclesia Orientali Canones fuisse negarat ille; sed nec probari satis posse hanc sententiam responder Noster, nec, si probari posset, actum fore de Apostolorum Canonibus admittit: nam & libros quosdam Biblicos serius receptos fuisse ait, quorum tamen ideo auctoritatem impugnare nemo facile sustineat. Ut tamen & ante sextum seculum obtinuisse eos probet, agitatur primo de Paschatis celebrandi tempore controversiam in subsidium vocat, ac non alia de causa Quartadecimanos tantopere impugnatos monet, quam quia Canonem, qui inter Apostolicos octavus sit, manifeste violarint. Equidem tamen concedatur, Philippum quoque & Johannem aliquando cum Judæis Paschatis mysterium celebrasse, non eum tamen id in finem factum esse regerit, ut Canoni isti adversos sese gererent, sed ut ingeniis diversorum se accommodantes, omnes lucrifacerent. Si quis instet, in controversia illa a nemine tunc citatum reperiri hunc Apostolorum Canonem, responder, licet hoc pacto moveri de solo nomine, cum traditio Apostolica, quam omnes in ore habuerint, ipse utique hic Canon sit. Similia fere repetit in altera de hæreticorum baptismo controversia, ubi certe Romanus Pontifex sola illa regula, quæ inter Apostolorum Canones quadragesimum septimum locum

cum obtinuerit, fretus tot Orientalium Africanorumque conatus quassarit, & in nihilum tandem redegerit. Imo & Africanis Canonem illum haud ignotum fuisse statuit. Ut enim in aliam fortassis opinionem deduci posset quispiam, ex eo imprimis, quod Canone 46 hæreticorum baptisina penitus damnetur, istum vero allegare omiserint Orientales & Afri, etiam si eorum causæ adversus Romanum Pontificem haud parum profuisset; unde ignotos ea ætate Orientalibus & Africanis Apostolorum Canones fuisse conicias: observat tamen, Apostolos damnasse istud solum hæreticorum baptisina. quod non juxta formam a Christo traditâ peractum fuerit; unde Orientales & Afri eos etiam rebaptizantes, qui forma integre servata olim baptismum acceperant, pro sua illum sententia allegare nequiverint Patres Concilii Nicæni, dum Leontium, Ecclesiæ Antiochenæ Presbyterum, quod semetipsum castrasset, ut absque suspicionem cum Eustolia dormire posset, presbyteratu privarint, ad vigesimum tertium Canonem Apostolicum respexisse & provocasse, indubium existimat; similem enim Eunuchis ullam regulam in Conciliis ante habitis vulgatam extare negat, eamque in Synodis Nicænâ antecedentibus, quas enumerat, ostendipetit. Similem in modum & in sanctionibus aliis, Synodum Nicænâ Canones Apostolorum, non morem duntaxat in Ecclesiâ receptum, ceu opinentur quidam, præ oculis habuisse contendit. In Concilio præterea Gangrensi adversus Eustathianos habito, in Antiocheno A. C. 341 celebrato, in Synodo Carthagenensi A. 348 instituta, in Concilio Constantinopolitano primo, Synodoque Carthagenensi secunda, Canones Apostolorum nunc repetitos, nunc confirmatos asserit. Synodi Nicænæ Canonem 13 & Ancyranæ Canonem 21 ad antiquas provocare regulas, nuspiam quidem in vetustioribus monumentis, sed nec in Canonibus quoque Apostolicis repertiundas, innuerat Adversarius, & exinde collegerat, traditiones a Synodis memoratas, at nuspiam alibi extantes, haud necessario pro Apostolorum Canonibus habendas venire. At Noster legem illam, quam citato loco Nicæni laudent Patres, in Concilii Romani, sede vacante a Clero A. 250 aut 253 celebrati Epistola Synodica ad Cyprianum missa reperiri, confirmatamque esse in Synodo Carthagenensi, & in alia Romana sub Cornelio Pontifice: illam vero, ad quam Ancyranæ Patres provocent, Canone sexagesimo tertio Concilii Illiberitarum extare rege-

C. IV.

rit,

- C. V. VI.** rit; eademq; methodo Patrum aliorumq; qui quarto & quinto seculo scripserunt, ac Synodorum hoc posteriori coactarum testimonia non-nisi ad Apostolorum Canones respicere, probatum dat. Non equidem
- C. VII.** inficiari se dicit, sexto demum ineunte seculo Dionysium Exiguum collectionem illam Canonum Apostolicorum suscepisse: negat autem inde sequi, quod ante illam collectionem haud extiterint; alias enim ceteros Canones, qui ante Dionysianam collectionem in nullo codice simul collecti extabant, eandem passuros difficultatem. Dionysium & Cresconium asserere, quod Canones illi post collectionem non statim recepti fuerint ab omnibus, expresse negat, eorumque loca ab Adversario adducta de eo, quod ante collectionem fuerit actum, testimonium perhibere observat. Argumentum vero a Ferrandi Carthaginensis Ecclesiae Diaconi, & Martini Bracarenensis Episcopi alto de his Canonibus silentio depromptum, nimis probare putat. Si enim exi-liceret inferre, quod Canones isti statim post Dionysianam collectionem ab omnibus Occidentis Ecclesiis inter regulas ecclesiasticas admisi non fuerint, futurum, ut omnes etiam alii Canones ab his Scriptori-bus omisi & regularum ecclesiasticarum tunc ubique receptarum cen-su eliminandi venirent. A Gallicanis Episcopis post collectionem Dionysianam Canones Apostolorum receptos non fuisse, tantum abest ut admittat, ut corruptis etiam depravatisque & quasiapostolicis Cano-nibus eos reverentiam exhibuisse testetur. Hincmaro in memoratis alicubi codicis Gallicani Canonibus, Apostolicos omitterenti, Hinc-marum eosdem alibi expresse allegantem opponit. Vicissim plura coacervat testimonia eorum, quos & ipso sexto seculo, & aliquot pro-xime secutis ad Canones Apostolorum provocasse, & progenuinis eos agnovisse autumat. E Canone quidem sexto de uxore ab Episcopo religionis prætectu non dimittenda, veluti virorum sacrorum conti-nentiam destruyente, plurimos ait arguere, quod Apostolorum Cano-nes supposititii sint. At vero, si res ita haberet, multa quoque Conci-lia idem præcipientia rejici debere responderet, & Apostolos speciali Spi-ritus S. instinctu Canonem illum condidisse monet, quippe qui matri-monii, quod vocat, Sacramentum a Saturnino aliisque tanquam im-pium damnatum iri præviderint; unde istud adeo roborate decreve-rint, ut ne sacris quidem Ministris sub prætextu religionis licere uxores antea ductas dimittere edixerint, Frustrantum esse ait suum Adver-sarium,

farium, ubi Canones hos ideo impugnet, quod veteres quatuor priorum seculorum Patres inter sacras Novi Testamenti Scripturas eosdem haud retulerint: in seriem namque librorum Novi Testamenti ea tantum opera, quæ scriptis mandata fuerint, admitti debuisse notas. Eusebium & Hieronymum Apostolorum opera omnia summa cum diligentia recensuisse admittit; sed ad scripta solummodo respectum habuisse addit, unde eorum de his Canonibus silentium facere huc nihil possit. Stylus ab Apostolico loquendi more alias consueto in Canonibus alienū objecerat ille: verum & inde nullam fluere idoneam consequentiam Noster statuit, cum & in scripta ad Hebræos epistola Paulus, & in secunda sua Petrus, & in posterioribus epistolis pariter ac in Apocalypsi Johannes, a semetipsis, si scribendi modum spectes, sæpe abeant. E Canonibus 21, 22, 23, 24, qui de abscissis agunt, argumentatur contra auctoritatem eorundem omnium fuerat Adversarius, cum verosimile non sit, Canones hos ab Apostolis fuisse promulgatos, quandoquidem illis vel proxime consecutis temporibus nulla semet castrantium exempla obvia habeamus. Ast enim vero non ad sua, sed ad futura tempora, Canones hos proferentes Apostolos oculum flectere voluisse, Noster innuit. Justinum Martyrem exemplum alicujus adolescentuli, a Felice Alexandriæ Præsule permitti Medico, ut ipsum castraret, postulantis, Gentilibus Christianos nocturnis conventiculis in omni libidinum genere debacchari divulgantibus opponere observat; unde haud mirum ait, quod Canonum Apostolicorum mentionem eo in loco omiserit. Non igitur favere ipsum Adversario, sicut nec allegatum ab eo Origenis seipsum excidentis exemplum huc quadret: hunc etenim accusat, quod nimia temeritate ductus, proprioque nimis ingenio fidens, & Apostolos idcirco parvipendens, facinus illud aggressus fuerit, quod a gravissimis Viris merito in ipso notatum ostendit. Athanasium de Leontio, Episcopo Antiocheno, seipsum abscindente agentem, nullum penitus commemorare Canonē: unde etiam inferri nequeat, ceu velit Adversarius, quod Nicænum primū canonem potius, quam Apostolicos, in mente habuerit. Epiphanium, ubi mentionem injiciat Valesiorum, in iis confutandis & alia loca, quæ ipsi magno esse potuissent usui, omittere: unde Canonibus Apostolorum nullum nascatur ex hac præteritione detrimentum. Apostolos ipsosmet contra Canonem suum quadagesimum nonum,

C. IX.

C. X.

X x x

aut

aut quinquagesimum ex Dionysiano ordine, egisse Criticus, qui Nostro audit, asseruerat, cum trinam in administrando baptismo immersionem non semper frequentarint, ut pote quæ in tanta hominum multitudine una aliquando die baptizata peragi haudquaquam potuerit. Ast fieri istud haud difficulter potuisse, & reapse quoque factum, Auctor contra affirmare nullus dubitat. Eodem Canone Apostolos in futurum prospexisse, denuo observat; unde frustra ille urgeat, quod ipsorum tempore nulli adhuc dum hæretici, quos redarguere effato suo potuissent, extiterint. Gelasium Pontificem in Synodo Romana, cui A. 494 præfuerit, librum quidem Canonum Apostolicorum ab hæreticis confectum, non genuinos illos Apostolorum Canones, apocryphorum numero accensuisse, nec opus fuisse, ut librum hunc expresse a genuinis Canonibus distingueret, probe gnarus, quod hi non circumferrentur in peculiari libro, sed locum sibi tanquam proprium in appendice ad Constitutiones Apostolicas vindicarent: quo potissimum ex fundamento Bellarminum quoque & Baronium defendit, quorum uterque quinquaginta Canones a Gelasio damnatos itidem pernegaverit. Quid? quod plura etiam opera alia in Gelasiana reprobatione habeantur, quæ tamen Ecclesia haud penitus rejiciat: unde patere putat, quod & spurios solum Canones in illo libro occurrentes, non legitimos, Gelasius apocryphos declararit. Quæ ex Isidoro apud Gratianum citato urgeat Criticus, non ex Hispalensi illo, sed a-lío, cui Mercatoris cognomentum, deprompta, insuperque verbis Auctoris genuinis, quæ ex Baronio recitat, penitus adversa esse statuit. Hincmarum Remensem quidem asserere largitur, Canones Apostolorum non ab Apostolis conscriptos credi; negat autem, eum aliud his verbis insinuare, quam quod literis consignati ab Apostolis haud credantur: quod sicut omni destituatur dubio, ita Hincmarum a libi palam auctoritatem eorum ad Apostolos retulisse scribit. Tandem confictionem horum Canonum ad Firmilianum ubi referat Adversarius, judicem ipsum ait & partem una evadere, utque sententiam hanc novam tot testimoniis confirmet, quot ipse suam corroborarit hæc tunc, efflagitat.

Lugduni Batavorum, apud Petrum & Balduinum vander Aa, cælatore
Hildebrando vander Aa, 1697. in Fol.

Constat 52 plagulis, 47 figuris majoribus, 39 minoribus.

Omnia vicibus esse subiecta, nec statum suum perpetuo tueri quicquam, tot urbes, tot templa, tot moles, quibus Græcia olim inclaruit, & in admirationem cunctos rapuit, nos commonefaciunt: quam si hodie perlustramus, incultam, rudem, barbaram, desertam, & degenerantem usque adeo a prisca illa videmus, ut dubitandi relinquatur locus, an unquam talis extiterit, qualem descriptam ab auctoribus illius ævi legimus. Quo magis laudanda est eorum industria, qui in antiquitatibus Græciæ scrutandis, aut eorum qui perscrutati istas fuerunt, operibus servandis, quæque reperta ab iisdem, monumentis ab interitu vindicandis, præclaram operam ponunt. Thesaurum hujusmodi illustribus ex omni Græcia antiquitate depromtis, & vel in cime-liarchiis Principum extantibus, vel in collectionibus doctorum hominum, qui ab hoc antiquorum monumentorū colligendorū studio Antiquariorum nomen adepti fuerunt, aut in describenda Græcia operam posuerunt, superstitib⁹ monumentis referum congerere, in ordines redigere, & posteris spectandum relinquere satagit celeberrimi viri Jacobi Gronovii industria. Is siquidem postquam multum sibi gloriæ, non magis ex paterni nominis extenso decore, quam editis præclaris operibus, per universum orbem litterarium paravit, cujusvis ætatis Græcos & Latinos auctores veteres non modo familiares sibi, verum etiam ex antiquitate intima intimoque eorum sensu & indole perspectos habens; nunc potiores Græciæ antiquitates, & prisca ævi reliquias, instar dissipatorum & passim sparsoꝝ virgultorum, ut ait, in fascem connexas, & justis voluminibus inclusas, sub Thesauri earum titulo evulgare instituit: exhibiturus effigies virorum ac fœminarum illustrium, quibus in Græcis aut Latinis scriptoribus aliqua memoriæ pars datur, & in quocunque orbis terrarum spatio ob historiam, vel res gestas, vel inventa, vel locis nomina data, ac doctrinam, meruerunt cognosci; item variarum regionum miranda, quæ celebrata apud antiquos saxisque & ære expressa occurrunt, omnia ex veris sincerisque documentis petita, & pro serie temporum disposita.

XXX 2

Pri-

Primum Theſauri hujus volumen hoc anno publici juris fecit, in quo mythici temporis, quod Trojano bello terminari ait, memorabilia complexus, eadem nonaginta ſeptem tabulis æneis aſſabre deſignata exhibuit; adjecta cuius imagini expoſitione, quæ veterem fabuloſam *Promethei, Parcarum, Muſarum, Nympharum, Endymionis, Beroes, Atys, Ganymedis, Marſyæ, Tityi, Inus, Agaves, Zetbi, Amphionis, Dirce, Niobes, Perſei, Andromeda, Minotauri, Leda, Cephalæ, Procridis, Oenei, Callirrhœes, Orphæi, Hylæ, Herculis, Calais, Cyzici, Medæ, Melæagri, Atalanta, Alceſtidis, Admeti, Ompbalæ, Jolæ, Oedipi, Heſperidum, Stympthalidum, Admetæ, Aventini, Eurypyli, Sardii, Atrei, Paridis, Laocoontis, Iphigeniæ*; & illuſtrium perſonarum, *Cyclopi, Cecropis, Hellenes, Cadmi, Semiramidis, Lacedæmonis, Danaï, Mida, Pergami, Hællærophontis, Minotæ, Dadali, Ariadnæ, Hyacinthi, Eeti, Jaſonis, Euphemi, Theſei, Phadræ, Amazonum, Hylli, Ajacis, Chironis, Machaonis, Hectoris, Andromachæ, Achillis, Diomedis; Æneæ*, cum *Anchiſæ & Julo*; urbium item, regionum, montium, & fluviorum, *Achelvi, Damafci, Europæ, Apolloniæ, Lacedæmonis, Beryti, Cydonæ, Naxi, Teni, Scyllæ, Corcyræ, Tarenti, Abderæ, Tomorum, Smyrnæ, Myrleæ, Eubææ, Alabandi, Arbus, Rhodopæ, Tmolii, Sipyli, &c.* hiſtoriam illuſtrat. Neque enim ſufficere ratus eſt, imagines nudas exhibuiſſe, & formarum a veteribus concinnatarum fictarumque dare conſpectum; ſed rerum ac hiſtoriarum explicationibus ſingulas quaſi veſtiedas & dilucidandas duxit, ut non viſus modo ſuam oblectationem, ſed ſtudia etiam trahant emolumentum: dum memorabilis cujuſque rei complexus, ex antiquitatis cælatura oculis ſubjectus, brevi deſcriptione explicaretur, quæ ad certam claramque rerum priſcarum notitiam multum confert. Varia inde Auctorum loca, quæ ad iconis cujuſque illuſtrationem pertinent, in his explanationibus explicata, quædam emendata, (ut Hygini in *Prometheo*, *Cadmo*, *Marſyæ*, *Stæphanii* in *Semiramide*, *Ovidii* in *Niobe*) nummos etiam cum imaginibus iſtis quodammodo cognatos, aut eaſdem exprimentes, paſſim cernimus appoſite admixtos, varios recentiores ſcriptores notatos, & criticum ſubinde adhibitu acumen. Quæ omnia nos deſiderio accendunt reliquorum Theſauri voluminum, qui viſibilem, ut doctiſſimus Auctor loquitur, Græciæ veteriſſimæ hiſtoriam complectetur, & in quo repositum, quidquid auri argentiſque priſci, vel æris, alteriusve orna-

ornamenti, ad antiquitates Græcas pertinens, restet, conspicien-
dorum.

*ORIGINES ET SUCCESSIONES COMITUM WETTINENSI-
um, auctore CHRISTOPHORO Christophori F. CELLARIO.*

Halæ Magd. sumtu Jo. Frid. Gleditsch, 1697. in 4. plag. 8.

Wettinensem agrum, in Ducatu Magdeburgensi situm, ea nunc
felicitate gaudere cernimus, ut a benignissimo Domino, Illustris-
simo *Dn. EBERHARDO BARONE DE DANCKELMAN*, supre-
mo in Aula Electorali Brandenburgica Status Ministro, & Collegiorum
omnium Præsides ac Rectores consiliorum, cui tractus iste Potentissimi
Heri ipsius clementia & grati animi testificatione concessus est, felici-
ter excolatur, eidemque Gratiōssimo Domino ubertatem suam, & in
carbonibus fossilibus largiter suppeditandis fertilitatem, abunde pro-
bar. Ditionem hanc quum possederint olim Comites Wettinenses,
ab hoc castro, quod *Wettin* dictum, nomen sortiti, rerum gestarum &
antiquæ nobilitatis ac fortitudinis fama inclyti; non alienum a pietate
& obsequio erga Gratiōssimum tractus istius Dominum, benigni-
tatis ejus alumnus, doctissimi & eloquentissimi Christophori Cellarii
ὁ μὲν ὅμως Filius duxit, in primam Comitum horum originem inqui-
rere, eorumque successiones ad Serenissimos usque Saxonix Duces,
qui ex illis orti sunt, ex antiquis monumentis investigare. Quod
quam difficile sit & arduum, ob veterum Germanorum in annotan-
dis rebus suis incuriam, dum a litterarum cultu prorsus essent alieni,
§. 1. ostendit. Ad Wittekindum Magnum castrum hujus exortum minus
ex vero referri §. 2. tradit, rectius (etsi nec hoc satis sit explicatum) ad
filium Wittekindum juniorem eum trahi existimat §. 3. cujus ex Dit-
gremono filio, & Ditmaro nepote, pronepos Thiedericus I ejusque po-
steri ad Ottonem usque tertium, ultimum Brenensem Comitum, ju-
sta serie Wettinensem Comitatum possederint, anno 1288 Archiepi-
scopatui Magdeburgensi concessum, cujus donationis diploma §. 20.
exhibetur. Thiedericus I ex Dedone filio nepos fuit Thiedericus II.
(de quibus §. 5. 6. 7.) cujus filii plures, Fridericus, Dedo, Thiemo,
Gero, Conradus, Rigdagus, §. 9. 10. 11. enarrantur. Equibus Thie-
mo Comitatum Wettinensem ad Conradum Misniz & Lusatiz Mar-
chio-

X x x 3

chio-

chionem transmisit §. 12. qui quum filios quinque haberet, ne litem iis in dividenda hæreditate relinqueret, unicuique suam regendam partem adsignavit, & Ottoni Marchiam Misnensem, Thiederico Lusatam, Henrico Comitatum Wettinensem, Dedoni Rochlicensem, Friderico Brenensem tradidit §. 15. Henricus ad filium Ulricum Wettinensem Comitatu propagavit §. 19, & quum anno 1206 Ulricus decessisset, ac altero anno post filius ejus ætatis anno duodecimo vitam finisset, Comitatus iste in agnatum Fridericum Brenensem Comitem devolutus est, cujus abnepos Otto, anno 1290 mortuus, castrum Wettinense, ut diximus, Archiepiscopatui Magdeburgensi donavit §. 20. Hujus Præsul Guntherus arcem istam, cum agris quibusdam circumjacentibus, primum oppignorasse Ammendorfio Nobili, postea eidem & Caspari Winkelio Fridericus Archiepiscopus vendidisse anno 1446 feruntur; unde Nobili familia Winkelæ jus, quod hodie discipatur, in hæ terras fuit datum §. 22. Archiepiscopis autem integrum semper jus aperturæ & sequelæ, nec non metallicarum fodinarum mansisse, e tabulis feudalibus Auctor p. 22. monstrat: quarum fodinarum uberem proventum a Potentissimo Electore Brandenburgico, consiliorum moderatori sapientissimo, quem supra diximus, Eberhardo Dankelmanno esse concessum, in quem castrense etiam aut burgaticum feudum castelli hujus a familia Trottenorum derivatum sit, §. 23. affirmat. De cœnobio S. Petri in Monte Sereno seu Lauterberga, quod Comitibus Wettinensibus sepulcra præbuit, quæ adhuc ex cæso lapide structa ibi conspiciuntur, a Dedone & Conrado fratribus, Thiemonis filius, anno 1124 jactis fundamentis exstructo §. 22, 23. narrat, simulacris Comitum & eorum conjugum, quæ ibi supersunt, §. 25. recensitis; quæ delineata cernere licet in Chronico Montis Sereni hujus, a Joachimo Johanne Madero A. 1665 edito. Tabula Genealogica, quam Auctor adjecit, a Wittekindo Juniore ad Fridericum usque Bellicosum primum Saxonie Electorem, & Ottonem III ultimum Wettinensem Comitem deducta, perspicue ostendit, qua serie per Marchiones Misniæ, a Comitum Wettinensium stirpe propagati sint Duces Saxonie & Electores.

FLORA MALABARICA, SIVE HORTI MALABARICI *Catalogus, auctore CASPARO COMMELINO.*

Lugduni Bat. apud Fred. Haaring, 1696. in fol. & oct. Plag. 19.

Inter opera Botanica, quæ hoc tempore celebrantur, vel maxime *Hortus Malabaricus* eminet, nobilissimi celeberrimique viri *Henrici van Reede tot Draakenstein* auspiciis in Hollandia editus, ac duodecim in folio, ut loqui solent, voluminibus comprehensus. Et priores quidem quatuor illius partes in *Actis* hisce *A. 1684, p. 195* sqq. exhibuimus, totius simul instituti ratione uberius exposita. De parte quinta *A. 1685, p. 401*, de sexta, septima & octava *A. 1688, p. 479* quædam nos dixisse meminimus. Reliquas quo minus speciatim recenseremus, vel ipsa librorum novorum, qui se undique offerunt, copia fuimus prohibiti: tamen si minime nos latuerit, partem nonam *A. 1689*, decimam *A. 1690*, undecimam *A. 1692*, & duodecimam eamque ultimam *A. 1693*, cunctas ab eodem Van Reede adornatas, ab *Abrahamo a Poot* in ordinem redactas & Latinitate donatas, a *Jo. Commelino* notis illustratas, typis Amstelodamensium in lucem publicam prodierunt.

Ad tam splendidum vero opus uti post *Reedium Jo. Commelinus* Reipublicæ Amstelodamensis, dum viveret, Senator & Horti Medici Præfectus plurimum contulit, singulis, præter primum, in quod *Arnoldi Syen* notæ extant, voluminibus commentario ornatis: ita ejusdem ex fratre nepos, qui hoc tempore Horti Medici Amstelodamensis curam gerit, vir clarissimus, *Casparus Commelinus*, id suarum esse partium duxit, ut pretiosum opus plurium usibus accommodaret, & elegantia illius ac velut majestati utilitatem haud paulo majorem adjungeret. Nimirum cum in opere ipso plantæ Malabaricæ ut plurimum nominibus designentur, quas aliis & sæpe convenientioribus tum veteres tum recentiores rei herbariæ scriptores insignire consueverunt, (quorū quidem non pauca *Jo. Commelinus* jam indicaverat in notis,) præsentem accuratumque Horti illius Malabarici Catalogum componere voluit, plantarum nomina omnia in ordinem alphabeticum disposita complexum, ut quisque plantam sibi propositam, modo quæcunque ejus nomen noverit, sine molestia invenire posset. Nos uti non dubitamus, quin grato animo agniti sint laborem istum Botani-

nophili: ita, ne Specimen ejus desit, duo exempla producere non gravabimur. Tomo II p. 53 Reedius plantam sistit *Erica* Malabarensibus, *Rory* Bramanibus dictam. Eandem *Jacobo Breynio* in *Prodromo secundo Fasciculi variorum plantarum* Apocynum erectum majus latifolium Indicum, flore concavo, amplo, carneo, suavepurpurascente, *Paulo Hermann* in *Catalogo Horti Academici Lugduno-Batavi* Apocynum latifolium Ægyptiacum, incanum, erectum, floribus spicatis maximis pallide violaceis, siliquis folliculatis rugosis, *Casparo Baubino* in *Pinace* Apocynum Ægyptiacum lactescens siliqua Asclepiadis, *Abrahamo Munting* in *Curiosa Descriptione Terra Nascentium* (*Naukeurige Beschryvinge der Aardgewassen*) Apocynum Syriacum, *Pittoni* *Tournefort* in *Elementis Botanices* (*Elements de Botanique*) Apocynum Ægyptiacum floribus umbellatis, *Joanni Parkinsonio* in *Theatro Botanico* Apocynum rectum Americanum majus sive latifolium, *Jo. Vestlingio* in *Observationibus de Plantis Ægyptiacis* Beidel Star, *Jo. Baubino* in *Historia plantarum universalis* Beidel Sar Alpini, sive Apocynum Syriacum, *Carolo Clusio* in *Historia variorum Plantarum* Apocynum sive Syriacum, sive Palæstinum, & forte Ægyptiacum, *Zylonen* sibus *Waraghalam* appellari, ex Catalogo nostro *Commeliniano* disces. Tomo III p. 59 Reedius arborem exhibet *Malabarensibus* Panja, *Bramanibus* Sangori, *Lusitanis* Algodano, *Malaccis* Kapock, *Belgis* Dousboom, ut ipse monet, dictam; quam ex Catalogo nostro comperies eandem esse, quam *Hermannus* l. c. Gossipium arboreum Orientale foliis salicis digitatis latioribus, *Jo. Rajus* in *Historia Plantarum* Gossipium Indicum salicis folio, fructu quinquecapsulari, *Leonardus Plukenetius* in *Phytographia* Gossipium seu Xylon, arborem Orientalem, seu digitatis foliis levibus, fructu quinquecapsulari alba & nitente lanugine farto, *Caspar Baubinus* in *Pinace* Gossipium Javanense, salicis folio, *Car. Clusius* in *Historia Exoticorum* & *Jo. Baubinus* in *Hist. Plant. Univ.* Lanigeram arborem peregrinam, *Jac. Bontius* in *Historia Naturali & Medica India Orientalis* arborem Lanigeram sive Gossampinum Plinii appellant.

ERRATA.

Pag. 489. l. 17. 18. lege: antiquissimam fuisse, & diu ante, quam eadem apud Græcos Romanosve invaluisset, apud alias gentes usitatam. Pag. 492. l. 1. lege: per insignem. Pag. 493. l. 16. lege: immunes nos non finit Imperatoris ipsius.

ACTA ERUDITORUM

Publicata Lipsiæ

Calendis Decembris, Anno M DC XCVII,

*A NEW THEORIE OF THE EARTH, &c. HOC EST:
NOVA TELLURIS THEORIA, AB EJUS ORIGINE USQUE
ad consummationem : in qua ostenditur, creationem mundi he-
xæmetro, diluvium universale, & generalem conflagrationem, prout in
Scriptura proponuntur, persicillè congruere cum ratione & philosophia.
Auctore GULIELMO WHISTON M. A. & Reverendi Epi-
scopi Norwicensis Capellano &c.*

Londini apud Benjam. Tooke, 1696. 8. Plag. 31.

TEntaminis hujus Philosophici, celeberrimoque viro *Isaaco Newtono*, (cujus subsidiis, consiliis, auspiciis id potissimum acceptum refert doctissimus Auctor) nuncupati recensio-
nem, quamvis paulo serius factam, non ingratham fore spe-
ramus curiosis Lectoribus, cum multa nove, argute, eruditeque tra-
dita comprehendat, quæ more nostro censuram aliis relinquentes,
summatim rescremus. Tota Theoria quatuor traditur libris, quorum
primus lemmata, secundus hypotheses, tertius phænomena, quartus
phænomenorum solutiones complectitur. Illis vero dissertatio
præmittitur, de natura, stylo & extensione historiarum creationis a Mose
descriptarum: in qua id præcipue ostendere satagit Whistonus, Mosen
non reliquissè nobis subtilem & philosophicam doctrinam de origine
hujus universi, sed historicam veramque representationem formatio-
nis telluris nostræ, ex rudis inordinatæque materiæ confusa conge-
rie, quam Chaos dicere solemus, & successivarum visibiliumq; muta-
tionum, quales spectator in terræ superficie constitutus fideliter
annotasset diebus singulis, donec habitatio generis humani evaderet.
Existimat enim, hanc explicationem requirere ipsa Mosis verba, qui
primis Geneseos verbis omnium rerum productionem designet, dein-
de vero descendat ad enarrandam non illam terræ formationem, quæ
facta

Yyy

facta ex nihilo, cum ea præcedentibus jam verbis fuerit comprehensa; sed ad explicandam ordinationem ejus, dispositionem, & in meliorem utilioreque statum mutationem, a Deo immortalis adhibitis mediis naturalibus factam, quæ actio frequenter in Scriptura creationis nomine venire soleat. Huic vero sententiæ non obstare putat, quod nonnunquam cælum & terra, tanquam objectum hujus creationis allegantur, disertisque verbis Gen. I, v. 16. creatio Solis Lunæque recensetur: quippe cum per cælum & terram in Scripturis sacris sæpe mundus hic sub-lunaris, seu globus terraqueus cum sua atmosphæra, intelligendus sit, verbumque Mosis *וַיַּעַשׂ* commodè per plusquamperfectum, & *fecerat*, possit explicari. Quæ responsio cum satisfacere non possit obijcienti, creationem cœlestium corporum quartæ diei opus a Mose perhiberi: alia ipsi in promptu est, quæ affirmat, Scripturam se accommodare ad vulgare hominum apprehensionem, quoad illa philosophiæ naturalis dogmata, quæ non capere satis sunt idonei; speciatim autem quoad situm, distantiam, magnitudinem, usum & motum corporum cœlestium; quæ nobis repræsentet tanquam luminaria ignea, in atmosphæra nostrâ collocata, & ad eam non secus pertinentia a terræque dependentia, quam nubes aut alia aerea meteora, ac proinde in historia creationis telluris eorum quoque mentionem faciat. Quam sententiam tum variis Scripturæ locis, tum rationibus fulcire conatur. Neque enim Scripturam cum in finem literarum monumentis consignatam esse, ut homines Philosophiam doceat, ipsisque corpora cœlestia contemplanda præponat, quatenus sunt præcipuæ hujus universi partes, maxima nobilissimaque corpora, variis & immensis distantis a terra remota, periodos motuum habentia regulares & harmonicas, aliasque hujusmodi affectiones, quas Astronomiæ scientia imbuti considerare solent: ac proinde mirum non esse, Scriptores sacros corpora illa cœlestia describere quasi appendices telluris nostræ, cum apparere oculis nostris non magis remota soleant quam nubes; præcipue cum alias etiam de aliis rebus soleant loqui, non uti revera sunt, sed ut constanter apparent. Unde putat Auctor, quando lumen factum dicitur, nihil aliud a Mose innui, quam superiorem chaos regionem tam claram defæcatamque fuisse redditam, ut Solis radios aliquo modo transmitteret, fieretque sensibilis distinctio inter noctem atque diem: Solem autem, Lunam & stellas tunc demum conditas asseri, cum

aer ita pellucidus fuit redditus, ut luminaria hæc fierent conspicua, & corpora eorum ab oculo in terra constituta ita videri possent, uti nobis jam sudo cœlo interdum aut noctu apparent. Multas enim res in Scriptura sacra affirmari esse certa ratione, quando effectus tantum, quos sentimus, tales sunt, quales essent, si causæ revera ita se haberent, uti describuntur. Huic tamen doctrinæ, ne in abusum trahatur, hanc adjicit cautionem: sacros Scriptores non promiscue usos hac libertate, sed tum demum, cum sublimitas argumenti, capacitas populi, & faciliior instillatio utilium principiorum in animos hominum, aliaque gravis ratio, talem accommodationem exposceret. Quod si autem requiras, quam igitur ob causam commemoret hæc corpora cœlestia Moses, cum de terræ nostræ origine exponit; id ideo factum affirmat, ut Judæos ab adoratione exercitus cœlorum avocaret, repræsentando illis sidera ut igneos lucidosque globulos in aëre pendulos, & intra aut prope nubes revolutiones suas peragentes. Cui accedit, quod Moses, diarium quasi historicum mutationum chaos & mundi visibilis factarum diebus singulis consignans, insignem illam, quæ quarto die contigit, non potuerit omittere. Ulterius historiam creationis non porrigi ultra terram, & quæ ad eam pertinent, hinc etiam colligit, quod chaos non fuit materia corporum cœlestium. Expresse enim terra vocatur Gen. 1 & 2, in oppositione ad cœlum, neque corpus illud tenebricosum potuit includere materiam Solis & innumerarum fixarum: cum non adpareat, quomodo tenebris immersa possit esse massa, cujus centesima tantum pars obscura, reliquæ omnes sunt lucidæ. Addit, repugnare discessionem velocissimam particularum lucidarum ex chao in remotissima illa spatia ætherea proprietati certissimæ materiæ, gravitationi nempe universali, seu vi centripetæ, & inniti opinionem contrariam falsæ hypothese, tellurem esse centrum universi. Quam eo quoque refelli porro statuit, quod, nisi concedatur, creationem Mosaicam solam respicere tellurem nostram, tempus creationis singulorum corporum tam extreme disproportionatum sit ad opera ipsa, ut hæc asymmetria plane conciliari nequeat cum sapientia Creatoris, & recensione operum a Mose prodita literis: quoniam (quamvis necesse non sit, ut omnibus in casibus cognoscamus rationes divinarum actionum aut providentiæ, antequam iis adhibeamus fidem, præsertim ubi revelatio est perspicua, aut objecti sublimitas captum no-

strum excedit) nostrum est, quotiescunque cognoscimus, quod Deo ascribi videtur, si ab hominibus fieret, in imperitiâ, imprudentiâ, indecorique reprehensionem incurrere, id a Deo amoliri, a quo imperfectio omnis alienissima, & commodam quærere interpretationem. Hæc ne gratis dixisse videatur, pluribus urget, secundum vulgarem interpretationem, longitudinem diei 24 horarum nullam habere proportionem ad opera in eo peracta: tertio diei duo distincta, imo incompatibilia assignari opera, cum reliquis unum aut unius generis tribuatur: terræ, si ad reliqua respicias, tam exilis contemnendique corporis formationi & exornationi quatuor integros dies attribui, dum Sol, Luna & stellæ, vastissima illa & nobilissima corpora, in unius diei opus compinguntur. Præterea objicit, in vulgari Mosaicæ creationis schemate omnia ita confuse & minus philosophice representari, ut plane illud non conveniat cum sapientia & perfectione Dei, dum corporibus naturæ similis origo dissimilis, contra rebus dissimilis naturæ similis tribuitur origo; de corporum illustrissimorum & maxime considerandorum origine vix ulla fit mentio; neque partium ullius corporis, nisi terreni, formatio specialius describitur; lumen apparuisse dicitur, antequam Sol, fons ejus & origo, creatus; excavatioque alvei oceani & elevatio montium talis Deo tribuitur, quæ non naturalis & plane indecens est. Porro cum manifestum sit, quæ a Mose commemorantur omnia ad utilitatem terricolarum referri, absurdum vero sit statuere, tot millia corporum gloriosorum, vastissimorum & immensis a nobis distantis remotorum, ut ne quidem omnia in conspectum nostrum veniant, solius globuli terræ aut ejus incolarum in gratiam condita esse: vel hinc effici putat, Mosaicam creationis historiam non ultra terræ productionem esse extendendam; præsertim cum hoc neque intentio scriptoris requirat, nec populi Israelitici capacitas ferre potuerit stricte philosophicam veramque enarrationem originis hujus universi. Idem consequi ex eo censet, quod etiam diluvium & conflagratio quæ eisdem habeant limites cum operibus hexaemeri, ad terram, quæque ad eam pertinent, tantum porriguntur: ut proinde satius sit statuere, uti hexaemeri spatio tellus propter hominem condita, ita reliqua etiam corpora cœlestia aliis temporibus, propter alias creaturas formata: quarum multas posse esse myriades intellectu nobilitateque nobis præstantiores, facile intelligamus, si infinitam naturam

turam

turam & nullis coarctatas limitibus perfectiones divini Numinis rite perpendamus.

Quæ quidem prolixius explicare consultum duximus, cum huic doctrinæ tanquam tibicini tota reliqua moles innitatur. Lemmatibus, quorum 83 primo libro exhibentur, Postulata præfiguntur sequentia: (1) obvium literalemq; Scripturæ sensum verum esse genuinumque, ubi nulla evidens ratio in contrarium dari potest. (2) Quod perspicue a naturali causa derivari potest, non arcessendum esse a miraculosa potentia. (3) Quicquid antiqua traditio de constitutione naturæ ejusque origine, & primitivo mundi statu asserit, non esse rejiciendum, si plene cum Scriptura, ratione & philosophia consentiat. De ipsis autem lemmatibus ideo parcius nobis dicendum erit, quod pleraque ex acutissimi Mathematici *Isaaci Newtoni* Principiis Philosophiæ Naturalis Mechanicis, quæ passim eruditorum versantur manibus, sunt deprompta, & corollariis scholiisque ad argumentum, de quo agitur, pertinentibus aucta. Non abs re tamen erit sequentia huc transferre. (*Lem. 3*) omnia corpora in se mutuo gravitare, seu mutuo se attrahere. (*Lem. 11. 12. 13*) Motus corporum coelestium circa Solem oriri ex attractione Solis composita cum motu projectionis, fierique in orbita circulari, si projectio perpendicularis sit ad lineam ex Sole educatam, ejusque celeritas in æquilibrio cum gravitatione corporis coelestis in Solem; elliptica autem, si vel gravitatio celeritatem vincat, vel attractio a celeritate vincatur. (*Lem. 30*) Ferri jam tellurem circa Solem, non secus ac reliquos Planetas, in ellipsis suis, eo ordine, qui in Astronomia veriori definitur. (*Lem. 42*) Cometas esse Planetarum species, revolutorum circa Solem in orbibus ellipticis, sed ita oblongis & eccentricis, ut quando sub observationem nostram cadunt, parum differant a parabolicis. (*Lem. 48*) Cometam, si vicinus fiat Planetæ moto in eodem plano, redditurum, accelerando aut retardando hujus motum, orbitam Planetæ ex circulari ellipticam. (*Lem. 54*) Cometam versus Solem descendentem, si prope Planetam, quem circumit satelles, transeat, effecturum ut discedant a se invicem, moveanturque seorsim, nisi situs eorum talis fuerit, ut Cometa æque vicinus fiat Planetæ tam primario quam secundario. (*Lem. 58*) Atmosphæram Cometæ, seu fluidum quod corpus ejus ambit, esse confusam & irregularem inæqualiter dispositorum & incerto motu agitatorum

corpusculorum massam, cujus diameter decies aut quindecies quandoque major sit Cometæ nucleo, caudam vero esse atmosphæræ partem rariorem. (*Lem. 59*) Cometæ, propter accessum & recessum nimum a Sole in orbitis suis valde eccentricis, non posse acquirere aut saltem non diu conservare talem constitutionem, qualem habent Planetæ, & conservatio plantarum animaliumque requirit, ac proinde inhabitabiles illos esse censendos. (*Lem. 60*) Si orbita Cometæ mutetur in circulum Soli concentricum, aut in ellipsin non multum ab eo differentem, in convenienti a Sole distantia, fore ut subsidant atmosphæræ partes, secundum leges gravitatis specificæ, & Cometa acquirat conservetque talem ordinatam fixamque constitutionem, quæ Planetis est propria, aptaque ad vegetationem plantarum & habitationem animalium. (*Lem. 65*) Cometæ nonnullos tam prope in Perihelio suo accedere ad Solem, ut prodigiosum acquirant caloris gradum, quem multis annorum millibus non plane amittant. (*Lem. 67*) Si congeries heterogeneorum corpusculorum, seu chaos, in sua formatione annuatantum circa Solem feratur motu, absque rotatione diurna, figuram ejus abituram in perfecte sphæricam, sed si durante formatione circa suum axem gyretur, evasurum sphæroides latum. (*Lem. 68*) Planetam jam formatum, si magna ex parte constet ex denso interno fluido seu abyssu, & crusta terrea ejus superficiem inducens, inchoeturque rotatio diurna, degeneraturum, licet ab initio fuerit sphæricus, in sphæroides latum. (*Lem. 69*) Si crusta illa concreta & solidata sit ante initium diurnæ vertiginis, fore ut hac incipiente, Planetæque induente sphæroidis figuram, crusta illa extendatur, findatur, rumpatur, ejusque partes dividantur fissuris perpendicularibus. (*Lem. 70*) In Planetæ annuum tantum motum circa Solem habentibus, diem ab anno non differre. (*Lem. 72*) Rationi maxime consentaneum esse, tantam varietatem in fluidis alicujus Planetæ, ratione densitatis aut specificæ gravitatis reperiri, quanta in solidis deprehenditur. (*Lem. 74*) Si chaos aliquod componatur ex fluido specificè graviore, quam partes ejus solidæ & terrea, fluidum hoc in formatione ejus occupaturum proximum a centro locum, solidam autem terreamque massam illud circumdaturum. (*Lem. 78*) Si in digestionem atmosphæræ Cometæ major adsit quantitas solidarum & terrearum particularum, quam fluidi speciei gravioris, fore, quoniam non omnes columnæ materiæ sub-

subsidentis ejusdem sunt gravitatis, ut una quoad majorem partem immergatur fluido, quam altera, fiatque hinc superficies globi inæqualis, seu montibus vallibusque distincta. (*Lem. 79*) Cometam, si propinquus satis fiat Planetæ, concitaturum æstum duplicem in ejus fluidis, sive illa inclusa orbi terreo, sive superficiei ejus incumbant. (*Lem. 83*) Æstum talem, si vehemens fuerit subitoque productus in abyſſo ſubterranea, cujus ſuperficiem orbis terreus contegat, conciliaturum Planetæ ſphæroidis longi figuram, adeoque rupturum orbem terreum, ut ſiſſuras undique acquirat.

Succedunt ſecundo in libro Hypotheſes, quas Auctor multis non contemnendis rationibus probabiles reddere nititur. (1) Antiquum chaos, ſeu originem terræ noſtræ, fuiſſe atmophæram Cometæ. (2.) Montium columnas in terra tam denſas gravesque non eſſe, ac partium reliquarum. (3) Licet annuus motus telluris initio ſtatim creationis Moſaicæ locum habuerit, diurnam tamen ejus rotationem non coëpiſſe niſi poſt lapſum hominis, ac proinde per ſex creationis dies (*vid. Lem. 70*) ſex annos eſſe intelligendos. (4) Paradifum ſeu hortum Eden fuiſſe circa confluentem Tigris & Euphratis; vel antequam devolvuntur in Sinum Perſicum, vel infra inſulam Ormuz, ubi Sinus Perſicus ſub Tropico Cancrī incidit in Mare Perſicum. (5) Primitivam Eclipticam, ſeu circulum eidem in terra respondentem interſecari præſentem Tropicum Cancrī in Paradifo, aut ejus ſaltem Meridiano. (6) Annum Patriarchalem, ſeu antiquiſſimum illum a Scriptura commemoratum, initium ab Æquinoctio ſumiſſe autumnali. (7) Originales Planetarum orbitas, ſpeciatim telluris, fuiſſe perfecte circulares. (8) Arcam Noachi non ſubſediſſe in Armenia, ſed monte Caucaſo, aut Paropamiſo, in conſinio Tartariæ, Perſiæ & Indiæ. (9) Diluvium incepiſſe 17 die menſis ſecundi ab autumnali Æquinoctio ſeu 27 Novembris; ſecundum Julianum ſtylum anno 2365 Periodi Julianæ, & 2349 ante æram Chriſtianam. (10) Cometam deſcendentem in plano Eclipticæ verſus ſuum Perihelium, primo diluvii die tranſiſſe prope terram.

Reliquilibri Phænomena eorumque ſolutiones continent, in propoſitiones centum digeſtas, quas afferre cum inſtituti noſtri non patiatur ratio, ſummam rei tantum dare conabimur.

Nimirum cenſet doctiſſimus Whiſtonus, tellurem Cometam fuiſſe ante hexaëron Moſaicum conditum, diurna revolutione carentem

tem *per hyp. 3.* constantem centrali corpore & atmosphæra: atque illud quidem in Perihelio tantum concepisse calorem, *secund. lem. 65.* ut tellus nostra eundem adhuc in interioribus partibus retineat; hanc vero fuisse chaos illud famosum, *per hyp. 1.* Cum ergo inhabitabile hoc corpus, *per lem. 59.* plantarum animantiumque sedem efficere decrevisset Deus omnipotens, ipsum mutasse orbitam ejus valde eccentricam, in circulem circa Solem, in distantia convenienti, ut deinde partes in ejus atmosphæra confuse agitatae subsidere potuerint, secundum leges gravitatis specificæ, *juxta lem. 60.* Ac primum quidem nucleum Cometæ ambiisse densum aliquod gravissimumque fluidum, ut fieret abyssus, atque huic incubuisse particulas terreas solidasque mixtas aqueis & aereis, *sec. lem. 72 & 74.* Sed primo creationis die, hoc est anno, *per hyp. 3.* massam hanc superiorem in duas differentes quodammodo regiones secessisse, ut graviore solidioresque constituerent orbem terræ montibus vallibusque prædictum *per lem. 78.* quique hinc super abyssum fundatus dicatur, subtiliores autem levioresque, aeræ & aquæ, quas terræ pori non absorpserant, halitusque varii atmosphæram formarent aliquo modo perviam Solis radiis, adeoque lux fieret, locumque habere inciperet distinctio inter diem & noctem. Hinc secundo die aërem magis magisque Solis calore rarefactum graviore dimisisse particulas in terram stillantes; subtiliores vero vapores & halitus altius fuisse elevatos cum aere, & expansum illud constituuisse, quod aër vulgo dici solet, atque ita distinctionem factam inter aquas superiores in aere hærentes, & inferiores, quæ vel in terræ poris & visceribus latent, vel ejus superficie continentur. Tertiū porro diei nocte vapores in aerem elevatos, & cessante calore Solis concretos in terram descendisse, ex ejusque locis superioribus in inferiora defluxisse, ut orirentur flumina, lacus, maria, longe tamen hodie apparentibus minora; quo factum, ut adpareret arida, aptissima reddita ad plantarum vegetationem, quæ proinde hoc anno Sole exorto productæ. Quarto demum die, aëre jam plane serenato, conspicuum fuisse factum Solem cum Luna & stellis, iisque sua officia assignata. Quinto die semina tum piscium tum volucrum a Deo creata, & in aqua latentia, blandoque Solis calore foras, foetus suos exclusisse. Sexto tandem die, cum jam orbis terreus satis compactus siccatusque esset, ex terra producta animalia terrestria una cum Adamo & Eva, ita ut Dei Filii,

cum

cum reliquorum dierum opera pleraque mechanico quasi processu & via naturali absolvisset, in creatione hominis & inspiratione animæ viventis, immediatam & miraculosam potentiam exereret.

Terram ergo hoc modo formatam & exornatam, non multum a nostra diversam fuisse putat Cl. Auctor, quoad figuram, magnitudinem aliasque circumstantias; cum habuerit montes & valles, salsa maria & fluvios dulces, æstus marinos temperatos a præsentia Solis & Lunæ oriundos, eademque metalla & mineralia: nisi quod ejus figura perfecte fuerit sphaerica *per Lem. 67*, & strata continua, aeris perfecte transparentis temperies blandior, & expers nimii caloris aut frigoris, nec non vehementium meteororum, item iridis, (vaporibus in rorem tantum & tenues nebulas resolutis;) quod centralis calor undique æqualiter fuerit diffusus, majorque adeo terræ fertilitas, illo præsertim in loco, quem Deus protoplastis incolendum dederat, quodque terra solo lata fuerit motu annuo circa Solem, in orbita circulari, *per Hyp. 7*. Post hominum lapsum enim demum existimat Whistonus tellurem in motum vertiginis diurnæ actam *per Hyp. 3*, ita ut statim axis hujus motus ad axem eclipticæ esset obliquus; quo factum, ut non solum ex sphaera in sphaeroides latum degeneraret, sed & multis fissuris scinderetur *per Lem. 69*. Deinde cum vindex scelerum Numen diluvio terram obruere decrevisset, effecisse, ut Cometa propetellurem transiret *per Hyp. 10*, ejusque non solum orbitam circularem in ellipticam mutaret, *per Lem. 48*, sed quoque sua atmosphaera & cauda involve-
ret, in quibus illa commorata deceni aut duodecim horas immensa vaporum nube fuerit obruta, quæ in guttas resoluta abierit in pluviam 40 dierum noctiumque. Porro Cometam vicinia sua duplicem excitasse æstum, & in aquis terræ superioribus & in fluido abyssi, *per Lem. 79*, quod elevatione sua orbem terræ dilatarit, in sphaeroides longum mutarit, fissurasque initio motus diurni factas, quæ sensum coaluerant, ruperit, ut hinc fontes abyssi aperirentur, *per Lem. 83*: vastum autem pondus aquæ pluviae terræ fragmentis incumbens altius illa in abyssum immergendo effecisse, ut fluidum abyssi hoc modo pressum, qua data porta erumperet, secumque veheret tum aquam in visceribus terræ contentam, tum partes terreas sibi obvias. Has pluvias deinde secutas alias minus violentas, eum terra denuo post 50 dies non in densorescens incurreret atmosphaeram Cometæ, sed ejus caudam post

Perihelium ex rarioribus vaporibus constantem, quæ demum cessarint 150 die post diluvii initium: unde mirum non sit, ex triplici hac causa ad tantam altitudinem aquas excrevisse, quæ, quamdiu illis arcinatarit, satis fuerint tranquillæ, sed tum demum ventis procellisque agitatz, cum particulæ nitrosæ, sulphureæ, minerales metallicæque, ex atmosphæra caudaque Cometicæ in terram descendentes, fermentationem concepissent in inferiori aeris regione, & horrenda nobis meteora peperissent. Hinc autem Theoriæ hujus Auctor non solum facile de monstrari posse judicat, diluvium illud universale fuisse, cum causæ fuerint universales, sed etiam calculo subducto ostendit, perpendicularum harum aquarum facile altitudinem trium milliariarum superare, adeoque montes altissimos 15 cubitos excedere potuisse. Ut autem, cessante pluvia & conclusis fontibus abyssi, terra denuo siccaretur, docet, calore Solis ventumque non contemnendam quantitatem vaporum elevasse in aerem; quod autem reliquum fuit, partim imbibisse terream crustam, partim ingressum terræ penetralia, cum aquæ ventis agitatz fissuris perpendicularibus admotæ fuissent, partim ad loca decliviora defluxisse, quorum nonnulla sensim siccata diu satis aqua operta manserint, quod multa loca hodieque testentur, nonnulla vero in lacus & maria evaserint. In primis autem cum æstu a Cometa excitato tellus in sphæroides longum redacta fuisset, *per Lem. 83*, altioresque hinc redditæ duæ continentis oppositæ, quarum centra sunt circa 16 aut 18 gradum latitud. borealis & australis, intermedix vero humiliores, in has maximam confluisse aquarum vim, & formasse vastum illum Oceanum, qui Americam a reliquis orbis partibus sejungit. Cæterum cum aquæ a Cometa profectæ non expertes essent terrearum particularum, & pluvia in terram descendens vi maxima procellisque agitata confunderetur cum partibus orbis terræ, præsertim illis, quæ ex montium jugis decerpebantur, facile intelligi, eluvionis aquas impuras lutosasque fuisse, cessante autem pluvia & aquarum motu sedato limum sensim subsedisse, sedimentumque hoc terram antediluvianam crusta obduxisse 166 $\frac{2}{3}$ circiter pedes crassâ, quæ non statim habitabilis fuerit, nisi in regionibus terræ altissimis, seu prope arcem, in Caucaso omnium montium illo tempore editissimo, ubi strata lutea, quippe tenuiora, citius potuerint exsiccari. Huic massæ limosæ cum immistæ essent exuvix ossaque animalium tum terrestri-

restrium tum aquatiliū, nec non vegetabilia varia, illa quoque una subsedisse secundum leges gravitatis specificæ, atque hinc in terræ variis stratis jam nobis occurrere, solidis quandoque inclusa corporibus, quæ tum fluida fuerint, & sensim coaluerint induruerintque, eodem quippe modo ex eademque materia chaotica formata, ut orbis telluris antediluvianæ: ut adeo terra antediluviana, quoad usum nostrum, perditæ plane & destructa dici possit. Strata porro illa ex subsidente vario sedimento composita satis la via initio, continua & parallela fuisse, sed cum partes orbis terræ difflui fractique sensim denuo, cessante æstu, pristinum recuperarent locum, pristinamque figuram affectarent, ita ut nonnullæ elevarentur, deprimerenturq; aliæ, superiorem quoque crustam easdem subiisse mutationes, adeoque & strata illa fuisse fracta, nisi ubi in rupes solidata, ruente licet basi inferiori, instar arcuum sustinebantur, formabantque caveas specusque subterraneos, & vasta subterranearum aquarum receptacula. Cæterum quod Luna in hemisphærio ad nos converso non adquisiverit atmosphæram aeri nostro similem, ex eo factum censet Cl. Auctor, quod in primo transitu Cometæ lapsis tribus a Novilunio diebus latuerit post terram, in spatio ab atmosphæra Cometica vacuo, in secundo autem tribus a Novilunio diebus hemisphærium a nobis aversum a Cometæ cauda tantum affici potuerit, unde etiam terræ satelles manserit, *per Lem. 55.*

Tandem ad conflagrationem terræ futuram quod attinet, Cl. Theorizæ Auctor satis ad exurendam terram virium habere censet ignem centralem, si removerentur aquæ terræ circumfusæ & frigus aeris. Quæ omnia a Cometa quodam fieri posse conjicit, si quis post suum Perihelium in ascensu Sole prope tellurem transiret, quum manifestum sit, fore hoc in casu, ut denuo horrendi æstus in fluido abyssi concitentur ob maximam Cometæ viciniam, summaque vi rumpatur terræ crusta, *per Lem. 79 & 83*, ut a fissuris in alveo oceani factis aquæ illius absorbeantur; atmosphæra autem Cometica, intensissimo calore pollens *per Lem. 65*, ita aeris regionem totamque adeo terram excalefaciat, ut præter æstus terræque morus in aere exhalationibus jam repleto Cometicis, inusitata appareant meteora, ita ut Sol Lunaque splendorem amittere antiquum, stellæque de cælo cadere videantur, tellurisque tandem orbis superior destruat, (cum fluidum abyssi tam grave densumque sit, ut maximo etiam calore dissolvi & rarefieri

nequeat) ita tamen, ut cessante calore ex illo chaos, in quod tellus reducta, nova terra sit emersura. Addit quoque, si Cometa in latere terræ orientali ascendens in terram incurrat, tantumque retardet ejus motum diurnum, ut isochronus fiat motui annuo, fore ut unum hemisphærium semper Soli sit expositum, alterum vero supernaturali fruatur lumine, nec egeat Sole aut Luna, totusque adeo globus careat vicissitu line dierum & noctium: Lunæ quoque cursum forsitan ita immutatum iri a Cometa, ut desinat esse terræ comes, alioque plane cursu feratur, *per Lem.* 54. In fine denique millennii & consummatione seculi, suspicatur Whistonus Cometam quendam directe incursum in terram, ex sua sede illam exturbaturum, ejusque orbitam in ellipticam valde eccentricam mutaturum, ut non amplius inter Planetas reperiatur, sed Cometa fiat pro futuris hujus universi sæculis.

Sed hæc *ὡς ἐν ἐπιτομῇ*. Multa enim scitu non indigna, v. g. quæ contra Burnetium & Woodwardum disputantur, quæ de vero Paradisi loco, altitudine Caucasi, terræ perihelio mutato, anni Solaris quantitate variata, decremento ætatis humanæ, multiplicationeque generis humani tanta, ut circiter spatio 360 annorum in duplum crescat numerum, docentur, brevitati consulentes omittere cogimur.

NAUWKEURIGE BESCHRYVING DER AARDGEWASSEN.

Hoc est :

CURIOSA DESCRIPTIO PLANTARUM, PER ABRAHAMUM MÜNTING, Professorem Medicinæ & Botanices, dum viveret, in Academia Groningensi Publici.

Lugduni & Ultrajecti apud P. vander Aa & F. Halma 1696, fol.

Constat plag. 141, & 259 icon. Plantarum.

CElebre jam dui inter illos, qui de Plantis docte commentati sunt, nomen fuit Muntingii, ejusque liber de Plantarum cultura anno 1672 editus, tanto cum applausu exceptus fuit, ut A. 1682 recuderetur. Cum vero Muntingius horto gauderet plantis tum vernaculis, tum exoticis instructissimo, & in hoc excolendo rotas esset, multa usu assiduo & experientia didicerat, post editum librum commemoratum, nondum passim nota, eaque in literas relata, amicorum precibus publicique amore boni adductus, edere decreverat. Sed morte præventus aliis editionem operis relinquere coactus est, qui nullis pepercit sumptibus, ut contum satis nitidumque in lucem prodiret. Com-

Completitur id tres libros, quorum primus, (cui præmittitur Oratio in funere Muntingii a Cl. Viro, Ioh. Minsinga habita, & a P. Rabo ex Latino idiomate in Belgicum conversa,) agit de arboribus, secundus de fruticibus & subfruticibus, tertius de herbis & floribus. In singulis explicandis hac utitur methodo Auctor, ut primo plantæ recenscat nomen Belgicum, Latinum, Germanicum, Gallicum & Italicum, deinde varias ejusdem generis species sibi observatas enumeret, & ex his nonnullas rariores prolixius describat, additis non paucis iconibus elegantissimis; porro singularum specierum culturam tradat, quomodo scil. terra illis conveniens vario fimo præparanda, quo riganda modo, quo tempore plantæ, quæ hyemem non ferunt, in hybernacula sua transferendæ, & denuo proferendæ in apicum, quove caloris gradus fovendæ; ulterius propagationem earum accurate describat, monendo quænam plantæ per semen, quæ per insitionem, delibrationem &c. propagatæ citius lætiusque excrescant; tandemque cujusvis plantæ vires ex celeberrimorum, quos citat, Auctorum sententia enarret. Nos specimen aliquod operis exhibituri, pauca excerpemus eaque generaliora horticulturne præcepta. Arborum ex nucleis prognatarum, elapso triennio, radicem rectâ descendentem (*Herzwurzel*) usque ad laterales amputare jubet, vulnereque cera obducto, Luna decrescente eas denuo terræ committere, confirmans futurum, ut tales arbores longe præstantiores fructus ferant, quam illæ, quæ insitione procreatæ. Insitionem surculorum præstantium faciendam præcipit in arbores ejusdem speciei, quibus radix demta media, uti jam jam commemoratum, & copiosum præstantissimorum fructuum proveniunt promittit. Plurimis quoque fructibus luxuriare arbores frigoris patientes, v. g. malos, alserit, si quotannis circa Novembris finem ab earum radicibus superioribus & crassioribus terra auferatur, spatium trium circiter quatuorve pedum, ipsæque nudæ & undique purgatæ acri expositæ relinquantur, usque ad Februarii medium, donec frigore corripiantur, ac tum demum stercore annali vaccino contectis ad digiti altitudinem terra comminuta interponatur. Si quis arbores, dum florent, a muscis nigris & erucis defendere velit, hunc recipere jubet Rutæ, Absynthii & Tabaci Virginiani ana manipulum unum, vel Tabaci solius duos manipulos, eosque dimidiam horam in cacabo duabus circiter amphoris aquæ pluriæ repleto coquere, & hac aqua

aqua per colum trajecta arbores bis terve conspergere. Aliud quoque remedium contra insecta commendat, aquam nimirum pluviam, in qua, dum Soli exponitur, sterus columbinum vel ovillum, parumque nitri solutum fuit, qua perfundendæ arbores, conspergendæque pulvere Tabaci. Eandem aquam ad semina duriora emollienda adhibet. Arboribus a rore frigidiori nocturno nullam inferri noxam dicit, si quovis vespere illarum radices, quamdiu florent, aqua rigentur. Plantas, quæ morbo quasi correptæ videntur, restitui affirmat, si perfundantur lacte, cui æqualis portio aquæ pluviz addita. In locum, quem arbor mortua occupavit, prohibet inferre arborem aliam, nisi terra prior remota, & fossa terra alia, probe cum stercore vaccino biennali mixta, repleta fuerit. In arboribus omnibus quotannis certicem bis a ligno secedere observavit, arboresque illis temporibus transplantatas interire. Cæterum & alia passim inspersit Auctor scitu non injuçunda, qualia v. g. sunt, quæ refert p. 85, de libro tiliz foliis inscripto, qui Ciceronis de ordinanda Republica & inveniendis orationum exordiis scripta continebat, pro Imperatore a Comite de St. Amour, pretio 8000 florenorum emto; p. 149 de arboribus caryophyllis a Societate Indiæ Orientalis in insulis Moluccis consensu Regis earundem, cui singulis annis 24000 florenos dono hanc ob causam mittat, exstirpat, & in insulas Amboine, quas possidet, transplantatis, ut totam caryophyllorum mercaturam sua habeat in potestate; p. 909 de infano Tuliparum amore & commercio, per edictum Statuum A. 1637 coercito, & prægrandi Tuliparum pretio, dum v. g. tres bulbi Tulipæ, cui nomen *semper Augustus*, pro 30000 florenis fuere venditi.

M. JOH. ANDR. Gleichenß neuverfertigter Redner.

Id est:

M. JOHANNIS ANDRÆ GLEICHII, ELECTORALIS SAXONICI Concionatoris Aulici, Orator recens adornatus.

Lipzæ apud J. Chr. Wohlfard, 1696, 8. Alph. 3. pl. 2.

PRincipis cujusdam jussui, nec non amicorum monitis satisfacturus Reverendus Auctor, Orationes auditoribus suis in Academia Wittebergenſi olim propositas collegit, & cum aliis quibusdam uno volumine jam A. 1691 luci publicæ exposuit, denuo nunc, quod prioris editionis exempla diluſta dudum essent, typis exscriptas. Constat au-

tem

rem Oratoriæ Germanicæ studiosis merito commendandus liber, tribus partibus. In *prima* diversi generis & argumenti sermones, quibus in solennitatibus publicis negotisque aliis uti quis ex dignitate possit, Vir clarissimus exhibet, notisque subjectis illustrat. In *altera* triginta orationes funebres eleganter elaboratas notisque itidem illustratas sistit, & sub finem scite ostendit, quomodo Orator singulorum Evangeliorum Dominicalium & Festivalium occasione lugubrem sermonem habere possit. In *tertia* notabiliorum e quamplurimis scriptoribus magno studio collectorum, quorum in habendis orationibus usus esse potest, luculentam farraginem tradit. Univerſo vero operi quatuor utilissimi indices subjiciuntur.

AN ACCOUNT OF THE NATURE, CAUSES, SYMPTOMS and Cure of the Distempers, that are incident to seafaring people.

Hoc est :

RECENSIO NATURÆ, CAUSARUM, SYMPTOMATUM ET Curationis morborum, qui navigantes solent corripere, cum observationibus circa diatam classiariorum Regionum; quibus illustrationis gratia accedit historia quorundam morborum in classe regia, proxima astate, observatorum a W. COCKBURN Collegii Medici Londinensis membro & medico turme in classe regia.

Londini, apud Hugh Newmann, 1696, 12 plag. 8.

Cum Medicorum hucusque pauci admodum accurate in morbos inquisiverint, quibuscum nautæ classariiue consisteri solent, utilissimam hanc operam in se suscepit experientissimus Cockburnius, præsertim quia vel ipsum, quo fungitur, officium eum ad hoc invitabat, occasionemque suppeditabat omnia exactius indagandi. Exhibet vero hoc libro particulam tantum futuri operis, continentem generaliora de morbis navigantium, & historiam morborum æstatis proximæ 19 observationibus traditam, cui deinde quotannis addet historiam morborum singulorum annorum sequentium, cum curationis modo & successu, ut hinc de theoria, quam hoc libro proposuit, legitimum ferri possit judicium. Ejus hæc summa est: morbos navigantium ex transpiratione insensibili impedita, & hinc orta plenitudo nimia, nec non falsis, quibus vescuntur, cibis trahere originem. Id ut ostendat, vivendi rationem & imprimis cibum potumque nautarum considerat, quem satis esse bonæ notæ censet ac utilem hominibus perpetuo labo-

re

re exercitis, quippe qui motu continuo efficiant, ut chylus attenuetur satis, perspiratioque fiat continua & sufficiens. Quoniam vero idem cibus ab hominibus quieti indulgentibus, (præsertim panis bis coctus carnesque sale conditi,) nimia quantitate, ut fieri solet, ingestus, in viscidum crassumque chylum mutatur, sanguisque hinc acredine inficitur, & ex insaufa hac radice scorbutus, & febres variae propullulant, mirum non esse existimat, si & classiciarii, quibus a laboribus satis est otii, præcipue cum solenne illis sit, non satis a frigore corpus defendere, his morbis sint obnoxii, in aere nebuloso, humido & frigido. Hanc theoriam ut stabiliat, symptomata morborum commemoratorum accurate recenset, & ex sanguinis viscidis acrisque nimia quantitate derivat, statuitque totam curandi rationem in eo positam esse, ut minuatur sanguinis massa & alteretur. Id vero cum optime fieri possit per evacuationem, qua sanguis reliquus in majorem vindicatur libertatem, ut velocitatem acquirat naturalem, & secretiones debito peragantur modo; disquirat, quo illa facienda modo, cum & per purgantia & sudorifera & sanguinis missionem peragi possit. Quæ singula media suo tempore adhibita quamvis præstantissima esse censeat, maxime tamen purgantia laudat, & venæ sectionem rite administratam, cum sudorifera non raro frustra exhibeantur, præsertim in juvenibus, quorum sanguinem & spiritus in tantam abripiant velocitatem, ut secretiones vel plane cessent, vel parce fiant, sudorque nullus provocetur. Hac ergo methodo, ut ex observationibus adjectis constat, feliciter in curandis morbis usus est, ut primum ægroto aliquot uncias sanguinis detraseret, sequenti die emeticum propinaret, post aliquot dies perpurgaret alvum, atque interim pulverem testaceum, aliaque pro re nata remedia præscriberet, quæ ex ipso Auctore petenda. In febribus acutis post vomitum non dat pægorica, ut alias solet, cum observarit opiata exacerbare febrim, & ægrotum in delirium præcipitare. In abigendis intermittentibus febribus, quarum periodos ex viscida lentaque materia statis temporibus in sanguinem delata deducit, Cortice Chinæ utitur in forma electuarii ab ægro assumendi post paroxysmum, postquam ante illum vomitu fuit purgatus. Corticis hujus vim totam in eo sitam esse censet, quod sanguinem fluxilio-rem reddat, omittendumque proinde illius usum, ubi sanguis fluidior ex motu nimio est redditus. Helvetii methodum forma clysteris in-

jici-

jiciendi corticem sub censuram vocat, & modum per os assumendi defendit, longeque majoribus incommodis probat laborare Helvetii modum, quam usitatum exhibendi rationem, quæ effectu optato non careat, si modo corticis illius detur quantitas debita, v. g. uncia, stomacho evacuato, nullaque præsentè diarrhœa. Observatione 14 refert, curatam a se diarrhœam drachma pulveris cujusdam cum conserva rosarum rubrarum veteri in pilulas redacti, quem tamen silentio involvit, cum præstantiorem censeat ipsa Ipicochoana, ob virtutem ejus in plusquam 200 ægris exploratam, quod scilicet certo sistat fluxum ventris, sine vomitu aut aliis incommodis, quæ alterius usum sequuntur. Observat. 18 gonorrhœam sanatam refert sine assumptione vel grani Mercurii aut Mercurialium remediorum, terebinthinæ, decoctionis lignorum, sine injectionibus aliisque vulgo usitatis medicamentis. Sed & hoc remedium celat, judicans incertam curandi hujus morbi rationem ex non satis intellecta ejus natura duxisse originem: causam enim hujus malum latere affirmat in prostaticis aut vesiculis seminalibus, sed ipsa virga, ejusque anteriori parte exulcerata, & ex ulceribus illis saniem, ut alias, stillare, carnemque illam excrefcere spongiosam, quæ urethram occupat, perinde ut hyperfarcoscs, quæ in ulcerum aliorum vulnerumque curationibus observantur. Receptam autem opinionem vel hinc refelli putat, quod injectionibus fluxus ille sisti potest; quæ cum non possint pertingere ad prostaticas & vesiculas seminales, ob valvulam regurgitationem urinæ prohibentem, malum utique illud, quod tollunt, ipsa in virga, quam perlunt, esse oportet. Observat. 19 nullius dicit esse usum in praxi distinctionem inter cynanchen & paracynanchen, cum musculus laryngis externus & internus tam sint propinqui, & tenui tantum membrana divisi, ut uno inflammato alter quoque prematur & inflammetur, nulloque signo unius inflammatio ab alterius inflammatione discerni possit.

S. S. D. *SUCCINCTÆ ANNOTATIONES AD W. A. LAUTERBACHII Compendium Digestorum.*

Prostant Lipsiæ apud Joh. Ludovicum Gleditsch, 1697. in 4.

Constant 5. alph. & 7. plag.

Non tam ex literis, quas nomen illustre Autoris initiales habet, quam ex styli decora gravitate, ac rerum, quæ proponuntur, perspi-

spicuitate & studio indefesso, ad Auditorum commoda unice directo, noscibilem se satis reddit, qui annotationes hæcæ in Compendium Lauterbachianum exhibere sustinuit. Animadvertit Autor illi. Qris, famam singularem in plerisque per Germaniam Academiis Compendium modo dictum obtinuisse; animadvertit tamen & illud, libellum istum instituto Doctorum magis, quam Auditorum, qui post Institutiones simplici forte vice prælectas ad hunc Autorem præpropere accedunt, esse accommodum. Sane dum pleraque brevissimis verbis, & sæpius per simplices remisiones ad textus singulares aut ad Commentatores proposita sunt, Interpres quidem promptam semper disserendi occasionem habet; Auditor vero cum ea, quæ notatu digna, nec calamo accurate concipere, multo minus omnia memoria tenere possit; hinc vix aliter evenire potest, quam ut spes concepta & incrementum studiorum retardetur sæpissime. Istum proinde usum præstant Autoris celeberrimi annotationes, ut cupida LL. Juventus post prælectionem Compendii Lauterbachiani a Doctore factam, privata industria ea, quæ tradita sunt, repetere facilius & animo imprimere possit. Theses etenim nervosæ, sed & sæpe obscure in Compendio Lauterbachiano conceptæ, in notis perspicuæ sunt redditæ. Adjectæ sunt & rationes, quibus theses innuntur, & simplices remisiones ad textus singulares & Commentatores supplementa necessaria imptarunt.

ALEXANDRI ARNOLDI PAGENSTECHERI JCTI ET ANTEBAC in Academia Duisburgensi, jam in Groningensi P. P. Sicilimentorum ad Compendium Juris Lauterbachianum Manipuli,

Tres

Coloniz Agrippinzæ apud W. & Fr. Metternich, 1694. & 1696. 8.

Constant 2. alph. & 4. plag.

NOTIS anterioribus ab illustri Viro editis proxime adjicimus Sicilimenta a celeberrimo Pagenstechero ad eundem Lauterbachii libellum sparsim hæctenus exhibita. Sunt autem istæ meditationes a prioribus & genere & ordine commentandi non minus, quam scopo diversæ. Placuit videlicet consultissimo Autori, occasione Compendii Lauterbachiani Auditores suos, quos habuit frequentes, exercitiis disputatoriis instruere; quem in sinem ea præ cæteris selegit loca, quæ vel

vel controversiam in se continent, vel spatiosum differendi campum aperiunt; unde factum, ut unius sæpe thesæos explanatio per plures paginas decurrat. Cumque trium, qui oblati hæctenus fuerunt, Tomorum seu Manipulorum quilibet ex toto Compendio Lauterbachiano per saturam quasi, servato tamen pagellarum ordine, sit collectus mutua ideo inter eos semper collatio est instituenda. Quemadmodum autem hac ratione de Lauterbachio, imo potius de studiosa Juventute optime sunt meriti Duum-Viri celeberrimi: ita optandum foret, ut unum, quod superest, incommodum, quodque usum libelli haud leviter affligit, removeretur. Est illud incommodum sphalmatum multitudo, quæ per iteratas editiones hac sub proportionem inducta videtur, ut, si in prima editione mille circiter sphalmata circa Auctorum allegationes & textus juris potissimum (obveniunt etenim subinde & thesæos sensum a jure alienum referentes) irrepsisse non temere supponamus, in singulis recentioribus editionibus quingenta ad minimum nova sphalmata non tantum prioribus circa ea, quæ notavimus, oca accesserint, sed etiam integræ subinde lineæ omisæ sint. Cui depravationi si non propediem sedula adhibeatur cura, quid de Compendio Lauterbachiano sperandum denique sit, facili conjectura quilibet assequi poterit. Ut autem querelæ huic ceu justæ motæ fidem aliquam conciliemus, ad has diversas sphalmatum sectas demonstrandas loca nonnulla ex Lauterbachio conferre juvabit. In Tit. de Stat. Hom. pro *licet sint quodammodo imperfecti, & illico voce emissæ decedant*, legendum, *illico voce non emissæ decedant*. In Tit. de Adopt. pro *causa cognita adoptant major LX annis*, legendum *minor LX annis*. In Tit. de in jus voc. pro *qui contra edictum in jus vocatus est & heredid*, legendum, *non heredid*. In Tit. de Inoff. testam. pro *Nepotum representantium stirpes, succedentium capita numerantur*, legendum, *Nepotum representantium stirpes Parentes numerantur; quando soli nepores & ex unico filio adsunt, succedentium capita numerantur*. In Tit. de Jurej. ubi de Juramento Purgatorio agitur, pro *Expense autem ipsi non etiam adjudicantur*, legendum, *Expense inter accusatorem & accusatum compensantur, non vero uni adjudicantur*. In Tit. de Compens. pro *Compensari potest quod debet hæres cum eo, quod debebatur defuncto, licet hæreditas cum beneficio inventarii &c.* legendum, *Compensari potest quod debet hæres, cum eo quod debebatur defuncto, & vicissim*

cissim quod defunctus debet, cum eo quod debebatur heredi &c. In Tit. Depositi, ubi de directa actione agitur, pro *nec (admittitur) exceptio rei non tradita contra depositi instrumentū &c.* quod tamen de jure civili non est certum, legendū, *nec (admittitur) exceptio rei non tradita contra depositi instrumentum; ut nec libellus nec sententia requiratur, sed statim ab executione incipiat, quod (posterius) tamen de Jure civili non est certū.* In Tit. de Leg. & fideic. sub finem, ubi de Jure accrescendi agitur, pro *Et quidem hereditas ac pars mixtim conjuncti cum onere; re vero tantum conjuncti absque onere,* legendum, *Et quidem hereditas semper cum onere; in legato autem pars verbis & mixtim conjuncti cum onere; re vero &c.* Simili modo ex pag. 498, in qua conjunctionem tituli de Conditionibus institutionum & de Jure deliberandi exhibentur, textus juris corruptos specimenis loco notamus. Lin. 4. pro §. 5. *I. de H. I.* legendum, *l. 4. pr. & §. f. ff. de H. I.* lin. 9. pro §. f. *C. de Instit. lib.* legendum §. 5. *Instit. de exhered. lib. f. C. de lib. prater.* lin. 12. pro 8. legendum 16, lin. 16. & 17. pro 15. 41. legendum 15. 6. 4. 41. *de testam. milit.* lin. antep. pro 19. §. 3. *C.* legendum 21. §. 13. *C.* Quæ denique in editione quarta integræ deficiant lineæ, obiter notamus: pag. 150. lin. antepen. post verba *si sunt indivisibiles.* pag. 201. lin. 11 & 12. post verba *quod vero in diem.* pag. 216. lin. 6. post verba *ubi directa actione.* pag. 302 lin. 4. post verba *in perpetuum, Pistor.* pag. 667. lin. antepen. post verba, *ante usum cana dominica.* pag. 712. a lit. E. lin. 15. post verba *tantum priori accusationi.* Hæ lineæ, quæ uti modo dictum, in editione quarta defunt, non tantum defunt & in editione quinta, sed in ista adhuc aliz lineæ noviter sunt omisæ, pag. 237. a num. 3 lin. 3. post verba *hanc pratergressus.* pag. 705. a num. 3. lin. 4. post verba *non tamen publicam accusationem.* Quæ ita deficiunt lineæ, ex collatione priorum editionum facile suppleri possunt. Et hæc specimenis loco sufficiant.

*A PHYSICO-MEDICAL ESSAY CONCERNING ALKALI
and Acid &c.*

Id est:

Tentamen Physico-Medicum de Alcalibus & Acidis, quatenus habent respectum ad morborum curationem &c. Auctore JOHANNE COLBATCH, Medico.

Londini apud Dan. Brown, 1696. 8. plag. 10.

Sa-

Satis decantata est illa de acido & alcali hypothesis, quæ sensim ad ipsam traducta Medicinam, opinionem peperit: Acidum omnium morborum esse causam, solaque ideo alcalia remedia in usum vocanda. Quæ quamvis confutata a plurimis doctissimis viris jam fuerit, suas tamen Auctor vires experiri hoc in argumento etiam voluit, ostendendo, plurimorum morborum causas esse alcalia, usumque remedium alcalinorum multum quandoque afferre damni. Quod ut probet, de variolis agit in cap. primo, putatque pulverum testaceorum, aliorumque diaphoreticorum usum huic morbo non satis convenire, quoniam frangantur ita dividanturque globuli sanguinis ab his remediis, ut non solum copiosæ expellantur pustulæ, sed ipse quoque sanguis per glandulas cutaneas transeat, purpureas pingens in cute maculas, certissimæ necis nuncias, & parvos cerebri mæandros ingressus animalium spirituum motum per nervos impediatur, delirique producat. Cui accedat, quod sanguis ita rapide a diaphoreticis moveatur, ut vas suis difficulter contineatur, profluviaque sanguinis consequantur; cumque serum per sudores omne prodigatur, pustulæ, quæ ad maturitatem pervenire non possunt, concidant, & acris corrosivæque materia in sanguinem resorbeatur. Alcalibus ergo & diaphoreticis repudiatis, suam profert methodum, quam non sefellisse expectationem in plus quam 500 ægris affirmat. Primum ergo, si stomachus viscida materia repletus, lene propinat emeticum, huiusque operatione finita, syrupum e meconio, aut aliud opiatum. Ut vero inordinatum sanguinis motum, ortum ab intromissis heterogeneis particulis, quas natura expellere conatur, sedet, texturamque sanguinis confirmet, julepum ex saccharo, decocto hordei, aqua cinnamomi, succoque aurantium vel limoniorum componit, ab ægro pro lubitu bibendum, cui etiam concedit potum cerevisiæ secundariæ acidulatæ. Si delirat jam æger, sanguinem mittit, acidaque adhibet validiora, v. g. spiritum volatilem vitrioli, nitri, sulphuris, decocto hordei & aquæ cinnamomi admistum, saccharoque aut syrupo convenienti dulcoratum. Si spiritus ægri sunt languidi, cordialia non omittit, & postquam pustulæ evanuerunt, quinquies vel sexies lenia præscribit purgantia, hisque in usum vocatis, tandem corroborantia. Capite secundo scorbuti symptomata non ab acidis, sed acribus potius, lixiviosis, alcalibusque particulis deducenda esse contendit, quippe cum chymica analysi

ostendat, sanguinem scorbuticorum majorem continere copiam particularum volatilium alcalium, quam sanorum sanguis habet, & præterea partem aliquam alcali fixi lixiviosi, quo sanguis sanorum hominum plane destituitur. Idem quoque hinc probat, quod scorbuto laborantes nautas esu malorum aurantiorum & limoniorum hoc morbo levare, experientia testatur In hoc autem affectu tincturam antimonii a Glaub. Part. 1. Oper. Miner. traditam, & in decocto granorum juniperi propinatam, maxime commendat. In tertio capite, ubi de podagra agit, neque hanc ortum suum acidis debere concedit, cum materia ex nodis extracta manifeste sit alcalina. Nodos autem illos oriri existimat, cum spiritus vinosus, congressus cum volatili alcalico sanguinis sale, in offam coagulatur, quæ obstructions, doloresque acutissimos parit, tandemque accedentibus particulis terreis in cretaceam substantiam induratur. Unde infert, non ideo podagra laborantibus infestum esse vinum Rhenanum, quod sit acidulum, sed quod spirituosius particulis plus quam alia vina abundet. Eodem modo cap. quarto & quinto, ubi de rheumatismo & phthisi agitur, acida ad morborum horum curam commendantur. Rheumaticorum enim sanguinem alcalibus magis particulis quam sanguinem sanorum esse refertum, nullumque continere acidum, & visciditatem ejus a copia salis volatilium alcalici, ut in gelatina cornu cervi, ortam asserit Auctor. Unde huic morbo potius acida remedia, v. g. tincturam antimonii commemoratam, & chalybeata, quam alcalica convenire judicat. Chalybeata enim non alcalibus, sed acidis annuerat, cum non agant, nec profint, nisi in vitriolum redacta. Laudat autem imprimis chalybis præparationem Willisianam, (dum calcinatur cum sale ammoniaco) contra rheumatismos pariter ac inveteratas mensium obstructions, nec non cinnabarum tum antimonii, tum vulgarem, mixtam cum gummi guajaci, & satis magna quantitate exhibitam. Si autem pulvis ille Willisianus vertatur in oleum Martis per deliquium, 50 aut 60 guttas ejus, bis de die exhibitas in forti corticis quercini decocto, seminales fluxum feliciter sedare affirmat. In phthisi sanguinis globulos nimium comminutos in glandulas pulmonum delatos existimat, atque hinc obstructions, inflammationes & exulcerationes consequi; quibus malis occurri possit, si principio statim acida convenientia in usum vocentur. Conclusio libri historiam continet tympanitidis in juvencula decen-

decennali curatæ per submersionem in aqua frigida maris, nec non de remediis specificis nonnulla, quæ quandoque neque acida neque alcalia esse concedit. Sua enim confirmat experientia, quæ Boyleus memorix prodidit de virtute paronichæ foliis rutaceis, in curandis scrophulosis tumoribus; provocatque ad corticem Peruvianum, quem febres certo, sine recidivæ metu, extirpasse observavit, sequente in eo assumendo methodo adhibita. Duabus ante paroxysmum horis lene detur ægro emeticum, ejusque operatione finita, opiatum, paroxysmo autem cessante quantitas nucis moschatæ de electuario, quod ex cortice febrifugo & syrupo limoniorum paratum, cum quarta parte sextarii (pint) decocti corticis Chinæ, radicis gentianæ, & herbæ centaurii: eademque remedia quaternis semper horis repetantur, spatio quinque aut sex dierum, ita tamen ut æger elapsa hora post singulas doses assumat parum cibi digestionis facilis. Sex diebus elapsis, mane tantum & post meridiem hora quinta idem assumatur electuarium & decoctum, eodemque modo per hebdomadem integram. Hac methodo si assumatur cortex, ejus uncias tres aut quatuor quartanam sine recidiva curasse asserit, frustra vel integra libra adhibita secundum morem vulgarem. Denique optat Auctor, ut diligentius observentur communicenturque cum publico specifica remedia, inter quæ etiam refert recens inventum illud a Domino Pitt Pharmacopœo Worcesteriensi, folia nimirum *Assarabacca*, contra vehementissimam cephalalgiam. Nempe tria, quatuor aut quinque grana pulveris foliorum arefactorum cubitum cunctibus instar sternutatorii exhibentur, quæ, non turbata ægri quiete, efficiunt, ut mane sequenti per nasi glandulas materiæ serosæ non parva quantitas exoneretur. Restat ut monemus, promittere diligentissimum Auctorem editionem completæ Historiæ humani sanguinis, tam in naturali quam morbido ejus statu, quam procul dubio non sine applausu eruditus Orbis excipiet: falli vero eundem, dum in Præfatione, ubi Pharmacœuticam commendat, beatum *Estmullerum* nostrum, quem inter eminentissimos Europæ Medicos merito numerat, octo annis pharmacopœo cuidam servivisse refert.

* * *

IN-

INDEX AUCTORUM

quorum Libri aut Inventa hoc
volumine recensentur.

1. Theologica & ad Historiam Ecclesiasti- cam spectantia.

A Nonymi Anguis in herba <i>latens</i> , sive Satanas in lucis Angelum trans- formatus : scriptum Quakeris oppositum.	391
Anonymi Felicitatis vera indagatio.	118
Anonymi Latitudinarius Orthodoxus.	493
Anonymi Evangelium infantia, vel Liber apocryphus de infantia Ser- vatoris.	518
Benoist (Elia) Dissertationes in priores XVIII primi capituli Evangelii secundum Johannem versiculos.	498
Bonjour (Guilicmi) Dissertatio de Nomine Patriarcha Josephi a Phara- one imposita.	6
Bray (Thoma) Bibliotheca Parochialis.	436
Bulli (Georgii) Judicium Ecclesia Catholica trium primorum seculorum de necessitate credendi, quod D. N. Jesus Christus sit verus Deus.	504
Burneti (Gilberti) Episcopi Salesburienfis Animadversiones in libellum quendam G.	369
Bynæi (Antonii) de Morte Jesu Christi Liber II.	61
Caroli (Andrea) Memorabilia Ecclesiastica seculi a N. C. decimi septimi.	373
Cene (Caroli Le) Lincamenta nova versionis Gallica Sacrarum Litera- rum.	227
Chrysostomi (Joannis) Opera omnia.	351
Constantini (Antonii) de Canonibus Apostolorum Dissertatio.	322
Coulan (Antonii) Examen Critica Novi Testamenti Simoniana.	33
Diefenbachii (Martini) Judæus convertendus.	162

Exce-

Exneri (Cassari) Harmonia Juris Humani & Divini in Pacto ultimarum voluntatum inter extraneos.	319
Gonzalez (Thyſi) Veritas Religionis Catholicae evidenter demonstrata.	272.
Hartmanni (Joannis Ludovici) Pastorale Evangelicum.	389
Heeſer (Joannis) Prodromus Criticus, Eduardi Leigh Critica Sacra praemiſſus.	191
Jaquelot (Iſaaci) Diſſertationes de Exiſtentia Dei, quibus veritas illa demonstratur.	165
Jurii (Petri) Religio Latitudinarii, cum Apologia pro Sancta Trinitate.	54
Kahler (Joannis) Auguſtana Confeſſionis Pars altera de Abusiſus mutatis, Diſſertationibus propoſita.	47
Kettneri (Friderici Erneſti) Loci I. Job. V. 7. Divina auctoritas, ſenſus & uſus demonſtratus.	192
Köberi (Job. Friderici) Diſſertationcula de Sanguine Jeſu Chriſti.	503
Kortholti (Chriſtiani) Hiſtoria Eccleſiaſtica Novi Teſtamenti.	438
Leigh (Eduardi) Critica Sacra.	191
Martini (Davidis) Novum Teſtamentum notis illuſtratum, praefationibusque exornatum.	194
Mayeri (Job. Friderici) Ecloga de fide Baronii & Bellarmini iſſis Pontificiis ambigua.	306
Menjoti Opera poſtuma.	322
Nicholls (Gulielmi) Collationis cum Theiſta Pars ſecunda.	367
Morris (Joannis) Conſideratio Rationis & Fidei, prout ad Myſteria Chriſtiana Religionis referuntur.	442
Odhelii (Erici) Conciliationis Religionum pericula.	82
Patricii (Simonis) Episcopi Elienſis Commentarius in Exodum.	424
La Placete (Joannis) De inſanabili Romana Eccleſia Scepticiſmo.	264
Poirters (Adriani) Aula ſancta Imperatoris Theodoſii.	123
Rechenbergii (Adami) Summarium Hiſtoria Eccleſiaſtica.	352
Saurini (Eliae) Vindicia doctriſina ſua contra duos Petri Jurii libros.	332
— — — Deſenſo vera doctriſina Eccleſia Reformata de Principio Fidei, adverſus Petrum Jurium	354
— — — Conſiderationes jurium conſcientia,	426. 466

- Schelguig (Samuelis) *Quakerismus confutatus*. 17
 Schmidii (Sebastiani) *Compendium Theologiae*. 431
 Sfondrati (Celestini Cardinalis) *Nodus Praedestinationis dissolutus*. 281
 Van Toll (Theodori) *Jura Regis & ratio administrandi ea sub utroque Testamento, e Psalmo LXXII. 1.* 111
 Vassor (Michaelis Le) *Tractatus de ratione controversias de Religione examinandi*. 195
 Veiel (Elia) *Romano-Catholicus Dubitantis in Disputatione de conceptione B. V. Mariae*. 433
 Winckleri (Joannis) *Defensio Padobaptismi adversus objectiones Anabaptistarum*. 35
 Whiston (Gulielmi) *Nova Telluris Theoria, ab ejus origine usque ad consummationem*. 535

II. Juridici.

- Altesertx (Antonii Dadini) *de Origine & Statu Feudorum pro moribus Gallia*. 147-162
 Baraterii (Barthol.) *Libellus Feudorum reformatus*. 147-162
 Exneri (Gaspari) *Tabula Testamentaria Humano-Divina, sive Harmonia Juris Humani & Divini in pacto ultimarum voluntatum*. 319
 Gilleti *Advocati Parlamenti Parisiensis Actiones & Opera alia*. 64
 Gravinx (Jani Vincentii) *Opuscula*. 74
 Menckenii (Luderi) *Tractatio Synoptica Pandectarum Theoretico-Practica*. 23
 Muncuccii (Antonii) *Libri sex de Feudis*. 147-161
 Pagenstecheri (Alexandri Arnoldi) *Sicilimentorum ad Compendium juris Lauterbachianum Manipuli tres*. 552
 Schilteri (Joannis) *Codex Juris Alemannici Feudalis, cum Commentario ad singula capitula & Dissertationibus*. 147
 S. S. D. *Succincta Annotationes ad W. A. Lauterbachii Compendium Digestorum*. 551
 Wächterli (Christofridi) *Epistola ad Virum Illustrum Jac. Bornium*. 419

III. Medici ac Physici.

- Apini (Jo. Ludovici) *Febris Epidemica A. 1694 & 1695 grassari deprehensa Historica Relatio*. 25
 Bor-

- Borrichii (Olai) *Conspicius Scriptorum Chemicorum illustriorum.* 179
- Cockburn (Wilhelmi) *Recensio natura, causarum, symptomatum & curationis morborum, qui navigantes solent corripere.* 549
- Colbatch (Joannis) *Tentamen Physico-Medicum de Alcalibus & Acidis, quatenus habent respectum ad morborum curationem.* 554
- Commelini (Caspari) *Flora Malabarica, sive Horti Malabarici Catalogus.* 555
- Floyer (Joannis) *de Præternaturali statu animalium humorum.* 106
- Hartsœcker (Nicolai) *Principia Physica.* 1
- Listeri (Martini) *Conchyliorum Bivalvium utriusque aquæ Exercitatio Anatomica tertia. Accedit Dissertatio de Calculo humano.* 327
- Malpighii (Marcelli) *Opera posthuma.* 508
- Mandosii (Prosperi) *Theatrum Maximorum Pontificum Archiepiscopos exhibens.* 182
- Marfiglii (Ludovici Ferdinandi, Comitis) *Epistola de Phosphoro Bononiensi.* 400
- Menjoti Consiliarii & Medici Regii Parisiensis *Opuscula posthuma.* 322
- Munnicks (Joannis) *De Re Anatomica Liber.* 518
- Munting (Abrahami) *Curiosa Descriptio Plantarum.* 546
- Reyheri (Samuelis) *Experimentum novum, quo aqua marina dulcedo examinata describitur.* 397
- Ruyfchii (Frederici) *Epistola Anatomica Problematica IV, V, VI.* 14 VII. IX. IX. p. 384.
- Sturmii (Job. Christophori) *Physica Electiva, sive Hypoethetica.* 474
- Tenzelii (Wilhelmi Ernesti) *Epistola de Sceletio Elephantino.* 10
- Verduin (Petri) *Dissertatio de nova artium decurtandorum ratione.* 119
- Wedelii (Georgii Wolfgangi) *Exercitationes Pathologico-Therapeutica.* 83
- Whiston (Gulielmi) *Nova Telluris Theoria, ab ejus origine usque ad consummationem.* 535

IV. Mathematici.

- Bernoulli (Jacobi) *Solutio Problematum Fraternalium, una cum propositione reciproca aliorum.* 211
- *Solutio Difficultatis cujusdam circa naturam Flexus contrarii.* 410
- *Addenda ad constructionem Problematis Beanniani.* 412
- Bbbb 1 Ber-

- Bernoullii (Joannis) *Problema pure geometricum Eruditis propositum*. 33
 ——— *De Conoidibus & Sphaeroidibus Quadam &c.* 113
 ——— *Principia Calculi exponentialium seu percurrentium.* 125
 ——— *Curvatura Radii in Diaphanis non uniformibus: Solutio Problematis a se propositi de invenienda linea brachystochrona, &c.* 206
 Bilebergii (Joannis) *Refractio Solis inoccidui, in septentrionalibus oris aliquot observationibus Astronomicis detecta.* 91
 Fontane (Caroli) *Tractatus de Aquis profluentibus.* 395
 Goldmanni (Nicolai) *Introductio in Architecturam Civilem.* 49
 Hospitalii Marchionis *Analysis infinite parvorum.* 137
 ——— *Solutio problematis de Linea acclerrimi Descensus.* 217
 ——— *Solutio Problematis alterius a Jo. Bernoullio propositi.* 218
 Leibnitii (Godofredi Wilhelmi) *Solutio problematum a Jo. Bernoullio Geometris publice propositorum.* 201
 ——— *Epistola ad Auctorum bonum Collectores.* 254
 R. Moysi, Filii R. Gersom Chapetz, *Explicatio figura structuraque Templi ultimi destrui.* 449
 Newton (Isaaci) *Solutio duorum problematum Mathematicorum a Jo. Bernoullio propositorum.* 223
 Nieuwentiit (Bernhardi) *Considerationes secunda circa calculi differentialis principia.* 124. 256
 Sturmii (Leonhardi Christophori) *Nota in Goldmanni Architecturam Civilem.* 49
 De Tschirnhaus (Ehrenfried Waltheri) *Quadratura universalis figurarum curvilinearum per series infinitas.* 113
 ——— *De Methodo Universalis Theoremata erucendi, quae curvarum naturas simplicissime exprimunt; de problemate item Bernoulliano &c.* 220
 ——— *Specimen Methodi, cujus ope datum spatium in ratione data dividitur, licet ejus quadratura sit ignota.* 409
 ——— *De magnis lentibus seu vicris causticis, eorumque usu & effectu.* 414

V. Historica & Geographica.

- Anonymi *Historia Antonii Regis Lusitania.* 53
 Antonii (Nicolai) *Bibliotheca Hispana vetus.* 241. 297
 Be-

Begeri (Laurentii) <i>Thesauri Brandenburgici Pars altera.</i>	41
Borrichii (Olai) <i>Conspectus Scriptorum Chemicorum illustriorum.</i>	179
Burridge (Ezechielis) <i>Historia nupera rerum revolutionis in Anglia.</i>	454
Cæsaris (C. Julii) <i>Opera.</i>	311
Cellarii (Christophori) <i>Origines & Successiones Comitum Wettinensium.</i>	531
Celsus (Julius) <i>de Vita & Rebus gestis C. Julii Cæsaris.</i>	311
Crenii (Thome) <i>Animadversionum Philologicarum & Historicarum Pars II.</i>	224
Eutropii <i>Breviarium Romana Historie, recensente Christoph. Cellario.</i>	517
Fabricii (Jo. Alberti) <i>Bibliotheca Latina, sive Notitia Auctorum.</i>	108
Foscarini (Michaëlis) <i>Historia Reipublica Veneta.</i>	133
Jacobæi (Oligeri) <i>Museum Regium.</i>	381
Leibnitii (Gothofredi Gulielmi) <i>Novissima Sinica Historiam nostri temporis illustratura.</i>	491
De Mailly Equitis <i>Historia Reipublica Genuensis.</i>	388
Mandossii (Prosperi) <i>Theatrum Maximorum Pontificum Archiepiscopos exhibens.</i>	182
Nicolsoni (Gulielmi) <i>Bibliotheca Historica Anglicana.</i>	27
Palatii (Joannis) <i>Fasti Ducales ab Anastasio L. ad Silvestrum Valerium Venetorum Ducem.</i>	94
Pausanix <i>Descriptio Græciæ, cum Xylandri, Sylburgii & Joach. Kühnii notis.</i>	97
Pufendorfii (Samuelis L. B.) <i>Libri VII Commentariorum de rebus a Carolo Gustavo Sueciæ Rege gestis.</i>	184
P. Suarii (Josephi) <i>Libertas Evangelium Christi annunciandi & propagandi in Regno Sinarum.</i>	401
C. Suetonius <i>Tranquillus ex recensione J. G. Gravii.</i>	312
Teisserii (Antonii) <i>Elogia doctorum virorum.</i>	90
Tyrrel (Jacobi) <i>Historia Angliæ generalis.</i>	399
Vertotii Abbatis <i>Historia vicissitudinum religionis & imperii in Regno Sueciæ.</i>	98
Victoris (Sexti Aurelii) <i>Historia Romana Breviarium cum notis integris variorum, edente Samuele Pitsco.</i>	41
Vossii (Dionysii) <i>Nota in C. Julium Cæsarem.</i>	311

Wagenfeilii (Jo. Christophori) De S. R. Imperii Libera Civitate Noribergensi Commentatio. 345

VI. Philologica, & Miscellanea.

- Anonymi Liber Ethico-Politicus per vetustus, cum versione nova Latina
Sebast. Gottofredi Starckii. 379
- Aristotelis de Poetica liber, ex versione Theod. Goulstoni. 377
- Arnoldi (Simonis Joannis) Nota in Jo. Seldeni Titulos bonorum. 48
- Barlxi (Caspari) Epistola ad Joachimum Vicofortium. 46
- De Boria (Joannis) Emblemata Moralia Latinitate donata. 437
- Buddei (Jo. Francisci) Elementa Philosophia Practica. 293
- Burmanni (Petri) Gudiana & aliorum Epistole. 139
- Callimachi Hymni, Epigrammata & Fragmenta, cum notis variorum. 437
- Chevrazi (Urbani) Opuscula Miscellanea. 213
- Crenii (Thoma) Animadversionum Philologicarum & Historicarum
Pars II. 224
- Francii (Petri) Poëmata. 350
- — Specimen Eloquentia exterioris, ad Orationem Ciceronis pro Archia accommodatum. 464
- Frencelii (Abrahami) De Originibus Lingua Sorabica Tomus I. 96
- Gleichii (Jo. Andrea) Orator recens adornatus. 543
- Grævii (Jo. Georgii) Thesaurus Antiquitatum Romanarum. 439
- Gravinæ (Jani Vincentii) Opuscula. 74
- Gronovii (Jacobi) Thesaurus Græcarum Antiquitatum. 529
- Gudii (Marquardi) & doctorum Virorum ad eum Epistola. 132
- Kühnii (Joachimi) Nota ad Pansaniam. 27
- Lomeieri (Johannis) Dierum Genialium, sive Dissertationum Philologicarum Decas secunda. 84
- Morhofii (Danielis Georgii) Opera Poetica, cum præfatione Henr. Mublii. 261
- Newmanni (Caspari) Exodus Lingua S. Vet. Test. ex captivitate Babylonica, tentatus in Lexico Etymologico. 113
- Nicolai (Joannis) Tractatus de Græcorum luctu lugentiumque risibus. 52
- Poirters (Adriani) Aula Sancta Imperatoris Theodosii. 123
- Sarravii (Claudii) Epistola. 119

Schurz-

Schurtzfleischii (*Conradi Samuelis*) *Orationes Panegyrica & Allocutiones varii argumenti.* 365

Seldeni (*Joannis*) *Tituli Honorum.* 48

Spanhemii (*Ezechielis*) *Commentarius in Opera Callimachi.* 487

Starckii (*Sebastiani Gottofredi*) *Specimen Sapientia Indorum veterum* 379

Vicofortii (*Joachimi*) *Epistola ad Casparum Barlaam.* 46

INDEX RERUM NOTABILIORUM in hoc Volumine obviarum.

- A. α characteris Hebraici valor, & derivata line simplicia, geminata, aucta, composita, mixta. 316
- Abyssifontes quomodo aperti? 543
- Abyssus magna quid sit? 542
- Acidorum usus in rheumatismo & pbrbifi. 556
- Acidum num omnium morborum causa? 555
- Ætionis Oratoria specimen. 464
- Adami primum peccatum quodnam? 434
- Adoptio ætibus legitimis accensita. 75
- Adriani Imperatoris libri Catacrani qui? 246
- Ægyptiorum Serapis, Osiris, Isis Josephum Patriarcham referunt. 8.9.
- Chronologia fabulosa. 172
- Æquationis differentialis a Jacobo Bernoullio proposita solutio analytica. 11
- Æquatio una eademque differentialis differentes numero gradusque Curvas designat. 414
- Æquilibrium corporum unde derivandum? 1
- Æt cur levior tempore pluvio? 2
- Ætis gravitas probata. 2
- Æstus maris causa. 4. 541.
- effectus. 541
- Agrippa (*Henricus Cornelius*) *Magia falso suspectus.* 225
- D' Aguirre Cardinalis nova in Rempublicam Literariam merita, edita Nic. Antonii Bibliotheca Hispanica. 242
- Alberti (*Valentini*) obitus. 485
- Alcalia remedia saepe noxia. 555
- Alci-

- Alciati *lſti* Epistola, aliaque de eo
 notatu digna. 143
 Alcorani versio Latina Petri Abba-
 tis Cluniacensis auspiciis facta
 299
 Alemannici Feudalis Juris Codex.
 147
 Alemannicum Jus Feudale Saxo-
 nico antiquius. 148
 Alexander (Natalis) refutatus. 523
 Allantoides tunica seu urinaria fa-
 tuti humano vindicatur. 519
 Alphonsi X Regis Hispania Tabu-
 la Astronomica, & scripta alia.
 302
 De Alva & Astorga (Petri) Funicu-
 li Nodi indissolubilis de conceptu
 mentis & conceptu ventris. 482
 Amputandi artus nova methodus.
 120
 Analysis infinite parvorum. 137.
 Anatome peſtunculi striati vulga-
 ris. 328
 Aquila. 511
 Musculorum fluvialium. 327
 Mystuli. 328
 Oſtrearum. 328
 Pholadis alre striata. 329
 In Anglia qua origo Quakerismi
 fuerit? 393
 qua olim regiminis Anglo-Sa-
 xonici forma? 490
 mopera rerum mutationis
 Historia. 454
 Angliæ Historia generalis. 329
 Theologinum sententiam mu-
 tarint de non resistendo
 Magistratui religionis
 causa? 363
 Status num recte Jacobo II
 regnum abrogarint? 363
 Anglicanæ Historia universalis
 scribende difficultas. 27
 Anglicana Historica Bibliotheca.
 27
 Ecclesia num potuerit se sub-
 trahere Romani Pontifi-
 cis imperio? 199
 Angli num olim triplici lege usi? 32
 Anglo-Saxonici in Anglia regimi-
 nis qua olim forma? 401
 Animæ humana spiritualitas asser-
 ta. 175
 Animalium testaceorum exuvia
 cur nobis in terra occurrant?
 545
 Annæa gens apud Romanos olim li-
 terarum cultu celebris. 245
 Anni Patriarchalis initium. 541
 Anthologix nova editio a Petro
 Francio promissa. 351
 Antiquitatis monumenta varia. 168
 Antiquitatum Romanarum The-
 saurus J. G. Gravii. 439
 Gracarum Thesaurus Gro-
 novii. 529
 Antonii (Nicolai) Scriptores Hi-
 spani seculorum XVI & XVII.
 241
 Antonii Lusitania Regis Historia.
 134
 Aphe-

Aphelii planeta cur tardius, perihelii velocius moveantur? 4	lignorecedit. 548
Apocalypica sigilla septem illustrata. 86	fructus copiosius acquirendi? 547
Apocynilatifolii Indici varia nomina. 534	Arcadum Roma Societas. 80
Apostolici Canones quinquaginta vindicati. 523	Arca Noachi num in Armenia subfedit? 541
De Aprigii Commentariis in Apocalypsin quid statucendum? 249	Archiatri Romanorum Pontificum. 182
Aquæ marina dulcedo experimento comprobata. 397	Architecturæ ordinum divisio & altitudo. 51
ex percussa petra effusa exemplum in Historia Mosæica obvium. 488	In Architecturæ symmetria. 50
exempla a Poetis conficta. 489	Argaizius (Gregorius) mosatus. 247. 253
Ductuum vel emissariorum fistula quomodo disponenta? 396	Arianorum doctrina num savorius Patres Ante-Nicani? 61
Diluvii quomodo terram relinquerint? 544	Aristotelis in tradenda Arte Poetica egregium studium. 377. 379
Aquarum deductio. 395	Arnaldi Villanovanipatria & obitus. 303
mensuratio. 396	Arteriæ bronchialis in homine exortus atque cum arteria pulmonali anastomosis. 15. 17
medicarum abusus calculi occasio. 332	Arteriæ nova tum hepatis tum dia-phragmatis. 387
Aquilæ Anatome. 511	Arteriarum cysticarum ramificatio. 15
Arabico-Hispana Bibliotheca Nicolai Antonii. 305	per piam meningem distributio. 386
Arbores quomodo plantanda & insitione propaganda? 547	Artus amputandi nova methodus. 120
quomodo ab insectis defendenda? 547	Asthma. 108
quomodo custodienda a rore frigidiori nocturno? 548	Astrologici prasagii exemplum. 184
Arborum cortex bis quotannis a	Astronomiæ profectus. 173
Cccc	Astronomica Tabula Alphonsina a quibus concinnata? 302
	Athei-

- Atheismus *profligatus*. [165. 175](#)
 Atomorum ex Epicurimente motus explosus. [174](#)
 אֵין quam significandi vim habet [2](#) 316
 Averrois vita. [306](#)
 אֵין quid significet? [317](#)
 Auguriorum apud Gentiles origo. [489](#)
 Avicennæ patria non Hispania sed Persia. [298](#)
 verum nomen. [299](#)
 S. Aurelii Victoris Opera doctorum virorum studium experta. [45](#)
 Axis Eclipticæ num semper obliquus fuerit ad axem motus diurnus? [543](#)
 Balaam Madianitarum Augur. [489](#)
 incantator. [370](#)
 Balbi (Lucii Cornelii) duo non confundendi. [244](#)
 Baptisinus infantum defensio. [35](#)
 Bardi antiquissimi apud Britannos Historici. [31](#)
 Barlaeus notatus. [262](#)
 De Baronii Cardinalis Annalibus judicia. [307. 308. 309](#)
 S. Beati Vita a Joanne Tamajo edita nullius auctoritatis. [251](#)
 Beauniani Problematis solutio. [413](#)
 Beda Venerabilis num librum de situ & mirabilibus Britannia reliquerit? [30](#)
 De Bellarmini Cardinalis scriptis diversa doctorum judicia. [310](#)
 Beryti urbis nummus explicatus [45](#)
 Bibliotheca Theologica. [436](#)
 Hispanica Nicolai Antonii. [241](#)
 Latina Fabricii. [108](#)
 Bilis ad vesiculam felleam via. [35](#)
 Blondellus (David) quomodo abstractus fuerit a refutando Baronio? [309](#)
 Bononienlis phospori descriptio. [404](#)
 preparatio. [406](#)
 usus. [407](#)
 Gypsi tres species. [408](#)
 Borrax Venetus quale sal? [331](#)
 Borrichii (Olai) vita, scripta, mors. [179. 180](#)
 Bossuetus (Jacobus Benignus) Episcopus Meldensis refutatus. [193. 325](#)
 Bourignon (Antonia) notata. [398](#)
 Braccianensis lacus derivatio. [396](#)
 Brachystochrona linea. [203. 207. 213. 217. 224.](#)
 Bradeus Regnum Angliæ hereditarium tempore Anglo-Saxonum fuisse docens refutatur. [401. 402](#)
 Brandenburgicum cimeliarium. [41](#)
 Bremensis Reipublica status & in eam prætensiones Regis Suecia. [185](#)

Britannicæ olim Ecclesia ab imp- rio Romanorum Pontificum im- munes.	199	unde?	524
Britannorum veteram Historio- graphi.	31.	Capellus (Ludovicus) notatus.	69
Bronchialis arteria in homine ex- ortus atque cum arteria pulmo- nali anastomosis.	15. 17	Capitolinus notatus.	244
vena nulla necessitas.	16	Carmina Dan. Georgi Morhofii.	26a
Buceri (Martini) religio.	165	Caroli Gustavi Suecia Regis res gestæ.	184. 190
Burggraviorum Noribergensium cum Civitate Noriberga contro- versia.	345	Caroli Magni Testamentum.	420
Burius (Arburius) Arrianismi po- sultatus.	64	Regna & ditiones qua ratio- ne & ab ipso & a successo- ribus fuerint divisa?	420.
C alculi Differentialis præstan- tia.	137		422
Præcepta.	138	Carolo M. vindicata corona Ger- manica, quæ Noribergæ serva- tur.	346
Utilitas.	202	Cartesianorum principium, quod verum sit, quicquid clare & dis- tincte percipimus, explicatum.	445. 448
Calculi genesis.	332	Cartesius refutatus.	323
occasio, medicarum aqua- rum abusus.	332	notatus.	477. 481
Calculus expellens remedia.	332	Casaubonorum Historia ab Alme- lovenio promissa.	309
Calculus differentialis defensio.	125. 213	Casaubonus (Isaacus) defensio.	308
Callimachi editiones varia.	487	Caustica vitæ, quorum diameter trium quatuorve pedum.	414
Caloris febrilis causa.	26	Causticorum vitrorum, quorum diameter trium quatuorve pe- dum, effectus.	415
Calor terræ internus unde?	542	Centralis ignis, terra conflagrati- onis causa.	545
Camdenus (Guilielmus) notatus.	32	Cephalalgia remedium.	557
Candelabri Templi Hierosolymita- ni descriptio.	454	Cerebri meninx intermedia.	386
Canones Apostolici vindicati.	523	Cerinthianos inser & Ebionitas consensus ac dissensus.	405
Canonum Apostolicorum cum præ- ceptis Moisaicis convenientia			

- Chaldaeorum antiquitas falso ja-
data. 171
- Chaldaicarum in Daniele, Esra &
Jeremia vocum explicatio. 192
- Chalybeata medicamenta in
rheumatismo commendata. 556
- Chamae fuscæ Anatome. 328
- Chaos ex quo terra formata, quid
sit? §41. §42.
- Chemicorum illustriorum Histo-
ria. 179
- Chevraei (Urbani) Elogium. 233
- In China quomodo paulatim Reli-
gio Christiana incrementa cepe-
rit? 492
- China corticis usus in febribus. 550
vis in quo posita? 550
pulvis an clysteris forma in
alvum injiciendus? 550
assumendi methodus. 557
- Chinam Chinae per os assumendi
modus optimus. 551
- Chinensium chronologia fabulosa. 172
- Chorearum in Festis antiquitas. 489
- Christianæ Religionis excellentia. 178
capita ex mente Latitudi-
nariorum. 495. 496
libertas in China permissa. 491
- Christiani II Danie Regis in Succos
sevitia. 104
- Christi Divinitas creditu jam pri-
mis tribus Ecclesiæ seculis neces-
saria. 504
- Jura Regia ex Psalmo
LXXXII. deducta. III.
- Christina Suecia Regina num spon-
te Regno cesserit? 235
- De Christi sanguine dissertatio J. F.
Kæberi. 503
- Christus num Pascha cum discipu-
lis comederit ante passionem? 288
- Chyli preparatio. 107
- Ciceronis orationes a Gilletto
Gallicum sermonem translata
& illustrata. 64
Liber de ordinanda Republi-
ca & inveniendis oratio-
num exordiis. 548
- Circularium segmentorum repræ-
sentatrix Curva. 205
- Circuli quadratura. 410
Osculatoris radius qualis sit
in flexu contrario? 411
- De Claudiano judicium Henr.
Mublii. 262
- Clericorum Jura Feudalia. 150
- Clericus (Joannes) resumptus. 498.
- Clypeus militaris non unius gene-
ris. 150
- Codex Juris Feudalis Alemannici. 147
- Cœlestia corpora cur commemoret
Moses in historia creationis? 537
- Cœlestium corporum motus cau-
sa. 539
- S. Coenæ mysterium a Latitudina-
riis labefactatum. 497
- Co-

- Columnæ scapi contractio. 51
 In Columnis membrorum divisio Goldmanniana. 51
 Cometæ atmosphaera quid sit? 339
 Cometæ quid sint? 336
 a Sole calefiunt. 340
 quam mutationem efficiant in orbibus Planetarum? 339
 In Cometam Terramutanda. 364
 Cometa quomodo fieri possit Planetæ? 340
 Diluvii causa. 341
 olim Tellus. 341
 conflagrationis terræ causa. 245
 Comitum Wettinensium origines & successiones. 311
 Commentarii Philosophici Autor impugnatus. 430
 Comœdiæ num apud Judæos olim fuerint usitata? 347. 348
 Concharum Anatiferarum Anatomie. 329
 Conchyliorum testarum fabrica & materia. 330
 cum lapidibus conpennientia. 331
 In Conciliis num pluralitas suffragiorum attendatur? 168
 Conciliis num Spiritus S. peculiari modo adsit? 196
 Conciliorum auctoritas oppugnata. 195. 267. 269
 propugnata 276
 Concilium Oecumenicum num unquam fuerit celebratum? 267
 Nicanum num immune fuerit a Tritheismo? 334.
 337. 341
 Ephesium num immune fuerit ab Eutychianismo? 343
 defensum. 63
 Conflagratio terre quomodo futura? 345
 Conradus quotus, cujus nomen Corona Germanica Noriberge asservata refert? 346
 Conringius (Hermannus) notatus. 346
 Conscientiæ erronea qua obligatio? 428. 430
 In Conscientias subditorum quale jus competat summis Imperantibus? 466
 Consequentiarum in S. Theologia usus. 36
 Contiguitas corporum quam dicitur? 1
 Corona Germanica, quæ Noriberge asservatur, Carolo M. vindicata. 346
 Corpora cælestia cur commemoret Moses in historia creationis? 337
 Corporis animalis fluidorum præparatio. 107
 Corporum contiguitas nulla. 1
 Equilibrium unde derivandum? 1

- Cortex bis quotannis ab ligno recedit. 548
- Corticis Obina usus in febribus. 550
- Vis in quo posita? 550
- Pulvis an chysteris forma in album injiciendus? 550
- in febribus epidemicis ac pe-
tebrialibus quoque effi-
cacia. 27
- Virtus ex sapore adstringente
haud dependet. 27
- Craigius (Thomas) notatus. 400
- Creatio Mosæica ad tellurem solam
pertinens. 535
- Hominis miraculosa. 543
- Creationis historia natura, stylus
& extensio. 535
- CrySTALLINI humoris textura. 509
- Cujacius (Jacobus) notatus. 149
- Curandi morbos nautarum me-
thodus. 550
- Curvæ æqualem rectam quis pri-
mus invenerit? 255
- Curva, in qua solidum sub uno, &
quadrato alterius segmentorum
æquatur semper eidem. 96
- in qua segmenta ad quam-
cunque potentiam elevata
& simul sumta faciunt u-
trique eandem summam.
96. 205. 215. 219. 223.
- Logarithmica ejusque usus.
126. 128.
- Segmentorum circularium
representatrix. 205
- Curvam inveniendi methodus ex
sola data relatione punctorum
curva ad se invicem. 215
- Curvarum superficierum & solido-
rum qua notatione gignuntur,
dimensiones. 114
- Descriptio per focos. 116
- Naturas simplicissime expri-
mentium theorematum
inventio. 228
- Curvatura undæ radiationibus for-
mata. 204. 210
- Curvilinearum figurarum qua-
dratura per transpositionem. 113
- Cuticulæ lamina duplex. 518
- Cycloidis inventor primus. 255
- Cyclois linea est & tautochrone &
brachystochrona. 207. 214
- Cynanche & Paracynanche non
distinguenda. 551
- Cyrillus Eutychianismi accusatus.
338. 342
- num Eutychianus fuerit?
62
- Cysticarum Arteriarum ramifica-
tio. 15
- Cystici Ductus dispositio valvulosa
& cellulosa. 17
- DAmasi Papæ patria & scripta.
247
- Dandulorum apud Venetos fami-
lia unde cognomen Canis illa-
tum? 95
- Daniæ Regis Augustissimi Museum.
381

Da-

- Danica Numismata. 382. 383
 Danos inter & Suecos bellorum
 Historia. 101
 De Jo. Davisii Lexico Britannico
 judicia diversa. 30
 Dei Spiritualitas asserta. 176
 Voluntas universalis omnes
 homines salvandi asserta.
 282. 284. 290
 Bonitas infinita. 283. 289.
 Existentia demonstrata. 165.
 175. 478. 479. 481
 Delrio (Mart. Anton.) notatus. 245
 Democriti scripta chemica. 180
 Descensus brevissimi linea. 203.
 207. 217. 212. 225.
 Deus ad beatitudinem consequen-
 dam gratias abundantes omni-
 bus hominibus concedit. 288.
 Ad Dextram sedere, quid innuat?
 490
 Dextri (Lucii) Pseudo-Chronicon.
 247. 248
 Diaphoreticorum usus in variolis
 noxius. 555
 Diaphragmatis arteria nova. 387
 Diarrhoeam curandi methodus. 551
 Dies creationis num anni? 542
 Differentialis Aequationis a D.
 Jac. Bernoullio proposita solu-
 tio analytica. 115
 Calculi praestantia. 37
 Utilitas. 202
 Praecepta. 138
 Differentialis calculus defensus.
 125. 212
 Diluvii universalis vestigia hodie-
 que obvia. 14
 causa Cometa. 541
 Universalitas probata. 544
 Causa. 543. 599.
 Aqua quomodo terram reli-
 querint? 544
 De Diluvio asserta historia Mosai-
 ca. 344
 Diluvium universale quomodo po-
 tuerit contingere? 374
 quando inceperit? 541
 Dio Gothica Historia scriptor. 301
 Divinitas Christi jam primis tribus
 Ecclesia seculis creditu fuit ne-
 cessaria. 504
 Divortium num ob sterilitatem lo-
 cum habeat? 364
 Doctorum Ecclesia consensus num
 sufficiat gignenda fidei? 270. 333
 Doctorum virorum elogio. 90
 Vita & scripta. 225
 Epistola quadam. 226
 Dominicani ex domesticis princi-
 piis de immaculata conceptione
 B. V. Maria convicti. 483
 Domitellæ plures. 245
 Ductus cystici dispositio vatulosa
 & cellulosa. 17
 Ducum Venetorum Historia. 94
 Ebion auctor bareseos revera ex-
 stitit. 506
 Ebionitæ unde dicti? 35
 Ebionitas inter & Cerinthianos
 consensus ac dissensus. 505
 Ecclesiae testimonium quanta sit
 autem

- auctoritatis in controversiis Fi-*
dei? 193
infallibilitas nunquam a
Christo & Apostolis ad-
versus adversarios in sub-
sidium vocata. 194
impugnata. 195
perpetuitas asserta. 274
visibilitas adstructa. 278
auctoritas quomodo ex Scri-
ptura, & hujus vicissim a
testimonio Ecclesie, ut
circulus evitetur, pro-
banda? 279-280
Ministros vocandi jus penes
quos? 324
Ecclesia quo sensu dici possit super
Petrum fundata? 197-273
Romana oppugnata. 264
propugnata. 272
sine infallibilis? 269-271.
 274
Eclipticæ axis num semper obli-
quus fuerit ad axem motus di-
urni? 543
Edda in Bibliotheca Guelferbytana
exstat manuscripta, auctior
quam edita. 32
Elementa rerum naturalium ex
mente Hartsoeckeri. 1
duo rerum naturalium. 1
Elephantia ossa in Thuringia effossa.
 10
Elogia doctorum virorum. 90
Eloquentiæ exterioris specimen a
Petro Francio editum. 465
Elytriorum nummus explicatus. 43
Emblemata Moralia Joannis de
Boria. 437
Enthusiasmus divinus & diabol-
icus quomodo differant? 392-394
Ephesinum concilium defensum.
 63
Eutychianismi
postulatum. 343
Epicuri de Mundiorigine sententia
explosa. 174
Episcopus (Simon) refutatus. 305
Episcoporum in Suecia nimia po-
tentia Regibus damnoſa. 99
Epistolæ Vicoſortii & Barlai. 46
quadam doctorum viro-
rum. 226
Urbani Chevrai. 334
Error ab ignorantia distinguendus.
 428-434
quatenus excuset? 420-433
omnis num sit consequens
peccati? 434
Essentia & Persona quomodo Pa-
tribus Nicænis distincta fue-
rint? 334
Etymologici Magni auctor Nie-
galus. 148
Evacuatio quomodo facienda modo in
morbis navigantium? 550
Evangelica lex quo sensu suavis?
 288
Evangelistarum in Historia mortis
Christi Harmonia asserta. 68
Evangelium Infantia Christi scri-
 ptum

<i>ptum, ineptum, antiquum ta-</i>	<i>scriptio.</i>	26
<i>men.</i>	<i>epidemicæ æcasso pluvia cre-</i>	
<i>Evidentia rerum credendarum</i>	<i>berrima.</i>	26
<i>qualis?</i>	<i>Febris quid sit?</i>	108
<i>445. 448.</i>	<i>qua ratione per Chinam</i>	
<i>num fidem</i>	<i>China optime curetur?</i>	
<i>gignat?</i>		557
<i>Eulathii insigne Fragmentum pu-</i>	<i>Februm causa,</i>	550
<i>blicatum.</i>	<i>intermittentium periodus,</i>	
<i>Eutychianismus subtilior quis?</i>		550
<i>Excentricitas telluris an minua-</i>	<i>Felicitas vera in quo consistat?</i>	118
<i>tur?</i>	<i>Fermentatio in fluidis animalium.</i>	
<i>4</i>		107
<i>Excerpta ex Nieuwenty's Considera-</i>	<i>In Festo reos dimittendi consuetu-</i>	
<i>tionibus secundis.</i>	<i>do.</i>	89
<i>Excommunicatio Ecclesiastica a</i>	<i>Feudalia judicia.</i>	152. 154. 159
<i>quibus exercenda?</i>	<i>Feudalis Juris Alemannici Codex</i>	
<i>In Exodum commentarius Simon-</i>		147
<i>is Episcopi Eliensis.</i>	<i>In Feudis qualis successio obtineat?</i>	
<i>424</i>		157. 161
<i>Expectativarum in Feudis qua ra-</i>	<i>Feudorum nomen, origo, divisio.</i>	
<i>tio?</i>		149
<i>353</i>	<i>acquisitio alia originaria,</i>	
<i>Expeditionis Romana origo.</i>	<i>alia derivativa.</i>	150
<i>151</i>	<i>refutatio quid?</i>	151
<i>Exponentialis calculi principia.</i>	<i>investitura varia ratio.</i>	150.
<i>125</i>		152. 153.
F <i>abularis apud Orientales alias-</i>	<i>Feudum quibus modis amittatur?</i>	
<i>que gentes Philosophia.</i>		154. 156
<i>378</i>	<i>Fidei articulorum inessentiales &</i>	
<i>Fabularum in arte Poëtica usus ge-</i>	<i>accidentales distinctio rejecta.</i>	
<i>nuinus.</i>		276
<i>80</i>	<i>objectum sunt res evidentes</i>	
<i>Fasti Ducales Veneti.</i>	<i>non evidensia objecti, sed</i>	
<i>94</i>	<i>revelationis.</i>	336. 337. 355.
<i>In Febribus epidemicis ac petechi-</i>		357. 445. 448.
<i>alibus quoque corticis Peruviani</i>		
<i>efficacia.</i>		276
<i>27</i>		
<i>Febrilis horroris causa.</i>		
<i>26</i>		
<i>caloris causa.</i>		
<i>26</i>		
<i>Febrim opiata exacerbant.</i>		
<i>550</i>		
<i>Febris A. 1694 & 1695 in ditione</i>		
<i>Norica epidemicæ grassantis de-</i>		

Dddd

prie

- principium.* 354
maximum in Religione omni momentum. 494
Fides infantum asserta. 37. 40
num gignatur per evidentiam rerum credendarum? 356
 359
quo sensu a Spiritu S. immedie produci dici possit? 357
num habitus infusus? 361
simplicium qualis? 358. 359
nihil aliud quam assensus in evidens. 443
quo sensu actus rationalis dicatur? 448
quomodo in credulitatem degenerare queat? 495
Finale causa num in Philosophia Naturali locum habeant? 481
Fixæ stellæ cur non minuantur? 3
Flamma quomodo producat? 3
Fluidorum particula quales? 2
corporis animalis præparatio. 107
varietas. 540
Per Focos descriptio Curvarum. 116
Folliculi fellei tunica glandulosa. 15. 17
Formæ quæ Physica dicantur? 479
Friderici Augusti, Electoratus Saxonici Heredis, hodie Potentissimi Regis Poloniæ, Natalis oratione panegyrica celebratus. 366
Friderici III. Daniæ Regis infelix adversus Succos bellum. 187
- genero-
 sitas.* 188
Friderici Wilhelmi Electoris Brandenburgici gesta in bello Sueco-Polono. 186
A Frigidioris rore nocturno quomodo custodienda arbores? 548
Frigoris propagandi ratio. 398
A Frisen (Henr. L. B.) Elogium. 366
Frontalium finium membrana cum tunica spongiosorum ossium narium communicatio. 386
Fructus arborum copiosi quomodo acquirendi? 547
Fulgentii Astigitensis Expositionis in omnes Psalmos editio promissa. 250
Funerum apud Græcos ritus. 53
Gallion, coram quo Paulus Apostolus accusatus fuit, quis? 245
Garimbertus notatus. 184
Geminus quo tempore scripserit Elementa Astronomica? 9
Generales sacrorum Ordinum in Ecclesia Romana non ejusdem cum Papa auctoritatis. 277
Generatio insectorum æquivocatur. 330
Gentilibus num ad salutem aditus pateat? 369
revelationes divina obtigerint? 370
rituum variorum & fabularum occasiones ex Historia sacra nata. 489. 490
 Gen-

Gentilium <i>Theologia explosa.</i>	368	<i>impossoribus confictum.</i>	577
Genuenfis <i>Reipublica Historia.</i>		Grotius (Hugo) <i>num religioni Pontificia fuerit additus?</i>	241 304
Gerhardi <i>de Zutphania duo.</i>	85	Gryphiander <i>notatus.</i>	346
Gildæ <i>num plures in Anglia fuerint?</i>	31	Gudii (Marquardi) <i>in colligendis manuscriptis industria.</i>	139-141
Glacies <i>ex aqua marina concretæ fæsedinis experts.</i>	397	Gustavi Erici <i>in Suecia Regno sibi afferendo solertis.</i>	104
Glandulæ <i>pinæalis usus.</i>	519	Gypsi <i>Leononiensis tres species.</i>	408
Glandularum <i>conglobatarum structura vindicatur a Malpighio adversus Nuckium.</i>	515	Hæretici <i>quatenus in Republica tolerandi?</i>	436
Glandula <i>subrubra in Thunni oculo.</i>	510	Hæreticorum <i>baptisma num validum?</i>	514-515
Gonorrhœæ <i>sedes gennina.</i>	551	In Hæreticos <i>quale jus Imperantibus competat?</i>	468-470-472
Gonorrhœam <i>curandi methodus.</i>	551	Hafniæ <i>obsidio a Carolo Gustavo Sueciæ Rege suscepta, cur fuerit irrita?</i>	188-189
Gossipii <i>Orientalis varia nomina.</i>	534	Halonis (Auli) <i>Carmen de Adventu Jacobi Apostoli in Hispaniam supposititium.</i>	300
Græcarum <i>literarum dignitas.</i>	75	Hauberti <i>Pseudo-Chronicon.</i>	253
<i>Antiquitatum Thesaurus Gronovii.</i>	529	Hebraicæ <i>lingua genesis.</i>	313-316
Græcorum <i>luctus, lugentiumque ritus.</i>	52	Hebraicarum <i>literarum valor & significatio.</i>	314
Grævii (Theodori) <i>in expoliendo Callimacho studium.</i>	488	<i>comparatio cum Sinicis.</i>	314-315
Gratiæ <i>quas Deus hominibus omnibus dat, non necessaria solum sunt, sed & abundantes.</i>	288-290	Helvetius <i>notatus.</i>	550
Gratia, <i>per quam fides confertur, partim mediata, partim immediata.</i>	361	Cum Hepatis, <i>tum diaphragmatis Arteria nova.</i>	387
Gravitatis <i>specificæ quæ ratio?</i>	374	Hermes <i>Trimegistus Chemicorum princeps.</i>	180
Gravium <i>descensus.</i>	2	Hermetis <i>secundi scripta chemica.</i>	180
Gregorii <i>Baruci Martyrologium ab</i>		Hiatus <i>in membrana tympani.</i>	519

- Hieronymi *de providentia opinio.* Hypotheticæ *Physica qua ratio?* 61 475
- Hieronymus *vindicatus.* 6
- in depradicanda vita*
- solitaria nimis.* 67
- Hierosolymitani *Templi Descriptio.* 433
- Higuerae (*Hieronymi Romani*) *frans in Chronicis fictitiis Orbi Literato obtrudendus.* 243. 253
- Higuera *notatus.* 301
- Hilarius *excusatus.* 61
- Hispana *Bibliotheca vetus.* 241
- Historia *Ecclesiastica N. T. Kortbolli.* 438
- Romana Eutropii.* 517
- generalis Anglia.* 399
- Historiæ *Ecclesiastica Summarium Ad. Reichenbergii.* 352
- Seculi XVII, autore Andrea Carolo, Pars I.* 353
- Historica *Bibliotheca Anglicana.* 27
- Homeri *elogium.* 81
- Hominis *forma non est anima rationalis, sed unio anima illius cum corpore.* 478
- Horroris *febrilis causa.* 26
- Horti *Malabarici catalogus.* 533
- Howelius *notatus.* 401
- Hoyeri (*Francisci Henrici*) *methodus convertendi Judæos.* 164
- Huartus *notatus.* 283
- Humoris *crystallini textura.* 509
- Humorum *defluxus.* 108
- Jacobo *num recte Regnum Magna Britannia abrogatum?* 363
- non abrogatum Regnum ob religionem.* 455
- qua causa exilio fuerint?* 456
- Jacobus, *cognomento Justus, non Jacobus Minor, Epistola Canonica auctor.* 35
- Jesuitarum *in propaganda per Chinam Religione Christiana studium.* 492
- Ignis *ortus.* 1
- centralis, terra conflagrationis causa.* 545
- Ignorantia & *error quomodo deferant?* 428
- omnis num sit consequens peccati?* 434
- Ildefonsi *scripta supposititia.* 250
- Ex *Imaginatione vehementi falso derivata prophetia.* 372
- Imagines *Græcorum veterum.* 59
- Imperantium *circa Sacra potestas.* 200
- Indifferentismus *Religionis explosus.* 369. 430. 431. 432
- Indorum *Sapientia Specimen, liber antiquissimus & in varias linguas translatus.* 379
- De *Infantia Servatoris liber ineditus.* 519
- Infan-

- Infantum *sine baptismo deceden-*
tium status ex mente Cardinalis
Sfondrati. 285. 287. 290
baptismus defensius. 36
fides asserta. 37. 40
- Infiniti *Scientia promissa.* 137
- Ab Insectis *quomodo arbores de-*
fendenda? 547
- Insectorum *generatio equivoca ne-*
gatur. 330
- Intellectus *operatio solum perceptio*
est, non item iudicium aut dis-
cursus. 44
perceptio quotuplex? 44
- Investitura *in Feudis ratio.* 150
 152. 153. 157. 158.
- Joannes *Hispalensis Episcopus un-*
de Cacer Almitran dictus? 251
 252
- Johannes Georgius II. & III. *Ele-*
ctores Saxonicæ orationibus Pa-
negyricis celebrati. 166
- S. Johannes *non Philonem sed He-*
reticos sui temporis consutare
instituit. 499. 500
- S. Johannis Evangelii *capitula primi*
versiculi priores octodecim ex-
plicati. 498. 501
- Jonas *num Gentilis fuerit?* 370
- Josephi Patriarcha *nomen Zaph-*
nath-Pabaneach quale? 6
- Josepho *locus de Christo vindica-*
tus. 178
- Josephus Patriarcha *Ægyptiorum*
Scrapia, & Osiris. 7
- Isis *an fuerit ante lapsum?* 543
- Isidororum *Hispalensis & Pacen-*
sis historia. 250
- Isidorus *Cordubensis num unquam*
extiterit? 249
- Isiorum *solennium apud Ægyptios*
tempus. 9
- Isis *Ægyptiorum ad Josephum Pa-*
triarcham relata. 8
- Iso-perimetrarum *figurarum qua*
maximum comprehendant spa-
tium? 214
- In Italia *qua fuerint literarum fata?*
 77. 78
- Judæis *an non nisi in urbibus muni-*
cia Synagogas licuerit exstruere?
 349
- A Judæis *cur tessera lusoria soleant*
exigi? 348
- Judæ *mors.* 73
- Judæorum *mos reum in festo Pa-*
schatos dimittendi improbat.
 89
- Ludi *varii.* 347
- Judæos *convertendi methodus.* 162
- Judaicarum *legum & religionis*
Divinitas asserta. 177
- Judicia *Feudalia.* 152. 154. 159
- Judicium *non intellectus, sed vo-*
luntatis operatio. 442
- Juliani *Chronicon & scripta alia*
a Laurentio Ramirezio edita;
suppositicia. 301
- Julianus *notatus.* 489
- Jupiter *cur citius circa axem re-*
volvatur, quam tollus? 4

Jureconsultorum veterum scripta.

110

Juris Civilis Origines a J. V. Gravina promissa.

74

Jurisprudentiæ fata.

78

Jurium inter & Saurinum controversia.

55

Jurius (Petri) refutatus.

332.

354. 466

Justiniani (Marci Antonii) Venerorum Ducis elogium.

94

Justinus Martyr emendatus.

507.

508

Keithi (Georgii) Quakeri cum Guilhelmo Penn iridem Quakero lites.

393

L Abbeus notatus.

251

Lactis materia chylus, an sanguis?

322

Laga Angli olim non legem, sed regionem notavit.

32

Lapidis Bononiensis Descriptio.

404

Preparatio.

406

Ufus.

407

Latinæ Lingua præstantia asserta.

75

Latinorum auctorum veterum catalogus.

109

Latitudinariæ religionis summa capita ex mente Jurii.

54

Latitudinari unde dicti?

57

Latitudinariorum dogmata de sensa.

493

Laudemialia bona.

160

Lauterbachiani Juris Compendii Supplementum.

24

Compendium illust

lustratum.

551. 552

emendatum.

datum.

553. 554

Legum Civilium origines.

74

Mosaicarum sanctitas vindicata.

375

Lentes optica, quarum diameterrium quatuorve pedum.

414

Ex Lentibus magni telescopia construenda.

419

Lentium opticarum, quarum diameterrium quatuorve pedum, effectus.

415. 599.

Liberi num in visis parentibus in monasteria posint intrudi?

66

Licetus notatus.

405

Lien humano nulla glandula, nec cellula, nec fibra.

15

Lien humani substantia.

14

Ligamenti umbilicalis in homine adulto arteria & lymphaductus.

15

Linden (Jo. Anton. Van der) notatus.

199

Linea brevissimi descensus.

203.

207. 212. 217. 223

Linguae Latinae præstantia asserta.

75

Lingua unica olim toto orbe.

168

Lipsii (Jussi) ultima verba.

327

Lipsius notatus.

245

Literarum fata.

77

Hebraicarum valor &


significatio.

314

Liturgia nova Succin obtrusa.

82

Loga-

Logarithmica *Curva*, ejusque *usus*. 126. 128
 Aoy  cur dicatur Dei Filius? 339
 Longobardicum *jus Feudale* in
subsidium Alemannici receptum. 148
 Lucis *radiatorum curvatura* in me-
dio continue difforni. 203. 208
 Luctus *Iugentinque apud Græcos*
ritus. 52
 Ludi *Judeorum* 347
scenici. 348
 Luitprandi *Chronicon spurium*. 253
 Lullii (Raymundi) *scripta*. 304
 Lullius (Raymundus) *Chemicus*. 181
 Lumen, quod *Quakeri* *jaclant*,
quale? 19. 392
quomodo generetur? 3
Luna per caustica vitra col-
lectum non excitat calorem. 419
 Luminis *natura a Cartesio non*
recte explicata. 323
 Lunæ *lumen per caustica vitra*
collectum non excitat calorem. 419
 Luna *quomodo terra comes facta?* 4
cur idem hemisphærium
semper ad terram convertat? 4
cur non acquisiverit atmo-
sphæram æri nostro similem? 545
 Lutheranæ *Ecclesiæ recentior origo*
objecta. 274. 276
 M Agitratui *quatenus resisti pos-*
sit? 363

Magnetis proprietates explicata. 5
 Mahomedani *negant Christum*
fuisse crucifixum. 522
 Malabarici *horti catalogus*. 533
 Malpighii *Præceptores, honores &*
obitus. 509
 De Marca (Petri) *refutatus*. 197. 198
 S. Marcus *Evangelista quo tempo-*
re passus? 10
quo sensu Petri interpres
dici possit? 35
 Margareta, *Semiramis Septentrio-*
nia, quibus artibus in Suecia au-
toritatem stabiliverit? 100
 Margaritarum *fabrica & materia*. 330
 B. Mariæ *Virginis immaculata*
conceptio adversus Dominicanos
asserta. 483
 Mariani *Scoti Chronicon in Biblio-*
theca Bodlejana. 33
 Maria *telluris primæ & minora ho-*
diernæ. 542
 Marinae *aqua dulcedo experimento*
comprobata. 393
 Marinæus *Siculus notatus*. 299
 Maris *æstus causa*. 4
 Materia *motum non nisi a Mente*
quadam superiore recipit. 174
primum dicitur? 476
num sola sit substan-
tiale principium internum cor-
poris naturalis? 476
qualis Physico sit sup-
ponenda? 477
 Mathe-

- Matheſeos peritia quantum pro-
 fuerit Jeſuitis in Religione Chri-
 ſtiana per Chinam diſſeminan-
 da? 492
 Matthæus num Evangelium ſuum
 lingua Hebraica ſcripſerit? 35
 Maxima & minima determinandi
 ratio ſingularis. 204. 206
 Medicorum ad magnas dignitates
 promotorum exempla. 183
 De Medicorum recentium ſtudio
 Diſſertatio a Malpighio reſuta-
 ta. 517
 A Melancholia falſo derivata pro-
 phetia. 372
 Melchiadis Papa patria & ſcripta
 ſpuria. 249
 De Meleægro aprum conſolidente
 fabula ad Joſephum Patriar-
 cham relata. 9
 Membranz tympani arteriole. 386
 oſcylorum auditus ar-
 teriola. 386
 ſinum frontaliū cum
 tunica ſpongioſorum oſium
 narium communicatio. 386
 Membrana tympani e tribus con-
 ſtat cancellis. 386
 Membrorum in columna diſiſſio
 Goldmanniana. 51
 Per Meningem piam arteriarum
 diſtributio. 386
 Meningis pia in cerebrum ac cere-
 bellum inſinatio per modum
 proceſſuum. 384
 Meninx cerebri intermedia. 386
 Menſæ panum facierum in Templo
 Hieroſolymitano deſcriptio. 454
 Menti cuidam intellectu prædita
 Mundi origo adſcribenda. 174
 Merlini num plures in Anglia fue-
 rint? 31
 Meteora vehementia num in ære
 primævo? 543
 Methodus diſputandi alia contra
 Gentiles, alia contra Hæreticos.
 279. 280
 datum ſpatium, cujus
 quadratura ignota, in data ra-
 tione ſecandi. 410
 Microſcopia ex magnis lentibus
 componenda. 419
 Mincuccii (Antonii) de Prato Ve-
 teri Opusculi Feudaliſ ſata. 161
 Minima & maxima determinandi
 ratio. 204. 206
 Miniſtros Eccleſiæ vocandi juri qui-
 bus competat? 335
 Miracula Moſaica vindicata. 375
 Miraculorum gloria num vera Ec-
 cleſia nota? 277
 Monafteriis num liberi in viſis pa-
 rentibus intrudi poſſint? 66
 Montanus (Jo. Baptiſta) notatus.
 299
 Montium formatio. 542
 Monumenta Antiquitatis varia.
 168
 Moralis Gentilium Philoſophia de-
 ſectus. 368
 Morbi navigantium. 549
 Morborum periodi.
 108
 omnium

<i>omnium causa num ex</i>	<i>serra explicatus.</i>	3
<i>Acido ?</i>	Mundi aeternitas explosa.	169. 170.
<i>causa transpiratio in-</i>		173
<i>sensibilis impedita.</i>	Mundus Menti cuidam intellectu	174
<i>decem genera.</i>	prae data originem debet.	174
Morhofii (Danieli Georgii) elogi-	Musæum Regium Danicum.	381
um.	Musci semina.	510
Morientibus praestita apud Gra-	Musculi subclavii ortus ac insertio.	519
cos officia.		327
Morus (Henricus) notatus.	Musculorum sturvatilium Anato-	327
Mosaica de diluvio historia vindi-	me.	445. 448
cata.	Myteria religionis non contra, sed	328
miracula vindicata.	supra fidem.	385
Mosaicae creationis Mundi Histo-	Mytuli Anatomie.	385
ria veritas asserta.	Narium septi membrana duplex.	385
con-		385
venientia cum aliis antiquis	Nasi cartilagine novem describun-	385
monumentis.	tur.	385
Mosaicae leges vindicata.		387
Mosaicarum Legum Divinitas as-	depingun-	387
serta.	perichondrium.	387
A Mose an descripta creatio uni-	figura deformis & plana un-	387
versi?	de?	387
Moses num Θεῶς cognomine inter	Naturalium rerum Elementa duo.	1
Judaos fuerit celebratus?		549
Mosis stylus in recensenda creatio-	Nautarum & clasfariorum mor-	549
ne.	bi.	506
Motus localis non alia causa, quam	Nazaræi num Divinitatem Chri-	506
voluntas Dei infinite potens.	sti agnoverint?	510
480	Nervi succi existentia demonstra-	518
quantitas quid sit?	tur.	63
corporum caelestium causa.	Nervi periosii.	338. 343
539	Nestorius num jure damnatus?	334. 337. 341
Motus non materia solum, sed &	excusatus.	341
forma & compositi, non nisi a	Nicænum concilium num immune	341
summo Motore.	fuerit a Trisbeismo?	341
478. 479. 480	Ecco	Nicius

- Nicius (*Janus*) *Erythraeus* notatus. 184
- Nicolius *refutatur*. 194
- Ex Nieuwentyt *Consider. secundus Excerpta*. 256
- Nitrum *veterum*. 331
- Noachi *arca* num in *Armenia* subfederit? 541
- Noa *columbam* ex *arca* demittens *occasionem* dedit *augurii*. 489
- Noribergensis *Civitatis Historia*. 545
- In *Nubibus caeli* venire, *iram* ac *vindictam* notat. 72
- Numismata *Danica*. 382, 383
illustrata. 8, 42, 43, 44, 227, 382
- Obligatio ad actus contrarios quomodo consistat? 429
- Oceani *formatio*. 541
- Officia hominis erga Deum, se ipsum, & homines alios. 24
- Olei *terebinthina* *vis* *stiptica* insignis. 119
- Ὁμολογία quid *Patribus* nonnulla? 341
- Opiata *febrim* *exacerbant*. 550
- Orationes *Schurzscie* *bii*. 369
- Oratoriae *Altionis* *specimen*. 464
- Ordinum *Architectura* *divisio* & *attitudo*. 51
- Orientalium *gentium* *genus* *philosophandi* *mysticum*. 378
- Origenes *unde* *errores* *quosdam* *suos* *hauferit*? 230
notatus. 527
- Osiris *Aegyptiorum* *Josephus* *Patriarcha*. 7
- Ossa *Elephantum* in *Thuringia* *effusa*. 10
- Osculorum *auditus* *membrana arteriola*. 386
- Ostreorum *Anatome*. 328
- Pædobaptismus *defensus*. 35
- Pandectarum *Synoptica* *Tractatio*. 23
- Paradisi *locus*. 541
- Parentibus *inuitis* num *liberi* in monasteria *recipi* possint? 66
- Parliamenti *Anglicani* *antiquitas* & *autoritas* *asserta*. 402
- Partium, ex quibus *ordines* *Architectorum* *componuntur*, *dimensio*. 51
- Pascha num *Christus* *ante* *sua* *passionem* *cum* *discipulis* *comederit*? 88
- In *Paschatos* *festo* *reum* *dimittendi* *consuetudo* *apud* *Judaos*. 89
- Patres *Ante-Nicani* num *Arianorum* *doctrina* *faverint*? 61
- Post-Nicani num *Tritheismo* *faverint*? 62
- Ante-Nicani *necessariam* *credit* *statuerunt* *Christi* *Divinitatem*. 505
- Patriam *alii* *amore*, *alii* *odio* *prosequuntur*. 88
- Patriarchalis *anni* *initium*. 541
- Patrum *primitiva* *Ecclesia* *defensus*. 61
- Pausanix *editiones* *variae*. 97
- Pau-

Paufanias notatus.	42	Petronius emendatus.	238
Peccata contra conscientiam num semper graviora sint peccatis per ignorantiam?	428	Super Petrum quo sensu fundata dicatur Ecclesia?	273
Pectunculi striati vulgaris Ana- tome.	328	Pitfeus (Johannes) notatus.	30.31
Penn (Gustelmi) Quakeri cum Quakero alio Georgio Keitho litex.	393	Pharao num idem quod Rex?	171
Perichondrium nasi.	385	Philologica Miscellanea Cbrvrai.	234.238
Perihelii planete cur velocius, a- phelii tardius moveantur?	4	Philonem refutare num propo- situm fuerit S. Johanni Evangeli- sta?	499
Perioftii vasa sanguifera.	15	Philosophiæ Practicæ Elementa.	293
nervi.	518	Philosophia fabularis apud Orien- tales aliasque gentes.	378
Perronii Cardinalis de Bellarmino judicium.	310	Moralis Indorum, li- ber antiquissimus.	379.380
Personæ vox num in S. Trinitatis mysterio rite adhibeatur?	60	Pholadis alie striate Anatome.	329
non proprie, sed per ana- logiam, in mysterio S. Trini- tatis accipitur.	315	Phonasci Germanorum, Meister Cänger.	349
Personam ab Essentia quomodo distinxerint Patres Nicani?	334.341	Phosphori Bononiensis Descriptio.	404
Peruviani corticis assumendi me- thodus.	557	preparatio.	406
in febribus epi- demici ac petechialibus quoque efficacia.	27	usus.	407
virtus ex sapore adstringente baud dependet.	27	Phthifcos causa & remedium	556
Petavius (Dionysius) notatus.	9.62	Physicæ principia ab Hartsoeckero tradita.	1
Petitus notatus.	372	doctrina difficultas.	474
Petri abnegatio Christi quomodo contigerit?	68.71	usus Theosophicus & Mo- ralis.	482
Petrificationis ratio.	331	Pinealis glandula usus.	519
		Piscis Xiphia Anatome.	509
		Planete cur in uno fere moveantur plano?	4
		Aphelii cur tardius, Peri- helii velocius moveantur?	4
		Planete formatio ex Cometa.	540
		Eccc 2	Planec-

Planetarum <i>formatio</i> .	2	Pontificum Romanorum Archidia-	
<i>motus cur non cre-</i>		<i>tri.</i>	181
<i>scant velocitate?</i>	4	<i>quanta</i>	
<i>figura.</i>	540	<i>olim fuerit auctoritas?</i>	198
Plantarum languentium <i>curatio</i> .	548	<i>infalli-</i>	
Platonis <i>commentatores vetusti, e-</i>		<i>bilitas oppugnata.</i>	265-269
<i>tas &c.</i>	141	<i>pro-</i>	
Plenitudo nimia unde?	549	<i>pugnata.</i>	276
<i>morborum cau-</i>		Porticus Porta in Templo Hieroso-	
<i>sa.</i>	549	<i>lymitano Descriptio.</i>	453
Plinius <i>notatur.</i>	144	Prædestinationis <i>series ex mente</i>	
<i>emendatus.</i>	244-245	<i>Cardinalis Sfondrati.</i>	235
Pluvix creberrima febris epidemica		<i>nodus dissolutus.</i>	
<i>occafio.</i>	26	<i>absolutum decre-</i>	281
Podagræ ortus num ab acidis?	556	<i>tum rejectum.</i>	284-286
<i>nodi unde?</i>	556	Prætorium <i>quid?</i>	71
Poëmata Lomeieri.	90	Precum <i>vix in impetranda gratia</i>	
<i>Dan. Georgii Morbosi, &</i>		<i>Divina.</i>	291
<i>de iis Henr. Muhlii iudicium.</i>	261	Principibus <i>num in conscientias</i>	
<i>Petri Francii.</i>	350	<i>subditorum jus competat?</i>	466
Poësis <i>qua ratione fabulas in usus</i>		Principum Germania <i>investitura-</i>	
<i>suos convertat?</i>	81	<i>rum simultanearum que ratio?</i>	160
Poëtæ <i>veteres cum recentioribus</i>		<i>jura.</i>	156-157
<i>comparati.</i>	262	Priscilliani <i>historia expedita.</i>	247
Poëtarum veterum <i>Fragmenta a</i>		Problematis Beauniani <i>solutio.</i>	413
<i>quibus collecta?</i>	110	Prophetæ <i>cur civibus suis invisi?</i>	86
Poëtica Aristotelis.	377	<i>verâ revelatione Divina</i>	
Poirters (Adriani) <i>Poëmata.</i>	124	<i>gavisi.</i>	371
Polonia bello a Succis <i>petita.</i>	185	<i>num melancholici omnes</i>	
Polytheismum <i>inter & Trithei-</i>		<i>fuerint?</i>	372
<i>smum Christianorum nonnullorum</i>		<i>num non nisi vehementi</i>	
<i>quid intersit?</i>	342	<i>imaginatione occupati futura</i>	
Pontificatus apud Judæos <i>num fue-</i>		<i>prædixerint?</i>	372
<i>rit annuus?</i>	70		

Pulmonalium vasorum per tussim ejection nulla.	16	Rationis iudicium in rebus Theolo- gicis quanti?	63
Pulverum testaceorum usus.	331	usus in rebus ad fidem pertinentibus.	448
Purgantium laus.	550	Ratio num Scriptura repugnet?	343
Pyloricirculus carneus accurate illum occludens.	519	humana num mensura & ca- non veritatis?	445. 446. 447
Q uadratura figurarum curvili- nearum per transpositionem.	113	Refractio insolita Solis.	92
circuli.	410	Regnum Christi quale?	111
Quakeri oppugnati.	391	Regum potestas circa sacra.	200
Quakerismi in Anglia origo.	393	Religio naturalis num olim obtri- nueris?	367
Quakerismus constitutus.	17	num Gentilibus salvandis suffecerit?	368
unde incrementa ce- perit?	18	De Religione controversia quomo- do examinanda?	195
Quakerorum, quod jactant, lu- men quale?	19	Religionis causa num Principi ob- sequium renunciare liceat?	362
tremor unde?	21. 23.	Indifferentismus explo- sus.	369
infallibilitas explosa.	392	libertas quousque exten- denda?	426. 430
disidia intestina.	393	evidentia qualis?	432
Quantitas motus quid sit?	1	cura quatenus ad sum- mos Imperantes spectet?	467
Quantum num sit divisibile in infi- nitum?	323	libertas quomodo con- stringi ab Imperantibus possit?	468
R adiorum lucis curvatura in medio continue difformi.	203. 208	Christiana libertas in China permissa.	491
Radius circuli osculatoris qualis sit in flexu contrario?	411	capita ex men- te Latitudinariorum.	474. 495
Ragotii Transylvania Principis infelices adversus Polonos cona- tus.	187	excellentes.	8
Supra Rationem & contra ratio- nem esse, quomodo differant?	445. 447.	Religionum conciliatio periculosa.	82
		Ren monstruosus.	332
		Eccc 3	Reve-

- Revelationes Divinae num Gentilibus etiam obtigerint? 370
- Rheumatismo acida remedia convenientiora. 536
- Romana Ecclesia oppugnata. 264
propugnata. 272
- Romanæ Ecclesiæ veritas propugnata. 274-279
antiquitas. 275
apostasias negata. 275
- Romanarum Antiquitatum The-
saurus J. G. Gravii. 432
- Romani civis character. 79
- Romanorum Pontificum infallibilitas oppugnata. 265
pro-
pugnata. 276
- Sacerdotia apud Gentes plures hereditaria. 490
- A Sacerdotio exclusi aliqua corporis parte mutili. 490
- Salis coquendi ratio promota. 398
- Salmasius notatus. 226
- Sandius (Christophorus) notatus. 300
- De Sanguine Christi Dissertatio-
nula J. F. Kaberi. 503
- Sanguinis Christi reliquia sub exam-
en vocata. 503-504
humani Historia pro-
missa. 557
- Sanguis materia lactis. 322
- Sari Chaldei quid? 171
- Saurium inter & Jurium contro-
versia. 55
- Scaliger (Josephus) notatus. 9-246
- Scapi columna contractio. 51
- Scepticismi accusata Ecclesia Ro-
mana. 264
- Scepticismus impugnatus. 430-432
- Schall (Joannis Adami) in China
fata. 492
- Schottus (Andreas) notatus. 245
- Scientia infiniti promissa. 137
- Scioppius (Gaspar) notatus. 308
- Scorbuti origo. 550
symptomata unde? 555
- Scotix Reges num homagium olim
Angliæ Regibus præstiterint? 400
- Scribæ qui & quales apud dixer-
fos populos fuerint? 89
- Scriptura S. num Traditionum ad-
miniculo indigeat? 34
num rationi repugnet? 343
- Scripturæ S. Divinitas quomodo ex
characteribus ejus internis pro-
baretur? 355-359
quomodo ex
testimonio & operatione Spi-
ritus S. innotescat? 355-357
evidentia asserta. 355-359
- Ex Scriptura S. Veteris Testamen-
ti multarum fabularum nata o-
lim Gentilibus occasio. 489-490
- Scripturæ S. versiones Gallica, in-
primis Genevensis, reprobata. 228

NOTABILIORUM.

589

<i>Versionis nova Linea- menta.</i>	<u>227</u>	<i>Malach.</i>	<u>I.</u> 10. 11.	370
<i>auctoritas quomodo extestimonio Ecclesie, Ecclesie vicissim ex Scriptura probari possit?</i>	<u>279.</u> 281	<i>Matth.</i>	XI. 20.	288
<i>Scripturæ S. loca illustrata.</i>			XVI. 18.	<u>197. 273</u>
<i>Gen. III. 8.</i>	376		XXII. 19.	<u>227</u>
<i>IP. 7.</i>	230		XXIII. 2. 3.	195
<i>XI. 1.</i>	<u>229</u>		XXVI. 17. <u>sqq.</u>	88
<i>XLI. 4.</i>	6		53.	<u>70</u>
<i>Exod.</i>			<u>75.</u>	73
<i>III. 2.</i>	<u>424</u>		XXVII. 2.	<u>73</u>
<i>IV. 16.</i>	425		<u>9.</u>	<u>73</u>
<i>VI. 3.</i>	425	<i>Marc.</i>	XXVIII. <u>19.</u>	37. 195
<i>VIII. 26.</i>	<u>426</u>		X. 14.	<u>36</u>
<i>IX. 31.</i>	<u>317</u>		XIV. <u>12. sqq.</u>	80
<i>XVII. 6.</i>	<u>489</u>		<u>41.</u>	<u>70</u>
<i>Num.</i>			51.	<u>71</u>
<i>XI. 15.</i>	<u>319</u>		62.	<u>72</u>
<i>XXIV. 1.</i>	<u>489</u>		<u>71. 72.</u>	<u>73</u>
<i>Deuter.</i>			XVI. 15.	<u>37</u>
<i>XXI. 11. <u>sqq.</u></i>	232	<i>Luc.</i>	III. 2.	<u>70</u>
<i>Jud.</i>			XIV. <u>28.</u>	<u>67</u>
<i>XV. 19.</i>	231		XXII. <u>7. sqq.</u>	80
<i>2. Reg.</i>			31.	68
<i>V. 18.</i>	232		39.	68
<i>Psalms.</i>			44.	<u>70</u>
<i>LXXII. 1.</i>	111	<i>Job.</i>		
<i>Esai.</i>			I. 1.	339
<i>XIII. 12.</i>	228		III. 5.	<u>41. 42.</u>
<i>XXIV. 17. 18.</i>	<u>348</u>		XVII. <u>9.</u>	<u>286</u>
<i>Ezech.</i>			XVIII. 1.	69
<i>XX. 25.</i>	230		<u>13.</u>	<u>70</u>
<i>Hof.</i>			<u>24.</u>	<u>71</u>
<i>XIII. 6.</i>	<u>318</u>			<i>AF.</i>

			Septinarium membrana duplex.	
	<u>I.</u>	18.	<u>73</u>	385
	<u>IV.</u>	6.	70	Sepulturæ apud Græcos ritus. 54
	<u>XV.</u>	28.	195	Serapia quo tempore apud Aegy-
	<u>XVIII. 12.</u>		245	ptios celebrata? 10
	<u>XXIII. 5.</u>		72	Serapis non alius quam Josephus
Rom.				Patriarcha.
	<u>IX.</u>	15.	286	Sfondrati (Calestini Cardinalis)
	<u>X.</u>	14.	290	scripta edita & inedita. 281
1. Cor.				Simonis (Richardi) Critica Novi
	<u>II.</u>	14.	358	Testamenti refutata. 33
	<u>IV.</u>	7.	287	Sindon Marci XIV. 51. quale te-
Eph.				stimenti genus? 71
	<u>V.</u>	26.	40	Sinenfium Chronologia fabulosa.
Gal.				172
	<u>V.</u>	24.	37	Sinicz literæ cum Hebraicis com-
<u>L. T^m.</u>				parata. 314. 315
	<u>II.</u>	14.	228	Smaragdina Tabula Hermetis. 180
1. Job.				Sociniani diuisione Norica pulsi.
	<u>V.</u>	7.	192	146
Hebr.				Socinianorum cum Latitudinariis
	<u>XI.</u>	<u>L.</u>	60. 357	comparatio. 58
Apoc.				A Sole cometa calefiunt. 540
	<u>VI.</u>	1. 599.	86	Soliditatis origo. 1
	<u>VII.</u>	1. 599.	87	Solidum æquale sphaeroidi oblongo
	<u>VIII.</u>	1. 599.	87	& depresso quomodo inuenien-
	<u>XXII.</u>	18.	228	dum? 114
Seeftedii (Hannibalis) in Cornifi-				Sol inoccidens. 91
cium Ulfeldium dolus.			190	Solis refraction insolita. 91
Semina plantarum quarum in a-				Sorabicz lingua origines. 96
qua emollienda?			548	Spanhemii (Ezechielus) de Vesta
Seminis masculini vermiculi an-				& Prytanibus Græcorum Dia-
fatus materiam constituent, du-				triba auctior edita. 441
bitatur.			330	Spartianus emendatus. 246
Seneca emendatus.			218	Specus subterranei quomodo ori?
Sensus quomodo falli possint?			431	545
				Spel.

Spelmannus (*Henricus*) notatus. 32

Sphaeroides tellus unde? 543

Spinoza refutatus. 175. 176

Spiritus S. quomodo fidem in credentibus gignat? 357

Sponsiones quam vim habeant obligandi? 65

num citra conscientia

lesionem fieri possint? 65

Stellæ fixæ cur non minuantur? 3

in hexaëmero creationis Mo-

saica facta. 536

Stigmatum varia genera. 89

Stylus Moysi in recensenda creatio-

ne. 536

Successionis Feudalis quæ ratio?

157. 160

Succi nervi existentia demonstra-

ta. 510

Sudor Christi sanguineus qualis?

69

Sudorifera quando non adhiben-

da? 550

Succix Regibus Episcoporum nimis

potentia damnoſa. 99

Sueciam ad Romanam Religionem

reducendi conatus. 82

Suécici Regni vicissitudines. 98

Suecorum in Polonos bellum. 185

Suecos inter ac Danos bellorum

historia. 101

Suidas emendatus. 238

Symboli Apostolici successiva in-

crementa. 196

Hierosolymitani antiqui-

tas asserta. 507

Symbolum, quod vocant, Aposto-

licum, privatum fuit Ecclesia

Romana Symbolum. 507

Synagogæ etiam in vicis exstructa.

349

Synedria apud Judæos quando ce-

perint? 177

Synodorum in Fœderato Belgio

multus usus. 55

TAmajus (Joannes) fraudis po-

stulatus. 100

Tangentes ducendi methodus. 138

Tarnovix latitudo. 92

longitudo. 93

Tarfeorum nummus explicatus.

44

Telescopia ex magnis lentibus con-

struenda. 419

Tellinæ fasciata Anatome. 328

Telluris excentricitas an minua-

tur? 4

theoria nova. 535

formatio. 542

primæviæ maria minora

bodicæni. 542

status. 543

orbis circularis ante

lapsum. 543

vertigo diurna quando

inceperit? 543

fissura unde? 543

Tellus num diurno motu semper

motasuerit? 541

olim cometa. 541

sphaeroides unde? 543

Ffff Templi

- Templi Hierosolymitani ichnographia. 449
 Templorum sacraria apud Gentiles. 490
 Terebinthinæ olei vis stipitica insignis. 319
 Termini Scholasticorum e S. Theologia eliminandi? 59
 Terminorum Scholasticorum in Theologia usus. 335
 Terræ motus explicatur; calor internus unde? 542
 conflagrationis causa centralis ignis. 535
 conflagratio quomodo futura? 545
 status post conflagrationem. 546
 motus ex fermentatione orti. 5
 Terra primæva non multum diversa a nostra. 543
 ante-diluviana quomodo perditæ, quoad usus nostros? 544
 in Cometam mutanda. 546
 Testaceorum animalium exuriatur nobis in terra occurrant? 545
 pulverum usus. 331
 Testamentum Caroli M. illustratum. 420
 Testarum conchyliorum cum lapideis convenientia. 331
 fabrica & natura. 330
 fossilium quot dentur genera? 331
 In Testiculis vasculorum seminalium exortus. 519
 תנא quid significet? 318
 Theodosii Imperatoris Aula sancta descripta. 123
 Theologiæ systema sub schemate doctrina 3 Ceterum de Testamentis. 319
 Compendium Sebastiani Schmidii. 436
 Theologia Gentilium explosa. 368
 Theologica dogmata expressis verbis non tradita, recte per consequentias stabiliuntur. 35
 Thuani (Jac. Augusti) Elogia doctorum hominum. 90
 In Thunni oculo subrubra glandula. 510
 Tillotson (Joannes) defensio. 362
 Tincal quale sal? 331
 Tinctoriæ artem Christus exercuisse Persis creditur. 512
 Tolandus (Joannes) auctor libri de Christianismo nihil mysterii habente refutatur. 442
 Tostati (Alphonfi) ingenium & scripta. 305
 Traditiones Apostolorum vindicata. 523
 Traditionis quæ auctoritas in controversiis Fidei? 193
 Traditionum incertitudo. 265
 Traditio num Scripturam S. suppleat? 34
 Transpiratio insensibilis impedita, morbo-

<i>morborum causa.</i>	<u>549</u>	<i>auctoribus saepe fraudi sunt.</i>	<u>144</u>
Tremor Quakerorum unde?	<u>21. 23</u>	Tzetzes notatus.	<u>42</u>
Triglyphorum distribuendorum ratio.	<u>51</u>	Variolas curandi methodus.	<u>555</u>
S. Trinitas num Patribus Nicanis recte intellecta?	<u>334. 339</u>	In Variolis num diaphoretica usui sint?	<u>555</u>
evidens est evidentia testimonii, non evidentia obiecti.	<u>337</u>	Vasallorum servitia judicialia.	<u>152</u>
S.S. Trinitatis in Deitate ratio ex mente Latitudinariorum.	<u>496</u>	Vasallum inter & Dominum obligatio qualis?	<u>151</u>
Tricheismo num Patres Post-Nicanis fuerint additi?	<u>62</u>	Vasconcellorum de Figueredo (Antonii & Scipionis) gestapro Antonio Lusitania Rege.	<u>134</u>
Nicani & Post-Nicanis fuerint additi?	<u>334</u>	Vasculorum seminalium in testiculis exortus.	<u>519</u>
Tricheismus a Polyschemo Gentilium distinctus.	<u>342</u>	Vasorum pulmonalium per tussim ejectio nulla.	<u>16</u>
Tricheitarum haeresis unde orta?	<u>62</u>	Vas peculiare utrum vacca perreptans?	<u>514</u>
Trithemius illustratus.	<u>248</u>	Venæ bronchialis nulla necessitas?	<u>16</u>
Tuliparum commercium & pretium enorme.	<u>548</u>	umbilicalis in fœtu humano arteria & lymphaductus.	<u>19</u>
Tunica vesicula fellea glandulosa.	<u>15. 17</u>	Venatio Judæis recepta.	<u>348</u>
allantoides seu urinaria.	<u>519</u>	Veneta Bibliotheca expilata.	<u>145</u>
fœtui humano vindicata.	<u>519</u>	Venetæ Reipublica Historia.	<u>133</u>
Turcæ Christum crucifixum fuisse negant.	<u>522</u>	Venetorum Ducum Historia.	<u>94</u>
Tutelæ Feudalis ratio.	<u>157. 158</u>	Ventorum causa ordinaria.	<u>2</u>
Tympani membrana arteriola.	<u>386</u>	Veritas num certo ab hominibus cognoscipossit?	<u>430. 431</u>
membrana eæ tribus constitat cancellis.	<u>386</u>	Veritatis regula num humana ratio?	<u>445. 446. 447</u>
In Tympani membrana biatus.	<u>319</u>	infinitat.	<u>446. 447</u>
Tympanitidis curatio.	<u>556</u>	Vermiculifemini masculini qualia animalcula?	<u>330</u>
Typographorum errata librorum		Versiones & Scriptura Gallica, imprimis Genevensis, reprehensa.	<u>228</u>

- inharentes inepta.* 239
Versionis nova S. Scriptura Lineamenta. 227
Vesiculæ felles tunica glandulosa. 15. 17
Vigilantius Hispanusne an Gallus nationes fuerit? 249
Ulfeldi (Cornificii) fata. 190
Umbilicalis ligamenti in homine adulto arteria & lymphaductus. 15
vena in fœtu humano arteria & lymphaductus. 15
Universi creatio an a Mose descripta? 535
Vocatio Ministrorum Ecclesiæ penes quos? 324
Voluntatis Divina in antecedentem & consequentem distinctionem explicata. 282, 287
universalis efficacia explicata. 283, 288
Voluntatis, non intellectus, operatio est iudicium. 443
- Vossii (Gerhardi Johannis) Historia Pelagiana suppleta.* 226
Vossius (Isaacus) notatus. 142
Ureteres in cadavere virili aliquando quatuor. 519
Urim & Thummim quid? 426
Usurpatio num actibus legitime accensenda? 75
W*Eidenfeld (Jo. Segeri) de Secretis Adeptorum liber.* 181
Wettinensium Comitum origines & successiones. 531
De H. Whartoni Anglia Sacra iudicium. 28
Wilhelmi Principis Auriaci in Anglia solum evelli historia. 460
X*Imenez (Roderici) Chronicon auctori vindicatum.* 302
Xiphiae piscis Anatomie. 509
Z*Abiorum gens nulla.* 375
Zaphnath-Pahaneach nomen Josephi Patriarchæ. 6
Zutphanienses viri clari. 85

ERRATA.

In Actis A. 1696. pag. 118. lin. 25. pro *Canonici Regularis lege ex Clericis Regularibus, vulgo Theatinis.* In Actis hujus anni pag. 49. lin. ult. lege *indignitatem*. Pag. 50. l. 1. pro *Gorhofredus lege Georgius*. Pag. 366. l. 7. pro *fratribus Knauthiis, lege Fratris ipsius & Knauthio*. Pag. 391. l. 17. pro *quos lege quæ.*



